

*31. K. 30.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

*31.K.30



ACTA ERUDITORUM,

A N N O
M DCC XXVI.

publicata.

*Cum S. Cæsareæ Majestatis & Regis Pol.
atque Electoris Saxoniae Privilegiis.*

LIPSIÆ,

Prostant apud JOHAN. GROSSII Hæredes,
JOH. FRID. GLEDITSCHII B. FIL.
ET
THOMAM FRITSCHIUM.

Typis BERNHARDI CHRISTOPH. BREITKOPFII.
A. M DCC XXVI.



No. I.

ACTA ERUDITORUM,

publicata Lipsiæ

Calendis Januarii Anno MDCC XXVI.

THESAURUS MONUMENTORUM ECCLE-
siasticorum & Historicorum, sive HENRICI CANISII
Lectiones Antiquæ, quibus Præfationes Histori-
cas &c. adiecit IACOBUS BASNAGE.

Tom. II. Pars I. II. III.

Antverpiæ, apud Rudolphum & Gerhardum Westlenios, 1725, f.
Alphab. 14 plag. 7.

QUa fide obstricti tenemur Lectori Benevolo, eam li-
beraturi, postquam, quæ Veterum scripta in primo hujus
Thesauri Volumine suo se ordine excipiant, mense
superiori exposuimus, jam de præsentī dicemus. Tri-
bus potissimum Partibus absolvitur, qui hic sistitur,

Operis hujus Tomus secundus, prima illarum exhibente scripto-
res, qui octavo, secunda & tertia eos, qui nono post Christi
nativitatem Seculo aut christianæ Religionis veritatem adversus
infideles & hæreticos assertum iverunt, aut aliis pro commodis
Ecclesiæ scriptis inclaruisset, dicendi sunt. Inter illa Partis prio-
ris primo quidem loco habentur, quæ ante Canisium publicam
lucem nondum aspexerant, *Acta sancto Cuthberti, Lindisfar-
nenfis Episcopi*, a Venerabili Beda Heroico Carmine conscripta, tum
S. Joannis Damasceni contra Acephalos seu potius *Jacobitas* Liber,
una cum *ejus adversus Nestorianos Dissertatione*, cui præmissa
doctissimi P. Le Quien, Damasceni Operum Editoris novissimi,
in hanc Dissertationem *admonitio*. Sequuntur *S. Zachariæ, Pon-
tificis, sex cum dimidio Capita* ex Libro tertio Dialogorum Gre-

pag. 5.

29.

66.

91.

A

grogii

- pag. 105. gorii M. quæ Græce hucusque desiderata fuerant; *Willibaldi*,
 125. primi Episcopi Aichstadiani, fratrisque, *Wunibaldi*, Sanctorum
Vita, quibusdam Sanctimonialibus Heidenheimensibus scriptæ;
 139. ut & *S. Lamberti*, Traiectensis Episcopi & Martyris *Vita*, cum
 145. ejus *Revelatione*, anonymo quidem, *συγγεγραμμενη* tamen Autore.
 155. Præter hæc *Collectio Historica Chronographica*, sex Libris, quo-
 rum primus *Julio Africano*, secundus & tertius *Idatio*, *Thoro-*
macho quartus, sextus *Fredegario* ex Cl. Bafnagii sententia tribu-
 itur, contradicente Canisio, qui hunc assignat *Thoromacho*,
 quintus hujus Collectionis Libro, quia sæpe jam editus fuerat,
 imprimis a Ruinarto ad calcem Gregorii Turonensis, prorsus
 omisso a primo hujus Thesauri Autore, Canisio, qui saltem ea,
 quæ in Bibliothecis tenebris obducta delituerant, in lucem pro-
 ducere voluit. Continentur porro in prima hujus Voluminis parte
 232. *de Vita S. Bonifacii*, Martyris, Germanorum Apostoli & Archi-
 Episcopi Monguntini Liber, S. Willibaldo, Episcopo Eichstadi-
 253. ano Autore; *Collectanea* incerti Autoris contra Severianos & *Ace-*
 266. *phalos*, Francisco Turriano Interprete; *Epitome Canonum*, quam
 Adrianus, Sedis Romanæ Episcopus hoc nomine primus, Carolo
 297. M. Romæ obtulit; post *Eberii*, Uxamensis Episcopi, & *Beati*,
 376. Presbyteri, *adversus Elipandum*, *de Adoptione Christi*, *Filii Dei*,
 Libri duo; *Supplementum ad Alcuini Librum*, *de Virtutibus &*
 384. *octo vitiis principalibus*; *Flacci Alcuini Epistola*, ejusque in *Nata-*
 460. *lem S. Willibrordi Homilia*, & *de vita rebusque gestis Willibrordi*
 463. *liber*, Carmine conscriptus. Tandem *Carmina* incerti Autoris
 474. *de Carolo M. & Leonis Pontificis maximi ad Carolum adventu*; Al-
 488. cuini *Dialectica & Grammatica* una cum duabus ejusdem Episto-
 540. lis, *de certo Canticorum loco* altera, altera *de Ceremoniis Baptismi*
 543. ad Carolum Imperatorem Augustum. Sunt hæc Veterum Opera,
 quæ primæ hujus Voluminis parti inserta leguntur. Sequitur Pars
 secunda, quæ scripta complectitur, quibus in Oriente & Occi-
 dentem quidam inclamarunt seculo nono Ecclesiæ Doctores. Et
 sunt inter illa *S. Nicephori*, Patriarchæ Constantinopolitani, *Opu-*
 4. *scula quatuor contra Iconomachos*, quorum I duodecim capita
 7. habentur contra *Principes Apostasia de Incarnatione Christi*, II de-

cem

<i>com Sylogistica Demonstrationes, de differentia imaginis Christi & crucis, III de Cherubinis a Mose factis, IV nonnulla ex Libro Nicephori de Imaginibus. Deinde Tractatus de Benedictione Dei seu Commentarius, quomodo Deus precipue per Psalmos benedicendus atque laudandus sit, Autore anonymo, sed, ut videtur, Monacho Ratisbonensi, ad Bathuricum, Ratisbonensem Episcopum; Francicorum Annalium fragmentum ab anno 741 usque ad annum 793; Theodulfi, Aurelianensis Episcopi, Elegie Epistolares de suo exilio ad Modoinum & Aigulfum, cum Modoini ad Theodulphum responsoria Epistola Elegiaca & hujus aliorumque quibusdam Carminibus. Sequuntur Haliugarii, Cameracensis Episcopi, de Vitiis & Virtutibus & ordine Penitentium Libri V, ad Eboneim, Rhemensem Archi-Episcopum, cum nonnullorum ejusdem argumenti Epistolis; tum S. Isidori de conversis seu ad Monachos Libellus, Vita S. Solæ, Abbatis Angli, ab Ermenoldo, Diacono & Monacho, scripta, Walafridi Strabi vel Strabonis varii argumenti Poemata, & Walafredi, Abbatis, de Subversione Hierosolymitana sermo, quem excipiunt Rhabani, Archi-Episcopi Moguntini, Penitentiale, ejusque Martyrologium; Synodus Regiaticina cum Ticinensi Conventu & Caroli M. Genealogia, Autore anonymo; tandem Photii, Patriarchæ Constantinopolitani, ad Michaellem, Bulgarorum Regem, Epistola, cum sex Dissertationibus de Divinitate & Incarnatione, nec non de Voluntatibus in Christo, quæ Gnomica dicuntur, libro, eodem Autore, Photio; quibus adjecta est Stewartii de descriptione Photiana, & quantiponderis sint, quæ pro stabilienda sua sententia profert argumenta, Dissertatio. Theodori Hagiopolitani tres Dissertationes, I de Nomine Dei, II de Deo & Deitate, III Disputatio cum Nestoriano; Francisco Turriano Interprete, ejusdemque de Unione & Incarnatione Tractatus. Tandem tertia & ultima hujus Voluminis Parte exhibentur S. Desiderii, Viennensis in Gallia Episcopi, Martyrium, ab Adone collectum, ejusdem Ecclesiæ Episcopo; Anastasii, Abbatis, contra Judæos Liber, & contra eardem Collectanea; duo de Gestis Caroli M, ad Carolum Crassum, Imperatorem, Libri, a Sangallenfi Monacho scripti. Præter hæc Notkeri, cognomento Balbuli, Monachi S. Galli, Martyrologium;</i>	p. 8. 15. 23. 48. 65. 69. 72. 88. 153. 169. 183. 277. 293. 314. 369. 372. 382. 420. 439. 459. 467. 474. 5. 12. 41. 57. 89.
---	--

P. 190.
239.
256.
268.

Hymni Sacri antiquorum Patrum Monasterii S. Galli, cum Salomonis, Episcopi, ad Dadonem, Episcopum, Carminibus; quibus accesserunt S. Gregorii M. Papa, Autore incerto, & S. Walpurgis, Virginis & Abbatissæ Heidenheimensis, Autore Wolfhardo, Monacho Hasenrietano, Vita, quæ finem imponunt Operi. Atque hæc sunt, quæ in secundo hujus Thesauri Volumine habentur, medii quidem ævi antiquitatis Ecclesiasticæ monumenta, quæque a Canisio e tenebris in lucem protracta, suo quæque Seculo asserta leguntur a Cl. Basnagio. Neque hic suam deliderari passus fuit industriam Vir doctissimus, ejus unice studio & labori debemus, quod adeo politus & excultus prodeat ille Lectionum Canisii Tomus secundus. Etenim præter Præfationes Historicas, unicuique Autorum notas adjecit & animadversiones Criticas, quæ dum magna ubique doctrina refertæ sunt, non possunt non lucem fœnerare medii ævi Historiæ, in tanta Doctorum paucitate, tanto ingeniorum stupore, interdum obscurissimæ. Quæ peculiare sint Operis hujus virtutes, nuper exposuimus, de reliquis, quæ adhuc supersunt, Voluminibus proxime dicturi.

I CESARI IN METALLO GRANDE DA GIULIO

Cesare fino al Elio &c.

i. e.

IMPERATORES IN ÆRE MAGNO A JULIO

Cesare usque ad Ælium collecti in Museo Farnesiano; Tomus VI, Autore PAULO PEDRUSIO, S. J.

Parmæ, e Typogr. Ducali, 1714, f.

Alph. 4 pl. 18 Tabb. æn. 40.

I CESARI IN METALLO GRANDE &c.

i. e.

IMPERATORES IN ÆRE MAGNO, AB ANTONINO

Pro usque ad Gordianum III; Tomus VII, eodem Autore.

Ibidem, 1717, f. Alph. 5 pl. 8 Tabb. æn. 43.

I CE-

MENSIS JANUARIi A. MDCCXXVI.
I CESARI IN METALLO GRANDE, CON PAR-
te di Cesari in Metallo mezzano &c.

i. e.

IMPERATORES IN ÆRE MAGNO A M. J.
*Philippo usque ad Posthumum, cum parte Imperatorum
in ære mediocri & minimo; Tomus VIII, Opus
posthumum ejusdem Autoris.*

Ibidem, 1721, f. Alph. 2 Tabb. xn. 23.

I CESARI IN METALLO MEZZANO
e Piccolo &c.

i. e.

IMPERATORES IN ÆRE MEDIOCRI ET
*minimo; Tomus IX, qui complectitur nummos Domitiani,
Domitillæ & Julię Titi; opera PETRI
PIOVENE, S. J.*

Pariz, e Typographia Ducali, 1724, f.

Alph. 3 pl. 5 Tabb. xn. maj. 9 cum aliis passim insertis.

Operis præclari, & cum immortalī laude Serenissimi Parmensium Ducis, FRANCISCI II, cujus auspiciis id prodit, conjuncti, inter mortuam quodammodo, incertum quo casu, in his Actis nostris memoriam peropportune resuscitavit Tomus nonus, qui superiori anno Cl. *Petri Piovenii*, S. J. cui partes *Pauli Pedrusii*, e vivis erepti, mandatæ sunt, curâ lucem adspexit. Simul eum evolvimus, facile patuit, quanto intervallo decessorem suum Piovenius post se relinquat. Omnia hic splendidiora comparent, si externum libri habitum spectes, si interiorem ejus formam rationemque, explicationes nummorum eas dedit Vir eruditissimus, quas harum literarum studiosi, quibus minus quam juventuti probis moribus imbuendæ scripsisse visus est Pedrusius, ceteroquin laude sua minime defraudandus, in prioribus Operis hujus Tomis requirebant. Id ei commune cum Pedrusio, ut omnia omnino numismata, nullo habito discrimine, rara & intellectu difficilia sint, an obvia, pridem vulgata & nullius explicationis magnopere indiga, percontaret; pergendum

enim fuit, qua cœpit ille, ne opus, saltem quod ad Cæsareos nummos attinet, sibi nimis dissimile redderetur. Discedit ab eo, quod non contentus numismata qualicunque luce perfudisse, ut, quo spectent symbola eorum, pateat, Chronologica cum primis & Geographica sectatur, iisque diutius insistit, quæ difficultatis plena dissensum inter viros doctos pepererunt, & plano omnia perspicuoque stilo exsequitur. Ac postulabat sane Farnesiani Thesauri dignitas & splendor, ut paulo diligentius curatiusque posthac ejus opes exponerentur, imprimis ex quo auctus ille est insigni accessione gazæ Foucaldinz, quam Sereniss. Parmensium Dux, ne quid antiquariæ suæ penui deesset, ex Gallia comparavit. Neque enim, ut notum, intra mensuram supellectilis, qualem privati sibi vulgo colligunt, illa substitit, sed omnium earum, quæ Gallian ornant, excepta Regia, quæ Versaliis asservatur, facile & amplissima & lectissima fuit, in qua juncta felici sidere spectare licuit, quæ summus Regis Christianissimi, Ludovici XIX, quondam administer, Colbertus, & filius, Marchio Seignelajus, atque, ut Patinum taceamus, Comes Lazara & Abbates eruditissimi, Dronius & Tracesius, separatim magno studio nec minori successu collegerunt. Hæc gaza, in Thesaurum Farnesianum illata, quam describere olim & Gallandus parabat, virum integris viribus, eruditione haud vulgari & sagaci ingenio requirebat, qui ita pertexeret cœptam a Pedrusio telam, ut expectationi hominum doctorum omni ex parte satisfaceret. Eum non tam polliceri in futurum, quam repræsentare nunc videtur Cl. Piovenius: quid præstiterit in primo laboris sui specimine, quod Tomus hujus Operis nonus exhibet, exempla docebunt nobis afferenda, ubi de præcedentibus tribus Tomis (primos enim quinque Tomos alibi in Actis nostris accurate recensuimus) generatim nonnihil dixerimus.

Sextus nempe seriem nummorum æneorum primi moduli orditur a Julio Cæsare, eamque postea persequitur usque ad L. Ælium. In Præfatione Cl. Pedrusius respondet autoribus Diarii Italici, qui ad quintum Operis Tomum, quo *Medalliones*, quos appellant, apponuntur, varia monuerant. In *septimo* primum locum occupant nummi Antoninai Pii, Gordiani III postremum. Præfatio ejusdem est generis & refellendis iis, quæ contra

Fig. 9.




Fig. 2.




Fig. 4.



Fig. 3.



Fig. 1.



THE

LIBRARY

2

contra sextum Tomum attulerunt Italicarum ephemeridum scriptores, occupatur. *Octavus* absolvit nummos æneos Imperatorum primi moduli sub Posthumo, & nummos secundi & tertii moduli inchoat, quorum postremi sunt Titi. Huic Tomo immortuus est Cl. *Pedrusius*, cujus iconem proinde & vitam illi a Pl. Rev. *Piovenio*, cui & Tomi hujus editionem debemus, præmissam cernas, unde patet, eum ab anno jam octogesimo superioris seculi, cum Ranutius II Parmensium terrarum gubernacula teneret, gazæ Farnesianæ digerendæ describendæque curam suscepisse. Director Academiæ equestris, in Collegio Ducali ab se erectæ, datus jam ante, cum nova hæc provincia sibi demandaretur, pristino muneri non minori diligentia præfuit, & utriusque laud vulgarem ingenii industriæque laudem reportavit. Obiit anno hujus seculi vicesimo, annum ætatis ingressus septuagesimum sextum.

Sed ad Tomum redeundum est *nonum*, qui Cl. *Piovenium*, Virum, qui in publica cominoda natus videtur, & cui nos quoque non parum debemus, autorem habet. In hoc, qui secundæ & tertię formæ nummos Domitiani, Domitiæ & Julię Titi complectitur, ostendendum nobis exemplis nonnullis, quo pacto munere sibi mandato Vir doctissimus fungatur. Occasione nummi, quo Domitianus Cæsar COS DES. II. dicitur, explicat obiter æneum primi moduli numisma Vespasiani, Pedrusio, cum ejus formæ nummos exponeret, quod tum nondum extabat in gaza Farnesiana, prætermissum. Iconem ejus, quæ in opere hoc desideratur, duplicem damus ex thesauro Serenissimi FRIDERICI I, Ducis Saxo Gothani, in quo bina ejus exempla, eaque diversa inter se, reperiuntur. Adversa in parte caput Vespasiani laureatum, cum epigraphæ: IMP. CAES. VESPASIAN. AVG. P. M. TR. P. P. COS. III. In averſa figuræ duz paludatæ stantes, dextra hastam tenentes, sinistra parazonium. Inscriptio quo pacto legenda sit, dissentiunt viri docti. Mediobarbus & Valens legunt: IMP. AVG. F. COS. DES. IT. CAESAR. AVG. F. DES. Harduinus, eadem lectione retenta, ultimæ voci DES. præmittit COS. quod in nummo ipso desideratur. Cl. Piovenius cum Angelono legendum censet ordine eo, quem alter typus

TAB. I.
Fig. 1.

p. 29 sqq.

typus ex iis, quos delineatos dedimus, manifeste suadet: CAESAR AVG. F. DES. IMP. (quae quidem verba ad Titum spectant) AUG. F. COS. DES. IT. (id quod ad Domitianum pertinet) eamque legendi rationem argumentis haud unis verosimillimam reddit. Simili digressionem instituta, occasione nummi Domitiani, in quo templum sex columnarum, differit de nummis cum epigraphe: ETOYC NEOT IEPOTA, B, & sic porro, sub Vespasiano, Tito, Domitiano & Nerva cufis, existimatque, eos fuisse didrachmum, quem Judaeos Jovi Capitolino pendere oportuit; & epigraphen hanc ita interpretatur, ut seorsum NEOT IEPOTA sit *Novi templi* (nempe moneta) & ETOYC A, B, annos imperii primum, secundum, *reliqua*, designet. Ceteras interpretationes rejicit propterea, quod sub Nerva ejusmodi nummi desinant, cujus rei, stante sententia sua, rationem reddi hanc posse putat, quod Nerva, ut in veteri nummo est, FISCO JUDAEICI CALVMNIAM SUSTULIT, id quod eo trahit Vir doctissimus, quasi Imperator is didrachmi tributum remiserit Judaeis, quod secus esse, Ill. Spanhemius pridem evicit. Digna vero est Cl. Piovenii acumine explicatio nummi, cujus in adversa parte caput Domitiani radiatum cum epigraphe: . . . VESP. F. DOMITIAN. AUG. P. M. in aversa Pallas stans, dextra tenens fulmen, sinistra hastam, cum clypeo ad pedes, adjecta inscriptione: COS. XIII DES. VIII P. P. Mirum hic, qua ratione designatus nonum consul appellari queat, qui consulatum decimum tertium iniit, possitque adeo credi errore monetarii sculptum ita esse vel pro COS. XIII DES. XIII vel pro COS. VIII DES. VIII. Sed Cl. Piovenius COS. XIII appellari statuit Domitianum numeratis consulatibus & suffectis & ordinariis, DES. VIII vero, ordinariorum tantum ratione habita, cumque ex consulatibus sex prioribus unum tantum ordinarium gesserit, si quinque illi suffecti demantur, proprie COS. VIII fuisse, cum DES. VIII scriberetur, additis vero iisdem, recte COS. XIII appellari. Redarguit hinc Norisium, affirmantem, in lapidibus vetustis nummisque suffectos Domitiani consulatus una cum ordinariis semper connumerari, cum nummus hic docere contrarium omnino possit. Quae de nummo

IOYAI-

TAB. I.
Fig. 2.
p. 113.

ΒΟΤΑΙΕΩΝ ΤΩΝ ΚΑΙ ΛΑΟΔΙΚΕΩΝ cum epocha p. 167.

Δ P contra Valentem & Norisium disputat Clarissimus Vir,

quibus minus quam Harduino favet, curatori examini indi-

gent, quod instituti praesentis ratio non admittit. Id vero non fa-

tis assequimur, quo pacto in alio simili nummo cum inscriptione

ΙΟΥΤΑΙΕΩΝ ΤΩΝ ΚΑΙ ΛΑΟΔΙΚΕΩΝ ΚΑ vel ΧΑ.

ΛΑ, ΠΑ, postremas litteras cum Virō doctissimo liceat ΚΟ'ΔΗΣ

ΣΤΡΙΑΣ ΠΡΟΣ ΛΙΒΑΝΩ interpretari. Inter Domiti-

ani nummos noti illi, quorum averfa in parte Herodiadæ signati

occurrunt, in quibus explicandis Cl. Piovenius Harduinum du-

cem sequitur, cujus & stemma genealogicum de iis exhibet. Fi-

nem faciat eximii, quo utitur in his monumentis explanandis,

candoris singulare exemplum. In nummo Græco Domitiani averfa

pars sistit Apin cum litteris: LNA . . . Id Piovenius noster,

qui conjectarat, erasam esse litteram Π, explicaverat LN. ΑΠ. hoc

est ANNO NOVI APIDIS, ratus, hunc nummum ad in-

ventum Apin, cujus rei exemplum Spartianus sub Hadriano me-

morat, pertinere. Sed post in nummum integriorem incidit, re-

cteque vidit, legendum esse LENAT. h. e. anno nono, prout

in posteriori illo inscriptio habet, tametsi in priori illo littera E

ita erasa est, ut vestigia ejus frustra quærantur.

p. 181, 217.

coli. 248.

TAB. I

Fig. 3.

Fig. 4.

REGISTRUM HONORIS DE RICHMOND,

exhibens Terrarum & Villarum, quæ quondam fuerunt

Edvini Comititis, infra Richmundshire descriptionem

ex Libro Domesday in Thesauraria Domini

Regis &c.

Londini, impensis R. Gosling, 1722, f.

Alph. 5 pl. 4 Tabb. 22. maj. 15.

Non dubitamus, fore lectorum nostrorum nonnullos, qui, ubi primas Tituli, cujus initium dedimus, lineas oculis usurpabunt, taciti secum judicabunt, ipsum opus nihil plane ad nos, ad Anglos fortasse, eosque etiam paucos, unos forte Richmondienfes pertinere, &, ut locum in Annalibus nostris invenit, fecisse raritatem caritatemque libri, a penitus toto divisis

orbe Britannis, & quidem splendidissime impressi. Sed hi erunt fere, quibus nondum cognitum est atque perspectum, quam arcta cognatione omnium gentium hystoriæ inter se junctæ sint, quam late Germanici mores sese diffuderint, & quantum ex hystoriarum morumque illorum etiam apud illos, qui nunc exteri nobis habentur, strenua inquisitione lucis, utilitatis & ornatus in omnem Jurisprudentiam patriam, maxime autem feudalem, redundet. Faciant periculum in hoc nostro Honoris Registro, qui ea, quæ diximus, forte nondum habent persuasissima, & intelligent, hoc ipso Honoris Registro & Angliæ & Arémoricæ Hystoriis lucem assusam esse haud levem, doctissima maxime præfatione, qua Autor eruditissimus idemque Richmondianarum Antiquitatum studiosissimus in illarum gentium Annalibus confusa multa ordinavit, fabulas expulit, errores correxit, veritatem restituit. Delibabimus potissima, omnis probationibus, conjecturarumque rationibus probatissimis, maxime cum libri ea sit conditio, ut in paucorum manus perventurum credamus.

Galfridus Britannæ Dux, A. 1068 mortuus, filios reliquit duos Alanum & Eudonem, post bella civilia, illum Britannæ seu Arémoricæ Duce[m], hunc Comitem. Alano Duci successit filius Conanus, sub Endonis patrui tutela satis diu constitutus, cujus tamen *apud* mortui ditionum potitus est Hoelus, Nannetium Comes, nunc, quod Aviciam unicam Conani Ducis Sororem in matrimonio habebat, Britannæ Dux, pater Alani Ducis, cui Fergant postea cognomen fuit. Eudoni A. 1077 defuncto Filii fuerunt, Galfridus, natus maximus, Britannorum Comes, & Alanus Rufus, Alanus Niger, Stephanus, Brianus, Ribaldus, Guilielmi Conqueroris in celeberrima expeditione in Angliam suscepta Comites, ubi navatæ strenue operæ etiam nacti sunt præmia.

Alano Rufo omnia prædia, quibus in agro Eboracensi fruebatur Edwinus Comes, sæpius rebellis, quæque in Norfolkie[si], Suffolciensi aliisque Comitibus ad eundem Edwinum, Edwinique patrem Algarum pertinere, cesserunt, ita ut Alanus ille aliquando se orientalium Anglorum Comitem appellasset, primus sane Richmondæ Comes. Successit fratri; ut videtur, cœlibi, Alanus frater cognomento niger, & huic fratrum tertius Stephanus, qui,
cum

cum Alanum filium, (quem illius temporis Annales etiam Nigrum appellant, ingenti variis confusionibus aperta fenestra) nuptiis Berthæ, Conapi III Britannorum Ducis filiz, Alani Fergantii, nepotis potitum videret, spem haud imbecilem concepit, fore, ut Britanniz Ducatus Richmondizque Comitatus in suis posteris jungerentur. Contigit hoc in Conano IV, Alani Nigri & Berthæ filio; atque utinam eidem animus tanta fortuna dignus contigisset: at enim vero Henrico II. Angliz Regi prorsus obnoxius, Ducatus supremum Imperium eidem, pactis inter filium Regis octennem, Galfridum, & suam quinque annorum filiam Constantiam nuptiis, permisit, extinctus A. 1171. Hæc inter Galfridum & Constantiam sunt perfectæ A. 1182, quas A. 1186, Galfridi hominis refractarii & in patrem rebellis mors est insecuta, relicto ventre, Arturo posthumo, cujus tutelam varias inter turbas gessit mater Constantia, secundis nuptiis Ranulpho Cestriensi Comiti copulata. Richmondiz Honor, seu Comitatus, interea penes Reges Henricum II, Richardum I, Joannem fuit, qui ex fratre nepotem Arturum, in Mirabellæ apud Pictavos obsidione A. 1202 interceptum, A. 1203 inhumana nece sustulisse videtur. Ducissa Constantia, nuptiis cum Ranulpho Cestriensi propinquitatis prætextu dissolutis, ex tertio marito Guidone de Thoarcio duarum filiarum mater, illud facinus in filio unico commissum A. 1201 sua morte prævertit, quo facto Proceres Britanniz ex istis Constantiz filiabus natu majorem Aliciam Dominam sibi optarunt, tutelam patri Guidoni de Thoarcio commiserunt, ipsum vero Joannem Regem apud Philippum Gallum parricidii accusarunt, qui hac opportunitate usus, cum Joannes in Judicio Parium a Philippo ordinato, licet citatus, non comparuisset, eidem & Britanniam, & quæ in Normannia & Aquitania Anglis parebant, fere omnia ademit. Cum in manu & potestate Philippi R. essent res Britonum, Alicia Britannica Petro de Drocaris sive Malo Clerico A. 1212 in matrimonium collocata, eidemque simul Ducatus, sed durissima lege concessus est.

Hæc de causâ, & quod Petrus Regem Philippum arcta cognatione contingeret, Britannicæ res Gallicis satis conjunctæ videbantur. Sed Petri ambitio impotens faciebat, ut & Anglicarum

partium, licet clam, esset studiosus, eoque pacto Richmondiæ Honore seu Comitatu, regno Joannis exeunte, ineunte vero Henrici III, frueretur. Discedere ab hoc fœdere atque adeo a Comitatu Petrum coegit Ludovicus VIII. Redintegratæ sunt pristinæ pactiões cum Anglis A. 1229. Sed Ludovicus IX, tandem dubiæ Petri fidei finem fecit, Ducatu A. 1232 Petro adempto, & filio ejus natu maximo Joanni tradito, qui adulta jam ætate Regis Gallici Clientem se publice Parisiis professus est.

Inde colligere est, Joannem Britannum Honore Richmondiæ caruisse, feudo Anglico, vasallum Gallicum, donec, Regis Henrici III filia Beatrice Joannis filio natu maximo & cognomini nupta multis etiam precibus efficeretur, ut Honor Richmondiæ A. 1268 ad Duces Britanniæ reverteretur, traditus eo nomine Joanni II, qui, patre anno 1286 mortuo, Britannæ etiam Dux effectus est. In bello inter Eduardum I & Philippum Pulcrum exorto, primum partes Anglicanas secutus est, mox Gallicas, cum Richmondiensis sine dubio Comitatus jactura, sed quem dubio procul recepit pace inter Reges paulo ante funestum suum obitum A. 1354 reconciliata; dum nempe Lugduni, in Clementis V inauguratione, equi, cujus tergo Papa insidebat, habenas moderandi honorario munere fungeretur, muri veteris, magna spectatorum multitudine onerati, ruina oppressus est. In Britannæ Ducatu successit ei filius Arturus, Honorem Richmondiæ tenuit filius alter Joannes. Hic, cui cum Gallis nihil negotii erat, Eduardo I & II strenuam & fidelem operam navavit, bis Scotiæ Prorex & Custos, bis etiam captivus factus, & quamvis in dissidiis, quæ Regem inter Eduardum II & Reginam Regisque filium Eduardum III oriebantur, honore privaretur, restitutus tamen est ab ipso Eduardo II, donec A. 1330, non 1303, ut in Tabula Genealogica præfationi subiecta per typographicum errorem legitur, & prima fronte turbat, in Britannia moreretur.

Joanni huic successit Joannes III Britannæ Dux, ex fratre Arturo nepos, qui cum A. 1341 absque sobole moreretur, controversia ingens concitata est inter Joannem Montisfortis Comitem, Arturi Britannæ Ducis ex secunda conjugé Jolanta filium, Joannis adeo, quem A. 1341 defunctum esse, modo

modo diximus, fratrem consanguineum, qui & testamento hunc sibi successorem voluerat, & Carolum de Blazio, qui Joannam, Guidonis Penthièvre Comitis, fratris germani Joannis, Ducis novissime defuncti, filiam, habebat uxorem, cui etiam Ducatum Galliarum Rex Philippus Valesius adjudicavit; cum Comiti Montisfortis Eduardus III, ut Gallis inimico, Richmondiensem honorem addiceret. Sed captus est infelix Joannes Montfortensis a Gallis, & post aliquot annos carcere liberatus, paulo post mortuus est 1345, filio suo infante tutelæ Eduardi III commendato. Capto Joanne, contulerat Rex Eduardus Richmundiæ honorem filio Joanni de Gandavo, eoque justiore titulo, ob pactum cum Joanne Montfortensi initum A. 1341, quo cavebatur, fruturum Joannem Comitatu, usque dum Rex terras æqualis pretii in Gallia ei assignandas curaret, quod maxime adimpletum, ubi post prælium ad Auracum, in quo Carolus de Blazio A. 1364 ipse occubuit, universus Britannicæ Ducatus filio illius Joannis Montfortensis, Joanni IV, restitutus est. Recrudescbat inde bellum Anglos inter & Gallos A. 1367, in quo Joannes Dux post multam dubitationem Anglicas res Gallicis prætulit, Comitatu Richmondiæ recepto, sed inagno suo malo. Ipso enim Britannicæ Ducatu A. 1374 exutus est, per plures annos exul, donec Britones dominatus Gallici pertæsi eum respicerent, quorum ope & auxilio Carolus VI ad pacem & fœdus petendum compulit, A. 1381 homagio Regi præstato Britannicæ Dux & Montisfortis Comes, felicior, si eo fœdere Anglos non offendisset. Aderatus Comitatus 1385, redditus 1387 atque iterum 1398 (saltem chartæ hoc ita loquuntur) sed anno etiam 1391 eundem Comitatum petiit Dux solenni legatione, quem tamen A. 1398 Joannæ, Radulphi Bosset de Drayton Conjugi, concessum legimus. Hæc Richardo II regnante gesta sunt. Henricus IV Angliæ Rex eundem Comitatum primo Regni sui anno, sed absque Comitis titulo, Radulpho de Neville Comiti Westmorlandiæ in vitam tenendum permisit, quo mortuo ad Joannem Bedfordiæ Comitem pervenit, Britannicæ Ducibus ad Annam usque Britannicam in perpetuum exclusis.

Post hanc doctissimam præfationem ordine sequuntur: Tabula Genealogica Familæ Ducalis Britannicæ Comitum Rich-

mondiz; Sigilla Alani Fergant, Stephani Ducis, Conani IV, Galfridi, Petri de Drocariis, Aliciz, Petri de Sabaudia, qui A. 1269 obiit, &, dum vixit, Comitatum Richmondiz per aliquod tempus possedit, Joannis I & II Ducum Britanniz & Comitum Richmondiz, Joannis de Britannia Comitis Richmondiz, Joannis IV, Joannis Gandavenfis, Joannis V; Tabula Geographica Richmondiz Comitatus & Alvertunz Shirz; ipsum denique Honoris sive Feudi Richmondiani Registrum sive Catastrum, uti illud in Libro Domesday seu magno libro feudali in Thesauraria domini Regis asservato legitur, excerptum olim ex isto libro venerandæ antiquitatis, codicique, cum aliis ad Richmondensem Honorem pertinentibus, inscriptum; tempore, ut ex caractere videtur, Radulphi de Neville Comitis Westmorlandiz, regnante Henrico IV illis regionibus præfecti. Addita est ab doctissimo Editore copiosissima appendix monumentorum CLXVIII, easdem antiquitates mire illustrantium.

- In calce denique eruditæ observationes in Registrum honoris & reliqua monumenta annectuntur, ex quibus nonnulla speciminis loco delibabimus. Alani Comitis frater, Eudonis filius, est Scriptoribus Anglis Ribaldus quidam, quem ignorant Aremorici, Robertum laudantes, de quo tacent Angli. Verisimile est, Roberto illi Ribaldi datum esse cognomen; at enim vero non ob ignaviam, sed fortitudinis causa; annotarunt hoc Pasquierius & Menagius, sed originem vocis ignorarunt; est autem Cambro-Britannis *Rhyvel* bellum & prælium, adeoque *Rhyvallus* homo fortis & bellicosus. Vocabuli *Fines* significatus sunt varii medio ævo, Spelmanno aliisque Glossariographis observati; reditum quendam annum supremo Feudi domino solvendum significasse aliquando, ex Extensa sub Henrico II R. facta discimus. Item non injucundum nec inutile est, quod de Maritagio assertur, quod fuit Jus, Domino Feudi competens, tenentes de eo per servitium militare in minoritate eorum maritandi, pro quo consensu censum solvebant, secundum valorem terrarum suarum. Gula Augusti est Festum S. Petri ad Vincula Kalendis Augusti. Unde vero hoc nominis? Nostro videtur idem, quod Danis est & Saxonibus *Jol*, *Jul*, *Jiul*, comessatio, inde Festo natalitio Servatoris

vatoris nostri nomen, quod isto fere tempore Ethnici convivia celebrarent, & nomen etiam Kalendis Augusti, Festo ad Augusti Calendas instituto. In Registro *Grefmannor* legimus, quorum p. 258. fuit, malefactores, quos invenerunt in foresta, ducere ad Castrum Richmondiz, dicti a gramine, cujus cura & tutela ipsis fuit commissa, *Grafsmanner*; gramen nempe non Anglis modo borealibus, sed Germanis quibuscunque *Grass* vocatur. Tria Tenentes de corona Regi debuerunt auxilia, ad primogenitum nempe filium militem faciendum, ad primogenitam filiam maritandam, & ad se ipsum a captivitate redimendum. Idem inferiores Vassallos tenentes ab inferioribus Dominis his debuisse, literis regis ad tenentes Joannis de Britannia Comitum Richmondiz patet. Sed tandem & nos manum de libro.

267.

LETTRES ET NEGOCIATIONS ENTRE

Mr. Jean de Wit &c.

i. e.

LITERÆ MUTUÆ ATQUE NEGOTIA

peracta inter JOHANNEM DE WIT, Hollandiæ Pensionarium, & Legatos Statuum Fœderatorum in aulis variis.

Volumina IV.

Amstelod. ap. Janssonio-Waesbergios, 1725, 12.

Alph. 4 plag. 3.

item

RESOLUTIONS IMPORTANTES &c.

i. e.

DECRETA QUÆDAM MOMENTOSA STA-

tuum Fœderatorum Belgii, durante Ministerio JO-

HANNIS DE WIT facta.

Amstelod. ap. Janssonio-Waesbergios, 1725, 12.

Plag. 21.

Ambigua fama circumlata sunt hucusque acta Wittiorum, ita tamen, ut, quo longius a tristibus eorum fatibus tempora recesserunt, eo apertius & copiosius defendantur. Eo certe consilio

filio commercia literaria Johannis Wittii cum quibusdam Reipublicæ nomine ad externos Principes ablegatis in lucem cœperunt proferri. Partem enim eorum nunc tantum sistimus, scripta scilicet ab anno 1652 usque ad 1669 inter Wittium Borellumque atque Beuningium & Petrum Grotium, quorum illi in Gallia, hic apud Suecos Batavorum res curabat. Alia deinceps expectare jubemur, atque adeo omnia publico promittuntur, quæ sibi mutuo Wittius & alii alio missi Batavorum Ministri nuntiaverunt. Ita quidem illud facillime se obtenturos, neque frustra, sperant editores, ut non ex sola rerum gestarum superficie, non ex consiliorum eventibus tantum, non ex rumoribus temere sparsis, de sincero viri summi Rempublicam adjuvandi studio judicium fiat; sed ex ipsis animi cogitationibus, ex primis actionum principiis, ex mentis ad verum scopum intentionibus, quarum arcana epistolæ ejusmodi solent pandere. Cum itaque *Basnagius*, post multos alios, in *Reipublicæ Batavæ historia* Wittium repræsentasset, tanquam Gallis, etiam cum dispendio commodorum patriæ, prorsus addictum, nec negari queat, quod talis in speciem fuerit; documento tamen esse debent hæc Volumina, a Batavorum Pensionario formam hanc indutam fuisse, non, quod Galliæ faveret, sed ut suis consuleret. Scilicet, cum difficili bello cum Cronwellio implicita esset Respublica, illi quantocytus finiendo, suspicio Anglis injicienda fuit de fœdere inter Gallos & Batavos coarctando, quod Monasteriensis pax aliquantum laxaverat. Propterea missus in Galliam *Borellus*, vir de necessitate & utilitate conjunctionis cum Gallia penitus persuasus. Id in usum suum vertebat Wittius, &, quamvis ipse tutum cum Gallis fœdus nunquam credidisset, nec inire unquam serio cuperet, prævidens scilicet, quod Galli Belgio cum magno Batavorum discrimine inhient, dissimulabat nihilominus rem ad Borellum & ita constanter scribebat, ac si & ipse arctiorem cum Gallia nexum optaret. Hinc per aliquot annos, quoniam post finitum etiam cum Anglis bellum odia tamen semper & arma inde ostentabantur, Borellus nil aliud egit, quam ut de fœdere ineundo apud Ludovicum laboraret & formas ejus atque conditiones varias proponeret vel acciperet, neque tamen, ita volente scilicet Wittio, quic-

quicquam perficeret. Rebus autem in Anglia mutatis & Rege restituto, animus a Wittio eo applicandus erat, unde prius abhorrebat, ne, dum infesta omnia metueda essent a Britannia, cum Gallis etiam infida pax foret. *Beuningius* ergo ad hos cum amplioribus mandatis ablegatur, eoque operam dante fœdus demum initur, in quod adeo invitus Pensionarius pertractus, imo negotium hoc omnino abjecturus fuisse dicitur, si Hispani citius ea proposuissent, quæ aperiebant, cum jam de omnibus convenisset. Verum, non minas tantum Britannorum irritas per hoc fœdus reddi, sed & non adeo liberam fore Gallis arbitrabatur Belgii Hispanici oppressionem, quam dudum metuebant sagaciores. Quam solida spes hæc fuerit, non definiemus, cum manifestum sit, Gallos contra fœderi Batavo manus ideo dedisse, ut arma minus impedita Belgio Hisp. possent inferre. Id saltem ex epistolis, præsertim ad *Beuningium*, volunt constare editores, nihil hic, vel in Galliarum gratiam, vel ob propria cominoda, vel odio cujuscunque, ab eo factum, neque secretiora Reipublicæ cum *Comite d' Estrades*, legato Gallico, communicata fuisse. Multa proin cum illo amicius & quasi Galliarum cominoda pro lege suprema habiturum egisse, quin & de Belgii divisione proposuisse, conceditur, tanta cum candoris specie, ut ipse legatus, credens istis coloribus, Regi suo, magis cauto, omnem de Wittio suspensionem eximere laboraverit, unde in literis Estradianis multa occurrant, quæ sinistram opinionem de Wittio alere queant. Ex ipsius autem scriptis patere, Pensionarium Galliarum consilia & vidisse & turbanda censuisse, omnemque istam amicitiarum simulationem eo usurpasse, ut magis magisque in illorum arcana penetrare, & quid objiciendum sit tendentibus ad opprimendam Europam, posset invenire. Id quidem aperte proditum, cum finito bello Britannico, Gallis, qui Belgium paulo ante invaserant, triplex fœdus opponendum curaret, idque tanto cum ardore, ut quinque diebus, insolita Batavis festinatione, cum *Templo*, Britanniarum legato, omnia transigeret. Quod si quis hoc nimis festinatum dicat, observatur, tenacem valde propositi, quod semel utile Reipublicæ judicavit, Wittium fuisse, ita, ut nec ob historico-rum iniquitatem, nec ob malevolorum iras, cautiones solitas,

C

quæ,

quæ dum curantur, occasiones bene agendi sæpius elabuntur, in istiusmodi negotiis adhibendas judicaverit. Hæc docere & confirmare volumina ista debent. An satis idonee, lecturi judicabunt. Nobis, quibus rebus ibi sit attendendum, exposuisse sufficiat. Id addimus, quod de Wittio apud *Burnetum* talia legisse recordemur, quæ non ab erroribus quidem politicis, ast a dolo & mala fide virum æterna dignum memoria liberant.

ANTIQUITATES PLOCENSES, ET AD-
junctarum Prezzin & Elbenau Burggraviatus Magdeburgi-
gici, Diœceseos Gomeranæ, quibus earum statum civilem
& Ecclesiasticum, inde ab Ottone M. Imp. eruit & illustrat
M. JUSTUS CHRISTIANUS THOR-
SCHMIDT, Plocensium & reliqu.

Pastor.

Lipsiæ, apud hæredes Lanckisianos, 1725, 4.

Plag. 16.

CL. & Plurimum Rev. Autor, quem varia Academica scripta jam satis commendarunt, quemque sibi litteræ totum vindicaturæ erant, nisi Ecclesiæ magis necessarius a Proceribus habitus fuisset, innocentem hanc Sacerdoti duxit voluptatem, si, quod temporis datur a sacratoribus curis reliquum, consignandæ loci, in quo vivit, rerumque ibi gestarum historię consecraret. Ideo & Parochiæ suæ historiam, Saxoniz S. celeberrimam olim particulam, hoc in Tractatu describendam suscepit. In præfixo Proæmio modeste refellit eos, qui Sacerdotem, curato officio adscriptum, debere talia, ad historiam spectantia, tractare argumenta, negant, atque omne illud tempus, quod non in profundiore rerum divinarum contemplatione collocatur, deperditum plane arbitrantur, Tractatus ipse in tres Partes dispescitur.

Pars I Plocenses continet Antiquitates, earumque Sectio I civilem Antiquitatum harum historiam. Caput I hujus Sectionis variam & olim, & adhuc hodie receptam nominis pronuntiationem; Cap. II Personas imperantes recenset. Distinguitur
 hoc

hoc Caput in certas Periodos v. g. Originum, Carolinam, Saxonium, Anhaltinorum & Misnenium; ubi imprimis inter Anhaltinos Principes de Illustrissimi Alberti Urſi meritis, & de deportatis ab eo e Germania inferiore colonis Flamingicis, necnon de controverſiis, quæ paſſim ex Jure publico hic agitantur, multa notatu digna ex actis iſtorum temporum depronuntur. Caput III circa rem judiciariam verſatur. Obtulit vero ſe Cl. Autori, in Plocenſium Magiſtratus, Judices ac Jura inquirenti, Codex Speculi Saxonici veteris MSptus, quo quondam uſi ſunt hujus vici Judex & Scabini, quique manu recentiore ad marginem ſignatus, & breviusculis, ex Jure Provinciali Saxonico hauſtis, Obſervationibus auctus fuit; ut & liber Scabinorum Judicialis (*Sceppen Bock the Plotzke*) ex ſeculo XV, in quo Scribæ oppidani manu relata leguntur, quæ Plocenſis Magiſtratus ordinem ac negotia deſcribunt. Caput IV Perſonas parentes, & civium quondam Plocenſium ſtatum; Caput denique V etiam res antiquitus hic locorum geſſas, imprimis varia de Hunnis, de Magdeburgico-Serveſtano & tricennali bello Germanico memoratu digna enarrat.

Partis I Sectio II hiftoriam Plocenſem ſiſtit Eccleſiaſticam, ejusque Cap. I Chriſtianismi horum iacolarum initia. Antiqua Bardorum ſede indicata, converſionis primordium a Caroli M. tempeſtate derivatur, a qua Friſonum colonias in Ducatu Magdeburgico in villis Santerſleve ſuperſeſſe, Meibomius obſervat. Latius ſparſere Ottonis tempora lucem Evangelii, quippe quibus Sclavorum gens vel converſa, vel oppreſſa fuit. Ut res ſacræ in Sclavorum terra magis & magis amplificarentur, eleemoſynas multi probi legarunt, illorum deſtinatas uſui, qui divinam doctrinam in Sclavia plantarent aut reciperent. Facit etiam Cl. Autor in hoc capite quorundam Diplomatum mentionem, quibus ab Ottone M. tractus Gomeranus, & ſpecialim Plochwiſci, i. e. Plotzke, S. Mauritio Magdeburg. donatus fuit. Cap. II deſcribit templum Parochiale, & ſimul menſulas illas, altaris lapidibus quondam inferſas, atque templa extruendi morem a Flamingis receptum. Cap. III Plocenſe Monafterium ejusque ſitum ac moderum ſtatum contempletur. Cœnobium hoc Virginum Ordinis

nis Cisterciensis, S. Mariæ Magdalenaë dicatum, circa annum MCCLXX ad Albis antiqui ripam inter Lizeke Monasterium & urbem Magdeburg, & inter villas Elbenau & Randau ab altero latere, a Joanne Saxo-Lauenburgicæ linæ Conditore conditum fuit, & ab hoc foundationis tempore ad usque tempora Joannis Friderici, Elect. Saxon. florem pristinum suum servavit. Prima Abbâtissa Mechtildis, ultima Magdalena, gente Hackebornia, fuisse fertur. Plenum Abbâtissarum & Claustralium Virginum Catalogum proferre non licet, ideo, quod Virgines, ab Anhaltinis Principibus Dessaviam convocatæ, ut Duce[m] Saxon. Joannem Monasterii sui Conditorem probatum darent, Albis tractum adeo infaustum expertæ sunt, ut diplomata & chartas Monasterii cum cistula, qua condebantur, aliquotque hominibus, undarum vi abreptis, amitterent. Joannis Conditoris primogenita filia, Sophia, Priorissa hoc in Monasterio sepulta fuit, habitu ordinis vestita, lapidique monumento superimposito insculpta, cujus effigies libelli hujus fronti præfixa fuit. Reformationis tempus huic etiam Cœnobio prospexit, & Sanctimonialibus satis lautas pensiones annuas ad dies vitæ persolvit, ut ex harum pensionum designatione, sub reformationis initium definita, confirmatur. Tandem notabili Historiæ Eccl. parte absoluta, Catalogus Pastorum, Parochialem Ecclesiam ejusque Filias puriore doctrina pascantium, annectitur.

Sectio tandem III reliquias Antiquitatum Gentilium exponit, cujus quidem C. I lucos Paganorum sacros, eorumque vestigia ac Deos, quibus ibi sacra fecerunt; Cap. II Antiquitates sepulcrales apud terræ hujus incolas recenset. Cl. Autor apud Prezzinenses montem urnis refertum integrum reperit; hinc de antiquitate hac figulina multa multo accuratius, quam quidem ab aliis factum est, observavit. conf. P. III Antiqu. Elbenav. §. 1. Caput III numos Sclavicos, Flamingicos & Saxonicos; & C. IV circulos lapideum antiquos, in agro Gomerano longe lateque in orbem dispositos & prægrandes, perlustrat, quos alii mallos veterum publicos, alii Hunnorum & Sclavorum hic illic cæforum monumenta habent.

Antiquitates Plocenses excipiunt Parte II Prezzinenses, quæ egre-

egregia multa Diplomata partim recitant, partim illustrant, simulque tum jucunditatem tum utilitatem historię multifariam ostendunt. Continent etiam totum sibi insertum Confirmationis Diploma, Monasterio Lizekenſi ab Episcopo Diœcesano Brandenburgico, Waldemaro, sub finem Seculi XII datum, quod omnem Præpositurę Lizekenſis fornam, quę cum Archi-Diaconatu, seu Chor - Episcopi Brandenburgici ultra Vitebergam protensa dignitate, conjuncta fuit. Ordo in hac II Parte servatur idem ille jucundus, qui Cl. Autori in priore jam recensita placuit.

Tandem in Parte III Præfecturę Regio-Electoralis Elbenau, quacum hodie Castra Ranis & Gottau conjunguntur, earumque Antiquitates explicantur. Multa in hac parte leguntur præclare dicta de tot veterum Burgis & Castris, it. de veteribus Comitibus Gottau & Ranis, quorum historia ex vetustioribus Diplomatis ob recentiores controversias illustratur. Notavit hac in Parte Autor rursus lapidem Altaris sepulcralem, de quo jam inter Prezzinenses Antiquitates p. 94 facta est mentio, quique Henrici I Pinguis, Conditoris Anhaltini Principum stemmatis, vel ejus Filii, Henrici junioris, lapis esse videtur. In Elbenaviensium re judiciaria profert Autor librum antiquum, cujus scriptura lectu admodum difficilis est, & ita fronte prænotatur: Collatio bonorum spectantium ad Castrum Elbenau, anno MCCCCXX. Ex libro hoc, idiomate latino conscripto, & seculi sequentis Protocollo varia excerpta dedit, ad rem suam facientia. Quod ad res Ecclesiam ejusque statum concernentes attinet, varia pertractavit de S. Pancratio, loci Patrono, quemadmodum & de S. Guinaro fecerat inter Plocenses Antiquitates P. I C. II §. 20. His autem diutius immorari nobis non licet, qui nulli dubitamus, quin Tractatus hic magna sane rerum historicarum multitudine refertus, multis etiam lectoribus de nota optima se commendet, quique, ut Plurimum Rev. Autor promissos in Proœmio Commentarios uberiores de Diœcesi S. Gomerana propediem typis mandet, nobiscum optabunt.

CASPARI MANZII, *ACTI*, SERENISSIMI
 Bavarie Ducis Electoris quondam Consilarii & utriusque
 tam publici, quam privati Juris Professoris in Academia
 Ingolstadt. *Tractatus rationalis absolutissimus de*
Testamento valido, vel invalido.

Editio III.

Ulmæ, impensis Daniel. Bartholomæi, 1726, 4.

Alph. 7 pl. II.

DE ipso quidem opere non est, quod ad ejus commendationem dicamus. Etenim de præstantia tractatus hujus satis constat, qui, bis ante præsentem editionem *Augustæ Vindelicorum*, primum anno 1661, iterumque anno 1680, cum subtegminibus *Jac. Ottonis* excusus, assidua diligentique manu versari evolviq; consuevit Juris civilis Romani pariter ac Germanici hodierni studiosis. Quid vero idem novi habitus novarumque accessionum referat, id jam indicandum est. Itaque præter industriam in emendando contextu, in evolvendis citandisque legibus, quas *Manzios* adduxerat, præstitam, plerisque in paginis annotationes recens additæ, asterisco signatæ, comparent, quibus præsertim usus modernus atque probatissimorum *JCtorum* observationes, itemque Præjudicia & Decisiones exhibentur. Nobis certe doctissimæ hæc *Viri Consultissimi*, quisquis ille sit, cujus tamen nomen Bibliopola suppressit, curæ ad isthoc opus apprime utiles videntur: siquidem in eo diffusa juris civilis de testamentorum validitate scientia & subtilior argumentatio ubique regnat. Tanto nunc jucundius est, usum juris testamentarii novissimum ac hodiernum pronuntiandi morem una cum exactiori Juris civilis Justiniani doctrina, uno velut obtutu, cognoscere. Ceterum cum *Manzio* visum olim fuerit hanc instituti rationem tenere, ut saltem de testamentis solemnibus, iisque ab initio validis, aut invalidis, commentaretur; octo titulis noviter jam adjectis non solum de testamentis minus solemnibus & privilegiatis, sed & de modis, quibus testamentum ab initio validum ex post facto sit invalidum, vel infirmatur, tractatio *Manziano operi* satis accommoda subnexa est. Hæc appendix ipsa quidem e diversis præstantiura

stantium Jctorum commentationibus adornata, diversas jurisprudentum opiniones subinde recenset atque trutinat, quæstiones speciales resolvit, & auctores haud levi numero citat: id quod gratum erit multis, qui vel operosa multorum librorum evolutione superfedere, vel ad scripta sibi non statim obvia, nec satis familiaria remitti amant, atque alterutra causa ejusmodi pleniore & undiquaque congesta specialium juris nostri capitula illustratione haud parum lætantur.

EPISTOLÆ AMOEBAÆ INTER V. C. E. O. A. C. PAGENSTECHERUM, JC. & Prof. Juris Herborensensem, & V. C. J. G. HEINECCIUM, JC.

*& Antecessorem Franequeranum, de sensu & genuina
lectione L. 1 ff. de Curat. furios. & L. 28. ff.
de probat.*

Franequeræ, apud Wibium Bleck, 1724, 8.

Plag. 3.

DE L. 1 ff. de Curat. furios. mentem suam ita proponit D. Pagenstecher, pro *moribus* substituere quosdam *minoribus*. Sed fieri id ait temere. Cujacium recte retinere, *moribus*: id vero de moribus & consuetudine sub Regibus adhuc & ante L. XII Tab. introducta perperam intelligere. De illa enim consuetudine tam antiqua nihil nobis constare, & aliunde eam, nisi ex hac sola lege Ulpiani, non posse probari. Adhuc autem sub judice esse quæstionem, an textum hunc ita exponendum crediderit Ulpianus. Sibi certe videri, Jctum non omnino loqui de aliqua consuetudine, sed de moribus prodigorum, quibus introducta sit interdictio administrationis bonorum suorum. Sic enim loqui Paulum Sentent. Lib. 3 Tit. 4 §. 1: *quando bona paterna avitæque nequitia tua disperdis, ob eam rem tibi ea re commercioque interdico*, i. e. propter mores tuos pravos. Eosdem hos mores minime sanos describere Ulpianum, quod *talís homo neque tempus neque finem expensarum habeat, sed bona sua dilacerando & dissipando profundat*. Neque ob stare sequentia, *sed solent bodie*. Hæc enim opponi non moribus istis pessimis, sed verbis
Leg

Lege 12 Tab. & ab initio, quæ coincident. Ut sensus sit: ab initio quidem Lege XII Tab. prodigo interdicebatur administratio propter mores ejus. Si vero hodie inveniatur talis prodigus, non tantum ipsius bonis interdicatur, ut olim, sed & Curator ipsi datur. Simili modo malis moribus Macedonis introductum esse SC. Macedonianum. L. 1 pr. ff. de SC. Mac. Aut dici etiam posse, per *mores* hic intellexisse ipsum Naturale Jus. Sic enim §. penut. I. de Attilian. tut. ipse Imperator, naturali juri conveniens esse, ut sub potestate aliorum sit, qui ipse se tueri nequeat. Sic jus patriæ potestatis moribus dicitur receptum L. 8 ff. de his qui sui vel al. i. e. jure naturæ & gentium. Ab initio igitur, jure naturali talibus prodigis succurritur. §. 11 I. d. Rer. divis. quanquam enim caveatur id ex Lege XII Tabb. tamen recte dicitur & jure gentium, id est, jure naturali, id effici. §. 4 eod. Hic D. Heinéccius, ut defendat Cujacianam expositionem, dicit, Ulpianum hac L. 1 interdictionem bonorum manifesto accessere a XII tabulis, & Tit. XII §. 2. Sed & l. 18 pr. ff. qui testam. fac. poss. L. 5 §. 1 ff. de acquir. vel om. hered. Gajum etiam L. 13 ff. de Curat. furios. atque Justinianum §. 3 Inst. de Curat. Addere autem Ulpianum, eandem interdictionem *moribus quidem ab initio* introductam esse; eos ergo non posse esse posteriores XII Tabulis, sed utique anteriores, i. e. jam sub Regibus invaluisse & postea migrasse in XII tabulas. Locutio enim ista perpetuo significat jus consuetudine & moribus utentium, vel tacitis populi suffragiis receptum, ut distinguatur ab iis, quæ aliunde ex Græcia adscita sunt. Sic Paulus Lib. 3 Sent. tit. 4 §. 7: *Moribus per Prætores bonis interdicitur*. Julianus L. 32 §. 1 ff. de LL. De his ergo tenendam regulam ἐμνηνεύειν: quoties ea, quæ in XII tabulis locum invenerunt, tribuuntur moribus, toties per *mores* leges regis vel consuetudines jam sub Regibus receptæ intelliguntur. Ita enim Dionysius Halicarn. Lib. II, in XII tabulis propositos esse omnes mores patrios & leges, πάντας τὰς πατρίους ἐθιμὲς τε καὶ νόμους, & lib. X, Decemviros promulgasse leges compilatas ex jure Græcorum suisque moribus non scriptis, καὶ παρὰ τῶν σφισιν αὐτοῖς ἀρχαίων ἐθιμῶν. Ita Pomponius L. 2 §. 23 ff. de O. J. jus vetus, quod legibus regis & moribus patriis jam erat invecum, translatum esse

esse in XII tabulas. Itajus patriæ potestatis moribus receptum. *L. 8 ff. de his quæ suis vel alien.* Et tamen inter L. XII tab. locum habuit: & lex regia patri dedit hanc potestatem. Papinianus *L. 10 ff. de jur. codic. II* Et fuit tamen ex lege illa decemvirali tabulæ quintæ; quia ex Legibus regiis vel consuetudine sub Regibus jam ante erat receptum. Adstructa thesi sua respondet D. Heineccius dubiis, contra Cujacium allatis. Ad probandam hanc consuetudinem sufficere vel unici Ulpiani testimonium: multa enim in jure æque achistoriis esse ἀπαξ λεγόμενα. Tum vero tempore Ulpiani extitisse etiam adhuc Jus Papinianum, & allegare Paulum, æqualem Ulpiani, Græcii Flacci librum de jure illo Papiniano, *L. 144 ff. de V. S.* Quid igitur Regum temporibus obtinuerit, facilius inde disci potuisse, quam hodie. Nunc etiam ad conjecturas D. Pagenstecheri respondetur. Ingenium quidem sapere eam, quæ τὸ moribus intelligit de moribus ipsorum prodigorum, sed solidam non videri. In arte juris nunquam id, quod moribus & consuetudine introductum est, notare, *propter mores*: quod per inductionem XIII textuum illustratur. Utique dixisse Paulum ob mores prodigi bonis interdici. De eo enim non esse quæstionem, sed, an eum sensum admittant verba Ulpiani secundum artem juris? In *L. 1 pr. ff. de SC. Maced.* non dici, SC. Maced. moribus introductum, sed Macedonem malis moribus materiam peccandi sæpe præstitisse. Conditum ergo id fuisse ob perverfos mores filiorum familias, non autem moribus introductum, stylo artis. Ulpianum porro non potuisse duas propositiones ejusdem sensus per adversativam *sed* inepte jungere. Sed mentem illius hanc esse: Lege XII Tab. prodigo interdicitur bonis, *sicut furioso*, & ipso jure excidunt administratione. Atque hoc jam ante XII Tab. quidem moribus patriis sub ipsis Regibus, ab initio receptum erat. Sed & iisdem moribus mutatum est. Solent enim hodie prodigi non amplius ipsa lege administratione privari, sed curatorem, *exemplo furiosæ*, a Præatore vel Præsidente accipere. Et hanc curationem prodigorum perinde ac interdictionem bonorum, ex L. XII tab. esse, probasse verbis legitimis veterum, ac eandem legem restituere Jac. Gothofredum Tab. quinta, p. 97 probationum. Sed nec per mores Jus Naturæ posse intel-

intelligi. Nam in *L. 8 de his, qui sui vel.* non dici, jus patriæ potestatis quale apud Romanos, ex jure naturæ esse. Conveniens esse juri naturali, ut sub potestate aliorum sint, qui se tueri ipsi nequeunt. §. *pen. I. de Attil. tut.* Sed prodigi possent, si vellent. Itaque bono magis agnatorum, invectionem illorum curationem. Dominis liberam administrationem concedere jus naturæ, jus civile vero excipere prodigos; ne quis re sua male utatur. §. 2 *I. de his, qui sui vel.* Si quid hic addendum est, Jac. Gothofredus non habuit vestigium prodigi in ipsis *LL. XII Tab. sicut furiosi vestigia* repperit apud Veteres, imprimis Festum, v. *nec. Sei furiosus existit, ost ei custos nec est.* & Ciceronem. Neque Paullus. Lib. 3 *T. 4 §. 7* loquitur de *XII tab.* sed de moribus per Prætores. Lex enim non omnibus prospexerat. Imo nec poterat omnibus ex lege curator dari. *Ulp. Tit 12 §. 3. Idem d. L. 18 pr. & L. 5 §. 1* meminit tantum ejus, cui bonis interdictum est. Tum vero in *L. 1 ff. de Curat. fur.* extendit *L. XII tab. de furioso ad prodigum, exemplo furiosi, πρὸς μίμησιν τῆ μαινόμενης.* *L. 6 de V. O.* Ita factum, ut subinde conjungerentur, *L. 13 d. t & L. 1 C. eod. §. 3. I. de Curat.* per analogiam Juris. In *L. 28 ff. de probat.* non sunt æque copiosæ hæc literæ amœbæ. Nam D. Pagenflecher reprehendit diversas emendationes a Roberto & Revardo tentatas, quibus opus non sit, si ἐν πλάτεις referamus ad comma sequens: ἐν πλάτεις (i. e. non ad liquidum) enim potest hoc memoria non teneri: ex duplici autem negativa fieri affirmativam hanc: potest hoc memoria teneri. Ingeniose iterum, ait D. Heineccius. Quærit autem, quis tunc erit sensus verborum anteriorum: num hoc aliquo modo probari possit, quando id opus factum sit, & hoc ita, quod Græci dicere solent. Nullus utique. Immo in Græco, ἐν πλάτεις, nullam proprie inesse negationem. Retenta igitur lectione vulgari non alium exculpi posse sensum, quam hunc: late hoc sciri non posse, intra annum aliquid factum esse. Id vero prorsus adversari scopo Paulli. Quæri, num memoria operis facti aliquo modo probari possit, aut, quando id factum sit? Non ergo quæri, num aliquis meminerit, quo die aut Consule factum sit? Suf- ficit enim, id aliquo modo tantum probari. Et hoc illud est, quod Græci dicere solent ἐν πλάτεις. Versamur enim in antiquis.

Evita-

Evitare autem cupiens D. Heineccius, *τὸ enim pro nam*, repetit per geminationem de novo: *Ἐν πλατείᾳ enim potest hoc memoria teneri*, puta, *intra annum aliquid factum esse*. Petrus Colvius, JC. in notis ad *Apuleji lib. 4. Metam. p. 59* recte putabat, Paullum loqui cum priscis, ut Enim inchoet orationem, sicut *enimverò*. Sed nobis magis adhuc istud placuit, quod Noster qualemcumque annum, *trigesimum, quadragesimum*; adjecit. Omnino enim tale quid expectabamus, nec dubitamus, excidisse in textu signum alicujus numeri, instar sigli: quod si suppleas, aperta sunt omnia: *intra annum puta XL vel L*, etsi interim nemo sit, qui meminerit, quibus Consulibus id viderit. Levior est animadversio, an *contineri* scribendum pro *teneri*. Addemus potius ultima verba: *Sed cum* (quando) omnium hæc est opinio, nec audisse, nec vidisse, cum id opus fieret, neque ex eis audisse, qui vidissent, aut audissent, & hoc infinite similiter sursum versum accadat, tum (pro tunc) memoriam operis facti non exstare: Sufficit autem, si quis sciat, factum, h. e. si factum esse non ambigatur: nec utique necesse est superesse, qui meminerint. Verum etiam, si qui audierint eos, qui memoria tenuerint. Hæc omnia recitat Paullus de Labene ipso, *L. 2 §. 8 ff. de aqua & aqu. plu.* neque alter alterius epitomator hic vel scholiales fuisse videtur, aut censor.

LUDOVICI A RIPA, ASTRONOMIÆ AC
Meteorologiæ in Gymnasio Patavino Professoris,
Miscellanea.

Venetis, apud Dominicum Lovisam, 1725, 4 maj.

Plag. II Tabb. æn. 2.

TRes hoc volumine comprehenduntur Dissertationes: una meteorologica, de meteoro ignito, quod in agro *Tarvisino* apparuit; altera Geometrico-mechanica, de vi vaporum in hygrometris; tertia analytica, demonstrationes Theorematum ad Quadraturas spectantium complectens. Quibus accedit Ptolusio habita in Gymnasio Patavino, cum primum Astronomiam & Meteorologiam publice profitendam Nobilissimus Autor aggrediretur. Meteoron ignitum, de quo in prima Dissertatio-

tatione agit, ad hunc modum describit: sunt ignes, qui e terra enati, & huc atque illuc diffusi, lateque vagantes, ab annis nonnullis cernunturaliquot Venetiæ locis, terrorem hominibus, & terris vastitatem inferentes, quacumque pervadunt. Antequam ipsam phænomenorum historiam recitat, de temporum natura, ac locorum situ aliquid monendum censet. Loca, inquit, ab iis ignibus adhuc infesta, ingenti cultorum damno, sunt *Goticum, Ramo, Rossanum, Galliera*. Tria prima exiguo inter se intervallo *Bassanum* inter atque *Castrum francum* sunt; *Galliera*, quæ propius a *Gotico* abest, in *Civitatella* agro. Solum ibi macrum aridumque est, saxosum, glareosum. Aquarum fere nulli fontes, præter fluvium exiguum, qui interfluit, *Musonem* appellatum. Cultoribus putei in promptu sunt altissime effossi, rari tamen; magna enim aquarum copia subus latet, e proximis montibus fluentium, per occultos terræ ineatus. Itaque ubicunque putei eruuntur, aqua exiit, quæ ubique ad eandem altitudinem esse solet. Terræ ipsius stratum cominixtum multis partibus, limo, lapide, glarea, argilla, sabulo; an salinæ ullæ insint vel sulphuræ fodinæ, nulla indicia. Quod pertinet ad anni tempora, magna siccitas a seculo ineunte tenuit; proximis his superioribus annis mirum in modum aucta ad summum crevit. Hinc terræ facies ubique arida & tantum non exusta; fontes, fluuiique ipsi ac putei propemodum aruere. Ad hæc *Adriæ* ipsius fluxiones & cursus refluui solito depressiores, aerisque item per omnem Europam frequentiores impressiones Meteorologicæ extiterunt. Atque hæc præfatus Cl. Autor de natura tempestatum locorumque, ad ignes ipsos accedit. Hi primum apud *Goticum* visi sunt An. 1706, mense Sextili; quo loco flammis quatuor, consecutis noctibus quatuor, domus combusta est magna colonica, divisa ac distributa in partes plures, easdemque distinctas invicem. Sed postrema flamma, cum jam nihil esset, quo sese applicaret, palearium exustum est. Idque ipsum habitatores animadverterunt, hoc modo factum esse, ut flammæ agerent in palearium; ut omnes, etsi per alias aliasque lineas, eodem tamen collinearant; ut postrema flamma caderet per lineam verticalem ad perpendicularum. Mense item Quintili superiore

riore boves, quorum erant stabula in illa domo, plerique omnes morbo interiere; pauci inde erepti ac translati alio, brevi convaluerunt. Pecudes, quæ fuerunt coloni illius, omnino omnes eo morbo, veluti tabe, periere. His ad me post multos annos allatis, *inquit Cl. Autor*, continuo suspicatus sum, solum, cui domus ex inædificatæ essent, veluti centrum quoddam fuisse illarum exhalationum, quæ deinde erumpentes; ac sese proferentes circumquaque, sphaeram quandam constituerent, densiorem parte media, rariorem parte summa ad circumferentiam, unde sulphurea illa effluvia ac bituminosa agerent. Nam si forte fortuna fiat, ut intra circum suum sive sphaeram, in qua volvuntur sulphureæ illæ exhalationes, offendant aut nausicantur ali-quod effluviū e. c. salinum vel metallicum, ex commixtione rei utriusque ignis aliquis aut phosphorus gigni potest; phosphorus qui splendet, neque vero urit, quoties conjunguntur raræ quædam ac delicatæ particule, cujusmodi sunt cadentes stellæ, ignes fatui, ignis lambens &c. contra ea vero, si cum crassiore sulphure conjungantur partes densiores, tunc verus ignis atque activus progignetur, qui sese applicare queat ad ligna, ad paleas &c. Post annum 1717 ignes commemorati vi quadam vehementiore apud *Rossanum* apparuere. Atque illo anno ver quidem fuit aridissimum: sub initium autem mensis Julii stramineæ quædam domus conflagnarunt, quæ invicem distabant exiguo intervallo; omnique illa æstate ignes ii egere eodem loco, donec autumnus venit, quo tempore magnæ cælo pluvie ceciderunt, quibus flammarum vis restincta est. Ad decem fere & octo domus ignibus fuere exustæ, latiusque etiam calamitas manasset, ni incolæ eo consilio usi essent, ut domorum tecta demolirentur, parietesque omnino haberent nudos, ac sub dio fomnum caperent. Animadversum est, per aliquot dies secundum illas pluvias ignes non apparuisse, neque vero rediisse, nisi cum terra rursus cepit exarescere. Cælo nubilo nunquam visi sunt. Interdium per hæc tempora non offuere; quodque animadversione dignum est, noctu incenderunt nunquam, cum ventorum vis ageret. Initio apparebant fere semper secunda noctis hora, serius deinceps, tertia nimirum, raro sub noctem medi-

am. Prima phænomena tam late patebant quam lunaris discus. Cœpere autem deinceps minus, sed incerta inconstantique ratione: minimam faculam, maxima funale referebant. Undique accedere solebant, atque ex omnibus regionibus ventorum; partem vero maximam ab aquilone, minimam a meridie; cunctaque collineabant ad eundem locum. An. 1720 majore vi apparuere apud *Gallieram*, per autumnum. Rursus summo impetu apparuere An. 1722 apud *Goticum & Ramonem*. Cum maximi per æstatem calores fuissent, magni etiam per autumnum, qui fracti deinde sunt extremo Novembri, ob aquarum copiam, quæ cœlo ceciderunt; rursus phænomena extitere ita frequentia, ut agri iis confiti viderentur. Cœlo fudo, cum leniter flaret auster, majore copia apparebant, quam per noctes gelidas. Motus, figuræ, colores, varii. Quædam, ut fulgur solet, ferri & evanescere visa sunt; sed partem maximam animadversum est rotunda esse, & faculam fere exprimere. Ad hæc quædam stare videbantur; nonnulla in unum cogebantur, & unum mox in plura scindebatur. Nonnulla velut subsultabant; quædam motu ferebantur æquabili. Alia lente, alia celerius agebantur; sed hæc ita, ut nequaquam superarent velocitatem suam hominem currentem. Illud etiam curiose adnotatum est, si quando fossam aliquam præterirent, si quidem vis aquæ aliqua inesset, transilire consuesse, si nulla, descendere atque ascendere cursu æquabili. Cum propius ad pabulum venirent (agere autem consueverant in casas duntaxat stramineas) celeriori motu ferebantur, ita ut omnis eodem momento fieri videretur. Continuo ex omnibus partibus, incredibili quadam celeritate, in domum irruerant, eodemque momento domus tota conflagravit, neque ei rei ullo modo resisti poterat. Spatium nullum erat domesticæ suppellectilis subducendæ: magno fortunæ beneficio fiebat, si ex acri illo incendio incolumes evaderent homines. Desperatione & ira adducti cœpere ignes eos, tanquam investissimos hostes, insectari, & vastis fustibus ictibus verberare. Pulsi illi, motum persequentes aeris irregularem, sese modo sursum efferentes, inodo deorsum, manus ultorum evadebant. Contingebat interdum etiam, ut fustibus percussi scinderentur in partes duas, quæ partes deinceps fere-

ferebantur motu prorsus contrario. Duobus in locis commemoratis, nempe apud *Goticum & Ramonem*, incendia contigerunt, ceteris in locis nulla, etsi ignes frequenter apparerent: eaque res mirabilis visa est, illo præsertim tempore, quo tot ignes per illa loca circumquaque vagarentur, ita ut etiam tecta ædium tenerent. Mense Januario nives cecidere copiosiores, quibus restingui ignes visi sunt. Sed primo vere apparuere rursus, minore tamen copia, nullaque vi fere ad urendum; siue hoc inde acciderit, quod exhalationum vis quodammodo consumpta esset, siue quod hæc rariores, eoque minus activæ factæ, siue denique, quod circumstantia aliqua deesset, unde effecta illa gignerentur. An. 1723 mense Quinctili ignes redierunt, ac tamdiu perdurarunt, donec pluviis autumnalibus restinguerentur. Seinel tantum interdiu incenderunt: ex quo colligitur, eos majore vi ad urendum præditos fuisse, quoniam illorum densitas sustinere potuit Solis vim, neque ab illa aut distrahi aut rarefieri potuere. An. 1724 apud *Gallieram* apparuere. Quoniam vero mensibus Jun. & Jul. magnæ pluviæ cecidere, factum est, ut exhalationibus restinctis, phænomena cessarint. Æstate reliqua illius anni calida & sicca ignes nulli apparuerunt: autumnus vero per agros illos minore copia pervagati sunt, nullo tamen uspiam damno illato. Mox Decembri extremo aliquantisper nixit: sed statim vi ventorum australium, liquatis nivibus, ignes rursus in agro *Gotici* rediere, duoque palearia concremarunt: inde refluxere eos nives, quæ XIII Kal. Febr. An. 1725 cecidere. Quid futurum sit deinceps, inquit *Nobiliss. Autor*, difficile omnino est pronuntiare: fortassis hoc fieri potest, ut terra ipsa effecta, aut rariores fiant exhalationes, aut circumstantiarum aliqua tollatur, aut commutata tempestatum ratione, ignes restinguantur. Sed quoniam soli indoles mutari nequit, ita factu facile est, ut, si rursus circumstantiæ cogantur, ignes redeant & stramineas domus urant. Certe simile aliquid veterum memoris contigisse, obscura apud eas gentes & popularis quædam traditio est. Atque hæc de phænomenis illis, quæ quidem ipse oculis vidit Cl. Autor, & partim præclarissimis Viris, Comite Jac. Riccato & Jo. Rizzetto, accepit. Curiosa sane sed & tristia spectacula, quæ nescio attentionem

tionem magis ac speculationem, an opem & consilium postulare videantur. Sed ad alteram Nobiliss. Autoris Dissertationem nunc progrediendum est, ex qua si nonnulla afferamus, rem utique non ingratam eruditis lectoribus nos facturos arbitramur. Agit hæc dissertatio de vi vaporum in hygrometris. Simplex ac vulgare hygrometrum ita parari consuevit: Longior funis cannabinus, aut nervus fidium, justæque crassitudinis, horizonti parallelus constituitur, & quantum satis videtur, extenditur, ejusque extremitatibus gemino clavo firmiter alligatis, bifariam dividitur; ex medio puncto, ope tenuissimi fili, glans plumbea suspenditur, quæ proprio pondere funem ulterius distrahit, & descendendo in angulum flectit. Horum funium proprietas in hoc consistit, ut longiores fiant siccæ, humido vero breviores; ita ut pondus appensum modo extollatur, modo deprimatur, pro diversa aeris constitutione. Porro ad explanandos varios humiditatis gradus, sagitta seu linea recta, quam pondus descendens percurrit, in plurimas æquales particulas dividi solet, quæ profecto partitio mutationibus aeris minus apte respondet. Voluit igitur animo Cl. Autor, quomodo curva describenda esset, quæ optime hoc munus impleret. Sed quia difficultas difficultatem parit, illud etiam occurrit, pondus suspensum ex puncto O, funem AF bifariam secante, descendere per rectam OX; at si ad alterutram extremitatem propius accedat, & punctum D gravitate sua sollicitet, dubitavit, utrum per rectam, an per curvam incederet. Rursus cum idem pondus possit per totam chordæ longitudinem excurrere, atque flexuræ apice H speciem quandam catenariæ designare, hujus quoque curvæ naturam investigandam sibi proposuit. Hinc tria enata sunt problemata. Quorum unum hæc habet sententiam: *Ex puncto quocunque D funis AF suspensio quovis pondere, quod vi propria gravitatis funem extendat, & punctum D deorsum trahendo curvam describat, oportet hujus curvæ naturam investigare.* Perveniat punctum D ad locum H, in quo inter ponderis actionem & funis resistantiam æquilibrium constituitur, ductisque ex centrīs A & F arcubus DT, DX, itemque rectis AH, FH, demissisque ad AF normalibus KB, HC, GE, & producta CH ad N, ita ut HN onus seu potentiam

TAB. I

Fig. 5.

Fig. 6.

tiam distrahentem designet, quæ resolvi possit in vires collaterales LH, LN, vocetur $AF = 2c$, $AD = AK = a$, $FD = FG = b$, $AB = x$, $FE = z$: eritque, propter $FD : DA = EC : CB$, (nam ratio distentionum $GH : HK$, componitur ex rationibus virium tendentium HL, LN, & longitudinum chordarum $FG : AK$, vel $FD : AD$) ($bzx + zac - azz$). $\mathcal{V}(aa - xx) = (azz + zbcx - bxx)$. $\mathcal{V}(bb - zz)$; quæ formula si more Cartesiano ad coordinatas AC, CH, reducatur, implicatissima evadit. Inventæ igitur æquationis subsidio sequenti modo curvam construit Autor. In arcu DX sumit ad libitum punctum G, ex quo demittit ordinatam GE, deinde, producta FA ad partes Q, fiat $FD : DA = EA : AQ$, punctoque invento Q insistant normalis QZ, sitque ut rectangulum DFE ad quadratum AF, ita applicata EG ad QZ; determinatæ puncto Z agantur ZO, OA, parallelæ ipsis AQ, QZ, atque insuper per puncta O, A, rectæ PON, RAS, radio FG parallelæ. Intra asymptotos PQ, PN, descripta intelligatur hyperbola Apolloniana, quæ transeat per punctum A, hæc secabit arcum DT in aliquo puncto K. Productis igitur radiis AK, FG, ita ut sibi occurrant in H, demonstrat, punctum H pertinere ad curvam quæsitam. Alterum problema est hujusmodi: *Incedat grave appensum per totam funis longitudinem, & apice flexuræ successive mutato speciem quandam catenaria AHXF delineet, oportet hujus curvæ naturam investigare.* Pendente onere ex medio puncto O descendat usque ad X, productaque recta FX, sumatur XR æqualis distractioni XQ, & per punctum R acta RZ parallela lineæ AX, erit RZ æqualis alteri distractioni PX. Per constantem XZ exprimitur ponderis magnitudo. Hinc translato pondere a puncto O in aliud quodcunque D, fiat descensus per curvam DH, & virium æquilibrium in puncto H. Consueta instituta præparatione, recta HN, per quam pondus constans designatur, erit $= XZ$. Describenda modo est curva virium absolutarum, (per vires absolutas intelliguntur pondera arithmetice crescentia, quæ in singulis punctis curvæ DHS cum funis tenacitatibus æquilibrium faciant.) Quoniam igitur vires directe tendentes, per latera XR, HL expositæ, sunt inter se ut distentiones XQ, HG, directe, & ut longitudines chordarum QF, GF, reciproce, & data est tam distra-

E

ctio

TAB. I.
Fig. 5.

TAB. I

Fig. 7.

ctio HG, quam longitudo GF, Ergo & vis HL datur positione & magnitudine, ductaque LN parallela rectæ AH, dabitur punctum N, simul cum diagonali NH, vim absolutam exponente. Ordinata itaque HB producta ad partes C, sumatur BC=HN, punctum Cerit ad curvam virium absolutarum DCV. Hac descripta statuatur in axe AK abscissa AK æqualis ponderi XZ, & applicata KC secet curvam DV in C, ex quo ad KA agatur parallela CBN, curvæ DHS occurrens in H, erit punctum H ad quæsitam catenariam AHXF. Restat tertium problema, in hæc verba conceptum: *Dato ponderis appensi ascensu vel descensu in Hygrometro, determinare vaporum vim ad contrahendum vel relaxandum funem.* Sumatur in chorda AF quodlibet punctum E, & sit ELS curva virium absolutarum, relata ad curvam descensus EMQ. Ex diuturnis observationibus notum sit, ad quem locum infinitum Q pondus sudo & serenioris cœlo pervenire queat, ductaque recta QCL per ordinatam CL exprimitur gravitas ponderis absoluta, & sit LZ ipsi AF parallela; in qua constitutione supponitur humor per ærem diffusus vel nullam vel certe negligendam actionem in nervi fibras exercere, ita ut tota funis distentio ponderi CL debeatur. Jam nimbo aere corrugetur funis, & grave ad punctum M ascendat, productaque FM versus R sumatur MP=CL, & MN=DG, aganturque ipsi AM parallelæ PR, NO. Manifestum est, quod funis perseverans in suo naturali statu, sub flexione AMF, cum pondere absoluto DG vel MN æquilibrium facit, & pars MF a potentia MO distrahitur, altera vero pars MF a potentia ON. Verum humidus aer funis tenacitatem auget, paremque reddit sustinendo integro oneri MP, & tota potentia RM cum vi elastica chordæ MF in æquilibrium est, sicuti vis chordæ AM cum potentia RP. Est autem RM: OM=RP: ON; Igitur funis tenacitas in omnibus suis partibus proportionaliter crescit, ejusque incrementum non nisi per differentiam reclarum RP, ON, & RM, OM, vel per quantitatem RO exprimi potest. Modo adhibita simpliciori hypothese, si vaporum actiones eandem actionem servant cum auctis fibrarum tenacitatibus, recta RO vim humoris aerei ad funem contrahendum pariter indicabit. Hinc facta HK=RO, curva quæ transit

transit per punctum K & alia infinita similiter inventa, erit scala quæ vires crescentes humidi aeris exponit. Q. E. I. De tribus scholiis huic problemati subjunctis aliquid adhuc commemorandum videtur. In primo monet Cl. Autor, se in solutione præmissi problematis vim potius vaporum, quam quantitatem dimensum esse, quippe cum didicerit a V. Cl. Jac. Placentino, ubiorem aquæ copiam in opaco, quam in perspicuo aere, non contineri. At si aer, inquit, constante semper vaporum quantitate refertus est, quod seclusis aliquibus circumstantiis, & præcipue ventorum a mari fluentium, verum judico, vis humectandi non solum a copia, sed etiam a magnitudine guttularum petenda est. Hinc ex iis, quæ demonstrata sunt de vaporum viribus, habita ratione ad diversas ejusdem funis contractiones, conjecturæ sumi possent, qua proportionè augeantur vel minuantur guttarum in aere pendentium diametri: sed hæc, inquit, ad Physicos ableganda. In altero scholio ostendit, quomodo describi possit curva, seu scala vaporum vires determinans, si pondus (ut fieri solet) ex medio puncto funis in hygrometris suspendatur, ita ut descendendo rectam lineam percurrat. Vocentur x sagittæ crescentes vel decrescentes, & vires humidi aeris statuatur $=z$, longitudo funis $=za$, & pondus appensum $=b$; curva localis per sequentem æquationem exprimitur: $b \cdot \sqrt{\frac{aa+xx}{2x}} + a \cdot \sqrt{\frac{aa+xx}{2x}} = z$.

Scholio denique tertio investigat velocitatem ponderis in singulis sagittæ punctis, dum chorda bifariam divisa glans plumbea motu verticali per rectam lineam descendit. Hoc ut assequamur, constituenda prius est in quolibet sagittæ puncto vis deorsum sollicitans. Ex magnitudine, exprimente ponderis gravitatem absolutam, ea pars subducenda est, quæ in puncto dato cum tenacitate funis æquilibrium faceret, quod reliquum est in producendum motum acceleratum insumitur. Sit pondus appensum MP, & sit MN illud grave, quod sustineretur a vi elastica funis, sub flexione AMF, cum actio ponderis MN a tenacitate funis contraria actione elidatur, nullum edit effectum, remanente tantum vi accelerante NP, a qua mobile deorsum sollicitatur. His positis, vim variabilem NP sequens æquatio in singulis punctis determi-

TAB. I
Fig. 8.

nat, $f = b - 2x + \frac{2ax}{r(aa+xx)}$; & quoniam factum ex vi sollicitante in elementum spatii momenti velocitatis æquale est, oritur altera æquatio differentialis $fdx = bdx - 2x dx + \frac{2ax dx}{r(aa+xx)} = udu$, & integrando, non omiſſa debita constantis additione, $uu = 2bx - 2xx + 4ar(aa+xx) - 4aa$. Porro ſcala temporum non niſi per quadraturas exhiberi poteſt. Atque nunc ad tertiam Cl. Autoris diſſertationem perveniendum eſſet, qua comprehenduntur demonſtrationes theorematum ad quadraturas ſpectantium, a ſummo Geometra Jo. Bernoullio in Actis noſtris An. 1719 expoſitorum. Verum ne longi ſimus, hæc ipſa diſſertatio, nec non adjuncta proluſio ſicco pede prætereunda eſt.

SPIRITUS ANIMALIS EX FORO MEDICORELEGATUS. Autore ANDREA OTTOMARO GOELICKE, Medico, Profefſore atque Phyſico Provinciali Regio.

Francofurti cis Viadrum, apud Godofredum Conradi, 1725, 4.
Plag. 15.

JOHANNIS PHILIPPI BURGGRAVII, JUN. Doctoris Medici Francofurti ad Mœnum, de Exiſtentia Spirituum Nervorum, eorumque vera origine, indole, motu, effectibus & affectibus in corpore humano vivo ſano & agro Commentatio Medica, Viro Clariffimo, ANDRÆ OTTOMARO GOELICKE inprimis oppoſita.

Francofurti ad Mœnum, apud Joh. Frieder. Fleiſcher. 1725, 4.
Plag. 12½.

DEcem præterlapſi ſunt anni, cum Clariff. *Gœlicke*, publica in Academia Teutoburgenſi Clivæ Profeſſione functus, hæc duo Corollaria calci Diſſertationis Academiæ de Medico Cathedrali & Clinico adneſci curaverit: 1) Familiam ſpirituum „ vitalium, naturalium, & ſi qui alii ſuperſunt, recte quidem „ explo-

„ aploferunt Recentiores, mirum, cur solis animalibus repu-
 „ dium mittere ausi non fuerint; 2) hinc in Concilio Illustrum
 „ Medicorum, Præsides Apolline, nuper decretum est, Spiritus
 „ animales, quod a tot retro seculis Medicos infatuauerunt, & ad-
 „ huc non paucos infatuant, dignos esse, qui in perpetuum exi-
 „ lium relegentur, adjuncta severissima comminatione gravioris
 „ poenæ, si in ditiones Medicorum unquam revertantur. Horum
 Corollariorum uberius tantum deductio est, quam hoc in Tra-
 ctatu suscipit Clariss. Autor, & tribus Disquisitionibus exequitur,
 Fabulas sistens Medicorum, quas de Spirituum animalium I Exi-
 stentia, II Indole, Natura, Affectionibus & Effectibus, III Dia-
 thesi morbosa suis in scholis huc usque recitarunt. In Disquisitione
 igitur I, non existere Spiritus animales, probat, quia ab Hip-
 pocrate nulla eorum fit mentio; Physiologi discordes sunt in im-
 ponendo nomine; Medici inter se altercantur, quale sit verum
 secretionis, collectionis & dispensationis organum; argumen-
 ta allata nil probant, quæ sunt: a posteriore per sensum & mo-
 tum eosdem innotescere; cerebri nervorumque actione inter-
 cepta functiones animales evanescere & perire, cerebri & ner-
 vorum conformationem & structuram singularem peculiarem
 eorum actionem & usum commendare, digitis per nervos phre-
 nicos versus diaphragma ductis hujus motum conspiciunt restau-
 rari, objecta admodum subtilia & tenuia in organa sensoria agere
 non posse, nisi spiritus in iis hospitentur, per respirationem no-
 vos cerebro spiritus communicari, mediante duræ matris tono
 & motu systaltico per nervos spiritus ad partes propelli, per spi-
 ritus cerebrum a corruptione præservari, in musculis suam actio-
 nem constare non posse, nisi influant spiritus, a defectu eorun-
 dem, vel insufficiente volatilitate aut nervorum constitutione
 præternaturali varios oriri morbos, rationem denique dolorum,
 tremorum & convulsionum reddi non posse, nisi supponantur
 spiritus intra nervos undulantes. Rectius igitur egisse, pronun-
 tiat Noster, Argenterium, Bidloo & Stahlum, qui de eorun-
 dem existentia dubitarunt. In II accusat iterum dissensum Au-
 torum circa nomina spiritibus imponenda, quæ omnia rei, quam
 exprimere debent, minus sunt adæquata. Si tamen ex mechani-

corum mente ruditer definitionem adumbrare liceat, ita quidem, ut nihil eorum, quæ ad universum spirituum systema exhauriendum requiruntur, omittatur, talem format: Spiritus animales nihil aliud sunt, quam corpora tenuissima, subtilissima, atque celerrime mota, ex subtiliore & spirituosâ chyli; lymphæ & sanguinis, per arterias carotides & cervicales internas ad cerebrum adlati, parte constantia, quæ deinde in corticali cerebri substantia, tanquam genuino secretorio, separata & per medullarem cerebri partem transmissa, inque medulla oblongata, quæ nervorum radix est, collecta, tandem per nervea stamina, eorumque poros & canaliculos ad organa sensuum, imo singulas corporis partes sive ab anima pro arbitrio ablegantur, sive automaticæ mediante duræ matris tono aut motu systaltico impulsæ influunt, ad sensum, motum, imo & nutritionem præstandam ac perficiendam, tandemque ne insensibiliter evaporando corpora derelinquerent, idque iners & trunci instar immobile redderent, sanguini & lymphæ reafusa, ut iisdem, quibus antea, usibus denuo subservirent. Cum vero tota hæc descriptio tot ferè principii petitionibus, quot verba sunt, niti videatur Cl. Autori, consultum judicat singula ejus membra ad rationis pariter ac experientiz cynosuram examinare & refutare. In III ad diathesin morbosam spirituum animalium progreditur, sub qua vel nimia quantitate, vel defectu, vel vitiosa qualitate vel motuum anomaliis laborare & apoplexiæ, paralyseos, tremorum, morborumque sopororum, cataleptoseos, lipothymiz, syncopes, maniz, vigiliarum nimiarum, epilepsiz, convulsionum, dolorum & vertiginis auctores esse dicuntur. Verum hæc omnia fabulas esse, demonstrat, certioreque morborum horum ætiologiam subministrat, tandemque concludit: Spirituum existentiam neque e priori neque a posteriori hucusque satis demonstratam esse; latere medicos veram atque genuinam eorum indolem in statu sano & integro, ac proinde ignotam quoque esse conditionem illorum in statu morbo ac præternaturali; atque adeo pathologiam spirituum esse chymericam, id est, nullum morbum vel a vitiosa eorum quantitate, vel qualitate vel motuum anomaliis derivari rite posse, ipsamque therapiam fabulosam esse & imaginariam.

Inju-

Injurias has spiritibus animalibus illatas ægre ferens Clariss. *Burgravius*, vidensque, in toto hoc Processu criminali de spiritibus nervosis revisionem Actorum revelaturam esse Lectori a præjudiciis libero, longe aliam ferendam fuisse sententiam, quam revera factum fuerat; decreverat quidem, hocce revisionis negotium in se suscipere; verum mutato consilio, quod nihil jucundæ utilitatis in studiosam juventutem exin redundaturum credebatur, quicquid ad doctrinam de spiritibus nervosis pertinet, sive eorum originem, indolem, motum, sive effectus & affectus in corpore humano vivo, tum sano tum ægro, concernat, in unum systema, ichnographice tamen, fundere, nihilque prorsus admittere, quod non facile dignissimis experimentis & observationibus ad suas ubique revocatum causas, dilucidatum fuerit, constituit. Distribuit igitur præsentem Commentationem in III Sectiones, in membra & articulos iterum divisas, in quarum I structuram cerebri & nervorum tubulosam evincit, & ex habitu materiali corporis humani, potissimum sanguinis, per rationes motuum occurrentium indolem & motum spirituum nervosorum demonstrat. In II usum eorundem pro tensione partium naturali, pro motibus tam automaticis quam voluntariis & mixtis, pro nutrimento, pro sensibus externis, pro operationibus animæ, pro vigiliis & somno, ac pro commercio animæ & corporis præstandis delineat. In III morbos ab aucto vel imminuto tam ab ipso corpore, & rebus corporeis, quam ab anima excitato motu, & a vitata crasi spirituum nervosorum dependentes examinat. Ubique etiam objectiones Gælickii jungit & diluit, sicque magis per thesin quam antithesin procedit. In genere vero in Scripto Gælickiano desiderat, quod 1) statum controversiæ non rite formaverit, 2) discrepantes Autorum sententias plane erroneas cum confusis, imo etiam distinctis, invicem æquipaverit, omnesque damnaverit, & 3) potissima argumenta vel non omnia, eaque convenienti ordine & connexione allegaverit, vel plurima plane omiserit, sicque indicta causa spiritus hos perpetuo exilio multaverit.

ONTLEEDKUNDIGE VERHANDELINGEN

over de vinding van een Spier in de grond des
Baar-moeders.

i. e.

TRACTATUS ANATOMICUS DE MUSCULO,
in fundo uteri recens invento, una cum Instructiōe de
extrahenda Placenta uterina Autore FRIEDERICO
RUYSCHIO, Professore Anatomiae & Botanices,
Academiae Naturae Curiosorum & Societatis Regiae
Anglicanae Socio.

Amstelodami, apud Janssonios & Wærsbergios, 1725, 8.

Plag. 5, & fig. æn. Tab. 1.

CLarissimus Ruyschius, ut in Studio Anatomico, ita & in Chirurgico, si quis nostra ætate alius, omnium consensu excellit. Nota etiam est ipsius solertia & dexteritas in Arte Obstetricia, quam Junior adhuc in amplissima Amstelodamensium civitate per quatuor integros annos frequentissime exercuit, post quod delapsum spatium a Magistratu officio Collegii Obstetricii quadraginta annorum intervallo præpositus fuit, ut doceret examinaretque omnes, quæ huic se arti exercendæ dedere cupiebant in hac urbe, ut iisdem Anatomicas exhiberet demonstrationes partium muliebrium partui inservientium, ut responsa daret obstetricibus super difficili partu eum consulentibus, ut denique scrutaretur cadavera puerperarum ad detegendas infelicitis partus mortisque inscutæ causas. Quare factum est, ut meliora edoctus alia subinde incessest via, quam qualem ordinario ab obstetricantibus teneri advertebat. Impræsentiarum non possumus ipsius, quam de secundinarum extractione fovet, sententiam non collaudare, quam jam dum in Adversariorum Anatomico-Medico-Chirurgicorum Decade II insinuaverat, a nobis in Actorum Supplem. Tom. II. Sect. IX p. 371 commendatam, nunc vero hoc in Tractatu in civium suorum gratiam vernaculo idiomate uberius explicat & illustrat. Existimat scilicet, placenta uterinam, foetu in lucem edito, utero nimis arcte affixam, nulla artis efficacia secure posse educi, consultius ratus, eam ibidem relin-

MENSIS JANUarii A. MDCCXXVI.

relinquere; siquidem observatum fuit, istam a natura post secundam tertiamve septimanam sponte ejici. Vanum enim reputat metum, quasi placenta in utero retenta putrescat, ipseque uterus inde cito corrumpatur, inflammetur & gangrænescat; vel quasi foetus placenta humores inquinat, ut hecticæ febri, inflammationi, similibusque malis foris pandantur; nunquam enim observare potuit, placentam in pus ichoremve abire vel in putridum liquamen redigi; notum etiam est, foeminas carno uteri, intolerabilem mephitum spirante, affectas, per plures annos superstites esse. Fatetur tamen, placentam retentam substantiam suam integram non servare, sed vel in hydatides, vel massam, farinaceam haud absimilem, abire, & sæpe sub iterato partu cum sano foetu & secundis excludi. Provocat pariter ad pecudum genus, cui ex retentis placentulis, quas ad triginta vel quadraginta utero gestant, nunquam sinistri quid accidere, dicit. Iino provocat ad experientiam in vulgus notam, qua constat, nullam puerperam, intervallo quinquaginta annorum, postquam suam introduxerat methodum, ex retentis secundinis mortuam esse, quantum copiosa antea numerata fuerant funera, quæ vulgari modo erant tractata. In qua sua sententia magis fuit confirmatus Clarissimus Autor, postquam in cadavere puerperæ invenit musculum in fundo uteri, cui ut plurimum placenta adheret, cujus fibræ orbiculares sunt, cum reliquis confuso ordine & perplexe uterum transcurrant. Quibus visis judicat, duo excludenda esse in partu, foetum & placentam uterinam, huicque extrudendæ musculum orbicularem, illi reliquarum fibrarum seriem esse dicendam; nec opus esse putat, ut utrique hi actus, cum distinctis peragantur instrumentis, uno eodemque tempore peragantur. Novum hunc musculum in Adversariis III rudi penicillo depingi, in hoc vero Tractatu exactius & nitidius æri incidi curavit, cujus iconem nunc cum L. B. communicamus.

TAB. I.
Fig. 8.

Explicatio Figuræ 8 Tab. I.

quæ repræsentat puerperæ uterum inversum cum novo musculo orbiculari.

A. Uterus inversus.

B. B. D. D. Fibræ orbiculares musculi novi.

C. Centrum coni uterini.

F

EX.

EXCERPTA EX LITERIS D. GEORGII
FRIEDERICI FRANCI A FRANCKENAU
P. P. Hafnia A. 1725 d. 9 Octobris ad D. MICHAELEM
ERNESTUM ETTMULLERUM

P. P. datis.

NOvam invenit machinam Johannes Heinrichus Hefs, Chirurgus & Lithotomus apud nos famigeratissimus, pro calculo ex vesica tenaculorum loco extrahendo, quæ nullam vesicæ vim insert. Experimentum ejus factum est diè 26 Septembris, me, alioque Medico, & quinque Chirurgis Provincialibus præsentibus, felici cum successu in juvene 28 annorum, qui bene quidem nunc degit, multum tamen materiæ sabulosæ ex renibus descendens per vesicam quotidie excernit. Mitto hic iconem recens inventæ hujus machinæ, & calculi extracti, ut publico illa innotescat, & a peritis atque curiosis forsitan emendetur & perfectior reddatur.

Explicatio Figurarum.

TAB. I.

Fig. 9.

Figura 9 machinam ipsam exhibet.

a a. vesica tenuis, quam undique ambit

b b b b fasciola, per ejus

d d d d. medium trajectus est

c c. bacillus ex spinaceti fabricatus.

Fig. 10.

Figura 10 calculum extractum sistit.

PROMPTUARIUM RERUM NATURALI-
um & Artificialium Vratislaviense, præcipue quas
collegit D. JOHANNES CHRISTIA-
NUS KUNDMANN, Medicus
Vratislaviensis.

Vratislaviæ, apud Michaellem Hubertum, 1726, 4.

Alphab. 1 plag. 2.

NOta per orbem & clara fuerunt Musæ, quibus olim Vratisla-
via superbiit, Kretschmannianum, D. Laureæ, Vollgnadio-
rum, D. Scholzii, Kalenbergeri, Crusii & D. Sachsii a Lewen-
heimb,

heimb, quorum tamen nullum 26 abhinc annis amplius extitit. Et quanquam ab eo tempore fuerint, qui non minus nummos quam alia tam naturalia quam artificialia, collegerint, quos inter merito laudandi sunt *Fridericus Maximilianus a Retbel* & *Hennersdorff*, *Johannes Sigismundus ab Haunold*, *Daniel Caspar a Lohenstein*, *Georgius Mauritius ab Hoffmannwaldau* & *Daniel a Reusch*; post eorum tamen obitum res collectæ & hæreditatis vel emtionis jure in aliorum venere manus vel distractæ sunt. Cum vero haud pauca eaque sat egregia collegerit *Clariss. Kundmannus*, in Promptuario hoc typis ea exscribi curavit, ut, quæ bis vel pluries possidet, cum amicis communicare, & defectuum suæ Collectionis ex aliorum apparatu supplere possit. Inveniet etiam in eo curiosus Lector, quod in aliis Musæis frustra quaesierit; siquidem allegavit simul Autor summa industria Autores, penes quos pleraque aut descripta aut ære incisa reperiuntur. Non solummodo autem ea delineat *Clariss. Kundmannus*, quæ ipse possidet, sed & quæ hoc tempore Uratislaviæ partim in locis publicis, partim in multorum Procerum & quorundam privatorum Musæis asservantur. Hinc templa commemorat, cathedrale D. Johannis, ad S. Crucem; ex templis parochialibus, in quibus Evangelicorum Sacra fiunt, D. Elisabethæ, Mariæ Magdalenzæ, S. Barbaræ; in Curia Cæsaris templum Patrum Societatis Jesu, Virginium ad S. Claram, & ad S. Ursulam; Cœnobium D. Virginis & D. Jacobi; ac describit insimul Altaria, Picturas, Tabulas, Statuas, Reliquias, Suggestus, Sacella, Monumenta, Turres, Campanas, Organa pneumatica, & reliqua, quæ in iisdem asservantur. Inter ædificia publica Curiam, Bibliothecas, Elisabethanæ & Magdaleneæ, Armamentaria bina, Receptacula seu Castella aquaria, siphones pro extinguendis incendiis, laudat, commendatque Hortum Comitissæ de Malzan, Palatium Comitissæ Hatzfeldii, insignem Picturarum aliorumque prorsus excellentium apparatus *Christophori Comitissæ de Proskau*, & *Antonii Christophori Comitissæ Domini a Proskau*, Musæum *Ernesti Benjamin a Lowensfeldt* & *Ronneburg*, *M. Hanczii* & *M. Liebenstanzii* Nummophylacia, D. *Kaltschmidii* Musæum Fossilium & Lapidum figuratorum. Promptuarium rerum curiosarum, quas

Clariss. *Kundmannus* possidet, duas transcendit tertias hujus libri, & dispescitur in IV Sectiones, in certas Classes & Articulos subdivisas, quarum I Regnum animale continet, & animalia integra, partesque ex iis desumptas, aut exsiccata, aut in liquore balsamico conservata, & Testacea exhibet; in II Vegetabilia nominantur; in III ex Regno Minerali Gemmæ & Lapides pretiosi, diversimode figurati, iisque affines, Lapides tam ἀμύρῳ quam ἑμμερῳ, Petrefacta, Mineræ metalliferæ, iisque affines, Mineralia, Scorix, Salia, Bitumina, Sulphura & Terræ fiuntur; & in IV Artefacta, Instrumenta & Nummi recententur. De cetero meditatur Clariss. *Kundmannus* Opus, in quo Fossilia & Lapides figuratos examinaturus est, cui absolvendo ut sanitatem & vires Deus ei concedat, ex animo vovemus.

**PETRI ZORNII BIBLIOTHECA ANTI-
quaria & exegetica in universam Scripturam
Sacram.**

Tom. I. Pars I, II, III.

Francof. & Lips. apud Christoph. Gottl. Nicolai, 1724, 8.

Pl. 18.

CL. Zornius, Rector olim Scholæ Plœnensis in Holsatia, nunc Con-Rector Neo-Sedinensis, cum neminem feliciter in S. Scripturæ interpretatione versari posse existimet, nisi qui omnem antiquitatem profanam probe cognitam habeat, optimos quosque & rarissimos ex Hispanis, Italis, Gallis, Belgis, Germanis, Antiquarios paulo fusius recensere, suisque passim animadversionibus illustrare constituit. Nos omiſſa Præfatione, in qua acerbius in adversarios quosdam invehitur, indicem hic tantum dabimus librorum, quos his parvis Operis partibus Autor produxit.

p. 1.

Parte prima enarratur *Constantii Landi* Comititis in M. Casſii Cacerii & Atiliæ Manduilæ tumulum explicatio, ubi data occasione de pomis agit, quæ amorē denotent; unde & Veneris imago pomum dextra tenentis exſtet; simul explicat abusus pomorum in amore excitando. 2 *Octavii Falconerii* dissertatio de

de nummo Apamensi, Deucaleonei diluvii typum exhibente, ubi P. 7
 provocat ad ea, quæ pag. 33 Tom I opuscul. sacrorum dixerat,
 nimirum nullum argumentum diluvii Noachici depromi posse
 ex hoc nummo, etiam si arca in eo appareat, inscriptio arcæ Noe,
 columba cum ramo oleæ & reliqua. 3 *Funerailles & diverses*
manieres d'ensevelir des Romains, Grecs &c. descrites par Claude
Guichard. Hic nonnulla habet Autor de apotheoli Romana,
 observatque, per aquilam, rogo evolantem, mentem Imperatoris
 in cælum sublata designari, hincque ἀετάρχη divinitatis cul-
 tum dictum, quo & vocabulo Paulus usus hunc ritum respexit: ad-
 dit etiam hic quædam de sepultura Judæorum. 4 Numismata ærea, 25
 Imperatorum, Augustarum & Cæsarum in coloniis & municipi-
 is, autore Jo. Foy-Vaillant, recensens, disserit de epistola quotannis
 per mare delata ex Alexandria Byblum Phœnicæ, nullo navclero
 navein gubernante, cujus miraculi Lucianus testis est ἀντόπτης.
 Habet & quædam de Astarte, Dea Tyriorum tutelari; ut & de Ne-
 ecoris, sacrarum ædium & ludorum publicorum curatoribus,
 notatque, Ephesios maximo honori sibi habuisse, quum sub He-
 liogabolo quartum Neocori constituti essent. 5 Jo. Harduini
 nummi antiqui populorum & urbium. Varia hic tractat nomina,
 qualia: Neocoros, στρατηγός, ἀνθύπατος, Duumvir urbis,
 Metropolis, ἀπήνη, mulare vehiculum, Chora, χωρά, civitati
 circumjectus ager, unde Chorepiscopus, Θεοὶ Ἀρχαῖοι, Dii
 custodes arcis, & urbis, Απόλλων Σάγκτες, & Simon Sanctus,
 Asiarches, Magistratus ludorum Astaroth. 6 Navis ecclesiam re-
 ferentis symbolum in veteri gemma annulari insculptum, auctore
 Hieronymo Aleandro. Multa & hic curiosa reperiuntur de voce,
 anchora, qua denotatur uncus in trabe sancti sanctorum, super
 quem trabs minor una cum velo appenso quievit; tum mystica
 significatio verbi, navis, explicatur.

Parte II exhibetur Jo. S. biffiri Agrippa liberator, seu disser-
 ratio de novis tabulis. Novæ tabulæ dicebantur leges seu decre-
 tum communi consensu factum, quo debita in universum remita-
 untur, ita ut nec corpora nec bona debitorum amplius retinean-
 tur; cui legi statuendæ sæpissime summa pauperies civitatis &
 exorta seditio ansam dabat. 2 *Raphaelis Triceti du Fresne Epistola*

- p. 106. de Charondæ effigie. Cum Charondas, legislator urbis Catanæ patriæ suæ, pingatur cum cornubus, inde Autor erudite admodum de cornuum imagine in capitibus hominum, eorundemque significatione disserit. 3 *Nicolai Toinardi* fragmentum historiæ Herodiadum. 4 *Philippi a Turre* dissertationes de Beleno, & aliis quibusdam Aquilejensium Diis. Belenum, Baal, Bel, & Apollinem unum idemque asserit numen, & Bel Een interpretatur Deum fontis & aquarum. 5 Abenephii sequitur liber singularis de servitute Ægyptiaca Israelitarum, a Kircherò millies allegatus, quippe in quo omne præsidium ponit antiquitatum Ægyptiacarum, quem tamen vel ipse sinxit, vel ab alio fictum erudito orbi obtulit, velut arabico idiomate consignatum: 6 *J. Gothofredi* epistola de interdicta Christianorum cum gentilibus communione. 7 *J. Gothofredi* dissertatio de velandis mulieribus, deque exuvia capitis, ad Pauli locum 1 Cor. XI, 10. 8 *Dionysii Petavii* notæ ad Themistii orationes 19, ubi inter alia ostendit, acervum lapideum sepulturæ injectum notam ignominie fuisse. 9 *Guilielm. Saldeni* de canis pretio ad Deuter. XXIII, 10, ubi evincit, per canem intelligi adolescentem lascivum, disseritque de pretio meretricum, quas dictas ait *πέζας*, quia per plateas obambulant.
193. Parte III sistitur 1 *J. Chifletii* Aqua Virgo, fons Romæ celeberrimus & prisca religione sacer, ubi varia de cultu fontium, statuisque in ipsa earum scuturigine positis, qualis illa Socratis apud Athenienses. 2 *Otton. Sperlingii* de crepidis veterum Diatribæ. 3 *Jacobi Sponii* ignotorum atque obscurorum quorundam Deorum aræ. 4 *Famiani Nardini* Roma vetus. Hic demonstrat, *νῆσον* insulam dici ædificia Romana, quæ circumiri poterant, & rectissime applicantur ad Apocal. XVII, 9. 5 *Tanaquilli Fabri* Epistolæ, ubi quaeritur de dubia origine asini, Judæorum Dei, ex figmento Paganorum, de vocibus *ἄγγελος*, *ἀποθανεῖν*, *ὁρδοποδεῖν*, *ἐπίσσιος*. 6 *Josephi Nerii* Analecta, ubi pariter voces quædam Græcæ explicantur. 7 *J. Martii Mattii*, Brixiani, libri tres opinionum, ubi *παίζεν* denotare docet gestum amatorum, & saltationis magnam fuisse usum in sacris, probat. 8 *Josephi Castalioni* explicatio inscriptionis Augusti, quæ exstat in basi obelisci statuti ante portam populi. Hic Noster voces, Augustus & *σέβαστος*,
ado.

adorabilis interpretatur. Ceterum optabunt omnes, quibus Cl. Auctoris diligentia & sagacitas in indagandis antiquitatibus perspecta est, ut in recensendis ac emendandis Antiquariis pergat, numerumque, quem statuit sibi, millenarium feliciter absolvat.

NOVA LITTERARIA.

PARISIIS nuntiatur, Virum Clarissimum, *Franciscum Dionysium Camusat*, qui edito hactenus libro *Bibliothèque Francoise* (quem ipse quidem in Litteris ad Amicos *indigestum lasciviensis adolescentia fructum* vocare pro modestia consuevit) nuper inclaruit, jam in eo esse, ut edat *novam Ephemeridum Historiam*, cujus *Tomus I*, quo Diarii Parisiensis sortem accuratè descripsit, prelis Batavis subiectus est. Procedet in sequentibus ad exterorum etiam Ephemerides, inprimisque, quoad licebit, id operam dabit, ut Auctores earum omnes enarret, horumque vitas ac mores describat, deinde judicia de illis colligat Virorum doctorum, sive æqua sint, sive iniqua, denique recenscat, quos adversarios expertæ fuerint, & quæ hinc inde scripta controversa prodierint.

Dacherius & Mabillonius, quorum iudicio facile Eruditi omnes acquiescent, veterem Monachorum Disciplinam non Monasticis modo, sed etiam Ecclesiasticis rebus illustrandis ita necessariam existimabant, ut vetustos auctores, qui litterarum monumentis illam commendaverant, colligere & luce publica donare cogitarent. Dolendum sane, quod illos alio avocaverint aliæ occupationes. Equis enim id melius præstare potuisset? Consilium vero ab illis relictum exsequi parat Monachus S. Blasii in Nigra Silva, qui typis mandare cœpit Parisiis volumen in Quarto, cui titulus: *Vetus Disciplina Monastica, seu Collectio Auctorum Ordinis S. Benedicti, maximam partem ineditorum, qui ante sexcentos annos per Italiam, Galliam atque Germaniam de Monastica disciplina tractarunt. Continet res non modo Monasticas, sed etiam Ecclesiasticas ad Historiam Sacram pertinentes. Prodit nunc primum cura & studio ** Presbyteri & Monachi Benedictini Monasterii S. Blasii in Silva nigra. Cum triplici indice, I Librorum & Capitum, II Vocum exoticarum, III Rerum & verborum. Parisiis, typis Caroli Osmont, Bibliopola Parisiensis, via San-Jacobæ, ad insigne*

insigne Oliva, MDCCXXV. Continebuntur opere hoc sequentia: Petri Diaconi *Disciplina Casinensis ex autographo Ms. Bibliotheca Casinensis.* S. Sturmii, *primi Fuldensium Abbatis, Consuetudines, ex Italia circa medium VIII seculi Fuldæ illata, nunc auctori suo restituta.* Theodemari *Usus Casinensis, ad Carolum M. sub finem VIII seculi transmissi.* S. Benedicti Anianensis *Capitula de Disciplina Monastica suo auctori asserta: quæ ante & post Aquisgranense concilium conscripsit.* Capitula Monachorum *ad Augiam directæ ante annum DCCCXVII.* Capitulare Aquisgranense *de vita & conversatione Monachorum.* Capitula Monachorum *San-Gallensium, ad Regimbertum missa.* Luxovienses *ritus, ex vetusto Psalterio Luxoviensis Abbatie Ms. eruti.* Guidonis *Farsensis & Monasterii S. Pauli Romæ Disciplina; ex Ms. Vaticano num. 6808 & veteri codice Ms. S. Pauli in urbe.* Bernardi *Chuniacenses consuetudines u mendis purgata, & ad fidem Ms. codicis S. Germani a Pratis castigata.* Excerpta *ex Divionensi disciplina, quæ cum Fructuarienli communis erat, ex Mss. Benignianis.* S. Wilhelmi *Constitutiones Hirsaugienses seu Gengenbacenses seculo XI factæ, ac centum & ultra Germaniæ Monasteriis illata, ex Mss. Einsidensibus.* His porro accedent *Fragmenta Veteris Disciplinæ Monasticæ: Lecti- ones coram hospitibus recitari solitæ, juxta præceptum S. Benedicti Reg. cap. LHI ex Ms. per antiquo Rbinoviensi.* Formula *petitionis & professionis Monastica, ex Mss. Biblioth. Vindobonensis Aug. Casarea, S. Galli, & Augiensis.* Formula *offerendi pueros in Monasterio, ex Mss. S. Galli seculo IX exaratis.* Formula *Excommunicationis ex Ms. Codice Mellicensi.* Orationes *tres ante Matutinum & Vesperas a Monachis recitari solitæ, ex Ms. Breviario Casinensi, quod in domo Instit. Paris. D. J. asservatur.*

Ceterum letere nolumus Lectores, nostros, Virum Cl. Jo. Frid. Schannat, quo rectius Traditionibus suis *Fuldensibus, Lipsiæ 1724 editis & in his Actis Anno superiori M. Jul. p. 296 a nobis recensitis, confuleret, nuper admodum duplicem libri Indicem, hæcenus desideratum, alterum rerum ac nominum memorabilium, alterum Topographicum, Fuldæ typis*

Jos. Ant. Kassi, Typographi Aulici, publicasse, quo vix carere poterunt, qui opere jam pridem prostante rite uti cupiant.

No. II
A C T A
ERUDITORUM,

publicata Lipsiæ

Calendis Februarii Anno M DCC XXVI.

RERUM ITALICARUM SCRIPTORES AB
anno *Æræ Christianæ* D ad MD. LUDOVICUS AN-
TONIUS MURATORIUS, *Sereniss. Ducis Mutinæ*
Bibliothecæ Præfectus, collegit, ordinavit &
Præfationibus auxit.

Tomus VI.

Mediolani, ex Typogr. Societ. Palat. in Regia Curia, 1725, f.

Alph. 7 pl. 6 Tabb. æn. 2

STrenuo & incredibili propemodum labore institutum pro-
sequitur Celeb. *Muratorius*, qui & sextum, & nuperrime
septimum, ut accepimus, Tomum Scriptorum Italix me-
dii ævi in lucem protraxit, proxime etiam editurus octa-
vum & paucos alios, quibus integrum Opus absolvet. Ex-
hibet vero hoc sexto Tomo, quem Eminentissimo *Giberto* S. R.
E. Cardinali *Borromæo*, Episcopo Novariensi, magno Mæcena-
ti, sacrum voluere Palatini Socii, interprete *Philippo Argelato*,
primo loco *Petri Diaconi* de Viris illustribus Casinensibus opu-
sculum, cum supplemento *Placidi*, Monachæ Casinensis, quæ
primus cum notis suis, hic repetitis, edidit Jo. Bapt. Marus, Ro-
mæ 1655, post in Bibliotheca Patrum Tomo XXI, iterumque Par.
1666, denique a Viro Cl. J. A. Fabricio in Bibl. Ecclesiastica recu-
sa. Succedunt *II Acta translationis Corporis S. Geminiani*, Epi-
scopi & Patroni Mutinensis, ex uno templo in alterum Mutinæ
A. 1106 factæ, præsentè Mathilde, quam Noster Comitissam
Mutinæ, seu certe magna in urbe autoritate fuisse, arguit: ac-
cessere pauca quædam ex eodem Codice, quæ Henricum V Imp.
& Mathildem spectant. *III* Quinque *Chronica* brevia *Pisana*, ab

G

Ugbel.

Ughello Tomo III Italix S. mendose satis exscripta, quorum tria quidem e Codice Lucensi emendatiora nunc prodeunt: accedit ex eodem *Ughello* carmen *de expugnatione Majorica* a Pisanis facta, autore coævo *Laurentio* Veronensi. Notat hic Cl. *Muratorius* incuriam *Ughelli*, qui & in designandis annis contra fidem eodicum sæpius erravit, & Boreales insulas non uno in loco dixit, quas Baleares dicere debuisset. IV Anonymi *Venusini*, quem Seculo XII vixisse Noster evincit, *Vita quatuor priorum Abbatum Cavensum, Alpherti, Leonis, Petri & Constabilis*, nunc primum e Clar. olim Viri Bened. Bacchinii apographo editæ, quibus præmittitur Diploma Guaimariorum Principum de concessione Monasterio Cavenfi A. 1025 facta, & subjicitur Historia consecrationis ejusdem monasterii. Prolixi sunt imprimis *V Cassari* ejusque Continuatorum *Annales Genuenses* ab A. 1100 ad A. 1294, quos beneficio *Josephi Malaspina* S. R. I. Marchionis, cujus tamen Codicem recentem cum alio, quamvis non integro, non sine fructu contulit, in lucem nunc tandem protraxit Cl. *Muratorius*. Idem multus est in libri commendatione, cum nulla fere Italix urbs de Historia sibi gratulari possit, quæ a tot præstantissimis successively autoribus, tanta diligentia, de rebus, quæ sub oculis ipsorum gestæ sunt, publica quidem autoritate ac fide, scripta sit. *Cassarius*, Consul Genuensium, cum ipse cum civibus quibusdam in Palæstinam profectus fuisset, imprimis res illic a Genuensibus ab A. 1100 ad 1163 prospere gestas descripsit: cui succedens in hac scribendi provincia *Obertus* Cancellarius res integri decennii usque ad 1174 attexuit. Inde opem ferre conati sunt *Ottobonus, Ogerius Panis, Marchisus & Bartholomæus*, qui omnes, præter *Ogerium*, Scribæ h. e. Cancellarii dicti, res ad A. 1263 deduxerunt. Post hos publico decreto ad continuandum laborem adsciti quatuor nobiles, *Lanfrancus Pignolus, Guil. de Multedo, Marinus Ususmaris & Henricus Marchio Gavit*, rursusque A. 1266 *Nic. Guertius* ac plures alii, e quibus tandem unus *Jacobus de Auria* res ad A. 1294 perduxit, nullum nactus successorem, nisi forte *Jacobus de Poragine & Georgius Stella*, quorum *Annales Genuenses* alio Volumine se proditurum, pollicetur Cl. Editor, quodammodo hoc opus continuasse dicendi sunt. Succedit VI brevis *Historia Libera-*

berationis Messanae a Saracenorum dominatu, factæ per Comitem Rogeriū in Normannum, ex Steph. Baluzii Miscellan. Tomo VI ob insignem, quam sapit, vetustatem decerpta. *VII Ottonis Frisingensis* Episcopi ejusque Continuatoris *Radevici* Libri *de gestis Friderici I Imp.* qui cum Germanis nostris sint satis noti, non est ut plura notemus, quam quod libris his, a Cuspiniano primum 1515, iterumque ab Urstisio inter Scriptores rerum Germ. excusis, novum nunc lumen accessit ex collatione MSptorum Codicum Bibliothecæ Cæsareæ Vindobonensis, quam Celeb. Bibliothecæ Præfectus & Archiater Cæsareus, *Pius Nicolaus Garelius*, antehac Medicinæ in patrio Bononiæ Lycæo Professor, per Nicolaum Forlosiam, Neapol. adornari curavit. Quæ etiam felicitas obtigit *VIII Ottonis de S. Blasio Appendici* ad Ottonem Fris. & Radevicum, ab Urstisio primum vulgatæ, quæ variis Lectionibus multo pluribus ex ejusdem Bibl. Codice exornata est. Accessit *IX Epistola Burchardi*, Notarii Imp. *de victoria Friderici Imp. & excidio Mediol.* subjectis e novissima *Freberi* editione notulis Burch. Gott-helf *Struvii*. *X Magistri Boncompagni* liber de obsidione Anconæ, a copiis Friderici I Imp. A. 1172 peracta, ejusque urbis liberatione, e membrana prope cœva, quæ nunc in ipsius *Phil. Argelati*, sæpe jam nobis in recensione hujus operis laudati, manibus est, nunc primum vulgatus. Observat vero Cl. *Muratorius* ex ineditis Sicardi, Romualdi, Andreæ Danduli, & Rolandini Chronicis, quæ omnia se vulgaturum deinceps, promittit, hunc Boncompagnium, de quo Scriptores editi fere omnes tacent, circa A. 1221 Bononiæ primum *Grammatices* magistrum fuisse, hoc est, non Latine tantum linguæ rudimenta, sed & Poetas, Oratores aliosque Scriptores explicasse, eundemque fuisse, hariolatur, quem *Benum* vel *Bene* Florentinum vocat Sigonius Lib. V Hist. Bonon. ubi Petrum de Vineis, de ejus morte scribentem, testari ait, *Grammatica Artis extinctam esse lucernam, ac siccatum esse fontem irriguum*: quod ut crederet Noster, suadet eadem ætas, patria, professio, tum & Bononiense Gymnasium; adeoque censet, aut duplex ipsi nomen fuisse, aut ex abbreviatione nominis *Bonc.* qualis scribis ejus ævi solennis fuit, male lecta, factum *Bonus* aut *Benc.* XI *Ottonis & Acerbi Morena*, Patris & Filii, *Historia Lau-*
densis

densis a Felice Ofio primum, e MSpto non optimæ fidei, cum notis ipsius Ven. 1629 edita, iterumque ibidem 1639 a Nicolao Crasfo, ac demum a J. G. Grævio in Thes. Antiqu. & Hist. Italiæ Tomo III P. II & a G. G. Leibnitio Scriptor. rerum Brunsv. T. I ad Ofii editionem nimis forte religiose recusa, hic ita repetitur, ut textui Ofiano adjungatur a latere textus integer Codicis vetustioris Ambrosiani, quippe adeo ab illo diversi, ut varix lectiones non sine gravi Lectoris tædio subjici potuissent, comparati tamen cum alio recentiori Ambrosiano; & addantur tum Ofii notæ, a Leibnitio omissæ, tum novæ *Jos. Ant. Saxii*, quibus Ofium, qui vix quartam operis partem, priorem nempe, illustraverat, non infelciter supplevisse dicendus est. Tandem adjungitur *Sire Raul* sive *Rudulphi Mediolanensis de rebus Gestis Friderici I Imp. in Italia*, ab A. 1154 ad 1177 *Commentarius*, brevis quidem, at curiosus & magna veritatis specie, quam Autor synchronus prodit, conscriptus, scriptoribus aliis, si Trislanum Calchum excipias, pene omnibus ignotus, quem nunc Cl. *Muratorius*, ex instructissima Collegii Patrum Soc. Jesu Braydensis, quod Mediolani est, Bibliotheca depromptum, Morenis commodo loco subjiciendum putavit, ut Lector utriusque partis Scriptores, Ottonem imprimis Morenam, qui Friderico I Imp. militabat, & Rudolphum hunc, qui Mediolanensem, civium suorum, res descripsit, inter se rite comparare posset.

TRAITE DE L'ETUDE DES CONCILES,
& de leurs Collections.

i. e.

TRACTATUS DE STUDIO CONCILIORUM,
eorumque Collectionibus variis.

Parisiis, ap. Andream Cailleau, 1724, 4.

Alph. 3 pl. 17.

TRactatum hunc de Conciliis, cujus Autorem esse doctissimum *Salmohium*, Doctorem ac Bibliothecarium Sorbonæ Paris. compertum habemus, eo majori cum voluptate perstravimus, quo magis certum ac evidens est, in hoc amplissimo studio

studiorum campo & ingrediendo & emetiendo desiderari adhuc Criticorum industriam. Etenim, quod in Præfatione huic operi præmissa monetur, Mabillonius quidem ad studia Monastica rite instituenda (vid. Act. Supplem. Tom. II pag. 267) Lamius ad Scripturam sacram recte intelligendam, (vid. Acta A. 1710 p. 292) & Bonaventura d'Argonne, Vicarius Carthusianorum S. Juliani Rothomagensis, ad scripta Patrum & Doctorum ecclesiæ iusto ordine & cum fructu legenda, introductiones dederunt; quorum ultimus procul dubio autor est tractatus, a nobis Suppl. T. II p. 276 ex Mabillonio citati, qui & judice Autore nostro, editores Patrum eadem, quæ Simonius editiones & versiones codicis sacri examinavit, critica ratione prosequi potuisset: in Conciliis vero legendis hæcenus vulgaribus tantum eorum collectionibus & compendiis uti licuit, & qui novas Conciliorum Collectiones adornarunt, modo addendo, modo pro lubitu suo subtrahendo, suum secuti sunt genium, & non solum plurima intacta reliquerunt, sed etiam ea, quæ edita sunt, non ea, quæ quidem fieri debuisset, ratione illustrarunt. Qui hanc vel illam veritatem stabiliendam, vel hæresin aliquam rejiciendam, vel materiam quandam ad historiam ecclesiasticam pertinentem excutiendam sibi sumserunt, ea quidem, satente Autore nostro in proximo hujus operis, magno cum studio conquisiverunt & examinarunt omnia, quæ ad scopum suum collineare videbantur: omnibus tamen conciliis secundum artis criticæ præcepta examinandis, vel quoad singula momenta geographica, chronologica & historica, præsertim Episcoporum & Episcopatum, locorumque nomina, quorum in conciliis passim mentio injicitur, illustrandis, perpauci hæcenus suam impenderunt operam. Imo in omnibus, quæ haud exiguo numero magnoque sumptu editæ sunt, Conciliorum Collectionibus errores & defectus deprehenduntur admodum notabiles, adeo, ut nulla ex iis omnibus numeris absoluta dici possit. Hinc viris, qui in conciliis colligendis desudarunt, doctissimis, nec sua laude privandis, nullam se facturum esse injuriam credidit Autor noster, si in hoc studiorum genere ulterius progrediendi viam monstrare aggrederetur. Atque hac mente *Introductionem criticam in Concilia*

eorumque Collectiones, quo titulo opus hoc, magno cum labore compositum, nec minori doctrina refertum, jure meritoque insigniri potest, eruditorum orbi exhibiturus, & difficultatum, quibus Conciliorum lectio & collectio premitur, numerum imminuendo, ad præstantiorem perfectioremque Conciliorum editionem alios excitaturus, observationes & annotationes, quas Mabillonius, Sirmondus, Labbeus, Cossartius, Alexander, Albaspinus, Holstenius, Tillemontius, Pinius aliique in operibus suis, quibus perlegendis vix ætas nostra par videtur, de Conciliis consignarunt, in certa capita redegit: nec eorum, qui hæreticorum nomine Pontificiis veniunt, vel certe istis omni ex parte non probantur, utut Romano-Catholici nominentur, libros de Conciliis scriptos supine contemnendos, sed in subsidium subinde vocandos esse censuit, ut de quæstionibus controversis eo rectius ferri queat judicium. Qua prætexta causa se ipsum excusare voluit, ne pariter in hæreticæ pravitatis suspicionem incideret; quo tamen metu supersedere potuisset, cum placita Romanæ sedis, ea quidem, qua prudentiores Gallorum solent, ratione asserere & tueri non dubitet; id quod ex sequentibus luculenter satis apparebit: in quibus si quis nos insolitæ prolixitatis arguat, is sciat, in unius libri recensione plurium excerpta contineri.

Argumentum hujus operis, quod *tribus* constat *Partibus*, & quid in illo præstitum sit, ut more nostro ingenue pleneque indicemus, in *prima* Parte exponitur & commendatur utilitas, quam ex Conciliorum studio redundare Autor contendit: in *altera* Collectiones Conciliorum & antiquiores & recentiores, quotquot inveniuntur, non solum recensentur, sed etiam ad examen criticum revocantur: in *tertia* denique ratio præscribitur, qua studium Conciliorum sit instituendum.

Utilitatem, quam Conciliorum lectio pariat, universim spectatam, in Partis primæ Capite primo demonstraturus Autor, voluntatem Christi redemptoris ex sententia ecclesiæ Romano-Catholicæ cognoscendam esse præfatur ex sacris literis; ex constitutionibus & decisionibus ecclesiæ, ex scriptis Patrum, nec non ex consuetudinibus ab Apostolis, quod vulgo creditur, traditis,

atque

atque in hunc usque diem servatis. A Scripturis ergo sacris si dis-
 cesseris, nulla dari asserit sacratiora monumenta, quam quidem
 Concilia, cum generalia, tum particularia: momenta vero in
 conciliis discussa & definita, vel ad doctrinam pertinere & arti-
 culos fidei, quos religio Christiana præcipit; vel ad disciplinam
 & regimen ecclesiasticum; vel ad mores Christiano nomine di-
 gnos, sive ad facienda & fugienda. Hinc Concilia magnæ semper
 autoritatis fuisse, &, quod Josephi Ripamontii verbis affirma-
 tur, *vinculum & frenum antiquitus repertum suprema potestati,*
quotiescunque Pontificis ipsius culpa & vitio Catholica fides detri-
menti aliquid accipiat. Hinc Collectiones Conciliorum instructis-
 simum dicit armamentarium, thesaurum incomparabilem, co-
 dicem legum sanctissimarum universalem, bibliothecam amplis-
 simam. In ecclesia orientali etiam dies festos celebratos esse com-
 memorat in conciliorum priorum œcumenicorum memoriam.
 Quando autem conciliis divinam tribuit revelationem & infalli-
 bilitatem, quam tamen tum demum valere statuit, cum concili-
 orum legitime celebratorum canones ab ecclesia fuerint recepti,
 auctoritatem conciliorum plus jussu extolli, facile agnoscent, qui
 in rebus fidei literarum sacrarum ex divino afflatu conscriptarum
 sententiam, veluti normam & regulam, unice spectandam esse
 norunt. Utilitatem Conciliorum Autor in capite secundo per
 quatuor articulos speciatim deducit, respectu scilicet habito dog-
 matum & morum, disciplinæ & historię, præsertim ecclesiasti-
 cæ. Et primum quidem quod ad *dogmata* fidei attinet, in conci-
 liis observat, vel articulos fidei principales esse confirmatos. e. g.
 de divinitate Christi in concilio Nicæno: vel minus principales,
 qui ex primis fidei principiis per consequentiam fluunt, atque ad
 doctrinam fidei pertinent, definitos: e. g. de duplici voluntate
 Christi in sexto Concilio œcumenico contra Monotheletas habito:
 vel quæstiones minoris ponderis, quæ in sacris literis non evi-
 denter expositæ sunt, ventilatas esse: e. g. an angeli eodem, quo
 orbis visibilis, tempore sint creati, in quarto concilio Lateranen-
 si. Ex pluribus, quæ adducuntur, dogmatibus ponderari meren-
 tur, quæ de jure Principum circa sacra, de quæstione, utrum
 processio Spiritus S. a Filio ex Basilii M. scriptis probari possit, &
 de

P. 12.

12.

14.

25 & 74.
28.

p. 28.

34.

46.

62.

78.

61.

79.

106.

de confessione sacramentali notantur; ubi Dallæus, de confessi-
 one ante hæc postrema sæcula controversiam motam esse, perpe-
 ram negare, ait, cum Aldebertus in Concilio Romano sub Zacha-
 ria P. R. anno 745 habito, ob solam negatam necessitatem confi-
 tendi peccata ad impetrandam absolutionem in numerum hære-
 ticornum sit relatus. Ad doctrinam *morum* plurimum utilitatis ex
 conciliis accedere, dum Autor probare conatur, pluribus osten-
 dit, quomodo a prima severitate & puritate successu temporis
 abierit ecclesia, ingruenti autem malo remedium sit quæsitum in
 conciliis. Pari ratione copiose satis adducuntur ea, quæ ad *disci-*
plinam ecclesiasticam spectant, & vel diversis temporibus ac locis
 sancita, vel etiam certis de causis immutata fuerunt: ex quibus
 tantum notamus, milites in iustis tantummodo bellis castra secu-
 tos, pœnitentiæ publicæ fuisse subiectos: & extremam unctio-
 nem olim ante acceptam sacram cœnam adhibitam fuisse; ex fal-
 sa autem opinione, ac si in conjugio viventibus post acceptam
 extremam unctionem copula carnalis non amplius licita sit, quan-
 tumvis superstitiosa & falsa hæc opinio ab Episcopo Sarisburiensi
 a. 1217, & in concilio Oxoniensi a. 1287 ac Windesoriensi a. 1388 re-
 jecta fuerit, in omnibus tamen ecclesiis morem increbuisse, ut
 extrema unctio ad ultimum usque vitæ halitum differretur. Atque
 in hoc articulo Dallæus iterum notatur, qui pœnitentiam publi-
 cam sæculo decimo tertio, vel post Innocentium III P. R. prorsus
 extinctam esse, affirmat. Conciliis denique probat cum *historia*
 & sacra & profana arctissimum intercedere nexum, eorundem-
 que occasionem & scopum præcipuas esse historiæ ecclesiasticæ
 partes; cumque omnis generis facta & acta in conciliis occurrant,
 ex illis res non solum ecclesiasticas, sed & politicas, civiles &
 militares, quarum magnam affert copiam, egregie collustrari
 posse, Autori nostro facile largimur, qui hac de causa optimos
 quosque scriptores, Eusebium, Hieronymum, Theodoretum,
 Cyprianum, & alios conciliorum conservasse memoriam coun-
 monstrat. Cum vero auctoritas conciliorum quinque potissimum
 objectionibus impugnetur: videlicet exemplaribus, quæ hodie
 exstant, parum haberi posse fidei, & longe aliam esse rationem
 Scripturæ S. per providam Dei curam in integritate sua conser-
 vatæ,

vatz, aliam Conciliorum, quæ, Crabbio fatente, magna ex parte deperdita sunt & mutilata: editiones quoque Conciliorum plurimum differre: Papam Romanum canone Concilii Nicæni usum esse supposititio, ad Primatum sibi vindicandum; in canone porro trigesimo quinto Concilii Laodicensi vocem *angelos* substitutam esse pro *ungulos*: omitti etiam in conciliis, quæ Pontifici non arrideant: apertas dari in conciliis contradictiones, & partem potentiorum semper triumphasse de adversariis suis, ut modo orthodoxi, modo heterodoxi in conciliis prævaluerint: denique Gregorium Nazianzenum de conciliis parum honorifice sensit, nec persuaderi cogique potuisse, ut Concilio Constantino-politano A. 382 interesset; hæc objectiones in Capite tertio diluere conatur Autor noster, & multa erudite satis disputat, quæ in ipso hoc tractatu legant ac dijudicent, quorum interest de conciliorum judicare valore.

Nos, missis hæc, progredimur potius ad alteram Partem hujus operis, quæ Conciliorum Collectiones latius persequitur, & capitum numero, atque observationum criticarum copia, reliquis præstat. Ethic Lectori nostro rem nos facturos esse speramus longe gratissimam, si præstantiora quædam capita paulo copiosius retulerimus. Antiquas conciliorum collectiones Autor noster *Capite primo* hujus partis commemorat, & quatuor principales Collectiones Græcas, totidemque minimum numerari tradit Latinas, Canonum Apostolicorum collectione in hunc numerum non relata. Primum quidem inter collectores conciliorum locum mereri censet Athanasium, qui librum per modum Epistolarum ad amicos conscripsit de Synodis Ariminensi & Seleuciensi: Hilarium quoque rogatu Episcoporum Gallorum librum de Synodis composuisse, & literas Græcorum Synodales collegisse: primam tamen collectionem conciliorum Græcam dicendam esse, quæ circa annum 385, autore Stephano Episcopo Ephesino, vel Sabino Episcopo Heracleensi, vel, quod Autori nostro magis probabile videtur, alio quodam anonymo facta: hunc vero compilatorem circa initium sæculi quinti vixisse, & sectæ Macedonianorum addictum, in odium ecclesiæ orthodoxæ, & imprimis concilii Nicæni ea tantum selegisse, quæ Systemati suo favere

p. 144.

videbantur: Socratem tamen ex hac collectione plurima desumpsisse, & in suam transtulisse historiam, ea scilicet quæ l. 2 c. 39 de concilio Seleuciensi refert, nec non l. 3 c. 25 epistolam ab Episcopis orientalibus Imperatori Joviano Antiochiæ oblatam. Alteram collectionem Græcam sub titulo *Codicis canonum ecclesiæ universæ*, paulo post concilium Chalcedonense confectam, studio & opera Christophori Justelli conquistam, & post mortem ipsius a Voello & Henrico Justello Christophori filio una cum alijs esse editam: in hac collectione, cujus autor dicitur Stephanus Episcopus Ephesinus, canones haberi novem conciliorum Græcorum, qui jus canonicum antiquum ecclesiarum orientalium constituunt, nempe canones concilii Nicæni XX, Ancyranum XXV, Neocæsarensis XIV, Gangrensis XX, Antiocheni XXV, Laodicensi LIX (Fabricius in Bibl. Gr. Tom. XI p. 41 ponit LXI) Constantinopolitani primi VII, Ephesini VIII, & Chalcedonensis XXIX. Titulum Codicis ecclesiæ universæ impugnari quidem a Francisco Florente in Dissertatione de origine & auctoritate Juris Canonici, eo potissimum, quod canones Sardicenses in hoc codice non inveniuntur; excusari tamen & defendi a Quesnellio in tr. de discipl. eccles. p. 31: hunc ipsum codicem ecclesiæ universalis neutiquam confundendum esse, uti quidem Cardinalis Perronius in respons. ad Reg. M. Brit. fecisse dicitur, cum *Codice ecclesiæ orientalis*, quem Joh. Tilius edidit: denique Constantium in præfatione novæ suæ editionis Epistolarum Pontificum probare, jam ante Concilium Chalcedonense codicem canonum collectum fuisse. Ecclesia Romana nullum alium codicem habuisse videtur usque ad Concilium Nicænum, quam traditionem regularum apostolicarum; nec postea ullos admisisse canones usque ad Pontificem Innocentium I, quam qui Nicææ sunt decreti: & quod Constantius affirmat, nulli canones vim Romæ habuisse dicuntur ante codicem Dionysii Exigui. Primam & antiquissimam collectionem Latinam sexto, uti creditur, sæculo scriptam, in bibliotheca monasterii Corbiensis haberi, Autor noster perhibet: alteram vero esse eam, quam Quesnellius ex MSC. Oxoniensi edidit, ejusque defectus ex alijs, quæ in pluribus alijs bibliothecis adhuc habentur, manuscriptis facile suppleri posse: tertiam

148.

149.

150.

tiam collectionem latere in bibliotheca Colbertina: quartam vero esse Dionysii Exigui, qui Abbas fuit monasterii cujusdam Romæ; ubi Autor ostendit, in quo collectio Dionysii a codice ecclesiæ Romanæ, nec non a codice ecclesiæ universalis differat. Describit porro Codicem ecclesiæ Gallicanæ, Codicem Hadriani Pontificis Rom. Carolo M. datum, Collectionem S. Isidori, Codicem ecclesiæ Hispanicæ ante ipsum Isidorum compilatum, Collectionem denique Martini Braccarenfis: & quanquam difficile sit determinare, cujus in ecclesiæ usum hæc vel illa collectio facta sit, ostendit tamen, canones ecclesiæ Gallicanæ non solum in Gallia, sed & in Hispania legis vim obtinuisse, nec non in Anglia, in qua quinto demum sæculo primum, quod S. Patritii dicitur, & septimo alterum habitum fuit concilium Herefordiæ. In hoc concilio cum Theodorus, quem Autor noster Episcopum hujus urbis, puta Herefordiæ, dicit, alii vero Archiepiscopum Cantuariensem fuisse affirmant, codicem canonum protulerit, quos Angli quoque observare decreverunt, & ex illis decem capitula pro statu ecclesiæ Anglicanæ præsentī potissimum commendaverit, queritur, utrum Theodorus auctor illius codicis fuerit, nec ne? Justello affirmante, & Beda tacente, Nostro probabile videtur, codicem Theodori a codice ecclesiæ Romanæ non diversum fuisse: eundem tamen Theodorum codicem canonum, & codicem pœnitentialem composuisse, non diffitetur. In Germaniam, serius ad fidem Christianam conversam, circa tempus Riculfi, Episcopi Moguntini, compilationem falsi Isidori delatam esse perhibet. In Africana vero ecclesia quatuor diversos Codices canonum a primordio ejus usque ad octavum sæculum usurpatos fuisse monet, quos Noster ordine describit: qua occasione triplicem Baronii errorem notat, primum quod collectioni Ferrandi CCC capita tribuat, cum tantum CCXXXII habeat; deinde quod Ferrandi & Crisconii Collectiones confundat, ac si Crisconius suæ collectioni tantum Ferrandi opus adjunxerit; & denique quod de illis loquatur, tanquam cœtaneis. Hæc vero duas Collectiones Noster inter se confert, & de utroque codice erudite differit. Ad ecclesiam Græcam dum iterum se convertit Autor, in illa Canones Apostolicos, Synodicon,

p. 151.

154.

155.

156.

157.

159.

161.

162.

164.

p. 168.

173.

178.

179.

180.

187.

originum rerumque Constantinopolitanarum manipulum, editum a Combefisio, collectionem Johannis Antiocheni, Photii, opusculum Johannis Pselli, quem Caveus, Sagittarius, Pinus & alii minus recte dicunt Michaellem, collectionem Harmenopuli, epitomen canonum Alexii Aristeni, collectionem Simeonis, qui Magister & Logotheta dictus, Arsenii, & Nili, collectiones etiam particulares in usu fuisse docet, de singulis lectur non injucunda proferens, & ex codice canonum MSCto, qui in Bibliotheca Sorbonica asservatur, accurate descripto, annotationem inserit de decretalibus Apostolorum, nondum impressam, a Papa Silvestro usque ad Gregorium II. Observat etiam, collectionem canonum Anselmi Lucensis servari in bibliotheca Barberina: Ivonem Carnuetsensem duas fecisse collectiones: Cardinalem *Deusdedit* duo reliquisse opera in MSto, quæ Pinus male confudit: collectionem Cardinalis Gregorii inscribi *Polycarpum*: in decreto Gratiani, de quo prolixius agit, ex Antonii Augustini, Archiepiscopi Tarraconensis, Dialogis plurima emendari debere: plures alios adhuc passim inveniri codices canonum manuscriptos, quos commemorat, & vel juxta seriem rerum, vel ordine chronologico dispositos esse, testatur. Nec prætermittit versionem canonum Arabicam & Syriacam, collectionem Arabicam Melchitarum, & Jacobitarum, collectionem canonum ecclesiæ Nestorianæ, quorum codices manuscriptos admodum raros esse dicit, & canones ab Abyssinis receptos; & tandem concludit, omnes diversas collectiones ad duas commodè referri posse classes, cum aliæ literas Pontificum integras vel decretis Conciliorum intermixtas, vel etiam separatas, aliæ vero excerpta tantum ex literis Pontificum vel ex Conciliorum canonibus exhibeant; multas autem collectiones ex commemoratis nondum impressas esse, monet.

Ad recentiores ergo & jam impressas Conciliorum Collectiones describendas, Autor progreditur *Capite secundo* atque in articulo *primo* collectiones universales, *secundo*, particulares, & *tertio* summas atque compendia Conciliorum magno cum studio recenset. Collectionum quidem Conciliorum generalium notitiam B. Ittigius jam in Actis nostris A. 1684 p. 348 dedit, & Cel. Fabricius

eius in bibliotheca Gr. Tom. XI p. 113 variis observationibus ac supplementis auctam exhibuit; operæ tamen pretium esse ducimus eandem ex Autore quoque nostro augere, & missis illis, quæ II. cc. jam notata sunt, quædam singularia tantum decerpere, vel minimum sententiam ejus candide exponere. Videlicet tredecim Autor noster numerat Collectiones generales, quarum *prima* est Jacobi Merlini, qui Parochi primum, postea Canonici munere functus, A. 1525 ad magni Pœnitentiarii ecclesiæ Parisiensis dignitatem evectus est. Hic ad lites tum temporis circa religionem motas, facilius, uti quidem sperabat, componendas, Conciliorum adornavit collectionem, cujus tres exstant editiones; *prima* prodiit duobus Tomis in fol. Lutetix 1525, altera totidem Tomis in 8 Colonix 1530 (quam quidem Fabricius æque ac Parisiensem in fol. in manibus suis esse testatur) & tertia iterum Parisiis 1535 non in fol. uti Labbeus dicit, sed in 8 typis Francisci Regnault. Forsan in Labbeana præfatione, ex qua Noster editionis secundæ mentionem facit, typographi vel calami vitio voces *in 8*, ad alteram editionem positæ, cum verbis *in fol.* tertiæ adscriptis, sunt commutatæ, cum Noster tertiam hanc, veluti a semetipso visam, describat, & epistolæ dedicatoriæ primæ editionis tantum partem aliquam in hac expressam, bullam vero auream Caroli IV, &, quicquid de electione Regis Romani secundæ editioni adjectum, in hac tertia quoque reperiri, testetur, nulla mentione facta bullæ Pii V, de non appellando ad futurum Concilium, quæ in tertia hac editione Parisiensi procul dubio prætermissa. Merlinum autem non Anglum fuisse, sed Gallum e vico S. Victurmuni Lemovicensis diœcesis, contra Miræum & alium quendam Autorem confirmat. *Altera* collectio est Petri Crabbii, Monachi ordinis Franciscani, qui æt. 83 A. C. 1554 d. 20 Aug. pro quo Miræus & qui eum sequuntur annum 1553 perperam ponunt, diem obiit supremum. Hic Colonix Agripinæ 1538 in fol. duos edidit Tomos Conciliorum, ex quingentis bibliothecis collectorum, quibus 1551 Tomum tertium addidit. Quare Concilium Vienne in hac collectione omissum, alteri Tomo vero duo indices rerum annexi sint, ex Autore nostro cognosci potest. *Tertium* locum Noster tribuit Francisco Joverio, quem, cum non

p. 197.

199.

201.

- tam collectoribus quam epitomatoribus accensendus videatur, Sirmondus & Baluzius in collectorum numerum non retulerunt.
- p. 203. *Quartum* locum tenet Laurentius Surius, qui A. 1567 Coloniz Collectionem Conciliorum edidit quatuor Tomis, ita quidem, ut nonnulla omiserit, quæ in altera editione Crabbiana jam impressa fuerunt; præcedentibus vero Collectionibus octo libros Constitutionum Apostolicarum, codicem encyclium & quintum Concilium generale addiderit.
204. *Quinta* Collectio, quæ Venetiis A. 1585 tribuitur anonymo, cum typographus, Dominicus Nicolinus, nomen suum aperte profiteatur, seque eruditorum opera, præsertim Dominici Bollani, usum esse testetur. Hanc totam in gratiam Romani Pontificis compositam, nec ullum fere aliud in scopum annotationes margini & contextui adjectas esse, ingenue fatetur.
205. Auctor noster, quam ut autoritas Papalis extollatur. *Sexto* loco ponitur prima Collectio Binii, quæ notis ex Baronio desumptis illustrata & historica methodo disposita, Coloniz prodit A. 1606, Paulo V inscripta. Et huic collectioni perficiendæ non solum inserta sunt Concilia Hispanica a Garfia Loaisa & Valerio Sereno Lovanista collecta; sed etiam quæ Ducus, Bellarminus, Antonius Posssevinus & Serarius suppeditarunt.
206. Collectio Romana, quæ *septima* est, A. 1608 in quatuor Tomos in fol. est distributa, quorum duo posteriores A. 1612 prodierunt. In hac Concilia generalia prima vice Græce edita sunt, & cuius Concilio historia ejus est præmissa. Observat vero Auctor noster, lectiones, a Surio in margine positas, in hac collectione textui insertas, plurima loca ex ingenio correctæ, ordinem fere totum inversum, & Concilium Basileense, Bellarmino instigante, tanquam falsum rejectum, & quicquid supremo Pontifici non placuerit, omissum; discursum vero præliminarem in Concilia generalia, teste Labbeo, a Sirmondo esse conscriptum.
207. Secunda Collectio Biniana, quæ A. 1613, & tertia, quæ A. 1636, non 1638, quod Labbeus affirmat, prodit, *octavo* & *nono* numerantur loco. Binium ab Usserio contaminatorem conciliorum dici, Noster non dissimulat, qui tamen utriusque posterioris editionis incrementa & elegantiam collaudat.
209. *Decima* hinc sequitur Collectio, quæ est Regia Pari-

Parisiensis A. 1644, XXXVII splendidis voluminibus exhibita, in qua Binii & Sirmondi Collectiones conjunctim, sed iisdem cum erroribus & sphalmatibus impressæ sunt, ita ut editores ne errata quidem, in Sirmondi collectione notata, consuluerint: quare vero non omnes constitutiones Imperatorum & alia huc pertinentia monumenta huic collectioni inferuerint, se ignorare ait. Undecima Collectio est Patrum Labbei & Cossartii, quam Autor non solum pleniorē dicit præcedentibus omnibus, ipsa quoque Regia; sed etiam collectioni Harduini præferre nullus dubitat. Hæc prodit A. 1672 XVII voluminibus, quorum VIII priora Labbeus ad finem perduxit, operi A. 1667 immortuus; Cossartius vero nonum & decimum a Labbeo inceptum perfecit, & reliqua adornavit, atque sic toti operi ultimam manum imposuit. Potiora momenta, quæ huic collectioni accesserunt, sunt: 1 annotationes Sirmondi ad Concilia Gallicana postumæ, quippe qui in altera eorum editione ornanda multum operæ jam posuerat, morte autem præpeditus fuerat, quo minus eam consummare potuerit; 2 amplissimus conciliorum numerus, nunquam antea impressorum; 3 concilia Annalibus Rainaldi, Spicilegio Lucæ Acherii, operibus Maræ, Baluzii, & aliorum inserta, atque sic in diversis libris dispersa; 4 emendationes conciliorum jam editorum ex codicibus MSCtis, variis ex bibliothecis conquisitis (ita primum & secundum Concilium Carthaginense, antea imperfecta, ex antiquo MSCto Vaticano hic restituta videre licet; & ex MSCto bibliothecæ Cardinalis Barberini plurima monumenta addita sunt ad Concilium Constantiense pertinentia, quæ antea desiderabantur) 5 Textus Græcus nonnullorum Conciliorum, quæ antea tantum Latine legebantur; 6 plures vitæ & epistolæ Paparum; 7 haud exiguus numerus orationum & epistolarum aliorumque monumentorum ad Concilium Tridentinum spectantium; 8 annotationes variorum Autorum in Concilia antea seorsim editæ, ex. gr. Albaspinzi, Mendozæ &c. & denique 9 ipsius Labbei atque Cossartii notæ in plurima loca difficiliora. Labbeanam hanc collectionem nova excepit Stephani Baluzii, quæ duodecima est, & cujus Tomus primus tantum prodit Parisi A. 1683, in Actis nostris A. 1684 M. Aug. p. 348 prolixè & accurate descri-

p. 210.

213

p. 216.

descriptus. Nempe Baluzius acta conciliorum & emendare & augere voluit, hocque consilio multa congeffit monumenta, vel antea prorsus incognita, vel nondum impressa, vel minimum Collectionibus Conciliorum nondum inserta, ejusque operam in illustranda collatione inter Catholicos & Donatistas Carthagine habita, in corrigendo codice encyclico, in rebus gestis vel confirmandis vel refutandis, Autor noster maximopere extollit, notatque, Baluzium, Imperatricem Pulcheriam Concilio Chalcedonensi interfuisse, negare; e contrario adversus alios probare, Julium Episcopum Puteolanum, tanquam Legatum Pontificis Leonis I, cum Hilario, Archidiacono ecclesie Romanæ, in Concilio Ephesino præsentem fuisse, Renato, Presbytero ejusdem ecclesie, in itinere mortuo. *Ultima* tandem Collectio est Harduini, quæ sub titulo *Collectionis maxima* XII Voluminibus Parisiis A. 1715 typis regiis impressa fuit, & cujus conspectum in Actis nostris ejusdem anni dedimus p. 377. Hæc quidem hæctenus prohibita, & propterea paucis visa fuit; nuperrime vero cognovimus, Regia autoritate & venditionem hujus Collectionis esse permissam, & accuratiorem revisionem injunctam. In præsentī, cum Autor noster sententiam suam de hac collectione libere exponat, & quid in ea laudandum, quid desiderandum sit, luculenter enaret, Lectorem quoque nostrum de eo certiorē facere non pigramur. Primum Noster vel ex ipso titulo, in quo *Decretalium* expressa mentio sit, apparere judicat, quodnam Harduini institutum fuerit. Quanquam enim in margine ipse annotaverit, eruditos Pontificum Decretales pro supposititiis habere; in indice tamen suo nonnulla minus certa collocat, ex Decretalibus & aliis ejusdem generis documentis desumpta, quæ tanquam genuina extollit. Et ex his eum principia deducere libertati Gallicanæ adversa; notas quoque ejus præjudicii Transmontanorum esse conformes, in indice rerum nimia cum propensione indicatas, judicat. Nec sibi persuaderi patitur, Clerum Gallicanum, A. 1685 congregatum, provinciam adornandi hanc Collectionem illi commississe; & quando le Long affirmat, Harduinum ex Conciliis Gallicanis a Labbeo & Pommerajo editis nullum omisisse, & viginti tria Concilia Gallicana nunc prima vice

in

in hac collectione edidisse: utrumque falsum esse confirmat; & non solum Concilia omissa enumeret, sed etiam quibus in operibus Concilia, quæ nunc prima vice edita dicuntur, reperiantur, ostendit. Tum vero accurate recenset, quæ monumenta in secundo, sexto, septimo & nono volumine nunc prima vice exhibeantur, in præcedentibus collectionibus non obvia, vel non tam plene perfecteque expressa. Sed cum de hac Collectione plura alia in sequentibus notanda veniant, Autorem jam sequamur, in articulo hujus capituli secundo particulares Conciliorum, in hac vel illa regione habitorum, Collectiones enarrantem. Concilia *Romana* primo loco notantur, a Luca Holstenio Rom. A. 1662 in 8 edita, tum *Africana*, quæ Garnerius A. 1673 in diss. de Synodis, in causa Pelagianorum habitis, operibus Marii Mercatoris annexa, & Schellstrate in tractatu de ecclesia Africana Antverpiæ A. 1679 in 4to collegerunt. *Gallicana* Concilia in generalia distribuuntur & particularia seu provincialia. Illorum collectionem dederunt Sirmondus, cujus controversia cum Petro Aurelio hac occasione percontetur; Petrus de la Lande, qui supplementa Conciliorum edidit Parisiis 1666 in fol. ex quibus Labbeus XIX monumenta jure Collectioni suæ inferere debuisset, ab Autore nostro relatâ; Ludovicus Odespund de la Méschinieres, cujus Collectio Coloniæ 1646 impressa; quibus subjunguntur Collectio capitularium Regum Galliarum & Edmundi Martene & Ursini Durand Collectio sub titulo Thesauri novi anecdotorum quinque Tomis Parisiis 1717 fol. edita. Provincialia, quæ in Normannia habita sunt, Godinus collegit & Pommerajus edidit 1677 in 4; quæ in provincia Turonensi, Johannes Maan A. 1667 in fol. quæ in provincia Narbonensi habita, Petrus de Marca, Archiepiscopus Tolosanus, collegit, & Baluzius post mortem ejus edidit Parisiis 1668 in 8. Conciliorum *Hispania* Collectionem dederunt Gaspar Loaisa, Cardinalis Josephus Saenz de Aguirre, & Franciscus Haroldus: *Anglia*, præter Guil. de Lindwood, Henricus Spelman, cujus Conciliorum, 1639 Lond. in fd. editorum (quod obiter monemus) exemplum egregium exstat hic in Bibl. Menckeniana, in quo manu docta, forte ipsius Spelmani, infinita fere loca e

P. 227.

234.

249.

257.

Cod.

p. 261.

God. Regio aliisque emendantur, multa suppleantur, & novæ versiones e lingua Saxonica adduntur, ut novam editionem paranti magno possit esse præsidio. *Germanorum* Concilia commemoraturus, ad Ottonum usque ætatem, capitulares tantum in usu fuisse, monet, & canonibus veteris ecclesiæ Germanicæ ex Goldasto commemoratis, Leibnitii verba citat, dudum miratos esse doctos, neminem hæcenus aggressum edere Concilia Germanicæ, quod jam moliri V. C. Christoph. Matth. Pfaffium enostris, ex Fabricii bibliotheca Gr. Tom. XI p. 129, e Pontificiis vero Jo. Frid. Schannat, aliunde constat. Nicolai Serarii vero, qui in historia Moguntina A. 1604 edita, & A. 1722 a Clar. Ge. Christiano Joannis denuo divulgata, aucta & illustrata (vid. Act. nostr. A. 1723 p. 434) viginti tria numerat Concilia, dum Noster meminit, institutum quoque Polycarpi Lyseri, statuta provincialia Moguntina anni 1310 in lucem proferendi, & dissertationem sub præsidio S. R. Abbatis, J. A. Schmidii, habitam commemorat,

263.

in qua plura citantur Concilia, Serario & Labbeo incognita, & genuina a supposititiis distinguuntur. Quando autem Noster S. R. Schmidio peculiarem de iisdem tribuit dissertationem, ex una jam citata duas facit; quem quidem errorem ipse cognovisse & emendasse videtur, dum in catalogo Scriptorum Lyseri tantum adducit dissertationem. Tandem in articulo tertio *Epitomatores* Conciliorum in quatuor dispersit ordines, & in *primo* quidem eos collocat, qui omnium Conciliorum summas dederunt, nempe Carranzam, Contarinum, Jo. Sagittarium, Franciscum Longum a Coriolano, Angelocratorem, Ludovicum Bailium, Johannem Prideaux, Simonem Strarovolscium, Labbeum, Cabassutium, Marcum Battaglini, tabulas Conciliorum Pinii, historiam Conciliorum Hermantii, & Richerii, tractatum historicum J. Cti, Van-Espen, de codicibus & collectionibus, delectum Actorum ecclesiæ universalis Poissonii, II Tomis in fol. 1706 editum, & analysin, seu ideam generalem Conciliorum œcumenicorum & particularium Bruxellis editam 1706 duobus Tomis in 8, & de singulis erudite disserit, præsertim de duobus recentioribus, in citata analysi nullam adhibitam esse monstrans

264.

dixi.

αποβαν, sive in excerptis, sive in transferendis canonibus. In *altero* exhibet Scriptores, qui aliquot Concilia generalia in compendio exhibuerunt, Augustinum Patritium, Conradum Rittershusium, Abrah. Scultetum, Joach. Camerarium, Gonzales d' Ayala & Esprit Andre; in *tertio* vero Epitomatores, qui Concilia generalia & nonnulla particularia in epitomen redegerunt, Franciscum Jo. le Maire, Gesnerum, Christianum Lupum, & anonymum quendam, qui historiam Conciliorum a tempore Apostolorum usque ad Concilium Tridentinum duobus Tomis edidit 1699 in 12 (vid. Acta nostra Supplem. Tom. III pag. 342) & his subjungit Indices Conciliorum Prætoii, Padillæ, Freheri, & Antonii Augustini: in *quarto* denique ponunt Epitomatores Conciliorum particularium hujus vel illius provincie; Aguirrius, qui Hispanie; Scholanus, qui Concilia Valentina; Corius, qui Mediolanensia; Hermantius, qui clavem ecclesiasticæ disciplinæ; Laurentius Bouchel, qui decreta ecclesiæ Gallicanæ; & Laurentius Brancati, qui epitomen canonum, in Conciliis generalibus ac provincialibus, in decreto Gratiani, in decretalibus epistolis, & constitutionibus Pontificum contentorum, vel potius Dictionarium Juris Canonici edidit Romæ 1659 in fol. De his quidem omnibus varia notari possent, lectu non injuncta; sed ne recensio nostra modum excedat, ad Caput *tertium* nobis deproperandum est, in quo rationem præscribit, perfectiorem Conciliorum Collectionem comparandi; docetque, in tali Collectione & materiam considerari debere & formam. Materiam, per quam acta intelligit & monumenta ecclesiastica, ex quibus Collectio Conciliorum componitur, in articulo *prima* respiciens, eum, qui in Conciliis colligendis rite ac cum fructu versari velit, primum codices manuscriptos consulere jubet, cum modo textus corruptus sit, modo versio minus accurata: qua occasione de Codicibus MSCtis Conciliorum generalium prolixè disserit, & quibus Merlinus, Crabbius, Surius, & reliqui collectores, supra jam memorati, usi sunt, refert. Inter alia observat, Baronium versione Latina verborum Athanasii *ἐς τὰ τῶν πατέρων*, *super sunt acta Patrum*, seductum, acta Concilii Nicæni

p. 281.

282.

290.

294.

300.

302.

- scriptis mandata esse, affirmare, cum verba Græca potius vertenda sint: *super sunt Patrum scripta*. Acta Concilii Basileensis vel tribus tantum verbis refert in variis bibliothecis, in Regia Parisiensi, Colbertina, Sorbonica, & Basileensi reperiri, quæ Hardtium, celeberrimum Actorum Concilii Constantiensis Editorem, (quem non in ipso tantum opere, sed etiam in indice Vonderhardt scribit) ad prælum parata habere, in Actis nostris A. 1718 p. 417 lectores nostros certiores fecimus. Porro collectorem jubet Codices manuscriptos inter se conferre, & ex variantibus lectionibus optimam eligere: quo nomine ex antiquis Rusticum, Diaconum ecclesie Romanæ, qui sexto Sæculo floruit, & plures Codices Græcos & Latinos MSCtos contulit & emendavit, & ex recentioribus Nicolinum & Baluzium commendat. Tertio Concilia etiam diversis locis & temporibus jam impressa conferenda, & ea omnia attendenda esse censet, quæ in lucem publicam emittuntur, ut ex omnibus operibus conquiratur, quicquid Conciliis illustrandis inservire possit. Tum quarto selectum docet institueri in edendis Conciliis, & supposititiis distinguere a veris, & monumenta, quæ desiderantur in præcedentibus Collectionibus, supplere, vel etiam in editis monumentis sententias & voces corruptas restituere, lacunas, si quæ occurrunt, explere atque hæc ratione partes critici suscipere (ubi voces *Concilium*, *Βύλη*, & id genus alias explicat) & supposititiis Conciliis etiam illud annuerat, in quo Sfondratus conceptionem Mariæ immaculatam definitam esse affirmat. Quinto in materiarum selectu recte instituendo de sequentibus disputat quæstionibus: utrum Conciliorum Collectioni inferenda sint Apostolorum Concilia, quæ Antonius Augustinus omisit: an Concilium Africanum, in quo error Cypriani de rebaptizandis hæreticis valuit: an constitutiones apostolicæ: an literæ decretales Pontificum: an eorundem vitæ & decreta: an tractatus speciales, cujusmodi a variis pro lubitu Conciliorum Collectionibus additi sunt: an constitutiones particulares Episcoporum: an collectorum observationes. In quæstione de literis decretalibus Pontificum excutienda, Tomum primum collectionis Epistolarum Pontificum, a Constant A. 1721 in

solæditum, dedita opera recenset, de qua cum in Actis nostris nulla hætenus mentio facta sit, operæ pretium fuerit, nonnulla hic ex Autore commemorare. Præfatio generalis ei præmissa de auctoritate papali, diversisque Epistolarum Pontificum Collectionibus, præsertim de illa, quæ Romæ antehac prodit, & de *avversia* literarum in nova hac Collectione editarum agit. Deinde tempore, quo quisque Pontifex sedem Romanam occupaverit, paucis notato, dissertationes varii argumenti præmittuntur, quarum potiores & prolixiores sunt de primis Successoribus Petri, de hæreticis tempore Papæ Hygini Romam venientibus, de Aniceti modo procedendi cum Polycarpo, de controversia de Festo Paschali mota, de zelo Zephyrini contra hæresin eorum, qui Jesum tanquam nudum hominem respiciebant, de condemnatione Origenis, de penitentia Clericorum tribus prioribus sæculis usitata, de idololatria Marcellini, de Schismate tempore Bonifacii I &c. Ipsæ vero Epistolæ Pontificum, vel in lingua originali exhibentur, cum antiquis non nullis versionibus, vel, illa deficiente, in Latinam linguam accurate translata: quasdam etiam versiones ipse confecit Constantinus, & cuius epistolæ argumentum præmisit, quo tempore & a quo scripta sit, indicans, atque epistolis ordine Chronologico dispositis, incertique temporis ad calcem reliquarum conjunctis, notas subjunxit criticas, in quibus *avversia* epistolarum confirmatur; ex quo MSCto epistolæ desumptæ sint, quo tempore MSCtum exaratum, & quomodo ad nostram usque ætatem conservatum sit, indicatur; variz lectiones conferuntur; & quamplurima argumenta, ad historiam ecclesiasticam pertinentia, ex gr. errores hæreticorum, & antiqui ritus ecclesiastici, illustrantur. Literis vero Paparum, quæ in hoc Tomo habentur ab anno Christi 67 ad annum 440, illæ quoque adjunctæ sunt epistolæ, quæ ad Pontifices datæ sunt, & ad quas hi responderunt, ut sese mutuo illustrarent. Appendicis loco annectuntur epistolæ supposititiz, quæve ex ignorantia, vel malitia vel propter similitudinem styli, Pontificibus falso sunt attributæ, additis in notis rationibus, quare sint rejectæ. Catalogum quoque epistolarum rejectarum Noster exhibet, & ex eo, quod literæ hæ compositz sint tempo-

- re Symmachi, vel paulo post ipsius ætatem, colligi posse monet, quo tempore, quave occasione certæ nonnullæ opiniones de auctoritate papali primum sint divulgatæ. Hanc Collectionem Constantii quoque cum Collectione Labbeana confert, & observat, in priore plures reperiri epistolas, in nulla Conciliorum Collectione, vel aliis operibus, impressas, ordinem quoque esse longe alium, cum Labbeus ad Concilia epistolas Pontificum retulerit & ordinaverit. Constantio autem operi immortuo, Simonem Monipotium Collectionem hanc ad Innocentium III continuaturum, nos certiores facit. Pari ratione Ciampini dissertatio de libro pontificali Anastasii bibliothecarii, in Supplementorum nostrorum Tomo primo pag. 271 descripta, prolixè recensetur. In forma vero Collectionis Conciliorum describenda Autor primo methodum generalem, quia Collectores Conciliorum hæcenus usi sint, examinat, docetque, Merlinum tantum ea protulisse, quæ ad acta Conciliorum & Pontificum ab Isidoro collecta pertinent: Crabbium vero non solum numerum decretorum & Conciliorum auxisse, sed & versiones, notas, & varias lectiones adiunxisse: Joverium Concilia generalia ac decreta Pontificum in tres classes distinxisse: Surium secundam editionem Crabbianam opinionesque vulgo receptas, & in historia ecclesiastica Nicephorum secutum esse: nec ab ea methodo discessisse Nicolinum, qui in Chronologia Onuphrium secutus sit: Binium & editores Romanæ ac Regiæ Collectionum illas ad usum eruditorum commodius aptasse: & Labbeanam Collectionem esse omnium commodissimam. Secundo observat, Collectores non eundem in actis & decretis retinere ordinem; præsertim decreta Papæ Cornelii ejusque literas, nec non epistolas Cypriani & Cleri Romani ad illud alio ordine a diversis Collectoribus collocari: imprimis, ut tertio differentias collectionum editarum ostendat, qua ratione Concilia generalia in quavis Collectione exposita sint, pluribus describit. Capite *quarto* difficultates, quibus perfecta & accurata Conciliorum Collectio sit circumsepta, exponit, & admodum difficile esse judicat, acta & monumenta conquirere, cum plurima MSCTa Græca & Latina Conciliorum vel perditæ sint, vel depravata & corrupta; difficile, mutila & corrupta MSCTa integritati

gritati suæ restituere; in locis dubiis veram lectionem determinare; ex diversis interpretationibus veram sententiam eruere, cum, nisi summa adhibeatur circumspectio, versionum errores facile adoptentur; difficile, certam ætatem vel epocham cujusvis monumenti perscrutari; difficile, sedes episcopales accurate distinguere, ubi errores Geographici, quos Garnerius commisit, & Holstenius, notantur, & le Quien novum opus sub titulo *Orientis Christiani* moliri perhibetur (qua occasione Noster ea recenset opera, quæ ad Geographiam sacram & ecclesiasticam recte cognoscendam introductionem suppeditant) difficile denique, justum constituere ordinem, & Conciliorum, & monumentorum ad quodvis Concilium pertinentium. Capite quinto qualitates necessarias, quibus Collector Conciliorum præditus esse debeat, enumerat, & in illo requirit exactam profundamque linguarum, Græcæ & Latinæ præsertim, cognitionem; notitiam verborum mediæ Græcitatæ & vocum ecclesiasticarum, judicium criticum, & notitiam rituum ac consuetudinum populorum; notitiam Paganismi, rerum Judaicarum & Romanarum, religionis Ægyptiorum, ceterarumque nationum; necnon notitiam mythologiæ, autorum sacrorum & profanorum; notitiam Chronologiæ, Geographiæ, historiæ ecclesiasticæ, juris prudentiæ antiquæ & modernæ; lectionem Patrum, quæ cum lectione Conciliorum conjungenda, ut altera alteram & jucundiores reddat & utiliorem; denique animum partium studio non abreptum, ubi non solum historiæ, sed etiam dogmatum terminos sibi figere suadet. Ex variis, quas Autor cumulat, observationibus tantum notamus, explicationibus eruditorum non semper calculum adjici posse. Sirmondus enim verba *arma projicere in pace*, quod qui faciunt, abstinere jubentur a communione, explicat per *alterum ferire*, cum tamen nihil aliud significet, quam in pace arma sive militiam deferere. Sic verba in MSCtis ita posita: *Dorotheum VS. comitem* Surius legit *Dorotheum vestrum comitem*: sed editores Romani & Labbeus cum pronomen *Vestrum* non quadrare viderint, omisso illo, simpliciter posuerunt *Dorotheum comitem*: quod si textum Græcum consulissent, facile cognovissent, legendum esse *Virum spectabilem*. Sic

P. 439.
441.

462.

465.

469.

471.

- p. 474. sic literæ unde vel undus in antiquis codicibus significant *virum devotum*. Hinc ubi Labbeus legit T. IV col. 937 *per Brancmundum Magistranium*, legendum est *per Baranem virum devotum Magistranium*. Capite sexto Autor ea omnia, quæ hæcenus prolixè disputavit, ad tredecim illas Collectiones supra commemoratas applicat, & quid in singulis desiderari possit, totidem articulis describit. Nos, missis reliquis, ea tantum recensēbimus, quæ in Labbei & Harduini Collectionibus desiderantur. Labbeum Autor notat Binium & Editorem Collectionis Regiæ nimis secure secutum esse, atque adeo eorum errores simul descripsisse; eas quoque notas Binii retinuisse, quæ ad monumenta, ab ipso omissa, pertinent: sæpenumero etiā, de hoc vel illo argumento in notis amplioribus sese dicturum esse, promississe, quas tamen nunquam protulit: inferere omnino illum debuisse, præter alia, juramentum Julii II ante electionem Cardinalibus præstitum, cum perjurium, cujus postea infimulatus fuit, ex illo sit dijudicandum; itemque protestationem Episcoporum Hispanorum in Concilio Tridentino, propter quam continuatio hujus Concilii per biennium suspensa fuit: in syllabo etiam monumentorum, singulis voluminibus præmisso, plurima frustra quæri monumenta, quæ tamen in ipso opere reperiuntur; e. g. in Syllabo Tomi Sexti nulla mentio facta est juramenti Roberti Ducis Apuliæ, Calabriæ & Siciliæ, Gregorio VII præstiti; & inter varia vitia typographica notandum esse illud, quod Harduinus in sua quoque Collectione retinuit, scil. in comment. Gelasii in acta Concilii Nicæni L. I. c. II, ubi agitur de victoria Constantini a Licinio deportata, verba Græca, καὶ ἀνηρέθη ὁ τῷ Χριστῷ καὶ τῷ αὐτῷ δεσπότης τυράννος ita translata esse: atque ita Christi servi ejus opera sublatus ille tyrannus est; ubi sublata particula & inter voces Christi & servi, impium ineptumque hunc sensum gigni, ac si Licinius providentia Christi Servi sui perierit: sic in titulo sermonis Patrum ad Imperatorem Justinianum apud Labbeum legi ἐν τῷ τρεῖς λόγῳ βασιλικῷ παλατίῳ, pro ἐν τῷ τρεῖς λόγῳ τῷ βασιλικῷ παλατίῳ, vertique in Trullo palatio imperatorio, cum verti debuisset, in Trullo, sive ex observatione Lambecii, in parte palatii imperatorii, cujus fastigium tectum & ornatum fuit trullo, sive
- 506.
- 510.
- fornice

fornice hemicyclo, qui vulgo Italice dicitur *cupola*: Labbeum quoque confundere capitulare Compendiense Caroli Calvi anni 867 cum alio in Concilio Sueffionensi A. 853 composito: nonnulla etiam monumenta non eo, quo quidem poni debuissent ordine. Epistolas item Innocentii IV minus accurate disponere, dum ea, quæ quarto loco habetur, primum tenere debuisset. Et talia quidem, plura non in Labbei solum, sed & in Cossartii monumentis observat. Præterea Labbeum partium studio additum fuisse, haud obscure innuit, dum Basileensi Concilio titulum *æumenici* negavit, eundem vero Concilio Florentino & Lateranensi, sub Julio II & Leone X celebratis, tribuit: nec excusandum putat, quod Robertum Windringtonum, presbyterum Anglicanum, ob perseverantiam in fide Catholica laudandum, hæreticis annumeraverit. Non minorem curam atque industriam Autor adhibuit in Collectione Harduini examinenda, de qua distinctis quatuor articulis agit; & primum ostendit, quid eadem novi præ ceteris habeat, scilicet, quod plurima monumenta Harduinus reviderit, & ex novis MScis emendaverit; quod monumenta quædam meliori ordine disposuerit; quod in temporibus nonnullorum signandis majorem adhibuerit *exactitudinem*; ubi ea, quæ Harduino correctionem postulasse visa sunt monumenta, enumerat. Tum vero emendationes non tacet, quas Harduinus in Collectione sua utique notare, atque adeo nonnulla immutare debuisset, notatque, eruditissimum Pagium epochas variorum Conciliorum restituisse, & plurimorum suppositionem demonstrasse, ex. gr. quod ad ordinem Conciliorum, sub Symmacho Pontifice habiturum, in Collectionibus valde perturbatum, attinet, Sirmondum quidem recte observasse, Synodum Palmarem esse quartam; errare vero, quando eam ad annum 501 referat, rectius ad annum 503 referendam: ejusmodi observationes Pagium dedisse plurimas, publico applausu A. 1695 susceptas: Baluzium quoque egregiam in emendandis temporibus præstitisse operam: nec non Monachos ordinis Benedictini in operibus Patrum magno numero editis monumenta nonnulla ad Collectionem Conciliorum pertinentia lectionibus variantibus & notis illustrasse, & in ordinem concinniorem redegis-
 K horum

p. 517.

horum omnium observationes Harduinum in usum suum convertere debuisse, vel, iis neglectis, indicare lectoribus rationem, quare illas amplecti noluisse. Porro eum quamplurima omisisse monet, cumque ejus institutum fuerit, unam Isidorianam Collectionem repræsentare, atque hac prætexta causa se excuset, quod literas Cornelii Pontificis ad Fabium Antiochenum, ad Cyprianum, & alios, rejecerit; non solum in titulo eum Collectionis Isidori mentionem facere, sed etiam epistolam, Papæ Melchiadæ falso attributam, cujus Isidorus, teste Labbeo, Autor est, non omittere, nec in epistolis Leonis M. Collectionem Isidorianam, quæ, ipso latente, plerasque Leonis M. epistolas complectitur, deferere debuisse, non nisi octo ex Collectione Dionysii Exigui editis: eundem plura alia monumenta & Concilia prætermisisse in Collectione sua, quorum tamen mentionem faciat in indice, cuius Tomo præmissio: plurima quoque ne in indice quidem illo commemorasse, quæ ab Autore enumerantur: omisisse itidem capitula primi Concilii Lugdunensis & Concilium Regiense anni 1429, quæ tamen habentur in Collectione Labbeana: alia Concilia eum implicate allegare, ex. gr. *Africana quadam Concilia: Concilia quadam contra Monachos belatas, epistolas Synodicas quatuor &c.* nulla speciali cujusvis, vel Concilii, vel epistolæ mentione facta, uti quidem in tali Collectione fieri debuisset: alia quoque Concilia exhiberi sub titulo Constitutionum Papalium, ex. gr. Concilio Romano A. 761 titulum præponi *Pauli Papæ constitutum*: ex Conciliis porro, quæ ab antiquis autoribus distincta fuerunt, eum facere unum, vel unius Concilii decreta alterius Concilii monumentis inserere: omisisse quoque epistolam Zosimi ad Africanos, in qua Pelagium sibi videri Catholicum scribit, procul dubio nulla alia de causa, quam ne Papam errasse, ex illa evidenter nimis constaret: itemque decretum Zosimi, quod Labbeus ex Gratiano repetit, in quo, sedis Romanæ auctoritatem aliquid contra statuta Patrum condere posse, negat, quod pariter Harduini studium placendi Pontifici Romano prodit, cum aliis in decretis colligendis sit tolerantissimus. Hinc longo catalogo enarrantur, quæ in Collectione Harduini frustra quæsieris: inter quæ etiam sunt multæ Epistolæ Gregorii M. quæ-

M. quarum argumentum Autor exponit, nec non Epistola Regis Sigeberti ad Desiderium, in qua hæc verba leguntur: *sine nostra licentia Synodale Concilium in regno nostro non agitur*: & plurima Concilia Gallicana, quæ Collectio in Gallia facta omnino completi debuisset. Non solum vero integra monumenta omisit Harduinus, sed etiam in illis, quæ impressa sunt, verba nonnulla vel omisit vel mutavit: ubi Autor errorem notat in omnibus fere Collectionibus obvium, in capite 8 sessionis Concilii Basileensis XXI, ubi omnes Collectores legerunt: *Abusus aliquarum ecclesiarum, in quibus - - - Missa etiam privata sine ministro aut per secretas orationes ita submissa voce dicitur, quod a circumstantibus audiri non potest*, ex manuscriptis authenticis & antiquis editionibus legendum monet *preter secretas orationes*. In indice Geographico plurimum posuisse videtur operæ Harduinus, ut Collectioni suæ insigne conciliaret ornamentum: & vel ex solo hoc indice omnes solvi posse gloriatur difficultates, quæ ex nominibus urbium Episcopaliū proficiuntur. Verum Noster pluribus confirmat exemplis, Harduinum uno eodemque tempore duos posuisse Episcopos in una eademque sede; urbes quoque Episcopales ejusdem quidem nominis, a se invicem vero omnino distinguendas, confudisse; contra Episcopatus, qui p̄ iisdem habitis sint, perperam distinxisse; certis provinciis attribuisse urbes, quæ ab aliis Geographis aliis in regionibus collocantur; sub titulo certorum Episcopatuum posuisse Prælatos, qui nunquam illis subordinati fuerint; titulum Metropoleos eum omnibus dedisse urbibus, quæ eodem notatæ fuerunt in hoc vel illo monumento, eas vero eodem titulo privasse, quibus Concilia ipsa illum assignarunt; plurimorum quoque Episcoporum nomina omisisse, qui vel Conciliis, vel aliis monumentis, in Collectione sua contentis, descripserunt; ex uno Episcopo quandoque fecisse duos; nomina denique & urbium Episcopaliū & Episcoporum, nulla addita ratione, immutasse. Ut ex allatis exemplis pauca attingamus, inter Episcopos Portuenses in patrimonio D. Petri ponit Limpum Balthasarem, qui Concilio Tridentino interfuit, & Episcopus Portuensis fuit in Lusitania: Coloniam Armeniæ confundit eum Colonia Cappadociæ: Larissam aliam ponit in

p. 537.

Macedonia, aliam in Syria, quæ tamen pro una habita fuit: Episcopatum Vabrensem a Johanne XXII A. 1317 demum erectum esse constat; nihilo tamen minus Harduinus A. 1059 sub titulo Vabrensis collocat Dominicum Vabensem pro Vabrensem, qui Episcopus Valvensis fuit: Segovia urbs Hispaniæ in Castella ponitur sub Archiepiscopo Tolosano, cum Toletanum scribi oportuisset &c. Ex quibus omnibus ignotum esse potest nemini, dignam Bibliothecario domus Sorbonicæ operam præstitisse eruditissimum Autorem; quique Cel. Fabricii nostri bibliothecæ Græcæ Tomum XI cum hoc tractatu contulerit, alterum ex altero egregie illustre posse & ab utroque ea fere exhausta esse omnia, deprehendit, quæ de Conciliorum notitia proferri possunt.

- p. 548. Quod superest, *tertiam* hujus operis partem ne prorsus intactam prætermittamus, in qua methodum studii, Conciliis impendendi, præscribit, quemlibet in genere memorem esse jubet
549. finis atque scopi, sibi in studiis præfixi; tum vero in capite *primo* diversas rationes Concilia legendi & tractandi indicat, & acta ipsa præferenda excerptis sive compendiis statuens, antiqua lecturo Justellum commendat; & alios quidem contentos esse posse, ait, Conciliis quinque vel sex priorum sæculorum perlectis: alios vero Concilia primum generalia, tum particularia, præsertim patriæ suæ, & tum demum decreta Pontificum evolvere jubet. In capite *secundo* generales tradit observationes de nomine Concilii, & variis Conciliorum generibus; de numero & qualitatibus eorum, qui illis interesse debeant; de occasionibus ordinariis & extraordinariis, itemque de ratione congregandi Concilia, de ordine Episcoporum, de mitra Episcoporum & Abbatum; de loco unicuique in Conciliis assignando; de modo agendi in Conciliis, ferendi suffragia, & decidendi; de nonnullorum Conciliorum clausulis particularibus; de confirmatione Conciliorum; de potestate Principum Concilia & convocandi & confirmandi; de ratione Concilium finiendi; de subscriptionibus, & denique de Hispanorum ratione congregandi & habendi Concilium. In capite *tertio* Concilia lecturum generalia quædam probe ponderare jubet momenta: fieri enim haud raro confirmat, ut hoc vel illud monumentum alteri falso adscribatur: ut
diversa
- 551.

diversa nomina tribuantur uni Concilio: dari etiam Concilia, quorum codices MSCti vel non amplius inveniantur, vel minimum incogniti sint: ex uno etiam codice MSCto non omnes cognosci posse circumstantias, sed ad unum Concilium recte perspicendum pluribus opus esse codicibus MSCtis: nec ordinem codicis MSCti semper respiciendum esse &c. Tandem in capite *quarto* regulas particulares præscribit Conciliorum Collectiones cum fructu legendi, & ex hoc studio debitos capiendi profectus, ubi imprimis, Concilia in spiritu Conciliorum legenda esse, monet. Sed filum abrumpimus, & hoc unum tantum annotamus, in annexo catalogo Scriptores ad hoc argumentum pertinentes sub undecim enumerari titulis, quorum primus Collectiones antiquas; secundus Collectiones generales omnium Conciliorum; tertius Collectiones Conciliorum particularium; quartus Epitomaiores; quintus Autores, qui commentarios vel scholia dederunt in canones & Concilia; sextus, qui historiam omnium vel nonnullorum Conciliorum; septimus, qui notas in Concilia; octavus, qui dissertationes divulgavit; nonus, qui ad materiam de Conciliis referri possunt; decimus editiones speciales nonnullorum Conciliorum, & undecimus canones pœnitentiales complectitur. Atque in hoc catalogo, quem cujusvis industria & supplere, & facile augere potest, & libri rariores & vulgarij librorum editiones optimæ asterisco a reliquis distinguuntur.

P. 587.

Ceterum cum opus tantæ utilitatis & raro & incredibili pretio apud nos veneat, bene se consulturum Eruditus existimavit Nostratum aliquis, si id non minus quidem accurate, & chartæ scriptoriæ, quam vocamus, optimæ impressum, sed in forma octava, quæ Lectorum commodo magis inservit, & paucis exemplis, quæ tamen Historiæ Ecclesiasticæ in Germania cupidis suffecerint, recudat, intra duos menses prelo absolvendum, quo fiet, ut pretium ad quartam vel quintam partem illius, quo nunc liber venit, reducatur.

MARCI ANNÆI LUCANI PHARSALIA;
*sive de Bello Civili Libri X, eidemque adscriptum Carmen
 ad Pisonem. GOTTLIEB CORTIUS recensuit
 & plurimis locis emendavit.*

Lipsiæ, adud Jo. Gottlieb Gleditschium, 1726, 8.

Alph. 1 plag. 1.

Qua de causa Cl. Cortius noster minorem hanc Lucani editionem adornaverit, alio loco in his Actis indicavimus. Quam egregie munere suo functus sit, nostrum non est dicere: ne, quidquid dixerimus, veluti domesticum testimonium, suspectum sit. Hoc saltem tuto proferre possumus, subsidia eum prorsus eximiis instructum ad emendationem Lucani accessisse. Nam, ut de vetere Scholiaste manu exarato, & doctissimorum Virorum observationibus ineditis nihil dicamus, usus est sexaginta amplius codicibus MSptis, iisque majorem partem vetustissimis, nec non editionibus primis & vetustioribus tantum non omnibus. Adde, quod ante & post Grotii, Viri maximi, operam, nemo fere Criticorum fuerit, qui Lucano medicas manus singulari studio admoverit: ipse etiam Grotius negligentius paullo hanc spartam ornaverit; quo pacto plurima vitia non potuere non irreperere in cultissimum Poetam. Et quemadmodum hi, qui a multis magnis ingeniis jam tractatos scriptores emendandos sibi sumunt, vacua haud raro sese jactant in aula; etiamsi fateamur, nullos prope modum esse, a quibus omnia vitia ita profligata sint, ut non gloriæ novæ locus sit relictus; ita contra in autoribus ab aliis aut neglectis, aut laxiore cura emendatis, largior laudis materia suppeditatur. Dicta subsidia Cl. Cortius, qua decet, religione, non tamen superstitiose adhibuit. Quod si eorum sequi morem voluisset, qui omnia monachorum commenta adorant, profecto ex suis codicibus multo auctiorem Lucanum edere potuisset. Ita, exempli gratia, in notulis ad Libr. VI vers. 442 memorat, quatuor MSptos inter vers. 442 & 443 inferere hos quinque:

*Gens invisa Deis maculandi callida cæli,
 Numinibus magicis arcana conscia lingua,
 Quam genuit natura perennis, ut fœdera mundi,*

Jura:

Juraque fixarum tentaret vertere rerum,

Legibus adstricto ne quid non posset in orbe.

qui quidem in nullis editionibus, neque in reliquis membranis comparent. Item ad ejusdem Libri vers. 479 citat ex tribus MSS. hos quatuor antea non vulgatos:

Nec secus obseptos, quam si spiramina clausa

Ventorum rabiem vastum tremefacta per orbem

Oceani temere fugam, solitasque reliquit

Vnda vices, vento terris adfixa relapsus.

Nec non ad Libr. VII vers. 303 ex uno codice hos protulit, qui elegantius ad rem faciunt:

Ne vos Hispani mitis victoria Martis

Securos habeat, dedimus quod rura, quod urbes,

Et quidquid nobis post Gallica bella negatum.

Neque tamen ullum eorum, aut reliquorum, quos primus in lucem protulit, recepit intra contextum: cum satis apertum sit, quibus autoribus debeantur. Quin potius ita in Annoto suo versatus est, ut Celeberrimus Nic. Heinſus in Ovidio suo, quem magno numero Glossematum liberavit. Et sicuti jam dudum Illustriſſis Grotius Libr. IX post versum 499 hujusmodi male adfuturum pannulum autoritate veterum librorum sustulit: quod quidem argumento esse poterat, alibi etiam eundem autorem sciolorum ingenio & liberalitati fuisse obnoxium: ita Noster non modo Libr. I vers. 436-440 condemnavit, quos jam alii, cum in nullis MSS. reperiantur, damnandos esse viderant; sed & Lib. IV vers. 251

Et scelerum turba: rapiuntur colla parentum,

qui non modo omnem elegantiam, sed & sensum corrumpit, volentibus quatuordecim MSS. & edit. vetustissima, ejecit, etſi adhuc nemini fuerit suspectus. Item Libr. VI, vers. 554 ita vulgo legunt:

Nec cessant a cade manus, si sanguine vivo

Est opus, erumpat jugulo qui primus aperto

Nec refugit cades, vivum si sacra cruorem

Extaque funerea possunt trepidantia mensa.

ubi manifesta Battologia occurrit. Sed Noster duos priores versus

sus spurios declaravit, atque id in perveteri MS. adnotatum fuisse dicit. Sic Lib. VII vers. 200

Solis in obscuro pugnam pallore notavit,

ut Glossam præcedentis versus, ubi vulgo legebatur: *Prospexit lumen in aethere mæstum*, eiecit. Rursus Lib. VI vers. 207 ita olim legebant:

Par pelagi monstros. Libycæ sic bellua terra,

Gatulus densis elephas oppressus ab armis,

quæ lectio cum summam incitiam, tum & tautologiam habet conjunctam. Ipse vero prior versum expungit (atque adsentiantur cum edit. Lovaniensi tredecim MSS.) posteriorem autem ex MSS. & aliis edd. ita restituit:

Sic Libycus densis &c.

Et hujusmodi quidem ineptias locis permultis castigavit; versus tamen ipsos retinuit, sed aliis litteris exprimi, & præterea uncinis includi curavit: ne scilicet receptus versus numerus turbaretur. Proderit hoc factum ad delicatulorum quorundam opinionem refutandam, qui nescio quam luxuriam in Lucano deprehendisse volunt. Discent nimirum cautius in posterum vitia librorum ipsis auctoribus imputare. De reliquis emendationibus si cum cura dicere vellemus, aliquot earum ordines constituendi essent. Pars enim earum solam distinctionem, qua in vulgatis libris Poeta vehementer laborat, concernit: exempla habes Libro statim primo satis multa, ut vers. 8, 100, 284 aliis. Aliæ autem modum scribendi, aut minoris momenti varietates corrigunt; e.g. ubi *ac, tum, at, neque, bonos, rursus, priore, puppi, nihil, nî, pro nî, nil, puppe, priori, rursus, bonor, nec, sed, tunc, &* substituantur. Quales emendationes etsi non adeo enitescant, ut omnium oculos præstringant; dudum tamen ad ἀκριβέστερον Criticam relata sunt. Aliæ porro positum vocabulorum mutant, eumque magis Poeticum reddunt: e. g. ubi *Clauso sed fidere vallo*, pro *Sed clauso fidere vallo*; *Toti qui sanguine manent*, pro *Qui toti sanguine manent*; *Quem dederat Perses, victi quem prada Philippi*, pro *quem victi*; *Totis, en! viribus orbis*, pro *En! totis*; item *fesso gelidus de corpore sudor*, pro *gelidus fesso de corpore sudor*; *Quoque minus siccos possent tolerare vapores*, pro *possent siccos*;

focos; tenebris Ægypton populis, genitor, superisque fugatis, pro genitor, populis superisque, aliaque perinulta ad eundem modum emendantur. Esse enim Poetarum, positum naturalem vocabulorum immutare, jam dudum ex Horatii præceptis cognitum, sed nostra maxime ætate in emendatione Poetarum a viris doctis observatum est. Aliæ denique aut Terminationem, Inflectionem & Constructionem Vocabulorum concernunt, aut plane Vocabula quædam mutant, atque iisdem alia substituant. Sic statim Lib. I vers. 101 levi mutatione elegans sensus efficitur est, ubi Noster de Crasso, Cæsaris & Pompeji bellum, dum in vivis esset, impediente, ita scribit:

- - - *Qualiter undas
Qui secat & geminum gracilis male separat Isthmos
Nec patitur conserre fretum.*

Ubi omnes editiones habent *mare separat*, turpissima Tautologia, in *undas, mare, fretum*; cum contra in emendata hæc lectione eleganter Isthmos *geminum fretum male separare* i.e. vix atque difficile dividere dicatur, quo ipso brevitatis Isthmi indicatur. Sic eod. Libro de iudicio Miloniano:

- - *gladii cum triste micantes
Judicium insolita trepidum cinxere corona,*
ubi vulgo: *triste minantes*, minus apposite. Item Lib. II vers. 126 de Scævola in templo Vestæ a factione Mariana cæso:

*Te quoque, neglectu violatæ, Scævola, Vestæ,
Ante ipsum penatralis Deæ semperque calentes
MacTavere focos.*

ubi vulgo, nullo prorsus sensu, propinant: *neglectum violatæ Scævola dextra*. Libro III vers. 235 Cortius noster exhibet:

*Qua feriens rabidum diviso gurgite pontum
Vastus Indus aquis mixtum non sentit Hydaspem,*

ex perpetuo more Lucani, sed & aliorum Græcorum Latinorumque scriptorum, qui amnes ab influxu suo in mare describere solent. Vulgo legunt: *Quaque ferens rapidum diviso gurgite fontem*, quæ lectio est contra rei veritatem, etiamsi *fontem* pro aquis fluvii sumeris. Eodem Libro vers. 711 de funditore:

- - *calido fregit cava tempora plumbo,*

L

nunc

nunc Lucanus dixit, prout ipse alibi *liquefactum pondus glandis* agnoscit, & ex Virgilio aliisque scriptoribus res ipsa nota est. Vulgares editiones frigidæ nimis præferunt: *solido fregit cava tempora plumbo*. Sed desinimus exempla adnotare, cum permulta afferri possent, & ea cuius lectori statim in oculos incurrent, si ipsam hanc editionem in manus sumserit. Locis difficilioribus passim Conjecturas suas adjecit Cl. Editor. E. g. Lib. IV vers. 446 in descriptione diluculi ex MSS. restituit autori:

- - - quo tempore primas

Impedit *ad noctem jam lux extrema tenebras*, cum adhuc vulgatum fuerit: *Impulit ad noctem*. Ait tamen in notis, faciliorem intellectum esse, si scribas: *pronas* Impedit *ad noctem*. Sic Lib. II vers. 441 legendum censet:

- - - quod non terat hoste vacantes

Hesperia fines viduosque irrumpat in agros, cum omnes edd. habeant *vacuosque i. i. agros*, quod duriuscule tam exiguo intervallo excipit *τὸ vacantes*. In præfatione Cl. Editor lectores rogat, ne nimis proclives sint ad damnandum emendationes, si non statim captui eorum respondeant: promittitque, se in maiore Lucani editione, quam vel hoc anno communicabit, omnia clarius multisque exemplis demonstraturum. Interim & nos affirmare possumus, maiorem illam Lucani editionem non modo Veteri Scholiaste multorumque Virorum doctorum integris, magnam partem adhuc ineditis, observationibus instructam apparituram esse; sed & Cl. Cortium in locis difficilioribus, adstrictius tamen, quam in Sallustio factum est, interpretis officio satisfactorum; ne Criticum tantummodo agendo quibusdam lectoribus labor ejus minus utilis sit.

THESAURUS MONUMENTORUM ECCLESIASTICORUM & Historicorum, seu HENRICI CANISII

Lectiones Antiquæ, quibus Præfationes Historicas &c. adjecit JACOBUS

BASNAGE.

Tom. III. Pars I & II.

Ant-

Antverpiæ, apud Rudolph. & Gerhard. Wetstenios, 1725, f.

Alphab. 12. plag. 3.

QUæ in tertio hujus Thesauri Monumentorum Ecclesiastico-
rum Volumine, olim ab Henrico Canisio e tenebris in lucem
protracta, a Cl. autem Basnagio suo quæque Scriptori asserta le-
guntur nonnullorum, qui X, XI, XII a Christi nativitate seculis
vixerunt, doctorum scripta, ea sequentia sunt. Præter *Vitam S.*
Burchardi, Herbipolensis Episcopi, autore anonymo, prima
hujus Voluminis Parte duæ habentur Synodi, *Engilshemensis* altera,
altera *Augustana*; post *S. Willibaldi*, Episcopi Aichstadi-
ni, *Vita*, scripta ab Autore anonymo; *Hippolyti Thebani Chroni-*
con; *S. Adalberti*, Pragensis Episcopi, Prussorum, Boemorum,
Polonorum & Hungarorum Apostoli, tandem Martyris, *Vita*,
cui accesserunt alia ex variis Codicibus de Vita Adalberti *Fra-*
gmenta; & de *Adalbaide*, Ottonis I Imperatoris conjuge, ma-
tre Ottonis II, *Libri duo*, Odilone Cluniacensi, ut videtur, Au-
tore. Sequuntur, qui Seculo XI scriptis incluserunt, e quibus
gemini producti de *Emmerammo* Scriptores, *Meginfredus* &, qui
ipsi coævus fuit, *Arnolfus*, quorum ille Libro uno, hic duobus
vitam & miracula Emmerammi descripsit. Deinde *Panegyricus*
Wiponis, carmine scriptus ad Heinricum III Imperatorem; *Kili-*
ani, *Kolomanni* & *Gotmani*, Martyrum & Sanctorum, *Vita*, cum
Vita S. Guntheri, Eremitæ. *Hermannii Contracti Chronicon* ab
illis, quæ antea vulgata fuerant, diversissimum & locupletius, ex
Codice MS. hic editum. Sistuntur porro *Humberti contra Græ-*
corum calumnias liber, cum *Niceta* cujusdam, quem *Pelloratum*
fuisse, affirmat Basnagius, *contra Latinos* libello, cui adjecta est
ejusdem *Humberti ad Nicetam Responso*; *Vita Henrici a Zwifal-*
tach, & de *S. Bonifacii*, Germanorum Apostoli & Martyris, *Vita*,
Libri duo, Autore *Orblono*, Monacho & Fuldeni Presbytero; *S.*
Anselmi, Lucensis Episcopi, *contra Guibertum*, Anti-Papam,
pro Defensione Gregorii Septimi, Libri duo, ejusdemque *Collecta-*
nea; tandem *Statuta Canonum de Clericorum Officiis*, & Meno-
logium Græcorum, a Cardinale Sirleto Latine redditum, cum
Indice Sanctorum, quorum memoria in hoc Menologio celebra-
tur a Græca Ecclesia. Posteriori hujus Voluminis Parte, quæ non-

p. 5.
9.
11.
16.
34.
45.
59.
73.
88.
105.
164.
174.
185.
194.
283.
308.
314.
331.
337.
372.
389.
397.
412.
501.

- p. 6. nullos ex Seculi XII Scriptoribus exhibet, post *Udalscalci de controversiis inter Hermannum & Eginonem*, Abbatem S. Udalrici, Narrationem, Carmenque de Eginonis itinere & obitu, Vita & res gesta leguntur S. Henrici, Imperatoris hoc nomine primi, Autore incerto, quem tamen nonnulli Adelboldum fuisse, dicunt; deinde libri tres de Vita S. Ottonis, Episcopi & Confessoris Apostoli Pomeranorum; Vita & Passio S. Tyemonis sive Theodamari, Archi-Episcopi & Martyris; Metelli Quirinalia, in laudem S. Quirini, Martyris; præter hæc Fragmentum aliquod ex Libro contra Folmarum; Officium de S. Carolo M.; brevis Relatio, de Fundatione Monasterii Windbergenfis, & Chronicon incerti Autoris a N. C. usque ad annum 1167. Exhibet porro illud Volumen Monumenta Salisburgenfia novem potissimum partibus, quarum 1 Urbis & Monasterii Salisburgenfis Descriptionem completitur, ex Mabillonii Analectorum Tomo IV; 2 Vitarum Episcoporum Salisburgenfium; 3 Historiam S. Ludberti, Salisburgenfis Episcopi; 4 S. Vitalis, 5 S. Virgilii Vitas; 6 Catalogum Episcoporum Salisburgenfium; 7 Arnonis, ejusdem Ecclesiæ Episcopi, Annotationem seu Indicem eorum, quæ Ecclesiæ Salisburgenfi tradita sunt; 8 factas Ecclesiæ Salisburgenfi Donationes; 9 Chronica Salisburgenfia. * Hæc inde excipiunt Friderici I Imperatoris, cognomento Barbarossæ, Expeditio Asiatica ad Sepulchrum Domini; S. Virginis Mechthildis & B. Notkeri, cognomento Balbuli, Vita; tandem Historia de Guelfis Principibus cum Chronico Weingartenensi Christo nato usque ad annum 1197, quod ad calcem hujus Voluminis adjectum est. Singulares operis hujus virtutes laudavimus alibi; quem autem laborem expoliendis duobus prioribus Voluminibus impendit, eundem vel in præsentis desiderari, passus non est, qui illustrandæ antiquitati sedulam, dum vivebat, operam navavit, novissimus Editor, Cl. Basnagius. Etenim præter illud, quod, quæ in hoc Volumine continentur Veterum scripta, suo disposita ordine, Seculorum probe servata serie, compareant, unicuique Autorum Præfationes Historicæ, Animadversiones Criticæ & Notas adjecit, quibus dubias sæpe Doctorum de Autore sententias excutiendas sibi sumpsit, suam proposuit, rationibus firmavit, ubique tamen, quæ ejus modestia est, relin-

relinquendis Lectorum judicio. Lectudignissima sunt, quæ in *Hippolytum Thebanum* ejusque *Chronicon* commentatus est Vir doctissimus; & eadem doctrina referta esse, videbis, quibus reliqua hujus Voluminis scripta illustravit. Magnæ & diuturnæ fuerunt, quæ inter Orientalem & Occidentalem Ecclesiam de Azyimis, de Jeuniis, de Clericorum cœlibatu, ut reliqua taceamus; hujus Græcorum a Latinis dissensus capita, magna animorum acerbitate exortæ fuerunt contentiones, utriusque Ecclesiæ Doctoribus lites moventibus, easque diu reciprocantibus. Et sane multum illustrabunt motuum illorum Historias, quæ in *Humberti contra Græcorum calumnias & Nicetæ Pectorati adversus Latinos* Libros observata Viro Cl. quo etiam referas, quæ *Menologio Græcorum*, pretiosæ antiquitatis parti, ab eodem præmissa leguntur, ut adeo vel præsentis hujus Thesauri Volumine Autoreni doctissimum, votis eruditorum obsequentem, expectationi eorum satisfecisse, cur dubitemus, causam habeamus plane nullam.

JOAN. FRID. SCHANNAT Samlung 1c.

h. e.

SYLLOGE VETERUM MONUMENTORUM

historicorum; Autore JO. FRID. SCHANNAT. Paris

prima. Accedit vetus Jus Germaniæ.

Fuldæ, sumptibus Autoris, 1725, 4.

Alph. 1 pl. 20.

Clarissimus Autor, cujus jam alibi mentionem fecimus honorificam, magnò haud dubie sibi devinciet beneficio cultores & historię & linguæ Germanicæ, si, quod hic ingressus est curriculum, strenue decurrerit. Producit scilicet hic e tabulariis, maxime Fuldenſi, diplomata nondum edita, ad illustrandam mediæ ævi historiam Imperii. Quæ nunc quidem exhibentur, Francoſiæ & in ea maxime Hennebergicorum Comitum illustrant historiam. Sunt diplomata quadraginta octo, quorum primo Carolus IV Imp. Salsfeldam facit feudum Bohemicum, eo consilio (quæ Editoris est suspicio haud injusta) ut hoc similibusque factis successorum suorum in Regno Bohemiæ potentiam

in Germania quam maxime amplifcet. Quæ *num. II, V, VIII, XXI, XXVII & XXXVIII* exhibentur diplomata, pertinent ad jura & privilegia Ordinis Teutonici, in iisque aliquot adhuc ignoti Magistri Ordinis commemorantur. Cumque turbulenta admodum fuerit illo ævo Germania, hic haud pauca reperiuntur pacta, quibus Principes quidam & Comites Germaniæ inter se paciscuntur de omittendis invasionibus hostilibus, deque controversiis, si quæ exortæ sunt vel exorientur, placide componendis. Pertinent huc *num. IV, XV, XVII, XVIII, XIX, XXIV, XXVI & XXXIV*. Diplomate *XI & XII* Wenceslaus Imp. confirmat pacem & securitatem publicam (*den Land-Friede*) proposita violatoribus poena gravissima. Idem *num. XX* facit Rupertus Imp. diplomate longiori lectuque dignissimo. Ejusdem Imperatoris duæ literæ *num. XXII & XXIII* occurrunt ad Comites Hennebergiæ de senatu populoque Rotenburghensi ad Tubarim aqua & igne interdicto. *Num. XXX* & tribus subsequētibz docemur, Hermannum, Comitem Hennebergiæ, ab Alberto, Episcopo Bambergensi, electum fuisse Coadjutorem, confirmatumque ab Imp. Sigismundo. *Num. XXXVI* idem Sigismundus A. 1414 Comites Hennebergiæ interesse jubet Comitibus Norimbergensibus, addens, ibi deliberatum iri de rebus in proximo futuro Concilio Constantiæ tractandis. Ejusdem Sigismundi literæ sunt *num. XXXVIII* A. 1415 Constantiæ datæ, quibus meminit, exauctoratum esse Papam Joannem XXIII, seque profitetur nihil non facere ad reddendam Ecclesiæ tranquillitatem. *Num. XXXIII* exstat exemplum penitentiae, civi cuidam impositæ, qui alterum interfecerat. Scilicet coactus is fuit, primo quadraginta quinque libras ceræ solenniter deferre ad sepulcrum occisi, ibique relinquere ad pios usus, deinde eundem ei fuit ad loca sacrata, bis quidem Aquisgranum, semel in urbem Romam; tandem sumtus forenses refundere jussus est, & hoc facto plenissime liberatus. *Num. XLI* deprehendimus trium Electorum Ecclesiasticorum cum Electore Palatino pactum de progressibus hæreseos Hussiticae sufflaminandis. Hi mutuo spondent, se non solum ejus generis hæreticos suis in regionibus non esse toleraturos, verum etiam omnes & urbium & pagorum incolas jurejurando adstricturos esse ad non

foven-

fovendos, sed prodendos, si qui irrepererint, Hussiticæ sectæ hæreticos. Cetera diplomata, pacta illustrium personarum dotalia, privilegia Nobilibus viris data, fundationesque religiosas exhibentia, prætermittentes, ad egregium veteris Germaniæ monumentum properamus, quod Cl. Editor ex MS. Ingolstadiensi repræsentat p. 163 usque ad p. 322 adeoque ad finem usque hujus Sylloges. Est hoc Jus Germaniæ publicum pariter ac civile, *das Land-Recht* nominatum, quod confectum fuisse sæculo decimo tertio, ineunte magno illo interregno, suspicatur Cl. Editor, simul docens, in multis id convenire cum *Speculo Suvico*, quod vocant, ordinis vero & orthographiæ ratione diversum & illi præferendum esse. Permittimus id intentius contemplandum veteris Germaniæ juris consultis. Nobis in gratiam eorum, qui patriæ linguæ se præbent studiosiores, nonnulla hinc decerpere libet. Scilicet *Cap. XVI* dicitur Germanicum nomen Principis, *Fürst*, deductum esse a *vordist* sive *vorderst*: id quod confirmat illorum etymologorum sententiam, quibus eadem in mentem venit derivatio, eoque visa est probabilior, quod Romanorum quoque lingua *princeps* proprie *primum* significat. *Cap. 183* pro eo, quod in legibus Imperii vocatur *in die Acht erklären*, dicitur *verachten*. Unde facile fuerit suspicari, hoc idem esse, ac *seinem seine Achtung benehmen*, sive declarare aliquem infamem. Addimus ex superioribus diplomatibus nomen Germanicum *Zwölfbote*, hoc est, *Apostolus*. Hoc in singulari numero occurrit p. 69, 136, 149 & 154, e. g. *Bartholomæus der heilige Zwölfbote*. Unde discimus, in Germanico *Te Deum laudamus* vulgo perperam scribi *der heiligen zwölf Boten Zahl*, cum scribendum sit uno vocabulo *der heiligen Zwölfboten Zahl*. Verum desinimus & cupide expectamus Cl. Editoris continuationem.

NUOVA PROPOSIZIONE INTORNO ALLA

Caruncula dell' Uretra, dettâ Carnosità.

id est,

PROPOSITIO NOVA DE CARUNCULA URE-

stræ, Carnosità dicta, explicata ab ANTONIO BE-

NEVOLO, Chirurgo Florentino.

Flo-

Florentiæ, apud Josephum Mannum, 1724, 8.

Plag. 13.

- T**Ractatu hoc octo circumscripto Capitulis de obstaculo illo agitur, quod urethram obturat & urinæ liberum effluxum moratur. Communiter hoc Caruncula seu Carnositas vocatur, & pro excrescentia carnis fungosæ, a continuitate urethræ a quacunque causâ soluta, potissimum tamen ab excoriatione in gonorrhœa facta, ortum ducente, habetur. Male carnositatis nomen imponi huic carunculæ, putat Autor, siquidem frequentius tale obstaculum invenit absque ullâ excrescentiæ carnez vestigio; nec tenuis ac nervosâ ductus urinarii membrana apta est, quæ possit a quavis excoriatione in carnem fungosam excrescere, cum a transfluente urina parietes ipsius sæpius abstergantur. Ejusmodi effectus potius ab extractione calculi, sæpe satis magni, fuisset metuendus, qui tamen nunquam fuit observatus. Et vagina uterina, quæ in sexu sequiore gonorrhœæ sedes est, & continuo a virulentis humoribus conspurcatur, texturæ suæ ratione citius talibus sarcomatibus esset obnoxia, cujus rei tamen nulla prostat experientia. Præterea ea est cujusvis excrescentiæ carnez natura, ut vel brevi indurescat, & callum contrahat, nec nisi per fortissima caustica tolli se patiatur, vel in immensam magnitudinem excrescat, quæ tamen phænomena in carunculam urethræ non cadunt. Ad hæc plures sunt Autores, qui in cadaveribus aliquam excrescentiam offendisse se negant, nullus vero est, qui eam vidisse testetur. Quamquam autem Noster non eat inficias, dari casus extraordinarios, ubi per carnem excrescentiam vel recentem vel induratum obex lotio ponitur; constanter tamen negat, carunculam in urethra veneream pro tali excrescentia debere haberi. Postquam enim tria cadavera cultro Anatomico subicere ei concessum fuit, nihil carnis fungosæ ibidem invenit, sed observavit, quod protuberantia illa urethræ, quæ ab illo granum hordeaceum, a Cowpero bulbus, ab aliis Medicis caput gallinaginis vocatur, vel cicatrice obfessa, vel purulenta materia fuerit repleta. Unde pro certo habet, carunculam illam nihil aliud esse, quam ulcus dictæ protuberantiæ. Virus enim venericum quemadmodum per reliquas, quæ in urethra disseminatæ sunt,

sunt, glandulas promptè se dispergit, ita etiam hoc glandulosum corpus ingreditur; imò humor prostaticus corruptus, hanc glandulam trajiciens, hujus serum simul inficiendo excoarationi & exulcerationi ansum præbet. Stante hac hypothesi clare patet, unde derivanda sit viscida illa materia, quæ urinæ se admiscet, tumor perinæ, & partium vicinarum. Ad hæc nec tam cito curari posset durities vel excrescentia carnea, si quæ adesset, nec olei contactum perferret, nec recidivam pateretur; cum tamen per immissionem cereæ oleo imbutæ sæpe funditus tollatur caruncula. Quanquam igitur sint, qui multos Autores allegare norunt, carunculam urethræ in excrescentia quærentes; parum tamen referre putat, si quis nulla autoritate suffultus sententiam suam roborare possit, modo illa rationi & observationibus certissimis innitatur. Et licet Brunnerus in sectionibus binis, & Regnerus de Graaff ac Blancardus nullam mentionem fecerint capitis gallinæ male affecti, sufficit tamen, eos fateri, quod cicatrices in urethra, vel ulcera offenderint. Imò & læsio in hac protuberantia cum tempore obliterari potest. An vero quidam Carunculæ extirpationem per corrosiva tentarint, & absque noxa peregerint, vehementer dubitat Noster, imprimis quod reliqua remedia, quæ Autores contra hunc morbum commendarunt, ut semen althææ & malvæ, cerotum de mucilagibus cum pulvere sabine, oleum succini cum vitello ovi mixtum; sabina & portulaca; mixtura ex alœ, myrrha, aristolochia, tutia & storace liquida; vel ex ossibus sepis, tutia, cornu cervi usto, aristolochia, alumine usto, lithargyrio & oleo; cum nihil corrosivitatæ in se contineant, satis testantur, quod nullis opus sit corrosivis pro excrescentia tollenda. Signa diagnostica hujus morbi sunt filamenta saniosa urinæ, stimulus frequentior & difficultas lotium reddendi cum æstus sensu, quandoque ischuria, urina in diversa, dum mingitur, fila ducta, obstaculum, in quod impingit candela vel syringa, quando in urethram immittitur, quo perforato effluit sanies; quandoque conjunctæ sunt cicatrices instrumentis totidem obices ponentes; subinde etiam in parastatis vel vesica urinaria læsiones quædam adsunt, & tum in urina multa viscida, foetens, sæpeque sanguinea conspicitur materia; febris

Cap. 5.

Cap. 6.

Cap. 7.

Cap. 8.

frequenter accedit cum magno rigore, quem æstus excipit, cum sudore abundante. Quodsi igitur simplex fuerit Caruncula, per immissam ceream materia saniosa evacuatur, & liber urinæ transitus redditur. Sin combinatæ fuerint cicatrices, difficilior quidem cura procedit, hæ tamen, quia non adeo induratæ nec profundæ sunt, aliqualem admittunt dilatationem. Ad vesicæ vero vel prostaticarum læsiones delendas nulla cereæ conceditur applicatio, quin præstat, nihil agere. Denique curam quod attinet, post ordinatam congruam dietam, eamque temperantem, prohibitumque vini aromatumque usum, si caruncula fuerit inflammata, nullum invenit locum candela cerea, sed partes decoctis emollientibus & anodynis fovendæ sunt, & materia conclusa resolvenda & ad exitum disponenda est. Illa vero cessante candela cerea vel stylus plumbeus ter vel quater de die immitti debet per 15 vel 20 dies, partim ut omnis materia contenta exprimatur & evacuetur, partim ut fibræ per repetitam ejusmodi pressionem magis magisque constriquantur, ad naturalem magnitudinem redeant, nec novam cumulandi materiam occasionem habeant. Potest etiam candela vel stylus oleo amygdalarum dulcium inungi, utpote quod carunculam ad ejiciendam saniem disponit. Nec male agunt, qui ultimis diebus instrumenti cuspidem cerato dialpæ obvolvunt, ut majorem nactum diametrum eo efficacius operetur. Non debet tamen cerea medicata usque ad vesicæ cavitatem intrudi, ne medicamenti portio in ea relicta calculo generando ansam præbeat. Injections interim fieri possunt abstergentes & exsiccantes.

De cetero monendus est L. B. quod huic libro adjecta sit Epistola ab Autore ad Clariss. D. Antonium Mariam Valsalvam 1722 data, de duabus observationibus circa cataractas glaucomatosas a se institutis, & a nobis A. 1723 Mense Januario pag. 43 commentata.

**AMOENITATES LITTERARIÆ, QUIBUS
varie observationes, scripta item quedam anecdota
& rariora Opuscula exhibentur.**

Tom. III & IV.

Fran-

Francf. & Lipf. apud Daniel. Bartholomæi, 1725, 8.

Alph. 1 pl. 16.

DUas simul amœnitatum suarum Partes tradidit nobis Cl. Schelhornius, quæ utilitate & jucunditate prioribus haud cèdent. Quidquid autem decoris & utilitatis in illis apparet, id omne deberi Viro Perillustri *Raymundo Krafft de Dellmensingen*, Reip. Ulmenfis Consuli, & ex ejus bibliotheca instructissima depromptum esse, grata mente fatetur. Ipsa etiam tractatio incipit cum *Memorabilibus Bibliotheca* Viri illius perillustri (ex qua aliquando integrum Volumen epistolarum adhuc ineditarum se protracturum in lucem, promittit Cl. Autor) eamque & generatim & singulatim, memoratis rarioribus quibusdam libris, describit. In singulari hac descriptione memorat *primo loco Codices Biblicos manuscriptos* variarum linguarum, in quibus unus & alter antiquissimus, maxime inter Latinos: *Secundo ex impressis codicibus Biblicis* rariores ac præstantiores indicat. *Tertio* inde a pag. 37 ex reliquis codicibus MSS. *membranaceos* aliquot enumerat *formæ*, quam vocant *in folio*, & *Quarto* ejusdem formæ *chartaceos*, in quibus Libellus *de progenie Soldanorum Egypti* & *præsertim de filiis Salahadini*, quem adhuc ineditum esse putat, nec non *Sermones in Concilio Constantiensi A. 1415 & 1416 habiti*, ex quibus Excerpta quædam inseruit, faciem Ecclesiæ ejus xvi delineantia. *Quinto* sequuntur pag. 76 *codices MSS. membranacei formæ quadruplici*, in quibus *Martyrologium Ecclesiæ Germanicæ vetustissimum*, illud ipsum exemplum, ex quo sæculo superiore publica editio a V. C. Matth. Frid. Beckio suscepta est. Hos *Sexto* loco excipiunt *Chartacei* ejusdem formæ, in quo ordine Anonymi Judæi *Glossarium Chaldaeo-Ebraeo-Teutonicum*, ab eodem Beckio olim editioni paratum: item *Nicephori Gregoræ Oratio in laudem Constantini*, quæ non comparat in edit. Parisiensi, digna tamen est, quæ Supplemento Corporis Historiæ Byzantiæ inferatur. Conclusionem Orationis speciminis loco exhibet Cl. Schelhornius, cum sua Versione, p. 89. *Septimo* enarrantur quidam *MSCti membranacei, formæ octuplici*. *Octavo* MSS. *Arabici, Persici, Turcici*. *Nono* separatim nominantur duo rariores libri, qui nec *MSptis*, nec *impressis* accenseri poterant. Nempe *Liber Chinenfis elegan-*

*eleganti typo libro arboris tenerrimo impressus, quinquaginta novem constans foliis, quæ duplicata & ita compacta sunt, ut totus liber unum sit continuum, & ad septuaginta pedes in longitudinem explicari queat. Pagina quælibet novem distinguitur lineolis, deorsum ductis, totidemque continet litterarum series, quarum pars major & crassior, pars vero tenuior, ita ut hæc explicationis vel glossæmatis, sicut illa textus rationem habere videatur. Titulus peculiaris operi præfixus non est, sed singula folia singulares habent inscriptiones: summam omnia spirant antiquitatem. Tum *Cantiones Malabarica, palma foliis stylo insculpta*; quibus denique adnectitur indicium Epistolarum virorum doctorum, quarum autographa, numero circiter 1500, in eadem bibliotheca continentur. *Decimo* apparent *Libri charta pergamena impressi: Undecimo* illi, qui *sub artis typographica primordiis & paulo post a Joanne Fusto & Petro Schaffero vel ab hoc solo excusi*; *Duodecimo* libri, *ab aliis ad annum usque 1500 typis exscripti*, in quo numero plurimi laudantur, quorum Cl. Maittaire in *Annalib. Typogr.* haud meminit. *Decimo tertio* libri *alii rariores* ex multis pauci recensentur. Tandem concluduntur Memorabilia illa indicio generali ornamentorum aliorum, quibus bibliotheca Krafftiana superbit. Sequuntur pag. 172 ex iisdem loculis depromti *Catalogi Librorum Arabicorum, Persicorum, Turcicorum, & Hebraicorum Astronomicorum, Medicorum, Historicorum & Philosophicorum in bibliotheca Palatina Magni Ducis Etruriae, manu Antonii Megliabechii Italico idiomate scripti, nunc primum ex Autographo integri editi*, eosque operi suo singularem splendorem conciliare, non abs re sibi persuasit diligentissimus Schellhornius. III inferitur *Leonardi Aretini in Carolum de Malatestis, propter derogationem statuae in memoriam Maronis facta, Invenstiva*, quam itidem manu exaratam adhuc servavit Krafftiana, neque nominavit Julius Niger, Ferrariensis, in *Historia Scriptorum Florentinorum*, ubi cetera Aretini scripta edita & inedita omnia diligenter recensuit; unde non vana suspicio est Cl. Editoris, eam nunquam antea typis esse descriptam. Finem *Tertia huic parti* imponit *Dodecas Epistolarum ineditarum, Tezelii, puta, Rami, Velferi, Augusti Ducis Brunsvicensis & Luneburgensis,**

genfis, Schotti, Peirefcii, Jo. Val. Andrez, qui litteris fuis Dif-
ticha duodecim adjecit de fymbolo fuo SUFFICIT, Ben.
Dav. Carpzovii & Mattsbergeri, omni eruditionis genere refer-
tarum: ex quibus defiderium integrum illud Epiftolarum viden-
di Lectori egregie accendetur.

Tomo Quarto I affertur *Notitia rariffimi cujufdam primige-
nia typographia monumenti*, cujus primam paginam delineari
lignoque incidere curavit Cl. Schelhornius. Liber ipfe conflat foliis
triginta novem, haud opifthographis, ut deoris tamen gratia
duz paginæ femper glutine commiffæ cohærefcant, caractere
Gothico majufculo, rudi & inpolito expreffus, variis figuris tex-
tui immixtis fcatus. Sed ex eo forte aliquis fufpicetur, fcultu-
ræ potius, quam typographiæ monumentum dici poffe: etfi nos
cum Cl. Schelhornio facere malimus. Il agitur *de artis typogra-
phicæ Originibus*, fed paucis: eo, quod admonitus eft Autor, Cl.
Kœlerum, Altorfiiuz Academiæ Profefforem, propediem monu-
menta præftantiffima atque antiquiffima, Moguntia accepta,
publicaturum & Gutenbergium primum artis inventorem effe,
clariffime demonftraturum. Inferuit itaque tantummodo Car-
mon in primorum typographorum laudem ex editione Decreta-
lium Schoifferiana defcriptum, quod incipit:

Scama tabernaculi Moifes, Salomon quoque templi

Haud præter ingenuos perficiunt Dedalos, &c. &c.

Sequitur III Commentatio *de vita, fatiis, meritis, ac fcriptis*
Francifci Lamberti, Avenionenfis, *Theologiæ in Academia Mar-
burgenfi Profefforis olim primarii*, cujus vitam Autores Relatio-
num novantiquarum de rebus Theologicis & Autor hiftoriæ lit-
terariæ Hafforum breviter perfrinxerunt. Schelhornius vero mul-
ta; plenius & dilucidius tum ex editis Lamberti libris, tum præci-
pue e monumentis Anecdotis, quæ bibliotheca Kraffiana fuppe-
ditavit, expofuit. IV *Excerpta quadam e Diario Georgii Spalatini*
MSto, quod eadem bibliotheca fervat. Cumque Spalatini gra-
viffimis fui temporis negotiis interfuerit, ampliffimis functus
officiis, & commercio epiftolarum cum fummis viris ufus fit, faci-
le augurari licet, haud pauca memoratu digniffima dicto Diario
ipfius magni Viri manu exarato & ab A. 1515 ad A. 1526 producto

contineri. V *Historia editionis Bibliorum versionis Vulgate, Sixti V auspiciis Romæ curata A. 1590, cum adnotationibus, quibus indicis genuina illa editio dignosci queat*, lingua Gallica per *Prosperum Marchand*, Librarium, conscripta. VI *Ad illustrissimum Principem Ludovicum Sforciam, Vice-Comitem, Barri Ducem, Jansonis de Mayno I. V. Doctoris Præfatiuncula*, cui addita ejusdem *Oratio habita in funere Excellentissimi J. Cti Hieronymi Torti, tenentis primam Cathedram in felici Gymnasio Ticinensi*, habita Papiz in Ecclesia fratrum minorum tertio Idus Augusti Anno a natali Christi 1484. Excipiunt ista VII & VIII duò rariora opuscula, olim jam impressa, nempe *Regiæ Maj. Angliæ Mandatorum Epistome, ex præscripto, ad subditos suos, tam Clericos quam Laicos, ex Anglico sermone in Latinum conversa; & Epistola Pii Papæ IV ad Danielem Archiepiscopum Moguntinum Electorem*, qua facultatem huic concedit eligendi & deputandi Catholicos Sacerdotes, qui in provincia Germaniæ utramque speciem Catholicis ministrare possint, certis tamen observatis conditionibus, impressa A. 1564; cui IX adhæret *Epistola Joannis Philippi, Archiepiscopi & Electoris Moguntini, ad summum Pontificem, de Communionis calicis concedenda uni Principi, Comiti, Civitati, Domino immediato, redditum ad Ecclesiam Catholicam meditati*, cum certo & evidenti fructu, quæque ad alios non transibit, nisi cum pari fructu; addita consideratione Theologi cujusdam, status præsentis Germaniæ gnari. X Conspiciuntur *Epistolæ quædam ineditæ*, ex eodem, unde omnia horum Tomorum, thesauro defuntæ, nempe Danielis Heinssii, C. Dornavii, Joannis Kirchmanni, Jani Gruteri ad Mich. Piccartum, Jo. Fr. Gronovii ad Jo. Heinssium, Gisb. Cuperi ad Jo. Christoph. Wagenseilium, & Jo. Henr. Bœcleri ad Imm. Schorerum. Concludunt opusculum *Addimenta quædam & notamina* ad quatuor partes Amœnitatum, & *Index* in Partes duas posteriores. Notas passim ab Cl. Editore additas esse, supervacuum est admonere, cum & hoc, tamquam perpetuum institutum, & quod nostrum de erudito isto labore sit judicium, alibi pluribus indicaverimus. Hic saltem publico nomine Viro Perillustri, *Raymundo Krafft de Dellmensingen* gratias agimus, quod thesaurum suum aperuerit Cl. Schelhornio, qui tam egregie illo est usus, ut non modò omnes rei litterariæ amatores sibi de-

devinzerit, sed & eruditos omnes ad plura indies ab solida istius atque docta industria sperandum, erexerit.

JO. GODOFREDI PILARIK MEDITATIONES POETICÆ IN LIBROS BIBLICOS.

Frankfurti & Lipsiæ, apud Ge. Marcum Knochium, 1726, 8. Pl. 16.

Philologiæ & disciplinæ sanctioris studium cum artis poeticae exercitio haud infeliciter se conjunxisse, Cl. Autor harum meditationum poeticarum primo hoc conatu orbi eruditorum facile probavit. Voces enim & sententias Biblicas paucis versiculis, ad modum Epigrammatum compositis, modo explicat illustratque, modo ad erroneas nonnullorum sententias refellendas, vel etiam ad pias in animis lectorum cogitationes excitandas applicat: tum vero in notis, quas versibus plerisque subjungit, ex Theologorum ac Philologorum apparatu controversias quasdam & quæstiones vexatas commemorat, &, quos duces sequatur, ingenue profitetur. Atque hac ratione in præsentibus Epigrammata in Genesin exhibet CCXXXIV, & plura in reliquos libros Biblicos pium lectorem expectare jubet. Speciminis loco ut unam alteramve meditationem poeticam adducamus, principium cognitionis theologicæ solum Scripturam Sacram esse, indicaturus Autor, num. 2 ita canit:

Impia sint procul hinc oracula, Mischna, Sibyllæ,

Orc reddat opus perdita Mecca suum!

Internum lumen, stygius quod provocat ignis

Lurida cum visis ad stygis antra volet!

Traditio fileat, Ratio gerat ora repressa:

Solus regna DEI monstrat adire DEUS.

ubi in notis, quæ prolixitate omnes reliquas superant, paucis delibantur, quæ de Oraculis & Sibyllis, de Mischna seu Judæorum Talmude & Mahammedanorum Alcorano, de lumine interno & visionibus, de traditione & ratione in scholis Theologorum disputantur. Num. 8 ex voce אֱלֹהִים Gen. I, 1 Socinum ita refutat:

Jam, Socine; ruit, sanctam vix missus in arcem?

Hoc eris interitus causa, scelereste; tui.

in nota vero adjecta eos omnes a Calovio refutatos esse observat, qui mysterium Trinitatis hac voce insinuari negant: porto Gailardum notat אֱלֹהִים h. l. subintelligentem, & verba Mosis ita inter-

interpretantem: *DEus Deorum creavit: & denique fanaticos de mysterio Trinitatis perperam sentire, ex Colbergio refert.*
 Num. 13 aquas, quas vocant supracœlestes, ita tuetur:

p. 29.

Non cœlum, nec turba DEI, nec denique nubes,

Sed veræ veræ voce notantur aquæ.

Miraris sedem? nec aquarum percipis usum?

Omnia si nescis, rem tamen esse, scias.

allatisque verbis Cel. Buddei ex hist. eccl. V. T. p. 71: *Scholasticorum, aut, si mavis, Patrum quorundam figmento de aquis supracælestibus hodie in tanta philosophiæ luce vix quisquam amplius locum relinquet: & argumentis, quæ pro stabiliendis illis aquis adduci solent, repetitis, tenebras piæ ignorantix luci philosophicæ se præferre testatur.* Num. 19 hominem erecta forma conditum contemplatur, & sequentem profert meditationem moralem:

43.

Conditur erectus, primum meditetur ut ortum,

Candorique studens summa requirat, homo.

Num. 73 ad Gen. IV, 16 de signo Caini ita commentatur:

Rabbini cornu præfixum fingere tentant,

Dum statuunt alii, fabula vera! canem.

Non tremor esse potest, communis nota senectæ

Littera nec fronti scripta, levamen erat.

Nun tremuit stanti tellus? ne finge stupenda;

Non lepra prodigium, nec coma longa fuit.

Res incerta manet; metuenti namque Caino

Non aliis voluit ponere signa DEus.

Et hanc sententiam in addita nota uberius confirmat. Quamquam vero ex aliis, quos citat, Scriptoribus, Calovio, Pfeiffero, Classio, Deylingio & reliquis ea, quæ in notis afferuntur, & Clerico, Hardtio aliisque passim opponuntur, abunde satis consent: laudamus tamen merito & ingenii promptitudinem, & sacras literas sobrie folerterque tractandi studium, & operam hanc, quæ suo non carebit usu, ut persequatur strenue, selectasque meditationes luculentis exornet observationibus, publice monemus.

No. III.

ACTA ERUDITORUM,

publicata Lipsiæ

Calendis Martii Anno M DCC XXVI.

SACRÆ ANTIQUITATIS MONUMENTA
*Historica, Dogmatica, Diplomatica, notis illustrata a R.
P. ac Domino CAROLO LUDOVICO HUGO,
Abbate Stivagii, & Fontis-Andræ Doctore Theologo,
sue Celsitudini Regiæ a Consiliis & Historiis, Tra-
ctus Stivagiensis Prælo Ordina-
rio &c.*

Tomus I.

Stivagii, literis Jo. Martini Heller, 1725, f.

Alph. 7 pl. 12.

Primum nascentis in Lotharingia typographiæ specimen, quod vocat ipse S. R. Autor, producimus, nec inelegans & luce dignum: quod locum utique in Actis nostris meretur, etsi in tanta librorum, præsertim historicorum, qui quotidie provolant, copia augustiorem forte, quam decebat. Continentur vero hic primo *Gervasii*, Abbatis Præmonstrati & Episcopi Sagienfis in Gallia, sed gente Angli, *Epistola CXXXV*, e Steinfeldenfium prope Coloniam Præmonstratenfium Codice descriptæ, quippe qui locupletior Viconiensi, e quo septuaginta tantum Epistolas Norbertus Cailleu A. 1663 typis Valencenianis vulgaverat. Optime vero de his meritus est Noster, tum quod in præfatione Gervasii res gestas, usus imprimis Vita MS. Viconiensi, satis dilucide explicavit, tum quod illis subinde, æque ac ceteris scriptis hic contentis, subiecit notas eruditas, ad intelligendas epistolas admodum accommodatas. Illud tantum notamus, plura hic occurrere, quæ ad illustrandam Friderici II Imp. & Pontificum Cælestini III,

N

Inno-

Innocentii III & Honorii III, quibus sæpe a consiliis fuit, historiam apprime pertinent. Succedunt his *II Antiquitates sacre Archiprioratus Hirrevallensis*, vulgo *Herival*, intra Vosagimontium fauces siti, cum Statutis; & *III Joannis Herculani*, Pleinifisini, *Historia de Antiquitatibus Vallis Galileæ*, quam, Decano & Canonicis Sancti Deodati A. 1541 dedicatam, fabulisque quodammodo scatentem, in lucem & funul ad criticum examen, subjectis animadversionibus, satis prolixis, revocavit Cl. Hugo, quæ vel solæ de singulari ejus in his studiis eruditione testari abunde possunt. *IV Diarium & medulla votorum Patrum Concilii Tridentini*, autore Nicolao Psalmæo, Abbate S. Pauli Ordin. Præmonstr. & Episcopo Virdunensi, ejusdem Concilii Secretario & Canonum Redactore, a Mense Majo 1551 ad 28 Apr. 1552, tum & *Elucidationes* nonnullorum locorum S. Concilii Trident. a S. R. E. Cardinalibus, dicti Concilii interpretibus, factæ. Quanta vero Psalmæi tum in Concilio hoc, tum passim in Gallia atque Lotharingia fuerit autoritas, dilucide Noster tradit in Præfatione, universam ejus vitæ seriem inde ab A. 1538, quo Abbas primum factus, usque ad annum ejus emortuale 1575 prolixè exponens. Hic inter alia observat, eum, *os & mentem Concilii* dictum, cum graviter contra Commendas nuper invecas in Ecclesiam disputaret, & nonneimo subsannando exclamaret: *Audite, quomodo Gallus iste cantat*, protinus regeßisse: *O utinam ad Gallicanum Petrus respiceret!* Memorat & alios ejus libros, ut *Exposition de la Messe*, 1554, *Preservatif contre le Changement de Religion*, 1563, & *Portrait de l'Eglise*, 1574, Virduni editos, qui singularem Viri pro religione zelum produnt. Ceterum in Actis his dignæ lectu sunt tum literæ salvi conductus a Concilio Protestantibus in Sessione habita 25 Jan. 1552 datæ, tum Orationes Legatorum non minus Mauritiæ Electoris Saxonix, quam Christophori Ducis Würtembergensis, nec non Argentinenßium, in Concilio eodem anno publice recitatæ, nec non ea, quæ inter Legatos Hispanum & Gallum de præcedentia illic agitata sunt. His Noster subjecit *V Beati Emonis & Menconis*, Abbatum Werumensium in Frisia, *Chronica* ab A. 1204 ad A. 1272, eorumque Continuatoris Anonymi *Chronicon Floridi Horti* ab A. 1276 ad 1279, quæ quidem omnia

P. 311.

313.

318.

320.

389-395 ff.

omnia ab Antonio Matthæo, JC. Belga (quem Noster minus apte Dominum *Matthieu* vocat, ne opere quidem ejus aut Tomo citato) in *Analectis Veteris Ævi*, Opere hodie parum obvio, T. III publicata, Noster cum Codicibus consulit, emendavit, supplevit & notis suis instruxit.

CODEX ITALIÆ DIPLOMATICUS: COL-
legit ac Elencho Indiceque reali instruxit JO.

CHRISTIANUS LUNIG.

Francof. & Lipsiæ, impensis Hæredum Lanckif. 1725, f.

Alph. 14 pl. 6.

Singularis est Italiæ literatæ hoc Sæculo felicitas, quo præter *Novum Italia Theatrum* splendidissimum, IV Tomis editum, (v. Acta Er. A. 1725 p. 336) quibus nuperrime Tomos II, *Theatra* nempe *Pedemontii & Sabaudia*, additos, hac occasione nuntiamus, duplex *Scriptorum rerum Italicarum collectio* Clarissimorum Virorum, *Muratorii & Burmanni*, opera, tot voluminibus, tam exquisito apparatu, vulgata (de quibus sæpe diximus) imo & integra *Historia Literaria Italiae*, autore *Hyacinto Gimma* (v. Acta Anni cit. p. 56) in lucem prodire. Sed ne quid ad Historiam & Jura publica Italiæ deesset, opportune jam Cl. *Lünigius* noster, qui & studio indefesso & felicitate colligendi omnis generis monumenta antiqua, ea maxime, quæ Germaniæ res & jura concernunt, nec nunc habet, nec forte habiturus unquam est parem, novi Codicis amplissimi diplomatum Italiæ, quo, ut plenior titulus habet, *non modo multifariæ Investiturarum literæ, ab Augustissimis Romanorum Imperatoribus Italiae Principibus & Proceribus concessæ atque traditæ; verum etiam alia insignia varii Generis diplomata, tam edita, quam multa anecdota, ipsos concernentia, continentur*, Tomum I concinno ordine prodidit, alterum mox etiam additurus. Continentur hoc Tomo diplomata & monumenta DCXLI, duabus classibus divisa, quarum prima ea complectitur, quæ ad generalia Jura S. Cæf. Maj. & Imperii in Italiam, altera vero ea, quæ speciatim ad Procerum Italiæ cum Imperio nexum clientelarem spectant. Itaque *Sectione I*, facta a Carolo M. initio, Imperatorum Gerim. cum Pontificibus Rom. de jure Im-

perii tractata & conventa, usque ad Imperatorem hodie selesburgi imperantem Carolum VI, traduntur, in quibus maxime lectu digna sunt, quæ & hunc & Fratrem ejus Josephum, Patremque Leopoldum spectant; quo etiam refertur Tractatus Pacis & Commerci, qui inter modernum Imperatorem & Philippum V Hisp. Regem superiori anno Viennæ feliciter conclusus est. *Sectio I*, tribus Classibus subdivisa, in *prima* Ducum Mediolanensium, Sabaudiarum, Magnæ Etruriæ, Mantuæ & Montisferrati, Mutinæ & Rhegii, in *secunda* Vicorum Mirandulæ, Guastallæ, Gonzagæ, Sablonettæ & Bozuli, ab Auriâ vulgo Doria, in *tertia* denique, quæ Tomo II latius continuabitur, Comitum & Marchionum ab Auriâ, Com. Borromæorum, Domin. Cacheranorum, Principum Carpineorum, March. Savonæ & familia Carrettana, Domin. Cazulinorum, Princ. & March. Centurionis, Conradorum ab Austria, Costorum, March. Estensium, Flischorum, vulgo *Fieschi*, tum & Tergesti civitatis sive Principatus in Histria documenta plurima, nexum cum Imperio testantia, ex. gr. Ducum Sabaudiarum CXXI & M. Etruriæ Ducum LXXIV, exhibet. Horum usum si docere plenius liberet, liber nobis scribendus foret; quare brevitatis memores nihil addimus, nisi quod monemus, Cl. Autorem, quod ipse testatur in Præfatione, prætermisisse in hac Collectione ea monumenta, quæ *Archivo Imperii*, XXIV spissis Voluminibus in fol. absoluto, jam inseruerat, digito tamen, quo loco illic reperiantur, indicasse.

THESAURUS JURIS derer Grafen und Herrn des
Heil. Röm. Reichs etc.

i. e.

THESAURUS JURIS COMITUM ET DOMINORUM S. Rom. Imperii, in quo de eorum origine, incrementis, prærogativis & juribus agitur, & multa documentis optime fidei, nondum hætenus editis, probantur,
editus cura JO. CHRISTIANI

LUNIGII.

Francos. & Lips. apud Hæredes Frid. Lanckisii, 1725, f.

Alph. 12.

Novus

NOVUS prodit Cl. *Lünigii* nostri opera Thesaurus, in quo quidem non diffitetur, principem adiutorem se habuisse *Georgium Tobiam Pistorium*, J. V. Lic. Illustriss. Comitibus Hohenlohe-Weickersheimensibus a Consiliis & Cancellariæ directione. Postquam enim Vir Cl. D. Johannes Stephanus Burgermeister cum in *Thesauo*, tum in *Bibliotheca Juris Equestris*, magno legentium commodo congestit, quæ de Nobilibus Imperii immediatis sparsim exstabant, operæ pretium existimatum est, si idem fieret de Comitibus Imperii Rom. Germ. Habes itaque hic Scripta CCLXII, quæ vel integra vel excerpta hic exhibentur, tribus Partibus digesta. His præmittitur Introductio in Thesaurum hunc Juris, nec brevis, & oppido erudita ac lectu digna, quam Cl. *Pistoria* deberi, minime dubitamus. Agitur vero hic de origine Comitum & per singula fere sæcula ostenditur, quanta eorum fuerit dignitas & autoritas: qua in re ita versatur Autor, ut non modo Scriptores idoneos afferat, sed præcipue ad diplomata, quæ passim in *Archivo Imperii Lünigiano*, modo laudato, existant, provocet, ut eo magis de operis hujus immortalis utilitate constaret. Continentur vero prima operis Parte Excerpta e præstantissimis Glossatoribus, Historicis & Juris Publ. Doctoribus, & Parte II integræ Dissertationes Historico-Juridicæ de origine, incrementis, prærogativis & Juribus Comitum Imperii R. G. Parte vero tertia, qua præter Dissertationes, Consilia imprimis & Acta publica continentur, paulo distinctius procedit, & *Capite I* ea scripta exhibet, quæ ad originem & pristinam Comitum dignitatem pertinent, *Cap. II* inscribit de prærogativis & juribus, *Cap. III* de jure præcedentiæ, *Cap. IV* de his, quæ stylum euriæ & ceremonias concernunt, *Cap. V* de Ministerialibus, ubi affert Joach. Ge. de Plœnnies Dissertationem, in *Actis A. 1725* p. 258 memoratam, cujus & sententiam suam facit Autor Introductionis, *Cap. VI* de rebus matrimonialibus, *Cap. VII* de rebus ad tutelam spectantibus, *Cap. VIII* de testamentis, *Cap. IX* de jure primogenituræ, statutis familiaræ, venia ætatis &c. *Cap. X* de rebus feudalibus & quæ successiones evolvunt, *Cap. XI* de superioritate territoriali & Jurisdictione, *Cap. XII* de Regalibus, *Cap. XIII* de Jure collectandi, *Cap. XIV* de Jure vectigalium & de privilegiis de non evocando

& de non appellando, *Cap. XV* de Austregis, *Cap. XVI* de Jure adlegandi & deputandi, *Cap. XVII* de insignibus & sigillis, *Cap. XVIII* de Juribus, quæ Comitibus competunt ad obtinendum munus Præsidis in Camera Imperiali, *Cap. XIX* de Collegiis Comitum in Comitibus & quatuor eorum Votis, quod prolixissimum scripta continet quinquaginta, *Cap. XX* de gravaminibus Comitum & Imperatoris decisionibus, & *Cap. XXI* de variis statum Comitum Imp. concernentibus. Miscentur vero hic scripta Latina cum vernaculis, edita cum ineditis, quæ singula hic referre institutum nostrum non patitur. Ceterum operæ pretium utique fecere Clarissimi Editores, quod tot palantes chartas in unum corpus rede gere. Etsi enim generatim tantum de Juribus Comitum Imperii egisse videantur, multa tamen passim occurrunt, quæ familias Comitum diversas sigillatim illustrent, quæ ut commodius suo loco evolvi possent, accessit ultimo loco Index rerum utilissimus.

Geschichte der Preussischen Lande, Königl. Pöhlischen Antheils.

i e.

HISTORIA RERUM IN PRUSSIA POLONICA ab obitu Sigismundi Augusti usque ad Stephani Regis mortem seu A. 1586 gestarum; cuncta ex MSCtis collegit & documentis illustravit GOTHOFREDUS LENGNICH, D.

Dantisci, apud Jo. Daniel Stollii Viduam, 1724, fol.

Alph. 7 pl. 7.

EXhibemus jam tertiam Partem Operis consummatissimi, cuius Anno 1724 M. Jun. mentionem fecimus, in qua concinnanda Cl. Autoriisdem fontibus, quos in priori Tomo ejusque Præfatione jam indicaverat, usus; si descriptionem interregnorum excipias, quam ex MSCta Historia hausit, cujus Autor adhuc latet. Equidem in exemplo, quo usus fuit Noster, a recentiori quodam adscriptum reperit, *Karnkovium & Cromerum haberi Auctores*; quod & ex illius Epistola *Dlugosso edit. Lips. p. 1821* subiecta

jecta pateſcat. Sed ibi Karnkovius ſolum meminerat Faſciculorum, quos vacante Regno uſque ad Henrici electionem congeſtos, in ordinem redigendos ad Cromerum miſerat, quem laborem Cromerus ſenio conſectus, labente jam memoria viribusque debilitatis, merito deſugiebat, v. *Epist. in Dlugoffo p. 1704*. Verum illud opus, quod Noſter in uſus ſuos vertit, (cujus etiam exemplum exſtat in Bibl. Menckeniana) a morte Sigifmundi Auguſti ad inaugurationem uſque Stephani continuatum ac libris VI diviſum, non ex laciniis conſarcinatum, ſed juſta ſerie, ſilo terſo, candore ſummo, a Viro ſolertiſſimo, qui rebus ipſis interſuiſſe videtur, ſcriptum, occaſionem præbuit, ut plura ab aliis neglecta, vel erronee tradita Noſter ſuppleret, vel emendaret. Præmiſit huic Tomo brevem commemorationem ſcripta a *Stanislao Karnkovio* compoſiti de jure provinciali Terrarum, majorumque civitatum Pruffiæ. Karnkovius enim Epifcopus Cujaviæ, ut Henrico Valeſio Statum Polonici Regiminis notum faceret, Libellum de ſitu Poloniæ & Gente Polona hanc in rem conſcribi curaverat, cui ipſemet in vicem ſupplementi de Boruſſia quædam adjecerat, quæ 1574 in 4 in publicum ſunt emiſſa. Cum vero Karnkovius illud præcipue animo agitaverit, ut, ſuppreſſis ſcriptis publicis, quorum memoriam hic Autor repetit, Boruſſorum jura libertate inque convelleret, Noſter, annexa hanc in rem *Epistola Caſp. Schürzii*, ipſemet quoque lubricas Præſulis iſtius rationes ſolide conſutat. Ut vero ad rem propius accedamus, mortuo Sigismundo Auguſto, & libera electione univerſo Regno reſtituta, Boruſſi exiſtimabant, optimam ſibi occaſionem eſſe oblata, ut pacta cum Caſimiro A. 1454 inſita & conſuetudines patriæ vetuſtas a Rege futuro ante ſuſceptum Regimen expreſſa ſanctione confirmari, & jura, ſub antecęſſoribus fere deperdita, hoc modo reſtaurari poſſent, quamvis haud immerito ſuſpicarentur, Ordines Regni Polonici jura, quæ ipſis eripere huc uſque non fuerant veriti, impoſterum quoque acerrime ſibi derogaturos. Hinc Civitates majores ſub initium Interregni proſitebantur, ſemet intra limites conjunctionis cum Caſimiro ſtatutos eſſe remanſuras, quos tranſiliſſe Polonos, plerique ex Conſiliariis, Nobilitas inferior & Civitates minores, quarum res hæcenus ad incitas fuerant redactæ,

p. 99 ſq.

2.

28.

- p. 39. *redactæ, injustum pronunciabant. Omnes ergo eo collimabant, libertatem integram esse restituendam, & ne denuo ista violaretur, obices undique ponendos. Verum dum de sanis remediis inter superiores & inferiores ordines Borussicos disceptatur, Henricum Valesium & electum & coronatum, cernunt, antequam de rebus ad salutem communem pertinentibus amice potuissent convenire. Interea Konopatii, alique Nobiles, bona sibi quondam injuste, ut putabant, erepta, durante interregno, armis vindicaverant, unde graves querelæ in Polonia excitatæ. In Comitibus electioni destinatis Ernesto Archi-Duci Austriæ favebant Borussi, a quo ita abhorrebant Poloni, ut jam copias ad externam vim propulsandam cogerent. Verum Legatus Gallorum, Religionis & privilegiorum securitatem pollicitus, ad Henrici Valesii partes Dantiscanos primum, mox & reliquos Borussos pertraxit. Sed, omnibus paullo post in adventum novi Regis dilatis, dum Borussi ad inaugurationis solennia accedunt, Henricum per Senatores Polonicos plane a se alienatum sentiunt, quippe is postulat ipforum vix ullo responso dignabatur, & Nobiles secundum verba juramenti Polonici, in quo expressa mentio Borussiarum, utpote separati Territorii, non facta, fidem addicere jubebantur. Mæsti inde domum redeuntes, comperta Regis fuga, dum Poloni de novo Rege creando consultarent, ipsi tamen fidem juratam constantissime servarunt, donec bella Gallorum civilia omnem reditus spem præscinderent. Tunc demum animum in Domum Austriacam primum denuo produnt, ac Legatis præcipiunt, ut suis votis Archi-Ducem Ernestum Regem nuncupent. Verum in Comitibus ad eligendum Regem congregatis, præcipui ex Polonis & Lithuanis Maximilianum Austriacum, quibus & Borussorum Legati, mandatis quodammodo satisfacturi, accesserunt, reliqui Annam, ex stirpe Regia oriundam, & maritum ipsi destinatum, Stephanum Bathoreum, Transylvaniæ Principem, Reges proclamaverunt. Hæc discordia Borussiam brevi pervasit, & Cæsari quidem addicti, ut illi in cæpto perstarent, sedulo hortabantur. Verum, Maximiliano cunctante, Stephanus in Poloniam propere accedit, Lithuanos aliosque hæcenus sibi adversos minis partim, partim blanditiis ad suas partes trahit, eoque, cum versus Borussiam*
- Doc. N. 6.
- p. 40.
- 51 53.
- 55.
- p. 64 Doc.
- N. 78.
- p. 67.
- p. 77 Doc.
- N. 10 sq.
- p. 86.
- 121, 131, 138.
- 149.
- 150 Doc.
- N. 15 sq.
- p. 154.
- 158.
- 159.
- 165.
- 170.
- 184.

Borussiam tenderet, hi quoque coacti, ut animo plane mutato, p. 200.
 exceptis Dantiscanis, Stephano in finibus obviam facti, eumque 206.
 devote Regem venerantes, Thorunium comitarentur. Inde Or-
 dines Borussici omni conatu allaborabant, ut, quod sub Henrico Doc. N. 24
 frustra tentaverant, a Stephano tandem obtinerent. Sed quæ 25. p. 212.
 Henricum dissinuerat, eadem quoque remora Stephano injecta,
 siquidem Senatores Regni ægre permittebant, ut Rex vigore p. 217.
 Comitiis Polonis præstiti, Borussis polliceretur, se in proximis
 Comitiis querelis eorum in celam allaturum. Interea Dantiscani 220.
 suas sibi res habere cœperant, quod nec patriæ communi, nec ci-
 vitatis libertati prospectum satis fuisse existimarent, præsertim
 cum provida cura opus esset ad cohibendos illorum conatus, qui
 paucos ante annos novam Regiminis formam ipsis obtrudere im-
 periose tentaverant. Et in ipsi erant *Commissarii, Karnkovi-* 222.
ni vulgo nuncupati, ab inimicis regnante Sigismundo Augusto
 constituti, qui fundamentis Reipublicæ conquassatis extrema fere
 minabantur. Ad tanta ergo mala averruncanda, & statum pristi-
 num restaurandum, necessarium censebant Dantiscani, cogni-
 tionem ante omnia Judicibus delegatis & Decretis eorum omnem
 auctoritatem abrogari, atque ante, quam hoc factum esset Step-
 hano Regi fidem jurare, recusabant; unde malevoli, ipsos ad defe-
 ctionem spectare, criminabantur. Amica quidem transactione 221.
 sedare tempestatem imminentem tentabant nonnulli, sed his ad-
 versabantur plures, qui, neglecta communis salutis cura, propria
 commoda ex dissidiis publicis captabant. Eadem res in Comitiis
 Thoruniensibus denuo agitata, quorsum ablegandi aliquos ex suis
 civitati libertas data. Verum cum missi a Dantiscanis, in urbem vix 224.
 ingressi, carceri manciparentur, & Aulici graviora quotidie postu-
 larent, nec Brombergæ postea Tractatus felicius succederet, pa-
 cis consilia exulare penitus visa sunt. Hinc ablegati Dantiscani in
 arcem Lensiciensem detrudebantur; civitas ob atrocia crimina,
 eidem imputata, proscripta, ac merces pecuniæque ipsorum
 in universo Regno repertæ in fiscum redactæ. Immo urbs ipsa 238.
 gravi obsidione cincta: sed Dantiscanis pertinacissime sua defen- 240.
 dentibus, eoque fortissimi Regis consiliis penitus eversis, pax
 tandem optata conciliantibus exterorum Principum Le-
 gatis,

- p. 254. gatis, felicissime coiiit. Civitas in gratiam Regis recepta, privilegia illius summa autoritate roborata, & querelis per *Tractatus*
- 428 sq. *Portorii* satisfactum. Reddita vix Regno quiete, Stephanus eo
455. intendit animum, ut Livoniam, in quam Polonis sub Sigisfinundo Augusto jura erant legitime quæsitæ, Russorum dominio armis subtraheret. Ad id perficiendum opus erat nervo rerum gerendarum, unde Poloni, quantum cuique pendendum esset, constituerunt, simulque allaborarunt, ut Borussi oneribus Regni publicis subjicerentur. At isti ex antiqua consuetudine de pecuniis conferendis in Comitibus Provincialibus potius consultabant, ac licet hac in re a vetusta constantia recedentes Nobiles, ut civitatibus ægre facerent, a Polonis statuta acceptarent, civitates tamen, ne ista inveterato usui fraudi essent, protestatz sunt.
- 276, 339. Nihilominus pati cogebantur Borussi, ut vectigalia, de quibus
- 286, 308 sq. 352. in Comitibus Regni decretum fuerat, in terris ipsorum, imprimis prope Montem Album, per aliquot annos exigenterent. Hinc ut arctius in Poloniz societatem venirent Borussi, ad omnia Regni Comititia eos evocarunt Poloni & Nobiles Territorii inter Consiliarios in Senatu, a Nobilitate vero Delegatos inter Nuncios Terrestres sedes occupare jusserunt, quod vigore Decreti Lublensis, a Stephano Rege demum auctoritate legitima donati, jure
- 337, 391 factum fuisse perhibebant. Deinde sensum id efficere conabantur,
404. ut juri dicundo Comititia Borussorum Provincialia tantum vacarent, & Ordines ipsorum de rebus majoris momenti, quoties Regi placeret, in communi conventu consulerent. Mox omne discrimen inter utramque gentem tolli cupiebant Poloni, &
- 277, 281. quamvis Borussi, ut animos Polonorum sibi conciliarent, pro
- 307, 470. Doc. 35. indigena admitti paterentur, qui per annos aliquot prædia in Borussia possedisset, nullam tamen legem admittere, sed pleno jure uti Poloni volebant, unde factum, ut illis summa officia in
- 223 sq. 349. 332 sq. 340. 349. Borussia fuerint collata, quod passum primum in Cromero ad Præsulatum Varmiensis evecto, cui & Andreas Batoreus Princeps Coadjutor adjunctus. Neque minus secularia judicia insignem
- 309, 396. Doc. N. 65. 312, 326. 410, 433. mutationem tunc passa sunt, cum, regnante Stephano, Tribunalia Polonorum primum constituerentur, unde, quibus Poloni etiam Borussos subjicere tentabant, donec hi, gravissimis momentis
- Doc. N. 49. 52, 66. 268, 271. Regi

Regi propositis, exemptionem impetrarent. Præterea cum appellationes ad Regem iustitiæ præcæstinandæ ansam præberent, Borussia devote petierunt, ut Polonorum more ipsis quoque singulare Tribunal erigere liceret Sed oblitit iterum Rex, ipsisque id tantum indulgit, ut vel ad Regem ipsum provocarent, vel a Tribunali Petricoviz decisionem causarum peterent. Hinc aliquandiu, ut olim moris, ad Regem appellatum, usque dum Nobiles, a Civitatibus discordes, Petricovienses sub certis conditionibus Judices agnoscerent. Gravissimum sane videbatur, causas ex Legum patriarum tenore ab extraneo judicio dijudicari, donec Culmensia jura in ordinem fuissent redacta, cui rei perficiendæ jam Sigisunundo I imperante fuerat insudatum. Nec defuere conventus ad utilissimum negotium peragendam destinati sub Stephano; sed in alia omnia ordines discesserunt, cum nonnulli animadverterent, Nobiles, neglectis legibus Culmensibus, peculiari juri condendo intentos, cujus voti etiam sub Regimine proxime sequenti compotes sunt facti. Ceterum octoginta fere *Documenta publica* subnectuntur, quæ veritati lucem insignem accendunt.

p. 261.

448. 451

452 Doc.
N. 77 sq.

292. 461.
Doc. N. 61.

365 sq. 373.

414. 425.

464 467 sq.

THESAURUS JURIS ROMANI, CONTINENS rariora meliorum Interpretum Opuscula, in quibus Jus Romanum emendatur, explicatur, illustratur, itemque classitis aliisque Autoribus baud raro lumen accenditur, cum Præfatione

EVERARDI OTTONIS,

Jcti & Antecessoris.

Tomus I.

Lugduni Batavorum, ap. Jo. van der Linden, juniorem, 1725, f.

Alphab. 5 plag. 19.

QUOD Belgio, quod Orbi Erudito, quod seculo nostro impense gratulamur, prodiit jam anno superiore in publicam utilitatem atque elegantiæ primæ & conspicuæ pars illius, omnium nationum votis pridem exoptati, ac, postquam spes ejus publice facta, anxie a nobis expectati rariorum opusculorum Theauri. Meritoque prodiit sub tutela Amplissimi supremæ Curie Præsidis

Cornelii van Bynkershoek, quem veræ juris civilis sapientiæ apud Belgas Statorem, hujus vero instituti Autorem primarium ipsa hæc splendida collectio Patronum sibi advocandum postulavit; quippe cui illa suam debet fortunam & pleraque accepta fert ornamenta. Laudabunt Eruditi fidem atque industriam solertissimi Bibliopolæ, qui characterum elegantia chartæque nitore, plane, ut promiserat, cimelia Jureconsultorum principum conveltivit; quod vero longe pluris faciendum, doctissimorum hominum auspiciis atque ductu omnia instruxit; deinde propria cura operaque providit, ut ad commodiores legentium usus summaque cum accuratōne singula, quæ hic extant, opuscula comparerent, & communi omnium plausu exciperentur. Ipse hac fini operas typographicas rexit, ipseque, Latini sermonis peritiam satis imbutus, errata, quæcunque animadverti potuere, & secus edita removit; legum capitibus, more veteri per verba initialia tantum laudatis, adjecit numerum; Historicorum & Poetarum testimonia, adscriptis libris, capitibus, versibus, certiora fecit, atque indices singulis opusculis, eorumque paginis aptavit. Hæc solertia impendenda erat, quo dignum tanta expectatione opus exiret, quodque a dotibus externis pariter atque internis summo opere placeret. Omnis enim cautio fuit adhibita, ut ne aliis in hoc clarorum virorum theatro daretur locus, quam, quos & brevitatis, & raritatis, & utilitas commendaret. Majora opera mole sua nimium gravatura fuissent hunc Thesaurum, sed & talia non tam difficilia paratu esse consueverunt. Raritas nullos libros in hunc censum admisit, nisi simul multo elegantior & eruditioris sale essent perspersi. Propterea enim nonnulli superiorum seculorum tractatus rarissimi, quod nihil bonæ frugis continent; iique suo merito intercidunt. Juvabit ergo in hac collectione comprehensos accepisse libros *plus quadraginta*, nonnisi exquisitos, & qui antehac separatim magno cum sumtu vix ac ne vix quidem comparari potuerunt; libros, inquam, multiplici utilitati & oblectationi variz inservituros. Habebunt hic Jcti, quo post salebrosas juris quæstiones, aut post fori rixantis murmura animum reficiant: habebunt critici, quo *πελυμαθείαν* large instruant: habebunt humaniorum literarum studiosi, quæ ipsis, tan-

tanquam peregrinis in hortis nata, gratiora videri poterunt, Multa ad proprietatem vocum, ad ritus, formulas, mores & Antiquitates Romanorum pertinentia. Hoc pacto tituli præfixi mensuram implebit præsens opus, immensas doctrinarum atque eruditionis varæ gazas complectens. Tanto inferiores jam apparebunt collectiones opusculorum juris olim peractæ, sive illa *Francisci Ziletti* jussu *Gregorii XIII Pontificis* quinque & viginti voluminibus sub titulo, *Traктatus universi Juris*, Venetiis A. MDLXXXIV edita, sive altera a *Pompejo Limpio* octo Voluminibus sub titulo, *Repetitiones Juris Civilis*, Venetiis A. MDCVIII publicata. Pauci enim in vastis istis corporibus Scriptores artibus & literis paulum cultiores reperiuntur; neque discreta satis Divinæ atque humanæ legis, diversorumque jurium, aut solida, & quæ de multis Doctorem plaustris consistere videretur, doctrina in plerisque sese prodit. Enimvero melior jam vivitur ætas, nec beata *Accursii* familia in foro, multo minus in Arte juris, regnum adhuc tenet. At, bone Deus! quanto intervallo priorum syntagmaticum Autores ab hujus Thesauri vel Conditoribus, vel adiutoribus distant. Summus humanioris & ingenux juris prudentiæ fautor atque arbiter *Ill. van Bynkersbek* consilium & rationem deligendi meliores juris Autores dedit, imo vero ipse instructissimæ etiam Bibliothecæ suæ thesauros liberaliter, & generosa de bono publico merendi voluntate, reclusit, non invisurus omnibus, quod antehac omnino cum paucis commune possederat. Nec nisi felicissime librorum hoc fasce complectendorum dilectus cedere potuit, cum & alii præcipui apud Belgas Antecessores atque Civilis juris cultiorisque literaturæ peritissimi Viri, sæpius repetita deliberatione, re atque judicio suo opus promoverint, inprimis Viri Clarissimi *Alexander Cuninghamus* & *Henricus Brenckmannus*. Graviter ac venuste pro dignitate rei diligentissimus Antecessor *Everardus Otto* singula ista perorat disertissima præfatione, ipse auxiliis producendo huic thesauro præstitis flarus ad posteros futurus, eo majori quidem merito, quo majori modestia procemii & adscripti in titulo nominis invidiam excusat. Pari moderatione de singulis Autoribus hic exhibitis sententiam dicere, aut, quæ a posterioribus melius tradita esse videntur, e multiplici

ac variz suz eruditionis lectionisque penu hic congerere noluit, multo vero magis a censorio supercilio temperavit, in quo adhibendo atque in perstringendis aliorum laboribus illi fere proniores esse solent, qui proprio judicio sobrie diffidere nondum noverunt. Enimvero satis erit Eruditis præstantiorum Jctorum opuscula, quæ desiderabant, ut olim edita fuere, jam bona fide recusa legere. Quæ enim a recentioribus rectius animadversa, ea in illis non requiruntur: noverunt meliores literati, *in omnibus posteriora concludere, & sequentia antecedentibus prævalere*, quod ait Tertullianus, nec tamen ideo prius dicta contemtim habent, aut insectantur. Sed de de opusculis Tomi I dicendum.

Primum locum jure tenet *Anton. Augustinus*, initio Allisanus, dein Ilerdensis Episcopus, postremo Archiepiscopus Tarracoenensis, *de Nominibus propriis τῶ Πανδέκτου Florentini*, a Viro Ampl. *Adolpho Fisscher*, Jcto, in publica commoda oblatus. Præter enim dignitatem tanti nominis ipsa temporis ratio atque insignis raritas operis postularunt, ut statim in aditu conspiceretur liber, qui antehac unus longe pluris fuit emendus, quam univversus hic thesaurus imposterum constabit. Primus ille juris utriusque Antistes maximus Leges, Sccta, Gentes, Familias, Numismata & Inscriptiones Romanorum examinavit diligentius & cum juris civilis scientia omnem veteris eruditionis apparatus felicissime conjunxit. Sed primus idem præsidia ex Pandectæ Florentino capienda Jctis indicavit, idque eo majori ausu, quo facilius Præceptoris, *Alciati* sui, Politianum, Bologninum & Taurellum obindustriam exemplari Florentino addictam publice privatimque ridentis, judicio averti ab hoc studio potuisset. Enimvero, decurso studiorum curriculo, Florentiæ una cum Jo. Matalio Metello, Sequano, Digestorum libros cum Norica Haloandrina editione ad Codicem illum venerandum contulit: suntque aurei *Emendationum & Opinionum* libri ex istius collationis observationibus enati, quos primum edidit Venetiis annos natus quinque & viginti, non undeviginti, ut male tradit *Schottus Lib. V observat. human. cap. 33*, qui ob civilia bella patria profugus, in domesticam familiaritatem ab Augustino receptus, nunquam ab ejus latere discessit, eaque propter accuratiora & plura, quam ceteri omnes, de ipso

de ipso commemorare poterat. Sed hic de propriis Nominibus Pandectarum liber A. MDLXXIX Tarracone, typis *Philippi Mey* descriptus, exiit, tanquam pars prior ingentis operis, de *Verbis Digestorum*, quod Augustinus jam sexagenarius molitus fuit, quodque *omnium penarum faciem habere*, Scaliger iudicabat. Ejus utilitatem soli intelligunt meliores Jurisprudentes, quique percipiunt, Jurisconsultorum, Consulium, Prætorum, Imperatorum, Præfectorum Urbi, Prætorio &c. aliaque ad historiam singularum legum pertinentia nomina quantum ad explanationem Digestorum & Codicis sint necessaria, quantum quoque ad detergendas quamplurimis veterum locis maculas, nominaque in iisdem restituenda, Pandectarum conducant. Nec alia mente magnus Cujacius *lib. XII Observat. cap. 18*, nominum restituendorum inanem forsitan laborem esse, dixit, quam, ur rei difficultatem innueret, plusquam Cimмериis tenebris involutz, nec nisi per suspiciones & conjecturas extricandæ, quam & ipsi veteres, dum per festinationem haud raro cespitarunt, ac diversos nominum similitudine confuderunt, quam & mutata diversis temporibus nominum observatio, quamque demum librariorum oscitantia, magnæ obscuritatis causæ, difficillimam prorsus effecere. Sed has quantascunque obscuritates insigni conatu inter primos removit Antonius, quodque jam in *libro singulari de Familiis Romanorum*, & in *lib. III Emendationum Cap. 8* aggressus erat, in hoc opere perfecit, de cujus meditatione jam ab adolescente suscepta videndum *Emendat. lib. I Cap. 7*. Ipse vero primus omnino legum inscriptiones, ab aliis, Græcis & Latinis, omittas, plene ad *librum* usque *quingagesimum Pandectarum* descripsit: nam Haloander ultra *quartum & vigesimum Librum* eas, quippe a *Politiano & Bolognino* hucusque tantum notatas, non produxerat. Et ipse primus divino ingenio præstantes usus ex conjunctione fragmentorum percipiendos animadvertit: in quos postea, editis a *Tauvello* ex Pandecte Florentino capitum inscriptionibus, cum altius penetrasset *Cujacius*, atque legum inscriptiones & rubricas titulorum, *velut claves arcanis hujus sapientia referendis*, magnopere ac sedulo discipulis commendare plane consueffet; hinc factum, ut multi cum fructu in eadem palæstra sese exercerent;

Jaco-

Jacobus Labittus vero egregiam inprimis ac diligentem operam in *Indice* suo conficiendo navaret, autore & fualore *Cujacio*, ut ipse circa finem *Indicis* profiteretur. Sed hic idem *Labitti* pulcherrimus labor ab *Augustino* conspectus permovit, ut partem majoris operis scriniis suis elabi pateretur, *multo diligentius*, ut in *Præfatione* scribit, *quam ab eo, qui magna cum laude id cepit; quid singuli JCTi scripserint, quibusvis in locis eorum mentio in Digestis fiat*, exhibiturus. Idque summa cum gravitate præ se tulit. Cum enim *Labittus* ordinem indicis manci, qui *Pandectis Florentinis* præpositus est, in serie *JCtorum* secutus fuerit; *Augustinus* temporis habuit rationem, quo singuli *JCTi* floruerunt, quos, multis eorum capitibus & libris suppletis, aut emendatis, optimo ordine distributos stitit. Deinde ille tantum addidit loca ex *Codice Justiniano*, & *Institutionum* libris, *Novellis*que *Constitutionibus*, quæ ad nomina *JCtorum* pertinent; hic autem cetera quoque in rem suam vocavit *Jurisprudentiæ ante-Justinianæ & Historiæ Romanæ* monumenta, quæ *JCtorum* meminere, Græcosque adhibuit, qui vel *Justiniano æquales*, vel post eum *Constantinopoli* vixere, ac libris *Justiniani* nondum depravatis usi sunt. Adjecit denum, quod extra *Labitti* institutum erat, nomina propria *Regum*, *Consulum*, *Imperatorum*, *Legum*, *Virorum*, *Feminarum*, *Urbium* & *Provinciarum*, in *Pandectis* conscripta; eaque omnia notis eruditis illustravit. Sciendum autem, in hac *Augustini* editione notas, quæ olim ad calcem libri rejectæ erant, nunc justis locis ad finem paginarum extare, & quæ *JCtorum* meminerant, utriusque *Codici*, *Institutionum* & *Basilicorum* capita, ex eadem appendice, uncinulis inclusa, singulis nunc subjecta, ceterum nihil mutatum esse, sive in orthographia *Pandectarum* veteri, sive in paragraphorum numeris, ex corpore *glossato & Charondæ* editione desumptis. Hæc hætenus ex doctissima *Ottonis* enarratione excerpenda duximus. Pergit vero Celeberrimus hic Antecessor, & ad singula capita observat, quæ ab *Augustino* in notis minus accurate posita offendit. Optime factum! ne tanti viri autoritas, ut multis accidit, pluribus in futurum imponat, & quod solet, crescat observatio ex uno quondam male erepta, deinde secutis tradita temporibus, serisque nepo-

nepotibus aucta. Et hujus industriæ nonnulla delibabimus. In primo capite Augustinus nomina JCtorum, tam ex quorum scriptis constant Pandectæ, quam, qui in iisdem laudantur, recensuit; utrosque rursus in quatuor classes distinxit, ac typum successione sectarum, *Sabinianorum & Proculianorum*, ex Pomponio dedit. At in scholis his discordibus describendis, *Emundus Merillius*, in vitis JCtorum *Rutilius*, *Bertrandus & Guil. Grotius*, *Menagius*, *Rupertus & Bynkershoekius* permulta luculentiora dixerunt, variaque docuerunt, ex quibus hoc opus emendari posset. Quando pag. 17 Augustinus notat, *Alfenus & Alphenus* in Pandectæ Florentino, sed sæpius per F. scribi: refellitur commentum *Torrentii*, ad *Horatii lib. I Sat. 3* arbitrantis, *Alfenum patrio nomine primum dictum, postea, cum clarior evassisset, Alfinium appellatum esse*. Laudat hic *Celeb. Otto* conjecturas *Cl. Wachsleri* nostri, in his Actis A. 1711 propositas, easque libro singulari plenius se firmaturum spondet. Quando pag. 56 *Salvii Juliani* scripta enumerantur, quæstio succurrit, utrum a *Salvio* hoc interdictum *Salvianum* nomen acceperit? idque cum Augustinus inferius pag. 331 affirmet, ipsi aliis consentientibus, negantibus aliis: ea res plane incerta videtur, quia gens *Salvia* plures Prætores & JCtos produxit: nam *Hadrianus Salvio Caro* rescripsit in l. 14 ff. ad SC. *Turpil. & Salvii Aristo Julianum* consuluit in l. 6 ff. de legat. præst. Cum pag. 67 ex libro LXXXIV *Digestorum Juliani* laudatur l. 32 de legibus, cujus inscriptionem ita ediderant *Taurellii*: id a mala manu est; nam in manuscripto Florentino *Julianus lib. LXXXIV* legi, idque se bene vidisse scribit *Cl. Laur. Tb. Gronovius*. Ita non opus est libro incerto, qui nonaginta *Digestorum* libris adjiciatur. Pag. 84 *Volusii Maeciani* prænomen ex *Capitolino* addendum *Lucius*. *Lampyridio* metachronismi crimen in *vita Alexandri cap. ult.* frustra impingitur: veteres membranæ *Mæciani* nomen ibi non agnoscunt. Pag. 104 miretur quis professionem ignorantiz, *Cajum Justinianum* nostrum appellaverit, nisi fortasse, quia is *Christianus* fuerit, aut ejusdem nationis cum *Justiniano*. Videatur lib. I *Emendat. c. 5*, ubi recte docetur, *Cajum non multum post Salvii Juliani ætatem vixisse, quæ & Sextus Pomponius fuit*. Suum *Justiniano* dictum, quod *Tribonianus* ejus operibus in conscribendis Institutionibus familiariter esset usus, verissima videtur

ratio: nam pari causa *Strabo & Seneca Zenona suum* vocarum. *Pag. 139 Tertullianum* Jctum non alium esse a Patre & Scriptore Ecclesiastico, traditur. Sed contrarium apparet ex collatione vel *aniani l. 33 ff. de Testam. milit.* cum stilo tunente & pingui Presbyteri illius Carthaginensis. *Pag. 191 Hermogenianus* perperam inter *Alexandri* consiliarios & numerum discipulorum *Papiniani* refertur. Fons erroris interpolatus *Lampridii* locus. *Pag. 196 Q. Claudius Venulejus Saturninus* idem cum *Venulejo* videtur Augustino, qui duo rectius separantur in inscriptione *l. 15 & l. 16 ff. de pæn.* *Claudius* sub *Pio & Divis* fratribus, *Venulejus* sub *Caracalla & Alexandro* floruerunt. *Pag. 204 Tarruntenus Paternus* quo tempore vixerit, incertum dicitur. Sed is *Commodo* imperante fuit præfectus prætorio, esseque propter malum consilium interemptus, *Lamprid. Commod. cap. 4.* *Pag. 214 Augustinus* historiam de *Servio Sulpicio*, ad studium juris Civilis converso per *Mucii* objurgationem, *Pomponio* dubiam reddit, a *Guil. Grotio* ea causa reprehensus. Duobus nititur argumentis: primo, quod & *Tullii & Servii* adolescentia non permittat credere, eos vivo *Scævola* primum in causis orandis locum obtinuisse: altero, quod *Servius* demum, postquam Rhodo reversus, ad Jurisprudentiam accesserit, atque in ea prius esse makuerit, quam in eloquentia secundus, *Cic. in Bruto, cap. 41.* Satis liquere videtur, nisi apud *Pomponium* per *obtinere* intelligas *obtinere potuisset*, quod *Grotius* legi jubet, narrationem ejus consistere non posse. Et vel hoc admisso morosior æquo est objurgatio *Scævola*, nec in ætatem *Servii*, ad summum viginti quinque annis tum consistentem, quadrare videtur. Sed quod *Augustinus* ab hoc *Servio* Jcto nomen *Serviana Actionis* desumptum putat, fecus videtur, propter *Ciceronis* locum *Orat. pro Muræna cap. 20.* qui docet, *Servii* sortem in Prætura non fuisse juris dicendi, quam omnes necessarii ei optarent, sed peculatus. *Pag. 244* quod *Eujacius* de *Fusidio* a se in lucem protracto dubitanter scripserat, forsitan hunc esse eundem, quem *Cicero* in aliquo patronorum numero fuisse ait, id *Augustinus* suum fecit. At utrumque in ætate *Fusidii* errasse, eumque toto seculo juniorem sub *Vespasiano* floruisse, *Grotius* ex *l. 5 ff. de auro arg. leg.* probavit. *Caput II Regum & Consulum nomina* complectitur, quibus *Romani* annos suos ad annum usque *Chri.*

Christi 541 designarunt. Et hic quoque e Fastorum commentariis varia aliter constitui possent. Ita *Pighius* monstravit, SCtum, cujus pag. 258 mentio fit ex l. 1 ff. de Off. Quest. quod factum est Decimo Druso & Porcina CSS. referendum esse ad D. Brutum & *Emilium* CSS. Et sequens ibidem consulatus *Sulla* & *Trionis* ex l. 12 pr. ff. de Accusat. ad *Tiberii* ævum pertinet, *Memmioque* *Regulo* *Sulla* *Fulcinius Trio* collega assignandus, observante *Cujacio* lib. VI c. 30. Capite III nomina Imperatorum, a *Julio Cesare* ad *Alexandrum* in *Digestis* perscripta, proponuntur: in quibus latus processit *Freymonius*, atque in *Symphonia juris* ex Codice quoque Principum nomina adiecit. Brevis etiam hic & parvus *Augustinus* in notis. Caput IV exhibet nomina Legum, SCtorum, Edictorum, Interdictorum, Decretorum & Actionum, quæ a propriis nominibus deducuntur; aut aliam habent insignem appellationem. Facile apparet, magnam accessionem, emendationem atque illustrationem variam huic capiti asserri posse, tum ex libris singularibus doctissimorum Virorum, quibus singulas Leges, Plebiscita, SCta explicarunt, tum ex iis, quæ Critici atque JCI inter aliud agendum ad istas species juris Romani notarunt. Capite V sistuntur Nomina propria certarum personarum, partim Scriptorum Veterum Græcorum & Latinorum; partim Deorum atque Herorum; partim Romanorum, atque Provincialium, sive aliorum; ex quibus servi a liberis, viri a mulieribus distinguuntur. Capite VI sequuntur scilicet Nomina tam Romanorum civium, quam servorum ab JCtis usurpata, quorum pars ad viros, pars ad feminas pertinet. Caput VII complectitur nomina Provinciarum, Urbium, Montium, Fluminum, Oppidorum, Gentium, Familiarum, pradiorum & aliarum rerum; Capite VIII aliorum nominum est *Silva*, eorum, quæ ad superiora commode referri nequiverunt. Multum post *Petri Fabri* curas *Ægidio Menagio* & Ampliss. *Bynkershoekio* debemus, qui singuli complura Magistratuum aliorumque civium Romanorum nomina magis familiaria cognitaque nobis fecere, permulta quoque restituerunt. *Augustino* subiungitur II *Carolus Selvaghins*, Theologus, in studio olim Neapolitano publicus legum Professor, deinde in Romana cathedra *Muretti* successor. Ejus Autoris solæcisinis & barbarisinis repleti, sacco vero & sanguine destituti, de origine, esbymo, & praestantia

tia Pandectarum, in l. 1. § 3 de Justitia & Jurisdictione, recitationes solemnes non inferendæ videbantur huic egregiorum scriptorum corpori, nisi id dandum fuisset multorum desideriis. Et possumus ei tanto æquiori animo locum assignatum non invidere, cum vix octo folia occupaverit, Augustino vero solum ob argumenti propinquitatem successor sit datus. Quamvis enim is ordo librorum minime sit observatus, qui perpetua serie easdem materias quovis tomo sisteret, cum singuli per se subsistant: ii tamen ut jungerentur, quos inter cognatio quædam est, ipsa res poposcit. Jam per jucunda vicissitudine sese offerunt III elegantissimi Jcti Genevensis, Jacobi Leclii de vita & scriptis Emiliæ Papinianæ, seu de officio Prudentum oratio; de vita & scriptis Domitii Ulpiani orationes duæ; ad Æmilium Macrum de publicis Judiciis, liber unus; ad Modestinum de pænis, liber unus. IV Sequitur æcerrimum illud, quod Juris Conditoribus superiori seculo extitit, par defensorum, Jo. Cbifletius, Jctus Vefontinus, cujus Apologetica dissertatio de Juris utriusque Architectis, Justiniano, Triboniano, Gratiano & S. Raymundo, Antverpiæ 1657 lucem adspexerat; & Gabriel Triverius, J. C. Historiographus Regius, cujus Observatio apologetica ad Inscriptionem orationis ad Antecessores Digestis Justiniani præpositæ, adversus quosdam Jctos & Procopii Anecdota, Parisiis 1631 primum exierat. V Petri Burgii Electorum liber, quo varios juris locos illustrandi, conciliandi, sanandi ratio tentatur. Fructus hi sunt institutionis Cujacianæ, ut ipse profitetur. Huic vero editioni librum a mendis repurgando aptavit opera Joannis Balk, J. U. D. & Curie Frisicæ Advocati, qui idem & Perrenonii Animadversionibus præstitit. VI Christophori Coleri, Antecessoris Altorsini, Parergorum, ad varios Pandectarum & Institutionum Juris locos, liber singularis, in quo obiter etiam varii Scriptores aut emendantur, aut nove explicantur, satis notus atque commendatus humanitatis cultoribus. VII Gabrielis Vallii, Piclavienfis J. C. & in suprema Regni curia Advocati, libri singulares, ad L. Gallus, 29 ff. de liberis & postb. ad l. un. C. de sentent. quæ pro eo, quod int. profer. ad l. in quartam, 91 ff. ad L. Falcid. & ad l. filium quem, 24 C. famil. hercisc. VIII Petri Aveliani, Valesii, Jcti, aliquot loci bonorum Autorum restituti, vel aliter, quam vulgo intelligantur, explicati. Pluribus quidem scrip-

ptorum

ptorum Romanorum locis, quam juris nostri capitibus lux accenditur in his restitutionibus, aut medela affertur. IX *Nicolai Catharini*, JCTi Bituricensis, *observationum & conjecturarum liber*. Ad quinquaginta diversos Digestorum & utriusque Codicis textus conjecturas exhibet, quas in naturales & industriales fructus ingeniose dividit. Illos vocat, quicquid ipsi sub manu scribentis enatum est; hos, quicquid observationum nactus est ope librorum MStorum, vel autoritate Græcorum. Rarior hic libellus munus est Cl. *Abrahami Gronovii*. X *Joannis Stekii*, JCTi, Commissarii generalis Reip. Bernensis, *Observationes Anticritica juris: seu, vindicationes legum a corruptelis Criticorum & neotericorum Interpretum*. Magno ausu hic Anticriticus in divinationes, correctiones *Revardi*, *Fabrorum*, *Cujacii*, *Goschofredi*, *Pacii*, *Hotomanni* aliorumque inquirat, ac plerumque lectionem consuetam defendit. XI *Deslevi Langebekii*, Hamburgensis JCTi, *in leges aliquot perdifficiles & nondum satis intellectas, nova Annotationes*. Recensuit *Joachimus Cluten*. Fere cum solo *Accursio* ejusque scholares agitur huic observatori. XII *Petri Perrenonii Animadversionum & variarum lectionum Juris Civilis Libri duo*, Auctorum rituumque veterum ad illustrandas leges translatione & variis in historia Juris correctionibus insignes. XIII *Georgii Conradii Crusii*, Antecessoris Lugdunensis apud Batavos, *ex variis observationibus, quæ ad Jus Civile pertinent, Diatribe, ex Juliano libro XXX Digestorum, de scriptura & sententia cap. si paterfamilias, 40 ff. de heredib. instit. accedit Dissertatio ex Ulpiani libro IV ad Edictum, de Pactis & conventionibus*. XIV *Ludovici Charondæ*, JCTi & in supremo Francorum Senatu Advocati, *Περὶ Δικῆς, seu verisimilium, Libri tres*. In quibus multa Juris civilis loca docte explicantur; atque nonnullorum, quæ invicem dissidere videbantur, erudita traditur conciliatio. *Ejusdem ad tit. de Verborum obligatione scholia, & de Jurisdictione & Imperio libellus*. XV *Marquardi Freberi*, JCTi, Palatinatus VII viralis olim Consiliarii, ac Dicafterii Aulici Propædædis, *Παράρτημα, seu verisimilium Libri duo*. In quibus varia Juris civilis loca nove explicantur, emendantur, illustrantur. Est hoc opus, quod vivo Frehero sub uno *Παράρτημα* nomine exierat, dein vero posthu-

num ac ob insignes accessiones ex schediasmatibus Autoris adjectas pene novum editum opera *Joannis Boschi*, J. C. Norimbergensis, A. 1622. Tomum alterum futuris nundinis vernalibus præstolamur; eoque expeditius universum corpus poterit ad umbilicum perducī, cum jam in recensito Tomo rariora præ ceteris opuscula, & quæ diu necquicquam requisiverat Bibliopola, exceptis *Constitutionibus Landii Enarrationibus & Prætermiſſis*, sint inserta, cumque Eruditi de promovendo ornandoque opere prorsus inter se contendant.

ECLAIRCISSEMENTS SUR L'ANALYSE.

des infiniment petits.

hoc est,

DILUCIDATIONES ANALYSEOS INFINITE
parvorum; Autore VARIGNONIO, Membro Academiarum
Regiarum Scientiarum, Parisinæ, Londinensis & Ber-
rolinensis, ac Professore Regio.

Parisii, apud Rollinum, 1725, 4.

Plag. 16 Tabb. æn. 6.

CEL. *Varignonius*, Geometra primi ordinis, qui multum temporis in calculo differentiali consumpsit, cum Analysin infinite parvam *Hospitalianum*, de qua alibi diximus in Actis nostris accurata & successiva industria perlustraret, in calamus conjecit, quicquid ad eam ulterius perficiendam facere videbatur, novæ editioni, quam meditabatur, notas adjecturus. Has igitur notas sub Dilucidationum titulo solas in publicum profert editor, cum Analysis *Hospitaliana* iteratis jam vicibus lucem adspexerit. Plurimum autem eadem differunt a Commentario *Croſæ* in eandem Analysin, cujus in his Actis Suppl. Tom. VIII Sect. 6 p. 262 mentionem fecimus. Neque enim solum cum *Croſa* id agit, ut tyronibus calculum magis expeditum reddat; sed plurima addit Geometra tanti nominis digna. Præter explicationes locorum difficiliorum Analyseos ibidem reperies propositiones novas, problemata ab *Hospitalianis* diversa, regulas, constructiones & methodos differentes a *Varignonio* detectas. Imprimis ea demonstrat, quæ ab Autore Analyseos sine demonstratione sumuntur, & quorum

rum demonstrationem supplere non est cujusvis. Addit quoque passim de argumentis, quæ Autor Analyseos pertractat, ab alijs summis Geometris, *Leibnitio* præsertim atque *Bernoulliis*, reperia, quorum pars ex his Actis desumpta & uberius illustrata. Presso pede sequitur Autorem Analyseos, ut adeo de argumento operis distinctius quædam recenseretur, minime sit opus. Coronidis loco adjicitur dissertatio de calculo exponentiali Latino idiomate conscripta, in qua ea ad faciliorem intelligentiam proponuntur, quæ *Leibnitius* atque *Joannes Bernoulli* de hoc calculo dedere in his Actis, & dubia solvuntur, quæ *Bernhardus Nieuwentijt* contra eundem moverat. Adjicitur præterea scholion idiomate Gallico, quod, quæ *Bernoullius* in his Actis A. 1697 p. 125 & seqq. de hoc calculo dedit, jam ante proprio Marte assecutus fuerit & in Diarium suum retulerit A. 1695, occasione eorum, quæ *Leibnitius* in his Actis A. 1695 *Nieuwentijt* respondit. Methodus tangentium curvarum exponentialium, qua calculus illustratur, idiomate Gallico conscriptus; cui jungitur methodus altera investigandi exponentes potentiarum incognitos, reducendo nempe æquationes ad Logarithmicas, v. gr. $c^x = ab^{x-1}$ ad alteram $xc = (x-1)(la + lb)$: quod nihil difficultatis habet.

RECREATIONS MATHEMATIQUES

& Physiques &c.

hoc est,

RECREATIONES MATHEMATICÆ ET

Physicæ; Autore OZANAMO, *Academiæ Regiæ Scientiarum Membro* & *Matheseos Professore*.

Tomi IV.

Parisiis, apud Claudium Jombertum, 1725, 8 maj.

Alph. 5 pl. 6 Tabb. zn. 132.

Recreationes Mathematicæ & Physicæ *Ozanami*, Cursu & Lexico Mathematico atque Tractatu de lineis primi generis, locis Geometricis & constructione æquationum editis clari, problemata Mathematica & Physica continent, quæ oblectant, quæ
lib

lia in opere Germanico ejusdem rubri olim apud nos dedit *Swenterus*, *Matheseos* Professor *Altorfinus*, & ejus continuator *Harsdafferus*. Editio nova, quam hic sistimus, non modo quarto volumine integro aucta, verum & in Tomis tribus prioribus aliquot accessionibus locupletata. Tomo primo continentur problemata arithmetica, geometrica, musica & optica. In problematibus arithmeticis exponitur modus additionis mercatoribus in designando mercium pretio usitatus, compendiosa multiplicatio & divisio, sed quæ non accedit ad perfectionem *Ludolfina a Wolfo* in *Elementis* *Matheseos* explicatæ; inventio numerorum perfectiorum; & omnium divisorum numeri dati; determinatio trianguli rectanguli in numeris rationalibus integris; usus progressionis geometricæ & arithmeticæ in solvendis variis problematibus particularibus; formatio quadratorum magicorum; usus trianguli arithmetici in combinationibus, permutationibus & in ludis; divinatio numerorum, quos alter mente concepit; ut alia problemata particularia complura silentio prætereamus. Problemata geometrica ad Geometriam practicam in charta exercendam spectant. Eminent inter ea, quæ sunt de circulorum contactu. Pauca quædam geodætica adjiciuntur, eaque vulgaria. Problemata musica per pauca sunt eaque fundamentalia. Optica alia pertinent ad Opticam directam, alia ad Catoptricam, alia denique ad Dioptricam. In illis continentur paralipomena nonnulla ad Tractatum de Perspectiva, quem Cursui Mathematico inferuit: quoniam vero ex eodem exulant Catoptrica & Dioptrica, ideo phænomena speculorum planorum, cylindricorum, sphaericorum, itemque vitrorum convexorum, concavorum & meniscorum hic explicat Autor & machinas quasdam curiosas catoptrico-dioptricas una cum camera obscura, laterna magica, telescopiis & microscopiis describit. Omittit & demonstrationem & passim lectorem ad *Wolffi* *Elementa* *Matheseos* universæ ablegat. Colophonem imponit Tomo primo Perspectiva curiosa, in qua anamorphoses imaginum ope speculorum perficiendæ describuntur. Tomus secundus continet problemata gnomonica, cosinographica & mechanica. Inter gnomonica eminent descriptio horologii regularis nonnisi duabus circuli aperturis, immo nonnisi

nonnisi unica absolvenda constructio quadrantis gnomonici portatilis; descriptio horologiorum horizontalium universalium ellipticorum, hyperbolicorum, parabolicorum; constructio horologii lunaris & machinæ ope Lunæ splendentis horam nocturnam determinandi, horologiorum item catoptricarum & dioptricarum, cylindricorum & sphaericorum, imprimis autem horologii universalis, a quo hora quæcunque diurna atque nocturna indicatur, quod *Eustachius Pecourt* invenit. Demonstrat etiam analemma rectilineum universale *Milliet de Chales*, quod horas & altitudines Solis indicat ejusque usum explanat. Problemata cosmographica vel astronomica sunt, vel geographica, vel chronologica. Explicatur modus inveniendi locorum longitudinem; clima, in quo locus datæ longitudinis situs; quantitatem gradus in parallelo dato; peripheriam, diametrum, superficiem & soliditatem terræ, juxta recentissima Gallorum inventa; distantiam locorum datæ longitudinis & latitudinis una cum modo describendi loxodromiam. Explicantur problemata ad Calendario-graphiam spectantia, veluti de discernendis annis bissextilibus a communibus, de inveniendis numero aureo atque epactis, ætate Lunæ, pleniluniis & noviluniis eclipticis (ubi quoque describitur constructio instrumenti, quod in hunc usum invenit *Philippus de la Hire*) Cyclo Solis & litera dominicali; de distinguendis feriis hebdomadis, determinando paschate cum festis mobilibus in anno dato; & feria prima cujusvis mensis, investigandis indicatione Romana & numero periodi Julianæ pro anno dato, itemque periodi Dionysianæ pro eodem anno, loco etiam Solis atque Lunæ, una cum tempore, quo Luna per noctem splendet. Docetur etiam usus calendarii Romani & modus determinandi tempus fluxus & refluxus maris in dato portu. Solvuntur adhuc alia problemata geographica de illuminatione telluris, quæ ex cursu Mathematico R. P. *de Chales* huc transferuntur. Annotantur nonnulla, quæ de stellis & utroque luminari observata sunt, ubi planetarum magnitudines, distantix & periodi definiuntur. Ultimo loco agitur de themate cœlesti erigendo. Problemata mechanica vel sunt statica, vel aerometrica, vel hydrostatica, vel hydraulica. Quoniam mechanix disciplinæ multam in vita utilita-

tem habent, utile miscetur dulci. Docetur inter alia constructio libræ portatilis in Germania inventæ ope elateris tensi pondus determinantis: cui gemina jungitur alterius structuræ ab Architecto militari Gallo *Chapototio* inventa, una cum libra *Cassiniana* structuræ admodum simplicis, quæ non modo quantitatem, sed & pretium mercis determinat. Describitur structura & usus barometrorum, tam simplicium, quam compositorum, atque thermometri *Florentini*; siphon communis & diabetes; modus navigium submersum extrahendi, gravitatem unius pedis cubici aquæ determinandi, currum sine equis promovendi, gravitatem specifice æquarum examinandi, vires vectis ad calculum revocandi, pondus metalli absque libra investigandi, altitudinem aquæ corpore solido immerso ascendentes inveniendi, machinam construendi, quæ plagam venti in conclavi monstret, fontes item intermittentes, fontem *Heronis* & salientes ceteros, qui in elementis Hydraulicæ explicari solent. Describitur quoque horologium valde simplex, unico tympano in cellulas intra diviso & motu aquæ vel alterius liquidi intus conclusi perpendiculariter, sed lente admodum descendente constans. Transferuntur denique huc alia curiosa ex Tractatu de viribus motricibus. In Tomo tertio primo loco comparent problemata pyrotechnica de ignibus artificialibus cum festivis, tum nocivis. Sequuntur problemata physica miscellanea Mathesi partim agnata, partim nihil cum ea affine habentia. Nullas Autor addit rationes; sed eas Physicis investigandas relinquit. Agit inter alia de telescopiis & observationibus telescopicis planetarum, de tuba stentoreophonica, de congelatione artificiali, de vitro caustico *Tschirnhusiano*, cujus diameter pedum trium Rhenanorum, pondus 160 librarum, de *Æolipila*, de lachrymis vitreis, de metalli lamina tenui aquis innatante, de aqua forti & regia atque oleo vitrioli & oleo Tartari per deliquium, de pulvere & auro fulminante, pulvere & unguento sympathetico, de origine fontium & rivulorum, de fontibus, metallis & gazis sub terra delitescentibus detegendis, de hygrometris, de phosphoris, de atramentis sympatheticis, de magnete, de transpiratione insensibili corporis humani, de terræ motu artificiali, de generatione plantarum earumque directione ac motu.

tu.

tu. Describit etiam novum antliae genus, quæ continuo aquam evomit, dum embolus agitur. Sub finem problematum physicorum monet, se dedisse has Recreationes Physicas & Mathematicas, ut sint supplementum Cursus Mathematici. Alteram Tomi tertii partem constituit Tractatus de horologiis elementaribus. Ejus Autor est *Dominicus Martinelli*, Spoletano-Italicus, qui eundem idioma patrio Venetiis A. 1663 edidit. Noster eum in idioma Gallicum transtulit. Describuntur in eodem non modo varia clepsydram genera, verum etiam diversi generis horologia, quæ fabulo, aere & igne animantur. Ultimus tandem Tomus continet Tractatum de phosphoris naturalibus & artificialibus, & lucernis inextinguibilibus. Libro primo de phosphoris naturalibus disseritur. Postquam varia de igne ex historia tam sacra quam profana gentium fuerunt recensita & luminis pulchritudo atque excellentia commendata, ipsique naturæ inexplicabilis vindicata; inter phosphoros naturales primus locus tribuitur Soli. Sequuntur meteora ignita, cum fulgure atque tonitru, montes ignivomi & adamas in tenebris lucens. Tandem in hunc censum referuntur plantæ & ligna putrida, quæ in tenebris lucent, lampyrides sive cicindelæ, cucujus sive musca lucens in America, pisces in tenebris lucentes & mare luminosum, caro animalium in tenebris lucens, aves & homines luminosi. Inter phosphoros artificiales libro secundo comparet lapis *Bononiensis*, phosphorus *Kunkelii*, cujus præparatio docetur juxta methodum *Boyleanam* & *Homborgianam*, diversa phosphorum experimenta ab *Homborgio* instituta, novus phosphorus *Homborgii* in Commentariis Acad. Reg. Scient. A. 1693 descriptus, varii phosphori liquidi, novus phosphorus *Lyonnetti* ex facibus alvi præparatus, nophtha, phosphorus *Baldvini*, phosphorus vitreus *Nugueti*, quem vocat Noster, coincidens cum experimento *Hauksbiji*, Angli, quo lumen affricu globi evacuati & celeriter rotati atque digiti leniter applicati producit, phosphorusque Mercurialis *Bernoullii*. Libro denique tertio de lucernis inextinguibilibus in medium proferuntur, quæ antiquorum historicorum fide nituntur, veluti de lucernis ejus generis templorum, de sepulchralibus, tum de iis quas recte domesticas dixeris, itemque *Cassiodori*.

dori. Recensentur Auctores, qui lucernas sepulchrales inextinguibiles inter aniles fabulas retulerunt, eorumque objectiones sub incudem revocantur, nec non illi, qui earundem impossibilitatem adstruxerunt. Noster tamen possibilitatem omnino adstruit, & de arbesto prolixè disserit. Totus hic tractatus, multa eruditione conscriptus, multam Auctoris in hoc genere lectionem arguit. Describuntur quoque hinc inde varia experimenta chymica & appendicis loco arcana agyrtarum revelantur.

INSTRUMENTA METEOROGNOSIÆ INSERVIENTIA, quorum Constructio in plurimis correctæ & accuratior adornanda, defectus corrigibiles & incorrigibiles, situs commodus atque usus succinctè traduntur. Accedunt hyetostathmica duo & exatmoscopium noviter inventa, nec non meditationes de mensura quadam universalis eruditis propria, quorum examini atque iudicio hæc omnia submittit JOH. GEORGIUS LEUTMANNUS, P.D.

Wittenbergæ, sumptibus B. Godofr. Zimmermanni Vid. 1725, 8.
Plag. 13 Tabb. æn. 11.

CUM Cl. Auctor in his Actis legisset invitationem Cel. *Jurini*, illustrissimæ Societatis Regiæ Britannicæ Secretarii, ad observationes meteorologicas communi consilio instituendas, non ingratum fore iudicavit, si ad eas requisita instrumenta curatius describeret: etenim in mechanica practica hæcenus cum laude versatus est, qua de re specimina in his Actis recensuimus. Describit igitur Noster thermoscopium, baroscopium, hygroscopium, anemometrum, plagoscopium, hyetometrum, instrumentum hyetostathmicum, & exatmoscopium, quod vocat, sive evaporatorium. Thermoscopium *Florentinum* ceteris omnibus præfert, in quo sphæræ diameter 2 digitorum, canalis altitudo 3 pedum, amplitudo ejusdem $1\frac{1}{2}$ linearum. Spiritum vini destillatione rectificatum cineribus clavellatis dephlegmatizari jubet, addita semilibra duabus libris spiritus. In usum observationum

meteo-

meteorologicarum non opus est baroscopio lucido : docet tamen una Noster, quomodo lucentia conficiantur. Contendit vero, barometrum non lucere, cujus vacuum ab omni aere immune est: illico autem lucidum fieri, si bullula aerea intromittatur, five Mercurius impurus fuerit, five purgatus, etsi non diffiteatur, in casu priori lucis minorem esse vividitatem. In usum hygroscopii commendat frustum chordæ maximæ, quæ testudini supertenditur, liquori immersum, qui ex cineribus clavellatis in cella humida exstillavit, vel oleo Tartari per deliquium, per duos tresve dies. Quod A. 1708 hac arte paraverat, anno 1718 adhuc vegetum amico cuidam donavit. Quoniam anemometrum *Wolfianum* a leviori vento non dirigitur adversus ventum; ideo aliud substituit, cujus alæ sunt horizontales a vento impellendæ, ex quacunque tandem plaga veniat. Ejus ideam materialelem cum Cl. *Wolffo* communicavit, ipsius de illo judicium exploraturus. Plagoscopium nihil difficultatis habet. Hyetometrum ad mensurandum pondus aquæ pluviz decidentis ita construi jubet. Fiat infundibulum stanneum quadratum, cujus latera exacte pedem æquant. Orificium inferius desinat in canalem conicum contractum, qui in imo perforatus foraminulo pisi magnitudinem non excedente. Huic applicetur canalis vitreus 2 vel 3 digitos amplus, 2 vel 3 pedes longus, ita ut alterum conicum arcte complectatur. In fine aptetur gracilescanti epistominum, & extremum 3 circiter vel 4 linearum immittatur tubo alteri vitreo 4 vel 5 lineas amplo, 2 vel 3 pedes longo, ac in fine itidem epistomio instructo. Canalis vitreus major experimentalis modo dividatur in partes singulis aquæ pluvialis libris, minor autem in partes semunciis respondententes. Totum hyetometrum includitur turri lapideæ, ut hieme calor ope fornacis, quem pigrum Henricum (den faulen Springen) chymici appellant, conservari possit nivis liquandæ gratia. Hyetostathmicum instrumentum idem est cum arzometro, quo in determinanda gravitate specifica fluidorum utimur. Exatmoscopium denique est instrumentum, quo quantitas exhalationis aquarum determinatur. Lancein stanneam pedem vel dimidium quadratum amplam suspendi jubet ad libram *Perreusianam*, quemadmodum spongia in hygrometris appendi solet,

let, infusus quatuor aquæ libris & ad æquilibrium cum pondere ex altera parte appensi reductis. Divisio arcus circularis, in quo lingula monstrat defectus aquæ, modo experimentaliter absolvitur. Pro mensura universali commendat Noster differentiam altitudinum Mercurii in barometro, quam sumi jubet pro mensura duorum pedum.

Magdeburgisches Jubel-Jahr.

i. e.

MNEMOSYNON JUBILÆI EVANGELICI
Magdeburgensis secundi.

Magdeburgi, typis Christ. Lebrecht Fabri, 1725, 4.

Alph. 3 pl. 1.

Purioris doctrinæ evangelicæ, sæculo post natum Redemptorem mundi decimo sexto ineunte, feliciter restitutz, sacrorumque a cultu idololatræ & superstitioso repurgatorum, memoriam sæcularem universa ecclesia Lutherana cum júbilo celebravit anno hujus sæculi decimo septimo, quippe quo duo ante sæcula dudum exoptatæ reformationis opus initium cepit. Quemadmodum vero reformatio non omnibus locis simul, & uno eodemque anno instituta est, sed lumen evangelii, quod subinde clarius effulsit, unam post alteram civitatem illustravit: ita suum quæque civitas in lucis evangelicæ subortæ memoriam, nulla ætate oblivioni tradendam, jubileum merito celebrat, & hujus beneficii divini magnitudinem læta grataque mente recolit. Quæ in recipiendis purioribus sacris non postrema fuit, eademque varios inter casus & discrimina rerum constanter retinuit, incluta urbs Magdeburgum aliis jam hujus pietatis exemplum dedit, & permissu Sereniss. ac Potent. Regis Borussia & Electoris Brandenburgici, Domini sui clementissimi, jussuque magistratus civilis, prævæatibus omnibus & singulis reverendi Ministerii membris, anni hujus sæculi vicesimi quarti Domin. XX post Trinit. die 5 Novembr. publicas solennesque supremo Numini gratias egit. Cujus festivitatis memoria ut ad posteros transeat, reverendum

dum Ministerium Palzo-Magdeburg. mnemosynon hoc ex-
 flare voluit, & conficiendum ac imprimendum curavit, omnibus,
 qui hodie magistratu in hac civitate funguntur, inscriptum. Pri-
 mum ergo in hoc opere locum occupat rerum ecclesiasticarum
 Magdeburgi ab initio Reformationis, A. 1524, ad præsentem usque
 ætatem gestarum historia, quam Max. Reverendus *M. Jo.
 Jul. Struvius*, Pastor Joanneus, Ministerii Subsenior, sacri Sy-
 nedrii, quod Magdeburgi est, Assessor & Scholarcha, duobus ex
 Collegarum numero, *Bartholdo Dan. Meybringio*, & *M. Fr.
 Gottlieb Kettnero* opitulantibus, concinnavit. Hanc excipiunt
 conciones, ab omnibus ministerii membris, die solennibus sa-
 ceris destinato habitæ, & juxta ordinem templorum dispositæ,
 excepta Merckii, qui exorari non potuit, ut concionem suam
 operi huic inferi pateretur. Argumentum hisce concionibus sup-
 peditarunt duo Apostoli Pauli monita Col. I, 12, 13, 14 & Eph. V,
 8, 9, quorum illud horis antemeridianis, hoc vero pomeridianis
 expositum est; ubi notandum, Max. Rev. Struvium concioni suæ
 jubileæ aliam adjecisse, Dom. VI post Trin. ejusdem anni habitam,
 in memoriam concionis Lutheri, quam A. 1524 Magdeburgi in
 xde sacra Joannea habuit de discrimine justitiæ Pharisæicæ &
 Evangelicæ: porro *M. Sethi Henr. Calvisi* concionem jubileam,
 seorsum jam typis descriptam, in hoc opere denuo reliquis ad-
 junctam esse: & denique *M. Fr. Gottl. Kettnerum* in concione
 matutina, quam solus habuit, sibi explicandum fuisse textum
 ex cantico Mariæ Luc. I, 48-50. In singulis concionibus veritas
 evangelica, eandemque agnoscentium officia pro *χαρισμάτων*,
 quæ cuivis dedit divina benignitas, ratione & mentura, bene &
 perspicue demonstrantur ac inculcantur. Conciones sequuntur
 programmata, tria *M. Godofr. Bergneri*, Cynnasii Magdeb.
 Rectoris, latino, & duo *Samuelis Waltheri*, Con-Rectoris, verna-
 culo sermone conscripta, in quibus etiam historia reformationis
 & anni hujus sæcularis secundi Magdeburgensis collustratur.
 Agmen tandem claudunt acta hujus Jubilæi publica, ex quibus
 apparet, qua ratione festivitas hæc sit præcepta, instituta, &
 hymnis, precibus ac cantilenis musicis celebrata,

Ex historica præfatione de rebus in ecclesia Parthenopolitana
 gestis,

- gestis, non solum Illustris Seckendorffii historia Lutheranismi, quatenus ad hanc civitatem spectat, illustrari; sed etiam, qualis in subsequente ætate ecclesiæ Magdeburgicæ, variis motibus externis internisque, obsidionibus & controversiis agitatur, facies fuerit, qualisve hodie sit, haud obscure cognosci potest. Hæc civitas, quæ ob templorum, cœnobiolorum & reliquiarum copiam *parva Roma* dicta fuit, etiam ante reformationem testibus veritatis non caruit, inter quos eminent Ernestus Archiepiscopus, qui Halæ 1513 in sola meriti Christi apprehensione obdormivit, D. Andreas Proles, Jo. Scheyringius, & M. Andreas Rauxdorffius, qui, evangelica veritate ex verbo Dei agnita, merita operum & cultus idololatricæ abominationem publice sunt detestati. Opere vero reformationis a B. Luthero Wittebergæ ore & scriptis feliciter incepto, Jo. Fritschius (vulgo *Frischans* dictus) monachus Franciscanorum ordini adscriptus, Melchior Miritius, Theol. D. & monachus ex ordine Augustinianorum, & Eberhardus Widensee, Theol. D. sua ætate magni nominis, cum aliis nonnullis Magdeburgi fermento Papistico se opposuerunt, quorum opera & studio, magistratu publica auctoritate non minus quam consiliis suppetias ferente, reformatio Magdeburgica A. 1524 cœpta est, quæ, Nicolao Amsdorfio primo Superintendente ecclesiarum Magdeburgicarum rite constituto, magis magisque est absoluta. Tunc Agenda ecclesiastica sunt composita: tunc schola publica aperta, in qua post Gregorium Wilichium Casparus Crugiger & Georgius Major Rectoratum ornavunt: tunc cœnobiaz & templa, illis, qui ab institutis Pontificiorum recedere nolebant, ex urbe emigrantibus, sacris evangelicorum inservierunt. Hoc nomine accusata civitas, A. 1530 in fœdus Smalcaldicum recepta, & Archiepiscopo Alberto, a quo A. 1540 liberum religionis Augustanæ Confessionis exercitium redemerat, A. 1545 vivis erepto, A. 1547 proscripta, & scriptis adversus Interim in ea impressis, A. 1550 obsidione propter religionem cincta, & A. 1551 Electori Mauritio sese dedere coacta fuit. Quæ tum temporis inter Consiliarios Electorales & Ministerium Palzopolitanum acta fuerunt, prolixè satis recensentur. Libero autem religionis evangelicæ exercitio paco publica sancito, Centuriæ prodierunt Magdeburgicæ,

burgicæ, quarum historia strictim delibatur. Ortis deinde controversiis adiaphoristicis aliisque, Præsulis munere apud Magdeburgenses functus est Tilemannus Heshusius, qui ultimus fuit Superintendens Magdeburgicus, cujus acta & fata Magdeburgensia an absque partium studio referantur, dum nimius ejus zelus aperte accusatur, magistratus vero & inimicorum ejus facta approbantur, alii judicent; minimum Leuckfeldii historia Heshusiana conferenda fuisset. Sub Sigismundo Archiepiscopo reformatio illustriora cepit incrementa, & sub Joachimo Fridrico, e sede Archiepiscopali per XXXII annos ornata ad Electoralem dignitatem evecto, qui merito Josias Magdeburgicus appellatur, est consummata, templo cathedrali etiam sacris purioribus dicato. Eodem tempore Petrus Ulnerus, Abbas Bergensis S. Montis Parthenopolitani eadem adoptavit sacra, & postea Theologis ad Formulam Concordiæ publica autoritate perlustrandam convocatis omnem præstitit operam. A. 1591 monasterium B. M. V. quoque sacris evangelicis initiatum est a D. Sigfr. Sacco, qui festo annunciationis Mariæ primam eamque solennem in illo habuit concionem evangelicam. Quæ sæculo decimo septimo contigerunt, paulo adstrictius enumerantur. Incendii, quod A. 1613 Dom. Misericord. Domini haud exiguum urbis hujus partem in cineres redegit, & in cujus memoriam Reinhardus Backius tres conciones sub titulo: *Tabera Magdeburgensium*, & Aaron Burchard VI conciones in Pf. CXXI edidit, dum mentio fit, hunc ipsum tractatum incendio ægre ereptum esse, refertur, d. 7 Mart. A. 1725 prope typographi domicilium exorto. Quæ de M. Andreæ Crameri, non, uti Godofredus Arnoldus (cujus fides historica in hac relatione passim in dubium vocatur & infringitur) perhibet, ab officio remoti, sed post desolationem hujus urbis Superintendens Mulhusini constituti, vita & fatis, præsertim de ejus controversia cum Evenio & aliis de habitu theologiz, utrum in non renatum cadat, nec ne? cujus memoriam sæcularem D. Jo. Guil. Janus A. 1722 edidit; de scriptis ejus eristicis Jacobo Martini oppositis; de reliquiis S. Norberti; de urbe desolata & restaurata; & denique de controversia inter D. Jo. Bötticherum & M. Hieronymum Sievert aliosque de moderatione theologica mota ac

p. 68.

71.

84.

85.

93.

96.

97.

100.

102.

112.

113.

119.

129.

ventilata, in medium proferuntur, curioso & harum rerum perito lectori expendenda relinquimus, inclutæ Parthenopoli júbila perennantia apprecantes.

HIEROPHYTICON SIVE COMMENTARIUS
in loca Scripturæ Sacræ, quæ plantarum faciunt mentionem, distinctus in duas Partes, quarum prior de arboribus, posterior de herbis dicta complectitur; Autore MATTHÆO HILLERO, Sereniss. Wirt. Ducis Consiliario, & Abbate Regiofontano. Accedit Præfatio SALOM. PFISTERI, continens Autoris Vitam, merita & libros.

Trajecti ad Rhenum, apud Jac. Brædelet, 1725, 4.

Alph. 4. pl. 12 $\frac{1}{2}$.

Magnum est *Hilleri* nomen inter sacros Philologos, ac merito magnum. Ex quo enim illustre illud opus edidit *de Ketbib & Keri*, quod A. 1693 p. 425 recensuimus, nihil magis curæ ipsi fuit, quam ut gloriam isto opere collectam conferaret augetetque. Id effecit aliorum librorum summa diligentia elaboratorum editione, e quibus in *Acta* hæc retulimus *librum de XII gemmis in pectorali Pontificis* A. 1699 p. 278, *Onomasticum sacrum* A. 1707 p. 262 & *Institutiones lingua Hebr.* A. 1711 p. 453. Laudabilem proinde operam navasse censendus est Cl. *Pfisterus*, Cœnobii Bebenhusani Professor, *Hilleri* gener, dum de vita ejus & scriptis præmisit Præfationem, e qua repetemus potiora. Natus est *Hillerus* Stutgardiæ, quæ metropolis est Wirtembergiæ, A. 1646 d. 15 Febr. familia nobilissima. In Acad. Tubing. A. 1669 Magisterii Philosophici insignibus decoratus, totum se dedit sacre Philologiæ, ac primum *Sciographiam Grammaticam Hebrææ* A. 1674 edidit. Postquam pluribus in Ecclesiis concionatoris munere laudabiliter functus erat, A. 1685 Musis fuit redditus, constitutusque Bebenhusani Cœnobii Præceptor Professorque. Hic præter *librum hymnorum sacrorum Germanicorum*, notis auctum, edidit *Lexicon Latino-Hebraicum* A. 1685.

Postea

Postea vero, quam in Acad. Tubing. A. 1692 Professor factus est Logicæ, Metaphysicæ & Hebr. linguæ, ac deinceps Theologicæ, multo acriori concitatus stimulo tantum operæ navavit sacris literis, ut non solum libros supra laudatos emitteret, sed etiam *Syntagmata Hermeneutica* A. 1711 ac multas Dissertationes Academicas. A. 1716 factus est Abbas Regiofontanus, quo in secessu non solum *Hierophyticon*, quod in manibus habemus, composuit, sed etiam *Ἰσθὺναια Scriptura sacra*, & *Commentarium in Hieronymum de locis Hebraicis*: quorum operum posterius nondum ad umbilicum perductum est, alterum profus perfectum, ut prelum subire paratum sit, proditurum proxime sub titulo *Tbesauri lingua sanctæ Hermenevt.* Tertio die Februarii A. 1725 admodum senex e vita discessit, non intra templum, quippe quod fieri vetuit, sed juxta parietem ejus sepultus.

Accedimus nunc ad *Hierophyticon* nostrum, quo ipso titulo Autor imitationem Bocharti professus est. Priori igitur ejus libro, postquam haud perfunctorie præfatus est de arborum natura & partibus, singulas in sacro codice commemoratas persequitur. Nostrium est, speciminis loco insigniora excerpere. *Cap. XIII* per *Almuggim*, quorum mentio fit 2 *Paralip.* 11, 8, in tanto Philologorum dissensu, generationi capiendas censet arbores gummiíferas & resiníferas, ex Libanó & India allatas. *Cap. XV* de *palma* disputat, & quicquid huc pertinet, etiam allegoricis sensus, copiose exponit. *Cap. XVII* commemorans ficum a Christo maledictam *Matth.* XXI, 19 & *Marci* XI, 13, ad Judæorum quæstionem, cur Christus exsecratus sit arborem eo tempore non ferentem fructus, quo nondum erat tempus ficuum, respondens, Lightfooti & Cocceji subscribit sententiæ. Ibidem p. 163 occasione loci *Jesaja.* XXXIV, 4, ubi in vaticinio de Edomi interitu cæli dicuntur casuri esse tanquam fructus & ficu, per Edomum capiens Antichristum, Apocalypiticum, numerum bestię 666 *Apoc.* XIII, 18 nova ratione interpretatur. Antichristus, inquit, est Edom sive *Rufus* *Gen.* XXV, 25, 30, אֶדוֹם אֶרֶם, quæ litera per gematriam numerum bestię complectuntur. ☐ enim finale 600 denotat, reliquæ in summam collectæ litera 66. *Joth* est paragogicum. Nimirum rubet Antichristus a sanctorum sanguine,

Apoc. VII, 6, XIII, 7, XVIII, 24. De olea agens *Cap. XIX*, delatus ad locum *Judic. XV, 4, 5*, ubi Samsō memoratur succendisse olivetra Philistæorum facibus inter caudas vulpium ligatis, Observatorem Halensem, qui locum istum de trecentis straminis manipulis interpretatus est, accuratissime confutat. *Cap. XX* oleum sacrum ejusque confectionem considerat, illamque questionem, quomodo cum libris duodecim olei possit ex libris 62 semis oleum seu unguentum fieri liquidum, resolvit, duce Wedelio. *Cap. XXIV p. 244 sqq.* eruditissimum exhibet de vino myrrhato Servatori oblato commentarium, ac Matthæum cum Marco conciliat, universa tamen mutuatus, ut ingenue *p. 249* fatetur, ex Henr. Mulleri, Theologi Rostochiensis, *Jesu patienti. Cap. XXVII* toto *Dudaim* suæ subjecit contemplationi, allatisque ac pariter confutatis tot aliorum opinionibus, docet, per vocabulum illud signari *cerasa*, idque mathematica methodo demonstrat per propositiones & conclusiones. *Cap. LXI p. 479 sqq.* difficillimum illum locum *Psalmi LVIII, 10*, rejectis aliorum, quas adducit, versionibus, hunc in modum interpretatur: *Antequam funesta consilia sua coxerint malefici, ut tardius fertusque, ita temporius ac celerius nociturum alterum cum altero in ipso scelus conatu ex improviso velut turbine dissipabit ac diriciet Deus.* Sufficiant hæc ex libro priore hujus *Herophytici* ad intelligendum, quot quamque obscuris locis sacri codicis in eo lux inferatur liquidissima. Nobis enim non licet esse longioribus, alias libenter commemoraturis, quam docte hic disputetur de cedro, balsamo, cassia, spinarum generibus, *kikajon* Jonæ, ebeno, aliisque quamplurimis.

Ad posteriorem librum descendimus, *Herbarum* in sacro codice commemoratarum contemplationi dicatum. Quantum & in hoc insit boni, hinc discas licet. *Cap. III* de lilio agens, *Schofchannim*, quæ vox in titulo *Psalmi XLV* exstat, reddit *lilia*, putatque cum Abenefra, *Schofchannim* fuisse initium poematis ejusdam, ad cujus melodiam ille psalmus canendus erat. *Cap. VIII* de *hyssopo* disserens, initio ejus vocabuli etymologiam considerat, rejectaque *παράδοξος* eorum sententia, qui ab Hebr. *אֵין* deducunt Græcum *ὑσσώπον*, aliam substituit. Hinc locum

pro-

profert 1 Reg. IV, 43: *Elocutus est Salomo de plantis, a cedro Libani usque ad hyssopum, quæ egreditur de pariete.* Jam, hyssopum ex muro vel pariete nasci, nemini unquam observatum est. Hinc Cl. Autor, recordans Hebræorum Δ sæpius etiam AD significare, locum istum tot hæcenus vexatum dubiis hoc modo interpretatur: *Differuit Salomo de plantis a cedro Libani usque ad hyssopum, quæ progreditur ad vicinum murum.* Addit hæc verba: *Primus hoc observasse videor in hyssopo candidi floris. Plantaveram eam a muro cubiti distantia. Verum ipsa annuo spatio, relicta, quam natalem habuit, terra, sensim versus murum progressa, tandem ad murum, deficiente ulterius terra, subsistit.* Ibidem loca Evangelistarum, Marci XV, 36, Matth. XXVII 48, Joan. XIX, 29, de spongia hyssopo & calamo circumdata exponit & inter se conciliat. Cap. XIV illustrat verba Christi, Matth. XIII, 13 dicentis, *granum Sinapis esse minimum omnium seminum, & tamen excrescere in altitudinem omnium maximam.* Scilicet Christum putat in hæc comparisonem de planta loqui indigena, & ea, quæ vulgaris ac solitæ proceritatis; neque tam ad altitudinem Sinapis, quam ad illius in adolescendo velocitatem respicere, quæ tantillum granum tam paucis mensibus in eam proceritatem & amplitudinem assurgit, ut magnitudinem æmuletur justarum arborum. Cap. XVI agit Autor de *Borith*, cujus mentio Jerem. II, 22 & Mal. III, 4. Existimat, hoc aut commune esse saponum & lomentorum nomen, aut eo describi lanariam vel Alcali. Cap. XVII, p. 76 sq. acute agit de nomine $\rho\omicron\lambda\upsilon\theta\epsilon\upsilon\delta\eta\tau\omega$ *Carmel*, ejusque cum etymologiam tractat, tum veram ac propriam notionem. Capite XVIII de *satione* disserens, præcipua sacri codicis loca expendit, quibus de ea agitur. Inter hæc locum illum Eccles. XI, 1: *Projice panem tuum in aquas*, ita interpretatur: *Projice semen juxta aquas*, hoc est, in locis irriguis. Cap. XXIV de *byssu*, ejusque natura & usu, breviter quidem, sed eleganter commentatur. Cap. XXVI de messe Hebræorum profert haud proleteria. Cap. XXVIII, quod de *pane* inscriptum est, non solum varias notiones $\tau\acute{\epsilon}$ $\square\eta\lambda$ explicat, verum etiam diversissima panis genera exhibet, simulque præcipua sacræ Scripturæ loca huc pertinentia illustrat. De *panibus* vero *faciei* separatim disputat C. XXIX, & de pane $\epsilon\pi\iota\sigma\iota\omega$

Matth. VI, 11 Cap. XXX, verbaque Christi sic reddit: *Panem nostrum convenientem*, hoc est, congruum & accommodatum vel corpori nostro alendo, vel bonis & facultatibus nostris, vel conditioni & statui nostro, *da nobis quotidie. Cap. XXXVI* copiose agit de *calamo aromatico*. De *papyri* natali solo atque prisco usu agit *Cap. XXXVIII*. De *fungis* dum agit *Cap. XXXIX*, illustrandum sibi sumit locum 2 *Reg. IV, 39, 40*, ubi *mors esse* dicitur *in olla*. Vocem *Hebr. pekuboth* plerique interpretantur *colocynthis*. At Noster cum Kimchio censet, *fungos* innui, idque illustrat ex monumentis scriptorum veteris Græciæ. *Cap. XL* earum plantarum *Palæstinæ* catalogum alphabeticum exhibet, quas in sacro codice haud obvias alii scriptores commemorant. Pari ordine *Cap. XLI, XLII & XLIII* Talmudicarum plantarum nomina exhibet, & suam de compluribus conjecturam producit. *Cap. XLIV* ex veterum scriptis collecta Syriacarum stirpium herbarumque nomina proponit, & hic alphabeti incedens ordine. Ultimum Caput Autor inscripsit *Hodegum homileticum*, eoque concionatoribus ex hac sua Phytologia sacra suppeditavit materias per totius anni spatium utiliter tractandas in sacrarum concionum exordiis.

DILUCIDATIONES PHILOSOPHICÆ DE
Deo, anima humana, mundo & generalibus rerum affectionibus, opera **GEORGII BERNHARDI**
BULFFINGERI, *Moral. & Math. P. O.*

Tubingæ, sumtibus Jo. Georgii & Christ. Godofr. Cottæ, 1725, 4.
 Alph. 4 plag. 6.

CL. Autor in præfatione recenset, quænam fuerit scribendi occasio, quænam modus. Nimirum cum *Philosophia Wolfiana*, de qua abunde dictum est passim in his Actis, variis scriptis impugnaretur, Vir ingenit acutissimi & judicii limatissimi, qui ejus & innocentiam, & utilitatem se deprehendisse testatur, intellectu variorum judicio, suam Auditoribus sententiam in Collegio privato exposuit; sed ne disiectis scopis similia loqueretur, quæ controversa non sunt, interseruit. Admonitus, non sine multiplici usu fore, si publice extaret scriptum; publico idem in-
 videre

viderenoluit: censuræ tamen Ordinis Philosophorum subiecit, antequam luci publicæ exponeret. Cum scripta thetica maxime amet, apologetica necessitati tribuat, ab eristicis plane abhorreat, omnes equidem objectiones & imputationes Cl. *Wolffio* factas discussit & quam sint a veritate alienæ ex principiis & dogmatibus *Wolffianis* commonstravit; ea tamen ratione scribendi usus, ut scriptum theticum confecisse videri possit, cum fructu ab illis legendum, qui de rebus arduis metaphysicis erudiri gestiunt, de controversia *Wolffiana* parum cogitant. Atque hæc est ratio, cur idem in his Actis recenscamus, in quibus scriptis eristicis nonnisi ægerrime locum concedimus. Cum cura Noster distinguit theticos veritatem vel falsitatem a momento, quod in Theologia & scientia morum habet, atque summa modestia usus, quæ ab antagonists opponuntur, resolvit sine opprobrio autorum, sine vocabulis ex obliquo pungentibus, sine decollatione argumentorum, sine deliberata momentorum quorumcunque occultatione, sæpe tanquam in transitu, ut nescias, te legere responsionem, sed cautelam tantum utilem & sponte positam: id quod tanto majori laudi ducitur, cum nunquam tanta animorum acerbitate ulla agitata fuerit controversia, quanta antagonists utuntur. Monet autem, de animo hostili iudicium non sumendum esse ex vocabulis; sed ex fonte illorum & scopo, quos passim translucere, in vitis sæpe scriptoribus, jam olim admonuerit *Balius*. Quando incidit in sententias antagonistarum, a recepta licet & demonstrata veritate alienas, operam dedit, ut ne argumentis uteretur odiosis. Præcipue autem abstinuit ab imputandis consequentiis, licet in iis omne præsidium collocent Antagonists, sive simpliciter absurdis, sive etiam detestabilibus, probans monitum *Langii*, Theologi nuper *Altorsini*, contra iudices consequentiariorum, quos in dissertatione de appellatione conscientie *Jobæ* cum amicis *Jobi* comparat. Tandem nec hoc negligi debet, quod ad Theologiæ Christianæ consensum una attenderit, ostendens, quam amice *Wolffiana* revelatis subservant. Quoniam cum *Wolffio* censet, Metaphysicam non esse perfectam, nisi quæ *Ontologia*, *Cosmologia*, *Psychologia* & *Theologia naturalis* absolvatur; ideo opus hoc metaphysicum dividit in sectionem

sectionem *ontologicam*, *cosmologicam*, *psychologicam* & *theologicam*: qua usum quoque esse Cl. *Thümmigium* in Institutionibus philosophiæ *Wolfsianæ*, in Actis Anni superioris p. 230 & seqq. diximus. In sectione *ontologica* de possibili & impossibili, necessario & contingente, de principio contradictionis & rationis sufficientis, determinato & indeterminato, simplici & composito, perfecto & imperfecto agit. In sectione *cosmologica* tractat de definitione mundi, nexu rerum universali, legibus motus & necessitate physica, origine mundi & miraculis. In sectione *psychologica* disserit de natura Psychologiæ, de facultatibus animæ theoreticis & practicis, de commercio animæ & corporis ac immortalitate animæ. In sectione denique *theologica* methodum tractandi Theologiam naturalem scientificam exponit, existentiam Dei plene demonstrat, de perfectionibus & attributis; operibus & cultu divino plura tradit, quam in aliis Theologiæ naturalis systematibus reperiuntur. Adversariorum nominibus plerumque parcit, ne affectuum intemperie præcipitata ipsis sint molesta: quod idem fecerat *Wolffius* in Annotationibus ad Metaphysicam, de quibus diximus in Actis A. 1724 p. 310. Monstrat nimirum, quod sæpissime Sophismata sint ex vulgaribus syllogismorum regulis primo statim intuitu refellenda, quæ tanquam difficultates insolubiles & omnem philosophiam *Wolfsianam* evertentes ab adversariis urgentur, & quam peccent contra communes Logicæ regulas, quæ argumenta maximi roboris censentur: qua in re sibi consentientem habet Cl. *Holmannus*, idem in Observationibus elencticis in causa *Wolfsianæ* ex instituto demonstrantem. Quoniam autem *Wolffio* insultant adversarii ob theses præsertim *Leibnitianas*, quas ipse systemati innexas dampnant; ideo Noster *Leibnitium* quoque vindicat ab objectionibus, quæ contra ipsum proferuntur. Unde etiam confutavit objectiones *Weismanni* in Schediasmatis Academicis, de quibus diximus Anno superiore p. 503 & seqq. Thetica pleraque cum eadem sint cum *Wolfsianis*, de quibus satis dictum est alibi in his Actis; non opus esse videtur, ut ad specialia descendamus. Nostri institutum est, *Wolfsianam* philosophiam vindicare & tueri, adeoque insuper habet demonstrativæ methodi leges, quas secutus est *Wolffius* in Metaphysica,

fica, & ea potissimum capita, quæ dissidiis obnoxia fuerunt, illisque proxime connexa explicaturus, sententiam, quam tuetur, probaturus, contradictoriam remoturus, assertam ab objectionibus vindicaturus & controversiæ momentum indicaturus, in unum locum congerit, quæ ad unamquamque materiam pertinent.

Appendicis loco adjicitur Oratio de reductione Philosophiæ, speciatim Logicæ, Metaphysicæ & moralium disciplinarum recitata in collegio illustri, præsentibus, Legato Serenissimi Nutritii, Viro perillustri, *Christophoro Petro a Fürstner in Dambenoy*, Consiliario Statuum intimo & supremi Appellationum tribunalis Præsidi, Rectore Academiæ Magnifico & Senatu Academico. De Logica præcepta sequentia inculcat: 1 Logicam ipsam esse debere exemplum regularum suarum, 2 ostendere etiam ipsam artificia demonstrandi, 3 exhibere capita practica, quæ primus intulerit *Wolffius*, 4 adhibere commodas juventutis exercitationes; quas inter commendat 1 exercitium eruendi notiones distinctas ex factis complicatis, 2 examinandi & supplendi demonstrationes, 3 controvertendi secundum regulas, 4 inveniendi jam inventa. De Metaphysica traduntur præcepta sequentia: 1 quod docere debeat pietatem philosophicam, quam vocat *Wolffius*, ut scilicet motiva actionum sumantur ab attributis divinis; 2 cognitionem mentis humanæ; 3 notiones generales & usus for- cundas; 4 commoda exercitia 1 in anatomia cognitionum humanarum, 2 observationibus metaphysicis. Denique de disciplinis moralibus præcipit, ut 1 descendatur ad casus & regulas specialiores, 2 addantur motiva & media, 3 suppleantur capita neglecta, 4 adhibeantur commoda exercitia, veluti 1 ferendi leges, 2 applicandi leges, 3 consultandi. His quidem valedixit Cl. *Bülfingerus* Musis Tubingensibus anno superiori, ad Professionem Logicæ, Metaphysicæ & Moraliū ordinariam Petropolin evocatus, Academiæ Scientiarum nunc Petropolitane, antea Tubingensis ornamentum. Addidit orationem alteram de methodo docendi in scholis illustribus disciplinas Morales & Mathematicas, qua Moraliū & Mathematicarum Professionem ordinariam d. 5 Jan. 1724 in illustri collegio Tubingensi auspicatus, Professor antea Philosophiæ extraordinarius in Academia Tubingensi.

ACTA ERUDITORUM
 ARTICULI GENERALES DE VERIS ET
falsis Philosophis, conspectum integri Tractatus exhibentes; Autore JACOBO FRIDERICO MULLERO.

Francofurti & Lipsiæ, 1725, 8.
 Plag. 6 $\frac{1}{2}$.

CL. Autor sub initium Tractatus, quem Cel. *Wolffii* nomini inscripsit, monet, ansam scribendi dedisse vehementissimam de Pseudophilosophis vociferationem, quæ hodie in Germania resonat. Dedit autem criteria generalia, non hypothetica, sed ex ipsissimis Philosophiæ penetralibus desumpta, Philosophos reales a verbalibus discernendi. Fundamenti loco præsternit definitionem Philosophiæ *Wolffianam*, quod sit scientia possibilium qua talium, A. 1709 in præfatione ad Aerometriam primum publici juris factam: unde fuit discrimen cognitionis philosophicæ a mathematica & historica sive vulgari, dudum a *Wolffo* inculcatum, a Nostro approbatum & vindicatum. Inde statim ducit primum veri Philosophi criterium, quod omnem industriam in eo ponat, ut notiones rerum tales possideat, quæ *archetiporum* essentiam partialiumque in illis nexum intime perspectum indicent. Et porro hinc infert, philosophiam id ambire, ut radices tenues rationis nostræ & stamina exsurgere faciat. Quoniam cognitio philosophica a vulgari sive historica non materialiter differt, *Wolffo* iudice, sed formaliter; ideo Noster ex indole trium mentis operationum, notione, iudicio & discursu, differentiam Philosophi veri & falsi derivat, cum *Wolffus* in Annotationibus ad Metaphysicam suam ostenderit, omnem nostram cognitionem a tribus mentis operationibus manare. Nascentur ex eo Cl. Autori tria criteria generalia, ad quæ cetera tanquam species ad sua genera reducuntur, quod Philosophus verus habeat ideas rebus convenientes, determinatas, claras, distinctas & completas, proscriptis terminis inanibus, ambiguis & vagis; quod nec admittat, nec ipse struat sine ratione legitima & sufficiente propositiones; quod ratiocinationes ex certis & evidentibus principiis recte deducat, omnemque conclusionem demon-

demonstrative probet. Notionum differentiam, a *Leibnitio* in Actis nostris A. 1684 traditam, & a *Wolffio* in Logica tantisper emendatam, Nostroque iudice, cum successu ubique admirando adhibitam, supponit, atque ex ea criterium suum primum uberius explicat: ubi imprimis de definitionibus disserit vero Philosopho dignis. Circa secundam mentis operationem iudicia potissimum intuitiva, quæ vocat *Wolffius*, expendit, & quid in axiomatis, quid in postulatis, quid in observationibus & experimentis vero incumbat Philosopho, docet. In tertia mentis operatione iudicia discursiva, quæ *Wolffius* appellat, considerat & Syllogismum, præcipuum, immo necessarium cognitionis nostræ instrumentum, commendat. Jubet autem verum Philosophum syllogismos in forma legitimos extendere usque ad definitiones & axiomata, probans *Wolffianum* essatum, quod illa deum analysis perfecta sit, quæ demonstrationem non ante finit, quam ad tales syllogismos perveniat, quorum præmissæ solis definitionibus & propositionibus identicis constant. Monet, verum Philosophum tres istos characteres habere conjunctos, atque adeo possibilitatem veri Philosophi in hoc constituit, si in meditatione, scriptione & locutione sua rigoroſe exactas methodi logicæ, quæ cum mathematica eadem est, observet leges. Rejicit enim methodum logicam spuriam, quæ medicam imitata morbos & imbecillitates mentis prolixè edisserit, postea mentem sanitati resituentia præscribit, propria *Cel. Buddæi*, eam licet sequentis, confessione nissus, quod ad veritatem nondum satis præparatus sit, qui omnia illa præcepta observaverit. Docet contra eum, ipso facto demonstrasse *Wolffium*, methodum mathematicam ad omnes disciplinas extendi debere, cum uberrime ostenderit, quod sine illa nec quicquam scire possis. Provocat ad *Wolffii* Meditationes Logicas, Metaphysicas, Morales atque Politicas, de quibus, cum prodirent, diximus in his Actis. Ipse promittit, aliquando in Theologia se præstiturum, quod in Philosophia præstitit *Wolffius*. Respondet ad dubia, quæ contra hanc methodum proposuit Autor Artis cogitandi. Ostendit, sectarios esse non posse, quotquot eadem sua tradant dogmata. Respondet præterea ad difficultates alias, quæ ab osoribus methodi mathematicæ contra eam profertur,

runtur, veluti, quod *Sturm* junior, in praxi magis, quam theoria mathematica versatus, affirmavit, methodum mathematicam non omnibus convenire ingeniis, 2 quod melancholici ab eadem abhorreant; 3 quod methodum istam observare nondum possit, qui tantum regulas novit, sed ad applicationem diuturnus requiratur usus; 4 quod, si sine illa nec scribi quicquam, nec ex cathedra proferri debeat, ampliori longe temporis spatio ad disciplinas Philosophiæ pertractandas opus foret, quam hodie opus sit, ut quis Doctor superiorum facultatum evadat; 5 quod scientiæ non mathematicæ versentur circa res a sensibus remotas, abstrusas ac multa maxime involuta continentes, 6 quod in disciplinis misceantur nota ignotis, incertis certa, omnia deciderenda sumantur, etsi decideri plurima non possint; 7 quod destituamur in Philosophia principiis ab omnibus agnitis & communi suffragio stabilitis; 8 quod in Physica locum habere nequeat methodus mathematica, quoniam a simplicibus ad minus simplicia, a minus compositis ad magis composita progreditur, & quod ipse *Wolff* contra characterem suum, qui ordo sit & esse debeat, in Physica omnia analyticè peregerit, ubi Noster ostendit, analyticam quoque methodum juxta regulas methodi mathematicæ procedere, si vim earum teneas, ex *Wolff* Metaphysica perspicendam; 9 quod præsens orbis literarii status non ferat, ut eadem methodus ad ceteras disciplinas transferatur: unumquemque enim suos docere auditores, quo modo ipse didicerit. Dubia hæc Cl. Autor privatim sibi proposita accurate discussit, ut præjudiciorum nebulas dispelleret, solidæ doctrinæ progressum remorantes. Plurima continet libellus lectu digna singulis, quibus cum fructu philosophandi fuerit animus, a Cl. Autore modo perspicuo & facili proposita.

ULRICI HUBERI, JCTI, SUPREMÆ FRI-
siorum Curiae Ex-Senatoris, Prælectionum Juris Civilis
Tomi III. Accedunt CHRISTIANI THOMASII,
JCTi, Additiones, & LUDERI MENCKENII,
JCTi, Remissiones ad Jus Saxonicum. Editio in Germa-
nia altera. Recensuit magnam partem, annotavit passim,
& pa-

Et paratista e Jure Judiciar. noviss. Elect. Saxon. adjecit
**GEORGIUS CHRISTIANUS GE-
 BAUERUS, D.**

Lipsiæ, sumtibus Jo. Fridrici Gleditschii B. filii, 1725, 4.

Alph. 10 pl. 8.

Magnam a Juris studiosis gratiam inierit nobilissimus Bibliopola nostras, cujus industria atque sumtibus iterum apud nos recusæ sunt hæ Prælectiones Juris Civilis. De ipso opere illis annis, quibus singulæ ejus partes Francqueræ prodierunt, in Actis nostris pro instituti ratione diximus. Editionem quoque priorem cum Illustr. Virorum *Christiani Thomasi additionibus, & Lüderi Mackenii nostri differentiis Juris communis & Saxonici* hæc Lipsiæ adornatam, Anno 1706 p. 529 laudavimus. Jamque ergo editionis iteratæ solum dotes indicandæ sunt. Omnem vero curam habuit Bibliopola, non solum, ut nitido charactere opus Huberianum exscriberetur, qua fini textum omnem percerferi atque emendari curavit, sed ut novis etiam utilissimisque accessionibus locupletatum exiret. Quæ igitur Huberum foris Saxonicum apprime commodum jam effecerant, remissiones ad Jus Saxonicum Menckenzianæ suis ubique locis subjectæ, nunc, ubi spicilegii quidquam post largam messem relictum erat, novis annotationibus auctæ comparent. Equidem quicquid emendando augendoque nove præstitum videbitur, id omne debetur Autoribus viris Clarissimis duobus, collegis nostris, *B. D. Georgio Adolpho Schuberto*, Institutionum Imperialium in Academia Lipsiensi Professori Publico, & *D. Georgio Christiano Gebauro*. Ille annis abhinc fere duobus, gravi studiose legum juventutis luctu, immatura morte huic labori ereptus, ultra partem Prælectionum priorem & secundæ portionem, quæ τὰ πρῶτα appellatur, curas suas producere nequivit. Hic autem, pro suo in Jurisprudentiæ interioris studium amore singulari, telæ pertexendæ oblatum sibi negotium, alacri animo susceptum, strenue perfecit. Interea, ferventibus operis, & majore libri parte jam prelo liberata, Jurisprudentia Saxonica mutationem subiit haud levem, quam providentia *Augusti*, Domini nostri longe Clementissimi, promulgando *Legem Judicariam novissimam*, induxit. Itaque, cum sane multa

& ab Hl. *Menckenio* olim observata, & recens addita, nunc aliter constituta noscerentur, eoque usibus annotationum haud parum derogatum esset: optimo consilio Cl. *Gebauerus* ex isto jure recentissimo *paratitla* ad Huberum conscripsit, eaque instar indicis, secundum Prælectionum seriem confecti, in calce adjecit. Quæ cum ita sint, nihil profecto in hac editione prætermissum esse fateberis, quod Prælectiones Huberianas, sive studiosæ legum juventuti, sive in foro apud nos versantibus, magis utiles acceptasque præstare possit.

Joh. Friedr. Käßlers, Deutsche, und Lateinische Gedichte.
i e.

JOANN. FRIDERICI KÄTZLERI, URBIS
Brunsvicensis Consulis & Syndici, Poemata Latina
& Germanica.

Brunsvici, apud Frid. Willh. Meyer, 1725, 8.

Plag. 22.

QUæ superiori sæculo per Poeseos Germanicæ Parentem, Martinum Opitzium a Boberfeld, primum inclaruit, hodie quoque vatum ferax esse nondum desiit Silesia. Florere adhuc, qui gentis suæ gloriam tuentur, Poetas, inter alios Cl. *Kätzlerus* noster monstravit, cujus Poemata varii generis nunc prodierunt. Silesia se oriundum esse, in operis præfatione haud obscure innuit, simul addens, se in Lignicensi Vratislaviensique Gymnasiis studiorum, ut reliquorum, ita poeseos quoque prima jecisse fundamenta. Non defuisse ipsi ingenium & uberrimum & elegans, carmina ejus tantum non omnia satis loquuntur; licet fateatur ipse, se in eo colendo parum operæ collocasse. Neminem vel Latinorum vel vernaculorum Poetarum integrum a se lectum esse adseverat, nec ad scribendum facile, nisi aliis instigantibus, accessisse. Hinc omnibus, qui, quantum lectio antiquorum ad ingenii culturam conferat, intelligunt, abunde liquebit, politiora multo, multoque elegantiora nobis daturum fuisse carmina Poetam nostrum, nisi seria, quibus maxime incubuit, studia ludicris præferre maluisset. Non tamen, quod nunc demum prodeunt Cl. Kätzleri poemata, omnibus, qui hactenus inclaruerunt, vatibus Silesiacis recen-

recentior est Noster: *Neukirchium* quippe, *Schmolckium* & *Güntherum* ætate multum superans, inter hos & *Hoffmannswaldavium*, *Lobensleinium*, *Gryphiosque* intermedius censendus est. Hoc eo dicimus, ne crebriores in constructione naturali negligenda licentias, metrumque, pro delicato sæculi hujus palato, non ubique satis limatum, vitio ipsi vertas: siquidem ante quinquaginta annos, quo tempore jam non pauca nostri Carmina composita fuere, nondum invaluerat illa prosaicam elegantiam in ligata fervandi regula. Tantum interim abest, utidui Viri Cl. præjudicium dictum velimus, ut potius eos, qui hodie pœsi operam navant, eo ipso moneamus, ne sibi quoque licere credant, quæ superioris sæculi Poetis facile condonamus. Nam

*nostri Proavi Plantinos & numeros &
laudare sales.*

In quatuor sectiones divisum est opus, quorum prima exhibet poemata Gratulatoria XLV, magna ex parte divo Imper. Leopoldo, item Carolo VI, jam feliciter imperanti, nec non Electori Brand. divo Frider. Guilielmo, variisque Ducibus Lünebürgensibus, dicata. Secunda sectio XXI Nuptialia complectitur, inter quas heroides quædam epistolæ, Serenissimis Sponsis quibusdam affictæ, eminent. Tertia Lugubribus XXXIX destinata est, & in Josephum Rom. Imp. Wiesnowizkium Pol. R. Charlottam Christianam, Alexio Principi Russiæ nuptam, Elisabetham Henriettam, primam primi Regis Boruss. conjugem &c. epicedia exhibet. Inter Miscellaneæ tandem, quæ quartam sectionem absolvant, ea conjecta sunt, quæ ad priores classes referri vix poterant, numero XIX, quorum primum in expugnatum a Germanis sub Josepho Landavium conscriptum est. Ubique Latina quædam inspersa videas varii generis carmina. Inter quæ oda Sapphica de militia spiritali assurgere paullo altius videtur, cujus initium:

*Fex senescentis scelerata Mundi
Vexat indignis truculenter armis
Imperatori sacra præpotenti*

Pectora Christo.

Addita tandem est Epigrammatum Germanicorum Centuria una cum Latinis nonnullis, sale satirico ingeniose condita.

NOVA

NOVA LITTERARIA.

L *Uetia Parisiorum* prodiit nova editio *Quintilianianae de Institutione Oratoria*, splendida satis atque emendata, cura *Capperonerii*, Theologi & Græcæ Linguae Professoris, de qua propediem plura dicturi sumus. Illud statim lectores advertit, quod Theologus ille Celeberrimi Viri Petri Burmanni merita in Quintilianum non modo non agnoscit & digna laude prosequitur, sed etiam in Præfatione & passim in notis Virum doctissimum paullo incivilius tractat. Accusationis autem capita ea fere sunt. I Culpatur, quod lectiones depravatas & interponendi notulas reliquerit Burmannus, neque de iis monuerit in notis. Sed vix Burmannum sibi fingere poterit talem, qui nemini spicilegium superesse voluerit: & meminisse debebat accusator, diligentissimi etiam & curatissimi hominis perspicaciam quædam effugere posse, quando aut perpetua meditatione fatigatur, aut pluribus curis distrahitur. II Culpatur, quod non ipsi contextui inferuerit emendationes satis probabiles. Quæ vero injusta est criminatio. Nam quod Capperonerio satis probabile videtur, Criticis fortasse minus probabile erit: & si vel his sit, minus incommodum literæ patiuntur, si emendationes ex conjectura desumptæ in adnotationibus tantum proponuntur, quam si quidlibet in textum intruditur. Denique liberum hac in re editoris esse arbitrium, dudum eruditi consensere. III Taxatur, quod inter varias lectiones retulerit aperte falsas, quæ librorum seculorum sint ascribendæ. At ignorasse videtur Capperonerius, etiam ex ludibriis scribarum veras lectiones erui posse, & notum est omnibus, quam viri docti optarint, Camerarius ex Plauto suo, alii ex aliis suis membranis omnes varietates adnotassent. Laudare itaque, non reprehendere debemus industriam, quæ votis doctorum respondet. IV Accusatur Burmannum, nec sine specie, quod in notas retulerit, quæ ad rem non pertinent, quæ mentem auctoris obscurant, quæ erroribus scatent: sed specimina non videmus, quibus hanc accusationem confirmaret. Pleraque recidunt in Turnebum aliosque, quorum notas adiecit Burmannus: sed eorum vitia redarguere, aut emendare contra institutum eorum, qui variorum notas edunt, adhuc fuit. V Denique in Cl. Burmanno reprehendit, quod terminos artis, quibus passim & varie utitur Fabius, non explicuerit, & ex Græcis Latinisque Rhetoribus non illustraverit. At distinctæ sunt istæ partes illustrare scriptorem, & emendare. Posterius maxime respexit Cl. Burmannus, prius si alius quis in se recipiat, eo minus alios reprehendere debet, quo magis eandem veniam expectat, quando ipse emendatoris officio non satis fecerit. Et jam satis se muniverat contra tales reprehensiones optimus Burmannus Præfatione in Quintilianum suum, quam & legere, & vacuo animo accipere debuisset nuperus Editor. Qui rem ex æquo æstimaat, nihil famæ Burmannianæ derogare posse, quidquid contra eam ausus sit Capperonerius, facile videbunt.

No. IV.
A C T A
ERUDITORUM,

publicata Lipsiæ

Calendis Aprilis Anno M DCC XXVI.

THESAURUS-MONUMENTORUM ECCLE-
siasticorum & Historicorum, seu HENRICI CANISII
Lectiones Antiquæ, quibus Præfationes Historicas,
Animadversiones Criticas &c. adjecit
JACOBUS BASNAGE.

Tomus IV.

Antverpiæ, apud Rudolph. & Gerhardum Wetstenios, 1725, fol.
 Alphas. 9. plag. 21½.

Quartum & ultimum, quod nobis seditur, hujus
 Thesauri Volumen XIII, XIV, XV & XVI Seculi
 antiquitatis Ecclesiasticæ monumenta exhibet,
 quæ ex Europæ Bibliothecis, in quibus delitue-
 rant, celebrioribus olim ab Henrico Canisio pro-
 tracta, post insigni Cl. Basnagii opera Præfationibus Historicis
 Criticisque animadversionibus aucta & illustrata ad nos perve-
 nerunt. Et ex eorum, qui decimo tertio a Christi nativitate
 Seculo vixerunt, scriptis post *Guntberi*, Monachi, *Historiam*
Constantinopolitanam sub Balduino, habetur *Terra Sancta De-*
scriptio, Burchardo de Monte Sion autore; *Tractatus* contra
 Græcorum errores, *de Processione Spiritus Sancti*, *de animabus*
defunctorum, *de azymis & fermentato*, *de obedientia Romana*
Ecclesiæ; *Viennensis*, anni 1267, & *Salisburgensis*, anni 1274, Con-
 ciliarum Constitutiones; tum de *Vita & miraculis S. Erminoldi*,
 Abbatis Prufeningensis, Libri duo, cum *Theodorici Turingi*
 Libris octo de *S. Elizabetha*, Regis Hungarorum, Andrez,
 filia; & *Actis S. Albani*, Martyris, aliisque *Actis* ejusdem *S. Albani*,
 T
 incer-

p. 9.

33.

82.

87.

93.

116.

158.

- p. 172. incertis Autoribus; pōst hęc *Annales Henrici Steronis*, Monachi, ab anno 1152, qui est Friderici, Imperatoris, primus, usque ad Rudolphum Habspurgium & deinceps ad annum 1300 cum *Annalibus Eberhardi*, Altahensis, ab Imperatore, Rudolpho Habspurgio, sive ab anno 1273 usque ad annum 1305. Ex seculi decimi quarti nonnullorum lucubrationibus Actisque publicis huic Volumini inserta leguntur *Vita S. Walpurgis*, Virginis & Abbatissę Heidenheimensis, scripta a *Philippo*, Pręfule Aichstadiano; *Concilia bina Salisburgensia* anno 1310 habita; *Andronici* Constantinopolitani contra *Judeos Dialogus*; *Guilielmi de Baldense* *Hodęporicon ad Terram Sanctam* anno 1336, una cum *Epistola ad Petrum*, Abbatem Aulę Regię, & *Itinerarium Rudolphi de Framęynspęrg* in Palęstinam, ad Montem Sinai & in *Ægyptum* anno 1346; tandem *Barlaami de Seminariu*, Gyracensis Episcopi, ad *Gręcos de Unione cum Romana Ecclesia & Processione Spiritus S. Epistola*; ejusdemque *Etbica secundum Stoicos*. Sequuntur scripta, quibus nonnulli decimi quinti seculi inclaruerunt Doctores; sunt inter illa pręter *Epitomen bellorum*, quę a christianis Principibus pro Terrę Sanctę recuperatione suscepta sunt, in qua etiam *descriptio Palestina & multa de Mabomete*, autore incerto, nonnulla *Hussitica*, in quibus continentur variorum orationes, quarum I) *Johannis Ragusini* in Concilio Basileensi de *Communione sub utraque specie*; II) *Egidii Carteris* de *corrigendis peccatis publicis*, dicta in eodem Concilio; III) *Henrici Kalteisen*, Dominicanı, de *libera predicatione verbi Dei*; IV) *Johannis de Polemar*, Barcinonensis Archi-Diaconi, de *civili Clericorum Dominio*; cui accessit *Fundatio Ecclesię Ilminensis & Tegernseensis* cum translatione *S. Arfacii & Fragmento Chronico Thadai Scotorum*, Abbatis Ratisbonę, de *Kiliano*, *Virgilio & Lullo*, Sanctis; V) *Disputatio Capituli Ecclesię Pragensis cum Rokyzana de Hussiticis Controversiis*, anno 1465 habita. Opus tandem claudunt nonnulla seculi decimi sexti scriptorum opuscula, e quibus *Terrę Sanctę Descriptio*, Autore Anshelmo; *Actus seu Processus Canonizationis B. Notkeri* anno 1514. *Catalogus Scriptorum, qui contra Judeos scripserunt, & de Vita S. Gebhardi*,

bardi, Constantiensis Episcopi, Libri duo *per Felicem Manilium*. p. 823.
 Accesserunt huic Volumini duo Indices, Autorum, Tractatuum
 & opusculorum, quæ unumquodque Volumen complectitur,
 altero, altero rerum, verborum, personarum aliorumque me-
 morabilium in universum hujus Thesauri opus. Neque hic
 quidem debita laude constituendus est, qui in expoliendo ultimo
 hoc Volumine eadem, qua antea, versatus fuit industria, novis-
 simus illius Editor totque utilissimis Reipublicæ Literariæ ope-
 ribus commendatissimus, Cl. Basnagius. Etenim non ad Secu-
 lorum solum ordinem digesta comparent, quæ in hoc conti-
 nentur, antiquitatis Ecclesiasticæ monumenta, verum etiam
 unicuique Autorum adjectæ animadversiones Criticæ, Præfatio-
 nes Historicæ, quibus lucem accendit obscuris, & quæ sparsim
 apud Scriptores de Autore habentur, magno collecta labore,
 uno quasi fasce complexus est. Dici deinde non potest, quan-
 tum juvent antiquitatis Ecclesiasticæ investigatores, qui ad pur-
 ganda a superstitiosis narrationibus veterum scripta & ad
 corrigendos eorum errores animos convertunt, quod sane opus
 quanto laboriosius, tanto utilius semper existimatum habitum-
 que est ab intelligentibus hujus rei æstimatoribus. Hoc utique
 observatum Viro doctissimo & in ultimo hujus operis volumine
 imprimis in notis, quibus illustravit *Terra sanctæ Descriptionem*,
Burchardo de Monte Sion Autore; fabulosis illum superstitioni-
 bus nimis addictum esse, statim apparebit legentibus; rescatae
 illarum plurimæ fuerunt in nova Operis Editione, quam post
 Canisum emendatam Amstelodami vulgavit Cl. Clericus. Quare,
 ut nihil detraheretur istis antiquis Lectionibus, Canisianam qui-
 dem Editionem hic denuo juris publici fecit Basnagius, probe
 tamen collatam cum illa Amstelodamensi, ubique animadver-
 tente Viro docto, quæ in hac desunt, hiuc inter nugas & fabu-
 las referenda; cujus etiam generis sunt illa, quæ in *Actis* ha-
 bentur *S. Albani* Martyris: quam imperitus enim fuerit, qui
 hæc Acta confarcinavit, quam levis hinc fides illorum, clare
 docent, quæ observata in hunc scriptorem Autori Cl. Sed &
 pari diligentia reliqua excussit Vir doctus, ut mirari subeat, in
 Opere tam vasto perpetuis animadversionibus illustrando nun-

p. 3.

158.

quam defatigatum fuisse illius animum, quo etiam nomine obstrictos sibi reddidit, quorum quidem veterum scripta, quantum fieri posset, purgata ab erroribus suoque nitori restituta ad se pervenire, intererat. Ceterum ne ignores, quis fuerit, cui Opus debes tanto labore excultum, æquum utique justumque existimamus, breve addere Viri Celeberrimi Elogium. Natus is erat Rotomagi anno LIII superioris Seculi, patre Henrico Basnagio, Jcto & causarum Patrono in eadem urbe, in qua sibi famam, opes & amicos paravit vel inter Pontificios, quamvis Reformatæ Religionis addictissimus. Jacobus noster, filius ejus natu maximus, consecratus a Patre tenera adhuc ætate studiis Theologicis, in iis ita profecit cum in Gallia, tum Genevæ, quo missus a Patre fuerat, ut anno ejusdem Seculi LXXVI, suæ ætatis XXIII, ab Ecclesia Rotomagensi vocatus dignusque habitus sit, qui Stephano Monachio, Viro doctissimo, qui ad Theologiæ Professionem Lugdunum Batavorum, vocatus Rotomago fuerat, succederet. Et quamvis Concionum cæterarumque, quæ Pastorem tenent, curarum in Ecclesia numerosa occupationibus distineretur, diligentem tamen studio Historiæ Ecclesiasticæ Patrumque lectioni dedit operam, progressuumque suorum postea in iis specimina in lucem emisit, & pene solus inter Gallos Reformatos in iis eminuit. Post Galliarum Rege, Ludovico XIV, Nannetense Edictum anno MDCLXXXV abrogante, e Gallia Roterodamum in Hollandia sedem Noster transtulit, ubi Pastor Gallicæ ejus urbis Ecclesiæ constitutus, pluribus annis illi ædificandæ operam dedit. Amicitiam imprimis hic coluit cum Viro celebri, Petro Balio, quamvis in multis non exigui momenti capitibus dissentirent. Hagam deinde vocatus est anno MDCCVII, ubi eodem Pastoris munere non sine plausu ad mortem usque functus est & cohonestatus munere Historiographi P.P. Hollandiæ Ordinum. Quam spartam ut ornaret, emisit in lucem anno MDCCXIX initium Historiæ Fœderatarum Provinciarum ab anno MDCXLVI usque ad Pacem Ultrajectinam, si diutius vixisset, detexendæ. Verum præclaros ejus conatus mors interrupit anno MDCCXXIII die Decembris XXI cum jam alterum Historiæ Volumen inchoasset. Vir fuit indefessè
dili-

diligentiæ & summæ in scribendo facilitatis longo usu acquiritæ, præsertim lingua vernacula. Interim nullam muneris sui Ecclesiastici partem negligebat, concionando, Ecclesiastico Synedrio vacando, atque invifendis ægris, ad quos vocabatur. Temporis præterea sui non exiguam partem tribuebat populæ suis; qui ad eum multis de causis confugiebant & concurrebant, seu humanitatis gratia, seu etiam auxilii ejus implorandi causa apud eos, qui Reipublicæ præfunt, quibus auxilii indigos pro ea, qua in gentem suam comitate & benevolentia ferebatur, commendare solebat. Qua de causa quotidie a libris scriptionibusque suis avellebatur, non invitus quidem, nihil enim libentius faciebat, quam quod humanitatis munera spectabat. Erat etiam notissimus pluribus Principum Legatis, qui dum Hagæ eo tempore versabantur, ejus sermonibus allecti non infrequentes ejus ædes adibant, quos summa comitate excipiebat, & a quibus similiter admitterebatur, si quando eos adiret. Non paucis quoque epistolis ad amicos Gallos aliosque scribendis simili urbanitate provocatus atque interpellatus distinebatur. Quot & quanta hæc erant, impediri tamen his non potuit, quo minus scriptis editisque operibus bene multis inclauerit, quibus etiam non minimam ab eruditis reportavit nominis sui celebritatem. Et notiora sunt illa, quam ut hic ea commemorare necesse sit: satis esto, hunc nominasse Theaurum, ultimum præclari adeo ingenii fœtum, qui parentis, a quo editus est, vel ad posteritatem propagabit memoriam.

SIGEBERTI HAVERCAMPI DISSERTATIONES de Alexandri M. Numisinate, quo quatuor summa Orbis terrarum Imperia continentur: ut & de Nummis contorniatis.

Lugduni Batavor. apud Janssonios van der Aa, 1722, 4.

Alph. 1 Tabb. 2n. 22.

NON dubitamus has dissertationes, qua argumenti dignitate, qua externo nitore, tabularumque insertarum artificio commendabiles, licet aliquando serius, in scenam producere,

T 3

quippe

quippe ad id genus literarum spectantes, quod novitatis gratiam haud cito, amœnitatem vero vix unquam solet perdere. Excitavit diligentissimum Virum munificentia Illustrissimorum Academiæ Lugduno-Batavæ Curatorum, ut propter luculentam honorarii accessionem, in grati animi monumentum ederet doctas has lucubrationes. *Prior* explicat numisma illud abstrusum, quod præstantissimus antiquitatum & nummorum interpres *Carolus Patinus* ipse olim pro ænigmate agnovit, ejusque explicationem tanta aviditate exoptavit, ut ipsis antiquis nummis, quamvis maximi pretii, eandem fuerit compenlaturus, id quod profitetur in *Thesauro Numismatum*, p. 100 edit. *Amstelod.* Nos illud numisma, quod *A. 1684* in Actis nostris p. 37 jam conspiciendum dedimus, cum disquisitionem super eodem per epistolas inter Celeb. *Patinum* & Cl. *Eggelingium* agitatam, recenseremus, nunc iterum repræsentamus, divinationes doctissimi

- TAB. II.** *mi Havercampi*, singula nummi mysteria aperta planaue sistens, enarraturi. **Fig. 1.** Toto igitur schemate ænigma exhibetur, summi istius in terris Imperii, per rapaces homines in quatuor illis decantatis Monarchiis violentissime quondam exerciti. *Nul- lum*, ait Noster, *in hoc Numismate vel punctum est, quod non exam- missim in formidabilem istam quadret potestatem.* Ecce! in ad- versa nummi facie duo capita plane insolito habitu cum quatuor conjunctis pone cornibus, immanique oris hiatu, ad horrorem composita, Imperia duplicis orbis designant: Orientis quidem, caput dextro, velut honoratiore loco, positum, cum Chaldæo- rum & Persarum imperium sit antiquius: Occidentis vero & Europæorum Imperiorum symbolum est caput sinistro loco conspicuum, nudo capillo & ad frontem densò utrumque Græcæ & Romanæ Monarchiæ autorem referens: hac enim capilli forma & Alexander & Pompejus obveniunt. Similiter pileus iste, quo prius caput exornatum est, barbaricus, vetustissimum Asiæ populorum gestamen, Attidis & Ganymedis Phrygiarum, Re- gumque Parthicorum insigne noscitur. Dissenti belluarum in morem prædam appetentium rictus docent, cuncta ab his Im- periis absorpta ac devorata fuisse: quatuor cornua vero ecquid aliud significant, quam quatuor summa Imperia sub tali specie jam

Fig. 3.




Fig. 1.



Fig. 2.



jam olim Prophetæ Danieli per visionem divinitus ostensa? In averſa numiſmatis parte IV Monarchiæ adhuc maniſteſtus portendi Noſtro videntur, maxime propter quatuor animalia; cum totidem monſtra, & aliis inſtructa, & Monarchias pariter referentia, in Ezechielis atque Danielis vaticiniis deſcribantur, quamvis hæc ipſa vultuum & corporum ſpecie diverſa fuerint. Etenim nec ſine magna ratione ſculptor hic ſingulis animalibus eandem Sphingis formam dedit, primo, ut ænigma hoc tractantium ſpectantiumque exerceret ingenia, deinde, ut indicaretur, Monarchias iſtas cuncta viribus ſuis inferiora comminuiſſe, haud ſecus ac Sphingis crudele monſtrum infelices, ad ænigmata qui acceſſerint, conjectores unguibus dilaniſſe fertur. Porro fluvii duo in alga procumbentes violentam regnorum, velut vi fluminis abreptorum, occupationem ab utriusque orbis poteſtate factam; aræ utrinque poſitæ divinos honores a Monarchis quæſitos indicant. Figura virilis, conſpicua paludamento, lorica, clypeo, bipenni, ac potiſſimum galea pellicea, lupinum riſtum (qui tamen apud Patinum in typo nummi haud extat) præferente, galea quidem iterum designat rapacitatem Monarcharum, toto vero habitu ſuo belli artes, robur laboremque exprimit; dum e contra muliebris figura ſtans, ac præter hæc inſigne prorfus inermis, lauream ſedentis mulieris capiti imponens, Conſtantiam & pacis artes denotat, quibus præſertim Roma ſibi Orbis terrarum imperium armis partum retinuit. Denique in ipſa figura muliebri ſedente, qualis ſubinde Roma, atque imprimis Nova, in nummis exhibetur, ſummi Imperii ſummæque poteſtatis perfectæ imago conſpicitur. Haſta enim potentæ, imo & divinitatis ſymbolum, paludamentum Imperii, modius in capite (quem Patinus pro turri agnoverat). Serapidis ornamentum, abundantæ rerum omnium, gemmæ atque uniones in pectore & balteo, gloriæ divitiarumque inſigne, quæ omnia ac ſingula in iſta ſumma orbis imperia confluxere. Simillimum ad unguem huic numiſmati eſt alterum, quantum ad partem averſam; namque in adverſa caput Alexandri M. viſitur. Idque ad quatuor Monarchias itidem pertinere, autumat Noſter & vultum Alexandri, tanquam inter omnes

omnes orbis Monarchas longe illustrissimi, merito præferre. In hoc nummo signum illud **E** quod in nummis contorniatum compluribus occurrit, atque in hoc juxta frontem Alexandri est, explicatu alias difficillimum, promptius explicari non posse, ait, quam si pro inclito Constantini M. Monogrammate **Α** accipiatur, ut designetur regnum Christi, quod omnes istas Monarchias loco deturbavit. Verum non dissimulat, interpretationi tali obesse, quod constans ubique numismatum delineatio & rei nummarie peritorum testimonium aliam dant Monogrammatis formam: quare potius judicat, eo aut exprimi faustam illam & solemnem Populi Romani acclamationem, præcipue theatris & ludis consuetam: **FELICITER & ΕΙΣ ΑΙΩΝΑΣ**, quæ exprimatur in his nummis voce **PERPETUO**, cujus literæ initiales sint in isto Monogrammate; aut artificis notam esse, conjectatur. Subjicit his quinque adhuc numismata, in quorum priori antica caput Alexandrinum cum diademate, postica raptum Sabinarum; in secundo, pars una Alexandri caput exuviis leonis indutum, altera Alexandri Bucephalum domantis, & Philippi Macedonis ac Olympiadis, parentum admirantium, figuras; in tertio averfa solis quadrigas, cum inscriptione: **SOLI INVICTO**; in quarto averfa faciem Alexandri, averfa **STEPHANUM**, seu **STEPHANAM** Athletam victricem in curru stantem cum laurea palmaque nobili, exhibent. In quinto demum Noster iterum se Oedipum præstat. Conspicitur juvenis alatus rupi insidens, dextra uvam tenens, læva colligens vestem, quæ pectus tegit, sed post nates expansa est, inferioribus corporis omnino denudatis. Scilicet uva, & sublata, detecto inguine, vestis duo insigniora Alexandri M. vitia, ebrietatem & amoris intemperantiam, alæ vero, *Alexandrum volare potuisse*, (v. Curt. lib. VII cap. 11) commonstrant, estque hæc effigies vel, ut Imperatores de magna fortuna æquabiliter ferenda, vel, ut Athletæ de fugienda ebrietate & Venere admonerentur, exculpta. Aut etiam ab Alexandro Severo, Macedonis æmulo, in ære perenni expressum est, quod idem, teste *Lampridio*, in Alexandro condemnare fuit solitus. Cum vero omnia ista Alexandri Magni Numismata sint

sint ex genere contorniatorum, hinc subnata Nostro *de nummis contorniatis* disserendi occasio. Docet vero, non a civitate *Croton*, ut quibusdam videtur, sed a circulo artificioso circuitum ambiente, appellatos esse; eum enim *tornum* esse dictum posterioribus temporibus, quemadmodum hodie *Contorno* Itali, *contour* Galli vocant. (vid. *Patin. Introduct. ad hist. numism. cap. 18.*) Recte Cl. *Morellius* in *specim. univ. rei nummar. ant.* maximi moduli nummos, qui additum habent circulum, plerumque ex metallo flavo a contorniatis discernendos esse. Hi tortilem atque contractiorem circulum, illi latissimum habent atque planum, ex diverso quandoque metallo. Contorniatas omnibus, postquam percussi essent, demum circulus est additus; & supersunt nonnulli, quibus deest tornus. Tempus & causam percussorum hujus generis nummorum, silentibus vetustis Scriptoribus, per conjecturas solum assequi licet. Videntur maximam partem sub iisdem Imperatoribus percussi, quorum vultus referunt. In usum Athleticum inventos fuisse, typi plerorumque, nomina & imagines Athletarum & equorum fere comprobant. Peculiaris eorum est fabrica; neque in ullo S. C. nota comparet. Barbaram quodammodo fabricam *Morellius* haud merito dixit, cum in quibusdam perfectius artificium noscatur. Idem, ob magnam omnium similitudinem, putat uno tempore constatos omnes: male: dantur enim quam plurimi in postica nummi vix inter se discernendi, quos tamen diverso tempore percussos nemo dubitat. Nota ista **E** ac ejus loco quandoque ramusculus, aut aliud signum, argenteis laminulis artificiose repleta, in plerisque occurrunt, eaque signa postea in memoriam Victoriæ ab ipsis Athletis impressa eo credideris, quod satis multi sunt, in quibus nihil ejusmodi peculiaris notæ cernitur. Operæ pretium duxit Noster, *Patini* maxime judicio commotus, in unum fascem colligere omnes contorniatos a præstantioribus rei nummarie Autoribus evulgatos, simul etiam nondum editos, qui ipsi obvenerunt, eorumque ænigmata singulari commentario illustrare, quem complectitur *Dissertatio altera*. Incipit a contorniatas *Neronis Imp.* cujus ævo primum nata videntur ejus generis numismata, ut qui Princeps ludorum festivitati &

auringandi studio ad insaniam deditus fuisse traditur. Et complures sequentium Imperatorum contorniaty typos Neronianis exacte respondentes habent. Inter *octodecim* istius Imperatoris contorniatos Noster exhibet *tres* ad ipsa archetypa diligenter delineatos, quos tamen ob rudius artificium Constantini M. tempore cufos & revocatos judicat, cum olim sub Nerone similes essent percussi. *Vespasiani* contorniatu *unus* cum venatione sistitur inter *Neronianos*, ob similitudinem cum alio nummo ibi representato. Sequuntur contorniaty *Traiani viginti atque unus*, ex quibus notabiles imprimis, qui inscriptionem habent: DIVO NERVÆ TRAJANO. Videntur enim in spectaculorum eorum memoriam cufi, quæ teste *Xiphilino lib. XV p. 256*, *Partica nominabantur*, & *Traiani effigies in columna ipsius sepultis, per multos annos, quasi spectante eo, celebrata sunt*. *Antonini Bassiani sex* numismata excipiunt *tria Alexandri Severi*, leonis spoliis Herculis in morem in nummis conspicui: is enim ornatus Principi famæ & virtutum Alexandri Macedonis æmulo convenire videbatur, cum & Herculem Alexander generis sui autorem secutus esset. Jam *Constantini M. duo*, *Honorii tres* contorniaty producantur, ac demum *Placidii Valentiniiani duo*, quorum *alter* qua magnitudine, qua figuris, qua inscriptionibus longe singularis atque eximius apparet. In adversa parte est caput *Placidii Valentiniiani*, peculiari diademate cinctum, ad pectus cum stola; a sinistris palmæ ramus, cum inscriptione: DN: PLA. VALENTINIANUS SPE. AVG. *Spētabilem Augustum* signari putat Noster, nisi forte literæ SPE. male pro consueto illo P.E. expressæ sint. Aversa pars sistit organum hydraulicum majus, in cuius usum aquam hauriunt ministri duo, hinc inde stantes; a sinistris Terminum Soli radiatum appositum dixit Cl. *Bandurius*, sed Noster sollem existimat, qui arcule organi ventum immittat; inscriptio: PLACEA S. PETRI, ipsi suspecta videtur, & conjicit legendum esse: PETRONI PLACEAS, prout in alio numismate *Sallusti*, organum hydraulicum referente, inscriptum est. Sed post recensitos Imperatorum nummos *specilegium* facit Noster additque numismata *Neronis quatuor* alia, ut videtur,

remo-

TAB. II.
Fig. 2.

Fig. 3.

renovata; Severi duo; Alexandri Severi unum; Trajani quinque; Gordiani, Magnentii, Desiderii, singulorum unum. Agmen claudunt nummi contorniat, in quibus memoria & effigies Virorum doctorum, sive Auctorum veterum exstant. Representantur hic, Princeps Poetarum, *Homerus*, 2 *Socrates*, 3 *Sallustius*, 4 *Terentius*, 5 iterum *Sallustius* fatis barbare barbatus, cujus nummi averfa præfert personas togatas tres, quarum media organon, ut videtur, hydraulicum tenet, ad dextram stante tibicina, ad lævam viro se comiter inclinante. Putat ergo Noster, aut Clarissimum *Petronium Maximum* exprimi, qui *Placidio Valentiniano Aug.* offerat in signe hoc munus, aut esse artificem, qui *Petronio* inventum suum dedicet, tibicina artem suam damnante. Inscriptio est: PETRONI PLACEAS. 6 *Horatius* vultu juvenili decorus addito palmæ ramusculo & floris, seu stellæ signo, e Museo Nostri prodit. 7 *Idem Poeta* ætate provectior, nec sine ruga senili, 8 *Apulejus*, 9 *Apollonius Tyanæus* delineati visuntur. Denique Noster de usu contorniatorum numismatum & de tempore, quo percussa sunt, paucis addit, ea, non in usum monetæ, sed in memoriam ludorum Circensium facta esse. Circulum seu tornum, qui pleraque ambit, ad circum alludere, temporibus vero Constantinorum maximam partem illa, quæ hodiè supersunt, procusa, vel revocata existimat. Conjecturas has diversis quidem nummis confirmat, de quibus plura dicere supersedemus. Enimvero, quæ supra e Dissertatione priori de IV Monarchiarum ænigmate, adeo ingeniose detecto, indicavimus, ad judicium de insolita prorsus doctissimi *Havercampi* vi divinatrice formandum, assatim sufficere lectoribus nostris poterunt.

TAB. II.

Fig. 4.

Fig. 5.

D. F. C. C. ANNOTATA QUÆDAM AD
eandem Cl. HAVERCAMPI Dissertationes, ac de numismate Alexandrino abstrusiore & de nummis
quibusdam contorniat, aliis
Conjecturæ.

N On equidem invideo, miror magis divinationes a Cl. Haver-

vercampo, tum de abstruso illo Alexandri numismate, tum de aliis nummis contorniat, adeo ingeniose prolatas. Nolim ego me explicandis his ænigmatibus Oedipum offerre, nec tamen facile inducar ad credendum, quantumvis perplexa sint ista antiquitatis monumenta, latere in ipsis ejus generis mysteria, qualia quidem Vir doctus credidit. Sunt enim, si quid judico, a Romanorum ingeniis moreque, quem in nummorum figuris tenuere, prorsus aliena. Symbola quidem Romanis nummis familiaria & hieroglyphica nonnulla satis novi, eaque maximam partem in præstantissimo opere *de usu & præstantia numismatum* excellentissimus harum rerum interpret & judex, *Ezech. Spanbemi*us, figillatim enarravit: sed ænigmata vero adeo recondita, & quod maximum, res ipsis Romanis olim ignoratas, velut quatuor orbis terrarum Monarchias earumque symbola sacra, figuris parum convenientibus obvolventia, nunquam ego ausim nummis Romanis affingere. Pleraque in nummis & inscriptionibus antiquis ænigmata nobis videntur, quæ suo quidem ævo aperta plana que fuerunt omnibus, nobis vero propter defectum historiæ, rituumque quorundam veterum cognitionem nondum satis excultam, admodum difficilia explicatu sunt atque exercendis conjectando ingeniis materiam præbent. Verum in conjecturis capiendis sectari oportet ingenium Romanis proprium moremque populi, quem in momentis rerum suarum publicis servavit, illam gravitatem præscam, & singularem antiquitatis observantiam, quæ figuras, formas, symbola, formulas, inscriptiones sive patriis, sive peregrinis sacris, magistratibus, officiis, rebus gestis, virtutibus, artibus, fœderibus, paci, bello, singulis denique rebus æterna celebritate dignis antiquitus assignatas custodite retinuit, nec Ægyptiacam rationem, ea, quæ ad doctrinam morum humanorum, aut ad artium disciplinas, vel ad historiam mundi spectant, hieroglyphicis exprimendi, maxime in nummis, unquam adscivit. Et quamvis nummorum, quos *contorniatores* vocant, ea sit conditio, ut maximam partem seculo in barbariem jam inclinato cusi, aut revocati, & ignobilius artificium & insolitas præ aliis Romanorum figuras multi referant: ego tamen & in
his

his imitationem moris prisce ac sæpenumero publicorum nummorum repetitos typos invenio, ac in plerisque nihil abstrusi esse, nisi studio quæratur. In obscuris veterum monumentorum igitur multa circumspeditione, varia sedulaque contemplatione opus est, atque figuræ, vel inscriptiones revocandæ sunt prius & examinandæ ad ritus nobis cognitos, ex quibus aliquid luminis nancisci posse videntur, antequam ad incognita provolemus, ipsique divinemus animo, quæ veteribus in mentem unquam venisse, posthac aliis ægre persuadere valeamus. Quodsi nulla antiquitatis cognitio ad monumentum aliquod lucem præstare videatur, desperato successu, satius crediderim divinationes antiquitatum & historiæ suffragio destitutas suppressere, suamque in conjectando tenuitatem profiteri, quod nec *Patinus* erubuit, quam harum literarum intelligentibus sese deridendum dare. Jam olim clarissimus rei que nummarie peritus Vir, *Joh. Henr. Eggelingius*, ad explicanda numismata illa Alexandri M. ut *Havercampus* vocat, *Patini* desiderio excitatus accesserat, datisque ad summum hunc Antiquarium literis nummos eos retulerat ad Neronem Imperatorem, cujus & figuram, & mores, & quævis huic Principi apprime familiaria obscuris istis adeo formis expressa credidit: quas quidem suspiciones a *Patino* erudite sollicitas alia epistola tueri ac ulterius adstruere, & omnem disquisitionem per epistolas agitaram postea evulgare nullus dubitavit. Et fateor sane quantumcunque dubiorum *Eggelingianis* suspicionibus obset, ac licet numismatibus illis rectius inspectis parum conveniant, eas tamen ex antiquitate ac historia Romana depromptas eoque nomine non omnino improbandas esse. Luculenter de iisdem dictum est in Actis his A. 1684 p. 38, adjectis Celeberrimi *Felleri* olim nostri doctissimis conjecturis, quas hic loci repetere non vacat. Id e re erit memorasse, numismata hæc Alexandrina jam a B. *Fellero* tributa esse vel Caracallæ, vel Alexandro Severo, inclytis apud Historiæ Augustæ scriptores Magni Macedonis imitatoribus. Credo enim, ad alterutrum optima ratione hæc numismata referri. Alexandrum Severum *Lampridius* diserte testatur, *Alexandri figuram nummos plurimos figurasse, & quidem electros aliquantos, plurimos vero*

aureos. Et quid vetat suspiciones, post variam antiquitatis Romanæ pensitationem horumque numismatum cum aliis collationem, meo ingenio subnatæ exponere? et si nolum tam arrogans videri, ut meliora sim doctiorum virorum conjectationibus in medium allaturus. En! *patet ingeniis campus*. Et quod *Havercampo* licuit, mihi quoque integrum fore, puto. In nummi Alexandrini prioris adversa parte certè satis mihi videor personas duas Scenicas (quales & *Eggelingius*, licet admodum dubitanter, agnovit,) conspici, unam virilem, alteram muliebrem. Nihil certe in his figuris, quod non personis Scenicorum Romanis exacte respondeat. Ora dum adspicis hiantia, recordare notissimi loci, quo *Lucianus* Tragædum describit: *Tragædus est homo, altis calcetis, seu cothurnis incedens, larva super caput, vel frontem extante, ore hiante, non secus, ac se spectatores devorare vellet*. Hinc apud *Juvenalem*:

- - - - - *persona vallentis hiatum*

In gremio matris pallefcit rusticus infans.

Et *Martialis* de persona Germanica:

Sum figuli lusus, Ruffi persona Botavi,

Quæ tu derides, hæc timet ora puer.

Cumque frontem animadvertis gibberam & prominentem, præsertim in persona virili, memineris apud *Nonium* extare verba *Varronis*: *Item, Tragici prodeunt capite gibbero, cum antiqua lege ad frontis superficies*. Quo respiciens & *Lucianus* larvam *super frontem* in Tragædo *extare* dixit. In persona muliebri maxime conspicuus est ille capillamenti ornatus, altius super caput eminens, quem *ὄγκος* appellatum, & literæ *Λ* figuram habuisse, *Julius Pollux* scribit: *ὄγκος δὲ ἐστὶ τὸ ὑπὲρ τὸ πρόσωπον ἀνέχον εἰς ὕψος λαμβανούσας τῷ σχήματι*. Certe figura istius saltigii clarius, quam in hoc nummo, exprimi vix potuisset, cui prorsus similem in inclyto marmore *Apotheoscos* Homericæ Tragædia sustinet. Sed & spiras crinium contortas atque in altum exstructas satis distinctim licet agnoscere; nec magis obscuræ sunt quatuor plectæ, pone larvam muliebrem prominentes, itemque coma infra genas diffuens. Is vero personæ muliebris ornatus non a theatro solum, sed e consuetudine

prorsus

prorsus feminarum comam in subline struentium consuetudine apud Romanos desuntus est, quā de *Juvenalis*:

- - - - - *tot adhuc compagibus altum*

Aedificat caput.

Alibi *suggestum coma* vocat. De eodem more *Apulejus* Met. II: *Quid cum frequenti subole cumulat verticem, vel proluxa serie porrectus dorsa permanat?* Et *Tertullianus* de cultu seminar. cap. 7: *Affigitis nescio quas enormitates futilium capillamentorum, nunc in galeri modum, quasi in vaginam capitis & operculum verticis, nunc in cervicem retro suggestum.* Quodsi personas *Terentianas* a literatissima *Dageria* e vetustis membranis representatas cum hoc numismate comparare velis, dic sedes, quid est in figuris adversæ partis, quod non exacte larvis istis theatralibus respondeat? invenies ibi & capillos fronti personæ virilis, assutos, & oculos factitios, & reliqua, quæ modo descripsi. Apage igitur cum ænigmatibus horribilium! *Manducorum*, *Orientalis* illius atque *Occidentalis*; apage cum quatuor cornibus, cum pilo Orientalium populorum gestamine! Vides enim genuinum personarum Romanis usitatum habitum ornatumque. Sed, inquis, personæ quid in numismate? Et sane miror, præclarissimam *Spanhemii* industriam fuisse nummos, in quibus apparent personæ, qui licet numero sint exigui, observationem tamen & lucem merebantur. Sit impræsentiarum satis adduxisse nummum *Neronis*, in quo adversa caput Imperatoris laureatum, averfa hominem præfert, qui personam barbatam, mole satis enormem, ambabus manibus in altum extollit, quam *Panos* larvam esse, ac in nummo propter *Lupercalia* huic Deo sacra, *Nerone* præside celebrata, extare conjectat *Pedrusius*. Talis & *Sileni* persona cornuta barbataque in *Catinensium* nummis apud *Parutam*. Item nummus *Pansæ* a *Fulvio Ursino* & *Laur. Begero* aliisque exhibetur, in quo persona est, significans ludos scenicos a *Pansæ* datos. Multiplex personarum apud Romanos usus, quo de satis constat, in triumphis, in ludis solemnibus, facit, ut neque in aliis nummis, neque in contorniatis, ludorum memoriz causa percussis, signatas larvas demirer. Quid vero si peculiarem causam personarum in

TAB. II.
Fig. 10.

in hoc numismate comparentium forte inveniamus? Contem-
plemur modo averfam nummi faciem. Eam vero vix quisquam
antiquitatum peritus paulo diligentius inspexerit, quin illico in
figura media sedente muliebri agnoscat Reginam Ifin. Est in
capite modius, solitum ejus Dæ ornamentum, abundantiae &
fecunditatis symbolum; habitu. comparet stolata, ipsi certe
proprio, quo ejus, tanquam Lunæ, quacum idem credebatur
Numen, occultatio, dum Solem sequeretur, indicata fuit;
sceptrum, quod læva gerit, sublataque dextra imperium ejus in
sidera resque sublunares denotat. Idem plane habitus Isidis nosci-
tur in nummo Smyræorum, qui ad hunc Mensem Tab. II fig. 10
spectantium oculis subijcitur, excepto, quod in hoc stans dex-
traque sceptrum gerens exhibetur. Sphinges autem quidquæso
infoliti præferant, Deam origine Aegyptiam sustinentes, & quæ
sub statua Isidis sedentis quoque visuntur apud *Boissardum* T. III
n. 57? Et Isidem curru vectam a Sphingibus duabus nummus Juli-
ani Imp. repræsentat apud *Patinum* Numm. Imp. ær. med. pag.
482. Ad sinistram Reginæ cernitur figura muliebris capite tur-
rito, hastam læva tenens, dextra lauream imponens capiti Dæ.
Optime quidem laurea convenit Numini DOMINÆ VI-
CTRICIS, ISIDIS VICTRICIS & TRIUMPHA-
LIS, qualis in marmoribus antiquis passim celebratur. In
Smyræorum nummo ei lauream porrigit Victoria. Sed nostro
in numismate Victoriam e muliere turrigera augustioris formæ
ego non effingam. Magis probabile, Deam Romam, aut Ge-
nium Urbis esse, Reginæ Isidi honores consecrantem. Ad dex-
tram adstat figura virilis bipennem, Smyræorum insigne,
quod & *Patinus*, & alii agnovere, & de quo tot ex nummis res
certa est, gerens, eoque satis manifesto Isidis apud Smyræos
cultum designans. Facile jam de aris utrinque positus affirma-
verim, iis Romanum & Smyræensem Dæ cultum indicari, &
fluviorum in alga inferius procumbentium simulacra, alterum
ad Tyberim, alterum vero ad Meletem fluvium Smyræorum,
variis nummis, ut *Homeri*, apud *Patin.* Num. Imp. ær. med.
pag. 9, & *Neronis*, ap. *eund.* pag. 119, percelebrem, referri de-
bere. De sacris vero Isidis Romam deportatis res notissima est,
eaque

eaque & præcedentibus Imperatoribus Romanis, teste *Suetonio*
 in *Domit. c. 12*, & *Lampridio* in *Commodo, c. 9*, & maxime
 omnium *Caracallæ* cordi fuerunt, quem majori longe celebri-
 tate, quam antea factum erat, & reverentia Deæ cultus auxisse,
 adeo quidem, ut sacra *Isidis* prorsus *Romam* detulisse & vide-
 retur, & diceretur, *Spartianus* scribit in *Caracalla, c. 9*. Quid
 ergo mirum, in hoc *Alexandri Severi*, aut fortasse ipsius *Ca-*
racallæ numismate communia Romanis cum *Smyrnæis* facta
Isidis sacra conspici? cujus communicationis & honoris eo
 nomine *Smyrnæis* in publico monumento designati causa, præter
 alia ejus urbis in populum Romanum officia, insigne meritum
 fuit *Smyrnæorum*, qui primi inter *Asiæ* populos templum *Ur-*
bis Romæ erexerant, ideoque omnibus *Asiæ* civitatibus prælati
 templum *Tiberii* statuendum olim impetraverant: *Tacitus Ann.*
IV, 56. Jam id memoria repetendum, in honorem *Isidis* pri-
 mos ludos scenicos, celebres illos *Megalenses*, factos semper-
 que continuatos esse, imo vero posteris temporibus pompam
 tanta schematum & personarum diversitate institui solitam
 fuisse, ut vix alia in solemnī festivitate plura simulacra & com-
 menta larvarum conspecta sunt. Meretur hanc in rem scriptor
 ejusdem ætatis, cujus forte hic nummus, exaudiri, *Apulejus*,
Met. XI. Ecce, inquit, *pompæ magna paullatim procedunt ante-*
ludia, vocibus cujusque studiis exornata pulcherrime. Hic in-
cinctus baltheo militem gerebat; illum succinctum chlamyde
copides & venabula venatorem fecerant; alius foccis subauratis,
indutus serica veste, mundoque pretioso, & adtextis capiti cri-
nibus, incessu perfluo feminam mentiebatur: porro alium ocreis,
scuto, galea, ferroque insignem e ludo putares gladiatorio proce-
dere. Nec ille decrat, qui magistratum fascibus purpuraque lude-
ret: nec qui pallio, baculoque, & baxeis, & biricino barbitio
philosophum fingeret: nec qui diversis arundinibus alter aucupem
cum visco, alter piscatorem cum bamo induceret. Ex his proba-
 bilem satis personarum in hætenus descripto numismate ex-
 pressarum occasionem dilucere puto: quorum vero hominum
 vultus iisdem repræsententur, ut ego definiam, exigī nullo jure
 potest. Quodsi tamen personas *Alexandri & Olympiadis*, quo-

rum capita simili positu in gemmis obveniunt, & quos in scenicis ludorum apparatus istī Principes Alexandri Macedonis æmuli dubio procul non sine oblectamento singulari produxerunt, velis agnoscere, non intercedo. Neque obeſti deformitas illa & truculentia quædam in larvis his conspicua, cum ea vultuum forma in personis scenicis omnino usitata ac propter morem scenicum plane adhibenda fuerit. In altero numismate adverso personarum loco extat caput Alexandri, in quo Princeps ejus admirator fortassis ipse suos vultus effigurari voluit. Signum autem illud **E**, & huic alteri nummo Alexandrino & aliis contorniatīs adjectum, interpretor notam **RESTITUTIONIS**, ex literis **R** & **E** more artificum ita conjunctam, ut superior linea transversa literæ **E** fulcrum posterius in litera **R** omiſſum ſuppleat. Renovatos enim plerumque contorniatos eſſe, qui hodie ſuperſunt, & artificium, quo procuſi ſunt, recentius ſatis manifeſto prodiit, & nummariæ rei periti teſtantur omnes, qui & *revocatos* ſere eoſdem appellare ſolent, quos alias *contorniatos* vocant. Novi quidem, aliam eſſe reſtitutionis notam in nummis per Trajanum alioſque Principes reſtitutis: ſed in recentiori hoc numiſmatum genere eoque ſingulari facile novi quidquam & inuſitati vel in hac etiam nota factum eſſe potuit. Nunc pergā, cum pace doctiſſimi *Havercampi*, ad alias ejus de nummis quibusdam contorniatīs obſcurioribus conjecturas, nec tamen omnes attingam, ſed extantiores, & de quibus monere operæ pretium erit. Quam ob cauſam malit Vir Cl. *pag. 39* in nummo ſeptimo Alexandrino, qui averſus juvenem alatum rupi inſidentem, uvam tenentem manu, veſte ad pectus reducta, exhibet, ænigma quærere & ſymbolum vitiorum, quibus Macedo gloriam rerum geſtorum obſcuravit, tandem ibi deprehendere, quam Daciæ Genium in rupibus ſuis ſedentem atque inſigine alterum **DACIÆ FRUGIFERÆ** uvam dextra præferentem agnoſcere, ego quidem non perſpicio: alæ enim & veſtis pectori juvenis addita, quæ in aliis Daciæ Genio ſignatis nummis hæud obſervantur, formam Genii habitumque parum immutant. Inter numiſmata Neronis occurrit unum, in quo ſerpens eſt in gyros ſuos arrectus juxta arborem ad aram inceſſam

sam accedens, cui prorsus similia duo inter Neronis & Trajani numismata sunt, nisi quod in ara ignis loco noscuntur in his postremis fruges. Neque in ullo eorum aliud mihi suspicari licet symbolum, præterquam Æsculapii, cujus sacra hic representantur, addita lauru, qua & ipse coronatus effingi solebat, & quæ ipsum, tanquam ejus Patri sacra, optime decet: laurus vero in secundo Neroniano satis distincte expressa est. Quid quæso horum numismatum figuris cum angue Neronis fabuloso, ad quem *Havercampus* applicat? & quid, si hoc foret, idem typus in contorniato Trajani ac in nummo alio Alexandri Severi, ubi serpenti addita inscriptio: ΕΠΙΔΑΥΤΡΙΟΝ, quem illustrat *Spanhemius*, Dissert. III. oper. min. pag. 183. Inter nummos Trajani est, in cujus aversa Trajanum designari credit specie Numinis marini, tanquam Neptunum Regem, indicio sceptri, quod gestet, & Delphini ad latus ei ludentis, itemque Tritonum, quos nudas istas figuras semiexstantes ex aquis esse existimat. Videtur ipsi Princeps Romanæ Reip. puppim, referentem se in mare, a scopulis longe impellere; tresque viros, qui in ipsa conspiciuntur navi, putat indicare triplicem Reip. ordinem, Senatorium, Militarem, Plebejum, qui omnes Trajanum ut Deum venerentur, maxime unus ad pronam navis sese devote inclinans. Hem! ego quidem virorum in navi renitentium gestus & vim a figura proram arripienti intentatam repellere conantium habitum facilius, (quippe & medius telum attollit,) quam venerabundorum gestus possum animadvertere. Equidem & ipse Vir doctus mutavit sententiam, postquam integriorem istius typi delineationem opportune nactus fuit, in addendis exhibitam, ubi expressissima imago Scyllæ, extante utero sædatæ, latrantibus inguina monstris, navim manu trahentis, cui egregie aptatur descriptio *Virgiliana* Æneid. III v. 424:

*At Scyllam cæcis cohibet spelunca latebris,
Ora exertantem & naves in saxa trabentem,
Prima hominis facies & pulchro corpore virgo,
Pube tenus, postrema immani corpore Pisfrix,
Delphinum caudat utero commissa luporum.*

TAB. II.
Fig. 7.

TAB. II.
Fig. 2.

In hoc typo nemo non deprehendet manifesta naufragii imminentis indicia, tabulas hominesque navi excussos in fluctibus jam natantes, viros autem in puppi proraque adhuc stantes, avertendo fatali discrimini totis viribus intentos atque occupatos. Adversa alium Principem præfert, Alexandrum Severum. Quid vero sentiendum de ratione hujus typi ad ludos Circenses spectantis reddita: *sicut periti nauta esset flectere & circumagere ratem, ne scopulis Scylla & Charybdis illideretur, ita & auriga exercitati fuisse bene flectere, ne metam impingeret currus & ipse volveretur cum maximo periculo in terram, premio, & quandoque membris & ipsa vita orbatus?* Certe figura Scyllæ non in solis contorniatis, sed & in aliis Romanorum nummis obvia est, ut in illo Sexti Pompeji, in quo *Maroniana* descriptioni adeo consentanea visitur, ut illius nummi circa eadem tempora percussus interpretes divinus Poeta extitisse videatur *Spanhemio* Diss. III op. min. pag. 228. Et *Triflanus* quoque singularem nummum *Tarsensium* eodem monstro signatum evulgavit.

TAB. II.
Fig. 6.

Elegans & spectabilis est nummus, in cuius averſa Bacchi trunphum, tot veterum monumentis inclytum, dilucidiorē spectare licet, quam in aliis contorniatis Trajani & Neronis. Quæ in area nummi inferiore sunt capita, quorum in medio uvæ botrus, se respicientia, *Havercampo* designant aut Orientem & Occidentem, ob uvarum nobile inventum a Baccho utrique Orbi subministratum, aut æternitatem Imperii Romani, aut ludos scenicos, ut larvæ dicendæ sint, non capita. Verum Occidens & Oriens non se adspicerent, quin occipitium potius obverterent; magis probabile, larvas esse, quæ ad Bacchi sacra & insignia pertinent, atque hinc uvæ rectissime apponuntur. Notum enim, in Bacchi celebritate larvas esse gestatas, quæ Penthei stragem significarent, & Baccho a scenicis jam eneritis suspensas fuisse personas. Ominino hic nummus comparari meretur cum elegantissimo sarcophago Hortano, in quo & personæ illæ, & alia in Orgiis Bacchicis celebria visuntur, cujus figuras & illustrationem dedimus in Actis Anni superioris pag. 63, ex Celeb. *Fontanini* Antiquitatibus Hortanis. Maximi moduli numifina Placidii Valentini dignum est longiori commenta-

TAB. II.
Fig. 3.

tione,

tione, quam qualem hæ paginæ admittunt. Bene se habet ad
 illam *Havercampi* suspicio, fortassis male scriptum esse in titulo
 Augusti: SPE pro consueto P. F. id est, *Placidia Filius*: sed &
 nomen *spectabilis* recte convenit Valentiniano, ut forma speci-
 osa & venusto membrorum habitu inprimis *spectabili* dicto. In
 averfa posses legere: PLATEA S. PETRI, ut *Camelus*
 exhibet in nummis Reginæ Christinæ. Constat, quam frequens
 fit in nummis & marmoribus literarum C & T permutatio. Nec
 organon hydraulicum tam accurate expressum est, ut puteus
 cancellis munitus, jussu Valentiniani Romæ fortassis in illa pla-
 tea erectus, non possit videri. Certe non tibix, sed cancelli vi-
 dentur puteo circumdati, & aqua profiliens melius puteo con-
 venit, quam instrumento hydraulico, & homines cum perticis
 utrinque adstantes magis aquam exstantibus, quam organon
 agitantibus similes apparent. In antias publicas condemnatorum
 mentio fit apud *Suetonium* Tiber. c. 51, & apud *Artemidorum* I.
 c. 50. Terminus cum capite radiato vel Solis terminus, vel sta-
 tua alicujus Sancti probabilius dicetur, quam follis: eequid
 enim hydraulicæ machinæ, cui ventum aquæ ministrant, cum
 follibus? Sallustii nummus vultum Crispi barbati typo pror-
 sus absurdo exprimit, tristi morientium literarum indicio:
 averfa ejus pars adeo quidem abstrusa est, ut *Patinus*, qui ipsum
 olim possidebat, *explicare hunc, quam emisse durius esse*, falsus
 sit, Thef. numism. III. *Mauroceni* pag. 87, quo loco similem
 prorsus Crispi effigiem barbaram in contorniato sistit cum aver-
 fa, in qua SOL ORIENS in quadriga veluti triumphans cer-
 nitur. Minus hic ausim ego, quam in superioribus. Quodsi
 tamen libere profitendum sit, quid suspicer, vix puto, quidquam
 hujus nummi ad Petronium Maximum spectare. Neque enim ul-
 la, præterquam ex nomine Petronii, conjectura est, ea ætate cussim
 fuisse, nec aliquid isti viro Consulari aptum ex epigraphæ possis
 exsculpere, nisi *Havercampianam* explicationem velis amplecti
 & Imperatori, eximium munus, organon hydraulicum, acceptanti,
 assignere verba: PETRONI PLACEAS, quasi dicat: Ju-
 cundus mihi sis, meritoque placeat, Petroni, munusculi tui nomi-
 ne: Du magst mir ein Ehren-Mann seyn &c. Bellum, bella-

TAB. II.
 Fig. 4.

tulam inventionem! Mihi videtur inscriptio hæc plane similis esse illis: URSE VINCAS, EUTYMI VINCAS, quæ in Constantini M. & in Honorii contorniatibus leguntur: & credo, fuisse Athletam quendam nobilem, nomine Petronium, quem voto & gratulatione prosequitur nummus, ut propter obtentam victoriam & in præsens & in posterum placeat. Quicquid illud rei est, quod figura media tenet, id autumo præmium esse, victori destinatum, atque tibicinem Circensem adstare laudes honorati ebuccinaturum, quem etiam in Trajani nummo agnosco velut gratulantem Athletæ, qui ibi nudus laurea palmaque nobili gestiens, seque magnifice efferens, comitatus alia persona togata, plane ut in Sallustiano nummo, exprimitur. (Vid. apud *Havercampum* in *addendis pag. 142* indigna satis ejus interpretatio.) Verum temperandum est ingenio calamoque, ne, dum ad duas annoto, tertia de contorniatibus dissertatio evadat, cui certe non spicilegium, sed messem relictam sentio. Permulta enim elegantia & interpretem provocantia ejus generis numminata *Patinus* protulit in Thesauro Numism. Ill. *Maurocenti*, quorum ibi parca illustratione & brevi perfunctus est, quem librum certe *Havercampus* non inspexit. Et quam præstantes eosque numero haud paucos conturniatis asservat Serenissimi Ducis Saxo-Gothani FRIDERICI I nummophilacium incomparabile! quos thesauros auspiciis Sapientissimi Principis sibi recludendos incredibili aviditate pridem exoptat orbis literatus. Ceterum de origine & usu numminatum contorniatorum eorumque forma diversa malle dicta esse a Cl. *Havercampo*, non vulgaria ista, sed propiora magisque luculenta, quæ *Patinus* passim annotavit, quæque stimulum addunt, ut ipsi fortassis aliquando periclitemur ingenii vires, si Deus ad hæc magis oïa fecerit.

RICHARDI MEAD, MED. DOCT. COLL.
Medicorum Londin. & Reg. Societ. Socii, Oratio Anniver-
saria Harvejana. Adjecta est Dissert. de
Nummis a Smyrnæis in Medicorum
honorem percussis.

Ex

(Lugduni Batav.) ex officina Boutesteiniana, 1725, 8 maj.

Pl. 5 $\frac{1}{2}$ 3 tabb. æneis.

UT pictate, qua erga bene quondam de se meritos sese teneri senserat Londinense Medicorum Collegium, rite defungeretur Autor Celeberrimus, aptius nullum poterat invenire dicendi argumentum, quam si artis ejus, quam favore atque munificentia illi sua dignam censuerant, honores, per omnem terrarum orbem certatim exhibitos, anniversaria commemoraret oratione. Neque vero difficile esse poterat maxime conspicua de amplissimis arti medicæ plurimas apud gentes ex merito tributis honoribus deprehendere testimonia. Quod enim altius apud Ægyptios conscendere potuit fastigium, cum ne Reges quidem ipsi medicinam facere, infra dignitatem suam existimaverint? Quanta vero apud Græcos ejus fuerit reverentia, præter illam Atheniensium legem, qua, ne quis servus neve qua scæmina medicinam disceret, cautum fuerat, florentissimæ Medicorum scholæ, quas inter Rhodiæ, Crotoniensis, Cnidia, Smyrnæa & Coa imprimis, ab Hippocrate, qui ex eadem prodiit, præ ceteris nobilitata, eminent, poterunt evincere.

Neque nullis argumentum est momenti sollicitum Medicorum per nummos in eorum honorem cusos memoriam conservandi studium, quod nummus æque ex Regis Galliarum thesauro depromptus, & in fronte libelli conspicuus, Divi senis imagine a Cois signatus, ac Smyrnæenses potissimum nummi, magno in Dissert. adjecta studio Medicis ab Autore vindicati, testantur. Sed elatos tantis honorum monumentis animos facile retundere posse videbatur insignis adeo Medicinæ Romanam apud gentem contemptus, ut mancipiis illam exercendam reliquerint. Quam tamen malevolorum fabulam ita confutat, ut & parum arti salutari, si a gente bellicosa & rudi serius exculta fuerit, dedecoris attulisse ostendat, & prolata ab adversariis argumenta robore suo destitui evincat. Fatetur equidem, inter multos, qui illo tempore e Græcia Romam quæstus causa transmigrabant, nonnullos fortuna & ingenio tenues, quo facilius, quæ obflare solent peregrinis, superarent, in Patrum se clientelam contulisse, & quamvis manu potius quam medicamentis cura-

rent,

rent, Medici nihilominus nomine assumpto, donec civitatem assequerentur, servos egisse; unde postea hanc, quod servis tantum & libertis relicta sit ars salutaris, fabulam contexendi anam nonnulli arripuerint. Quorum in censum Autor quoque Musam Augusti Medicum præter meritum forte refert, cum & facta ejus & honores, quibus a Principe, Senatu & plebe non ipse modo, sed propter ipsum reliqui omnes Medici inactati sunt, alia quæque de ejusdem indole & conditione suadere videantur. At vero Romanos quoque illam sectatos esse, Cassiorum, Calpetanorum, Arruntiorum, Albutiorum & imprimis Rubriorum exemplo docet, quorum in nummis anguem, Dæ Salutis signum, monumentum, ut videtur Autori, familiæ sibi Medicinæ laudem vindicantis, conspiciamus, quod Patinum & Vaillant, inter alias hujus signi causas longius petitas, non advertisse miratur. A Romanis ad Arabes defertur, quos apud solos fere, inter sædam reliquarum gentium barbariem, ut ceterarum, ita hujus quoque artis scientia permansit, tanti ab illis habita, ut consiliarii, imo affines Regum essent Medici, & quindecies centena milia drachmarum, docente MS. Arab. Osaibez de vitis Medicorum, Imperatoris Medico annuo stipendio fuerint. Ad recentiora, quibus litteræ & studia efflorescere de novo per Europam cœpere, tempora dum oratione sua properat, multis equidem in terris varios artem medicam honores obtinuisse, varia itidem Collegia ejus promovisse incrementa, largitur; nusquam tamen honoratorem, quam apud Anglos, extitisse, nullumque Collegium (quorum ipse tamen verborum invidiam deprecatur) Virorum ingenio & doctrina excellentium Londinensi Medicorum Collegio fuisse feracius, arbitratur. Inde cujus rei causa hæc præfatus erat, in Harveji & reliquorum, quibus fundum, privilegia & redditus suos debent, laudes exsurgit, posterisque illorum munificentiam, & pro conservanda Collegii gloria curam imitandam commendat. Ne vero gratis in oratione sua asseruisse videatur Cl. Autor, nummos quondam in honorem Medicorum esse percussos, in adjecta Dissert. varios Smyrnæ circa Æsculapii templum erutos, & secum a Rev. Edmundo Chishull, qui eosdem ad Medicos spectare statim suspicatus fuerat, communicatos

unicatos exhibet, & cum haftenus, si qui forte illis similes in rei nummariae peritorum manus inciderint, expressa in illis nomina magistratuum, quod Smyrnae pariter ac aliis in Graeciae civitatibus non infrequens erat, esse existimaverint, non infelici illos conatu Medicis vindicat. Primus illorum in adversa area, caput muliebre laureatum sistit, quod, rejecta aliorum, Apollinem hic agnoscentium, sententia, Hygiae Aesculapii filiae caput Auctori esse videtur. Etsi enim non male Apollo, & ipse Medicinae Deus, ad vindicandos hos Medicis nummos, inferviret, huic tamen sententiae & lauream, qua non Medicus sed Musagetes Apollo ornabatur, & caput imprimis muliebre ob stare censet. Nunquam enim muliebrem Apollinem a quoquam Poetarum esse descriptum, meminit, licet non raro lyram tractanti muliebris habitus tribuatur. Rejicit igitur illud antiquariorum figmentum, quo Apollinem semper juvenem pro Apolline muliebri, aut caput ignotum pro Apollineo vendicant, & Hygiae caput esse eo magis sibi persuadet, quod Aesculapio, cum quo communem illa Smyrnae cultum nata erat, juncta est. Siquidem averfa area: ΣΜΥΡΝΑΙΩΝ ΖΕΥΣΙΣ: quod Medici Herophilei Smyrnae degentis nomen interpretatur, inscripta, simulacrum Jovis Aesculapii, sedentis, caput strophio revincti, palliati, sinilam, seu gladiolum chirurgicum, manu sinistra tenentis, dextram labio adinquentis conspicitur. Cujus a dextro latere baculi protensi apex, ante pectus astrum eminet. Eadem & reliqui eum nummi figura exhibent, prae terquam quod astrum, in hoc Zeuxidis, Iatrodori item & Athenagorae nummis conspicuum, in Hicetii, Metrodori & omnibus, quos nactus est, Erasistratorum nummis deficiat; unde peculiare Herophileae forsan scholae signum hoc fuisse astrum suspicatur. In aliis, iidem caput muliebre, altera vero ex parte Isidis sacra, palmae scilicet ramus, & ex cavo aere manus sinistra deformata, porrecta palmula comparet. Tertium denique genus nummorum in adversa caput turritum matris Deorum Sipylens, tutelaris Smyrnaeorum Numinis, & in averfa simulacrum Reginae Isidis, ejusdem cum Aesculapio in arte medica peritae, exhibet. Hos itaque nummos a sacerdotibus Aesculapii & Isidis iisdemque urbis Medicis, finitis horum numinum ludis solemnibus, culos, su-

TAB. II.
Fig. 8.

Fig. 9.

Fig. 10.

isque nominibus, ad conservandam dignitatis suæ memoriam, signatos esse, ex Deorum, Medicinæ præsidum, simulacris & insignibus arguit. Horum denique eçtypis varios ad Æsculapium, Hygiam, Telesphorum & Apollinem Medicum spectantes, qui ulla ratione uberiorem suis lucem scænerari poterant, adjecit, & in notis multifario antiquitatis apparatu refertis uberius explicavit.

JOHANNIS MARCKII FASCICULUS Dissertationum philologico-exegeticarum ad selectos textus Veteris Testamenti.

Lugduni Batavorum, apud Abr. Kallewier, 1725, 4.

Alph. 5 plag. 3.

Qui quamplurimas jam emisit Dissertationes exegeticas, certa collectas in Volumina, quorum ultimum A. 1721 p. 237 recensuimus, is, nonnisi una cum corpore depositurus interpretandi sacri codicis studium, novum earum volumen nunc inserit bibliothecis Theologorum. More suo etiam hic exhibet Disputationes viginti quinque, quarum *prima*, ad *Genes. XI*, veterem *de confusione labii Babelica* sententiam strenue tuetur, diversumque sentientes, Clericum, Heideggerum, Perizonium, Hardtium, & Vitringam refellit, ac potissimum Vitringæ dicta rigidum vocat sub examen. *Secunda*, ad *Genes. XIX, 24, 25, de excidio Sodomæ* disserit, totamque historiam doctissimo commentario persequens, illud tamen præcipue agit, ut uxoris Loti metamorphosin vindicet ab exceptionibus Clerici atque Hardtii. *Tertia*, ad *Numer. XIX*, legem de aquis lustrationis, simulque totum illud Mosis caput, summa industria illustrat, ac refutata Spenceri de origine istius legis conjectura, copiosam exhibet interpretationem hujus divini instituti typicam, ad Christum Spiritumque Sanctum applicans universa. *Quarta* Hierichuntis captæ historiam ex *Josue VI* exponit Cl. Autor, eaque occasione cum Pontificios notat, petentes inde præsidium superstitiosis suis processionibus, tum etiam Vitringam, cujus collationem visionis Apocalyplicæ cum hac Hierichuntis captæ historia fundamento carere ostendit. Simul generatim monet, se prorsus dissentire ab iis, qui

qui historias veteris Testamenti ita interpretantur, ut designent ex fata Ecclesie Novi Testamenti. *Quinta* totam *Simsonis* historiam persequitur, miraculaque ibi occurrentia tuetur contra audaciores quorundam conjecturas. Adjicit, quo sensu Simson haberi possit pro typo Messie, improbens tamen Vitringæ opinionem, qui longis ambagibus Simsonem fecerat typum Pauli Apostoli. *Sexta*, ex 1 *Sam. II*, canticum Hannæ illustratur, iique, qui id ad fata ecclesie Novi Testamenti repræsentanda trahunt, erroris convincuntur aliquot argumentis. *Septima*, ex 2 *Sam. VII*, promissio Davidi per Nathanem facta uberius exponitur, & quomodo ea ad Messiam spectet, disputatur haud perfunctorie. *Octava* ultima Davidis verba 2 *Sam. XXIII* lucem accipiunt. *Nona* ex 2 *Sam. XXIII*, 15, Davidis votum pertractatur de bibendis aquis de puteo Bethlehemi, rejectisque mysticis multorum interpretationibus, censetur, votum illud Davidis non omnino carere peccato. *Decima* exhibetur totius *Psalmi XLI* analysis exegetica, cumque pulchre omnia, quæ hic dicuntur, in Davidem conveniant, statuitur, non totum hunc Psalmum de Messia agere, sed illam ejus partem, quæ *Johan. XIII*, 18 inde adducitur, applicari ad Messiam, cujus quippe typus fuerit Rex sanctissimus. *Undecima* totus *Psalms LXXXIX* eadem pertractatur methodo, & *duodecima* *Psalms XXXII*. *Dissertatione XIII* analysis exhibetur exegetica *Jesaja IV*, 2-6, in cujus *Cap. VI*, 1-7 commentarius proponitur *Diff. XIV*. Ac hic quidem de *Seraphim* luculenter disseritur, relatisque iis inter angelos, cum eorum sententia rejicitur, qui per *Seraphim* intelligunt Spiritum Sanctum, tum ii refelluntur, qui crediderunt, Apostolos aliosve Novi Testamenti doctores per *Seraphim* isto loco descriptos esse. *Diff. XV* vaticinium *Jesaja Cap. VII* de Immanuele ex virgine nascituro illustratur, idque in Jesu impletum esse, magna argumentorum vi contenditur. Cum vero hic potissimum Judæos habeamus antagonistas, horum objectiones copiose producuntur, nec minus studiose confutantur. *Diff. XVI* alterum *Jesaja* vaticinium, *Cap. IX*, 5, 6, 7, simili modo vindicatur a Judæorum contradictionibus. Pari industria *Diff. XVII* tractantur *Capita XI & XII* ejusdem Prophetæ, & postquam contra Grotium demonstratum fuit, omnino de

Messiz persona ac temporibus hic agi, mystici illi interpretes refelluntur, qui isto vaticinio exhiberi putant fata distincta successivorum temporum Novi Testamenti, quibus ducem se præbuit Coccejus. *Diff. XVIII* totum *Caput XXV Jesaia* illustratur, simulque miræ Cocceji interpretationes diluuntur. *Diff. XIX* & sequentibus Capita XXVI, XXVII & XXXV tota elucidantur ejusdem Prophetæ. *Diff. XXII* Cl. Autor perlustrat ex *Jesaia Capite LXIII* sex priores versus, quos jam ante quinquaginta annos, quo tempore Doctoratus Theologici insignibus cohonestabatur, se publice interpretatum esse, refert. Agi hic docet de Messia, simulque diversas Grotii aliorumque complurium exegetes accurate confutat ac diluit. *Diff. XXIII* Jeremiz vaticinium *Cap. XXIII*, 5, 6 in Messiam convenire, docet: rursusque perversissimam Grotii glossam, quam vocat, conterendam suscipit. *Diff. XXIV*, ad *Ezech. X*, de *Cherubim* disseritur, defenditurque, eos esse Angelos, ac simul Vitringæ & Hulsii opiniones de iis subjiciuntur examini. Denique *Diff. XXV*, ad *Danielis XII*, 1 & *VIII*, 16, disputatur de *Michael* & *Gabriele*, quorum illum esse Angelum increatum, Christum, hunc vero Angelum creatum, ostenditur erudite, labefactatis secus sentientium opinionibus.

VITRIARII INSTITUTIONUM IURIS PUBLICI, novis Notis a JOHANNE FRIDERICO PFEFFINGERO, Argentoratensi, Equestris Academiae Luneb. Inspectore & Prof. Publ. illustratarum,
Tomus III, Libri III Titulos priores exhibens.

Gothæ, sumptibus Jacobi Mevii (1725) 4.

Alph. 8¹/₂.

ET si titulus hujus Tomi, æque ac Primi, qui A. 1712, & Secundi, qui A. 1718 prodiit, annum impressionis non præferat, patet tamen e subscriptione Dedicationis ad Potentissimum M. Britanniz Regem, GEORGIUM, eum superiori anno eo ipso tempore, quo Rex Hannoveræ commorabatur, lucem adspexisse. Cum vero de Tomo I in Supplem. Actor. Tomo VI p. III, ubi
 de

de instituto operis uberius diximus, actum sit, nunc de tertio dicemus, secundum Supplem. Tom. IX Sect. II reservantes. Non repetemus Dedicationis prolixæ contenta, in qua ex omni historia ea repetit. quæ unquam Anglicæ genti gloriosa exsisterunt, adductis ubique testibus idoneis, & Rege moderno cum veterum Regum optimis apte composito. Convertimur potius ad ipsum librum, quo dum Vitriariani operis Libri III Tituli priores XVIII illustrantur, Imperatoris & Regis Romanorum, Imperiique Vicariorum, Electorum, Principum ac Statuum reliquorum, nec non ex parte immediatæ per Franconiam, Sueviam & Rheni oras Nobilitatis, jura, privilegia, consuetudines, honores &c. ita exponuntur, ut imprimis in controversiis illustribus argumenta utriusque partis sincere recenseantur, diplomata integra addantur, & in rei diplomaticæ emolumentum, tituli, nomina, loquendi formulæ in iis obvix accurate explicantur. His inseruntur subinde etiam alia data occasione, multo labore a Nostro digesta, quæ vel digito indicasse nobis suffecerit. Ita dum jura Ecclesiastica Imperatoris memorantur, de Juribus Principum Sæcularium circa sacra accurate agitur, & tum Concilia omnia ab Impp. & Regibus convocata, vel sub eorum præsidio & tutela habita, tum decreta a Magistratu politico de rebus sacris promulgata fusc recensentur. Porro cum Vitriarius asserat, jus civitatis tribuendæ soli Imperatori competere, Noster ex omnibus ferè Germaniæ Provinciis urbes producit longe plurimas, quæ a Principibus, inconsulto Imperatore, fuere conditæ. Aliter sentit de jure nundinarum, eoque prolixum producit Imperatorum catalogum, qui diversis Germaniæ urbibus mercatus jura concessere. De Academiis agens, quas erigendi jus penes Status, privilegiis vero, conferendi honores, comitiva Palatina Rectoribus prospiciendi, & reliquis, muniendi, penes Cæsarem esse, probat, non solum Germaniæ Academias omnes, quibus & addita a Nostro Lugdunensis Batavorum, verum & Gymnasia & scholas illustriores accurate describit. Acta deinde noni Electoratus pleraque inseruntur. De fœderibus Statuum Imperii cum exteris ubi agit Noster, exempla inde ab Ottonis M. temporibus studiose conquisita producit longe plurima. Pariter quibus jus

p. 5-47.

54-74.

146-164

167-192.

227-245.

274-282.

400-433.

p. 459-477. cudendæ monetæ in Imperio concessum fuerit, tum quæ vestigalia 486-508. & quibus locis instituta, quique a vestigalibus Imperatorum gratia 509-516. exempti, tum qui banno Imperii subiecti fuerint, longa exemplo- 518-552. rum serie docetur. Quæ ratione directorii inter Evangelicos inde 935-956. ab A. 1523 usque ad 1718 gesta sunt in Germania, insertis ubiq; Actis publicis, non minus copiose traduntur: quibus succedunt, quæ de 957-970. prærogativa & munere vexilliferi, inde ab A. 1040 in Germania 1010-1027. illustri, notanda sunt. Elegans quoque est tractatio de insignibus in sigillis maxime Regum ac Principum Germaniæ conspicuis; & 1054-1119. ubi de superioritate territoriali agitur, vastus nectitur eorum catalogus, qui eam Principibus, urbibus, monasteriis solenni for- 1160-1175. mula concesserunt. Simili ratione exhibetur Catalogus eorum 1176-1193. Imperii Statuum, qui jure de non evocando, vel de non appellan- conf. p. 670- do gaudent. Lectu denique jucunda sunt, quæ Cl. Autor de jure 677. venationum clero & laicis inde a Caroli M. temporibus usque ad 1363-1388. Sigismundi Imp. ætatem concessio collegit; ut cetera taceamus, quæ imprimis de salis & argenti fodinis subjiciuntur.

Quodsi singularia passim obvia commemorare luberet, non desissent longe plurima. Legi mereretur, quæ de Jure Stapulæ Lipsiæ nostræ concessio p. 209, de tempore, quo prænomen *Nor* Diplomatis præfigere consuevere Proceres Germaniæ, ap. 989 ad 997, de titulo Excellentiæ p. 1006 sq. de Archivo Imperii p. 1199-1205, de Ducatis eorumque valore in Imperio p. 1228 observavit Cl. Autor. At hæc aliaque longe plura prolixius edisfere, in tanta novorum librorum copia, non licet. Ceterum restare adhuc videtur operis utilissimi Tomus unicus, quem ut pari felicitate absolvat Celeb. Autor, etiam atque etiam & velleo nomine optamus, quod illi accessurum speramus indicem, qui in hoc quidem Tomo III, in nimiam molem excurrente, adhuc desideratur.

Schauplag der Hezeuge ic.

hoc est:

**THEATRUM MACHINARIUM, AUTORE
JACOBO LEUPOLDO, Mathematico & Mecha-
nico**

nico, Potent. Regis Polon. & Elector. Saxon. Consiliario
& Commissario rei metallicæ, diversarum Societa-
tum Scientiarum Membro.

Lipsiæ, sumtibus Autoris, 1725, fol.

Alph. 2 Tabb. æn. 56.

CL. Autor in hoc Volumine illas machinas delineat, quarum ad
Conera elevanda & deportanda usus. Præmittit versionem
Germanicam Discursus eruditi, quem A. 1580 Argentorati in 4
edidit *Conradus Dasypodius*, sub titulo *Heronis. Mechanici*.
Ipsam tractationem orditur a descriptione variorum modorum,
quibus cum homines, tum bruta onera ex loco uno in alterum
transferre solent. Quoniam vero hic etiam usus est vulgo sic di-
ctarum potentiarum mechanicarum. vectis scilicet, trochlea-
rum, axis in peritrochio, plani inclinati atque cochleæ, brevi-
ter quoque repetit præcipua statica, quæ in libellis de Mechani-
ca conscriptis vulgo traduntur, & a Nostro in Theatro Machi-
narum generali variis experimentis confirmata fuerunt. Pro-
greditur inde ad cylindros eorumque usum in transvehendis one-
ribus. Describit ex Vitruvio machinam *Ctesiphontis*, qua is co-
lumnas ad templum Dianæ Ephesinum adduxit. Eidem jungit
machinas alias agnatas, quibus saxa prægrandia ex lapidinis
aliorum proinoventur. Agit hic etiam de curribus, & quid in
eis sit emendandum, nec non quæ ratione viæ publicæ reparan-
dæ, docet: ubi etiam *Gæsterianus* de emendandis curribus me-
ditationes communicat, & quid sibi de iisdem videatur, candi-
de exponit. Describit varia curruum genera diversis usibus de-
stinata, una cum trahis, & ultimo loco machinas *Perraltii* ex
ipsius opere posthumo de pluribus machinis noviter inventis re-
præsentat, quibus absque frictione pondera elevantur, quartam
tribus jungens ex Notis ad *Vitruvii* versionem Gallicam. Mul-
tiplicem tradit vectis usum in ponderibus loco movendis, quem
Noster ob frictionis defectum commendat. A vecte progredi-
tur ad fuculam, cujus multus in metallifodinis usus est. Va-
rias describit machinæ hujus species, & inter alia docet, quomo-
do saxa 700 vel 800 librarum & amplius ex lapidicina in urbem
Parisi

C. 1.

2.

3.

4.

5.

6.

- Parifiorum ope hujus machinæ fuere traducta, ibique in altum elevata, ex *Perraltiana* versione *Vitruvii* Gallica. Docet etiam ejusdem machinæ ufum in navibus fubmerfis ex fundo maris ad ejus fuperficiem adducendis & tormentis fubmerfis ex aqua educendis. Inde ad geranium feſe confert, cujus in ædificatione ad elevanda pondera & in mercibus ex navibus onuftis deportandis multiplex defcribitur ufus. Geranio fuccedit polyſpaſtus, qui egregium prorsus in attollendis ponderibus præſtat ufum, & cujus vires junctæ fucula augentur. Hactenus defcriptæ machinæ ſunt pleræque ſimplicis admodum conſtructionis, niſi quod ſubinde fulcra non adeo ſimplicem requirant apparatus, ut convenientem nanciſcantur firmitatem. Sequuntur varia machinarum genera ex rotis dentatis conſtruſta & varia virium motricium applicatione agitata. Eſſi enim omnes machinæ ita ſint comparatæ, ut ab hominibus agitari queant, conſtat tamen, non unum eundemque eſſe modum, quò id vel manibus, vel pedibus, vel totius corporis pondere fieri poſſit. Explicatur porro cochlearum pro attollendis ponderibus maximis, ſed ad exiguam akitadinem uſum, quem cum communes, tum etiam perpetuæ exerunt. Et cum in obeliſcis erigendis emineat artificium, quo uſus eſt *Dominicus Fontana*, obeliſcum *Vaticanum* erecturus, igitur Noſter idem accurate deſcribit, nec minus accurata delineatione illuſtrat. Subjungit deſcriptionem machinæ alterius, cujus ope *Franciſcus Cavall. Fontana* columnam *Antoninianam* A. 1705 Romæ erigi curavit. Varias quoque delineat machinas, quibus homo ſemet ipſum ex loco humili in altum elevare, vel etiam vice verſa ex alto in humilem demittere valet. Addit machinam veſicariam admodum curioſam, quæ ſufficit ad 300 vel 400 librarum pondus ſolo aeris ſlatu a duobus hominibus elevandum; machinam aliam valde ſimplicem, qua pondus aere attollitur, embolum in cylindro evacuato deprimente; machinas denique nonnullas miſcellas antea deſcriptis agnatas. Et quoniam in ponderibus elevandis humana utimur opera ad machinas agitandas, Noſter colophonis loco diſquirit, quantæ ſint vires unius hominis in ponderibus attollendis. Ait itaque, ſeſe reperiffe, hominem robuſtum intervallo unius minuti abſque ullius machinæ ope pon-

duſ

100 librarum ad 60 pedum altitudinem elevare posse. Quamobrem cum virium compendium cum temporis dispendio jungatur, inde infert, eundem intervallo unius minuti pondus 202 librarum nonnisi ad altitudinem 30 pedum attollere valere & ita porro.

**Johann Christian Schulenburgs unvorgreiflicher
Vorschlag zur Vereinigung der
Fest- & Zeit ic.**
h. e.

JOH. CHRISTIANI SCHULENBURGII
*Consilium de conciliatione diversorum celebrandi
Paschatis institutorum.*

Francof. & Lipsiæ, apud hæredes Wolfg. Maur. Endteri, 1724. 4.
Alph. 1 plag. 4, cum variis tabulis chronologicis.

Autor doctissimus, in celebri Gymnasio Bremensi quondam juventuti instituendæ præfectus, post vero Wildeshufenensis ac nunc Zuakenbrugenensis Pastor & Ecclesiæ minister, tractatum hunc occasione Festi Paschalis anni 1724, diversimode a Protestantibus Germaniæ ac Pontificiis celebrati, concinnavit; ea methodo usus, ut sententiam suam brevioribus positionibus proponat, ejusdemque illustrationes atque explicationes prolixiores jungat, quibus ipsis & notæ alicubi locorum novæ & prolixæ subjectæ existunt. Atque in his quidem quanvis, interjectis satis multis digressionibus, crebrisque parenthesis & minutissimarum quandoque circumstantiarum evolutione, multiplicem lectionem atque eruditionem non minus Mathematicam quam Rabbinicam demonstrare conatus sit; nos tamen de stylo atque methodo Autoris judicium nostrum non interponentes, omisiss etiam illis, quæ cum aliis circa negotium chronologicum communia habet, brevi saltem ac nervosa recensione exhibere conabimur, quo scopus & consilium ejusdem præcipuum spectet. Exhibetur vero illud thesi VII, estque duplex atque alternativum. Primo enim suadet, loco diei variabilis atque mutabilis, quem hætenus secundum Nicænorum Patrum decreta observamus, & multis difficultatibus esse obnoxium, multisque controversiis occasio-

nem dedisse deprehendimus, certus aliquis & fixus dies nempe vel 1 vel 5 Aprilis dies (ex rationibus ibi allatis) vel aliquis alius ex iis, qui jam veteribus quibusdam placuerint, præfigatur atque determinetur celebrationi Paschalis Festi. Ad quod institutum commendandum non solum affert Protestantium quorundam Virorum celeberrimorum, & Romano-Catholici, Thomæ Pii Maphæi, consensum, verum & imprimis urget ex Celeberrimi Wideburgii. Prof. Jenens. Dissertatione repetita 4 incommoda insignia, ex sola differentia meridianorum & temporis inde fluentis orta, quæ impediunt, quo minus quibusdam in casibus omnibus requisitis, quibus Nicæni Patres hujus Festi celebrationem circumscribere in animum induxerunt, satisfieri possit. Quod si vero hoc consilium non placeat, aliud subministrat: scilicet, cum prius dubitasset, utrum, cum Judæi nullum plane respectum habent ad rationem Christianorum celebrandi Paschatis, bene faciant Christiani, ad celebrationem Paschatis Judaici respicientes; observassetque ulterius, nullo modo evitari posse, quin concurrat sæpius celebratio Festi hujus Judaico & Christiano ritu facta, quod ipsum ex intimis recessibus traditionum Judæo-Rabbinicarum circa hoc Festum observatarum probat; autor est sua orque, ut Protestantes in simili casu, qualis anno 1724 fuerat, potius Catholicis cedant, & cum protestatione quidem, se nullo modo adoptare cyclicum morem determinandi Paschatis, tamen ritu Catholicorum Pascha 8 diebus tardius, quam Astronomicæ regulæ & Canones Nicæni Concilii stricte observati permittant, celebretur: saltem ut confusiones in vita communi & Dicasteriis ex diversa celebratione dierum oriundæ hoc modo tollantur. Ostendit tamen, immèrito objectum a quibusdam fuisse Protestantibus, ipsos nuperrimo elapso anno 1724 Pascha suum una cum Judæis (qui semper, cum Plenilunium horis pomeridianis contingit, quo idem observatur, sed proxime sequentem seriatum habeant) celebrasse, quoniam idem sæpiissime a Gregorianis quoque factum atque imposterum fieri necesse sit, nec evitari possit, quin ipsi primarii dies seriatum Judæorum & Christianorum subinde concurrant. Nisi forte & hæc regula introduci queat, ut etiam in Veneris atque Saturni diem inci-

incidente Plenilunio, Paschatis celebratio differatur in Dominicam, quæ octiduo a proxime sequenti removetur, quia Iudæi duos semper dies pro primariis festivitatis celebrandæ habeant, atque adeo, plenilunio incidente in pomeridianum tempus diei Veneris, ipsi Saturni diem sequentem & Dominicam tanquam verum Paschatis diem observent. Quod quidem Nostri consilium quomodo se Protestantium Principibus sit commendaturum, nostrum non est definire. Illud vel obiter notamus, Cl. Autorem passim nonnulla lectu non injucunda interfere, ut de anni tempore, quo mundus creatus sit (scilicet respectu nostri hemisphærii borealis) ubi Autori placet vernum; de generali Iudæorum conversione ad fidem Christianam, quæ admodum probabilis & fere demonstrata ipsi creditur, & quæ sunt alia. Hoc dissimulare non possumus, præcipuum operi decus accessisse a binis epistolis Leibnitii ad doctissimum Autorem scriptis, & in fine annexis; in quibus non tantum de Arithmetica sua dyadica ejusque præstantia & usibus, sed & de aliis physicis, de natura substantiæ, temporis, spatii, item motu elegantissime more suo philosophatur.

Anatomische Tabellen ix.

hæc est,

TABULÆ ANATOMICÆ CUM ANNOTATIONIBUS & FIGURIS æRI INCISIS, in usum tyronum Anatomiciæ editæ a IOHANNE ADAMO KULMUS,

Med. Doct. ejusd. & Phys. Prof. Publ. Ord. ac Imper. Acad. Nat. Cur. Sodalis.

Godani, apud Cornelium von Berghem, 1725, 4.

Plag. 12 Tabb. xxi. 10.

CL. Autor in usum auditorum suorum A. 1722 edidit Compendium Anatomicum, in quo omnem corporis humani anatomiam in 28 tabulas succinctas digessit, ut diffusum hoc studium magno memoriæ subsidio tractari, brevique temporis spatio idea structuræ corporis humani distincta &, quantum hæ-

stenus datur, adæquata acquiri possit. Scripsit idiomate patrio, ut Chirurgorum quoque usui esse possit. Quamobrem cum multo applausu fuerit exceptum Manuale Anatomicum adeo utile, ut intra triennium altera editione fuerit opus; in usum potissimum Chirurgorum exterorum annotationes addidit, quibus ea explicantur, quæ in Tabulis brevitatis gratia omitti debuerent. Præmisit non modo recensitionem celebrium in re anatomica scriptorum; verum etiam inventores passim laudat & eorum scripta citat. Tabulæ, quæ nonnisi tribus plagulis constant, una cum titulo libri ac præfatione, charta augusta sunt excusæ; annotationes autem ordinaria, ut nonnisi octo columnæ plagulam adimpleant. In Tabulis æneis operam dedit, ut omnia probe distingui possint, servata similitudine cum suo prototypo. *Verheyen* Anatomiam tyronum captui parum respondere existimat ob prolixitatem; *Cel. Heisteri* compendium vero ob figurarum defectum. Cl. Autor non modo prolixitati & figurarum defectui mederi studuit, verum etiam Tabulas suas ea ratione adornavit, ut formandis notionibus distinctis singularum partium corporis humani atque totius corporis ex iisdem compositi optime inserviant.

DESCRIPTIO ANATOMICA PHYSIOLOGICA alicujus factus monstrosi; cui adjicitur observatio viri cujusdam aqua suffocati; quorum cadaverum singulas partes præternaturaliter constitutas debito modo exponit atque ulteriori eruditorum disquisitioni submittit

IOANNES ADAMUS KULMUS, Med.

Doct. atque Imperial. Acad. Nat.

Curios. Sodalis.

Gedani, typis Viduæ B. Ioh. Danielis Stollii, 1724, 4.

Plag. 6½ Tabb. æn. 3.

Monstrorum descriptiones anatomicæ multam lucem affundere possunt doctrinæ physiologicæ arduæ ac difficillimæ de generatione hominis. Quamobrem optandum foret, ut

tot

tot proflarent, quot passim monstrorum quoad formam externam descriptiones occurrunt. Utilitatis hujus non ignarus Cl. *Kulmshus*, Medicus Gedanensis, Anatomicus industrius, nuper ad Professionem Medicam & Physicam in Athenæo Gedanensi admotus, cum anno 1724 d. 15 Febr. obstetrix quædam in suburbio Gedanensi monstrum bicorporeum sexus femini ex matre mortua rescuisset, a Magnifico Præconsule Dn. *Joanne Godofredo a Dießeldorf* obtinuit, ut idem cultro anatomico subicere liceret. Erat istud simplicibus secundinis obvolatum & ab humeris umbilicotenus invicem coalitum, ab umbilici autem termino utriusque gemelli abdomen usque ad pubem distinguebatur separatim. Capita erant duo, quatuor brachia, totidemque pedes, & locis consuetis duo ani geminaque genitalia muliebria apposita. Singulæ partes optime erant efformatæ & magnitudo binas natas 4 vel 5 menses adultas mentiebatur. Crispi capilli, colore fusci, prolixi pollicem latum multo excedebant. Alterum caput collo perquam flaccido nectebatur & proprio pondere facile ad humerum sinistrum reclinabatur. Cuticula in variis corporis & artuum regionibus admodum erat dilacerata. Dux in utroque monstri latere mamillarum papillulæ, in uno remotiores a se invicem, in altero sibi propinquiores, ut duò gemellorum corpora sibi mutuo prope pectora coaluisse viderentur. Aperto abdomine in conspectum prodibant vasa umbilicalia simplicia, at insignia: vena umbilicalis, ubi sinum formaverat amplum, convenienter ab umbilico ad hepatis fissuram mediani excurrerebat, geminis ad latera arteriis stipata: urachi gemini clausi binis vesicis urinariis & dux arteriæ umbilicales ramis iliacis utriusque individui vicinis jungebantur justo loco ad vesicarum latera interna, ita, ut dextra arteria ex iliaca sinistra & sinistra ex iliaca dextra emanaret. Hepar erat unicum, quantitate tamen continua duorum disjunctorum molem resarciens. Vesiculas felleas duas separatas & duas pariter recepit venas in sinum suum hac vice duplicatum, qui *Porta* appellatur. Duplices hæ venæ portæ unicam saltem formabant sinuosam cavitatem in hepate variis ramis substantiæ hepatis annexam, cujus bini ductus venosi san-

guinem ex vena umbilicali allatum duabus venis cavis infundebant: his transitum concedebat hepar, unicuique in quolibet latere, quibus æque ac tribus ligamenti suspensorii diaphragmati alligabatur, uno anteriori ordinario, reliquis duobus lateralibus peculiaribus. Ligamentum ordinarium ab umbilico exortum usque ad ultimum ventris terminum excurrerebat & septum quoddam unicuique abdomini intermedium constituerebat, quo cuncta eorum viscera suo limite coercerentur. Ventriculi erant duo, sed admodum parvi, quorum œsophagi iusto longiores utrunque hepatis latus sub diaphragmate ambibant parum reflexi. Duplicia quoque intestina, septo ligamenti hepatis intermedio separata. Tenuia juxta ac, crassa mesenterii suis propriis annectebantur, quorum diametrum diversam appendix vermiformis debito loco distinguebat. Reliqua abdominum viscera pariter duplicia debito loco, situ & figura conspiciebantur. Simplex saltem observabatur diaphragma satis robustum, utrumque abdomen a thorace dirimens. Ambitus ejus quaquaversum musculosus utriusque puellæ costis spuris adhaerebat, centrum vero tendinosum hepar sustentabat ea parte, qua abdomen respiciebat; altera, quæ thoracem spectabat, pericardio juncta, mediantibus quatuor tendinibus lumborum vertebrae annectebatur, per quorum divaricationes transitus patebat duabus in primis arteriis aortis; uterque œsophagus & ambæ venæ cavæ quatuor in locis septum hoc transversum perforabant. Receptaculorum chyli, ductuum thoracis aliorumque vasorum chyli ferorum vestigium sollicite perscrutanti patebat nullum. Cor erat unicum, laevum ac depressum, vasculis coronariis ornatum & valido pericardio inclusum. Quatuor adjectæ erant auriculæ: superius post cordis basin duarum eminebant auricularum apices; reliquæ duæ in aversa cordis parte conspiciebantur integræ, quarum dextra etiam in anteriori parte sub venæ cavæ dextræ trunco parum prominebat. Vasa cordis communia pariter duplicia. Duæ arteriæ magnæ ad cordis latera & utriusque puellæ spinam dorsi reflexæ; duæ venæ cavæ sub cordis utroque latere prorpentes sese occultabant; duæ arteriæ pulmonales, binis aortis per canales arteriosos junctæ;

tot-

totidemque venæ hujus nominis sub venarum cavarum truncis superioribus ad pulmonum substantiam lateraliter incurvatae glandulis thymi arcto nexu adhærebant. In corde transversum dissecto reperiebantur duo septa intermedia, longo intervallo a se invicem distita. Dextrum erat integrum; sinistrum vero uno amplo foramine ovali, quod pennam anserinam majorem facile admittebat, pervium. Tres distinguebant ventriculos. In dextrum hiabat uno foramine vena cava dextra, alterum orificium dabat principium arteriæ pulmonali dextræ. In medio ventriculo erat egressus aortæ dextræ & sinistræ una cum insertione venæ cavæ dextræ & sinistræ. Ex tertio denique nonnisi arteria pulmonalis sinistra egrediebatur. Utraque vena pulmonalis tantum in auriculas superiores hiabat, et hæc rursus in inferiores. Utraque aorta ac vena cava ad monstri utramque partem sursum ac deorsum solitis ramificationibus extendebatur. Mediastinum quadruplici constabat membrana, quarum duæ breviores, ast validiores, cor cum incurvato sternone in anteriori & posteriori corporis parte neclebant; reliquæ duæ latiores idem viscus spinis dorsorum alligabant & utrosque pulmones in duas partes æquales dividebant, ita ut anteriores solummodo in primum conspectum venirent, posterioribus sub mediastinis prædictis lateralibus occultatis. Utrique pulmones in 6 lobos minores justo profundius fissos dividebantur, quorum portiunculæ abscissæ in aqua subito fundum petebant. Duæ erant glandulæ thymi insignes, duæ tracheæ. Cerebrorum partes optime erant formatæ. Plurimi musculi naturaliter erant conformati, in utroque autem abdomine deficiebant omnino musculi recti, pyramidales & ipsa linea alba, tam antrorsum, quam retrorsum, quorum tamen vicibusungebatur novus quidam musculus triangularis, reliquorum trium abdominis musculorum tendinibus ab umbilico ad ossa pubis firmiter annexus: in collo musculi sternohyoidei ac sternothyroidei aliam fortiebantur insertionem, non in utroque, ut assolent, sed in uno saltem sterni latere proxime ad claviculas proprias. Denique musculus digitorum pedis flexor profundus nullibi perforabat sublimem, quales tamen perforationes in flexoribus manuum com-

completæ videbantur. Sternum maxime erat difforme, in continua serie ad utrumque latus incurvatum. Tota fere ejus substantia adhuc cartilaginea continebāt quinque ossicula; 4 in parte anteriori, unicum in posteriori. In omnibus cranii futuris plura quam 30 ossicula triquetra reperiiebantur, & in osse frontis diviso ac ossibus sincipitis atque occipitis fibrosæ striæ radiorum instar quaquaversum excurrentes. Ceterum notatu dignum, quod in lingua ductum salivalem novum a Cl. *Vatero* inventum perquisiturus Autor, incidit in ductum salivalem, quem eodeni die 18 Febr. quo primum cultrum anatomicum monstro admovit, peculiari scripto Halæ publicavit Cl. *Coschvitz*, cum aliqua tamen differentia. Absoluta descriptione anatomica exacta, Noster digreditur ad disquisitionem physiologicam de generatione hujus monstri; sed nonnisi in conjecturis acquiescit, quas nemini obtrudit. Disserit deinde de ejusdem nutritione & circulatione sanguinis, tandemque de vita ipsius. Missis istis annotamus memoratu digna, quæ in altera observatione de viro quodam aqua suffocato occurrunt.

Ventriculus erat omnino flaccidus & clausus, spiritum vini adustum vilioris notæ paulo ante mortem haustum redolens. Apertus paucissimum tantum liquoris reddebat. Aperto thorace pulmones aere quidem, ast nulla plane aqua distendebantur, contra vulgarem sententiam. Cor erat prægrande, inferius depressum, non conis sed cunei-forme, cordibus phocarum simile: aortæ diameter duplo major quam alterius hominis, crassitie sua venam cavam facile superans. In ventriculo cordis sinistro sub valvulis venæ pulmonalis infixus erat substantiæ carnosæ calculus, transversum pollicem longus hujusque quartam partem latus. In capite sinus frontalis unicus & cranii ossa crassissima, adeo ut cavitas cerebri vix libram unam & semis caperet, quam alias 4 libras capere deprehendit. Suture cranii fere obliterate videbantur & in bregmate juxta futuram sagittalem multa foraminula futurarum vices gerebant. Cerebri substantia mollissima a sero ibidem copioso stagnante fere difflebat: in anterioribus ventriculis videbantur striatorum corporum tractus, justo crassiores, minus tamen distincti; in tertio ven-

ventriculo primo adpectu glandula pinealis nulla, neque nates, nec testes reperiebantur, sed crassa saltem membrana per ventriculi fundum extensa, sub qua glandula ista latebat, verum tam exiguae molis, ut quartam iustae dimensionis partem haud æquaret. Vulva erat amplissima, pari membrana obducta. Nates & testes nec sub membrana occurrebant. In utraque oculorum orbita duplex cernebatur musculus trochlearis diversi principii per duplicatam trochleam; duplex quoque musculus Zygomaticus, geminus musculus patientiae, ratione insertionis & magnitudinis distinctus, & peculiaris quidam novus inter musculum splenium & complexum, capite gracilis, ventre largus, longo autem tendine duplicato primis vertebrarum dorsi spinis infixus. Ramus quidam venarum lumbiarum sinistrae venae spermaticae sese associabat, quod nullibi adhuc se legisse, observat Autor. Sterni medium largo foramine erat perfossum, cum duplici cartilagine ensiformi; tres ultimae costae spuriae cujusvis lateris in abdominis musculis relictæ; cuncti superiores dentes molares deficiebant, nullo vestigio apparente, quod adfuerint; processus pterygoideus sinistri lateris internus styloideus in modum prominebat; bina erant ossa sesamoidea in ultimo pollicis pedum articulo atque exiguum aliquod in carpi osse cotyloide.

LETTRES DE MR. DE ST. ANDRE A QUEL-
ques uns de ses Amis au sujet de la Magie, des Malefices
& des Sorciers.

h. e.

DN. DE S. ANDREA, CONSILIARII ET
Medici Ordinarii Regii, Epistole ad amicos quosdam
datae, de Magia, Maleficiis &
Incantatoribus.

Lutetiae Parisiorum, apud Robert-Marc Despillis, 1725, 12.
plag. 19.

UT praesentes literas publici juris faceret Clariss. Autor,
non solum suaserunt amici, ad quos exaratae sunt, sed &
A a ipse

ipse necessarium judicavit; siquidem ex his homines, qui prompte nimis diabolo adscribunt, si quid contingere videant, cujus causam pro intellectus imbecillitate assequi non valent, meliora edoceri, & personæ Ecclesiasticæ pariter ac Judices, & Medici discere possunt, ut data occasione sese gerere debeant. Religioni etiam interesse putat, erroribus popularibus sese opponere in rebus, quæ eam essentialiter concernunt, & tacite ad superstitionem, impietatem, vel idololatriam ducunt. Divinitati enim insultari, si diabolo concedatur absolutum imperium in elementa, vel tempestates pro lubitu mutandas, potentia tonitrua excitandi, terræ motus, inundationes, incendia patrandi, fruges corrumpendi, homines æque ac animalia interficiendi, regna evertendi, quæ omnia non nisi Deo tribuenda. Ad idololatriam populo viam aperiri, si præ metu, quo percutiuntur, cultu intelligentias has venerentur, qui ipsis non competit. Religioni vim inferri, si dicantur incantatores in conventibus suis sabbathicis cacodæmonem adorare, sacrum chrisma & baptismum ejurare, ac Iesu Christo ipsiusque ecclesiæ renuntiare. Naturæ etiam angelorum contrariari, si usque adeo deprimatur diabolus, ut jumenti loco inserviat maleficis, pro vehendis illis per aera, ex una provincia in alteram, super maria transportandis, ut fervorum instar mandatis mancipiorum suorum sint obedientes, resque ineptas & vilissimas quandoque peragant. In his igitur Epistolis, quarum XII numerantur, inquit in causas effectuum extraordinariorum, demonstratque, nihil sæpe commercii ipsis intercedere cum cacodæmone, & omnia, quæ huic adscribuntur, esse vel naturalia, vel ficta, nisi in veteri aut novo Testamento asserta, & per ecclesiam confirmata fuerint. Exposita itaque Magiæ veteris seu sapientiæ differentia & magiæ illicitæ, in specie agit de pacto, conjuratione, maleficiis per figuras cereas, philtrea, ligaturas, injecta, de obsessionibus, incubis, succubis, modo detegendi autores maleficos, de conventibus sabbaticis, aliisque, & in his omnibus diabolum non concurrere, sed dependere effectus vel ab arte, vel a natura; subesse ignorantiam, vel præconceptam opinionem; concurrere casum, & imaginationem tam incantatoris, quam incan-

incantati, tradit. Ut ex tanta farragine unicuique tantum exemplum allegemus, figuras cereas frequentius adhiberi dicit a maleficis, hominibus noxam illaturis, & plenos esse Poetarum & Historicorum libros ejusmodi relationibus. Allegat ex Hectoris Boethii Historia Scotiæ Duffum, Regem, qui incognito morbo affectus, febre lenta detentus, sudoribus emaciatus & tantum non moribundus visus fuit, refertque, binas scæminas maleficii suspectas & carceri traditas, crimen falsas, sepositisque figuris, quibus illæ abusus erant, in loco temperato, Regem a sudoribus liberum, sensim refocillatum, & ex orci faucibus ereptum fuisse. Provocat insimul ad Campanellam, qui dolores acutos hominibus, concitari posse, pro certo habet, per easdem ceremonias & imprecationes circa certa vegetabilia & animalia factas, quæ cum figuris cereis fieri solent. Existimat autem Clariss. Autor, effectus, qui verbis, characteribus, & ceremoniis maleficorum adscribuntur, supponi tantum, non vero revera tales esse, alias nullum hominem de vita securum, & si qui alii, certe Principes, eorumque Ministros & Judices vindictæ expositos esse illorum, quibus scire vel nollent, vel non possent. Historiam Duffi, Regis Scotiæ, apocrypham videri, utpote quam Boethus vel ex communi rumore recensuerit, vel ex documentis, parum fidei merentibus, probaverit; nullumque præter eum alium extitisse autorem, qui ejus mentionem fecerit; immo eum sibi met ipsi contrariari; si enim scæminæ illæ Regem occidendi animum habuissent, imaginem igni potius commisissent, quam permisissent, ut a magistratu tolleretur: nec Campanellam ipsum credere, effectum semper intentioni respondere. Posito autem, noxas inferri hominibus tali modo a maleficis, diabolum tamen ad hunc actum concurrere, negat, & sequenti potius modo rem succedere posse, credit. Spiritus, inquit, qui exhalant ex corpore incantatoris eo tempore, quo nocere homini intendit, a phantasia circa ideam interimenti hominem & vindictæ cupiditatem occupata, adeo maligni & deleterii evadunt, ut propter turbas in sanguine, spiritibus & humoribus motas & propter actionem suam efficacem, quam in partibus, quibus adherent, nobilibus exerunt, morti trade-

re queant homines. Exhalationes enim hæc cum effluviis a cæra prodeuntibus & ab igne calefactis unitæ si ad hominem perveniunt, dolores & cruciatus excitant, plus minus atroces, quo propius adstat vel remotior est homo ab incantatore, quo deteriores sunt vapores vel benigniores exhalantes, vel quo majori minorive præditus est sensibilitate æger. Imaginatio etiam ipsius ægri sæpe multum operatur circa hoc negotium, qui, quando semel incantatum se esse credit, raro hanc deponit opinionem, nec vel validissimis remediis curari potest. Ex quibus concludit, omnia naturaliter & sine ope diaboli procedere.

JO FRID. WUCHERER, PHYS. DOGM. IN
Acad. Jen. P. P. Institutiones Philosophiæ Na-
turalis ecclésiæ.

Jenæ, litteris & impensis Christ. Fr. Buchii, 1725, 8.

Alphab. I

EDidit iam ante aliquot annos Compendium Philosophiæ naturalis Clarissimus Autor, quod *Delineationem Physicæ divinæ* inscripsit. Sed tum quidem in Parte generali substituit. Nunc pro Parte speciali novum plane Tractatum in lucem emisit, quo *Philosophiæ naturalis lineas ea ratione consignatas tradit, ut vix quidquam omisisse sibi videatur eorum, quæ ad illius exhibendam faciem pertinere possint.* Præmissis enim principiis, ad præparandum intellectum necessariis, *Cosmologiam, Uranologiam, Geologiam, Meteorologiam, Minerologiam, Phyzologiam, Zoologiam & Anthropologiam* exponit, multumque in hoc operæ a se consumtum memorat, ut rerum a varietate, numero, viribusque commendabilium essentiam, proprietates, & quæ sunt alia, quæ posset, perspicuitate declararet, multaque suppleret; quæ opinione anticipata occupati Scriptores plerique omiserunt; quamquam circulos quidem & lineas Mathematicas plane negligit, quibus nonnulli autores replere omnia consueverunt, in iis etiam doctrinis, ubi forte carere his subtilitatibus (juxta Cl. Wuchereri sententiam) potuissent. Divisit totum tractatum in Partes duas, generalem alteram, alteram specia-

cialem. In parte generali docet, mundi machinam incomparabilem neque æternam esse, nec casui, nec viribus mechanicis originem debere, sed causæ primæ, id est, Deo; simulque monet, ipsam illam mundi productionem elementa requirere, e quibus prodierit. Elementorum horum expositionem admodum esse arduam ait; ceterum *ad monades, quas finxere recentiores*, se recipere non vult. Explicatis deinde principiis Aristotelicis, de materia, forma, & privatione, itemque mechanicis, quæ non adeo alto supercilio contemnenda iudicat, de particularum figura, motu, situ, de Epicureis porro, Cartesianis, & Chemicis, ita tandem concludit: *Plures dantur hypotbeses circa rerum naturalium principia; quarum recensionem uberiorem compendi nostri ratio non permittit. Sufficit, corporum naturam ita comparatam esse, prouti scopus, qui per illa obtinendus, videbatur exigere. Quilibet certe, qui recte perpendit, quacunque velit, corpora, eorumque qualitates atque vires, non potest non videre oculis, manibusque quasi palpare, quod talis adsit corporum constructio, qualem requirit effectus, inde nexu sperandus naturalis. Scopum istum ut adsequeretur creator rerum omnium corporarum, his vires quasdam & qualitates impressit, ad fines suos pertinentes. Sunt illæ generis duplicis, quedam nempe ita comparatæ, ut omnibus in universum corporibus; quedam autem, ut certæ tantum rerum creaturarum speciei infint. Prioræ communes, posteriores speciales appellari solent. Communes numerat Clariss. Autor extensionem, figurabilitatem, divisibilitatem, mobilitatem, quiescibilitatem. Hisque explicatis, ad speciales, id est, ad qualitates tactiles, odorabiles, gustabiles, audibiles, visibiles; tandemque etiam ad insensibiles, sive occultas, progreditur. Partem specialem iterum in duas dividit sectiones doctissimus Wucherus, quarum altera de cælo & corporibus illius, altera de terra ejusque corporibus agit. In sectione hac secunda primo quidem loco de quatuor elementis vulgaribus disserit. Etsi enim probe novit, multa in ista elementorum recensione Aristotelica reprehendi posse, nihilo tamen minus de iis agere constituit; quod partim hæc elementa receptissima sint, partim negari nequeat, quod in multis corporibus detur aer, ignis, aqua,*

Et terra. Aerem putat esse congeriem particularum elasticarum, fluidarum, spirabilem, & rararum, eundemque effluviis diversis esse refertum, gravem, & cum æthere permixtum. De terra ita agit, ut primo quidem geogoniam Cartesii proponat, deinde, hac rejecta, terræ rotunditatem, inæqualitatem, & inotum in æthere attingat. Mox ad aquam progreditur, ubi de ejus proprietatibus, itemque de acidulis, de thermis, de aquis medicatis & venenatis, de putredine, cui obnoxia est aqua, de origine fontium (*ad quam & aqua marina, per modum vaporum, ascensum, & aquarum pluviatilium, nivis, roris, nebularum, descensum, conferre aliquid arbitratur*) de falsedine & motu maris disputat. In explananda ignis ratione formali, non subsistendum censet in materia subtili & agitativissima, sed adjiciendas cum aliis autoribus particulas sulphureas, salinas, terreas; id quod ex phænomenorum consideratione patere dicit. Ab elementis transit ad meteora; eorumque denominatione & divisione exposita, primum de vaporibus & exhalationibus generatim spectatis, deinde de meteoris aëriis, aqueis, igneis, emphaticis, disquirat. De ascensu exhalationum hæc ejus est sententia: *Solem suo calore agitare particulas aqueas, terrefres, sulphureas, diversimode inter se implicatas & in terra quasi bosspitantes, easdemque a se invicem separare atque leviores reddere, ut massa aërea, sua ponderositate, evehere eas atque attollere in altum possit.* Sequuntur fossilia & metalla, deinde vegetabilia & plantæ, postremo animalia. Sub finem Clariss. Autor insignem suarum meditationum usum, in dicta litteratorum, exempli loco, ostendere conatur, allatis in eam rem regulis quibusdam atque monitis; tandemque brevi quadam applicatione ad Deum, sive ad causam primam, independentem, omnipotentem, benignum, sapientem, cultuque cum interno tum externo prosequendum, libellum suum finit. Præmisit etiam programma, quo exercitationes publice in Institutiones suas Philosophiæ naturalis habendas indicavit. In hoc programme questionem tractat curiosam, *an circumscriptio hominis, fulminis ictui vitando, sufficiat?* Optimum autem atque omnium tutissimum, adversus fulminis ictum, remedium hoc esse pronuntiat

pronuntiat: *Age, quæ ratio præcipit, nec metus, quæ fata expectanda jubent.* Atque hæc sufficere videntur, ut Lector intelligens statuere de usu ac valore novi hujus Compendii Physici possit.

NOVA LITERARIA.

Prodiit Venetiis titulus iste novi operis proxime prodituri: *Ludorum Scientia publico beneficio illustrata. Opus Iohannis Rizzetti, Eminentissimo Principi S. Rom. Eccl. Cardinali de Polignac &c. dicatum. Ven. ap. Aloysium Pavinum 1725, in 4:* accessit eidem titulo operis argumentum sequens: *Demonstratur in prima Parte, Fortunam in ludis jus non habere, quemadmodum a vulgo censetur; nam in illis, qui omnino fortuiti putantur, si Aleatores pari conditione colludunt, diu ludendo nil possunt inde sperare; ac si quis alterum prerogativa antecellit, diuturno ludendi exercitio certus est ille lucri, & iste damni. In illis autem qui fortuiti dicuntur ex parte, industria quoque in iisdem locum habente, quamvis Aleatores pari conditione decertent, diu decertantes afficiuntur lucro vel damno, prout majori vel minori sagacitate donantur. Quod autem curiosius est, in ludis fortuitis ars conjectandi eo perducitur, ut indubitato calculo determinetur, quid infallibiliter aleatores longa ludendi opera acquirere vel amittere possint. Et hæc omnia præcipue exhibentur in Corollaribus, quæ, ut facilius inventiantur, ab antecedenti Theoria litteris majusculis distinguuntur. In secunda Parte dirimitur Controversia cum Clariss. Daniela Bernoullio habita, in qua, subtilis erroribus, Methodus conjectandi perficitur, ut de singulis ludis in specie veram ac distinctam Ideam consequamur. Desiderandum esset, ut ista Ludorum Scientia omnibus nota foret; nam publico præjudicio detecto tanta ludendi libido reprimeretur non sine bonorum conservatione, & Scientiarum emolumento, quod scopus præcipuus operis est.*

Mediolani prodit jam Scriptorum rerum Italicarum Tomus in ordine septimus, sed numero octavus, quo Chronica maximam partem inedita, quæ ad sæc. XIII imprimis spectant,

stant, continentur. Nec diu desiderari patientur Cl. Editores Tomos quatuor sequentes, ex MSS. Codicibus sere omnes compositos, sperantque, se non modo fidem datam liberaturos sed & expectationem publicam superaturos. Imprimis vero gaudent, quod ad ea tempora pervenerint, in quibus major floruit Scriptorum copia, quos stylus etiam concinnior commendat.

Antverpia Io. Bapt. Sollarius, e Soc. Jesu, qui Autoribus Actorum Sanctorum solus nunc praest, Epistolam Kal. Sept. superioris anni dedit ad V. C. Io. Fridericum Schannat, typis etiam impressam, in qua graviter conqueritur, quod Vir Ill. J. P. Ludewig in Praefatione Reliquiis omnis ævi MSS. & diplom. praemissa novum sibi bellum sinxerit diplomaticum inter Benedictinos & Jesuitas, & hos omnes accusaverit, quod exemplo Germonii & Harduini omni vetustati bellum indixerint, & eo consilio describere cœperint Acta Sanctorum, ut in hoc argumento campum haberent omnia convellendi, exaggerandi literarias imposturas &c. Ostendit vero, hæc sibi Sociisque gratis imputari, cum nihil aliud egerit Papebrochius in *Propylæo*, quod ille pestilentissimum conatum, improbum & malefieriatum vocat, quam ut opera amici sui Mabillonii id consequeretur unice, ut regulæ demum aliquæ reperirentur, quo falsa diplomata a veris discerni possent; & ipsi Adversario fatendum fuerit, in Actis illis immanem asservari diplomatum & plenæ fidei documentorum apparatus.

Prodiit & ibidem superiori anno vergente *Petri Boschii* S. J. Tractatus historico-chronologicus de Patriarchis Antiochenis, in forma quarta, partim proximo Mense Majo, partim Supplem. T. IX Sect. II, quæ cum eodem Mense prodibit, a nobis recensendus. Eundem Autor ceu præliminarem Tomo IV de Actis Sanctorum Junii, eodem tempore, Autoribus J. B. Sollario, Jo. Pinto, Guil. Cupero & eodem Boschio, edito, præmisit, cujus Tomi Synopsis, ab Autoribus seorsim editam, Sectioni II Tomi IX Supplem. pariter inferemus.

No. V.
**ACTA
ERUDITORUM,**

*publicata Lipsiæ
Calendis Maji Anno M DCC XXVI.*

ARSACIDARUM IMPERIUM, SIVE RE-
gum Partborum Historia ad fidem Numismatum accom-
modata per JO. FOY VAILLANT, Bellov.

D.M. & Regis Antiquarium, ac Sereniss. Ce-
nomanensium Ducis Gaze Præfatum.

Tomus I.

Parisiis, sumptibus Caroli Moette, Bibliopolæ, 1725, 4.

Alph. 2 plag. 19.

Item

ACHÆMENIDARUM IMPERIUM, SIVE
Regum Ponti, Bosphori & Bithyniæ Historia ad fidem
Numismatum accommodata per Eundem.

Tomus II.

Ibidem, sumptibus Ejusdem, 1725, 4.

Alph. 2 plag. 11.

PArtem illam veteris Historiæ, quam ex scriptoribus Latinis Græcisque, maxime vero ex nummis digerendam atque illustrandam sibi sumsit Cl. Jo. Vaillantius, multis difficultatibus involutam esse, vulgo constat. Eas tamen omnes ita superavit eruditus Autor, ut conatibus ejus omnino favere, & singularem industriam laudare æquum sit. Periisset vero hoc, quicquid est, docti laboris, nisi Bibliopola Parisiensis Carolus Moette opportune incidisset in has Historias manu Cl. Vaillantii exaratas, easque suo ære a possessore redemisset: neque tam elegantes nunc legeremus, nisi Cl. Carolus Valesius,

B b

Ha-

Hadriani fil. Arfacidarum Historiam ad linam revocasset, & ab innumeris mendis repurgasset; alteram vero partem, nempe Achæmenidarum Historiam, alius Vir doctus emendasset. Horum itaque ope effectum est, ut puriori habitu opus hoc Vaillantii posthumum appareat: bibliopola autem operam dedit, ut pura satis charta, aptisque litterarum formis imprimeretur, insertis suo loco nummis necessariis. Singulatim enumerabimus omnia, quæ utroque Tomo continentur, postremo adjicientes, quæ jure meritoque in isto scripto lector desiderare posset. Et Tomo quidem *Primo* post Prælationem, cujus autor haud dubie est Cl. *Carolus Valesius*, primo loco legitur *Canon Chronologicus* Regum Parthorum, per annos ante & post Christum natum, Urbis Conditæ, Imperii Seleucidarum Syriæ Regum, Arfacidarum, & singulorum Regum Parthiæ, digestus. Sequuntur duo *stemmata* prioris & posterioris familiæ Arfacidarum, & *Index* Parthorum Regum, una cum *titulis* eorum. Mox incipiunt *Annales Arfacidarum*, quibus perpetua serie origo, progressus & interitus Regni Parthici enarratur. Excipit deinde primaria libri tractatio, nempe ipsi Arfacidæ XXIX, nummis omnes (si quinque excipias, quorum nummi ad nos non pervenerunt, nempe *Pbriapatium*, qui aliis *Pampacius* est, *Pbraatem I*, *Artabanum II*, *Pbraatacem* & *Orodem II*) illustrati. Ipsa numismata ex celeberrimis thesauris, Augustissimi Imperatoris, Regis Galliæ, Magni Ducis Etruriæ, aliorumque Principum aut eruditorum virorum desumpta sunt. Multa suppeditavit instructissimum ipsius Vaillantii museum; multa etiam collectio Celeberrimi *Andrea Morellii*, qui usibus suis multos nummos Parthicos delineaverat, ut meminit in *Specimine* suo; quam delineatam collectionem postea dono dedit Cl. Vaillantio. Ita factum, ut vulgati jam pridem, & nunc primum editi nummi hic conspicerentur. Nempe hunc commentandi servat modum. Primo loco ponitur figura Regis cujusque, nummi modulo augmentato, ut oris, barbæ, oculorumque habitus, item insignia melius pernoscantur. Sequitur deinde historia Regis, quæ, ubi opus aut commodum fuit, aliis etiam numismatibus confirmatur & declaratur. Concludit denique vitam cujusque Regis, producendo ut plurimum eun-

eundem nummum, unde effigies Regis desumpta erat, vera forma veroque modulo & averſa ſimul parte expreſſa: additis rationibus, quibus inductus ſit, ut illi Regi adſcriberet. Sit pro exemplo *Aſaces XXIII ſive Vologeſes I*, quem vide pag. 249 ex nummo argenteo tetradrachmali collectionis Morellianæ majore forma delineatum. Multis deinde res geſtæ hujus Regis ex Tacito maxime & Dione Caſſio enumerantur: & cum pag. 279 pacis, quam Corbulo cum Vologeſe ſanxerat, quaque Romani Armeniam recuperabant, mentio incidiffet, produxit Cl. Vaillantius p. 280 nummum argenteum ab Nerone in ejus rei memoriam cuſum, quem jam dudum Patinus ad Suetonii Neronem produxit. Denique pag. 293 vides ipſum nummum, cum averſa parte & integra inſcriptione, ex quo facies hujus Vologeſis deſumpta erat; quem uſque ad pag. 295 breviter explicat Regique ſuo vindicat. Hoc fere modo omnium Regum vitam reſque geſtas exſequitur & illuſtrat. Cui tractationi pag. 389 ſuperaddidit *Appendicem de Perſarum Regum* poſt Artabanum *Nummis*, & pag. 398 *Elenchum Regum Armenia majoris*. Finem huic Tomo imponunt tres Indices, Autorum nempe, Nominum rerumque, atque Geographicus.

Tomus II, ſive Hiſtoria Achæmenidarum paullo negligentius eſt habitæ ab eo, cui emaculandi provinciam obtulit Bibliopola. Habetur tamen & illic *Canon Chronologicus*, ſed deſiderantur *Annales*, deſideratur etiam notatio cujuſque anni, quæ in Hiſtoria Aſſacidarum margini eſt adjecta. In reliquis eodem modo, quem ſupra indicavimus, proceditur. Recenſentur autem primo *Reges Ponti* ab Artabaze uſque ad Mithridatem, notiſſimum illum Romanorum hoſtem. In qua recenſione ſolius Mithridatis hiſtoria centum & viginti tres paginas occupavit: quod, cum ea ſit notiſſima & in probatis ſcriptoribus ſatis obvia, vix fuerat neceſſarium. Et tamen ex iis ſcriptoribus, qui obiter Mithridatis mentionem faciunt, vix unam alteramve obſervationem allatam videbis. Sequitur pag. 187 *Regum Boſpori* Hiſtoria a Pharnace & *Aſandro* uſque ad *Rheſcyporin III*. Siquidem ad eum cenſum poſt Polemonem II etiam Mithridatem VIII, Cotypin, Ininthimæum, Rheſcyporin I (quod nomen apud alios

scriptores vitiose vulgo circumfertur, quod & illustr. Spanhemius olim observavit) Rhemetalcen, Cotym II, Rhescyporin II, III, & varios Anonymos retulit. Pag. 295 incipit Historia *Ragum Bithynia* inde a Dydalso primo rege usque ad Nicomedem III; quæ pars paucioribus nummis est ornata. Pag. 357 describitur status Bithyniæ, cum esset Romanorum provincia, & quomodo tunc temporis Nicomedienses, Nicæenses, Prusæi aliique Romanos Imperatores nummis suis decorarint, docetur. Quibus pag. 402 subjunguntur *Bithynia urbes clare*, quarumque memoria nummis conservata est. Tandem & hic Tomus finitur tribus Indicibus, quales ex Tomo I supra memoravimus. Multum igitur debet res litteraria Cl. Vaillantio, quod obscuriores illos Reges aliqua luce perfuderit: maxime, quod bene multos Parthicos nummos collegerit, eosque simul exposuerit luci, qui antea dispersim quærendi, & tamen rariores inventu erant. Dolendum vero, quod ipse Cl. Autor ultimam manum operi imponere nequiverit, cum is forte multa melius constituisset, & infirmiora quæ nunc videntur, pluribus argumentis adstruxisset. Videmus enim, passim non ea, qua decet, religione consulto esse scriptores potissimum Græcos: & jam Cl. Valesius aliquot hujus generis errores detexit ac emendavit. Videmus etiam, nummos quosdam suis Regibus ex levissimis indiciis assignatos, e. g. ex habitu barbæ, nasi, oculorum: cum tamen nullus scriptorum prodiderit, quem nasum, quam barbam habuerit Polemo, Phraates, alii; ut merito Cl. Vaillantius aut quo indicio ista conpererit, aut alias rationes addere debuisset. Reliqua tamen probe satis confirmat, & nullibi eo vecordiz procedit, quo cum indignatione orbis eruditi processit famosus quidam ejus popularis. Ceterum cum jam pridem Historiam Parthorum per nummos desideraverint eruditi, non est nobis hoc loco dissimulandum, similem apud nos Historiam parasse quondam Virum vel de his ipsis Actis immortaliter meritum, *Cbristianum Wagnerrum*, Lipsiensem, qui tamen immatura morte A. 1693 die 26 Jul. præreptus, non sine maxima Litterati Orbis jactura, opus affectum, quod hodieque in Bibliotheca nostra Senatoria thesauri instar aservatur, relinquere coactus est.

TRA-

TRACTATUS HISTORICO-CHRONOLOGICUS
de Patriarchis Antiochenis tam Græcis quam Latinis,
imo & Jacobitis, usque ad sedem a Saracenis eversam;
Auctore PETRO BOSCHIO, Societatis Jesu
Theologo.

Antwerpiz, apud Jacobum du Moulin, 1725, 4.

Alph. 3 plag. 9.

Mirantur multi, qui fuerit factum, ut, quum Ecclesiæ regimen inter tot Patriarchas fuerit divisum, soli tamen Romano Præfuli id contigerit, ut eorumdem veluti Princeps haberetur. Huic enim soli contigit, ut, quum reliquorum gloria quasi emarcesceret, hic celebraretur, & quicquid faceret diceretque, Oraculi instar observaretur. Neminem certe inter Græcos scimus, qui conjunctim vel Alexandrinos, vel Antiochenos, vel Hierosolymitanos, vel Constantinopolitanos Præfules descripserit, manifestæ fraudi obnoxiiis, qui in Byzantinis sub larvato nomine illud factitarunt. Tanta fuit segnitie, ut vix nomina sola, eaque anxie requisita, supersint. Quum ex adverso eorum qui Romanorum vitas dedere, tot surgant, ut magnam ex iis solis Bibliothecam constituere queas. Quod nisi occulto cuidam facto adscribere velis, certe vel divinæ illud tribuendum curæ, vel insigni Pontificum artificio, illique tantum valido, ut omnes mortalium calamos sibi suas laudes provocarent. Quid igitur mirum, si Antiocheni Præfules iis tenebris hætenus fuerint connecti, quæ a Romanis pulsæ reliquis ad usque nostra tempora incubuerunt. Hæc vero tandem ætas gratam erga majores sobolem protulit, quæ nominis & memoriz & meritorum studiosa fummos remoti orbis Præfules & Patriarchas in ordinem collegit, & quicquid sparsum cernebatur, in uno veluti theatro conspiciendum dedit. Constantinopolitanorum facta præter catalogos Bandurianos & Fabricianos apud Georgium Cyprium Hilarianis notis illustratum habemus, ut taceamus, quæ sacrorum annalium Conditores, quasi ex beneficio in ipsos contulerunt. Præfulum Hierosolymitanorum seriem eruditissime Antverpienses, & sua & Pauli Theodorici opera exhibuerunt. Alexandrinos Eu-

sebius Renaudotius & Jo. Bapt. Solerius Act. Sanct. T. V Junii, nobili beneficio dederunt. Antiochenium nomina, quæ magnam partem hæcenus latuerunt, nunc tandem Cl. Josephus Simonius Assemanus in splendida Bibliotheca Orientali Romæ 1719 & seq. edita, & hic Noster, additis etiam gestis & accurata Chronologia conspicua, sistunt. Non negamus, eorum quædam monumenta sparsim esse exhibita a scriptoribus Byzantinis aliisque Hist. Eccl. scriptoribus, qui tamen ferme circa Seculum VII subsisterunt, quos apud Sam. Basnagium videas. Ipse Cl. Boschius aliquoties Blasium Terzum, Syriæ S. editorem, citat, licet minus accuratum, censuris suis sæpius obnoxium, attamen opitulatorem, cujus, sicut & Assemani Bibliotheca sæpissime usus fuerit. Dedicavit hunc Tractatum Illustriss. Ypresium Episcopo, Dn. Jo. Bapt. de Smet, seque illud non tam ex more facere proficitur, quam ex Præsulis merito, quo omnis eruditionis promptuarium existimari queat. In alloquio agnoscit, Tractatum hunc odiosum esse ac tetricum, quod propter difficultates Chronologicas dictum censens, quum alias nil magis gratum nilque magis utile quam tale scripturæ genus censeret. Et sane jucundius illud, atque expeditius Lectori futurum erat, nisi is, qui Boschio præerat, jubendique facultatem habebat, ab historia abstinere, solisque temporum notis extricandis ipsum insudare jussisset. Quæ licet ipse sponte fuerit professus, non tamen adeo aridum illud monumentum, quo minus perito Lectori magnam delectationem asferre queat. §. II. Progressus igitur ad ipsum Antiochenæ Ecclesiæ fundamentum, illud quidem in Apostolo Petro constituit, ex constanti veterum traditione, quam quum aliquantulum modo movere visus fuerit Tillemontius, acriter ipsum aggressus, ait, imprudentissimæ temeritatis notam Ecclesiæ inuri, si falsa asseruisse arguatur, modo assertionem Tillemontianam Catholico Viro indignam, hæreticisque patrocinantem statuit, pauloque post Batavum quandam, Tillemontio suffragantem, multo atrocius vexat, atque hæreticum turpissime cœcutientem, ideoque Romæ obrectatorem sacrilegum & ineptum vocat. Inde progressus, sedem Antiochenam a Petro A. Christi XXXIII constitutam putat, præeun-

tesque

tesque Henschenium & Janningium sequens, VII annos feditse ex communi Catalogorum consensu tradit, quibus finitis sedem Romanam erexerit, quod ex Eusebio, Gregorio, Adriano II, Nicolaoque Archimandrita se probaturum putat. Inde vero etiam difficultates Apollonianas de mora Apostolorum Hierosolymitana duodecennali, quæ septennalem Antiochiæ sedem restrictura erat, facile solvit, quod non necessarium existimet, illam integro duodecennio concludi. Nempe ita sibi indulgent in Chronologia Præsum, ut annos integros & Iustra deglutiant, absorbentque, modo Petrus ubique regnet, quemadmodum Hispani in suo Jacobo faciunt, cujus gratia omnes rationes Chronologicæ subvertunt. De gestis Petri Antiochenis nihil ob causam jam memoratam tradit, Basilium Seleuciensem adiri cupit, tum Theodoricum Pauli, Vice-Decanum Gorcomensem, Chronici universalis, sed nondum editi, Autorem; quos tamen veri aliquid allaturos, quomodo speres, quum non Entis nulla sint Accidentia. Hinc Evodium sinit, cujus Acta etiam ex Menæis & Martyrologiis deprompta jejuna censet ideo, quod non definiant, Ignatius, an vero Evodius Petro successerit. Boschiùs Evodium tenet, Eusebio duce, ipsoque Ignatio in epistola, quam tamen melior pars falsam spuriamque censet, tuentibus illam nihilominus Hagiographis T. I Febr. ad Acta Ignatii p. 42. Inde conciliationem Baronianam, quasi simul Evodius a Petro, Ignatius autem a Paulo creati sint, eamque gratam Halloixio, respuit, sicut & alteram Henschenio excogitatam, quod Evodius ordinatus, Ignatius tantum designatus fuerit, quem tamen Hieronymus expresse ordinatum statuit, quod per το κατισταται in Græco expressum erat. Ita juxta Boschiùm successit Evodius A. Christi XL VI. Maji, sedit annos XXVII, obiit martyr sub Nerone. Succedit Ignatius cognomento proprio Theophorus, non ob laudem dato, gente Syrus, A. LXVIII. Ætas incerta, dubique plena, quæ de pueritia illius simplicitateque Servatori grata Nicephorus protulit, quum alii id ignorent. Vix sine temeritate anni XLIII illi assignantur; sedit ad A. CVII, quo die XX Dec. Romam martyr abiit. Sequitur S. Heros, Ignatii discipulus, cui succedit A. CVIII. Sedit usque ad A. CXXIX, XVII Octobr.

scle

teste Catalogo Græco Harlemiano MSto, quo Papebröchius feliciter usus est. Excipit ipsum Cornelius A. CXXIX, quem Blasius Terzi di Laurea in Syria S. ut operibus exemplisque raræ virtutis inclytum laudat, Boschio ad hæc incredulo, nec alicubi id a se lectum professio. Eadem de Erote, ignobili & a Theodorico Pauli sine teste laudato, dixit, nisi virtus illius inter perfectionum ruinas lateat. Sedit ille ab A. CXLII usque LXIX spatio longo, quo adversus Marcionitas & Tatianitas multa fortiter facere poterat. Hinc Theophilus, Vir sine dubio magnus, profanis hæreticisque metuendus. Ille sibi, more tum inter Præfules persecutionis tempore recepto, Maximinum successorem legit, quanquam dubitet Tillemont. Defunctus Episcopatu & vita, succedente Maximino usque ad an. CLXXXIX. Hic acerbè invehitur Boschius in Theodoricum Pauli, qui hunc Præfulem doctum, Catholicum & Thaumaturgum constituit, quum harum virtutum memoria apud veteres non extet. Nos licet de Theodorico concedamus, quod quædam confinxerit: putamus tamen, Maximinum defendi posse, siquidem scripserit de Quæstione tum inter Christianos agitata: *πόθεν ἡ κακία*; tum de altera: *περὶ τοῦ γεννητῆν εἶναι πῆν ὕλην*. Etiam si enim alicubi Maximo hæc adscribantur, attamen sub eo nonnisi Maximinus latet, quum præclivis sit ad syllabæ unius incrementum discessus. Ceterum hunc Maximum laudavit Eusebius, interque τῶς παλαιῆς retulit, quorum ipse monumenta legerit: *πλεῖστα σώζεται ἀνδρῶν παλαιῶν ἐκκλησιαστικῶν ἐναρέτεσιν σπουδῆς ὑπομνήματα, ὧν γε μὴν αὐτῇ διέγνωμεν, ἢ τὰ Μαξιμῶς &c.* Quibus quidem verbis nonnisi Maximinum hunc Antiochensem intellexit, cui Præfulis nomen non addidit, quia ipse non ut Præsul, sed Philosophus scripsit. Multa ex ejus libris depromsit Origenes, teste Westlenio in Præf. ad Dial. Origenis. Aliter censente Huetio, cujus opinio cadet, si nostra suscipiatur. Hunc excipit Serapion A. CLXXXIX. Trithemius Anachoretam fuisse statuit, negat Boschius, quum ex Ἀσκητῶ λογῶν Anachoretam sibi fingere nonnisi delirum capitis somnium esse queat. Benigne tamen accipiet Boschius, si Serapionis patria a nobis queat designari. Hanc notat Ælius Lampridius in Alexandro Severo, nempe urbem Ar-
cepsam

cenam in Phœnicia, quæ Græcis *ἄρη* & Arca Cæsarea. Hic ante sacerdotium Rhetorem egit, unde & Eusebius *ἀσκητὴν λόγον* dixit. Inde Alexandri Severi teneram juventutem rexit, Matris Mammeæ consilio, unde & Christiani moris amor in pectus illius influxit. Consentit temporum ratio, licet ea Halloixius, Boschius oculatissimus Scrutator, non viderit, quod huic Argo condonandum. Post Serapionem Asclepiades A. CCXI, sive, ut Boschius, A. CCXVII, quem Martyrem aliqui dicunt, licet non consummatum. De ejus exaltatione summo opere gavisus Alexander Hierosolymitanus, gaudium litteris communionem testantibus expressit, apud Euseb. L. VI C. VI. Post hunc Philetus ab A. CCXVII usque CCXXVIII, non ad CCXXIX, quod Pagius voluit: excipiente ipsum Zebenno usque ad A. CCXXXVII, cuius nomen varie detortum fuit. Erat enim Syris familiare, nec Regibus spretum, docente Vaillantio de Regibus Syriæ p. 316 A. 334. Mox Babylas ab A. CCXXXVII usque CCL. Qua occasione *πάρεργον* de Actis Babylæ insertum legas, quo Tillamontius potissimum petitur, quippe in quo fictionem *κρίσις* sua parum dignamprehendit, compuncto simul Chrysostomo, cui copiosam Rhetoricam, sed pondere vacuam, tribuit. Huic *παράργον* alterum jungitur, an duo fuerint Babylæ, disquirens, opinionemque Doctorum ita sentientium destruens. Sequitur Fabius, A. Chr. CCL usque CCLII, in Novatianismum propensus, teste Eusebio L. VI C. XLIV, sed ad correctionem pronus. Epistolæ Cornelianæ ad ipsum pars apud Eusebium, Syncellum, Labbeum, & nuperum epistolarum Pontificiarum Editorem Constantium reperitur. Successit *Demetrianus* ab A. CCLII usque ad LX, qui antecessorem zelo superans acrem se Novatianis exhibuit, fervidus religionis defensor, sique Theodorico Pauli & Blasio Terzo credendum L. I Syriæ C. XXXIII, etiam Martyr. Martyrium illi adscriptum solidis rationibus Boschius destruit. Poterant tamen in illam opinionem deduci recordatione cladis, quæ illo sedente per Regem Persarum urbi illata, deletis innumeris civibus, teste Anniano Marcellino L. XXIII C. V, quibus ipsum interfuisse Episcopum putarunt. Post eum *Paulus Samosatenus*, infamis ille gloriæ Servatori debite

p. 108.

defraudator, incessit A. CCLX mense Majo. Is humili loco natus ingenium superbum habuit, gloriæque cupidum, nec a delitiis vanis sœdisque alienum, qui corrigentes sese Præfules integrasque Synodos spernens, contumax A. CCLXX ἀποκρίτεται, ut sicut pœnæ Boschius hanc vocem interpretatus est. Quo loco Eusebii error, Synodum sub Aureliano collocantis, refellitur, quippe qui in temporum rationibus ineundis parum se accuratum exhibuit. Etiam si vero Episcopatu Paulus non cederet, attamen succedere iussus est Domnus in confinio anni CCLXIX & CCLXX, seditque usque ad CCLXXIII, ἅπασιν τοῖς πρέπουσιν Ἐπισκόποι καλῶς κεκοσμημένους, Eusebius L. VII C. 30. Reliquit sedem Timæo A. CCLXXIII usque CCLXXX, ut adeo temere a nonnullis expungatur. Ait Boschius, nil aliud de Timæo notatum esse a scriptoribus, quod gratis dicitur. Multa enim dicta sunt de virtutibus illius, deque turbis a Luciano, Pauli assecla fuscitatis, quæ per trium Episcoporum successiorem durarunt. Timæo insistit Cyrillus A. CCLXXX usque CCC, Vir communi omnium laude mactatus, Martyrium non liquet, cuius locum vexationes Lucianæ implent; attamen S. Præsul opposuit Dorotheum felici nisu, quum, ut cuneus cuneum trudit, sic ejus virtute & doctrina Lucianus ad meliora compulsus dicitur, de quo v. Acta Sanctorum T. I. Defuncto successit Tyrannus A. Chr. CCC usque CCCXIII, quo intervallo persecutiones Diocletianæ servebant, multum evagante Hieronymo, qui circa annum CCCXXXIIX ipsum collocavit. Magnus tum Martyrum numerus ex Martyrologiis sistitur, quibus tamen ille non interfuit, nisi vel fugam vel occultationem ejus Martyrii laude cohonestes, aut graviora Martyrio perpeßum dicas, dum gregem lacerari vidit. Ferat æquo animo Cl. Boschius, si divinemus, ipsum inter carbonarios forte Sipyli montis latuisse, quod magnos tum fecisse Viros, exemplum Alexandri Episcopi Comageni prodit. V. Acta Sanct. d. XVI Mart. p. 420. Quo videtur respexisse Libanius Oratione ad Julianum, qua Christianis illudens dixit, se repulsam patiendo ad carbonarios abiturum. Extrema Tyranni pacem A. CCCXIII datam viderunt. Eo defuncto sedem vacuum implet Vitalis A. CCCXIII

ut.

usque CCCXVIII, quod omnes censent. Conciliis Ancyrano & Neo-Cæsarensi interfuit inter A. CCCXIV & CCCXVIII celebratis, nobile nomen fecit Ecclesiarum in lauratione, quæ persecutionum tempore ad incitas redactæ fuerant, nec tamen opus est, ut has Ecclesias cum Henrico Valesio in Basilicas commutemus, quod ipse *μεγαλοκήμων* ubicunque Ecclesiæ vocabulum reperit, subiecit. Bonum habuit Successorem in Philogenio, causarum Patrono, & uxorato, quod ab Eutychio Alexandrino negatum p. 450. Boschius non advertit. Arius ipsum *ἀκατάχρηστον* habuit, sed absit, ut hæretico ad stipulemur, laudemque doctrinæ dubiam faciamus, quam Boschius ex Chrysostomi testimonio tantopere stabilivit. Hunc excipit Paulinus aliquis, sed nube veluti quadam involutus, quum, quod Pagius ante Boschium monuit, uno tempore tres fuerint, unus, qui Synodo Sardicensi depositus, alter Tyri Episcopus, & tertius Eustathianus, id quod miram utique difficultatem Valesio, Hanckio, Montacutio, peperit, ipsique Boschio, qui tres Paulinos Antiochiæ præfuisse dicit, notato Theodoretō, cui, unum modo Paulinum memoranti, crimen falsi impingit, quasi Paulini nomen e diptychis Antiochenis erasisset, quod tamen ipsi necessarium non erat, quum Paulinus in Synodo Sardicensi depositus, ad Antiochiam plane non spectet, sed Dacus fuerit, ut ex fragmentis Hilarianis constat. Quibus a Boschio non consideratis, aut fragmento immutato, hunc tanquam primum collocat, eumque ab Arrianis falso calumniis profcissum ait, sedisse autem ab A. Chr. CCCXXIII usque ad XXIV. Inde *πάρεργον* subnequit, de Romano, eumque sibi eundem videri censeret ac Paulinum, ideoque binominem fuisse, ac suffragari sibi Godofredum, notis in Philostorgium & Pagium; ubi tamen forte rectius facturus erat, si illi Paulino Daco Romani cognomen tribuat. Rogaremus hoc loco Boschium, ut seposito paulisper suo in hæreticos odio consideraret, Olai Wormii, eruditi Viri & deinceps in Regia Danorum Episcopi, opinionem in historia Sabellianismi expositam, fortiterque stabilitam, Paulinum Tyrium nunquam Episcopum Antiochenum esse factum, quippe cui Eusebius ipsius Concilii Nicæni tempore libros Hi-

storiz Ecclesiasticæ, ut Tyriorum Præfuli, dedicavit, aliter locuturus, si in Antiochena cathedra ipsum conspexisset. Atque id ipsum post mortem Paulini confirmasse videtur lib. adv. Marcellum II p. 19, ubi quidem ait ipsum fuisse *τιμωθέντα τῆς Ἀντιοχείων ἐκκλησίας*: veruntamen *πρεσβείῳ τε διαπρεπῶς τοῖς Τυρίων ἐπισκοπήσαντα*, ἔγω δὲ ἐν τῇ ἐπισκοπῇ διαλάμψαντα, ὡς τὴν Ἀντιοχείαν Ἐκκλησίαν ὡς οἰκίαν ἀγαθὴ μεταποιηθῆναι αὐτῇ, quæ verba Zenobius Acciajolus male vertit: Paulinum PRIUS dignitati Tyri Ecclesiæ præfuisse, quum tamen illud PRIUS in textu non extet. Unde Eusebii verba sic interpretanda: Paulinum in Ecclesia Antiochena maxime honoratum extitisse, vel ad regimen quoque illius expetitur, sicut ipsi Eugenio contigit: attamen ipsum actu Ecclesiam Tyriorum Episcopaliter rexisse, Ecclesiam vero Antiochenam, licet ibi non sederet, tanquam peculium proprium dilexisse. Inde ad Eustathium descendit, eumque ad A. CCCXXV refert, aq̃ue Concilio Nicæno electum solenni suffragio dixit, secus censente Theodoretō, cui plus credendum, quippe in sinu Ecclesiæ Antiochenæ innutrito. Sede pulsus, vivente adhuc Constantino A. CCCXXXI epistola Athanasii ad Solitarios commonstrat. Post commemoratas Eustathii laudes parergon de S. Agroetio inserit, validisque rationibus ostendit, eum ineptissime Antiochena mitra exornari, diploma Sylvestri turpiter consingi, atque ne hoc quidem dici posse, quod tantum fuerit designatus. Eustathio Paulinum II subdit, eumque Arrianis impense faventem, & tamen fatetur, altum de eo silentium apud hos, qui seriem Præfulum Antiochenis ediderunt. Neque tamen se adeo moveri ait propter Eusebium, Philostorgium, Suidam, quorum examinare sententiam longum fuerit. Sedisse ait eum sex menses ab anno CCCXXX non adulto; huic suffectum esse Eulalium A. CCCXXXI usque CCCXXXII, cujus unicum pene factum refert, quod Actium urbe pepulerit. Sequitur parergon de Eusebio, Antiochenum Præfulatum spernente, hacque modestia tumultus jam concitatos feliciter compescente. Quo absoluto Euphronium exhibet ab A. CCCXXXII usque ad XXXIII Ecclesiam gubernantem; mox Flacillum, qui ad A. CCCXLV habenas

benas sacras gessit, magno pretio habitus, Synodique Tyriz Præses, etſi Eusebio Nicomediensi & Cæsariensi hunc honorem Epiphanius & Athanasius tribuant. Ejus multa inique gesta Theodoretus exposuit H. E. Lib. II Cap. XIX. Illum excepit Stephanus I A. CCCXLV, præſeditque Synodo Sardicensi A. CCCXLVII, a qua excommunicatus A. CCCXLIIX, ob meretriculam Euphradz Episcopo suppositam, facinore tanto homini maxime dedecoro. Illius successor Leontius, mentula Castor, lupus animo, Athanasio infestus, defunctus sub finem anni CCCLVII, ordinato in illius vicem Eudoxio, Germaniciz primum Episcopo, & Arrianisimum dudum professio, Constantii amico, cujus dum gratia ad scelus abutitur, exilio mulctatur, atque inde deponitur, non sine suo commodo, quum Constantinopoli Episcopatum postea adipisceretur A. LIX, LX. Cui licet surrogaretur Annianus, Ecclesiam tamen Antiochenam non vidit, quo felicior Meletius per Synodum A. CCCLXI electus, nec tamen diuturnus, quum post mensem pulsus iterumque repetitus, ac de novo proſtigatus rursusque restitutus, tandem post celebratum Antiochenſe Concilium Constantinopoli expiraret. Meletii relegati locum occupat Euzojus A. CCCLXI, Arii familiaris, autor formulæ fidei Arrianorum secundæ: carus Constantio, Aetii fautor, (cujus asseclæ, connivente Euzojo, Episcopum accipiunt Theophilum) Juliano invisus, colaphisque affectus, Valenti Imperatori acceptior, cujus ope Alexandriz Patriarcham Arrianum constituit. Eo sedente partes Eustathianæ ex machinationibus Luciferi Calaritani Paulinum Episcopum accipiunt, hominem turbulentum, hujus nominis tertium, qui & Arrianis & Meletianis æque infensus erat, quasi vero hominum, non salutis aut Christi causa in religionis negotio ageretur. Acerbum sese præstitit, omnesque concordiz ineundæ rationes sprevit, donec sensim partes contentionum pertæſæ, flaccescentesque a mutuis odiis aliquid remitterent, idque eo usque, quoad Paulinus occumberet, A. CCCLXXXIIX. Eodem intervallo Apollinaristæ Episcopum habuere Vitalem, de quo Epiphanius & Tillemon-tius T. IX, qui tamen Patriarchæ nomen nunquam obtinuit. Ita sequitur Euzojum Theodorus Heracleensis Thrax, qui omni-

bus Antiochenſium Eccleſiis præfuit, exceptis duntaxat una Paulini Eufthathiani & altera Meletianorum, quæ Palæa dicebatur. A. CCCLXXXI, teſte Theodoro, in Thraciam abire juſſus, quem excipit Flavianus in Synodo Antiochena adulto anno CCCLXXXI, conſecratus a Diodoro Tarſenſi, & Acacio Berrhoenſi menſe Auguſto, confirmatus in Synodo Conſtantinopolitana A. CCCXCII, ſolis Meletianis præfuit uſque ad pacem factam cum Eufthathianis A. CCCXCII. Obiit A. CCCXCIV. Paulino in ſuis partibus ſucceſſit Eungrius A. CCCLXXXII, & obiit A. CCCXCII, nemine ſuccedente, Vir probus ac Hieronymo unice carus. Sed hæc hæcenus; quæ plura de ſequentium ſæculorum Patriarchis recensenda ſuperſunt, Supplem. T. IX. Sectioni II, quæ ſub prelo eſt, inferemus.

IMPERATORUM IMPERIIQUE PRINCIPUM ac Procerum totiusque Nationis Germanicæ Gravamina adverſus Sedem Romanam totumque Eccleſiaſticum Ordinem, inde a translata ad Germanos Imperatoris dignitate uſque ad tempora Caroli V adornata, neceſſariis illuſtrata Observationibus a JACOBO FRIDERICO GEORGII.

Francofurti & Lipſiæ, 1725, 4.

Alph. 3 plag. 9.

OPus eximium & lectu oppido dignum Cl. *Georgii* exhibemus, qui cum quendam ejus prodromum A. 1719 Jenæ ſub præſidio Viri de Eccleſia & Rep. Litteraria immortaliter meriti, *Jo. Franc. Buddei*, Eruditorum examini ſubjeciſſet, ex eo tempore juſtum Commentarium concinnavit, quo non modo Gravamina omnia inde a Carolo M. ad Carolum V (ſeu potius iſum Ferdinandum I) contra Papam & univerſum ordinem Eccleſiaſticum publice propoſita ex optimæ fidei ſcriptoribus (quorum fere ducenti in fine numerantur) prodaxit, notisque admodum appoſitis illuſtravit, verum & litium, quæ Imperatoribus cum Pontificibus interceſſere, luculentam ſimul hiftoriam expoſuit. Nos pau-

pauca a Cl. Autore bene monita pro more nostro hinc inde delibabimus. Religionem Lutheranam ad pacem Reip. & felicitatem procurandam multo aptiorem esse Catholica, contra Palavicinum evincit. Ab Henrico IV Imp. graviter erratum observat, quod de perfidia Saxonum conquestus fuerit apud Pontificem, qui exinde iudicis sibi inter Imperatorem & subditos partes sumpserit. Cumque huic injunctum esset a Cæsare, ut se ipsum abdicaret, neutiquam id probat indicio esse, quasi Pontifex a nemine judicari posset, verum id factum esse ex more Romanorum, quo receptum, ut quibus Imperium certa de causa abrogandum esset, hi dignitati & existimationi suæ consulentes, per se & quasi sua sponte magistratum deponerent. De Paschali II notat, quod primus, omisso in publicis documentis anno Imperatoris, sui tantum regiminis annum apposuerit, eoque & hanc subjectionis notam deleverit. Innocentium IV Bulla illa, qua Fridericum absque ulla fere ratione in Concilio Lugdensi excommunicavit, ab ipso Harduino Concil. Tomo VII p. 381 publicata, proprium jugulum petiisse docet. Nam cum ille inter alia diserte scribat: *quod si Ecclesia cum in aliquo laeserat (quod non credebat) parata erat corrigere, ac in statum debitum reformare. Et si diceret ipse, quod in nullo contra justitiam laeserat Ecclesiam, vel quod nos eum contra justitiam laessemus: parati eramus vocare Reges, Praelatos & Principes, tam eccles. quam seculares ad aliquem tutum locum, ubi per se vel per solennes Nuntios convenirent; eratque parata Ecclesia de consilio Concilii sibi satisfacere, si eum laesisset in aliquo, ac revocare sententiam, si quam contra ipsum injuste tulisset &c.* ipsum fateri patet, 1 Ecclesiam ipsumque Pontificem aliquem contra justitiam lædere adeoque errare posse; 2 a jure Conciliorum non excludendos esse Principes seculares; 3 Concilio subesse Pontificem, ejusque nutu revocare debere injustas a se latas sententias. Cum e Ludovici IV Imp. gravaminibus notat, quod inter alia accusaverit Pontificem, quod pedes sibi osculari more Diocletiani & Alexandri, crudelissimorum tyrannorum, permittat, de ritu hoc hodiernum solenni quem primus admiisse creditur Valentinus Pontifex, non proletaria refert. Calixtum III observat in Epistola ad Fride-

p.12-19.

29.

38.

80.

145.

170.

250.

258. Fridericum III expressis verbis fateri; *possumus & nos ut homines aliquando labi atque errare, in his maxime, qua facti sunt.*
- 297-327. Aeneam Sylvium notat decreta Basileensis Concilii antea contra Pontifices tuentem, mox cum Pontifex factus esset, annatas, ab illo damnatas, exegisse a Diethero Archi-Ep. Moguntino, cui, cum pallium 20650 aureis Rhenensibus redimere nollet, adversarium excitavit Adolphum Nassovium. De sanctione Gallorum pragmatica docte quoque & accurate agit Autor. Imprimis vero prolixè de gravaminibus Noribergæ post Reformationem motis commentatur, ubi inter alia legi merentur, quæ de Festis diebus paulatim in Ecclesia multiplicatis accurate collegit. Quibus denique appendicis loco tum gravamina a Georgio Saxonix Duce in Comitibus Wormatiensibus A. 1521 proposita, tum articuli, secundum quos Ferdinandus I Imp. reformationem institui desiderabat, subnectuntur.
- 430 sq. 1

COMMENTARII PRO HISTORIA ALBERTI II Ducis Austriæ, cognomento Sapientis, scripti ab ANTONIO STEYERER, Societatis Jesu Sacerdote.

Lipsiæ, apud Th. Fritschium, 1725, fol.

Alph. 4 plag. 4 æn.

Fidem suam librasse videntur Scriptores, qui ea, quæ Titulus spondet, in ipso opere reapse præstant, efficiuntque sua industria, ut, quod JCtorum filiis familiare verbum est, rubro cum nigro apte conveniat; ex quo facile colligere est, Autores, qui non admodum prolixè in fronte promittentes, ipsa scriptura, & ea, qua sunt polliciti, & longe plura & ampliora exhibent, non modo singularis modestiæ laudem ferre, sed & præter id, in quo fecerunt officium, liberales in reliquo & in libros suos munificos dici posse. Hoc elogio mactandus est Rev. Steyererus, Societat. Jesu Sacerdos, cui librum res Anstriacas mirifice illustrantem *Commentarios pro Historia Alberti II* inscribere placuit; quos qui putabit illius Ducis sapientiæ fama inclinati res gestas unice explicare, nã ille perfectio capite I, quod Albertum

tum

tum II exponit, jucundissime falsus erit; offendet enim c. 2 res Joannæ, Comitis Ferretarum, uxoris Alberti II c. 3 res Rudolphi IV Fundatoris, Ducis Austriaci, quem filium genuere Albertus & Joanna; c. 4 res Catharinæ, quam Carolo IV tunc Moraviæ Marchione, postea Augusto & Bohemorum Rege, & Margaretha Valesia prognatam, Rudolphus Fundator sibi matrimonio junxit; c. 5 res Friderici V Alberti II Filii natu secundi, in ipsa adolescentia fatis functi; c. 6 & 7 res Filiarum Alberti II, Catharinæ & Margaritæ, quarum illa ante annum 1363 principem exuta, in D. Claræ cœnobio intra muros Viennenses sacrum velamen induit, hæc primum Mainhardo, Ludovici Bojariæ Ducis, & Margaritæ Maultaschiæ Tyrolensis Comitis, Filio, postea vero, Mainhardo anno 1363 defuncto, Joanni Henrico, Moravici limitis Præfecto, Joannis Lucemburgici, Bohemiæ Regis filio, Caroli IV Augusti fratri, nupsit; offendet, inquit, horum Principum omnium res, brevi narratione expositas, sed ita ubique chartarum historiarumque veterum, maximam partem ineditarum, autoritatibus in Additionibus munitas firmatasque, ut nihil desiderari diligentiz possit. Ut autem constet Tituli, qui nonnullis forte præter modum angustus videbitur, ratio, sciendum est, Reverendo Auctori olim placuisse, omnem Historiam Austriacam, qua ampliori luce egere videtur, id est, initio facta a Rudolphi I Cæsaris natalibus ad obitum usque Imperatoris Friderici vulgo III, agnomine Pacifici, describere, & in justos Commentarios redigere, ita quidem, ut cuilibet Tomo præfigatur nomen Principis unius ex illis, quos stirpis hujus Serenissimæ propagatores veneramus, insertis gestis Uxorum, Prolium, Nepotum, qui aut improles decessere, aut licet sæcundo matrimonio gavisi sint, ante hæc tamen tempora cum posteris suis defecere. Tribus illis seculis nomina occurrunt sex, quorum sæcunditate domus inelyta perstitit: Rudolphus I videlicet, Albertus I Albertus II, Leopoldus Probus, Ernestus Ferreus, Fridericus III Cæsar: sex adeo Tomis erant adornandi a Doctissimo Steyerero Commentarii, quod opus ingens sane & laboriosum, quanta industria, constantia animi, sedulitate, judicio & felicitate aggressus sit, satis loquitur Tomus hic Commentariorum, tertius ordine,

ut opinamur, sed cui primo tam felici esse licuit, ut elucubratus in lucem publicam prodierit. Persuadet nobis laboris, quem Clarissimus Autor rebus Alberti impendit, ratio, quæ ad reliquos Satores Austriacos pertinent, maximam partem jam esse congesta, ut adeo dulcis nos foveat spes, fore, ut reliqui quoque Tomi in dias luminis auras producantur, licet animi dubii haud obscura vestigia alicubi deprehendisse nobis videamur; sane illis, quæ excellens opus morari possent, aut generoso contentu spretis, aut invicto animo superatis, debet hanc operam Noster Genti, qua non est excelsior ulla, debet hoc sibi præmium, suæque diligentiz, enascituram inde ex merito gloriam, debet hoc societati suæ, de aliis bonis literis præclare meritiz, tam insigni exemplo ad hæc etiam studia excitandæ, debet denique idem communi patriæ, cujus historiam condere, & emendare non omnibus datum est, sed iis, quibus illa veneranda veteris memoriæ sacraria tam feliciter referare licet, uti eidem Clarissimo Viro, Autori nostro, contigit.

Si speciminis loco, ut fert nostri instituti ratio, nonnulla adducenda sunt, salivam ut moveamus palato harum deliciarum appetenti, copia & ubertate preminur; ita ubique documenta inedita probatissima, verissimæ probationes, doctissimæque conjecturæ & clarissimorum scriptorum emendationes occurrunt, & quod proprie dicimus, utramque paginam faciunt; obsequendum tamen est mori, & exemplis, ut in manus veniunt, utendum. Alberti II annus natalis in nullis monumentis, quæ Nostro fuere ad manus copiosissime, legitur. Quid noster Reverendus Autor? ostendit ex idoneis autoribus, Albertum fratribus Rudolpho, Friderico, Leopoldo postponi, præferri autem Henrico Mainhardo & Ottoni, ex diplomate Anni 1310 12 Cal. Maji monstrat, ista tempestate Albertum nondum ad annos legitimos pervenisse, id est, annos quatuordecim vivendo non exegisse, ex quo sequitur, ante annum 1296, 12 Cal. Decemb. non fuisse natum; exeunte anno 1295 Albertus Pater veneno hausto graviter decumbere coepit & ægre, oculo etiam uno amisso, sanitatem recuperavit, minus idoneus interea ad augendam sobolem; anno autem 1297 filia edita est ab uxore Alber-

ti

P. 4.

ti Elisabetha; denique anno 1298 XI Cal. Decembris *Tabulæ* editæ sunt, qua Albertus, cæso Adolpho, Imperator, filiis suis Rudolpho, Friderico, & Leopoldo, ditiones Austriacas concessit in feudum, nulla iterum mentione facta Alberti II: ex quo colligitur anno eodem, mense Decembri progenitum esse Albertum, in posteriorem enim aliquem annum rejicere Alberti natales vetat, quod generandis fratribus tribus junioribus, Henrico, Mainhardo & Ottoni, quos anno 1301 vivos fuisse constat, tempus naturæ legibus præscriptum non superesset. Nulli dubitamus, fore, ut aliquando doctissimæ diligentissimæque conjecturæ idoneo testimonio corroborentur. Albertum ante nuptias ad regimen Ecclesiæ Passaviensis, majori tamen suffragiorum parte in Gerhardum a Walse inclinante, esse electum, antiqui affirmant pariter atque recentiores, atque inter hos Viri longe gravissimi, Cuspinianus, Lazius, Hundius, Pontus Heuterus, Ganfius, Schönleben, alii. Noster falsitatis hoc arguit ex ætate Alberti immatura, Chronologiæ ratione, & ipsa Walseanorum procerum in Duces Austriacos observantia; & quæ de Ecclesiastica dignitate referuntur, Alberto Saxoni tribuenda esse, scriptoribus synchronis firmat. Carinthiæ Ducatus, quem Rudolphus Cæsar an. 1282 filiis Alberto & Rudolpho, ab his deinde abdicatum A. 1286 Mainhardo Tyrolensium Comiti contulerat, ad Albertum nostrum & fratrem Ottonem rediit, Henrico Carinthorum Duce, nullo relicto filio, defuncto anno 1331, si audiamus Megiserum, Lazium, Fuggerum ac Valvasorium, at quanta in ista Historia nomina, sin Nostrum, Necrologiorum & Chronicorum Manuscriptorum fide suffultum, anno 1335, Carinthia ab Austriacis occupata, Margaretham Maultaschiam gravissimum bellum molitam esse, narrat Megiserus, commississe prælia, cepisse urbes, diruisse castra nonnulla, alia obsedisse, donec a focero pacem amplecti juberetur. Et quidni narret hæc bonus Vir? Nicolai Claudiani farrago Rerum Carinthiacarum eadem tradit, sed & chartæ veteres idem testantur, nempe mandatum Alberti II Ducis, quo Conradum Krayg Carinthiæ Prætozem nominat A. 1339 5 Cal. Julii. Sed lætissimam errorum a Megifero commissorum seriem collectam in unum exhibet Clarissimus Steyererus, & do-

- ctissime, cum istud Alberti Ducis diploma confectum, tum expeditionem Maultaschiz, recentioribus celebratam, ementitam esse ostendit, ex quo apparet, neque vetustorum monumentorum apparatu rem confici, nisi ea etiam mentis acie quis polleat, ut, quid distent æra lupinis, acutum videns discernere possit. Eadem *æra* utitur Noster in examinando diplomate Caroli IV Imperatoris, quo aliud Ricardi Regis, Ottocaro Regi Bohemiz olim datum, confirmasse dicitur, & quod Goldastus in Commentario de Regno Bohemiz in Appendice documentorum edidit, multisque argumentis demonstrat, hoc idem aliis, quæ dubia aut nulla fide edidit Goldastus, esse annumerandum. Vetus fabula est,
247. Joannam, Alberti II Uxorem, Ludovicum Bavarum Imperatorem, propinato toxico, peremisse, quam ab Andreæ Presbyteri Argentinenfis autoritate, licet Joannam nominetenus haud designet, originem accepisse, verisimile est; sed mirifice dissidere Autores, & labi omnes, egregie demonstratum dedit noster Autor. Rudolphus Dux natus est Anno 1339, quod non argumentis historicis, aut testimonio privato, sed publico, propriæque in sigillo confessione, modo prorsus singulari probatur; ubi tamen monendi sunt Lectores, sphalma typographicum irrepsisse, & loco Anni M CCC XXXIX legi M CCCC XXXXI, quod & ipsa res loquitur, & ipsum sigillum n. XII æri incisum satis testatur.
683. Natali principis Austriaci jungamus alterius Austriacæ Principis mortualem diem nemini memoratum, Margarethæ puta, filiz Alberti II: est ille XIX Calend. Febr. Anni 1366, ex Monumentis Gemnicensibus præclare erutus. Magna fuit Alberti Ducis in fundatam a se Cartusiam Gemnicensem munificentia, cujus historiam ex monumentis præclarissimis secundum temporis ordinem digestam hic vix ac ne vix quidem expectaveris. Sed & catalogus venerabilium Antistitum illius Cartusiz, ab humanissimo doctissimoque Viro, Leopoldo Wideimanno, Patre Gemnicense, communicatus, paulo post legere est. Ferretanorum & Montisbellicardensium Comitum stirpem longe accuratius, quam Guillimannus in Historia Austriaca manuscripta fecerat, traditam alio in loco reperies. Quæ de Academiæ Viennensis antiquitate & origine traduntur, Haelebachium, Lazium, Ederum, erroris

oris negligentizque convincunt. Pretium suum merentur Catalogi Rectorum Viennensium ab Alberto de Riggensdorf seu de Saxonia, qui primus A. 1363 laudatissimæ Vniversitati præfuit, ad Joannem usque Cuspinianum, qui A. 1500 fasces tenuit, Præpositorum Cathedralis Ecclesiæ Viennensis, nec non Decanorum ejusdem Ecclesiæ & quæ alia non ad Austriacorum sed Viennensium res pertinentia afferri possent. Nolumus esse prolixiores, cum movere salivam, non sitim studiosorum rei patriæ reslinguere fuerit animus.

P. 451.

527.

543.

MISCELLA HISTORIÆ PALATINÆ, CUM
maxime vero Bipontinæ, inservientia: GEORGIUS
CHRISTIANUS JOANNIS publici ju-
ris fecit.

Francofurti ad Mœnum, sumtu Frid. Wilh. Færsteri, 1725, 4.
 Alph. 2 plag. 2.

CUm Celeb. Editor *Danielis Pæri* Historiam Palatinam, cum notis suis A. 1717 editam & ad eundem Annum productam, nova rerum inde usque ad annum superiorem gestarum appendice augere constituisset, non modo curas posteriores in editionem illam, verum & alia quædam, Historiæ maxime Bipontinæ (quam ab eo tempore, quo Bipontum a Carolo XII, qui Lyceum illic aperire decreverat, ad docendam Historiam vocatus fuit Autor, singulari studio coluit,) inservientia, præmittere operæ pretium duxit. Exstant itaque hoc volumine primum Animadversionum in *C. L. Tolneri* Historiam Palatinam specimina duo, quorum primo res Historicas, secundo Genealogicas Ducum Bipontinorum examinat, & multa industria, prolatis subinde diplomatibus, emendat. Cum vero non diffiteatur, plura etiam paræmata sibi in opere illo, alias laudatissimo, animadversa, optamus, ut cetera quoque non invideat eruditis, & stemma imprimis Bipontinum, quod accuratius se evoluturum promittit, in lucem edat, sperantes, id hoc minus ægre laturum Celeb. *Tolnerum*, quod ipse idem jus in alios Scriptores, quos frequenter corrigit, statuendum censuit. Quanti vero momenti sint Nostri ob-

Dd 3

serva-

p. 132.

servationes, vel ex ultima liquet, in qua, dum Tolnerum asseruisse refert, Jo. Casimirum C. P. in Cleburg A. 1652 d. 25 Dec. occisum in Polonia, demonstrat, eundem potius Mense Junio ejusdem anni in Suecia vitam placida tranquillaque morte finivisse. Succedunt *Baltazaris Venatoris*, Viri literatissimi, sed in turbis Palatinis infinitas ærumnas perpessi, postea Consilarii aulici Bipontini (cujus vitam a Nostro luculenter descriptam legere juvabit) Apospasmata, Epistola nempe de misero Germania, præcipue vero Ducatus Bipontini, tempore belli tricennalis statu, anno primum 1637, & Civitatis Bipontinæ Querimonia de debito non debito adversus Pallantii Moriamæi iniquissimas exactiões, A. 1649 vulgata, sed inventu rarissima, quibus illorum temporum facies graphice depingitur; subjuncta ex MSto Adlocutione ad Collegas Consiliarios, plena bonæ frugis. His demum ab Autore nostro tum ejus curæ posteriores ad *Parcum*, quibus ea, quæ ad illum de scriptis res Palatinas illustrantibus præfatus erat, supplet, inter alia Conf. *Frid. Ben. Oertelii* nostri Dissertatione de Ruperto commendans; tum ea, quæ ab A. 1717 in Palatinatu religionis, imprimis causa gesta sunt, fideliter ac diserte descripta, subjiciuntur.

MEMOIRES DU REGNE DE PIERRE LE

Grand, Empereur de Russie, Pere de la Patrie.

i. e.

COMMENTARII HISTORICI REGIMINIS

*Petri. M. Russorum Imperatoris ac Patriæ Patris;**Autore JOANNE NESTESURANO-**JO, Barone.**Tomi II.*

Hagz Com. ap. R. C. Albertum, & Amstel. ap. Henr.

Uytwerf, 1725, 12 maj.

Alph. 2 plag. 3.

DUm Petri, & factis & virtutibus vere Magni, Russorum Imperatoris, morte præmatura extincti, mirandam rerum gestarum

rum seriem opere digno descriptam expectamus, offerunt se nobis Cominentarii a Russo quodam, ut traditur, scripti, a veritate quidem ut plurimum haud alieni, publicis tamen documentis, si obvia ubivis demas, & interiore factorum causarumque cognitione destituti, ut adeo tanti Herois imaginem ex rebus ipsis elucescentem vix tenui penicillo adumbratam conspiciamus. Tomus I complectitur Historiam eorum, quæ ab origine Russo- rum usque ad Petri M. tempora obtigerunt; II res gestas, Petro M. imperante, usque ad annum 1706, quas Tomo III, mox typis vulgando, se ad mortem ejus deducturum, Tomo IV autem rei Nummariz notitiam, & Tomo V exactam terrarum Russicarum descriptionem, rejectis erroribus vulgaribus, expositurum, Autor pollicetur. Ceterum cum pluribus, sat aliunde notis, immixta quædam deprehenderimus scitu non injucunda, ne cuncta insuper habuisse videamur, nonnulla hinc seligere haud abs re fore putamus. Gentes Septentrioni proximas diluvio universali haud correptas, opinatur Autor, unde factum, ut a reliquarum moribus alieniores deprehendantur. Wlodiunirus II solennia inaugurationis primus introduxit, unde *Czari* titulo a Clero decorabatur. Cum Daniel, *Magni Ducis* nomine primum insignis, circa annum 1300, sedem suam transtulisset Moscuam, exteri ex eo universum populum Moscovitas vocare cœperunt. Basilus, Demetrii filius testamento Gregorium fratrem, filio Basilio præterito, & Gregorius iste, filiis duobus exclusis, istum Basilium, testamento successores nominarunt. Jo. Basilides quoque id dedit precibus uxoris Sophiz, ut filium Gabrielem, præterito nepote Demetrio, ex Joanne primogenito prognato, hæredem nuncuparet. Feodor five Fridericus Alexiades, morti proximus, multis frustra dissuadentibus, salutem populi supremam legem existimans, seposito fratre Joanne, minorem natu, Petrum I Regnis successorem destinavit. Fœderis formula, qua Romanorum Imperator Maximilianus I axiomate *Imperatoris & Dominatoris omnium Russorum* decoravit Basilium, heic sistitur. Basilus, Joanne satus, uxorem priorem, sterilitatis infumulatam, re- lucrantem licet, monasterio inclusit. Joannem Basilidem tyrannidis falso accusatum, Noster censet, *Justi* potius & *Boni* nomine dignum, cum artes manuaris, nauticam & commercia curæ cor-

T.I. p. 2.

14.

20.

25.

31.

469.

40.

63.

67. 180.

- p. 181. dique habuerit, quæ vero sævitiam redolere videantur, ex genio populorum, cum quibus ipsi bellandum; quosve Imperio regēbat, dijudicari debeant. Principi jus summum circa sacra competere, nec Russorum moribus illud fuisse inauditum, demonstravit Basilides, dum sacra munia in monasterio Alexandrino sæpius obiret. Patriarcharum inter Russos autoritas ad summum evecta est, imperante Michaele Fedrovizio, qui parentem, summa hac dignitate Clericali pollentem, cui debebat Imperium, de rebus gravissimis consultare, ipsique in solennibus publicis primum semper locum concedere consuevit. Alexii Legatus ad Clementem X Pont. Romanum, quamvis Romanensium sacris ipsemet esset addictus, pedes tamen Pontificis deosculari recusavit, indignum illud Majestate Domini sui fore dictitans. Nunc ad Petri M. tempora delabimur. Cubanskius, Prætorianorum (Strelizen) præfectus, Regno inhians, ut filium jungeret Catharinæ, Petri M. forori, annitebatur; sed Sophia, soror altera, scelus subodorata, ipsum filiumque, ad epulas solennes invitatos, ac in itinere captos, truncari capite curavit. Galliczynius, violenta Sophiæ consilia haud probans, Autor ipsi fuit, ut Joannem fratrem germanum, quem sterilem putaverant, ad matrimonium ineundum induceret. Hoc enim modo Petrum, spe successione delusum, vitam Ecclesiasticam amplexurum, Joannis autem liberos olim, velut ex adulterio prognatos, regno minus habiles futuros, sibi persuaserat; verum Petro paulo post connubium inunte, Galliczynii consilia successu destituta sunt. Ipse Galliczynius, ob atrociorē conjurationem postea detectam, Kargan in exilium abire jussus; ac Sophia, ex fuga in Poloniam retracta, cœnobio, ipsiusmet sumptibus exstructo, est inclusa. Ceterum causas, cur Petrus divortium fecerit ab uxore prima, frustra in Commentariis hîcæ quæsieris: injurium vero Autorem pæne deprehendimus in Batavos & Germanos, quos nimix curiositatis incusare haud veretur. Petrum non timor, quod vulgo jactitabant Sueci, sed rumor, hostes cum valido 50000 exercitu Archangelopoli appropinquare, permovit, ut paucis diebus ante prælium prope Narvam commissum, ad hostes a sinibus arcendos festinans, itinere se daret. Victores hoc in prælio Suecos Russorum Cle-

rus fortilegii criminis accusabant, unde precibus ardentissimis, hunc in finem compositis, S. Nicolaum armis suis propitium redere conabantur. Quam alienus fuerit a sanguinis humani profusione Petrus M. vel exinde patet, quod sæpius illustres Viros, gravioris criminis reos, velut homines iudicio destitutos, solum ad scurræ aulici officium obeundum damnaverit. Sueci ipsa Ducum Curlandæ sepulchra rapinis violaverant, unde Russi, ne suis id olim imputaretur, Mitavia occupata, curarunt, ut inventarium de statu, qualis tum erat, Suecis præsentibus, conficeretur. Mardefeldius, dux belli inter Suecos, a Potentissimo Rege AUGUSTO clam monitus, ut pace jam conclusa pedem referret prope Kalisium, nescius quippe hæcenus illorum, quæ a Rege suo fuerant conventa, artem suspicatus bellicam, bono consilio aures præbere recusabat, unde ipse quodammodo cladis suæ autor exstitit.

P. 419.

563.

601.

ANNOTATIONES IN SUETONIUM DO-
ctissimi D. JACOBI PERIZONII, Professoris
Lugduni Bat. celeberrimi, exhibet M. CHRI-
STIANUS PHILIPPUS KOEL-
NERUS.

Wratislaviæ, apud Mich. Hubertum, 1723, 8.

Alph. 1 plag. 9.

Quæ rationes Editorem harum Annotationum impulerint, ut Perizonii curas luci publicæ exponeret, cum ipse aperire noluerit, nos quidem divinare non possumus. Hoc tamen scimus, si ipse Celeb. Perizonius hujusmodi scriptis orbem onerare voluisset, potuisset illum singulis septimanis in singulos auctores observationes bibliopolis tradere. At is reverentius habebat famam suam; neque illam unquam hujusmodi tumultuaria scriptione læsisset. Nihil enim aliud continent hæ Annotationes, nisi breves quasdam explicationes verborum, antiquitatum quarundam, & si quæ sunt alia, quæ prima statim fronte produnt, esse ex Scholis five lectionibus Perizonianis totum hoc opus consipatum. Circumferuntur nempe hodieque similes Annotationes Gronoviorum, Cuperi, Schultingii aliorumque in variis

E c

Scri-

Scriptores, quas ipsi Autores nunquam eo consilio effuderunt, ut aliquando eo habitu cum orbe erudito communicarentur; sed tantum privato discipulorum suorum usui destinarent. Multæ etiam ex iisdem Annotationibus a male feriatis hominibus suppositæ sunt. Quas si quis post fata autorum typis describere iubet, næ iste injurius est inanes Virorum eruditorum, & exemplum posteris prodit optimi cujusque famam lacerandi. Quis enim ex eruditis schedarum suarum securus esse poterit, aut quis eas omnes ita conscripsit, ut ab alio quovis, sine lima nostra, cum aliis communicari possint? Viderit itaque Cl. Editor, quam gratiam apud eruditos initurus est, cum Viri doctissimi non satis limatas adnotationes edidit. Maxima enim pars non nisi vulgaria continet, & quæ vel Pitiscus ille dudum docuit. Pauca, quæ luce digna videri possent, non nisi tironibus proderunt, qui ne ipsi quidem inopia talium observationum laborant. Accedit denique, quod omnia valde negligenter tractata & innumeris mendis conspurcata sunt. V. gr. pag. 431 citatur monumentum *A-negranum*, cum haud dubie *Ancyranum* esset scribendum. Pag. 481 pro *exsilio* scribendum esse *exilio* docetur; ubi pro *exordio* scribendum esse *exodio* exprimere debuerunt. Et talia quidem infinita occurrunt.

CHRISTOPHORI AUGUSTI HEUMANNI
Pæcile, sive Epistolæ miscellaneæ.
Tomii II Liber I.

Halæ, in officina Rengeriana, 1726, 8.

Plag. 10.

NOvum nuper exorsus est Clarissimus *Heumannus*, Collega noster perindustrius, *Pæciles* suæ Tomum, cujus en Librum primum! Hujus *prima* Epistola illustrat quatuor Græcorum librorum titulos, quorum Latina versio in usu est falsissima. Docet igitur ex ipso Xenophonte, ejus opus de *Κύρος παιδεία* perperam nominari *de institutione Cyri*, cum *παιδεία* ibi designet *vitam, virtutes atque instituta Cyri*. Hac occasione etiam proficitur, se opus illud Xenophontis contra, ac Cicero olim indi-

cavit,

cavit, habere pro historia verissima. Deinde eos docet errare, qui Aristotelis libro *περί ἑρμηνείας* Latinum præscripserunt titulum *de interpretatione*, cum ibi *ἑρμηνεία* nihil sit aliud, quam *elocutio Logica*. Tum Luciani librum, *βίον πρῶτος* inscriptum, hoc Latino titulo insigniri jubet: *Sectarum Philosophicarum auctio*, demonstratque, Sectas Philosophorum Græcis appellatas fuisse *Σῆς*. Denique multis contendit, M. Antonini Imp. libros *εἰς ἑαυτὸν* verti Latine debere: *ad se ipsum* sive *Soliloquia*: qua occasione pluribus exemplis probat, τὸ *εἰς* sæpe poni pro *πρὸς*, & τὸ *in* sæpe pro *ad*. *Secunda* Epistola judicia Autoris exhibet de aliquot libris Theologicis, eaque cum severa, tum libera, & quidem de *Lutheri Colloquiis mensalibus*, de *Seckendorffii Historia Lutheranismi*, de *Dallæi opere de usu Patrum*, deque ejus libro *adversus Latinorum de cultus religiosi objecto traditionem*, de *Chemnitii Examina Concilii Tridentini*, de *Alex. Mori Notis ad N. T.* de *Sarpis Historia Concilii Tridentini*, de *Joan. la Placette* libro *de Scepticismo Rom. Ecclesiæ*, de *Philastrii libro de hæresibus*, de *Witsii Oeconomia fœderum*, de *Elwrichii libro de reliquiis Papatur*, de *Conringii Concussione fidei Pontificiæ*, denique de *Schuzii Vita Chytræi*. *Tertia* Epistola observantur duo veterum Poetarum fragmenta in Cicerone & Seneca, quæ adhuc fagerunt Criticorum oculos, simulque & Gellii & Senecæ loca aliquot emendantur. *Quarta* exhibetur emendatum & illustratum carmen Petri Apollonii Collatini *de duello Davidis & Goliath*, cujus primam editionem nos in his Actis commemoravimus A. 1692 p. 558. *Quinta* multis argumentis contenditur, relationem Eusebii de cruce cœlesti a Constantino M. inspecta falsam prorsus esse, atque Imperatorem illum summæ Eusebii simplicitati ea narratione suaviter illulisse. *Sexta* catalogus repræsentatur clarorum hominum, qui ex variis nationibus vel nomen vel cognomen gesserunt *Bonorum*. Occasione hac illustratur locus *Joan. 1, 47: An potest a Nazareth esse aliquid BONI?* doceturque, *Ναζαρέθ* hic loci idem esse, quod *excellens & extremum*: cujus notionis exempla producantur ex Xenophonte, Æschine, & Aristotele. *Septima* investigatur etymologia nominis *Pedanta*, ostenditurque, ei nomini originem dedisse *Pedanum*

quendam, Italix Sæculo XV Grammaticum: unde rectius dici *Pedanum* & *Pedanifmum*, quam *Pedantam* & *Pedantifmum*. *Oſtava* refellitur primo argumentum Pontificiorum, a prudentia ecclesiastica petitum, quo recte vetari Laicis judicant lectiorem S. Scripturæ: deinde docetur, auctoritatem Papæ decedendi controversias fidei niti fundamento infirmissimo, ex quo facilius probetur, Petrum, Russorum Monarcham, esse caput Ecclesiæ. *Nona* & subsequentibus duabus e codice M S. optimæ notæ emendantur *Poggii Florentini libri de varietate fortuna*, nuper Lutetiz mendosius publicati ac minus perfecte. *Duodecima* recensetur *Symposii Lactantiani* editio, quæ A. 1607 Romæ prodit cura Iosephi Castalionis, ac simul Italica illius *Symposii* versio, ibidem A. 1603 prelo subiecta a Jacobo Castalione, Iosephi patre. Sequitur decimo tertio loco Dissertatio *de stella Magis prælucenti*, in qua nova plane proponitur istius historix interpretatio. Scilicet postquam ostendit, Magos illos e vaticinio Danielis cognovisse, illo ipso tempore nasciturum esse Iudæorum Messiam; eosque orta nova stella per somnium a Deo edoctos esse, stellam hanc esse indicem ac veluti præconem novi Iudæorum Regis, simulque Iudæam petere iussos; iudicat, eos & Hierosolymam & deinde Bethlehemum petiisse, atque huc noctu delatos, eum domui, in qua Maria Deipara erat, proximi starent, subito eandem stellam, quam in Persia viderant; in cælo observasse, iustoque ob id perfusos gaudio statim intrasse illam domum, ac ibi reperiisse sanctissimum infantulum. Negat enim, stellam Magorum ducem fuisse itineris, cumque Matthæus refert, *stellam præcessisse Magos*, id interpretandum censet sensu plusquam perfecto. *Stella*, inquit, *quam viderant in Oriente, præcesserat eos*. Confirmat hanc suam sententiam alio Matthæi loco *Cap. XXVIII, 7*, ubi Christus dicitur discipulos suos *præcessisse* in Galilæam, non quod is itineris ducem se iis præbuerit, sed quod ante eos illuc venerit. Simul refellit sententiam non neminis, qui arbitratus erat, Magos illos fuisse viros literatos, a Iudæorum Archisynagogis aut præsidibus ex illorum gente & Synagoga, e regionibus transjordanensibus, e Syria præcipue, in Iudæam ablegatos ad quærendum suum diu desideratum

P. 137 seq.

tum Messiam. Ultimum locum tenet dissertatio de *sanctitate Regum*, in qua postquam ex antiquis monumentis docuit, Reges appellari solitos fuisse *sanctissimos*, naturam ac partes *sanctitatis regie* investigat. Consistere igitur in eo censet Regum sanctitatem, ut (1) tanta prosequendi sint reverentia, qua majorem erga ullum hominem concipere non possumus: quia nimirum non solum sint patres ac domini suorum civium, sed ab ipso Deo civitatibus præfetti, adeoque summi Numinis sint vicarii; (2) prorsus sint inviolabiles; (3) singulari Dei providentia & servantur & defendantur.

EVERHARDI FEITHII ANTIQUITATUM

Homeriarum Libri IV.


Amstelodami, apud Sal. Schouten, 1726, 8.

Alph. I plag. 6.

Iamdudum desiderata fuit nova hujus libri, cujus auctorem Bælius *Dictionary* suo inferere dignatus est, editio. Cum igitur primæ editionis, A. 1677 factæ, nullum bibliopolis superesset exemplar, & altera editio, in *Thesouro Antiq. Græc.* Gronoviano *T. VI* facta, paucorum reperiatur in bibliothecis; laudem profecto & gratias meretur novus Editor, tam utile opus reducens in scenam literatam. Est autem nova hæc editio prioribus accuratior. Sublata enim sunt, ut Præfatio docet, menda typographica: locis Homeri additus est & librorum & versuum numerus: imo addita sunt nonnulla, quæ diversa typorum forma exprimuntur: ac denique Index accessit cum rerum, tum verborum. Ad ipsum opus quod attinet, quicquid de prisca religione, priscisque ritibus ac moribus, sive publicis sive privatis, scriptum reliquit rex poetarum, hic admodum concinne suos redactum sub titulos reperitur, magno lectorum commodo. Ac libro quidem *primo* exhibentur Antiquitates sacræ, *secundo* politicæ, *tertio* domesticæ, *quarto* militares, adjunctis de agricultura, de venatione, de musica, de saltatione, deque variis ludorum generibus commentationibus accuratis. Reperies itaque hic, quæ tradidit Homerus de Diis Græcorum, de locis & ministris sacris,

de precibus ac votis, de sacrificiis, de sepultura, de lustrationibus, de divinationibus. Occurrunt deinceps Homerica loca de Regibus, eorumque insignibus, judiciis & pœnis: de contractibus civilibus, de hæreditatibus, de nuptiis, de liberis ac servis. Tum offendes convivia veterum, vestitum, ornatum, domicilia. Postremo de armis, navibus, obsidionibus, præliis, pace ac fœderibus, duce Homero, disseritur. Hæc commemorasse sufficiat. Non est enim nostri moris, libros veteres uberiori recensione persequi, maxime illos, quos jamdudum excepit applausus eruditorum communis.

PARELII DUO CUM PARTE HALONIS Iridem inversam representantis, die 7 Febr. Giesse Hassorum observati a D. JO. MELCHIORE VERDRIES, Med. & Physic. P.P.O.



Die

Die septimo Februarii, hujus anni, acerrimum frigus, quod ante aliquot dies coeperat, magno rigore perdurabat: cælum mane, oriente Sole, erat, ad sensum, serenum & illiue, ventus borealis, mercurius in barometro eo altitudinis constitutus, ut cælum serenum significaret & promitteret. Post horam nonam, cum negotiis gravioribus districtus mutatum aliquo modo cæli statum non perciperem, ab amico nuntium accipio, conspici in cælo iridem. Mirabar nuntium & vix possibile credebam, eo cæli statu, qui adhuc videbatur serenus, in conspectum venire iridem. Interea actutum in locum me confero, ubi liberius prospicere cælumque tueri possem, accurrit simul dictus modo amicus, & statim oculis nostris se fuisse segmentum quoddam halonis iridis coloribus elegantibus atque satis distinctis conspicuum: crura versus regionem verticalem protendebantur, ut iris inversa videretur. Cælum ea parte erat serenum, rariori tamen vapore albicante pellucido, ut videbatur, obductum. Cum vero eo loci processissem, ubi orientalem cæli plagam Solemque ipsum conspiciere dabatur, elegantissimum oculis occurrebat phaenomenon. Sol jam ad 17 gradus supra horizontem positus extraordinario & admirando fulgore mirum in modum exsplendescibat, magnaue & pulchre ex flavo albicante corona cinctus comparebat. Ad latera Solis, in ipsa illa corona, apparebat utrinque Parelius pulchre albicans & radians, ita ut corona in illo loco, ubi Parelii conspiciebantur, ab alia quasi secari videretur, quamvis circulum magnum horizonti parallelum, qui alias cum ejusmodi phaenomenis observari solet, licet solcite & studiose quæsitum, observare non potuerim. Cælum utcumque adhuc erat serenum, magnoque splendore oculorum aciem præstringente illisque officiente repletum, vapor tamen aut nebula rarior per aerem universum dispersa videbatur, quæ sub ipsa observatione, in forma lamellarum aut foliorum oblongorum, instar nivis, confestim decidebat, ut terra quasi nive vel pruina contegeretur, urgente simul frigore penetrantissimo. Cumque Solis radii liberius adhuc transirent & omnia collustrarent, totus aeris tractus, pulcherrimo spectaculo, non tantum mirum in modum illuminatus, sed innumeris radiantibus quasi speculis refer-

tus

rus lumen intendebat & dispergebat. Cum postea locum altiorē conscenderem, ipsa phænomena adhuc constanter comparabant: observabam tamen vapores & nebulas per ventum Euro-Notum, qui vento Boreali, mane adhuc flanti, successerat, magna copia advehi totumque hemisphærium iisdem, inprimis circa horizontem, jam repletum, ut omnia circumcirca optica densitate valde obscurata apparerent: sicut & mercurius in Barometro jam ad decem fere lineas descenderat. Cum per aliquod temporis spatium phænomena intuerer, aerem, advectis successive densioribus vaporibus & nebulis, magis obscurari videbam, ita ut & Soles spurii, cum primis circa limbum, rubicundum colorem exhiberent, corona vero & segmentum halonis magis magisque diluerentur, donec post horam decimam, cælo jam albicante nubium tractu obducto, omnia disparerent.

Ipsa phænomena, prout illa cum amicis aliisque pluribus concurrentibus hominibus conspexi atque delineavi, adjecta figura exhibet. Diametrum coronæ Solem cingentis 45 grad. deprehendi, unde Sole 17 grad. supra horizontem elevato, pars hujus coronæ inferior sub horizonte ortivo latebat. Supra coronam, ut figura commonstrat, halonis segmentum, iridis coloribus pulchre radians, in oculos incurrebat, ea plane tum magnitudinis tum distantix proportionē, quam figura ostendit, sicut & ordo colorum iridis primariæ colorum ordinem imitabatur. Interior erat purpureo-cæruleus, hunc sequebatur viridis & hunc flavo-rubicundus.

Ex enarratis hisce, quæ hæc phænomena circumstabant, conditionibus satis superque perspicitur, aerem tum temporis vaporibus & particulis glacialibus fuisse refertum; cum lamellæ & foliola glaciæ per aerem volitantia & decidentia potuerint conspici. Illos vapores fuisse rariores, quamdiu scilicet phænomena conspici poterant, neque alte super invicem coacervatos; cum lucem copiose & abundanter transmiserint, serenitatem non interceperint & cæli colorem oculis non eripuerint. Fuisse quoque terræ propiores, cum nebulæ instar deciderint atque horizontem obscuraverint. De modo, quo secundum leges opticas illa phænomena fuerint producta, cuilibet iudicium liberum esto.

PRO-

PROBLEMA ARITHMO-TECHNICUM, Arithmophilis ad dijudicandum, utrum illud pro possibili an impossibili solutu habendum sit, propositum a JOH. WILHELMO THEOD. LEICHNERO, Erfurtensi, Pb. M. & Dicast. Electoral. Erfurtens. Adv. Ord.

SEx invenire numeros tales, ut si eorundem primo quicunque numerus integer pro lubitu assumitur; secundo autem dicti numeri pro lubitu assumti quadratum; tertio ejusdem cubus; quarto ejusdem biguadratum; quinto ejusdem surde-solidus & sexto tandem ejusdem Quadrati-Cubus multiplicetur, bisque productis in unam summam collectis illius pro lubitu assumti numeri Bisurdesolidus addatur, hæc posterior summa semper per 5040 sit divisibilis. Seu: Invenire sex coefficientes numeros, qui in sequenti quantitate Algebraica: $x^7 + ax^6 + bx^5 + cx^4 + dx^3 + ex^2 + fx$ pro a, b, c, d, e, f substituti producant semper numerum per 5040 divisibilem, quemcunque numerum (ubique tamen eundem) pro x substituat.

Cum nullus dubitem, plerosque & tantum non omnes, ipsos etiam Arithmo-technites hoc problema pro impossibili solutu esse habituros, operæ pretium duxi, idem publice proponere, certioresque Arithmophilos insuper facere, esse quendam qui non solum pro solutu possibili reputat, sed & ipsam solutionem intra non longum temporis spatium invenire spondet, si ii qui ejus impossibilitatem sibi nimium persuadent, præmium centum nummorum uncialium vicissim spondeant, quemadmodum reciproce ipse centum aureos Hungaricos iisdem se soluturum sancte promittit, si dictum problema stipulandum intra tempus solutum dare nequiverit. Rogatos igitur vult Arithmo-Dædalos, ut quam proxime mentem suam hoc super problemate declarare haud dedignentur, quod vel per literas privatas, enata occasione ad me supra nominatum deferendas, vel etiam, si ita lubet, publicas, his Actis inferendas, fieri poterit. Si autem forte etiam alii nonnulli solutionem dare in se suscepturi sint, eos se

dicti præmii ex æquo participes redditurum promittit, hac tamen conditione, ut si in solvendo problemate deficiat aliquis eorum, tantam multam, inter solventes ex æquo itidem dividendam, solvat, quantam pecuniæ partem alioquin accepturus fuisset. Quod si etiam impossibilitatis persuasi plus pecuniæ in casum solutionis offerant, semper duplum oblatae pecuniæ in casu succumbentis rependendum in se recipit. Poterunt autem sat commode quamplures, qui impossibilitatis sunt persuasi, conjunctim ad solvendum in casu soluti problematis prædictum præmium se obstringere; uni enim vel duobus, tribus &c. nimium procul dubio id videbitur.

C. A. HAUSEN MATH. P. P. SOLUTIO
problematis, modo propositi.

In casu proposito est $a = 21$, $b = 175$, $c = 735$, $d = 1624$, $e = 1764$, $f = 720$; sit $x = 2$, & $x^7 + a x^6 + b x^5 + c x^4 + d x^3 + e x^2 + f x$ fit $40320 = 5040 \times 8$. Sed etiam generaliter $x^m + a x^{m-1} + b x^{m-2} + c x^{m-3} + \dots + q x$ admittit coefficientes ejusmodi, ut summa dividi possit per $1 \times 2 \times 3 \times 4 \dots x^m$; Sit enim $m-1 = A$, $m-2 = B$, $m-3 = C$, $m-4 = D$, &c. & erit

$$a = A + B + C + D \text{ \&c.}$$

$$b = AB + AC + AD + BC + BD + CD \text{ \&c.}$$

$$c = ABC + ABD + ACD + BCD \text{ \&c.}$$

$$d = ABCD + \text{\&c.} \quad \text{\&c.}$$

Quibus valoribus substitutis divisio procedet. Sed hujusmodi problemata hodie nihil habent difficultatis, unde & demonstrationem omitto.

JO. FRIDERICI WEIDLERI INSTITUTIO:
nes Geometriæ subterraneæ.

Vitembergæ, apud viduam Gerdesiam, 1726, 4.

Plag. 10 Figur. 1 plag.

C. L. Weidlerus, Mathematicum superiorum in Academia Vitembergensi celeberrimus, qui nuper iter ad Belgas, Anglos Gal-

Gallosque ingressus est, explicat hoc libello artificia fodinas metiendi, hactenus fere solum a pragmaticis tractata, eademque ex genuinis puræ Matheseos principiis demonstrare nititur. Quém in finem, præmissa Geometriæ subterraneæ & partium ejusdem descriptione, postea terminos technicos, & instrumenta finitorum, & eadem componendi rationem illustrat. p. 1-24. Et cum magneticæ acus adinivuliculis inprimis juventur specuum mensores, de eadem & ejus virtutibus & vitiis, horumque remediis, copiose p. 16 disquirat. Hinc de triangulo rectangulo, tanquam primario artis fundamento, & perpendicularorum & basium tabulis, divisioni mensurarum fossoribus usitatarum aptatis, agit, ipsasque tabulas p. 33 sq. exhibet. Dimensionem autem fodinarum, compasso pensili & jacente, item absque magnete in ferrofodinis instituendam, p. 51, nec non resolutionem numerorum in cavernis repertorum p. 58, & ichnographiam mensurorum sub terra factarum p. 60 uberius exponit. Similiter de mensione subdiali p. 63, & ejus pictura p. 64 ex instituto disserit. Atque ex his derivantur tandem subsidia pro investiganda distantia punctorum subterraneorum, ab aliis intra & extra terram datis, p. 66, & monstrando proximo ad specus accessu, p. 73. Reliqua opusculi pars destinata est vexatissimo difficillimoque de venis & fibris metallicis argumento, p. 75, & explicandis legibus orthographicæ & scenographicæ fodinarum picturæ distinctius ob oculos ponendæ, p. 79 sq.

SATURNILABIUM, ID EST, INSTRUMENTUM Astronomicum, quo in Systemate Saturnio positiones Saturni & Satellitum ejus inter sese, ut & eclipses eorum atque occultationes mutue ad quodvis tempus sine aut concurrente calculo facile, exacte ac prompte exhibentur & producuntur. Opera ac studio LOTHARII ZUMBACH DE KOESFELD, Med. Doct. illustr.

Carolinæ Cassellis Mathemat. Prof. Ordin. Regiæ Scient. Societ. Boruss. Membri.

Amstelodami, sumtibus Gerardi Valck, Chalcographi, 1726, 4.

Plag. 9 Tabb. æn 2.

PLura jam elapsa sunt lustra, ex quo Cl. Autor, rei Astronomice peritissimus, instrumentum excogitavit, cujus ope absque calculo methodo facillima planetarum loca ad datum quodcunque tempus determinari possunt, & cui *Planetolabii* nomen indidit. Edidit ejus descriptionem A. 1696 Lugd. Bat. in 4 (plag. 14½. Tabb. æn 4) qui Tractatus, instrumenti & constructionem & usum continens, ad nos non pervenit, adeoque in his Actis non comparuit. Quoniam postea *Gerardus Valck* hoc instrumentum in usum astrôphilorum parare cepit; ideo Cl. Autor A. 1700 Amstelodami in 4 aliam dedit *Planetolabii* editionem (6½ plag. 2. Tabb.) quæ solum instrumenti usum declarat. Accessit A. 1716 *Jovialabium*, de quo diximus in Actis ejusdem anni, & nunc demum *Saturnilabium*, ut astrôphilis ex assè satisfaceret. Quoniam systema Saturnium oculo armato pene plura phænomena sistit, quam septem illi veteres planetæ nudo oculo visibiles; ideo Noster non modo docet, quomodo ea per instrumentum quoddam, verum etiam quomodo per tabulas in hunc finem a se supputatas facile determinari possint, præsertim quam spem non vanam esse sibi affirmet, fore, ut tubi breviores & commodiores iis detegendis sufficiant, quæ nunc non patent, nisi oculo tubo optico longiori & excellentiori armato. Dubio procul per tubos hosce breviores intelligit *Newtonianos* catoptrici-dioptricos, quos ipse inventor *Newtonus* in Optica & ex eadem *Wolffus* in Elementis Dioptricæ describit. Hactenus Satellite Saturni nemo mortalium vidit, excepto *Hugeniano*, præter Gallos atque Anglos Astronomos. His igitur sese debere observationes & hypotheses ac mensuras Systematis Saturnii sponte proficitur Autor. Sibi nihil vindicat, quam quæ ex iis deduxit plurima consecraria atque fabricam instrumenti & supputationem Tabularum. Ob raritatem observationum adeo difficilium, quæ in paucissimorum potestate sunt, jure postulat, ne imperfectiorem in praxi *Saturnilabii* animadversam soli instrumenti aut Tabulis magno labore supputatis tribuas. Brevis est instrumenti admodum simplicis descriptio: maximam sibi partem usus ejusdem

dem & Tabularum vindicat. Docet itaque, quomodo inventa longitudine *Saturnii Satellitis* media, & adhibita, si ita visum fuerit, æquatione luminis reflexi *Rameriana* vulgo in Satellitibus Jovis admitta, distantia apparens ab orbita Saturni inveniatur & typus positionis Satellitum ad Saturnum, tum inter sese designetur. Decem innox proponit regulas, juxta quas phasæ *annuli Saturnii* determinantur hoc ævo, quando vel rotundus apparet, vel latissimis ansis instructus, & ulterius progressus monstrat, quomodo phasæ intermedix in diversa annuli dilatatione & expansione, ac in varia inclinatione apparente diametri majores eclipses tam ad orbitam Saturni, quam ad Eclipticam delineentur ad datum quodcunque tempus. Docet tandem, quomodo Satellitis cujuscunque proxime futura conjunctio prope vera cum Saturno post datum tempus reperiatur, repertum una cum loco Saturni heliocentrico exactius determinetur, eclipses prædicantur eorumque momenta describantur. Quatuor primos Satellites per umbram quoque annuli eclipsari posse ostendit: etsi autem istæ eclipses rarissime contingant, eas tamen præcognoscere docet, propterea quod sint curiosissimæ. Et quoniam non omnes Satellitum Saturniorum eclipses terriculis visibiles, ideo quoque monstrat, quomodo distinguatur, num sint futuræ visibiles, nec ne. Ultimo denique loco aperit, quomodo umbra tam annuli, quam globi Saturnii situs & positio versus dextram vel sinistram Saturni tempore, quo Satelles in umbram immergitur, aut emergit, optice in plano chartæ delineetur. Quoniam Planetolabium suum juxta hypotheses & mensuras *Bullialdi* construxit & circulo æquante usus; coronidis loco monet, idem posse construi juxta hypotheses & mensuras quascunque alias, cujus rei specimen extat in Cl. *Doppelmayeri* parte tertia Scholæ mechanice *Bionis*, & præterea docet, quomodo anomalia media ex arearum æqualitate *Kepleriana* corrigatur, ut locus verus adhuc in Planetolabio indicetur verus.

TRIAS DISSERTATIONUM PHYSICO-MEDICARUM, Chorographiam Medicam potissimum spectantium
Ff 3

tium, Autore CHRISTIANO MICHAELE
ADOLPHI, Phil. & Med. Doctore, Facult. Med.
Assessore, S. R. I. Academ. Natur. Curios. Col-
lega, & B. M. V. Collegii Collegiato.

Lipsiæ, apud Joh. Christ. Martini, 1725, 4.

Plag. 10.

Merito inter desiderata Medica refertur a Georgio Hieron. Velschio in Somnio Vindiciani & Joh. Antonide van der Linden in Manuductione ad Medicinam Aerologia & Chorographia Medica. Interest enim Medico, certo in loco medicinam facienti, secundum ipsius Hippocratis ductum exacte considerare aerem, & quæ ejus sunt affectiones pro urbium & locorum situ, telluris & aquarum indole, atque pro diverso Solis & ventorum accessu & recessu, ut de salubritate & insalubritate loci judicare, morborum, epidemiorum maxime & endemiorum, causas expiscari, & de præsidiis, quæ his opponenda sunt, in tempore cogitare possit. Hæc secum perpendens Clarissimus Autor, ad Chorographiam Medicam perficiendam animum applicuit & tres Dissertationes conscripsit, quas in Academia nostra olim defendit, in præsentem fasciculum collectas, quarum I de Aere, Aquis, & Locis Lipsiensibus, II de salubritate Silesiæ, & III de Incolatus montani salubritate agit. Ut de I Dissertatione speciminis loco quædam dicamus, interiora Lipsiæ pariter ac exteriora, circumjacentia scilicet loca, ad examen vocat Clariss. Autor, regionem, situm, ventos, aquam, tellurem, campos, prata, sylvas, hortos describit, soli fecunditatem, cœlique clementiam laudat, & quæ commoda ex iis in incolas redundant, recenset. Aeris bonitatem inter alia ex effectibus probat, dum laudabilem Lipsiensium temperiem, ut plurimum sanguineam, notabili sæpius, maxime in sæminis, phlegmate permixtam, cutem bene coloratam & floridam satis, non rubicundam nimium, nec adeo pallidam, flavam vel luridam, vocis claritatem, mulierum fecunditatem, acuta incolarum & festiva ingenia ad studia & artes aptissima, suaves mores & elegantes, ac animi vim cum prudentia junctam. Liceat quædam Autoris verba huc transcribere, qui-

quibus in laudem Lipsiæ assurgit: " Tacemus jam, inquit, " amœnunt atque gratissimum vivendi genus atque conditionem " ingenuam, qua vivitur hic, gentis genium ad omnem humanita- " tem compositum, festivitatem ac urbanitatem, ingenuam liber- " tatem, cultum bonarum artium, propensionem erga omnia ho- " nestâ, abundantiam omnium eorum, quæ ad victum cultumque " pertinent, & quæ in commendationem commoditatis & sua- " vitatis venire queant; multa enim, quæ in delitiis haberi so- " lent, & multis aliis negata, indulgentia alinæ naturæ indulsit, " quæque forte non sunt hujus regionis, importantur ubertim, " ut frui cujuscunque fere regionis commodis bonisque Lipsien- " ses possint, iis communibus factis. Nihil a sebi usquam tam ra- " rum carumque invenitur quicquam, quod Lipsiensibus non " domesticum etiam esse possit. Eximia est varietas, voluptatum " rerumque omnium condimentum. Notum apud nos atque " notabile est, percelebrem illum summæque existimationis at- " que autoritatis Lipsiensem Jctum, J.B. Carpzovium, ex quo " ex aula Dresdensi, relicto splendidissimo ibi officio, rediit, albis " studiosorum eum accedentibus adscripsisse: *Extra Lipsiam non " est vita, & si est vita, non est ita; aut: Extra Lipsiam vivere " est misere vivere.* " Quemadmodum autem nulla est plaga, cu- " jus felicitatem nulla flagellet calamitas, ita nec reticet Autor " Clarissimus ea, quæ in opprobrium Lipsiæ obijciuntur, effluvio- " rum puta & exhalationum ex adeo diversis corporibus copiam, " fossarum squalorem, atque putredinem, solum uliginosum & " pingue, declivem urbis situm, aquarum indolem minus landan- " dam, ventos humidos admodum familiares, frequentes nebulas " atque nebulosas tempestates, inundationes, &c. quæ aërem hu- " midiozem & putridum, adeoque minus salubrem indicant; re- " media tamen simul allegat, quibus, quæ metuendæ inde sunt no- " xæ, facili negotio præcaveri possunt & solent, dum nempe fossæ, " quæ urbem cingunt, repurgantur, putei & canales exterguntur, " plateæ ab omnibus quisquiliis mundantur, medicamenta spiri- " tus excitantia & in majorem motum conjicientia, ac humores " quietos, lentos, viscidos, & vappescentes incidentia assumuntur, " victus laudabilis eligitur, aquæ potabiles colantur & decoquantur, " exer-

exercitationes corporis non negliguntur, & aer matutinus, vespertinus & nocturnus evitatur, urbanus vero cum rusticano frequentius mutatur. Unde concludit, aerem Lipsienfem non adeo esse infalubrem, ut a plurimis habetur & creditur.

CHRISTIANI WOLFII, CONSIL. AULICI
Hassiaci, Mathem. ac Phil. Prof. primarii in Acad. Marburg. Prof. honorarii in Acad. scient. Petropol. Societ. Reg. Brit. & Bor. Sodalis, Oratio de Sinarum Philosophia practica, in solempni panegyri recitata, cum in ipso Academiae Halensis natali 28 d. 12 Julii A. O. R. 1721 fasces Prorectorales successori traderet, Notis uberioribus illustrata.

Francof. ad Mœnum, apud Joh. B. Andr. & Henr. Hort, 1726, 4. Plag. 15.

ET si vulgo credatur, Philosophiam practicam *Sinarum* parum singulare & minus sublime continere; aliter tamen videtur Cl. *Wolffo*, qui ea fini cum in Oratione, tum in notis uberrime adpersis interiorem *Philosophia practica Sinenfis* rationem delineavit, & cum sua consensum demonstravit. Nos non attento ordine, quo ab Autore singula proferuntur, ea exhibemus, quæ lectori harum rerum curiosi non ingrata futura speramus. *Confucius* A. 551 ante Christum patre *Xo leam be*, Praefecto ditioris *Ceu*, viro septuagenario, natus jam sexto ætatis anno a puerilibus abstinuit lufibus & decimo quinto lectioni librorum ac meditationi se totum dedit. Legit autem imprimis annales antiquissimorum imperatorum, scientiæ morali atque civili infervientes, quod factorum & eventuum nexus inde luculenter perspiciatur. Historiographi enim, antiquissimo gentis more ab ipso Imperatore electi, res omnes eodem, quo geruntur, tempore in annales referunt, qui, ne affectui aliquid detur, in publicam lucem non proferuntur, nisi familia imperante extincta. *Confucius* cum de iis, quæ legebat, per rationes statuere non posset, experimentum eorum in se ipso sumit, nec scripto verbore præ-

præcepit, nisi quod primus ipse moribus & vita expresserat: immo ne experimenta politica sumendi occasio deesset, magistratum aliquoties gessit. Atque hanc studiorum rationem continuavit usque ad extremum vitæ halitum, quem anno ætatis 73 lethargo 7 dierum extinctus reddidit. Sensit autem continuo in studio virtutis profectus, quos ipse discipulis candidus exposuit. Anno ætatis trigésimo id erat consecutus, ut in suscepto virtutum sapientiæque studio firmiter persistens, nulla re externa animum inde suum avocari pateretur. Anno quadragesimo honestatem intrinsecam in quolibet casu obvio absque hæsitacione discernere poterat, & quinquagesimo rationes illius in naturis rerum obvias perspexit. Sexagesimo rationi obtemperabat facile, quamvis adhuc reluctante appetitu sensitivo, tandemque septuagenarius longæ meditationis & victoriæ sui ipsius fructum percepit, consensum appetitus sensitivi cum rationali. Singularia circa theoriam moralem atque civilem, quæ suis conformia agnoscit *Cl. Wolfius*, hæc fere sunt, ipso interprete. Principium ultimum honestatis intrinsecæ *Confucio* atque *Sinis* antiquissimis Noster vindicat consensum microcosmi cum macrocosmo in libera actionum determinatione, idem omnino cum suo. Obtinetur autem iste consensus, secundum Nostrium, si actiones liberæ per easdem rationes finales determinantur, per quas determinatæ sunt naturales. Atque in hoc consensu actionum liberarum cum naturalibus consistit perfectio naturæ humanæ, ad quam perinde juxta *Confucium* atque *Wolffum* tendere debent omnes nostræ actiones. Actiones naturales cum macrocosmo consentiunt; quamobrem si quoque liberæ ad consensum cum naturalibus redigantur, integer microcosmus cum macrocosmo consentit. Agnoscit *Confucius* perinde ac *Wolffius*, hominem esse partem universi, atque adeo hunc consensum esse & naturæ rerum, & hominis præsertim naturæ, & ipsi rationi conformem. Quamobrem idem urget convenientiam cum natura rationali, actionum humanarum normam. Perspexit etiam *Confucius* veritatem principii rationis sufficientis, ejusque usum ad moralia extendit. Notioni perfectionis a *Wolffo* evolutæ conforme est, quod non modo actionis internæ cum externæ, verum

etiam spontaneum appetitus sensitivi cum rationali consensum ad virtutem requisiverit, atque adeo porro a virtute abhorrere judicaverit, quod metu superioris vel spe præmii extorquetur. Immo non sufficere visum est *Confucio*, ut legi naturali conformia agamus, propterea quod intrinsecam eorum moralitatem perspiciamus, & ut virtutem amemus aut voluptatem ex ea percipiamus, sed id omnino requisivit, ut læti agamus, quod est officii nostri, gaudio elati super occasione virtutem exercendi. Atque adeo *Confucius* perspexit, quæ tantopere urgent libri nostri Symbolici, formula præsertim Concordiæ. Ceterum ab hætenus dictis alienum non est, quod perinde atque *Wolffius* continuum esse jubet ad majores indies perfectiones progressum, & *Yaonis* atque *Xunnii*, Imperatorum legislatorum, quorum dicta & facta sibi potissimum imitanda proposuit *Confucius*, exemplis in regulam versis, urget in ipsis imperantibus modum obligandi optimum per metum filialem, a nexu individuo inter Regis exemplum & populi imitationem pendentem. Immo Noster contendit, quod jam Imperatores antiquissimi *Yao* atque *Xun* ante *Confucium* differentiam inter partem animæ superiorem & inferiorem, cujus adeo ingens momentum facit *Wolffius* in Philosophia practica omni, instar magni principii morum fuerit inculcatum, modo ipsorum terminos intelligas. Monet nimirum, Sinas appetitum vocare *cor* & appetitum quidem sensitivum *cor hominis*, rationalem vero *cor rationis*. Probat etiam, quod *Sine* probaverint passionum cum ratione concentum, qui ipsa reductione appetitus sensitivi cum rationali continetur, & cujus pars est lætitia virtutis sociâ. Quemadmodum itaque hætenus *Confucius* cum *Wolffo* in theoria morali atque civili consentit, ita non minor reperitur consensus in praxi, quam uterque tuetur, & quæ principiis theoreticis modo recensitis consentanea. Urgebat *Confucius*, ut primo omnium loco ratio probe excolatur, cum ad distinctam boni malique cognitionem pervenire debeat absque metu superioris ac sine spe præmii virtuti operam daturus. Metus nempe hic intelligitur servilis, qui metu pœnæ extorquetur, minime autem filialis ex amore profectus, quem ubi præmium accendit, ipsum illæsa virtute, *Wolffo* judice, in actionem bonam influit. Incul-

culcabat vero *Confucius*, boni malique notionem perfectam neminem assequi posse, nisi rerum naturis ac rationibus perscrutatis, & culturam rationis continuam præcipiebat, quod appetitus in ordinem redigi posse negaret, nisi homo in vero boni amore, vero mali odio stabiliatur, verum boni amorem autem verumque mali odium locum non habere agnosceret, nisi perfectam boni malique notitiam assequatur mentis ratiocinio, rerum naturis ac rationibus perscrutatis. Cognito boni malique discrimine, intentionem esse rectificandam urgebat; mox appetitum, boni amore, mali odio contracto, corrigendum esse præcipiebat. Animo composito, corpus quoque esse perficiendum. Ubi quis se ipsum commendaverit, tum ad familiam gubernandam eundem admitti debere. Tandem denique eum, qui familiam recte instituisse norit, ad regni administrationem aspirare posse docebat, nisi exemplis priscorum Regum atque Imperatorum, qui iidem erant *Sinarum* Philosophi. Motivo utebantur *Sina* gloria, quam diversam esse ab ambitione, Cl. *Wolffius* probat non modo ex notionibus, sed Dei quoque exemplo. Ducit nempe gloria voluptatem ex eo perceptam, quod a nobis bene facta ab aliis agnoscantur. Plurimum *Confucius*, sicuti *Wolffius*, in praxi morum tribuit exemplis, quæ *Sina* singulari quadam ratione proposuere. Nimirum de personis, quorum merita in pretio erant, paradoxæ narrabant discipulis, ut attoniti mirarentur, quid ipsas impulerit ad tale quid faciendum: ubi diu multumque in quaerenda ratione, aut frustra, desudassent, quid ejusdem subesset, tandem exponentes ad imitationem in casibus similibus calcar addiderunt. Convenit quoque *Confucius* cum *Wolffo* in methodo conjectandi aliorum mores. Jubet enim, ut i observentur actiones, examinata earundem cum lege conformitate, 2 ut inquiratur finis operis, ac inde judicetur, quo animo quoque consilio agatur, quod justum atque honestum est, 3 ut tandem sciscitemur, in quo acquiescat, qui bona intentione legi conformia facit, num forte parum volens, & quasi per vim coactus faciat, an vero ex ipsa virtute & honestate operis voluptatem capiat. Immo quam *Wolffius* possibilem judicavit methodum sinceritatem animi a simulatione discernendi, eam a *Sinis* multis retro seculis in praxin fuisse de-

ductam probat per regulas iudicibus ad explorandam litium sinceritatem præscriptas. Cum enim nullus penes *Sinas*, Dei cognitione distincta destitutos, esset iuramenti usus, iudices observare iubebantur, 1 verborum compositionem ac loquendi morem in actoris litem movente, 2 oris totiusque vultus compositionem, 3 modum respirandi, dum litem actor proponeret, 4 quam expeditæ sint actoris aures, an scilicet a iudice interrogatus perplexæ perturbateque, vel aliena & ambigua responderet, num incerti sint oculorum motus nictusque, si quid in his subdoli minusve sinceri appareret. Imprimis autem *Wolfius* extollit duplicis *Schola*, *parvulorum* nempe atque *adulorum* institutum. In schola parvulorum, quæ parte animæ inferiori nitebatur, pueri promiscue omnes ab octavo ætatis anno usque ad decimum quintum, rationis usu carentes, sensuum ministerio ducebantur flectebanturque, ut consuetudinem in bono contraherent. In schola adulorum annum decimum quintum egressi, qui vel olim alios regere debebant, nullius imperio ipsimet subiecti, vel sub imperio alterius sponte facere debebant a superiore præcepta vel præcipienda, docebantur, quomodo unusquisque se ipsum regere debeat, ut sponte faciat, quod laudem meretur, sponte fugiat, quod turpitudinis labe notatur. Qui igitur natura stupidi ex schola adulorum arcebantur, exemplo imperantium & obsequio intelligentium ad obedientiam adducebantur, ut sic ipsorum quoque actiones non solo pœnarum metu extorquerentur, sed ad virtutem propius accederent. Ad eundem scopum tendebat reverentia erga superiores & sapientes, studiose inculcata, & superiorum & sapientum studium indefessum, quo se redderent reverentia dignos. Præxin cum theoria conjungendam esse, *Confucius* sedulo inculcabat, persuasissimus, meditationi exercitationem minime jungentem errori & confusione fieri obnoxium, nihilque assequi præter umbras rerum & inanes ac sæpe falsas imagines. Quamobrem Philosophi nomine non dignabatur nisi eum, qui præxin cum theoria conjunxisset, ut eo præstantior haberetur, quo virtute anteiret alios. Utebantur autem *Sine* iisdem principiis hevrificis, quæ a *Wolffo* commendantur. Nam 1 notiones rerum moralium & politicarum a factis derivarunt &, ne notiones essent incompletæ,

in

in factis alienis minime acquievere, sed ipsi suis moribus exprefere ea, quorum notionem expetebant, eodem modo de ejus possibilitate convincendi. 2 Ex iisdem factis judicia, quæ *Wolffius* vocat, intuitiva deduxerunt: quæ ut certa consequerentur, ad facta aliena principium rationis sufficientis applicarunt, non modo judicantes, quænam ex actionibus consequantur, verum etiam in rationem inquirentes, cur fuerint secuta, quænam sequantur, semper, quænam nonnisi sub certis conditionibus, utque judiciorum certitudinem assequerentur, experimenta eorum in se ipsis sumserunt, quæ attentione ad casus alienos fuerant consecuti. 3 Imprimis etiam magno, quod *Wolffius* tantopere in arte invenendi commendat, principio reductionis summo ingenii acumine, notionem imperii ad notionem familiæ & notionem ordinis in imperio ad notionem ordinis cœli reduxerunt. Etenim jam *Fobius*, imperii conditor, ex cœli terræque contemplatione sibi normam præscripsit ad populi & Reip. rectam administrationem, & cœli terræque ordinem atque constantiam admiratus, illum perquam sollicitè imitari studuit. Statuit autem hanc legem supremam, ut inter superiores & inferiores, seniores & juniores, imperantes & parentes, supremum monarcham atque imperium eadem censeatur relatio, quæ inter parentes atque liberos intercedit. Ex hac relatione deducta sunt præcepta moralia atque leges *Sinarum*. Cum Cl. *Wolffius* universalem urgeat omnium actionum consensum, vultus quoque, oris, gestuum, totiusque corporis compositio una cum actionibus, quæ principalem accidentaliter comitantur, cum principali consentire debent, atque inde decorum deducit. Consensum istum quoniam *Confucius* quoque urget, *Confuciana* autem, quamvis a posteriori derivata, perinde ac *Wolffiana*, inter se cohæreant; quivis per se intelligit, quod eundem quoque fontem decori statuere debeat. Ob universalitatem consensuum omnium *Wolffius* maximam vel in minimis infimisque rebus curam præstat maximum ad veritatem & sinceritatem in studio virtutis adjumentum: eadem vero multis in *Confucio* exemplis confirmatur a discipulis, qui maxima sollicitudine dicta factaque *Confucii* collegerunt. Et quemadmodum

Wolffius ad virtutis culturam requirit, ut boni propositi ad conspectum cujuscunque objecti obvii recorderis; ita *Confucius* eidem regulæ satisfecit, magna ingenii felicitate a rebus quibuscunque obviis anam de virtutis studio cogitandi arripiens. *Sina* ab antiquissimis temporibus ritibus valde delectati, eosque in schola parvulorum docuere. Immo integer extat apud ipsos liber Rituum, qui inter classicos sapientum refertur. Cum *Wolffius* in moralibus notionem ceremoniæ seu ritus evolveret, singularem earum in promovenda virtute usum reperit, atque adeo dolet, quod interpretes librorum classicorum *Sinenfium*, R. P. *Franciscus Noel*, ab eo vertendo abstinuerit. Latere autem in ritibus *Sinarum* sapientiæ ac prudentiæ sublimis principia, exemplo probat. *Sina* nimirum, ut infans ingenio præstans nasceretur, referente *Lieu Hiam* in libro de mulierum instructione, felici successu curabant, ne mulier prægnans objecta turpia adspiceret vocesque lascivas audiret; ut autem e contrario vespere Musicæ Præfectus, qui erat cæcus, quo sonos rectius dignosceret, duos libri carminum odas de recta rei domesticæ disciplina, ipsa auscultante, decantaret ac res honestas narraret. Cui eventus respondere debuerit votis, *Wolffius* ex principiis physicis atque metaphysicis prolixè adstruit. Quodsi quæsieris, unde sit, quod non modo interpretes nihil singulare in scriptis *Confucii* ejusque dictis & factis sibi visi fuerint deprehendere, verum etiam autores, qui de rebus moralibus non nisi maxime vulgaria & male coherentia memoriæ prodiderunt, quasi ex tripode pronunciarint, non eam esse *Sinarum* sapientiam, cujus gratia *China* sit adeunda; Noster monet, anno ante Christum 212 Imperatorem *Xi Honan ti*, infensissimum litteratorum hostem, quorum multos vivos sepeliri jussit, libros omnes præter medicos & judicarios Vulcano consecrasse. Integro fere seculo post, anno scilicet 139 ante Christum, demum Imperatorem *Vu ti*, bello & litteris clarum, fragmenta & reliquias incendii librorum colligi jussisse. Prolatos itaque fuisse libros semiustos, parietibus item & sepulchris abditos, quamvis semiesos, & præterea grandes natu fuisse consul-

tos, si qui forte, quæ memoriæ quondam mandaverant pueri, etiamnum tenerent. Ex his igitur fragmentis confectos esse libros imperii *Sinenſis* hodie classici. Quemadmodum itaque ex rudibus de opere architectonico iudicium ferre nequit, nisi architectus consummatus, attentione adhibita, quæ ad tam arduum molimen sufficit; ita quoque de *Systemate Philosophiæ* moralis ac civilis *Sinarum* iudicium ferre minime valere, nisi qui scientiæ moralis atque civilis interiora intimius perspexerit, nec in examine suam desiderari patiatur aciem atque industriam. Quod vero ipsi licuerit esse tam felici, ut abditam Sinarum sapientiam in apicem proferret, rationem hanc reddat; Sinas habuisse nonnisi notiones claras, quas cum altero verbis communicare non licet, nisi easdem jam habuerit: quem in finem *Confucius* iusserit meditationi exercitationem jungi. Se autem philosophiæ practiciæ perficiendæ operam daturum distinctis studuisse actionibus, atque multa a priori ex notionibus generalibus deduxisse, quæ *Confucius* cum suis a posteriori assecutus fuerit, & nexum inprimis veritatum moralium, antea non attentum, monstrasse. Etsi autem hac ratione minori temporis spatio veritates morales perspicere detur, methodum tamen experimentalem *Confucii* coniungendam esse monet, cum ad notiones confirmandas, tum ad ampliandas, tum denique ad fundamentales quasdam venandas. Quoniam *Sina* distincta Dei cognitione fuere destituti, adeo ut motiva nonnisi a moralitate actionum intrinseca derivaverint; ipsorum facta dictaque probare contendit Autor, quantum valeat natura in studio iustitiæ civilis, quam Theologi vocant, vel virtutis philosophicæ, quam Autor appellat. Ut vero de arduo inter naturam & gratiam discrimine demonstrativa ratione decidere liceat, Noster distinguit inter virtutem philosophicam, pietatem philosophicam & virtutem christianam. Discrimen petitur a motivis, quibus voluntas determinatur. Virtuti philosophicæ conveniunt motiva ab intrinseca actionum moralitate derivata; pietati philosophicæ, quæ ab attributis divinis beneficio luminis naturalis agnitis petuntur; virtuti denique christianæ,

stianæ, quæ ab attributis divinis, de quibus supernaturali Spiritus S. operatione convicti sumus, & ab opere redemptionis regni gratiæ desumuntur. Unde liquet, pietatem philosophicam esse gradum quendam intermedium inter virtutem philosophicam atque christianam. Hinc etiam deducit *Wolffius*, quod, cum Christianus Dei gratia regeneritus fide divina teneat, quæ homo extra cœtum Christi degens lumine naturali assequitur, magna inter utrumque sit differentia, etsi iisdem utantur motivis, cum assensus illius sit firmitior, motivum firmitus, consequenter & propositum firmitus gignens, nec tam facilem sub circumstantiis singularibus locum relinquat exceptionibus. Fieri tamen non posse observat, ut regeneritus non constanter jungat motivis, a moralitate objectiva actionum & providentia Dei in regno naturæ petitis, ea quæ ab opere redemptionis & providentia in regno gratiæ petuntur. Quamobrem etsi actus externus hominis regeneriti atque irregeniti idem sit, adeoque eandem cum lege divina conformitatem habeat; quoniam tamen ad actiones humanas non motus corporis, verum etiam mentis actus interni referuntur, actionem externa specie eandem in immensum differre posse. Atque sic tandem concludit, naturam gratiæ insigniter perfici & vires animæ ad gradum majorem evehi, ut jam gratiæ viribus fieri possint, quæ naturæ viribus superiora erant.

NOVA LITTERARIA.

Vir doctissimus, *Johannes Fridericus Schannat*, qui in eruendis veterum monumentis, iis imprimis, quæ res Fuldenfes concernunt, singularem hactenus operam poluit, nuper admodum novum opus prodidit, quod, siue rerum reconditisissimarum selectum, siue etiam typorum & figurarum elegantiam spectes, curiosis Lectoribus apprimè se commendabit. En titulum: *Fuldscher Lehn-Hof, siue de Clientela Fuldensi beneficiaria, nobili & equestri, Tractatus Historico-Juridicus, cum Olencho Vasallorum primi & secundi ordinis. Francof. ad Manum 1726. fol.*

ACTA ERUDITORUM,

publicata Lipsiæ

Calendis Junii Anno MDCC XXVI.

HISTOIRE PHYSIQUE DE LA MER.

i. e.

**HISTORIA PHYSICA MARIS, AUTORE
LUDOVICO FERDINANDO Comite
MARSILIO.**

Amstelod. sumptibus Societatis Librariz, 1725, fol.

Alph. 2 Tabb. zn. 40.

A Longo jam tempore locum inter eruditos primi ordinis sibi vindicavit Illustrissimus atque Excellentissimus *Marsilius Comes*, hinc ab anno MDCLXXXII non rara ejus in Actis hisce, ubi varias ejus lucubrationes non sine plausu nostro percensuimus, mentio facta est. Sed cum totum replere illius pectus credidimus vastum opus, quo Istrum omnem complexus est, ecce novo conatu in maris abyssum descendere totumque expiscari non gravatus est rerum altius conditarum strenuus sectator; inde opus natum est, quod plurium annorum labore indefesso, & ingeniosa industria, pluribus experimentis factis, ita absolutum est, ut deesse nihil videri queat, premendum tamen ab Autore, nisi Regiz Parisiensis Academiæ approbatione, & celeberrimi Boerhavi (cui, quod & operis edendi curam in se suscepit, plurimz debentur grates) monitis incitatus tandem in lucem protrahi permisisset. Occasionem industriæ præbuit doctissimi Comitis institutum emetiendi terraquei globi, quo intimam ejus formam & organicam, qua factum esse credit, fabricam retexeret, quod certo non posse fieri intellexit, si non ante maris rationem propriam,

Hh

&

& formam constituit. Occupari in opere jam cœpit ab anno MDCLXXX, quando in regia Constantinopoli agens, angustum urbis canalem sedulo perscrutatus est, quem laborem inde anno MDCLXXXI, ubi iterum eo divertere iussus est, repetiit, quæ tentamina tunc quidem facta, partim typis vulgavit, partim scripta domi asservat, olim forte edenda. Nemo ante doctissimum heroem nostrum idem, quod hoc opere præstitum est, moliri sustinuit, si eos excipias, qui, quæ in usum vitæ ex mari petuntur, sectati sunt, & ipse Boyleus, doctus homo, in diversa maris altitudine definienda subsistit. Et experimenta quidem plurima fecit in fluminibus Provinciæ Gallicæ, unde postea ipsum mare ingressus est. In quinque partes opus omne dispescuit, ita ut in prima maris fundum exquireret, & pelvim formaret, in qua aqua fluctuat; in secunda de ipsa aqua mixta agitur; tertia varios aquæ marinæ motus & fluctus examinat; quarta plantas marinas, earumque vegetationis negotium evolvit; quinta vero, quæ adhuc desideratur, maris vivarium & animalium marinorum historiam pertextere constituerat. De his omnibus quæcunque dicta sunt, propria scriptoris experientia subnixæ reperies: suspectum enim iudicavit cum recte sapientibus, in re dubia aliena fide stare; quicquid ergo apparatus ad penitus singula noscenda pertinet, in partes vocavit, nunc Chymicis operationibus, nunc microscopiis aliisque instrumentis felicissime usus. Priorum quatuor partium sibi propositam ita pertextuit telam, ut maris fundi rationem ex ipso terræ modo & forma, proportionem rite constituta, reddat, atque vel gibbis variis, montium more, exsurgere, vel cavis deprimi & inæquale reddi, supponat, quemadmodum in tabulis pictam ejus superficiem exhibet. Inter alia in secundo Libro aquam maris non falsa modo acredine invisam docet, quod vulgo traditur; sed amaro bitumine, ex carbonum fossilium venis manante impuram, quod mari infunditur, postquam per cuniculos terræ cum aqua ab igne concitatum, actum est, quodque nulla arte ab aqua secernendum, nec colando, nec distillando, nec præcipitando, sanitati hominis noxam infert, & sapore ingratum, nauseantem facit stomachum, diversis tamen maris profunditatibus diversa

diversa quantitate admixtum, quod innumeris factis experimentis tentatum & confirmatum est, ita ut nihil prætermisissimum sit a philosopho, chymico, mechanico. Iphis vero Chymicæ artis alumnis luculenta suggessit argumenta, quibus hæcenus multis modis perplexam doctrinam de marina aqua planiorem & magis distinctam reddit. Motum omnem maris, variasque ejus undas, ex tribus Autor repetit causis, ex inæqualitate fundi, vel marinæ pelvis, & in eandem effulis torrentibus, in se illis, unde aqua varie fluctuat & jactatur; ex pressione aeris varie ventis agitati, qua undis factis vi varia resistit & urget; & demum ex fluxu & refluxu aquæ marinæ, quem ad Lunæ vices mutatas Autor refert. Quarta pars operis plantarum marinarum naturam & varias species exhibet: in earum vero historia mera videtur nova pandere sagacissimus Autor. Cum terra natis plantis componuntur marinæ, nec quicquam fere in illis esse docetur, quo hæc destituantur; cortex, pulpa, medulla, redduntur marinis omnia & vindicantur, nec flores, quibus ornentur, defunt, qui a Nostro depicti intuentium oculos voluptate non perfunctoria perfundunt; imo nec seminibus carere, quibus, in cavernis marinis satis, germinent, solerti industria repertis, novo ausu Autor statuit, eaque profert, de quibus nemini ante conjicere datum est. Sed e tam præclaro opere pauca vel leviter attigisse suffecerit: quod si enim, quæ in illo curiosa singulis fere paginis obveniunt, commemorare velimus, veremur, ne novus nobis contexendus liber esset. Ex his vero intelligitur, quantum sibi promittere Lector posset, si quintum quoque Librum, qui historiam animalium marinarum complecti debebat, argumentum amplissimum nec satis hæcenus exhaustum, absolvere dignetur Illustrissimus Autor, nunc quidem in magno illo opere Danubiali, cujus nuper primus Tomus prodit, occupatissimus. Nos certe cum bonis omnibus optamus, ut Deus O. M. Viro incomparabili, in vergente jam ætate constituto, annos viresque largiatur, quo, quæcumque parat in commodum rei litterariæ, felicissime tandem ad finem perducatur.

JO. POLENI AD REVERENDISS. ABBA-
tem D. GUIDONEM GRANDUM *Epistola duæ;
in quarum altera proponuntur nonnulla de telluris
forma: in altera vero quædam de causa
motus muscutorum.*

Patavii 1724. 4.

Plag. 4 tabb. zn. 2.

CUM de figura telluris hodieque discrepent doctissimorum
Virorum sententiæ, aliis formam sphæræ, si montes &
valles neglexeris, satis exactæ, aliis figuram sphæroidis tantillum
versus polos oblongatæ, aliis denique figuram sphæroidis circa
polos paululum depressæ, telluri attribuentibus, id egit in priori
Epistola Clarissimus Autor, iterum ac sæpius in Actis nostris lau-
datus, partim ut doceret, inter argumenta, quæ afferri pro di-
versis illis sententiis solent, nulla esse, quibus vis convincendi
insit, partim ut novam ostenderet viam, qua fortasse propius
accedere ad veritatem liceat. Fatetur, argumentum de telluris
forma proxime ad sphæricam accedente haud quaquam spernen-
dum a Lunæ defectibus duci, in quibus telluris umbra in luna-
rem discum incidens forma circulari apparet; sed negat, pu-
sillum telluris a sphærica figura defectum ex isto phænomeno
percipi posse, neque id obstare judicat, quo minus sphæroidis,
sive oblongatæ aliquantulum, sive depressæ figura competere
telluri queat. Et licet Childræus, in *Britannia sua Baconica*,
testimonia Tychonis Brahe & Keppleri adducat, animadverten-
tium, phænomena alicujus defectus Lunæ visa fuisse indicare,
telluris figuram oblongatam, sive ovi similem esse, parum ta-
men huic observationi tribuendum censet: *namque sectio*, inquit,
transversa coni umbrosi telluris (quod recte animadvertit Jo.
Casp. Eiseenschmidius) in regione lunari longe major ipso lunari
disco cum sit, & propterea margo umbræ in luna deficiente cum
non nisi partem exiguam integræ, quæ fieri posset, sectionis ex-
bibeat, cumque gibbosa sit lunæ superficies, frustra perfectus ab-
solutusque (vel si nulla essent in lucis consensis spuria umbra)
termi-

terminus transversa sectionis coni umbrosi telluris in obumbrata luna facie inquiretur. Neque vero plus roboris inesse judicat causæ physicæ, quam ideam Childrzus ad sententiam suam comprobandam affert; puta quod ad utrumque polum nix hyeme cadat magna copia, quæ congelacietur, neque æstivo tempore tota liquecat, unde a mundi origine ad hæc tempora magnos cumulos accessisse regionibus illis necesse sit. At gravius argumentum adversus sphaericam telluris formam illud numerat, quod suppeditant vires gravitatis, atque observationes nonnullæ, quibus constare dicitur, horologiorum pendula in torrida Zona paullo tardius, quam Lutetiæ Parisiorum, moveri. Hinc enim sequi videtur, gravia sub æquatore minus gravia, atque ideo a centro remotiora esse, quam sub polis, hoc est, figuram sphæroidis depressæ competere telluri nostræ. Cum tamen alii sint, qui varias illas pendulorum velocitates, non a varia gravitate ponderum appensorum, sed a virgarum longitudine varia, pro varietate caloris, deducant, (observarunt enim, æstivo tempore ferreas virgas longitudine sua extendi, hyemali vero tempestate fieri breviores) non ita facile sphaericam telluris figuram ob phænomenon illud in aliam mutandam arbitratur. Similiter de illis observationibus judicat, quibus videtur ostendi, meridianorum in telluris superficie mensurorum gradus, a meridie versus Septentriones tendendo, minores inveniri. Alii enim, contraria prorsus ratione, gradus illos augeri ab æquatore ad polos volunt; nec male a quibusdam asseritur, exiguam illam graduum differentiam in mensurandis gradibus non admodum distantibus detegi non posse; quia error ex fabrica & usu instrumentorum differentiam hanc superat. Unum restat adversus sphaericam telluris figuram argumentum, a motu terræ atque hinc orta vi centrifuga desumptum; quo magis enim a polis æquatorem versus acceditur, eo major fit vis centrifuga, propter majorem celerioremq; motum; hinc necesse videtur, ut marium summa superficies (cui solidarum terræ partium superficiem quam proxime respondere non ambigitur) circa æquatorem utique tumidior reddatur, hoc est, ut ipsa terra figuram sphæroidis depressæ induat. Ad hæc ita respondet Cl. Autor,

ut doceat, cum strata telluris inæquali densitate prædita sint; posse illam densitatem atque ab ea dependentem vim centripetam ad vim centrifugam ita ubivis esse attemperatam, ut, vel posita vis centrifugæ causa, sphærica telluri figura conservetur; id quod etiam geometrice, adhibito schematismo, demonstrat. Jam ut rationem quoque illam paucis attingamus, quam propositæ liti dirimendæ conducibilem Vir doctissimus existimat, persuasum ipsi est, posse in gradibus circularum ad æquatorem parallelorum explorari differentias multis quidem partibus majores, quam sint illæ, quæ dicuntur varios inter meridianorum gradus intercedere. Primo igitur posuit, telluris figuram eam esse, quæ ex rotatione ellipsis circa majorem axem progignitur; assumtisque iis mensuris, quæ in commentariis de magnitudine ac figura terræ a Cassino & Maraldo definiuntur, invenit, uni gradui circuli paralleli ad latitudinem graduum 48 deberi exapedas Paris. 37769. Deinde posuit telluris formam genitam ex Ellipsis circa minorem axem rotatione, adhibitisque mensuris, quibus utitur Gravesandius in Physices elementis mathem. reperit, uni gradui ejusdem paralleli (sc. ad lat. grad. 48) convenire exapedas 38546. Quod si ergo duo loca sub eodem parallelo, quorum alter ab altero distet gradibus 5 aut 6 illius paralleli, summa diligentia determinentur, eorumque intervallum in exapedis quam accuratissime inquiratur, putat constare debere, *num ambitus illius paralleli minor sit, quemadmodum fert prima hypothesis; an vero major, ut postulat secunda; an denique intermedie cujusdam quantitatatis, sphericæ telluris forma faventis.* Hæc de priori Epistola Cl. Poleni, sub cujus finem addita est Observatio defectus lunæ, qui contigit prid. Kalend. Novemb. 1724. In altera Epistola hoc ipsi propositum est, ut experimentis atque ratiociniis mechanicis ea confirmet, quæ circa muscutorum motus, ope analytici calculi, elegantissime soluta dedit Jo. Bernoullius in sua *de muscutorum motu* Dissertatione. Ad quod efficiendum, quo machinarum apparatu fuerit usus, quomodo conjunctis, ope teretium claviculorum, 16 regulis orichalceis, catenam construxerit, quomodo illam super lignea mensa, plana & rotunda, extenderit & firma-

firmaverit, quomodo pondera applicuerit, quomodo curvaturam catenæ invenerit, atque ita porro, cum longum esset hoc loco sufficienter docere, ex ipso doctissimo Autore curiosum lectorem addiscere malumus.

THE LIFE OF LEOLINE JENKINS &c.

i. c.

LEOLINI JENKINSII, ADMIRALITATIS
*Angliæ, ut & Curie prærogative Cantuariensis Judicis,
 Caroli II Regis Angliæ Secretarii Status & Legati ad
 Pacem Colon. & Neomagensem &c. Vita, Epistolæ
 & alia monumenta; Autore WILHELMO WYNNE, Equite.*

Tomi II.

Londini, apud Josephum Downing, W. Taylor, W.
 & J. Innys & reliquos, 1724, fol.

Alph. 16 plag. 4.

QUO rariores Virorum inter Anglos Illustrium de publicis rebus, quas moderati sunt, Commentarii & Epistolæ prostant (neque enim præter *Templii & Arlingtonii* Epistolæ multas invenias alicujus momenti); eo majores debentur gratiæ Cl. *Editori*, quod has Illustres *Leolini Jenkinsii* schedas, ab iis, quos ubique fere comites habuit, sibi liberaliter communicatas, ab interitu vindicavit, iisque luculentam Autoris vitam præmiserit. Quam ut breviter exponamus hoc loco, natus fuit *Leolinus* noster Patre cognomine, viro mediocris fortunæ, sed integro vitæ scelerisque puro, A. 1625, juvenisque admodum delatus in Academiam Oxoniensem, paucis post annis ad exemplum commilitonum arma capere pro Regia causa, nondum tamen studiis desertis, tandemque, mutata prorsus rerum facie A. 1648, solumi vertere coactus est. Iter inde ingressus cum Anglis quibusdam, quorum studia moresque moderabatur, in Gallia, Belgio & Germania celebriores Academias lustravit, rursusque post triennium

p. 1.

2.

3.

6.

- ennium in Angliam, tandem restituto feliciter Rege Carolo II.
 p. 8. A. 1660 Oxonium rediit, ibidemque mox Collegio Jesu, cujus
 10. antehac alumnus fuerat, præpositus, Doctoris Juris honores
 impetravit, legesque publice aliquandiu magna cum laude ex-
 plicavit. Inde ut se practicæ magis vitæ pararet, suavis veteris
 amici, Sheldoni Archiep. Cantuar. cujus Theatro Oxonii ex-
 12. citando eondendæque Typographiæ assidue invigilaverat, Lon-
 dinum se contulit 1663, atque in numerum Advocatorum de Ar-
 cubus receptus, mox Judicis Curie rei navalis seu Admiralitatis
 14. Angliæ munus consecutus est 1664, in quo ita se gessit, ut ora-
 culi loco, dignusque haberetur, qui A. 1668 Curie prærogativæ
 18. Cantuariensis pariter Judex præficereetur. Missus sequenti anno
 a Rege in Galliam, ut matris Regiæ hæreditatem, quam Hen-
 rietta filia, Duci Andegavensi nupta, sola sibi ex lege Gallorum
 assererat, Regis nomine cerneret, & mox re feliciter gesta re-
 20. versus, in unienda Anglia & Scotia jussu Regis multam operam,
 sed, Scotis obnitentibus, nequicquam posuit. Orto deinde inter
 Belgas atque Anglos Gallosque, gentes fœderatas, bello, Noster
 principe loco ablegatus est Coloniam ad tractatus pacis A. 1673,
 ac pacem cum Belgis, separatim Templii opera sancitam, stabili-
 24. vit, iterumque 1675 Neomagi in pace illa universali concili-
 lianda pars maxima fuit, prout ex Epistolis ejus abunde patet.
 28-40. Non lubet hic cum Autore in ea excurrere, quæ pro Jenkinfio,
 cujus in præjudicium tum Burnetus, quem & alibi refutat
 Noster, tum ipse Templius (qui res Angliæ eodem tempore
 curabat Hagæ Com. unde Neomagum subinde excurrrens, com-
 munem cum Jenkenfio causam egit) nonnulla protulisse visi sunt,
 29. magna veritatis specie edisserit. Suffecerit illud animadvertere,
 quod Templius falsus fuerit, nullas facile computationes aut
 choreas celebratas fuisse, quibus non interfuerit ipse, cum raro
 contra illic comparuerit Leolinus; se sero cubitum ivisse &
 furrexisse, illum vero hora octava vespertina lectum petiisse,
 reliquisse quarta matutina, unde dictum invaluerit, mediatores
 omni momento ad agendum alacres ac vigiles (*that the Medi-
 ation was always on Foot, to go on with its Buffiner*); memorat-
 36. que præterea Noster, Templium munera a belligerantibus ejus
 opera

opera conciliatis oblata prompte accepisse, Leolinum & Gallorum aliorumque munera, quæ obtrudebantur. generoso animo repudiassse omnia, nec adduci ullo modo potuisse, ut utensilia & apparatus aureum & argenteum, finita legatione liberaliter a Rege suo oblatum, aliorum exemplo legatorum, acciperet. Lectu imprimis dignæ sunt regulæ, Mediatori Legatoque & Ministro status observandæ, quas passim Epistolis Leolini interfertas, huic vitæ eodem conspectu inseruit Cl. Biographus. Revocatus inde in Angliam 1679, & Consiliarii & Secretarii Status intimi anno sequenti provinciam adeptus, eam difficillimis temporibus sustinuit, donec aulæ pertæsus, 1684 missionem impetraret, invito quidem Rege. Et quamvis a Jacobo II rursus in aulam e secessu evocaretur, pariterque pristino officio admoveretur, valetudinem tamen mox adversam, ut sæpe antea, expertus, Cal. Septembris 1685 diem obiit supremum Hammer-smithi, unde deductus, prout jusserat, Oxonium & in templo Collegii Jesu, cui & maximam partem hæreditatis cum Bibliotheca reliquit, honorifice sepultus est. Et si vero nec uxorem, nec liberos haberet, & præterea bonus esset pater familias, perque complures annos summis muneribus præfectus, neutiquam tamen immensas opes reliquit, quod &, ut supra dictum, in accipiendis donariis scrupulosior, & in Legatione, prout decebat, splendidus, & in pauperes fuisset effusissimus. Fuit præterea insigni pietate, ita quippe in fidei dogmatibus confirmatus, ut Courtinus, Gallicus in tractatibus Colonienfis legatus, aliquando affirmaret, *se, nisi sciret, Leolinum rei gerendæ satis aptum, multisque aliis doctrinæ præfidiis instructum, facile persuaderi posse, ut crederet, cum tota vita nihil aliud egisse, quam ut Patrum scripta legeret.* Itaque fide in Deum atque Regem erat incorrupta, præterea justus, gravis, inoderatus, affabilis, ad promovendam amicorum commoda promptissimus.

Post vitam hanc, interjectis quibusdam Jenkinsii Dissertationculis, quæ maximam partem Jurisdictionem Admiralitatis Angliæ spectant, succedunt Epistolæ, quæ ab A. 1673, quo coeptus est Tractatus Colonienfis, usque ad Mensem Majum anni sequentis, quo Noster in Angliam reversus, rursusque ab initio anni

p. 54.

38, 39.

51.

6a.

T. I p. 433.

T. II p. 189.

T. I.

p. 275 sq.

280.

296.

482.

320.

1676, quo pax Noviomagi tentari cepit, ad Mensem Augustum anni 1679 iusto ordine dispositæ, partem maximam Voluminis I & alterum totum occupant, integram negotiorum seriem exhibentes. Multum illæ prodesse poterunt publicis rerum administris, tum quod tractandi rationem omnem, Mediatoris imprimis officium ac prærogativam, aperte produnt, tum quod magnam partem ceremonias & stylum curiæ concernunt, quo pertinent literæ plenæ potentæ, & salvi conductus, in quibus tituli Principum, sigilla, verba denique omnia sollicitè examinari sueverunt, tum Legatorum compellationes (ut *Excellentiæ*, quæ non nisi Regum & Electorum legatis primi ordinis concessa, ceteris Germaniæ Principum Legatis, ut & secundariis Electorum, negata constanter fuit) salutationes item ac resalutationes, ordo sessionis, præcedentiæ, imprimis Mediatorum, primæ propositionis in tractatibus, subscriptionis in ipsa conclusione pacis & reliqua. Jam pauca, quæ nobis, obiter librum voluntibus, notatu digna visa sunt, memorabimus. De Arlingtonio refertur, eum ineunte anno 1675 in Regni Senatu Papismi, dilapidationis ærarii & proditiõis a Gilberto Gerhardo, sed Buckinghamii suggestione, accusatum, tanta gravitate, prudentia, moderatione animique minime perturbati constantia integro horæ spatio pro se orasse, ut multo maiorem ex hac una oratione famam & existimationem, quam rebus per integrum decennium bene pro Rege & Republ. gestis sibi pepererit. Raptum Fürstenbergii Principis, quem conventus Colonienfis pro Legato Electoris rite agnoverat, Colonia Bonnam ac inde Viam abstrahi, accurate & graphice describit Autor, vimque factam detestatur; quæ res pluribus deinde Epistolis materiam præbuit. Hanc injuriam cum ægerrime ferrent Galli, quorum ille causam pro virili tuebatur, accessit paucis post septimanis nova offensa, eo quod 48000 coronatorum, quos Galli Colonia Vesaliana ad stipendia præfidiariis solvenda destinaverant, in ipsa porta Colon. a Kielmanseckio, Cæsareo ductore, detinerentur: quod damnum ipsi denique Colonienfes, qui indemnitate legatis promiserant, refarcire coacti sunt. Uti vero Fürstenbergium ideo maxime hæc fata expertum putat Noster, quod illi arcanum fuisset

fuiſſet cum rebellibus Hungaris Zerinio & Tettenbachio commercio; ita obſervat, cum Legati ceteri fere omnes cauſam ejus agerent apud Cæſarem, ſolas Belgas adduci non potuiſſe, ut pro illo intercederent, obtendentes, ſaſſum illum inter ſerventiores ſermones fuiſſe Odykio Coloniz, ſe a quindecim annis laboraſſe, ut hanc Rempublicam peſſundaret. Quantum Gallia inhiaverit ſemper Belgio Hiſpanico, ex eo liquet, quod jam A. 1635 inter Gallos Belgasque Fœderatos de illo partiendo conventum eſſet (cujus quidem pacti mox pœnituit Belgas); & ex inſtructione Mazarini patet, idem tentaſſe Gallos in pace Monaſterienſi; imo in ipſa pace Neomagenſi ruriſus id agebant Galli, ut Belgis hoc conſilium perſuaderent. De Civitatibus Imperialibus obſervatur, quod ad Electores literas ſcribentes, membrana, ad ceteros vero Germaniz Principes, charta utantur: Cellenſem tamen Ducem Noribergeſium literas, in charta exaratas, repudiaſſe. A. 1678 die 4 Aprilis Legati Gallici Mediatoribus Angliſ conditiones ſatis arroganter nomine Regis ſui proponebant, quibus vel ante diem 10 Maji acceptis, pacem, vel rejectis, bellum optare Gallorum hoſtes poſſent; & quamvis terminus fuiſſet productus, obſervatur tamen in ſequentibus Autoris Epiſtolis, Gallos conſtanter illis inhæſiſſe, & oppido paucis mutatis, pacem demum Fœderatis extorſiſſe. Nec unum hic extat Gallici ſaſtus exemplum, quo pertinet, quod, cum Galli, cum Cæſareis de pace tractaturi, propoſuiſſent, ut conventus apud Mediatoreſ inſtitueretur, Cæſarei vero, ut ſe ipſos potius convenirent Galli cum Mediatoribus, modeſte poſcerent, Colbertus indignabundus reſponderet: *nunquam ſe in hoc negotio requiſituros Cæſareos, nec Regem ſuum obviam iturum Cæſari, niſi centum milia militum ducentem.* Quantum Brandenburgicum Electorem Fridericum Wilhelmum afflixerit jactura provinciarum Suecicarum, ex eo intelligitur, quod Conſiliarios ſuos, inſtituta ea de re conſultatione, hiſ denique verbis compellaſſe fertur: *quod ſi pereundem eſt tandem, operam ad minimum date, ne quid exiſtimatio mea damni patiatur;* quibus dictis, in graviſſimum deliquium incidit. Hiſ Epiſtolis, quæ Coloniienſes tantum & Neomagenſes Tractatus ſpectant, ſubjiciuntur

p. 369.

T. II.

p. 278.

308.

326.

538.

610.

643-792.

p. 645.

674.

postremo aliz quædam, quæ maximam partem tum varia Angliæ jura civilia & ecclesiastica, tum imprimis jus Albinagii, quale vel in Gallia vel Anglia obtinet, occasione hæreditatis a Matre Regia relictæ, de qua supra, concernunt. Sunt tamen & in his litterariæ nonnullæ, e quibus duas tantum memorabimus. Altera *Athanasio Davies* inscripta est, quem, ut exemplo D. Athanasii veritatem strenue inter maximas persecutiones tueatur, nec se dimoveri a fide Ecclesiæ Anglicanæ patiatnr, hortatus, inter alia narrat, Hugonem Grotium, Belgam licet, ita tamen Ecclesiæ Anglicanæ addictum fuisse, ut eam ceteris omnibus prætulerit, amicisque commendaverit, uxori imprimis, quæ Parisiis constanter frequentaverit cultum privatum exulantis Regis Caroli II. Altera Latine exarata dirigitur ad *Cl. Bosium Professore in Academia Jenensi* (i. e. Jo. Andr. Bosium in Acad. Jenensi Professore) quem eum rogat, ut, quoniam Josephi Opera mox prelo subjicienda sint in theatro Sheldoniano Oxonii, eas, quas cum pluribus probatæ notæ Codicibus MS instituisse feratur, collationes, impensis prius omnibus, quas fecerit, ipso sponsore Spanhemio, restitutis, ad se mittere Coloniam dignetur.

P. TERENTII AFRI COMOEDIAE SEX,
ad fidem duodecim amplius MSorum Codicum & pluscularum optimæ notæ editionum recensitæ, & Commentario perpetuo illustratæ. Accedunt interpretes vetustiores, AEL. DONATUS, EUGRAPHIUS, CALPHURNIUS, quorum iste maxime e duobus manu exaratis libris, ille itidem e binis MSS. nunc primum integer, bice codice MS. & veteri editione integrius quam antebac eduntur; additis observationibus, quibus loca obscuriora & depravata vel tentantur, vel restituantur. Porro FR. LINDENBRUCHII observationes in P. Terentii Fabulas & Donati Commentarium emendatius quam in superioribus edd. exhibentur, denum Indices locupletissimi. Curavit ARN. HENR. WESTERHOVIUS.

Tomi

Tomii II.

Hagæ-Comitum, apud Petrum Goffe, 1726, 4.

Alph. 12 plag. 8.

Quantopere olim doctissimis viris *P. Terentius* placuerit, Varronis, Ciceronis, Plinii, multorumque præterea testimonia demonstrant. Erant jam illis temporibus, qui ab homine Afro tam eruditas Comædias conscribi posse, vix sibi persuadebant, sed earum auctorem aut C. Lælium, aut Scipionem Africanum faciebant. Quæ opinio, licet falsa fuerit, abunde testatur, videres & facetias Romanas Terentio non minus, quam Græcas Menandro cognitasse fuisse. Atque hæc auctoritas Comici & gloria non nisi cum communi litterarum interitu, quem barbaræ gentes afferebant, intercidit. Restauratis litteris, novum etiam Afri nostri decus enituit: adeo, ut ex heroibus illis, quibus conservationem Græcæ Romanæque eruditionis debemus, nullus sit, qui eum in deliciis non habuerit. Unde accidit, ut eo tempore viri elegantioribus Musis dediti solenni elogio *Terentianorum* ornarentur. Et qui in Academiis humanitatis studia docebant, ii Terentium explicare publicis legibus tenebantur. Sed hoc demum & superiore sæculo, ut multos alios bonos scriptores, ita & hunc optimum Latinitatis autorem inepti quidam homines a fastigio suo detrahere cæperunt. Non, quod probæ ejus editiones deessent (facile enim octoginta editiones numerabis, quæ vel nostra & patrum memoria prodierunt) sed quod prava partim religio quædam, partim optimæ cujusque artis fastidium animos occupaverat. Si qui tamen fuerunt, quos minus culta facies Comici, aut defectus perspicuarum annotationum deterruit, iis jam nunc bene consultum videmus per Cl. *Weserbovium*, qui hanc nitidam & charta typisque abunde conspicuam editionem adornavit. Ad eam rem impulsus est jam olim autoritate Celeb. Perizonii, & auxilio fuerunt viri Clarissimi, Car. Andreas Duckerus, Abr. Gronovius alique permulti. Adhibuit tredecim circiter codices MSS. Donatum etiam ceterosque vetustos interpretes ad similia documenta aut editiones obsoletas recensuit. In promptu fuerunt tam libri plures

impressi, quam notæ ineditæ Gerhardi Falckenburgii, Isaaci Vossii (ut videre est pag. 106 & 108) Jani Gruteri, Th. Pulmanni & aliorum. Consuluit de locis dubiis viros doctissimos, in quibus etiam Amplissimus Vir Cornelius van Bynckershoek. Et, quod peculiare est huic libro, Cl. Abrahamus de Rouw singulari diligentia laudatorum scriptorum loca, ne vitiose, quod facile accidit, citarentur, denuo autoribus evolutis examinavit, verosque librorum capitumque numeros, ubi forte peccatum erat, restituit. Porro, beneficio Amplissimi Mœringii novum Indicem nactus est, qui jure suo Lexicon Terentianum nominari potest, quem Cl. Editor cum affine suo, laudato Abr. de Rouw, a capite ad calcem recensuerunt, multisque locis aut emendarunt, aut locupletarunt. Denique in Donato emaculando usus est haud infelici opera Cl. Abrahami Wielingii, qui luxata multa restituit, & obscuriora loca egregie emendavit atque illustravit. Ut ergo paucis & ex veritate mentem nostram super hac editione exponamus, ita censemus. Homines elegantes, qui veteres scriptores cum voluptate perlegere volunt, habent hic nitidam editionem, quæ vel invitos ad legendum incitare, hæsitantibus etiam, dum ex multorum notis in unum Commentarium conjectas observationes exhibet, passim succurrere possit: at qui altius in litteras interiores penetrare, & Criticam suam, ut ita loquamur, cupiditatem exsatiare cupiunt, iis, ni fallimur, aptior erit ea, quam Celeb. Bentlejus cum maxime adornat, editio. Hæc vere a nobis dici, rem ipsam dabimus autorem: indeque non temere conjicias, idem, quod diximus, Cl. Editoris fuisse propositum. Sed ne latius evagemur, ea saltem, quæ ad primam Comœdiam (ubi intentio & studium nondum fuere defatigata) Andriam videlicet præstita sunt, perlustrabimus. Act. I Sc. II vers. ult. ubi nunc editur: *neque tu hoc dicas, tibi non prædictum*, malebat cum Donato: *neque tu haud dicas*, atque duas negationes negare etiam apud Latinos, exemplis ex nota Ach. Statii ad Tibull. IV eleg. VII, Brœukhusii ad Ejusdem IV eleg. I vers. 127 & Grævii ad Cic. III ad Attic. epist. VII repetitis demonstrat. Act. IV Sc. III vers. 5 ex MSS. & edd. aliquot prætulit: *verum ex ea nunc misera quem capis Laborem*, ubi alii

Dolo-

Dolorem ediderunt, quæ vox alterius solennis Glossa est. Act. V Sc. IV vers. 32 distinctionem mutat, scribens: *Is hinc, bellum fugiens, meque in Asiam persequens, proficiscitur*; cum alii sine distinctione, *Is hinc bellum fugiens* conjungant. Et propter verbum *proficiscitur* verissima est distinctio Cl. Westerhovii: quod ni adesset, recte *hinc bellum fugiens* diceretur, ut apud Plaut. Menæchm. Act. V Sc. II vs. 117: *Sed quis hic est, qui me capillo hinc de curru deripit*, & apud Livium II cap. XXI: *mortuus est Cumis, quo se post fractas opes Latinorum ad Aristodemum consulerat*, & apud Sallust. B. Jug. cap. LXI n. 4: *qui Roma fuerat, & inde Massiva de nece judicium fugerat*. Sed ut bene distinguit, ita nihil admonet de verbo *persequens*, quod sine dubio in *prosequens* mutandum est. Aliter judicabunt, qui in Prologo vers. 25 ex MSS. rescriptum vident: *Ut permoscatis*, & quid *spet sit reliquum*, cum alii habeant, *ecquid*. Sane sensus respuit *ta & quid*, & exempla producta prorsus aliena sunt: MStis autem solis in his minutis obsequi, valde periculosum est, eo magis, quod perpetuo hæc, *Ecquis, Ecquid* atque *Et quis Et quid* confundant. Fortasse hujus confusionis exemplum in ipsa hac Andria reperire licuisset Act. V Sc. II extr. ubi editur: *ecquid te pudet*. Certe in eximiis Terentii membranis, quas Ampliff. noster Baudisius ex bibliotheca Senatus hujus urbis depromtas nobiscum communicavit, utrumque, more consueto, exhibetur: *ecquid & quid te pudet*. Similiter judicabunt de mutata distinctione Act. II Sc. V vers. 17: *Ego illam vidi virginem, forma! bona Memini videre*, cum alii simplicius: *forma bona memini videre*. Nec multo magis placebit Act. V Sc. II vers. 23 sollicitari receptam lectionem, mutando *Tamen*, quo recte Simo *ta Davi Tamen etsi* respondet, in *Tantum*. Sed hæc de Emendationibus. Addimus, in membranis illis, quas consulimus, Act. III Sc. II vers. 27 pro his: *sed nibilo secius mox deferens puerum buc ante ostium*, legi: *Sed nibilominus mox referetur buc puer ante ostium*. Act. III Sc. III vers. 17 membranæ: *Quasi si illa sit tua*, ut Comici solent; vulgo: *Quasi illa tua sit*. Act. IV Sc. IV vers. 45 idem codex: *ab! necdum omnia*; vulgo: *anne tu omnia?* Taubmannus & Lindenbruchius corrigebant: *ab, ne tu omnia*. Et cum

cum in eo simus, tentabimus ex Conjectura alium locum in Act. II, Sc. VI, ubi vers. 7 Simo: *Quid Davus narrat?* Respondet Davus: *Aequè quidquam nunc quidem*, nullo sensu; neque probabile quidquam eruit Perizonius, & Glossa est, quod ex Palatino MS. laudant. Forte scribendum: *Aequè quidquam, nec (ac non) quidquam*, hoc esset *nihil*, aut saltem *neque bona, neque mala*, commodissimo sensu. Act. III Sc. V vers. 9 vix latinum circumfertur: *aliquid jam inventurum, ut huic malo aliquam producam moram*, quod significare deberet, ut hoc malum differam. Minima mutatione scriberemus: *ut huic malo aliquam præducam moram*: sic erit *præducere moram* idem, quod alibi *prætereundere moram bello*. Verum in viam redeundum & Expositionibus Cl. Westerhovii etiam dicendum est. Nimirum p. 34 probe explicat, cum Weitzio, quid sit *percutere animum*: pag. 36 cum eodem ostendit, quid sit, *Rejecit se in eum*. Pag. 68 evoluit notiones vocabuli *momentum*, & pag. 94 verbi *succensere*, & pag. 101 sq. verbi *differre*: quæ omnia illis, quibus hæc adnotationes conscriptæ sunt, grata erunt atque accepta. Doctiores enim statim videbunt, non sibi dictum pag. 20, *quidam* de ignotis & humilibus dici; pag. 44, *miror*, si elegantiam esse, quam Kockertus abunde illustravit; pag. 137 *fidem habere* esse credere; neque sua causa ad eandem Andriam exilimabunt bis dici, nempe pag. 15 & 66, *Nam* transitioni inservire; pag. 38 & 71, *pro* in similitudine, pro *quasi*, adhiberi; aut ter proponi, nimirum pag. 64, 66 & 106, infinitivum in admiratione locum habere. De aliis observationibus alii forsitan alia monenda habebunt. Nam ubi Prologo vers. 15 in verbis: *atque in eo disputant contaminari non decere fabulas*, Editor *in eo disputant* conjungit veluti formulam; aliis magis placebit, ut *in eo contaminari* uniatur, pro in eo facto, *per id* contaminari, ut in Panegyrico: *premere* in osculis terram, qui modus loquendi familiarissimus est Hieronymo, ut in Epist. ad Augustinum: *State præcincti lumbos vestros in veritate*. ad Vitalem: *qui lustravit filios suos in igne, secundum morem gentium*. Et si cui durum hoc in Terentio videatur, placebit certe, si autoritate veterrimi MS. apud D. Hieronymum in Interpretatione Origenis Homil. in Cantic. Canticorum hunc loquendi

loquendi modum revocemus: *agente penitentiam peccatrice, & sancta caput Jesu in unguenti odoribus perfundente.* Nec multum ab it Manilius Lib. V vers. 260, ut quidem in MS. Paullinæ nostræ scribitur:

Ceruleum foliis viridemve in gramine collem

Conferet; & veris depinget prata figuris.

Scaliger edidit: *viridi quin gramine.* In expositione verborum in fine Prologi: Comœdix *spectanda, an exigenda sint vobis prius*, nos nihil novamus; at Scholia membranarum ita habent: *Exigendæ, sc. à Comico exposcendæ. tanta dulcedinis sunt ejus fabulæ, ut non solum admirandæ, verum etiam ultro exigendæ sint ab eo.* Quæ pag. 43 & 88 de particula *jam* leguntur, ea clariora erunt, si cum Donato hanc particulam præcise & accurate tempus notare dicamus, si illud sit præsens, si præteritum aut futurum. Mittimus, quæ pag. 61 ad vers. 2; pag. 122 & 123 ad vers. 9 & 14 proferuntur. Illa, quæ pag. 17 & 47 de formulis *canes ad venandum, tempus ad rem*, bene docentur, confirmant morem Latinorum, quo Adjectiva, per Genitivum aut Dativum, & nos per Accusativum cum Præpositione efferre solent. Ita *lintheum tersui & ad tergendum; tempus ad rem & tempus rei: canes ad venandum & canes venatorii* fere eadem sunt. Hac observatione subnixi posteriores non modo ita locuti sunt, ut Spartian. Adriano cap. III: *in quo magistratu ad perpetuam tribuniciam potestatem omen sibi factum adserit;* & Gennadius cap. LXXXIII: *ad eloquendum artifex;* & P. Latro Declam. cap. VIII: *vita pravissima consuetudo ad omne facinus;* & Hieron. de benedict. Isaac: *qui ad benedictionem fratris præceptor adlitterat;* Sed etiam paullo audacius eum Casum, qui haud raro pro secundo & tertio, aut etiam pro Adjectivo ponitur, eodem modo per quantum cum Præpositione extulerunt. Hæc de observationibus in Ierentium. Quam bene de Donato Cl. Editor promeritus sit, vel uno exemplo declarabimus. Ad Prologi vers. 3 ita in vulgatis: *Utumur fructibus rei*, quæ ab amantibus usu nobis subministrantur: *Abutimur, quando deperdimus & rem, & fructum.* Vitium in illis: *quæ ab amant.* cet. latere & MSS. codices, & Lindenbruchius, testatur. Noster ex eleganti Wielingii sui conjectura ita

ita emendat: *cujus jure apud alium manente solus usus nobis subministratur*, quasi per siglas hæc verba scripta fuissent, quæ postea in vulgatam lectionem coaluissent. Loca veterum a Donato producta studiosè indicat per libros, capita & versus: qua occasione monere libet, Sallustii locum, quem pag. 66 legere non meminit, desumptum esse ex I Histor. Orat. Lepidi n. 7, ubi ita: *Agendum atque obviam eundum est, Quirites, ne spolia vestra pener illum sint*. Sed quando pag. 189 ad vers. 7 adeo invehitur in Donatum, quod scripserit: *Bene sane*] i. *valide: quia qui sanus est, idem & validus*, mentem Interpretis Cl. Editor non cepisse videtur. Recte *sane* interpretatur *valide*, hoc est, *valde*; & formula *bene sane* nihil aliud significat, quam *valde bene*, *bene omnino*. Atque hæc sufficere possunt, ad cognoscendum naturam & conditionem tam Emendationum, quam Expositionum Cl. Westenhovii. Ne tamen quid deesse videatur, narramus præterea, aliorum etiam autorum loca, ubi res tulit, emendata, vel tentata esse. Sic pag. 16 & 60 Plautum; pag. 23 Ovidium; pag. 133 Ciceronem emaculavit, & ne plura addamus, otium nobis fecit Index autorum emendatorum atque tentatorum, quem Editor adjecit. Verum ubi ad Act. I Sc. III vers. 19 in Sallustio pro *accepi, excepi*; & ad Phorm. Act. II Sc. I vers. 4 pro *et* substituit *sed*, emendare quidem, sed non ad usum & consuetudinem veterum, multo minus ad morem Crispi respicere voluit. Denique nemo miretur, si in Observationibus Westenhovii & in Addendis ad easdem plerumque talia adscripta videt, quæ dudum ab aliis collecta sunt. Non minus enim Farnabium, Weitzium, & eum, qui Plautum cum Terentio contulit, quam Parei Lexicon Plautinum, Schefferi, Grævii aliorumque notas exscribere, sui juris esse existimavit. Sane pag. 14 non modo Lipsium ad Senecam, Grævium ad Ciceronem, sed etiam Weitzium, Lindenbruchium & Kockertum ad Terentium compilavit. Pag. 75 Scheffero ad Phædrum unum atque alterum exemplum debetur. Pag. 216 eadem leges de somniis, quæ Lambinus ad Cic. Somn. Scip. cap. I attulit. In Addendis pag. 232 ad Phorm. Act. I Sc. II vers. 18; & ad Act. II, Sc. I, vers. 4 & 79 videbis notas Cortii nostri ad Sallust. Cat. cap. 23 n. 3; cap. 40 n. 1 & ad Jug. cap. 85 n. 10,

n. 10, in compendium redactas. Quod cum aliis vitio verti posset, qui alienum laborem hoc pacto suam gloriam facerent; Noster ingenue factum profitetur, & Præfatione sua omnibus fere debitam laudem tribuit. Ita facile patet, quo loco interpretum sit habendus. Et quisquis specimina a nobis præata vel leviter consideraverit, de industria & incepto Cl. Westorhovi recte ipse statuet, neque ut plura, quam supra scripsimus, addamus, jure desiderabit.

HISTOIRE DU SOCINIANISME.

hoc est,

HISTORIA SOCINIANISMI.

Parisiis, apud Franc. Barois, 1723, 4.

Alph. 3 plag. 14.

Nondum exflare singularem eamque plenioram Historiam de Socinianis eorumque doctrinis, cum animadverteret Autor, in animum induxit labore hoc defungi, opusque suum duas divisum in Partes nunc exhibet, quarum priore ortum, progressum atque interitum Socinianismi describit, posteriori & vitas & scripta celebriorum Socinianorum lectoribus ponit ob oculos. Elaboravit quidem & tertiam partem, qua dogmata persequitur eorum: sed cum videret, lectoribus simul opus esse accuratissima ipsorum confutatione, copiosius illam Partem exornare, & tum demum in publicum emittere constituit.

Parte igitur prima, postquam *Cap. I* docuit, primis jam Ecclesiæ Christianæ temporibus existisse impugnatores Deitatis Christi & Trinitatis divinæ; *Cap. II* diversa nomina persequitur, quibus insigniri solent Sociniani, vocati quippe Trinitarii, Unitarii, Antitrinitarii, Fratres Poloni, Monarchici, Latitudinarii, &c. Disquirens vero, e quo fonte per tot sæcula sepulta hæresis in orbem Christianum redierit, docet *Cap. III*, Reformationem Lutheri occasionem præbuisse, hosque hæreticos, cum nondum omnes errores a Lutero & Zwinglio sublatos crederent, specie amplioris reformationis in tam horrendos incidisse errores. Atque hinc intelligere jubet Autor Protestantes, quantum mali

sequatur doctrinam de Scriptura S. sola controversiarum iudice: imo persuadere sibi non potest, a Lutheranis Calvinianisque rite refelli posse errores Socinianos. Verum hic quidem in transversum rapuit doctissimum Autorem immoderatum sectæ suæ studium, facile alias cogniturum, eum, qui aliunde, quam e sacro codice, refellere aggrediatur Socinianos, non posse non in circulum relabi sophisticum, sive, ut Scholastici loquuntur, in turpem petitionem principii. *Cap. IV* & sequentibus prima Socinianismi incunabula demonstrat, & hinc incrementa hujus sectæ per Italiam, Poloniam, Transylvaniam, aliasque terras, describens initio Synodos in diversis Poloniæ urbibus a Socinianis habitos, deinde progressum Socinianismi in Hungaria & Transylvania, accusans simul Imperatores Ferdinandum I & Maximilianum II nimis erga hæreticos propensionis. Cum vero Anabaptistas in Germania & Belgio fenestram latius aperuisse credat Socinianis erroribus, tribus Capitibus (XVII, XIX, XX) historiam tradit sectæ Anabaptisticæ. Hinc pluribus exponit, quam stabiles sedes in Polonia nacti sint Sociniani, faventibus ipsis Regibus ac Procerum laud paucis, enumerans ipsorum in Polonia pariter ac Lithuania Ecclesias, Scholas & typographias. Ultimo loco enarrat ejectionem Socinianorum e terris Polonicis vi edicti A. 1658 publicati. E Polonia digreditur in Angliam atque Hollandiam, & quam altas ibi radices egerit Socinianismus, quamque multos adhuc habeat sectatores, edisserit, ac simul in libertatem conscientiarum, quæ & gignat & alat hanc hæresin, invehitur. Cumque Arminianorum sectam Socinianis favere sibi persuadeat, duo Capita (XXXIII & XXIV) implevit historia Arminianismi. Denique ne eorum error latius disseminetur, qui Socinianorum dogmatum accusant clarissimos aliquot Gallos, postremis duobus Capitibus studiose hunc rumorem refellit, & maxime doctores Portus Regii ab adversariorum suorum objectionibus defendit.

- p. 201. *Parte secunda* chronologicum exhibet Catalogum Socinianorum, cujusque & vitam describens & errores pariter ac libros enumerans. Hic admodum copiosa occurrit narratio de *Scriveto*, *Ochino*, *Lelio* & *Fausto Socinis*, *Val. Gensile*, *Lismanino*, *Palaeologo*

logo, Dudithio, Blandrata, Schmalzio, Crellio, Schlichtingio, Wolzogenio, Vorstio, Sandio : satis quoque luculenta de ceteris Socinianæ doctrinæ professoribus, itemque de primariis politici ordinis viris, qui in Polonia ad hanc sectam sese adjunxerunt. Nonnullos vero injuste retulisse censetur in hunc censum, maxime *Capitonem, Flacium, Wicelium, & Coccejum*. Permittimus etiam aliis arbitrandum, an recte socios huic sectæ adscripser. *Cap. XIX* Anabaptistas, & postea Arminianorum principulos, *Episcopium & Curcellaum*. Occasione hac oblata etiam *Grotii* vitam *Cap. XLII* enarrat, Bossuetique profert & aliorum argumenta, quibus probatum eunt, Grotium fuisse Socinianum, additis ad ea responsionibus Joannis Clerici. Ipse quidem nihil hic definit, sed ultimo loco scribit, Grotii nomen adhuc permagno esse in pretio doctis omnibus omnium religionum. *Cap. XLIII* *Burignoniam* Sociniano gregi adjungit, & sequenti producit Jurizæ argumenta, quibus efficere conatus est, *Eliam Saurinum* inter Socinianos esse referendum. Vicissim *Cap. XLV* ipsum *Jurizæum*, quem sædissimis depingit coloribus, docet iis ipsis argumentis reum agi posse Socinianismi, quibus ipse usus est ad alios in classem Socinianorum adscribendos. Nec vero sibi propositum esse ait, ut Jurizæum faciat Socinianum, sed tantum, ut ostendat, quam imbecillibus ille sit usus argumentis ad alios hujus hæreseos convincendos. Hinc tribus Capitibus agit de *Joanne Clerico*, initio ejus virtutes ingenii & vitia morum describens, tum vitam ejus exponens, & responsiones Clerici, quas iis opposuit, qui Socinianismum ipsi objecerunt. Jure vero Clericum inter Socinianos referri, demonstrari clare posse putat hoc argumento: qui omnia S. Scripturæ loca, e quibus probari solet æterna Christi Deitas, alio sensu interpretatur, nec unquam clare profitetur, se credere, tres esse in Deo personas, Jesumque esse verum Deum, ac denique persecutiones Socinianorum habet pro injustis & barbaris, is est verissimi nominis Socinianus. Assumptionem probare studet ex scriptis Clerici, quorum recensito Catalogo ultimum Caput, quod est quadragesimum nonum, aperit, in eoque *Maldonatum & Petavium*, Jesuitas, quorum & vitas describit, argui a quibusdam docet Socinianismi, sed eosdem ab

p. 582

- p. 2. 3. aliis luculenter defendi. Absoluto jam operi accedunt Notæ quinque fere plagularum, in quibus id partim supplet, partim corrigit atque emendat. Hic & eos commemorat, qui *Erasmum* Ariamini accusarunt & Socinianorum prodromum vocarunt. Ipse vero injustam statuit esse accusationem. Longus hinc est de vita & doctrinis *Stancari*. Copiosissime vero illustrat historiam *Serveti* & *Ocbini*, simul agens de libro, cujus autor Ochinus a nonnullis fuit habitus, *de tribus impostoribus*, quem quidem librum ipse negat unquam fuisse scriptum editumque. Illud ultimo loco monere liceat, nomina virorum & urbium passim exhiberi admodum corrupta, quod quidem in Gallorum historicis libris sæpius in his *Actis* observavimus.
4. sqq.

R. P. BERNARDI PEZII, BENEDICTINI
& *Bibliothecarii Mellicensis, Bibliotheca*
Ascetica antiquo-nova.

Tomus V & VI.

Ratisbonæ, sumtibus Jo. Conr. Peezii, 1724, 8.

Alph. 2 pl. 7½.

EN continuationem *Bibliotheca Ascetica* Pezianæ, cujus superiores Tomos A. 1723 p. 518, & A. 1724 p. 483 exhibuimus. Quinto igitur Tomo trium superioris sæculi Cartusianorum monumenta proferuntur in medium, eaque, ut Editor in Præfatione observat, *genuinum monasticum spiritum redolentia*. Primus, *Antonius Volmarus*, Cartusie Astheimensis in Franconia Prior, defunctus A. 1633, plura scripsit, quæ a Petreis memorantur in *Bibliotheca Cartusiana*. Alter, *Matthias Mittnerus*, Pruelensis prope Ratisbonam Cartusianus, vita excessit A. 1632. Tertius, *Laurentius Wartenbergerus*, Magdeburgi natus parentibus Lutheranis, & A. 1667 mortuus, plures composuit libros, omnes *avendores*, quorum titulos Editor noster in Præfatione repræsentat.

Sed jam ad ipsos horum libros hic editos accedamus. *Volmari* quidem liber totus est mysticus & ex antiquiore auge ex-

cer-

cerptus. Inscriptus est *de spiritali perfectione*, ac duabus constat partibus, in quarum priore agitur *de dulcedine mentali seu gustu suavitatis interno & sentimentis Spiritus, deque disponentibus ad bujusmodi gustum, & ipsum comitantibus ac sequentibus*; in

p. 1. 408.

posteriore de vera spiritali perfectione, & de quatuor viis hominem ad summam perfectionem & divinæ veritatis limpidam contemplationem ducentibus. Libet hinc excerptare sequentia. *Lib. I cap. 1* visionem Dei mysticam ita describit: *Quemadmodam in intellectu cognitio seu visio est specularis & intuitiva, sic pariformiter in affectu cognitio seu visio experimentalis, mystica & gustativa, in qua hominis in statu vitæ præsentis, si ad eam admittitur, consistit spiritalis perfectionis finis & summa.* Ibidem tres con-

14.

stituit partes hominis, corpus, animam, & spiritum, visionem mysticam non animæ tribuens, sed spiritui: addens, ad illam visionem requiri divisionem spiritus ab anima: de qua divisione pluribus disputat. Illustrat hoc in sequentibus Capitibus dictis & veterum Ecclesiæ doctorum & ipsius S. Scripturæ. *Lib. II cap. 6* differit de discretionem spirituum, docens, a quatuor spiritibus hominem agitari, Spiritu maligno sive diabolico, cujus quidem tentationes præclare describit; spiritu naturali, a quo profici-

16.

scuntur veritates philosophicæ; spiritu angelico, qui homini virtutes inspirat, eumque ad sancta opera incitat; Spiritu denique divino, qui divinam veritatem clare homini ostendit, ut is extra se raptus ac supra se, in nudam divinæ claritatis essentiam eleve-
tur. Hi quatuor spiritus quomodo inter se discernantur, duce mystica theologia exponit. *Cap. 18* & sequentibus exhibet quatuor vias ad summam perfectionem perveniendi & ad contemplationem limpidam veritatis divinæ. Prima est, ipsius iudicio, ut homo habeat perfectam voluntatem perfecte omnibus renuntiandi, quæ sunt contra Deum, & quæ non sunt ipse Deus. Altera, ut vitam Christi imitetur, & in passionis Christi sedula meditatione versetur. Tertia, ut perpetuo mortificet propriam sensualem naturam, facile perferens aliorum contemptum & injurias & adversa quævis. Quarta, ut assidue & diligenter omnes sensus custodiat intus & extra, ac jugiter persistat in puri-

tate

tate simplici. Quæquidem singula eum in modum explanat, ut legi mereantur a Christianæ virtutis studiosis.

p. 409-452.

Sequitur *Mittneri Enchiridion Cartusianum*. In hoc ad instar Euchiridii Epictetici quinquaginta sistuntur aphorismi ad conservandam animi pacem utiles, subiecta singulis Paraphrasi. Ac priores triginta quinque aphorismi sive regulæ sunt ex illo Epicteti Enchiridio ad verbum descriptæ, inutatis paucis infer-tisque, prout commodum Autori videbatur ad commendandam sanctitatem Cartusianam.

453-463.

Accedit ejusdem *Mittneri Paraphrasis in formulam professionis Cartusianæ*. En, quam perpetua paraphrasi illustrat, formulam: *Ego frater N. promitto stabilitatem, obedientiam, & conversionem morum meorum coram Deo, coram Sanctis ejus, coram Reliquis istius eremi, quæ constructa est ad honorem tuum & beatæ semper virginis Mariæ in præsentia Domini N. Prioris.*

- Sexto Tomo præter Wartenbergeri Contemplationes in vitam Christi & præcipua fidei mysteria*, quem librum superior Tomus, cui destinatus fuerat, non capiebat; leguntur *Dominici Passionei*, Archiepiscopi Ephesini, & Apostolicæ Sedis ad Helvetios Legati, (cujus etiam epistolam ad se scriptam Editor exhibet, ex qua discimus, Passioneum bibliothecam sedecies mille voluminum, MSS. etiam Græcis refertam, possidere,) *Sermones duo A. 1723 habiti de Abbatis electione rige instituenda*; Anonymi Benedictini, qui sæculo XII vixisse videtur, *libellus de conscientia*; 29. *Engelberti*, Abbatis Admontensis, (de quo Cl. Editor jam egit in præfatione Tomi tertii,) liber *de providentia Dei*; *Henrici Arnaldi*, Cartusie Basileensis Prioris, A. 1487 mortui, *Dialogus de modo perveniendi ad perfectam Dei & proximi dilectionem*, quem Trithemius inscripsit *de commentatione caritatis*. Ex Anonymi libello *de conscientia* memores eorum, quæ superius attulimus de quatuor spiritibus mentem humanam agitantibus, 47. depromere libet, quæ *Cap. 7* habentur *de quatuor spiritibus, qui homini assidue loquuntur*, Spiritu mundi, Spiritu carnis, Spiritu Diaboli, Spiritu Dei. *Spiritus mundi*, inquit, *suggerit vana, & ipse tunc loquitur cordi nostro, cum vanitatem diligimus, de vanitate latamur, in vanitate delectamur. Spiritus carnis loquitur*
cum

cum ejus curam in desideriis perficimus & voluptate. Spiritus Diaboli loquitur, quando amara cogitamus & aspera proferimus, tristes in nobis, alii irascens, ingrati & invidi, sine affectione, sine fœdere. Spiritus Dei loquitur, quando dulcia & meditamur & loquimur, bilares nobis & proximis in omni dulcedine & bonitate, solliciti servare unitatem Spiritus in vinculo pacis. Ex Engelberti opere de providentia Dei, quem autorem A. 1724 p. 483 ab *Onesio* Scholastica laudavimus, observamus, libro primo & potentiam & bonitatem Dei pulcre ostendi ex contemplatione mundi & totius naturæ, adeoque dignissimam lectu esse hanc tractationem. Ex *Henrici Arnoldi* opere notatu dignissima sunt ultima verba hunc in modum profluentia: *O mater Salvatoris, o mater gratie, quoniam iste verus filius tuus, etiam verus Dei filius, dictus est vere nomine & re per mysterium Jesus a salvando, Christus ab unctionis dono, fac materno interventu tuo, ut nos tui pauperculi, quorum etiam mater dici non verecundaris, sicut a Christo Christiani, id est, uncti, vocati sumus; ita quoque a Jesu Jesuitæ, id est, salvati, vocari veraciter mereamur, cetera.* Unde apparet, non esse Ignatium Lojolam primum istius nominis repertorem. *Wartenbergeri* denique liber vitam Christi & præcipua fidei Catholicæ dogmata persequitur stylo arguto, quali utuntur hodie Inscriptionum artifices. Unde hunc librum non minus accomodatam dixeris ad exercendum ingenium, quam ad exercendam pietatem.

p. 213:

INSTITUTIONES PHILOSOPHIÆ WOLFI-
anæ, in usus Academicos adornatæ, opera LUDOVICI
PHILIPPI THUMMIGII, Professoris Phil.
Ordinarii & Reg. Soc. Scient. Boruss.
Sodalis.

Tomus posterior.

Francof. & Lipsiæ, in Officina libraria Rengeriana, 1726, 8.

Alph. 1 plag. 7.

E Cce tibi Tomum posteriorem Institutionum *Philosophiæ Wolfianæ*.

L 1

fiana, quam a Cl. *Tbümmigio* prelo parari monuimus in Actiæ anni superioris p. 234. Complectitur is Philosophiam practicam universalem, quam in Meditationibus Moralibus atque Politicis proposuit Philosophus. Nimirum primo loco comparat *Philosophia practica universalis*, quam novo consilio condidit Philosophus, cum primum animum ad philosophiam practicam perficiendam appelleret. Succedit secundo *Jus naturæ*, quod cum praxi morali atque politica idem conjunxerat, Cl. autem *Tbümmigius* separatim exhibere maluit, morem scholæ modernum secutus. Tertium locum occupat *Ethica*, sive philosophia moralis & ultimus denique cedit *Politica* seu philosophiæ civili. *Philosophiam practicam* in duas dividit partes, theoreticam atque practicam. In theoretica theoria Philosophiæ practiciæ generalis, in practica autem praxis itidem generalis traditur. In theoria actionum humanarum differentia explanatur, unde earum intrinseca honestas atque turpitudine elucet; 2 obligatio & lex naturalis stabilitur; 3 Deum esse legis naturalis autorem, demonstratur; 4 poenarum & præmiorum notio evolvitur; 5 virtutis atque vitii ratio exponitur; 6 beatitudo & felicitas hominis expenditur, tandemque 7 conscientia & ejus diversi status explicantur. In praxi monstratur modus perveniendi ad summum bonum philosophicum seu felicitatem terrestrem, 2 custodia conscientiz ad certas regulas alligatur, 3 methodus conjectandi hominum mores certioribus fundamentis superstruitur. *Jus naturæ* itidem in duas abit partes, ethicam & politicam. In parte ethica jus naturæ ethicum demonstratur, quod absolvitur legibus naturalibus, statui naturali convenientibus. In parte politica jus naturæ politicum occurrit, quo continentur leges naturales, status civilis norma. Jus naturæ ethicum tradit officia hominis 1 erga Deum, 2 erga se ipsum, 3 erga alios in genere, 4 erga amicos & inimicos in specie, 5 circa sermonem, 6 circa pacta, 7 circa dominia rerum, & 8 circa contractus. Jus naturæ politicum exhibet leges societatis 1 in genere, 2 nuptialis, 3 paternæ, 4 herilis, 5 domus in specie, 6 Reip. in genere, 7 Reip. constituendæ, & 8 legibus civilibus muniendæ, 9 potestatis & potentiz summorum imperantium, 10 Reip. administrandæ, tandemque 11 belli atque pacis.

pacis. *Ethica* seu philosophia moralis in quatuor sectiones dividitur. Prima de virtutis studio in genere affectuumque regimine; secunda de virtutibus intellectualibus; tertia de moralibus, & quarta de pietate philosophica agit. Virtutes intellectuales vulgo recensentur quinque, intelligentia, sapientia, scientia, prudentia, ars; sed Philosophia Wolfiana numerum eorundem adauget: quamobrem Cl. *Thümmigius* decem numerat, acumen scilicet, profunditatem, intelligentiam, scientiam, soliditatem, artem inveniendi, culturam ingenii, sapientiam, prudentiam atque artem. Singularum theoriam atque praxin singularibus capitibus comprehendit. Inter virtutes morales comparent notitia sui, temperantia, cura corporis, castitas, liberalitas, modestia, diligentia, patientia, fortitudo, amor universalis omnium hominum, mansuetudo, amicitia, veracitas, taciturnitas, iustitia. De singulis peculiari capite egit & passim virtutes agnatas iisdem jungit. E. gr. Temperantiæ jungit sobrietatem, liberalitati continentiam, parsimoniam, officiositatem, beneficentiam; modestiæ humilitatem, magnanimitatem. Ita autem in virtutibus cum intellectualibus, tum moralibus tradendis versatur, ut non modo earum definitiones accuratas tradat, verum etiam actiones ipsis proprias per legem naturæ determinet, eaque demonstrat, quæ mediocrum, impediuntorum, remedium, motivorum atque signorum rationem habent, etsi atz diosa terminorum generalium repetitione abstineat. Per *pietatem philosophicam*, quam Philosophus primus in Philosophiam introduxit, intelligitur virtus dirigens actiones hominum attributis divinis convenienter, aut ad gloriam Numinis, utendo scilicet istis tanquam illarum motivis. Maximum in ea momentum ponit, quod omnes virtutes ceteras ad eminentiorem gradum elevat, atque hinc deducit, hypothesin athei, etsi jus naturæ non evertat, esse tamen virtuti adversam. Eandem medium gradum constituit inter virtutem naturalem & Christianam, pietatemque christianam antecellere philosophicam ostendit. Pietas philosophica sub se comprehendit studium agnoscendi Deum, amorem Dei, timorem & reverentiam Numinis, fiduciam erga ipsam & acquiescentiam in voluntate ipsius, invocationem Numinis gratiarum.

que actionem atque cultum Dei externum. De singulis eadem methodo tractat Autor, qua eundem in virtutibus intellectuales & morales usum fuisse modo diximus. *Politica* in duas dividitur partes, æconomicam atque politicam. Parte prima sive æconomica agitur de salute Societatum simplicium promovenda; parte autem secunda sive politica de salute totius Reip. curanda. Quoniam societates simplices sunt nuptialis, paterna, herilis & minus composita domus; peculiaribus capitibus explicatur, quomodo salus societatis nuptialis, paternæ, herilis & domus obtineatur. Ostenditur nimirum, quo pacto efficias, ut in singulis societatibus unusquisque satisfaciat officio suo. Tota enim tractatio practica est. Pars secunda sive politica in duas subdividitur sectiones. Prima est de Rep. constituenda; secunda de eadem administranda. In illa agitur de forma Reip. eligenda, & cura imperantis circa numerum civium, virtutes intellectuales, virtutes morales & cultum divinum, circa honestatem externam conservandam, religionem, justitiam, injurias, vitæ necessitatem, morbos, præsertim contagiosos, vitæ jucunditatem, honores explicatur. In hac tractatur de summæ potestatis & potentæ collatione, de regimine in genere, de justitiæ administratione, de salute subditorum ubivis locorum promovenda, de opibus civium conservandis augendisque, de consiliariis, de oneribus publicis, & de tuenda Rep. adversus insultus hostiles. Etsi autem Cl. Autor, perinde ac in Tomo priori disciplinas theoreticas, in hoc posteriori practicas secundum methodum demonstrativam elaboraverit; omnes tamen theses eo ordine collocavit, qui in scholis in consuetudinem abiit, atque hinc contigit, quod non singulis in catena idem obtigerit locus, quem in operibus *Wolfianis* tuerentur, ac sæpissime alia concatenatione fuerit opus. Ceterum eadem ipsi fuere rationes Tomi institutionum posterioris conscribendi, quas prioris fuisse, in Actis anni superioris p. 234 commemoravimus, scilicet ut juventutis Academicæ utilitati confuleret, & ut inanes ororum *Wolfianorum* vociferationes de periculosis dogmatis *Wolfianis* retunderentur. Cum enim toties ingeminare non erubescant, Philosophia *Wolfiana* omnem virtutem, omnem religionem, immo omnem morum honestatem tolli,

tolli, ita ut ne quidem religio pagana, nec ulla Resp. subsistere queat; ad refellendos clamores, non alia re opus esse censet, quam ut alterum hunc Tomum Philosophiæ *Wolfsianæ* attentam mente percurras. Atque ita omnem falsissimarum consequentiarum molem, quasi systema harmoniæ præstabilitæ philosophiæ practicæ inimicissimum sit, collapsuram, confidenter sperat. Patere nimirum, quod philosophiæ practicæ cum isto systemate nihil sit commune. Quoniam in eodem supponitur, animam & corpus ita agere, ac si in se mutuo influeret; non invito systemate harmoniæ præstabilitæ morum doctorem sumere influxum physicum, qui fatente harmonista apparet, tanquam realem, perinde ac Astronomus non invito systemate terræ motû in parte spherica Astronomiæ motum primi mobilis supponit tanquam realem, propterea quod motus vertiginis telluris ita concipi debeat, ut in determinandis phænomenis idem sit, ac si cælum moveatur circa tellurem. Postquam Celeb. *Wolffius* toties urfit, ut theses disertis verbis prolatas indicent adversarii, quibus tantum periculi insit, ut propterea omnis philosophia *Wolfsiana* sit damnanda & supprimenda; illud tandem ab electione mundi optimi, a *Wolffio* asserta, derivare malunt: ea enim admissa tolli libertatem in Deo & cuncta fato subijci &, si mundus hic statuatur optimus, omnia in absolutissimum recidere. Constat ex parte prima Institutionum, in philosophia *Wolfsiana* mundum optimum dici, qui fini, ob quem a Deo factus, convenientissimus, & mundi nomine designari omnem rerum per omne ævum sibi mutuo succedentium seriem. Quamobrem Cl. *Thümmigius* objectionem hanc amoliturus, quærit, quis ideo dixerit, violari libertatem nostram, si in moralibus atque politicis media proferimus, quæ scopo magis satisfaciunt ceteris, & cur decretum censi debeat absolutum, si ratio objectiva fuerit major objecti perfectio, immo cur executio mediorum fini optime servientium fatalem rebus necessitatem imponere debeat? Provocat ad Autorem pseudonymum in Bibliotheca Bremensi class. 8 fascic. 1p. 47, qui contra obtrectatores *Wolfsiani* nominis demonstravit, ideam electi mundi optimi a Deo salva ejus sapientia & libertate removeri non posse.

Rieß's Historie,

hoc est,

PYRITOLOGIA, AUTORE D. JOANNE
FRIDERICO HENCKELIO, Potent. Regis Polo-
niarum & Electoris Saxoniae Physico Provinci-
ali, nec non Physico Freybergensi.

Lipsiæ, apud Joannem Christianum Martini, 1725, 8.

Alph. 2 plag. 22 Tabb. æn. 12.

Non contemnendam historię naturalis partem hoc Tractatu complexus est Cl. *Henckelius*, rei metallicę & artis chemicę peritissimus. Non compilatorem egit in argumento minus trito; sed propria experientia ac experimentis domesticis acquisita fideliter exposuit, historię naturalis incrementum pro virili promoturus. Animum enim ad pyritem, minerale præcipuum, cum cura describendum appulit, quod Autores celebratissimi *Capenarius* atque *Agricola* de hoc argumento non tradiderint nisi confusa atque incerta, ipsum autem minerale in fodinis maxima copia ubivis locorum sese offerat, usumque in re metallica amplissimum habeat. Experimenta cum institueret, non elementa Chymicorum inde elicere intendit; sed naturę reliquit, quænam in solutione offerret. Nec descripta ab aliis experimenta imitatus, sed quæ ratio & tentamen fortuitum suggereret, ea instituere allaboravit. Singula experimenta aliquoties iteravit, neminus explorata in lucem publicam profferret. Omnem quoque adhibuit curam, ne peregrina pyriti admixta experimenti eventum dubium redderent; & ne instrumenta & vasa minus pura eidem officerent: id quod imprimis in coloribus immutandis facillime accidit, tum etiam in ipsa mixtione ac fermentatione nocuum existit. Neque ipsum piguit singulas experimentorum circumstantias diario suo inferere, & vasis, quibus producta asservabantur, schedulas affigere, unde appareret, ad quodnam experimentum pertinerent. Sumsit experimenta in sexaginta, immo pluribus pyritę speciebus, quas magno labore ac sumtu cum ipse ex fodinis patriis collegit, tum ex peregrinis oris ad se deferri

deferri curavit. Postquam institutum suum exposuit, de diversis
 nominibus differit, quibus pyrites appellatur. Pyritæ nomen anti-
 quissimum a Græcis ad nos venisse & Germanice reddendum per
 vocem *Kies*: multa enim ratione *Agricolam* inter *pyriten* & *cbl-*
sum distinguere. Ab Arabibus hoc minerale appellari *marcas-*
sam, a nonnullis Chymicæ secretioris cultoribus *magnesium*, ab
 aliis *igniarium*, *lapidem luminis*, *sideritem*, *pyropum*, *pyrobo-*
lum, *pyrimachum*, *otbonnam*, *corallum* &c. Germanice *Büch-*
senstein, *Martstein*, quasi *lapidem Martis*, *Atrament-Stein*:
 Ostendit autem, quanta in denominando hoc minerali confusio
 sit apud Autores, & quam ambiguae sint interpretationis nomina
 adfecta penes diversos: ubi multam lectionem probat. Non
 minor confusio quoad rem ipsam occurrit: id quod prolixè ad-
 struit Noster. Certiora igitur traditurus, observat, primariam
 pyritæ materiam esse terram martialem, æque vel sulphur, vel
 arsenicum, vel subinde utrumque admixtum. Nonnunquam etiam
 admisceri cuprum: argenti vero atque auri nonnisi contemnen-
 dam portionem adesse. Unde notat, *pyriten aurei coloris* nomen
 hoc tantummodo promeruisse a colore externo, cum auro quasi
 tinctus appareat. Idem ipsius judicium est de *pyrite coloris argen-*
tei. Nec probat, pyritas distingui a sulphure & vitriolo, cum
 ipsius judicio ex omni pyrite elici possit vitriolum, ex quo sulphur
 extrahitur, & contra. Majori ratione discrimen peti a sulphure
 & arsenico, cum non perinde nostri arbitrii sit, num arsenicum,
 an sulphur extrahi debeat, quemadmodum ex omni pyrite, qui
 vitriolum dat, sulphur elici potest. Etsi enim sæpiissime arseni-
 cum sulphuri sit admixtum, neque tamen ex sulphure arseni-
 cum vel ex arsenico sulphur paratur. Distinguuntur quoque py-
 ritæ a figura externa, e. gr. in rotundos & angulosos. Sunt autem
 cum rotundorum, tum angulosoformis variz species. Inter rotun-
 dos occurrunt sphaericus, hemisphaericus, ovalis, botrytes, cristat-
 us; inter angulosos tetraëdros, hexaëdros, octaëdros &c.
 Tandem ratione coloris Noster eos dividit in albos, subflavos &
 flavos. Album esse pyriten arsenicalem; subflavum, in quo Mars
 cum sulphure prædominatur; flavum denique, in quo Venus
 sulphuri sociatur. Discrimen a colore petatum in historia natu-
 rali potissimum esse attendendum censet. Pyritem subflavum in
 omni

omni lapidum genere reperiri, nec non in argilla ac in terra quavis metallica, observat: flavum vero & album alicubi non occurrere, ubi sedem suam figit subflavus. Non omnem a prima creatione originem suam deducere, sed eum hodiernum generari arbitratur, atque posterius multiplici experientia confirmat. Nam stalactiten hodiernum generari, nemo rerum naturalium curiosus ignorat; deprehendit autem Noster etiam iis in locis, ubi stalactitz recentior ætas minime dubia, pyriten ejus superficiei adhærentem, immo particulas metallicas intus aggregatas. Probe inonet, non partes pyritæ majores ab aquis aliunde advectas cum stalactite coaluisse, sed particulas valde exiles instar vaporis tenuis superficiei successive adhæsisse: quod ipsa autopsia manifesto prodit. Mittimus argumenta alia, quæ apud ipsum autorem legi merentur. Silentio tamen prætereundum non est experimentum Autoris, quo lapidis crystallini productionem illustrat. Vitrum rotundum majus urina recenti pueri dimidia parte repletum, vesica obducto colli longioris orificio, in loco temperate calido, veluti in hypocausto, per tres quatuorve annos immotum conservetur, ut vapores subtiles ascendentes & in superficie cava superiori collecti rursus defluant. Videbis enim non sine jucunditate, tandem margini vitri accrescere lapillos candidos, avenæ grana æmulantes, qui vitro adeo firmiter adhærent, ut ab urina effundenda loco minime dimoveantur. Figuram habent prismaticam, nihil saporis salsi produnt, nec in aqua fervente solvuntur. Veteres ignorarunt, Martem dominari in pyrite, qui nonnisi Venerem in eodem agnovere; etsi in plurimis pyritis rarissimam. *Liscrum* primum fuisse fatetur Autor, qui in tractatu de fontibus inedicatis Angliæ asseruerit, pyriten purum putum ferri metallum esse, quamvis id universaliter statuisse non videatur. Cel. *Bergerum* in Commentario de thermis Carolinis idem agnovisse. Etsi autem Noster multum tribuerit virorum doctissimorum autoritati, haudquaquam tamen diffidet, quod asserti universalitatem ægre admiserit, cum hoc minerale jam diu multumque tractasset. Nunc vero multis argumentis eandem adstruit, quæ inter primo loco comparet attentio materiz pyritæ a magnetem, ubi a sulphure fuerit purificata. Probat ulterius, pyriten

Marte

Marte non destitui, etsi Venus non exiguam sibi partem vendicet, cum e contrario Veneris sæpissime nullum vestigium appareat. Rationes quoque reddit, cur Venus cum Marte in pyrite copuletur. Præter Martem & Venerem, tanquam partes fixas pyritæ, ostendit etiam adesse terram crudam minime metallicam, quæ particulis Martis, Veneris, sulphuris atque arsenici intime permixta, ut nullo microscopio distingui possint: sed qualis eadem sit, hæcenus ipsi detegere non licuit. Sulphur in pyrite flavo & subflavo facile detexit; æst in albo iteratis experimentis vix ullum ejus vestigium reperire licuit. In pyrite venereo, quamvis maxime arsenicali, magna copia idem obvium, maxima vero in martiali. Notatu admodum dignum censet, quod in sulphure crudo terra martialis contineatur: quod inde probat, quia scorix sulphuris in testa concremata relinquant terram cinericiam, quam magnes trahit, in regulum martialem mutabilem. Arsenicum non eadem constanter forma apparere monet, ut adeo difficile sit idem detegere. Ne igitur labor frustretur, diversas ejus formas describit. Reperitur autem potissimum in pyrite albo. Cum nimis exigua argenti & auri portio in pyrite contineatur, pauca quoque de ea re verba facit, atque inter ea refert aurum & argentum, quæ accidentaliter pyritæ admiscetur. Vitriolum in pyrite non contineri censet, tanquam partem constitutivam, sed ex eodem produci, nempe coadunitis particulis aliis per pyriten dispersis, acidi nempe, sulphuris & terræ metallicæ. Multus est in describendo modo vitriolum ex pyrite producendi. Quoniam vero Noster false ridet eos, qui omnia inmixta in sal, sulphur atque Mercurium resolvere nituntur, cum in resolutione compositorum, nedum decompositorum non per saltum progrediendum sit ad prima quædam principia tanquam elementa; ideo hic quoque eadem observans, pyriten tanquam decompositum tantum resolvit in suas partes constitutivas, quæ in compositorum numero habentur, in ferrum, cuprum, sulphur atque arsenicum, neque curæ ipsi est ulterior ferri, cupri, sulphuris atque arsenici analysis, etsi ultro largiatur, naturam decomposita non demum ex compositis formare, verum in ipsa compositione mixta producere. Varia instituit experimenta

de reductione metallorum ad æs minerale. Ipsius judicio æs minerale consistit ex terra metallica, sulphure & arsenico, ita ut sulphur & arsenicum vel simul insint, vel alterutrum tantum insit, atque nonnunquam ex terra cruda non metallica. Genesin pyritis atque mineralium ceterorum deducit a vaporibus mineralibus, quorum adeo pariter genesin explicare studet. Usus denique pyritis declarat in parando sulphure, vitriolo, arsenico & fundendo metallo, atque appendicis loco varia notatu digna adjicit a præfenti argumento non prorsus aliena, veluti *Resini* relationem historicam de terra Martis Hassiaca, *Meuderi* experimenta de gravitate specifica pyritis aliorumque mineralium & variorum fluidorum cum naturalium, tum artificialium, & observationes quasdam miscellaneas curiosas ad regnum minerale spectantes. Quamvis vero tantum de pyrite agat Cl. *Henckelius*, universam tamen metallurgiam plurimum illustrat, de regno minerali præclare meritis.

Astronomische Tabellen des Herrn de la Hire &c.

hoc est.

TABULÆ ASTRONOMICÆ PHILIPPI DE LA HIRE, cum nova, completa & accurata descriptione omnis calculi Astronomici; Autore JOANNE ALBERTO KLIMMIO.

Norimbergæ, apud Jo. Christoph. Weigelium, 1725, 4.

CL. Autori propositum est calculum Astronomicum, cujus difficultas plurimos ab eo deterreret, reddere magis expeditum. Quamobrem cum Tabulæ *Philippi de la Hire* nostro ævo celebratissimæ sint, præcepta autem breviora adjecta sint, quam ut ad omnem calculum Astronomicum feliciter tractandum satisfaciant, iis præsertim, qui parum adhuc sunt exercitati; ideo Tabulas quidem retinuit, juxta exemplar, in quo Cel. Autor propria manu nonnulla correxit, a Cl. *Rossio* revisas, sed præceptis omisissis novam ad calculum Astronomicum introductionem adjevit. Docet c. 1, quænam sint præcognita ad intelligentiam tabularum

rum astronomicarum necessaria, c. 2 arithmeticam sexagesimalem, c. 3 Trigonometriam planam, c. 4 Trigonometriam sphericam, c. 5 divisionem temporis in genere, c. 6 divisionem anni in specie, cum problematis in calculo necessariis, c. 7 calculum Solis, c. 8 calculum Lunæ, c. 9 calculum planetarum, c. 10 calculum eclipsium lunarium, c. 11 calculum eclipsium Solis ac telluris, c. 12 calculum occultationis fixarum & planetarum, quæ a Luna fiunt. Palmarium, quod Autor dedit, consistit in eo, quod docuerit modum geometricum computandarum eclipsium, & methodum imprimis *Keplerianam* explanaverit, qua eclipses solares instar eclipsium telluris considerantur, quodque projectiones geometricas occultationis planetarum & fixarum a Luna admodum perspicue declaraverit. In præfatione commendat Elementa Matheseos *Wolfiana*, quorum in addiscenda Mathesi usum insignem, propria experientia confusus, grata mente prædicat.

DE LUMINIS REFRACTIONE DISSERTATIO
Anti-Bernoulliana, qua luminis refracti
Natura explicatur; Autore JOH.
RIZZETTO.

CUm docuisset experientia, quod in transitu luminis ex uno in aliud diversæ resistantiæ medium sinus angulorum incidentiæ & refractionis sibi invicem in ratione constante respondeat, hunc Naturæ effectum plures Mathematici explicare ac demonstrare conati sunt. Nimirum ex una parte Cartesius, Herigonius & P. de Chales, ac ex altera Robervalius, Hugenius ac Newtonus. At summus Geometra, Joh. Bernoullius, singulorum explicationibus impugnatis, in Actis Lips. Anni 1701 confidenter asseruit, *neminem illorum universalem applausum obtinuisse*. His accessere Fermatius, Snellius ac Leibnitiu, qui positis sinibus dictorum angulorum inverse ut resistantiis mediorum, radium invenerunt ex puncto radiante ad punctum illustrandum via facillima pervenire. At vitio causarum finalium in hac quoque explicatione notato, denique Bernoullius

conclufit, nullum adhuc exiftere, qui demonstrationem dederit puram ac nullis objectionibus obnoxiam. Causa finali facillime agendi rejecta, is tamen Canonem fumpfit, quo dicebatur ipforum angulorum finus eſſe reciproce inter ſe ut reſiſtentias mediorum, & hunc utique demonſtraturus, noſtram, inquit, dabimus explicationem, qua rigido Phyſico non minus quam accurato Mathematico ſatiſfactum iri ſperamus.

Cum autem notaviſſem, quod in tranſitu luminis ex aere in a quam finus angulorum incidentiæ & reſractionis, juxta obſervationes vulgo receptas, ſunt inter ſe ut 4, 3, & per conſequens reſiſtentiaæ aeris & aquæ, juxta Canonem Bernoullianum, ut 3, 4; faſtidium faciebat, quod pendulis in aere & aqua oſcillantibus Newtonus elicit in Princ. Math. reſiſtentias aeris & aquæ eſſe inter ſe ut 1 ad 800 vel 900. Quare nesciebam, quomodo poſſet (ut Autor ſperavit) rigido Phyſico ſatiſfacere, quod eſſet proportio inter reſiſtentias aeris & aquæ, ut 3, 4, tam diverſa nimirum ab illa, quæ ex Newtonianis experimentis eliciebatur. Hinc ſuſpicatus ſum, Clariff. Autoreſſ erraſſe; & quoniam is dicitur Canon principio Mechanico demonſtratus, rem accuratius examinaſſi; cumque invenirem difficultatem, hanc in medium fero, ut, ſi confirmanda eſt, alia explicatio, quæ melius ad intentum faciat, ſublato præjudicio, innotefcat.

Sint duo media (ita Bernoullius ait) diverſa conſiſtentia ADC, BCD (Fig. 1), punctum radianti A, punctum illuſtrandum B, ad quod radius Ae pervenire debet per reſractum e B. Quandoquidem radius e B tanta vi (ob legem actionis & reactionis) a reſiſtentia medii BCD repellitur a B verſus e, quanta radius reſiſtentiam eandem ſuperare conatur; Similiter radius Ae pari vi a reſiſtentia medii ABC retunditur ab e verſus A, quanta ipſi opus eſt ad eandem reſiſtentiam ſuperandam, ſcilicet ab A verſus e; Hinc in puncto e ſit conſiſtentius ſecundum directiones Be, Ae duarum virium inæqualium & mediorum reſiſtentiaſ proportionalium.

Cum autem conſtet, duas vires inæquales in ſe mutuo libere agentes ad eum ſitum ſe componere, in quo earum momenta ſiant æqualia,

tes, singula prioribus suis directionibus in contrarias partes dirigantur, eas etiam postea equilibrium servare. Dicit itaque, verticillum e ad eum locum pertractum iri in virga C D, in quo ducta normali I R sinus anguli A e R representantis angulum incidentie sit ad sinum anguli B e I, referentis angulum refractionis, in reciproca ratione potentiarum trahentium, qua diaphanorum resistentias exprimunt.

Si dux potentie sollicitant verticillum e secundum directiones e A, e B trahendo, vel secundum contrarias A e, B e premento; quod verticillus e in virga C D (ut æquilibrium procuretur) ad eum locum pertrahendus sit, in quo sinus anguli A e R sit ad sinum anguli B e I in reciproca ratione potentiarum trahentium, vel prementium, hoc utique veritati consentire percepi; quare didici, quærendam non esse in principio mechanico, sed in ejus applicatione, difficultatem.

Ut hæc e latebris eruatur, propagetur radius in æthere, & ingressus in aerem, ex hoc transeat in aquam, ex medio nempe rariore in densius, & in hoc transitu refractionem subeat. Quum transit radius A e per medium rarius A D C, ab hujus resistentia retunditur ab e versus A: perspicuum est autem, quod is agitur transitus, quia inest radio vis f, quæ impenditur in superanda ipsius medii resistentia, ac etiam perspicuum est, quod hæc vis f dirigitur ab A versus e, & ob legem actionis & reactionis æquatur resistentiæ ipsius medii A D C. Quare colligitur, hanc vim f illam esse, quæ ab Autore indicatur his verbis: *similiter radius A e pari vi a resistentia medii A D C retunditur ab e versus A, quanta ipsi opus est ad eandem resistentiam superandam, scilicet ab A versus e.*

Quum radius pervenit ad punctum e, aliam invenit vim, quæ magis repellit illam a B versus e, majorem nempe resistentiam medii densioris D C B. Ut igitur radius hanc majorem resistentiam superet, opus est illi vim majorem impendere, quæ proinde vocari potest f + F. Hoc posito patet hanc dirigi ab e versus B, & ob legem actionis & reactionis ipsam æquari resistentiæ ejus medii densioris, D C B, refferri scilicet vim f ad illam partem resistentiæ ejus medii densioris, quæ æqualis est resistentiæ medii rarioris, & vim F ad excessum, quo resistentia medii densioris superat

superat illam rarioris. Cum igitur manifestum sit, eam agere in sensu quoque contrario, scilicet a B versus e, concluditur itaque, eandem vim $f + F$ illam esse, quæ ab Autore significatur his aliis verbis: *Quandoquidem radius e B tanta vi a resistentia medii B C D repellitur a B versus e, quanta radius resistentiam eandem superare conatur.*

His præmissis quærendum est, an vera consequentia sit, quam elicit Autor dicendo: *Hinc in puncto e fit conflictus secundum directiones Ae, Be, duarum virium inequalium & mediorum resistentiis proportionalium.* Vires inæquales, & mediorum resistentiis proportionales, juxta mentem Autoris, procul dubio sunt $f, f + F$; videndum est igitur, an istæ sint, quarum conflictus fiat in puncto e, secundum directiones A e, B e. Si vis f , quæ impenditur in superanda resistentia medii rarioris A D C, esset tota illa vis a , qua radius propagatur in æthere, propagatio fieret in medio rariore usque ad punctum e, non autem in densiore ultra ipsum punctum e. Nam vis, cui propagatio tribuenda foret, inveniretur in casu medii rarioris, non autem in casu densioris. Si igitur radius in hoc etiam medio densiore propagatur, oportet, ut superata resistentia medii rarioris, pars tanta supersit ex vi a , quanta saltem sufficiat pro superanda quoque resistentia medii densioris. Hinc sequitur, quod illa vis (qua radio obnitendum est in puncto e, ut superet resistentiam hujus medii densioris) non est vis f , hoc enim illi opus est ad resistentiam medii rarioris superandam, sed vis $a - f$, ea nempe residua, quæ superest illi post resistentiam ipsius medii rarioris superatam. Quoniam hæc igitur vis $a - f$ agit ea quoque ab A versus e; ex duabus igitur viribus, quarum conflictus fit in puncto e, secundum directiones Ae, B e, illa, quæ agit ab A versus e, videtur esse non vis f , sed vis $a - f$. Iterum causa, qua refrangitur radius in transitu ex medio rariore in densius, procul dubio est excessus, quo resistentia medii densioris superat resistentiam rarioris, nam ea refractionis est major, vel minor, vel nulla; prout major, vel minor, vel nullus est quoque hujusmodi excessus. Hinc sequitur, quod illa vis, qua medio densiori obnitendum est in puncto e contra vim $a - f$,
non

non est tota vis $f + F$, quæ refertur ad totam ipsius medii densioris resistentiam; sed sola vis F relata ad excessum, quo resistentia medii densioris superat resistentiam rarioris. Quoniam igitur hæc ipsa vis F agit a B versus e , ex duabus igitur viribus, quarum conflictus sit in puncto e secundum directiones Ae , Be , altera, quæ agit a B versus e , videtur non esse tota vis $f + F$, sed sola vis F .

Si igitur in refractione, quam patitur radius transiens ex ære in aquam, elicitor ex Canone Bernoulliano proportio inter resistentias aeris & aquæ ut 3, 4, tam diversa nimirum ab illa (ut 1 ad 800 vel 900,) quam Newtonus docet, hujus diversitatis ratio videtur manifestari. Nam in transitu radii ex ære in aquam Autor ex lege actionis & reactionis elicit resistentias aeris & aquæ esse directe proportionales viribus, quibus radio opus est ad eas resistentias superandas. Et quoniam statuit, has vires in puncto incidentiæ obniti, ex suo mechanico principio collegit, easdem vires, & per consequens resistentias aeris & aquæ sinibus angulorum incidentiæ ac refractionis reciproce respondere. At quia videntur in puncto incidentiæ obniti ex una parte illa vis, quæ superest radio post aeris resistentiam superatam, & ex altera parte illa vis, quæ refertur ad excessum, quo resistentia aquæ superat resistentiam aeris; non autem obniti vires, quibus radio opus est ad superandas resistentias aeris & aquæ; has vires & per consequens horum mediorum resistentias sinibus illorum angulorum reciproce respondere, perperam Autor (ni fallor) ex mechanico suo principio collegit.

Explicatione refractionis Bernoulliana nutante, illæ quoque Fermatii, Snellii, & Leibnitii laborant; nam ex omnibus sequitur, sinus angulorum incidentiæ & refractionis resistentiis mediorum reciproce respondere; quod experientiæ adversatur, cum in transitu radii ex ære in aquam ratio inversa inter sinus angulorum incidentiæ & refractionis sit ut 3, 4, diversa nimirum ab illa (ut 1 ad 800 vel 900) in qua sunt resistentiæ mediorum. Reliquas omnes explicationes Bernoullius arguit falsitatis vel dubii, nec immerito illas Cartesii, Herigonii, ac Robervallii; elicitor enim ex duabus primis, refractionem in transitu radii

radii ex rariore in densius faciendam esse non ad perpendiculari, sed a perpendiculari, & ex tertia colligitur esse in ratione constante non Sinus, sed Tangentes angulorum incidentiz & refractionis, quæ omnia reperientiz repugnant. Nec arguit immerito illas etiam Hugenii & Newtoni; nam prima displicet illis, qui lumen in instanti propagari contendunt, ac secunda innititur vi attractivæ, quæ non exponitur, sed supponitur. Quod autem is omnia quoque condemnet, quæ leguntur in Mundo Mathematico P. de Chales, *quia videntur unice experientia accommodata, ita ut si de ea nondum constaret, pariter nihil certi ex illis a priori concludere liceret*, hoc nequeo quidem subscribere, nam potius aliqua ex iis ad propositum nostrum arbitror esse excolenda. Demonstrante laudato Autore, vel potius ea referente, quæ demonstrata fuerunt a P. Maignan, nempe in transitu radii ex uno in aliud medium sinus angulorum incidentiz & refractionis esse inter se ut velocitates radii in mediis inæqualiter resistentibus, aliquid utique in demonstratione desideratur, at ex illa tamen explicatio refractionis videtur esse petenda.

Ut omnia recte procedant, ab omni Hypothesi in primis abstinendum esse, & illud tantum, quod pro certo habetur, assumendum puto. Si corpus opacum corpori luminoso propius vel longius obicitur, lumen in objecto corpore apparet; quare patet, undique propagari luminosi corporis lumen, quo totum circumfusum spatium impletur. Si rursus fila Amiantina in foco Lentis Sereniss. Ducis Aurelianensis verticali positione solaribus radiis exposita a luminis ictu dejiciuntur (Regia Academia Parisiorum in Historia Anni 1708 testante) inde colligitur, vim luminis in actu propagationis inesse. Si denique lumen transiens ex medio rariore in densius in actu propagationis eam subit, quam appellamus refractionem, certum est illud in hoc transitu pati, medio densiore majorem difficultatem faciente, quam rariore: nisi enim hæc difficultas in causa foret, ratio non esset; qua foret ipsum de recto tramite deflectendum. Licet igitur ignoramus, qua lumen vi propagetur, an emanationis, an impulsus, an aliusmodi, pro certo tamen habemus, luminis propagationem fieri in mediis rarioribus faciliorem, & in

cujus extrema linea BC : manifestum est, puncta extrema B, C pari facilitate propagari in medio rariore per rectas AB, DC . Dum autem ipsa linea BC incidit oblique ex rariore in superficiem CG medii densioris, huic primum occurrit, ac primum insinuatur punctum C , dum adhuc punctum B per medium rarius propagatur. Cum igitur majorem difficultatem offendat punctum C , quam punctum B , necesse est, ut ea puncta B, C propagentur per curvas BG, CF ; dum enim punctum B propagatur facilius in medio rariore per arcum majorem BG , oportet, ut punctum C propagetur ægrius in medio densiore per arcum minorem CF . Cum tandem tota linea BC medium densius penetraverit, & acquisiverit positionem GF , manifeste patet, iterum pari facilitate propagari puncta extrema G, F per alias rectas GM, FO . His positis arcus BG, CF circulares esse $P. de Chales$ affirmat, non autem demonstrat, & ideo, quæ deest, demonstratio adjungenda est.

Tempore infinitesimo acquirat linea BC positionem ab : si producat recta BC ad partes e , hæc est normalis utrique curvæ, Ba, Cb ; nam puncta extrema B, C propagantur in medio rariore per rectas AB, DC , quæ tangunt arcus Ba, Cb in punctis B, C , & quæ proinde normaliter insistant rectæ Bc . Iterum linea ab ea pariter producta ad partes e perpendicularis est ipsis curvis Ba, Cb ; nam si medium rarius in spatio $a f G$, sicut alterum densius, resisteret, puncta extrema a, b per rectas propagarentur, quæ tangerent arcus Ba, Cb in punctis a, b , & quæ proinde normaliter insisterent rectæ ae ; quare patet, rectas eB, ea radios esse osculatores arcuum Ba, Cb .

Si altero tempore infinitesimo, quod sit primo tempore æquale, acquirat linea ab positionem GF , hanc quoque rectam GF productam ad partes e simili modo ostendetur esse radium osculatorem arcuum aG, bF , quorum alter radius osculator est pariter ipsa recta ae .

Huic rectæ ae ulterius productæ ad partes e occurrat, si possibile est, recta GF (ipsa quoque producta) in altero puncto g : quoniam lumen propagatur tempore æquali in medio rariore per arcus Ba, aG , & in densiore per arcus Cb, bF , erit ita-

que Ba, Cb:: a G, b F. Sed $ag, bg :: a G, b F$, ob similitudinem sectorum gaG, gbF; ergo Ba, Cb:: ag, bg. Sed iterum Ba, cb:: ae, be, ob similitudinem aliorum sectorum eBa, ecb; ergo ag, bg:: ae, be; & per consequens ag-bg (ab), bg:: ae-be(ab), be. Ex quo patet, esse bg, be inter se æquales. Cum igitur tres rectæ BC, ab, GF ulterius productæ concurrant in unum & idem punctum e, Mathematicis patet, esse BG, CF arcus circularum, quorum semidiametri e B, e C.

Ut his cognitis reliqua expédiantur, satis est, demonstratiorem P. de Chales ad simplicitatem excolere. Centro C, intervallo CG, descripto arcu GK, ac centro G, eodem intervallo GC, descripto arcu CL, sint rectæ GH, CI sinus ipsorum arcuum GK, CL, vel angulorum KCG, CGL. At ex punctis C, G ductis CN, GO perpendicularibus superficiei refringenti CG, cum anguli NCG, KCD sint recti, dempto communi angulo NCK, residuus angulus KCG est æqualis alteri NCD; qui est angulus incidentiæ: Et cum anguli MGL, OGC sint pariter recti, dempto communi angulo OGL, remanet angulus CGL æqualis alteri MGO, qui est angulus refractionis; quare rectæ GH, CI sinus angulorum incidentiæ & refractionis exponunt. At istæ rectæ inter se sunt, ut semidiametri e G (eB), e C ob similitudinem triangulorum eGH, eCI; ac istæ semidiametri e B, e C sunt inter se ut arcus GB, CF, ob similitudinem sectorum eBG, eCF; & tandem se habent isti arcus GB, CF ut facilitates, quibus lumen in mediis inæqualiter resistentibus propagatur; his itaque facilitatibus proportionales sunt illi sinus. Quod erat demonstrandum.

Dum radii extrema linea BC in transitu ex medio rariore in densius propagatur intra circulares arcus BG, CF, quamvis mutetur ipsa linea BC, hoc est, diameter radii, constans attamen est ratio ipsorum arcuum BG, CF, nam ipsi sunt ut facilitates, quibus lumen in mediis inæqualiter resistentibus propagatur. At sinus angulorum incidentiæ & refractionis in eadem proportionem sunt; quamvis igitur diameter radii cujuscunque magnitudinis sit, finitæ vel infinitesimæ, in transitu tamen ex rariore

rariore in densius eidem angulo incidentiæ semper idem debet refractionis angulus convenire. Si quis igitur suspicatur, legem propositam (lumine ex uno in aliud medium transeunte) alterari a tremitu, vel a quolibet alio elemento, quod in collisionibus locum invenit; is consideret, esse talem diametrum radii, ut tanquam infinite parva, nisi mathematicæ, saltem physice fumi queat; & tamen ea omnia, quæ superius demonstrata sunt, constanter manere; non autem idem contingere aliis elementis, quæ in collisionibus locum inveniunt, facile enim percipiet, hæc omnia elementa in quantitativis infinitesimis evanescere. Quare suspicione remota eam legem intelligit in casu proposito confirmari.

Denique addendum est, quod si in transitu ex medio rariore in densius mutatur facilitas, qua lumen propagatur in rariore; ob legem actionis & reactionis in eadem proportionem mutatur etiam medii densioris resistentia, ac ita quoque mutatur facilitas, quam in superando medio densiore lumen amittit. Sumantur itaque datæ facilitates, nimirum F , qua propagatur lumen in rariore, & G qua propagatio fit in densiore: si facilitas F mutatur in quamlibet aliam f , acquiratur eventus alterius facilitatis G , fingatur, hanc aliam mutari in alteram g . Quibus positis erit $F, f :: F - G, f - g$; ex qua deducitur $F, G :: f, g$, constans nimirum ratio, quam habet facilitas propagationis in densiore ad alteram facilitatem propagationis in rariore. Quælibet igitur sit finita vel infinita facilitas, qua propagatur lumen in rariore, sequitur, hanc semper esse diversam ab illa, qua propagatur in densiore, & huic diversitati sinus angulorum incidentiæ & refractionis juxta legem propositam respondere.

Cum igitur Bernoullius doceat, quod in transitu luminis ex uno in aliud medium sinus angulorum incidentiæ & refractionis sint reciproce inter se ut resistentiæ mediorum; nos autem, quod ipsorum angulorum sinus sint inter se directe ut facilitates, quibus lumen in mediis inæqualiter resistentibus propagatur; si demonstrationes consideramus, videtur illa Canonis Bernoulliani deficere, illa nostri inconcussa manere. Si vero in explicandis Phænomenis periculum facimus, videtur etiam Bernoullianus Canon ita a proposito discrepare, ut nullibi admitti

possit, noster autem ita ad intentum facere, ut nil ultra desiderandum ipse relinquat.

Qua bis subiecit Ill. Autor Phenomena, latius explicata, Supplement. T. IX Sect. III inferemus.

**D. MARTINI SCHURIGII, PHYSICI
Dresdensis, Chylologia Historico-Medica, h. e. Chyli humani sive succi nutritii Consideratio Physico-Medico-Forensis.**

Dresdæ, sumptibus Johannis Christophori Zimmermanni,
& Johannis Nicolai Gerlachii, 1725, 4.

Alphab. 5 plag. 6.

POST Spermatologiam & Sialologiam ad Chylologiam pergit in Collectaneis suis edendis Autor Clarissimus, in XV capita distributam, in quorum I de Appetitu tam naturali quam præternaturali, in II de Pica & Malacia, in III de Nausea & Fastidio certorum ciborum ac Antipathia animalium, in IV de diuturna a cibo & potu abstinencia, in V de œsophago & deglutione tam integra quam læsa, ut & de variis rebus deglutitis, in VI de ventriculo & chylicatione, illiusque affectibus præternaturalibus, in VII de vomitu, in VIII de intestinis eorumque morbis, ac de chylo ejusque motu, in IX de fœcibus, alvi fluxu, adstrictione ac procidentia ani agit; in X res varias præternaturales in intestinis repertas, vel per alvum excretas aut extractas, commemorat, in XI stercoris Analysin Chymicam instituit, & præparata recenset, ac qualia ista præbeant signa, quemque usum medicum habeant, in XII, XIII, & XIV docet. In ultimo aliquot quæstiones Medico-Forenses dirimit, scilicet 1) an fœminis excrementa alvina per vaginam uteri ejicientibus matrimonium sit concedendum, aut semel contractum iterum dissolvendum? 2) an ex meconio per parturientis vaginam uterinam prodeunte certum defuncti fœtus signum desumi queat? 3) an herniosi ad matrimonium sobolisque procreationem apti sint? 4) an herniosi torqueri queant? 5) an ex intestino recto vel ano constuprati pueri signum peti possit?

Quas proprias observationes Autor huic operi interspersit, brevi-

brevibus jam de more enumerabimus. Pag. 28 de Gulone, animali voracissimo, Germanis *Vielfraß*, agit; cujus voracitatis causam licet plerique Autores ex eo deducant, quod ductus cholodochus in ventriculum ejusque fundum implantetur, & intestinum tantum unicum, aut tam parvum sit, ut ab orificio ventriculi inferiore absque gyrationibus recta ad anum tendat; Noster tamen ex sectione hujus animalis, quam anno 1715 die 3 Aprilis instituere contigit, didicit, ductum cholodochum æque ac in aliis animalibus in intestinum duodenum insertum, & reliqua intestina gyrata & anfractuosa fuisse. P. 53 Virginis picam ad areuam scriptoriam atramento imprægnatam, p. 59 alius, summe cachecticæ, ad sal culinare, & p. 95 iterum alius, ad libros situ corruptos, straminis mucidi, febrique veteris factorem describit, p. 111. De coqua refert, eam ad recentis & frigidi butyri esum nullis persuasionibus adigi potuisse, liquatum vero, tam cibus admixtum, quam intincto pane, vel etiam coehleatim calide assumptum in summis delitiis habuisse, p. 114 Sic recenset, facetum quendam sodalem suum, caseum averfantem, ad lanionem duxisse, huncque jussisse bovis mactandi ori & naribus caseum admove, cum verbis: ede, aut occideris; altero die eidem sodali caseum iisdem cum verbis obtulisse; quo factum, ut hic non solum tum temporis caseum absque ullo symptomate gustaverit, sed postmodum etiam ad ejus esum affuefactus fuerit. De Antipathia ubi loquitur, pag. 120 sqq. exempla adducit eorum, qui ad odoratum & visum pomorum Stetinenfium, ad capparides, flores violarum & cheiri, ad sambuci aquam, vinum, cerevisiam, nicotianæ odorem, & selem pessime se habuerunt. Militis etiam voracissimi p. 185 mentionem facit, & p. 225 sqq. eorum, qui in ediam diuturnam revera tolerarunt. P. 249 personas allegat, qui immoto gutture magnam vini vel cerevisiæ quantitatem in se ingurgitarunt. Deglutionem etiam impeditam p. 249 & 257 vidit ex tumore in colli latere sinistro circa laryngem curato, & ex epiglottitis in milite, lue venerea laborante, erosionem. Polyporum narium aliquot pag. 275 allegat exempla. Merentur etiam legi observationes, quas p. 334 & 344 describit de iis, qui cultros, lapides duros siliceos, stupam cannabinam, canes, feles, arse-

arsenicum & alia venena devorarunt, & p. 359 de puero a faba in glottide hærente suffocato. Inter ventriculi vitia observavit p. 372 in Comite de Callemberg pravum ejus situm, quo in hypochondrio sinistro deorsum verius propendebat, p. 375 nimiam amplitudinem in helluone, octodecim aquæ libras capientem, p. 397 perforationem & sphacelum post ambustionem in laco-nico; & p. 401 vulnus cum diaphragmatis læsione non lethale. Vomitus extraordinarii leguntur, p. 437, lactucæ & cerasorum nigrorum post sextum vel septimum diem unum mensem resectorum, p. 455 ab unguibus non propriis concitati, & p. 475 materiz nigerrimæ, dolorem ventriculi mordentem & rodentem inferentis. Intestina observavit p. 548 in infante extra abdomen pro-pendens, p. 549 in gemellis ad labia vaginæ uterinæ prolapsa, p. 560 consumpta, & p. 576 ileum tribus in locis intrusum. Virgi-nem allegat p. 623, quæ post largiorem prunorum una cum lapillis æsum diuturnam passa fuit alvi obstructionem, ita ut ipsa filo ferreo (*Strick-Nadel*) eos non sine summo dolore effodere fuerit coacta; similem p. 628 observavit ab ira & terrore concitatam, & ad duas & sex fere septimanas durantem. Ani clausuram p. 668 in duabus puellis conspexit curatam, per quarum genitalia excremen-ta prodierant. Sic p. 675 fæcum alvinarum per genitalia, & urinæ per anum rejectionem in uxore capillamentarii observavit. Denique p. 688 rusticæ mentionem facit, qui post nimis avidam uvarum integrarum cum arillis deglutationem contumacem alvi obstructionem & inde ingentem in inguine dextro tumorem pas-sus fuit, ex quo disrupto non solum fæces alvinæ, sed etiam uræ integræ in magna copia fuerunt excretæ.

NOVA LITTERARIA.

Dum adhuc in Belgio prela exercentur imprimendo *Corporè Diplomatico* maximo, seu collectione Tractatum Pacis, XII Tomos complexuro, quorum nuper octo prodidiſſe ſeruntur; prodeunt interim non exigui momenti Opera duo, quæ, cum in Opere illo locum non invenient, apprimè tamen ad illuſtrandos Pacis Tractatus pertinent. Primum ſub titulo: *Hiſtoire des Traitéſ de Paix & autres Negotiations du XVII Siecle depuis la Paix de Ver-vins juſqu'à la Paix de Nimègue, qui peut ſervir d'Introduction au Corps diplomatique ou Recueil des Traitéſ de Paix*, Amſtelodami & Hagæ Com. 1725, duobus Tomis in fol. alterum ſub tit. *Negotiations ſecretes touchant la Paix de Munſter & d'Osnabrug, tirés des Manuſcrits les plus authentiques*, Hagæ Com. 1725 & 1726 quatuor Tomis in fol. proſtat.

ACTA ERUDITORUM,

publicata Lipsiæ

Calendis Julii Anno MDCC XXVI.

ISTORICI DELLE COSE VENEZIANE.
i quali hanno scritto per publico
Decreto.

h. e.

SCRIPTORES RERUM VENETARUM,
qui publica autoritate scripserunt, nempe M. A. SABELLICUS, PETR. BEMBUS, PAUL. PARUTA, ANDR. MAUROCENUS,
BAPT. NANI & MICH.
FOSCARINI.

Tomi X.

Venetis, apud Lovisam, 1718 - 1722, 4 maj.
Alph. 34 Tabb. æn. 8.

Quanta sit doctrina, quam exquisitum rei literariæ promovendæ studium, quanta denique modestia Viri illustris ac celeberrimi, *Apostoli Zeni*, Veneti, Nobilis Cretensis, qui hodie Historici & Poetæ in Aula Cæsarea munere fungitur, nisi aliunde jam satis constaret, vel e splendidissimi hujus operis editione, quam, quamvis nec in titulo, nec in præfatione operis doctissima, & alibi quoque rarius, ejus nomen præferat, ipsius tamen consiliis & industriz unice fere deberi, res ipsa loquitur. Juvabit vero Præfationem vel strictim perlustrasse, in qua de Venetis scriptoribus tum vetustioribus, Latinis maxime, tum de illis, qui publica autoritate postremis his sæculis historiam descripserunt, diserte agit *Cel. Zenus*,
qui

O o

p. 13.

qui & alibi, ut in *Diario Veneto*, tum moderno, tum altero illo, quod *Galleria di Minerva* inscriptum est, de Historicis Venetorum accurate egit, & fusius edisseret in opere, cujus spem facit, *de Scriptoribus Venetis*. Præmissis Anonymis tribus, *Gradenfi*, Seculi X, *Veneto*, Seculi XI, & *Attinate*, Seculi XIII, Scriptoribus, memorat ipsum Venetiarum Principem, *Andream Dandolum*, qui Seculo XIV & Mare magnum Historicum, quod temporis injuria periit, & *Annales* atque *Chronica*, nondum edita, exaravit. Eodem tempore vixit *Benintendus*, qui pariter Chronicon Venetiarum ad Orseolum I usque conscripsit, quod æque ac *Anonymi*, qui Dandoli Annales ab A. 1280 ad 1342 produxit, & *Raphaini de Carisfinis* Chronica, quibus hic ipse ab A. 1342 ad 1388 continuatur, adhuc in scriniis latet. Seculo XV primus inclaruit *Laurentius de Monacis*, cujus Chronicorum Libri XIV, in quibus & sequitur Dandolum Autor, & passim auget, nondum lucem adspexerunt, si ea excipias, quæ ex libro XIII de Ezelino cum *Albertini Mussati* Historia Henrici VII edidit Felix Ofius. Spectat huc porro *Blondus Flavius*, civis Venetus, cujus de origine & gestis Venetorum liber inter alia ejus Opéra exstat. *Antonii Donati* Vitæ Principum Venetorum, quæ ad A. 1473 procedunt, apud Autorem manu descriptæ exstant, qui & *Pauli Mauroceni* opuscula quædam Latina ad Historiam Venetam spectantia possidet. Huc porro pertinet *Jacobi Zeni* de vita, moribus, rebusque Caroli Zeni, Veneti, opus elegans, quod Latine nondum prodiiit; Italice vero versum edidit Franc. Quirinus Venet. 1544, 8. Imprimis vero de Venetorum rebus bene meruit illo tempore *Bernhardus Justinianus*, qui & scripsit vitam Laurentii Justiniani, primi Patriarchæ Veneti, ediditque Ven. 1475, 4, & A. 1489 d. 10 Mart. exstinctus, prelo paratam reliquit de origine urbis Venetiarum rebusque ejus gestis Historiam, Ven. 1492 editam & 1534 recusam. *Coriolanus Cippicus* Petri Mocenici gestorum Libros III, culto satis stylo scriptos, primum vulgavit Ven. 1478 4, iterum Basileæ 1544, ac tertio sub tit. *de bello Asiatico* recusus Ven. 1594, 8. His addit Noster *Martinum Samutium*, cujus libros de origine urbis, de Magistratibus Venetis, de Familiis Venetis, de vitis Principum & de bello Gallico rarius exstare, duodecim

vero

vero ampla volumina historica in archivo publico asservari, testatur. Et haecenus veteres produxit editos ineditosque; ad recentiores paulo delapsus, ut modum sibi poneret, eos tantum recensuit, qui publica voluntate Historiam scribere aggressi sunt. In his primo loco numerat *M. Ant. Sabellicum*, qui etli non videtur scripsisse iussu Reipublicæ, ita tamen eidem probavit suas Enneades, ad A. 1486 productas, ut, illo A. 1506 mortuo, cum Historici munere provinciam continuandæ Historiæ, ubi defierat Sabellicus, demandaverit *Andrea Naugerio* leu *Navagario*, de cuius dictione eleganti & digna Augusti Seculo satis testari possunt Opera ejus, Patavii 1718, 4 a Vulpiis fratribus primum edita. At is historici argumenti, quod ad Rempubl. pertineret, nihil reliquit, &, quæ collegerat, in Gallica legatione morbo decumbens, eodem die, quo decessit, 8 Maj. 1529 suis manibus in ignem projecta concremavit. Successit huic *Petrus Bembur*, qui pariter Sabellicum continuare iussus, eum usque ad A. 1513 opere eleganti produxit, quod post illius mortem (quæ teste Ludov. Beccatello in vita Bembi, quam in MS. servat Noster, in d. 20 Jan. 1547 incidit) ab Aldo primum in lucem proditum Venet. 1551, fol. cum præfatione Joannis Casæ, qui tamen nomen suum non apposuit. Bembo huic in Historici munere successit *Daniel. Barbarus*, qui nomen sibi ex Aurea in L. Psalmos Doctorum Græcorum Catena, Venet. 1569, fol. edita, peperit, sed A. 1570 d. 13 Apr. mortuus, nihil reliquit argumenti historici. Inde *Paulum Ramnusium*, Reipubl. a Secretis, inserit Noster, quod is, a Decemviris iussus, Gottfridi Villaharduini de bello Constantinopolitano & Imp. Comnenis per Gallos & Venetos relictis Historiam, Seculo XIII Gallice scriptam, luculento sermone Latino traduxit, & Venet. 1573, fol. primum vulgavit, anno demum 1600 d. 20 Dec. mortuus. Ipsi vero *Barbaro* in officio Historiographi successit *Petrus Justinianus*, qui, illo adhuc vivo, Historiam Venetam inde a primordiis XIII libris vulgaverat Venet. 1560, post mortem ejus XVI libris usque ad A. 1575 productam editamque ib. 1576; ut adeo hæc ipsa Historia publica autoritate scripta dici nequeat, nullumque in hac Collectione locum invenerit. Qui hunc secutus est A. 1577, *Aloysius Justinia-*

stinianus, præmatura morte biennio post præreptus, spartam ornare haud potuit. Hunc vero in eumunere excepit A. 1579 *Paulus Paruta*, qui id egit, ut Bembum continuaret, Latino eoque Sallustiano stilo; mutavit tamen in eo consilium, quod usus est postea sermone Italico, quo maxime excellebat, & quamvis ipse A. 1598 M. Dec. extinctus fuerit, prodiit tamen opus *Venet.* 1605, 4, duabus Partibus, quarum prima res ab A. 1513, ubi desinit Bembus, ad A. 1552, secunda vero, interrupto quodammodo filo, bellum Cyprum ab A. 1569 ad 1572 describitur. Successit publicis suffragiis *Andreas Maurocenus*, qui cum lacunam illam in Paruta observasset, novam quodammodo Historiam ab A. 1521 ad 1615 XVIII Libris reconcinnavit, stilo prorsus ad Livianum composito, quæ, autore A. 1618. M. Junio mortuo, Venetiis 1623, fol. prodiit, hætenus non ubivis obvia. Qui secutus est *Nicolaus Contarenus*, etsi a Musis ad Martem desletere & operam gloriosam Reip. in castris, ubi summo cum imperio Præfectum egit, præstare cogeretur, tandemque Principatum Reip. obtineret, non tamen immemor fuit officii, reliquitque hæredibus duo spissa volumina, quibus Historiam ab 1597 condere patrio sermone aggressus est: quæ utinam in publicam tandem lucem prodire jubeant; neque enim dubium, a Viro, tantis negotiis adhibito, non proletaria fuisse annotata. Hoc vero A. 1630 ad fasces vocato, sublectus est *Paulus Maurocenus* (Morosini), qui & de fratris sui Andreæ scriptis bene meritus fuit, & A. 1637 paulo ante mortem, quæ d. 20 Dec. ejusdem anni secuta, Historiam urbis & Reip. Venetæ Italice edidit Venetiis libris XXVIII, res ab origine urbis ad A. 1486, quo Sabellicus desierat, deducens: quæ licet & ipsa jussu Reip. edita non videatur, eoque pariter in nostram Collectionem relata non sit, ob multa tamen veterum scripta inedita, quibus usus est Autor, in pretio esse meruit. Huic mox quidem successit *Jacobus Marcellus*, Senatorio munere illustris; enimvero nihil eorum, quæ elucubravit, ad nos pervenit, siquidem exemplo Nangerii, scripta sua, quæ huic pertinent, moribundus tradidit Vulcano, vitamque finivit A. 1650 d. 26 Dec. Sed omnes fere antecessores suos superavit *Baptista Nani*, A. 1651 ad publicum

cum Historici munus evocatus, qui Historiam Reip. ab A. 1613 ad 1671 Etrusco sermone non ineleganti exposuit duabus Partibus, quarum prima, ipso superstite, A. 1662, 4, altera post mortem ejus A. 1679 lucem adspexit. *Michael Foscarinus*, Senator, successor ejus, etsi limare omnia morte præventus non posset, reliquit tamen VIII libros, historiam ab A. 1669 ad 1690 complexos, & Ven. 1696, 4 editos. Denique, qui hodie superest, *Petrus Garzonus*, Senator urbis, memoratur, qui duas hæcenus Partes dedit Historiæ Venetæ, primam A. 1705, qua res paulo altius, scilicet ab A. 1682, repetere operæ pretium duxit, ut totum bellum Turcicum in Morea gestum Parte illa absolveret, alteram vero A. 1716, qua, quæ post mortem Caroli II Regis Hispaniæ bello gesta sunt ab A. 1700 ad 1714, accurate ac luculenter descripsit.

De ipsis scriptis, hic uno corpore productis, non est, ut multa dicamus. *Tomum I* complet Historia *M. A. Cocci Sabellici*, cui dignam lectu vitam Latinam præposuit Celeb. *Aposolus Zenus*, in qua Jovium, Nic. Toppium aliosque frequenter corrigit, & varia immiscet admodum jucunda. Ut unicam ejus excursionem describamus, dum de nomine Sabellici notat, id a Coccio ideo assumptum, quod patriam suam Vicovarum in Sabinis poneret; Sabinus vero, Sabellus & Sabellicus sint synonyma; alia quoque Scriptorum ejus temporis exempla producit, qui ex locis Venetæ ditioni subjectis nova nomina adsciverunt. „*Nardinus Maniensis*, inquit, nuncupavit se *Nardinum Celinensem*, eo, quod Celina, cujus Plinius meminit, illa in regione sita sit. *Jo. Baptista & Barthol. Calori*, a Brugnara, quod castellum „in Foro-Julio est, sub ditione Comitum Purliliarum, *Uranios* „se, derivato a Græcis nomine, vocarunt; *Uranius* enim Græce fere idem sonat ac *Caloris* Italice. *Cyntbius Cenetensis* dici „voluit *Cyntbius Accedinus*, quia censebat, *Acedum*, cujus meminit Ptolemæus, esse id oppidum, quod Latinis *Ceneta* vel „*Cenita* erat, utut aliis placeat, Ptolemæi *Acedum* esse id, quod „in agro Tarvisino vulgo *Afulum* dicunt. *Lodovicus a Ponte*, Bel- „lunenſis, latere maluit sub nomine *Pontici Virunii*, namque ipse „& Jo. Petrus Valerianus, itidem Bellunenſis, falso credidere, an-

P. 34.

P. 45 sq.

48.

„tiquorum *Virunum* nihil esse aliud, quam Bellunum, cum tamen *Virunum* situm esset in Noricis mediterraneis, ultra Carnicas Alpes, ad fluvium Dravum. *Augustus Utinensis* appellavit se *Hunniensem*, quoniam & ipse & vitæ ipsius Autor, quæ Odis ejus Latinis præmissa est, sicuti etiam Sabellicus & Ponticus, arbitrati sunt, *Utinum* ab Attila Hunnorum Rege conditum, ac propterea *Hunnum* esse dicendum. Quæ Latinis nominata est *Vicetia*, *Jo. Steph. Æmilianus*, cum falso crederet a Cimbris conditam, *Cimbriam* illam nominavit, seque non Vicetinum sed *Cimbriacum* dixit, rejectoque priore nomine *Jo. Stephani, Quintii* prænomen accepit. *Palladius Niger*, Patavinus, audire Latine voluit *Palladius Fuscus*. Nec Venetorum exempla desunt. Insignis *Nicolaus Thomeus* scribebat se *Leonicum Thomeum*. Quam celebre sit *Baptista Egnatii* nomen, nemo nescit; at pauciores, gentilitium ei nomen fuisse *Jo. Bapt. a Cipellis*. In *Dominico Mario Nigro* agnoscendus est *Dominicus Maria Niger*. Nec lectu injucunda est excursio altera Ill. Autoris de Bibliotheca Divi Marci, cui primus jussu Reip. præfectus fuit Sabellicus; ubi inter alia observat, nequaquam in ea, sed alio potius loco asservari Codices a Petrarcha legatos; illam vero initia sua debere Card. Bessarioni, Græco, sed qui nobilitatis Venetæ jura consecutus erat, & nongenta Volumina Græca & Latina vivus Reipublicæ dono misit, tradiditque per amicum, quadringentis ideo aureis a Rep. donatum. Unde evincit Noster, falso Freherum & Bælium tradere, quasi Sabellicus ab ipso Bessarione suæ Bibliothecæ præfectus fuerit. Accessit & huic vitæ testamentum Sabellici, nunc primum in lucem editum. *Tomus II* dictus est *Petri Card. Bembi* Historiæ Venetæ Libris XII, quibus præmittitur *Jo. Casa*, qui familiaris ipsius fuit, Vita Bembi, sed ab Ill. *Apostolo Zeno* ex aliis eorû scriptoribus, qui vitam tanti viri scriptis consignarunt, Carolo Gualterutio, Ben. Varchio & Sperone Speronio, ut & aliis literarum adjumentis, notis & observationibus quamplurimis illustrata. Huic vitæ aliam Italico idiomate scriptam, autore *Ludovico Beccatello*, adjunxit Noster, primusque ex autographo Autoris in lucem protraxit, unde cum plura alia, Casæ non animadversa, tum id quoque patet, Hierony-

ronymum Quirinum suis sumptibus publicam Bembo statuum marmoream posuisse Patavii. Historias has, Latina oratione compositas, sequitur vernacula *Pauli Paruta*, quæ *Tomum III & IV* occupat, præmissa eodem idiomate Autoris vita admodum luculenta, autore itidem Viro celeb. *Apost. Zeno*; quam legisse tanto magis juvabit, quanto majoribus rebus domi forisque tractandis fuit adhibitus Paruta, natus Venetiis 1540 d. 14 Maj. & cum per summa munia ad Procuratoris D. Marci dignitatem ascendisset, extinctus A. 1598 d. 6 Dec. Qua occasione corrigendus *Thuanus*, qui mortem ejus in diem 17 Febr. A. 1599 conjecerat. Succedit Historia Latina *Andrea Mauroceni* Senatoris, *Tomis V, VI & VII* comprehensa, cui præmissa est Vita illius a *Nic. Crasso* edita Venet. 1621 in fol. quam *Petrus Catbarinus Zenus*, Venetus, e Clericor. Regular. Congregatione Somaſchenſi, *Apoſtoli* Germinus, notis illustravit & auxit. Ex his unicum notamus, ubi observat, Tomasium tradere, quod *Italia Lipsius* appellatus fuerit Maurocenus, quem non tam imitatore quam adversarium ejus fuisse, probat Noster, siquidem opere *Variarum Lectionum* neminem frequentius quam Lipsium impugnaverit, & libros *de frumentaria Romanorum largitione & de militari Rom. stipendio*, ut Bembum, civem suum, contra Lipsium ulcisceretur, ediderit, quin & contra ipsum paraverit librum *de Romanorum re nummaria*, adhuc in Bibliotheca Maurocena exstantem, luceque dignissimum. Ne vero quicquam desideretur, subjuncta quoque *Aloyſii Lollini* Vita elegantissima Mauroceni, quæ jam olim cum Historia ipsius Venet. 1623. fol. prodierat. *Tomo VIII & IX Baptiste Nani*, Procuratoris D. Marci, Historia vernacula exhibetur, præmissa ab eodem *P. C. Zeno* luculenta ejus Vita, e qua tantum notamus, *Nanium* A. 1616 d. 30 Aug. natum, multisque in vita muneribus gravissimis, Legationibus imprimis, cum laude defunctum, diem obiisse A. 1678 d. 5 Oct. His denique *Tomo X* adjungitur *Michaelis F.ſcarini*, Senatoris Veneti, Historia pariter vernacula, quem autorem natum fuisse ex antiqua stirpe Veneta A. 1632 die 29 Martii; ac subita morte præreptum A. 1692 die ultima Maji, e Vita, a laudato *P. C. Zeno* præmissa, intelligitur. Jam qui longius productam historiam cupiunt, illis, quæ ab Ill. *Garzo-*

22.

p. 18.

no duobus Tomis, eadem, qua hæc scripta, forma edita, supra indicavimus, uti poterunt. Ceterum non dissimulamus, Typographum, ut ex operis Præfatione patet, in eo esse, ut novam collectionem instruat Scriptorum Venetorum, qui in hac nostra locum invenire non potuerunt.

JO. JOACHIMI DE RUSDORFF, CONSI-
liarii quondam Palatini Electoralis & Ablegati in Anglia,
Consilia & negotia Politica; cum Epistolarum Familiarium
ipsius Autoris ad Viros Illustres & Amicos scripta-
rum Collectione. Ex Bibliotheca

Loëniانا.

Francofurti ad Mœnum, apud Jo. Maximil. & Sande, 1725, fol.

Alphab. 6 plag. 6.

QUam perniciosum Genti Septemvirali Palatinæ, Protestantium Sacris addictæ, fuerit Seculo superiori bellum in Bohemia exortum & totam deinde Germaniam pervagatum, ex compluribus variorum Autorum voluminibus, quæ vel negotiorum publicorum Commentarios, vel casuum privatorum seriem continent, abunde constat: & deploranda magis quam delineanda videntur illius incendii ac subsequenter exitii feralis opprobria, quæ potentissimos totius Europæ populos in mutuas cædes & funestas provinciarum florentissimarum devastaciones, specioso tutandæ Religionis prætextu, re vera explendæ ambitionis & privati odii causa, invicem stimulant. Actum igitur agere nonnullis censebitur is, qui sexcenties dicta repetere, & *infandum renovare dolorem* voluerit. Nihilo tamen secius laudandi sunt illi, qui ardentissimo asserendæ veritatis studio ducti ea, quæ ad sinceram istius ætatis imaginem adumbrandam faciunt, in Schedis rariorum Bibliothecarum bono quodam rei litterariæ fato inventa, candide communicant, eum in finem, ut & Orbis eruditus de fide historica certior fiat, & infelicium prædecessorum posterius cauti-
 us aliquando mercari discant. Hujus momenti sunt hæc *Rusdorsii Consilia & negotia Politica*, nec non *Epistolæ familiares*, in quibus Illustri Autor, rerum a se scriptarum testis oculatus, eam Se-
 culi,

culi, quo vixit, exulceratissimi delineationem dedit, quæ legentes in stuporem abripit, & arcanos quosdam tam conversionum civilium, quam eventuum militarium nexus evoluit. Magnum ubique in Consiliis animum, pertinacem erga Principem fidem & libertatem in recensendis gestorum rationibus prodit Autor, adeo ut summo in Imperio Romano-Germanico capiti vix pepercisse videatur: id quod in notulis passim, imprimis p. 231, subiectis agnovit & deprecatus est nobilissimus Bibliothecæ Rusdofianæ possessor & operis hujus Editor, *Loënius*, Potent. Regi Borussiæ a consiliis Aulæ. Et ipse quidem Autor in præfatiunculis, cuique opusculo præmissis, Consilarii atque Ablegati Palatini munere se tuetur, ea in chartam coniecisse fassus, quæ officii sibi demandati religio & infucata tractationum, quarum pars magna fuit, veritas pro causa Principis sui scribenda suaserint. Cum vero nostrum non sit, alienæ causæ patrocinium in nos suscipere, procul omni partium studio, quæ in hoc opere potissimum continantur, breviter memorabimus.

Primum locum obtinet *Consilium Politicum Suisforium*, quo multis rationibus demonstratur, quam consultum ac pene necessarium sit, ut a Cæsare victorioso reconciliatio petatur, antequam Proscriptio contra Fridericum V Electorem Palatinum, post infelix prælium Pragense e Bohemia exulem, publicetur, & Principes Protestantium a Fœdere & defensione Palatinatus, per Hispanos aliosque oppugnandi, discedant; ubi Autor omnium vel Sociorum vel Vicinorum, in quorum auxiliis vanam spem collocaverat Palatinus, vires & studia secretiora examinavit, Heidelbergæ 1620. Sequitur II *Specimen Patrociniis* pro Friderico V Electore Palatino, Rege (prout tunc audiebat) Bohemiæ, contra Sententiam Proscriptionis Cæsareæ: ubi deducuntur nullitates, errores & defectus, quibus illa laborabat; quod ipsum opusculum jam A. 1622, Autore adhuc vivente, fuit vulgatum; nunc vero multis annotationibus auctum, & secundum ipsius Autoris autographum emendatum, & Prologo galeato instructum apparet. III *Rationum & Argumentorum Collectio*, qua probatur, matrimonium inter Carolum I, Angliæ Principem, & Infantem Hispaniæ nunquam

summatum iri. Qua occasione examinatur, quid judicandum sit de animo Regis Hispaniæ Philippi III, quod ad promissam restitutionem Palatinatus; & paucis differitur de novo illo in medium allato remedio restaurandæ pacis & recuperandi Palatinatus per matrimonium inter Imperatoris Ferdinandi II filiam & Friderici Regis filium contrahendum. Isti scripto A. 1623 ansam dederat Episcopus Lincolniensis, Custos magni sigilli in Anglia, qui, cum Noster Londini rem gereret Palatini, quo tempore Digbyi ad firmandum matrimonium Legati in Hispaniam proficiscebantur, autor ei exstitit, ut quid ipsi ea de re videretur, in publicum ederet. IV *Rationum aliquot comprehensio*, qua interesse probatur, ut Jacobus Rex, amicabili compositione prorsus rejecta, arma in Hispanos protinus convertat, Londini 1626. V *Consilium Politicum*, quo tres modi demonstrantur, quibus Angli res in Europa collapsas restituere, & Palatinatum recuperare possint: quod eodem fere tempore, post Caroli Principis Regii ex Hispania reditum, Londini publicavit. VI *Ratiocinativa Quæstio de Bello inter Hispanos & Anglos suscipiendo*, qua inquiritur, utrum magis expediat, Anglos Hispanos aperto bello, an vero clam & per latus petere. Testatur vero in præfatipuncula, se ad rationes has consignandas ab Anglis quibusdam post irrita A. 1625 Comititia regni Oxoniensia adductum, cum *Bukingbamius*, qui vindicta ardens contra Hispanos, imprimis Comitem *Olivarium* (a quo delusus fuerat, cum in Hispania esset, substituto pro scæmina illustri exoleta & morbofo scorto) Ordinum Batavorum auxilio & autoritate, ad privatos affectus sub prætextu belli iusti exercendos, abuti tentabat, classemque Anglicam contra Hispanos emittendam, urgebat: quæ tamen, ut aliunde notum est, re infecta, insigni Anglorum dedecore ac damno, rediit. VII *Conjectura* de imminente universali Imperiorum in Europa mutatione, in rusticatione quadam Anglicana A. 1624 conscripta, in quibus tamen nimio in Principem suum studio ad falsa præfagia fuisse abreptum Autorem, Editor p. 130 in notula sobrie indicavit. VIII *Consultatio Politica* de mediis restituendi res in Europa collapsas, qua præscribuntur & examinantur ea, quæ consideranda, observanda & exequenda sunt, ut bellum pro restitutione collapsarum in Europa rerum felici.

feliciter suscipiatur, geratur & finiatur; simul etiam modernus Europæ status & rerum, qualis tum erat, facies depingitur, quæ Salisburii in Anglia scripta A. 1625, & Anglice postea ex Latino conversa, ut Regi Jacobo & Carolo ipsius filio exhiberetur. Sequuntur postea tres aliæ commentatiunculæ. Quum enim, *Bukinghamio* vindictam anhelante, & Legatis Batavorum ad Hispaniam terrendam conspirantibus, classis Anglo-Belgica multis sumptibus, ad Portum aliquem in mari mediterraneo occupandum, adornaretur, eodem autem tempore, anno scilicet 1625, Danus pro communi Germanorum Protestantium causa expeditionem in Saxonia inferiori meditaretur, *Rusdorsius* noster peculiari scripto, quod est IX, tum *Corvæ* Angliæ Secretario pridie Calend. Septemb. Suthamptonii exhibito, tum Palatino etiam in Belgium transmissio, consultum & Reipublicæ Christianæ perutile fore ostendit, si Rex Magnæ Britanniæ classem suam potius in auxilium Regis Daniæ mittat, & ad aliquod experimentum bellicum in Germania impendat. Quumque anno sequenti præpostera Danorum, summam totius novi belli præ Suecis ambientium, æmulatione, consiliaminus prospere succederent, publicavit Autor X *Examinationem Politicam* de eo, quid de expeditione Regis Daniæ, ac de Fœdere inter ipsum & Regem Magnæ Britanniæ Ordinesque Batavos conclusio possit sperari, & an Rex Sueciæ & Elector Brandenburgicus illi accedere teneantur. Immo cum eodem anno 1626 in Comitibus Anglicanis ingens inter Regem & Ordines, propter *Bukinghamium* a Ministerio aulico deturbandum, lis exoriretur, eumque Rex, Parlamento acerrime contrahente, in officio retineret, Danis autem subsidia promissa neutiquam solverentur, scripsit Noster XI *Classicum imminentiis communis discriminis*, quo exaggeratur, quantum periculum immineat Angliæ, Galliæ, & reliquis regnis ac provinciis Europæ, subjugata Germania & victo Dano; & quantum expediat, Dano & Germaniæ periclitanti absque mora succurrere. Cumque pleraque confingerent, quæ prælagierat *Rusdorsius*, tandem ultimo Decembris A. 1627 non sine insigni mœrore animi, XII *Metamorphosin Europæ* seu *Speculum* elaboravit, in quo demonstratur, quam certa & propinqua conversio omnibus in Europa Imperiis, Regnis &

Rebus publicis imminet, & quam verisimile sit, Austriacæ Domui fato quodam sponderi monarchiam Europæ. Quo *Speculo*, postquam rerum faciem, qualis tum erat singulorum Europæ Regum ac Principum, accurate repræsentasset, quæque Austriam ad obtinendum Europæ Principatum excitare possint, & quantum ceterorum Principum res attritæ sint, non omisis finistris ominibus, demonstrasset, audacius paulo, quam deceret, in Austriacos invehitur, ideo ab Editore quoque in notula subjecta notatus, qui lectorem rogat, ut condonet Autori acerbas contra Hispanicam domum invectivas, quæ eum non tam fidi Historici quam ferventis zelo adversarii partes egisse indicant. Ad Palatinum inde exulem in Belgium reversus, cum probe animadverteret, vanas in aliena ope spes collocari, Hagæ XII *Consilium Paraneticum* Principi ac Consiliariis reliquis A. 1628 obtulit, quo variis rationibus evincit, consultum utique & necessarium esse, ut Fridericus Rex Cæsari, antequam vincatur Danus, & Anglus Gallico bello distrahatur, utcunque durissimis conditionibus reconcilietur. Ceterum, quum in Anglia viveret, nomine *Jacobi & Caroli* Regum sæpius *Litteras* ad præcipuos rei communis hostes vel fautores exarare jussus fuit, quas loco XIV, peculiari *Fasciculo* comprehensas, p. 321-340 legimus. Subjungitur XV *Relatio de Statu rerum, consiliorum & rationum apud Britannos*, ad Aulam sui Principis scripta A. 1627, quæ lectu dignissima vaticinium quoddam exhibet de horrenda strage, quam augusta Stuartorum familia paulo post passa est. Sequuntur XVI *Varia Consilia, rei Caroli Ludovici Electoris Palatini concernentia*, sermone Latino-Germanico concepta, quæ statum publicum annorum 1634, 1635, 1636 satis illustrent. XVII *Acta & Negotia Johannis Tayleri & Comitis Arundelie, Ablegatorum Regis Angliæ ad Imperatorem in causa Palatina, pro restitutione Electoris Palatini Caroli Ludovici &c.* ex quibus, cum & *Responsa Casarea* simul compareant, multa discimus, quæ ad novum Electoratum Bavaricum pertinent. XVIII *Epistola nonnullæ Gallicæ*, quas ad Elisabetham Anglo-Palatina, viduam Reginam exulem, nomine Consilii sanctioris, de tristissima rerum Palatarum facie anno 1634 & sequentibus exaravit. Denique XIX exstant 133 *Epistole Rurdorfianæ* ad Ludovicum Camera-

rium

rium præsertim & Viros illius ævi amplissimos alios inde ab anno 1623 ad 1637 scriptæ, in quibus cum multa occurrant alia memora-
tu digna, nonnulla nunc tantum, quæ ad Jacobum imprimis Ang-
liæ Regem, in cujus aula diu Friderici V. R. Boh. causam egit No-
ster, spectant. Nimirum, cum alibi monuisset, Jacobum ita a
bello pro Genero suscipiendo abhorruisse, ut ne nomen quidem
Bohemiæ audire potuerit, inter alia observat, eum Legato suo
præscripsisse, ut primum omnibus persuasionibus Fridericum ad-
ducatur ad signandam armorum cessationem, deinde, his non profi-
cientibus, minis aggrediatur & dicat ac declaret, Socerum revocare
omnia, omnino deserturum esse, & pensionem, quam ipsi
& Reginæ det, auferre velle; imo Bruxellas scripsisse ad Hispanos
& petiisse, ut eo casu, quo Gener non sit ratificaturus suspen-
sionem & tractatum, liceat ipsi tractare pro Nepotibus, excluso
Genero. At quam exitiosum fuerit illud consilium, Noster Galli-
ci Legati autoritate probat, qui e Nostro, quid futurum sit, per-
cunctatus, si Palatinus, inquit, *signat cessationem, perditus est
etiam apud omnes amicos, & hoc Hispanus quarit; etiam tum Rex
meus omnem curam negotiorum Germanicorum abjicit.* De con-
jugio Filii cum Hispana etsi omnibus persuadere conaretur Jaco-
bus, ut crederent, illud in vado esse & jam concessam a Pontifice
dispensationem, nimirum ne frustra tam diu laborasse videretur,
simul tamen simulabat, quasi hæc fierent se invito. Itaque Archi-
tectum aliquando, præsentibus aulicis, advocabat, hisque eum ver-
bis publice compellabat: *ædificavi domum pro me, domum pro ca-
nibus, jam oportet ut ædificem domum pro diabolo*, innuens his di-
ctis, quibus blande errisit, sacellum in usum sponsæ extruendum.
Nec potuit tamen, etsi se delusum cerneret, amorem in Hispanos
deponere: nam cum ipse Buckinghamius eum serio admoneret,
ut honori & securitati suæ Regniq; incolumitati prospiceret,
& tractatibus cum Hispanis ruptis, Marte rem gereret,
& mature quidem, antequam ab hoste præveniretur, apparatus
bellicos instrueret, tum Rex præ indignatione, cum nihil aliud
respondere posset, tanquam infans illacrymatus fertur, & con-
questus, quod se quasi folio deturbare, & in bellum præcipitem
agere intentent. Dum raro Regem ex venatione reversum, Lon-

p. 45.
8

7

12

29

p. 48 49.

62

64

dinum, Regni sedem, premere testatur Autor, hæc subnectit: *Tota ipsius vita desultoria est, imago continua peregrinationis, & motus irrequietus: ex una in aliam domum progreditur, mutatque sedes imperii pro lubitu, & videtur in solo motu quietem invenire. Negotia vero ardua uno tempore æque amat, ac altero, id est, nunquam.* Jam quod ad matrimonium filii cum sponsa Gallica attinet, de quo paulo ante Jacobi mortem tractatum est, non est nobis prætermittendum, quod Jacobus, cum relatum accepisset, quanta humanitate & comitate Sponsa ipsius & filii litteras accepisset, quod nempe litteras Patris, postquam impetrata a Regina Matre venia illas legerat, subter pulvillum lecti posuisset, Sponsi vero litteras in sinum recondidisset, non illepide dixerit: *quam prudens puella, litteras meas subter pulvillum collocando, me sibi solatium & quietem fore, filium vero meum in cordis scrinio repositum esse, significans.* Cum paulo post Regem e vita excessisse refert Noster, quoturquisque, ait, *vel lacrymas ejus morte nuntiata edidit? omnes pumiceos oculos habuisse, dixisses: quasi nunquam vixisset, ita ejus obliti fuerunt.* Non minus jucunda in sequentibus Epistolis offendas, in quibus lectu omnino digna est XLII, qua, quantum inter Residentem, quem vocant, & Legatum ordinarium interfit, tum rationibus tum exemplis exquisitissimis Autor declarat. Ceterum idem miram ubique de rebus futuris & præsentibus judicandi facultatem (ut cum primo statim anno regiminis Caroli I R. Angl. sinistra omnia præsagit, quæ aliquot post annis eventus comprobavit) tum in moderandis rebus, quæ publice geruntur, sagacitatem, sententiarum item & regularum politicarum loco idoneo immixtarum, e quibus vel integrum libellum colligere posses, ubertatem, veteraque exempla ex Historicis & Poetis, quos omnes devorasse videtur, cum novis apte componendi studium singulare prodit. Id unum denique moneamus, Virum Cl. Georgium Christianum Johannis Vitam Rusdorffii, quæ operi huic præmitti non potuit, proxime seorsigniditum.

HISTOIRE DE LA PEINTURE

ancienne &c.

h. c.

h. e.

HISTORIA PICTURÆ VETERIS, E PLINII

Hist. Natur. Libro XXXV decerptā: accessit Textus Latinus ex MSis Vossii & ad Editionem primam Venetam correctus, novisque Notis illustratus.

Londini, apud Wilhelmum Bowyer, 1725, f.

Alph. 3 pl. 15.

Liber hic ex illis est, qui eleganti typo & charta, sed paucis Exemplis excusi, ob subscriptionis legem, raro ad nos perfectuntur. Etsi vero Autor eruditus nusquam nomen prodiderit, quippe qui in subscriptione Dedicationis, quam ad Regem M. Britannicæ GEORGIUM satis prolixo ac eleganti carmine Gallico, quod justī Panegyrici instar esse poterit, dedit, solas litteras D. D. subscripsit, & p. 160 innuit, se Collegam fuisse Johannis Lombardi, V. D. Ministri ad D. Martini Londini, & lares suos paucis passibus abesse a Bibliotheca Collegii Sionis, cujus Catalogus brevis sit proditurus; constat tamen aliunde, eum *Durandum* vocari. Præmisit vero operi, suasu amicorum, sigillatim versionem Gallicam, quam textui adjungere antea constituerat, eamque, ubi opus videretur, breviusculis notis illustravit. In Latino vero textu emendando explicandoque in notis vernaculis, quibus & veteres & nostræ ætatis scriptores, Poetas imprimis, testes apte producit, eorumque nāvōs corrigit, operosius versatus est. Et quamvis, quantum ad textum, Harduinum primo solum sequi decrevisset, admonitus tamen a Cl. Gibsono, primam omnium editionem, Venetiis 1468 ab homine parum, ut videtur, Critices perito, at prorsus ad membranas veteres curatam, & hæcenus quidem, quod a sequentibus editionibus, Romana nempe A. 1469 & Veneta 1472, elegantia superaretur, neglectam ab Editoribus plerisque omnibus, diligenter consuluit, ejusque ope loca plurima, hæcenus corrupta, emendavit. Nec alia subsidia neglexit, imprimis doctas Jo. Frid. Gronovii in ultimos Plinii libros notas, quem quatuor MSptis & imprimis Codice Vossiano annorum 1200 usum fuisse constat. In quibus accuratè dijudicandis nulli se labori

labori pepercisse fatetur Cl. *Durandus*, integro sæpe septiduo in statuenda unica lectione occupatus. Ut paucas e multis emendationes textus Harduinianæ afferamus, legit Harduinus p. 145 *agnascentiumque iis*, Noster ope Codd & Edit. *ac nascentium in eis*; Hard. p. 161 *infertis voluminum suorum fecunditati non nominibus tantum*, Noster *infertis voluminibus suarum fecunditatum non*; Hard. p. 220 *optimusque est, qui maxime vicinus est*, Noster *optimusque est, quod maxime viride*; Hard. p. 224 *publicas porticus investivit pictura*, Noster ex ed. *occupavit*, vel ex Vossio & Gronovio, *decoravit pictura*; Hard. p. 253 *in omnibus ejus operibus*, Noster *in unius bujus operibus*; Hard. p. 260 *nam cedebat Amphioni de dispositione*; *Asclepiodoro de mensuris, hoc est, quanto quid a quo distare deberet*, Noster nam *E. hioni de positione cedebat*; *Asclepiodoro de mensuris: id est, quanto quid a quoque distare deberet*; Hard. p. 266 *tantum erat auctoritati juris in Regem alioqui iracundum*, Noster *tantum erat auctoritatis viro in Regem*; Hard. p. 283 *Hujus fuerat ætatis Aristides, Thebani discipulus. Fuerunt & filii Niceros & Ariston, cujus est . . . Discipuli*, Noster *Aristide Thebani discipuli & filii Niceros & Ariston; cujus est Satyrus cum scypho coronatus. Discipuli*; Hard. p. 306 *scilicet foliis*, Noster *scilicet foliis*. Et has quidem lunilesque lectiones Noster magno eruditionis apparatu in notis tuetur. Sunt & alia passim in notis, quæ legi merentur. Ita cum pictura dicitur nobilitare illos, quos esset dignata posteris tradere, observat, non solum inter veteres *Arellium* Romanarum meretricum facies picturis etiam gravissimis intulisse, & *Pausam* Glycerium suum tanta arte depinxisse, ut tabula illa 1200 thaleris venderetur, sed & e recentioribus *Rapbaelem* amasiam suam sæpius, *Rembrandum* ancillam suam depinxisse, *Mignardum* filiam, *Albanum* uxorem & liberos in omnibus fere picturis suis grandioribus repræsentasse. Occasione *Pauvii*, Pictoris & Poetæ, e recentioribus producit *Du Fresnoy*, qui de Poeseos & Picturæ cognatione eleganti carmine cecinit; *Annam Schurmanniam*, quæ & versus scripsit Latinos, & in iconibus minuti operis pingendis excelluit; *Elisabetham Cberon*, celebris in Anglia Pictoris sororem, quæ ut excellit penicillo, ita poemata in publicum prodidit; *Coypel* juniorem, Patre

p. 146

174

Patre in re pictoria non inferiore, qui Comœdias scripsit publico omnium plausu exceptas. Carpit hic simul duumviros Gallos, de Piles, qui Ennium, & Felibienum, qui graviore errore L. Mummius, Corinthi destructorem, inter Pictores retulit. Sed & hic manum de tabula.

VETUS DISCIPLINA MONASTICA SEU
Collectio Autorum Ordinis S. Benedicti maximam partem ineditorum, qui ante sexcentos fere annos per Italiam, Galliam atque Germaniam de Monastica disciplina tractarunt; opera & studio - - Presbyteri & Monachi Benedictini e Congregatione S. Blasii in
Silva nigra.

Parisi. apud Car. Olmont, 1726, 4.

Alph. 3 plag. 20.

Opus hoc de Veteri Disciplina Monastica, quod supra *Mensis* Januario pag. 47 annuntiavimus, *Blasio*, Ill. Congregationis S. Blasii Abbati Reverendissimo, a Prioribus & Conventu istius Congregationis eloquenti præfatione inscriptum, (in qua, & Effigie & Insignibus Præsulis, excellentis artificis manu sculptis, exornata, illius laudes & imprimis præclara in Ecclesias suas & bonas literas merita celebrantur,) debemus diligentæ uni-
 us ex ista Congregatione, quem, licet nomen suum reticuerit, Virum tamen doctum, diligentem & ingenium esse, ex hoc ipso Opere satis constat. Hominem esse Germanum, & Congregationi innuere videtur, & ipse haud obscure indicat, Germanos appellando suos; decus adeo simul patriæ & ordinis sui, cujus si plures existerent similes, non esset, cur Congregationes & Monasteria patria Galliz suos Maurianos, celebratissimos Viros, inviderent. Scripsit autem in Francia, ut in eadem præfatione testatur, & si alium ejusdem præfationis locum recte cepimus, in celebri S. Germani a Pratis Cœnobio, quod qui factum, quamvis nos fugiat, ex hoc tamen mutæ amicitie nexu, inter Congregationem Germanicam S. Blasii & S. Mauri Gallicam intercedente, pro bonis literis lætum augurium capimus. Viri duo ex hac posteriori Congregatione nunquam, ut recte Noster ait, sine laude

Præf.
p. 21.

13
25

Qq

memo-

memorandi, Dacherius & Mabillonius, jam in animo habuerunt, mandare typis, quicquid de veteri Disciplina Monastica superesset, sed alter iusto apparatu destitutus, alter morte præventus, promissis stare nequivere, quod institutum, ad Monasticas non modo res, sed Ecclesiasticas quoque intelligendas insigne auxilium allaturum, ne intercidat, efficiendum a se esse putavit Noster, maxime cum spe plura, dum in alio opere, *Catena Commentariorum in Regulam S. Benedicti*, texendo versabatur, ad opus præfens facientia nancisceretur. Dedit adeo:

1 *Petri Diaconi Disciplinam Casinensem*, depromptam ex MSto Autographo Casinensi Commentationum ejusdem Diaconi ad Regulam S. Benedicti, quod ante annos aliquot Archangelus Brancaccius, Casinensium Abbas, cum Nostro communicavit. Sunt vetustissimæ consuetudines aut ab ipso Benedicto, aut paulo post eum inter Casinenses introductæ, quæ adeo, etsi seculo primum XII a Petro conscriptæ sint, primum sacræ vetustatis causa locum sibi vindicant p. 1. 2 *S. Sturmii*, Fuldenfis Abbatis, *Consuetudines*. Hunc enim S. Bonifacium consuetudinum S. Benedicti monasteriorum, inprimisque Casinensis, explorandarum causa in Italiam misisse, ut Fuldenfes Fratres ad eas componerentur, ex Eigile Abbate constat. Editæ jam sunt a Mabillonio Analectorum Tomo IV, sed hic paulo accuratius repetitæ p. 4. 3 *Theodemarii*, Abbatis Casinensis, *Ufus Casinenses*, ad Carolum M. circa A. 790, informandæ Benedictinæ familiæ in Galliis causa id petentem, transmissi, p. 9. 4 *S. Benedicti*, Abbatis Anianensis, *Capitula* ante Synodum Aquisgranensem conscripta, sed quæ postea a Cluniacensibus & multis aliis Galliarum, Italiæ & Germaniarum Monasteriis fuerunt acceptæ, editi a Mabillonio IV Analectorum, huc relati p. 14. 5 *Capitula Monachorum ad Augiam directæ* ante A. 817. Cum enim S. Benedictus Anianensis totus in eo esset, ut disciplina per Galliarum monasteria collapsa restitueretur, veriti Augienses Monachi, ne Monachi Regulares, illi nempe, qui post Synodum Aquisgranensem a Ludovico Pio in omnia monasteria ad instituendum Regulæ Benedictinæ uniformem ritum directi sunt, eos imparitiores offenderent, e suis quosdam miserunt in Galliam, explorandæ illius regularis disciplinæ causa, a quibus literas & XII Capitula acceperunt,

perunt, hæc ipsa nempe, quæ hic p. 18 e Tomo II Capitularium Baluzianorum repetuntur. 6 *Capitulari Aquisgranensi* de Vita & Conuersatione Monachorum, in Synodo a Ludouico Pio A. 817 habita confectum, ex Baluzii editione, p. 22. 7 *Capitula Monachorum Sangallensium ad Regimbertum*, Magistrum Scholz, A. 846 mortuum missa, p. 33. 8 *Guidonis disciplina Farfensis & Monasterii S. Pauli Romæ*. Farfense Monasterium est in Sabinis in Ducatu Spoletano. Eduntur hæc consuetudines p. 36 ex MS. Vaticano & alio veteri codice S. Pauli in Urbe, unde eas Jo. Mabillonius describi curauit olim, Vincentius Thuillierius autem Nostro ex Mabillonii museo concessit. 9 *Ordo Cluniacensis per Bernardum Monachum* illius Monasterii Benedictinum, Seculi XI Scriptorem. Hæ Cluniacensium Consuetudines, uti a Bernardo sunt traditæ, a nemine juris publici hætenus fuerunt factæ: sed ad usus privatos tantum a Cluniacensibus exactum est ante aliquot annos earum exemplar, quod ab infinitis mendis purgatum & ad fidem MS. codicis S. Germani a Pratis castigatum hic p. 133 exhibetur. 10 *Excerpta ex Divionensi disciplina*, quæ cum Fructuariensi communis erat, ex MSS. Benignianis Seculi XI, p. 365. Est nempe S. Benigni Monasterium Divione, in quod Cluniacensis disciplina undecimo Seculo allata, & inde in Italiam & Germaniam, ipsumque S. Blasii in nigra sylva monasterium propagata est. 11 *S. Wilhelmi Constitutiones Hirsaugienses, seu Gengenbacenses*, ex MSS. Einsidlenfisibus p. 371 editæ. S. Wilhelmus, in Cœnobio S. Emmerammi Ratisbonæ Monachus ob sanctitatis & doctrinæ famam a Monachis Hirsaugiensibus post medium Seculi XI in Monasterio S. Aurelii Abbas constitutus est, qui cum Monasticæ disciplinæ restaurandæ singulari studio teneretur, primum ab Udalrico, Cluniacensis Ecclesiæ monacho, Cluniacensium Consuetudines duobus libris conscriptas accepit, inde ab Hugone, Cluniacensium Abbate, precibus obtinuit, ut sex e suis Monachis Hirsaugia Cluniacum dirigere sibi liceret, qui celeberrima illa instituta præsentibus accuratissime addicerent. Horum consilio selegit, quæ ad morem patriæ, loci situm & aeris temperiem essent accommodata, & ea addidit, quæ a puero in S. Emmerammo Monasterio didicerat, hasque adeo consuetudines confecit, eo successu, ut,

Trithemio teste, plus quam centum monasteria tam per se quam per suos ad pristinam regularis disciplinæ observantiam revocarit. 12 *Ritus Luxovienses*. Est hoc Monasterium sub finem Seculi VI a S. Columbano in Vosagi montis saltu conditum; cujus Ritus hic p. 571 editos Cl. D. Edmundus Martene e MS. erutos Nostro concessit. 13 *Fragmenta disciplina Monastica*, quæ sunt p. 586 *Lectiones coram hospitis recitari solita ex præcepto Regule S. Benedicti*, ex perantiquo Monasterii Rhinoviensis MS. p. 589 *Formula professionis Monastica*, ex MSS. Vindobonensi Cæsareo, Sangallensibus, & Necrologii Augiæ divitiis; p. 592 *Formula offerendi pueros in Monasterio*, e MSS. Sangallensibus; p. 593 *Formula excommunicationis*, e MS. Mellicensi, *Orationesque tres ante Matutinum & Vesperas a Monachis recitata*, ex MS. Breviario Casinensi.

His veterum rituum monasticorum monumentis non modo docte præfatus est Clarissimus Autor; sed addidit quoque passim notulas ad meliorem vocum ecclesiasticarum & monasticarum intellectum perquam idoneas. Frontem operis exornavit docta præfatione, in qua primum de veteri Monastica Disciplina nonnihil præmittit; inde celebrem de Volatilibus controversiam, an a S. Benedicto in Regula sua vetita sint, accurate peragit, confutatisque illorum, qui austeri nimis istorum esu Benedictinis interdictum esse opinantur, argumentis, promiscuum Avium usum Regula ipsa, praxi usuque ordinis & scriptorum auctoritate niti demonstrat. His disputatis de officio divino secundam Regulam S. Benedicti sermonem instituit Noster, quale illud a S. Benedicto sit institutum, quæ in eo mutationes ante Seculum X contigerint, qui Psalmorum distributio in Breviario Cluniacensi sit instituta, quæ mutationes & additamenta a decimo Christi Seculo in eodem officio sint facta, & quid de iisdem sit sentiendum, quo maxime in loco demonstratum ingenuum animi candorem non possumus non laudare. Ita differt officium S. Benedicti vetus ab officio Benedictinæ familiæ noviori, ut illud vix quatuor horas adæquet, huic perfolvendo humanæ vires vix ac ne vix quidem sufficiant, cujus prolixitatis enormis & causas & incommoda affert, inter illas nimium cultus divini studium, monasteriorum in

in recipiendis augendisque precibus imprudentem æmulationem, laboris intermissionem, quem non rectius quam Dei laudibus decantandis compensari posse credere, Laicorum avaritiam, qui pecunias & latifundia Monachis non gratis, aut, ut antiquiores, pro remedio animæ, sed pro anniversariis precibus concedere maluerunt, eorundem ambitionem, ut, qui vitam ingloriam duxerant, morte saltem nomen sibi immortale facerent, immo & Monachorum avaritiam, Abbatumque & qui claustralia officia administrabant, ex fundis sibi assignatis, quæ ita veluti sibi propria habebant, instituendi anniversarii inverecundos ausus. Notatu digna sunt ingenua Nostri verba p. 52: *Laici tamen non videntur ita accusandi, quin culpe aliquid penes Monachos resideat. Si pretii minus fuissent cupidi, non ita facile Laicorum voluntati morem gessissent. Sed quo non irrepit & penetrat divitiarum cupiditas. Perrumpere amat claustra, nec adversus eam satis munit vel ipsa paupertatis professio.* Ex incommodis, quæ pari candore memorat optimus Autor, potissima sunt, nulla mentis cum voce concordia, summum ex diuturna psalmodia fastidium, Musicæ amor, ut choro addictis levamen afferat, studiorum denique intermissio. Nos Benedictinis omnibus eandem mentem; aut si hoc supra humana vota videbitur, optimo nostro Autori, veræ vitæ monasticæ tam intelligenti, infulam vel dignius quid suorum causa aprecamur. Ultimo loco dictæ præfationis Observationes nonnullæ cum Ecclesiasticæ tum Historicæ ex his ipsis monumentis decerpæ leguntur, quas legisse non pœnitebit. Nos ex hoc ipso loco, doctissimum Anonymum nostrum veterimum MStum Codicem Liturgicum typis paraturum observamus: In fine operis sunt indices additi plures, quos inter eminet Index onomasticus vocum barbararum & exoticarum, quem quantivis pretii esse norunt, qui has literas norunt.

NOUVELLE MECANIQUE OU STATIQUE &c.

hoc est,

NOVA MECHANICA SIVE STATICA, CUFUS IDEA
A. 1687 fuit data; Opus posthumum PETRI VARIGNONII,

Qq 3

Aca-

Academiarum scientiarum in Gallia, Anglia & Borussia Sodali, Lectore Regio Philosophiæ in Collegio Regio & Professore Matheseos in Collegio Mazariniano.

Tomi II.

Parisiis, apud Claudium Jombertum, 1725, 4.

Alph 4plag. 21 Tabb. 2n. 64.

CUm primum Idea novæ Mechanicæ *Varignonianæ* in lucem publicam prodisset, eandem in his Actis recensuimus: unde constat, celeberrimum Autorem explicationem machinarum simplicium, seu vulgo sic dictarum potentiarum mechanicarum ex notione motus compositi instituisse, de quo jam olim locutus est *Aristoteles* in Questionibus mechanicis, & quo usi sunt *Archimedes*, *Nicomedes*, *Dinostratus*, *Dioctes* in descriptione spiralis, conchoidis, quadratricis, cissoidis, itemque *Cartesius* in explicanda reflexione & refractione luminis, immo omnes hodie utuntur Geometræ in curvarum descriptione & Physici in determinandis percussionibus obliquis. In Idea ista non nisi primas operis lineas duxit, quod nunc 30 & amplius annorum studio atque labore consummatum post morem deinum Autoris prodit. Ultimam ipse manum addere non potuit, neque enim problemata in ordinem fuerant digesta, cum rebus humanis eximeretur Geometra primi ordinis. *Cel. Fontnellius* itaque, hæres *MSC. Varignonianorum*, editionis curam commisit Viro in his studiis versato *Cl. de Beaufort*, Academiæ Regiæ Scientiarum Membro, qui una cum *Camo Abbate* eandem nobis dedit. Dividitur opus in hoc genere absolutissimum & hactenus sine pari in duos Tomos, quorum prior *Seç. 1* lemmata quædam præmittit, quibus tanquam principiis utitur Autor in demonstrationibus sequentibus; *Seç. 2* de ponderibus funium ope solummodo suspensis; *Seç. 3* de trochleis & polypasto; *Seç. 4* de axe in peritrochio & machinis agnatis; *Seç. 5* de vecte: posterior autem *Seç. 6* de plano inclinato; *Seç. 7* de cochlea; *Seç. 8* de cuneo, *Seç. 9* de corollario generali ex theoria præcedente deducto; *Seç. 10* de æquilibrio fluidorum agit. Tomo posteriori sub titulo novæ Mechanicæ partis secundæ adjicitur

citur 1 Tractatus problematum, in quo nova Mechanica ad resolutionem multorum problematum transfertur: 2 Tractatus de machinis absque affricu ex principiis novæ Mechanicæ demonstratis: 3 Examen opinionis *Borelli* de proprietatibus ponderum ope funium suspenforum. Lemmatis præmittit definitiones quasdam generales machinæ, potentix, vis absolutæ & relativæ, gravitatis, ponderis, lineæ directionis, momenti, æquilibrii, hypomochlii, motus compositi &c. atque axiomata, seu propositiones, quas sine demonstratione sumit. In axiomatum numero est, quod effectus semper sint suis causis seu viribus productricibus proportionales & quod celeritates corporum æqualium massarum sint ut vires motrices. Lemmata tria priora cum multo coralliorum apparatu motum compositum explicant, cui omnis nova Mechanica superstruitur. Non tædet Autorem prolixitatis, cum fundamenta ædificii tam magnifici firma & inconcussa esse velit & operam dederit, ut nec tyronibus occurrat, circa quæ in principiis hæreant. Lemmata cetera pleraque geometrica sunt, quæ applicando motui composito ad potentias mechanicas in variis casibus serviunt, paucis exceptis, quæ potentias ad varios funes communi nodo junctos applicatas concernunt. In horum lemmatum numero illud etiam occurrit, quod A. 1693 in Diario Eruditorum Parisino p. 417 absque demonstratione proposuit *Leibnitzius*, sed cujus demonstrationem invenit *Varignonius*. Non ignotum est Geometris, *Varignonio* in more positum fuisse, ut theorias redderet quam maxime generales. Idem quoque præsens institutum loquitur. In singulis machinis simplicibus universalitati theoriæ studet. Potentiis mechanicis vulgo receptis novam superaddit, quam *funiculariam* appellat, ubi scilicet pondus aliquod in æquilibrio suspenditur ope funium tantummodo. Et hanc primo loco considerat. Universalitatis gratia plurimos distinguit casus, in quibus ratio habetur cum multitudinis funium, quibus pondus suspenditur, tum angulorum omnium possibilibus, quos inter se efficiunt. Similiter in trochleis centra nunc fixa ponit, nunc mobilia, & omnes directiones potentiarum atque ponderum applicatorum possibiles expendit, cum hætenus Autores nonnisi parallelas attenderint, quæ tamen in praxi rarissimæ sint. Jure autem

2

3

tem

Sect. 4.

5

tem reprehendit illos, qui, quæ de trochleis in hypothefi directionum parallelarum demonstrata sunt, ad ceteros casus promiscue omnes extendunt. Observat etiam, trochleas mobiles virium compendium facere; fixas e contrario facilitare earundem usum, & docet, quomodo mobiles atque fixæ combinari debeant, ut utroque commodo simul fruamur. Neque vero omnem solum diversitatem expendit, quæ circa trochleas simplices sese offert, verum non minori sollicitudine eandem quoque circa polyspastos scrutatur. Passim in hoc argumento notat lapsus Autorum, qui ante ipsum de hoc argumento commentati sunt, etsi veritatis studiosus modestiæ gratia nullius nomen exprimat. Axis in peritrochio, quamvis potentiarum mechanicarum fertilissima sit & a Nostro universalissima ratione pertractetur, pauciores tamen casus suppeditat quam potentiæ ceteræ. Ab eo Autor digreditur ad vectem, quem multiplici ratione tum quoad figuram, tum quoad situm distinguit, ne in theoria completa quicquam desiderari possit, ita nimirum ejus universalitas rectius patet. Hypomochlio substituit potentiam, in casu æquilibrii ceteris æqualem, ne vectem a situ hypomochlii distingui opus sit, nec a directione potentiarum parallelarum progreditur ad obliquas; sed ipsas obliquas sumit in propositione fundamentali. Probat *Fermatti* judicium, quod directio parallela, utut propter magnam a centro terræ distantiam ad veritatem proxime accedat, veritatem intimam & accuratam tamen quærentibus non satisficiat, adeoque generalis vectium natura in quolibet mundi loco videatur consideranda & adstruenda, novaque in mechanicis fundamenta e veris & proximis principiis sint accersenda. Vulgo theorema *Archimedeum* de æquilibrio potentiarum directionis parallelæ rationem distantiarum reciprocam habentium primum Mechanicæ principium appellant, præter *Cartesium*, qui idem supposuit, quo Noster *Varronem* JCtum Genevensem in Tractatu de motu Genevæ A. 1585 impresso p. 23 jam usum fuisse monet, tantum nimirum esse, libram unam quatuor spatiis moveri, quantum libras quatuor uno spatio eodem tempore.

6

Hactenus recensita præbent argumentum Tomo priori. In posteriori primo loco occurrit planum inclinatum. Communiter
 Mecha.

Mechanici non considerant nisi directiones vel longitudini, vel basi parallelas; sed Noster theoriam extendit ad directiones quas-
 cunque. Resolvit quoque superficies curvas in plana inclinata
 infinite parva, quæ utrinque continuata in tangentes degenerant.
 Corrigit lapsus nonnullorum Autorum circa planum inclinatum,
 quamvis nomina dissimulet. In eorum numero est, quod gravi-
 tatio in planum horizontale sit ad gravitationem in planum incli-
 natum ut secans anguli inclinationis plani ad excessum secantis su-
 pra radium. Reprehendit nonnulla in modo demonstrandi ordi-
 nario ex principio vectis. Ceterum Noster præter pondera sphæ-
 rica etiam alia figuræ cujuscunque considerat, ne quicquam desit
 universalitati theoriæ. Plano inclinato succedit cochlea, cum Sect. 7.
 communis, tum perpetua. Quamvis vero Autor huic theoriæ
 omnem amplitudinem tribuit, quæ eidem convenit; multo ta-
 men arctioribus limitibus coercetur, quam præcedentes, cum
 tanta hic casuum varietas non offeratur. Applicat etiam principi-
 um motus compositi, quo in præcedentibus potentiis adeo felici-
 ter usus est, ad cuneum, ne quicquam in opere adeo completo
 desiderari possit, etsi cuneus proprie non mereatur locum inter
 machinas simplices, quibus motus solidorum facilitatur. Corri-
 git lapsus *Borrelli*, *Vannii* aliorumque, quorum nominibus par-
 cit. Corollarium generale, quod vocat & Sect. 9 integra demon-
 strat atque applicat, est theorema generale, quod Geometra
 eminens *Joannes Bernoulli* d. 26 Jan. A. 1717 cum Autore comuni-
 cavit, sed absque demonstratione. Theorema hoc est: *In omni*
æquilibrio virium quarumcunque, quomodocunque sibi mutuo ap-
plicatarum & juxta quasunque directiones sive mediate, sive im-
mediate in se mutuo agentes, summa energiarum affirmativarum
est æqualis summa energiarum negativarum affirmativarum sum-
marum. Ut intelligatur theorema longe pulcherrimum, terminus
 energię explicari debet. Sit itaque P punctum quodcunque in Sy-
 stemate virium, quæ inter se æquilibrium tuentur, F una istarum
 virium, quæ urget aut trahit punctum P secundum directionem
 FP aut PF, Pp lineola recta, quam describit punctum P motu exi-
 guo, quo tendentia FP transfertur in situm fp, quæ ipsi FP vel
 exacte parallela, si motus exiguus Systematis in omnibus punctis
 Rr fit

8

9

fit



Fig. 1.


fit parallele lineæ rectæ positione datæ, vel prolongata cum FP efficit angulum infinite parvum, motus exiguus Systematis fit circa punctum fixum. Demittatur ex P recta PC ad sp perpendiculis: erit Cp celeritas virtualis vis F, & F. Cp illud, quod *Energia* appellatur. Quod si punctum P vi F urgetur, vel ab eadem impellitur, erit energia affirmativa, ubi angulus FPP fuerit obtusus; negativa, ubi idem fuerit acutus. Contra si punctum P a vi F trahatur, energia negativa est in hypothesis anguli FPP obtusi; sed affirmativa in hypothesis acuti. Noster theorema non modo demonstrat ex principio motus compositi; verum etiam ad singulas potentias mechanicas, de quibus in antecessibus sectionibus egit, applicat.

3ect. 10.

Theoriam de æquilibrio fluidorum adjecit Autor, quod ipsi nonnemo objecerat principium motus compositi, quo in demonstrationibus mechanicis æquilibrii solidorum usus est, non posse applicari ad demonstrandum æquilibrio fluidorum. Reprehendit autem demonstrationem hætenus receptam, quæ ipsi parum genuina videtur.

De tribus exiguis Tractatibus, quorum argumenta in superioribus indicavimus, pauca annotasse sufficiat. Problemata mechanica, quæ ex theoriis præcedentibus solvuntur, sunt numero 24, quæ singula recensere nimis prolixum foret. Concernunt eadem æquilibrio plurium potentiarum diversimode chordis atque vecti applicatarum. Machinas absque affricu dedit *Perraltius* in Notis ad versionem *Vitruvii* Gallicam & in Tractatu de machinis noviter inventis, de quo alibi diximus in his Actis. Machinas *Perraltianas* nuper quoque descripsit in Theatro Machinario, quod vocat, Cl. *Leupoldus*. Theoriam harum machinarum septem theorematibus comprehendit Autor, quæ ex theoria sua generali mechanicæ demonstrat. Mox eadem ad integram istiusmodi machinam examinandam applicat. *Borellus* in Tractatu de motu animalium Tom. I c. 13 longa digressionem facta contendit, *Stevinum*, *Herigonium* & alios plures falli in theoremate de pondere a duobus aliis juxta directiones obliquas suspenso. Defendunt

dunt nimirum, si CI sit linea directionis ponderis T & MH duca-



tur alterius potentiae R directioni CR parallela, fore pondus T ad potentiam S ut HC ad MC &, si HN sit directioni CS parallela, idem pondus T fore ad potentiam R ut HC ad CN . Impugnat theorematem universalitem *Borellus*. Enimvero cum *Varignonius* sua methodo in theorema inquireret, veritatem ejus reperit. Necessarium itaque visum fuit, opinionem *Borelli* ad examen revocari. Examen hoc in duo capita dividit. Primo ostendit, quod theorema *Stevin* non repugnet propositioni 68 Tomi primi de motu animalium, quemadmodum ipsi videtur, sed potius necessaria consequentia inde sequatur, notatis aliquot paralogismis, quos commisit, dum sibi in aliorum ratiociniis paralogismos videre

dere visus est. Altero theoremaris impugnati veritatem aliquot demonstrationibus munit, prorsus diversis ab iis, quas reprehendit *Borellus*. Sua etiam methodo lemnata multo generaliora demonstrat, quam sunt *Borelliana*, unde omnis theoria virium musculorum pendet. Etsi autem *Borellum* erroris redarguat, non tamen diffitetur, extraordinaria omnino esse ejus in scientiam merita.

PHYSICES ELEMENTA MATHEMATICA
experimentis confirmata, sive Introductio ad philosophiam
Newtonianam, Autore GUILIELMO JACOBO s' GRAVE-
SANDE, L.M. Jur. Utr. & Phil. Doctore, Regiæ Societ.
Lond. Socio, Astron. & Math. in Acad. Lugd.
Bat. Prof. Ordinario.

TOMUS I.

Editio secunda, auctior & emendatior.

Lugduni Batavorum, apud Petrum van der Aa, 1725, 4.

Alph. 2. Tabb. æn. 47.

SUPPLEMENTUM PHYSICUM, SIVE AD-
denda & corrigenda in prima editione Tomi primi libri
editi Lugd. Bat. A. 1721, cui titulus: Physices elementa
Mathematica &c. Autore eodem.

Alph. 1. Tabb. æn. 15.

Institutum Cel. Autoris exposuimus in his Actis, cum prima libri utilissimi editio prodiret. Nunc igitur indicasse suffecerit, quam mutationem editio secunda subierit. Cum tyronibus præcipue scriberet Cl. *Gravesandius*, quibus ideam Philosophiæ Naturalis methodo mathematica pertractatæ exhibere constituerat, difficiliora omnia intacta reliquit & Geometrarum propositiones sæpius tantummodo indicavit. Enimvero ut profectoribus quoque utilis esset liber, in altera editione demonstrationes adjecit per modum scholiorum capitibus subjunctorum & peculiari characterè expressorum, ut opus quasi separatim constituent, nec lecto-

lectorem turbent. Iisdem scholiis alia quoque inserta sunt, quæ in ipso opere commodè tractari non potuere. Machinas præterea, quibus ad experimentandum usus, emendavit novasque adjecit, quæ ratio fuit, cur plures tabulæ æneæ mutationem subierint. Experimenta ipsa accuratius descripsit & eventum eorum clarius exposuit. Postquam mensuram virium *Leibnitianam* suam quoque fecit, percussionis theoriam eidem superstruxit & uberius explicatam variis experimentis novis fulcivit. Quamvis autem in multis, quæ virium, percussionum, resistentiarum, retardationum corporum in fluidis motorum theorias spectant, a *Newtoniana* sententia recesserit, titulum tamen Introductionis ad philosophiam *Newtonianam* retinuit, propterea, quod multa illustret a summo Geometra tradita & pleraque ab Autore explicata ad facilius intelligenda scripta *Newtoniana* conducant, præterea ipso iudice *Newtonianam* philosophiam sectari dicendus sit, qui omni ficta rejecta hypothesi tantum ex phænomenis in physicis ratiocinetur, non autem qui in verba magistri juret. Plurima præterea in ipso contextu passim fuere immutata novæque inserta. Quoniam itaque novam prorsus faciem induit altera editio, in eorum gratiam, qui primam jam possident, supplementum edidit. In hoc dedit omnium machinarum novarum descriptiones, additamenta omnia & propositiones mutatas omnes: fieri tamen haud quaquam potuit, ut eidem infereret machinarum seu instrumentorum correctiones, eaque singula, quæ in prima editione posita clarius & accuratius enuntiantur atque illustrantur. Alias enim supplementum excrevisset in molem ipsi operi tantum non æqualem, ejus nunc partem dimidiam adæquat. Altiora Cl. Autor per modum scholiorum minuto caractere impressorum adjecit, ut opus quasi peculiare constituent. Videamus, quænam sint illa, ut de utilitate operis statuere liceat.

Circa materiæ divisibilitatem in infinitum progressionem geometricam decrescente $\frac{1}{2} + \frac{1}{4} + \frac{1}{8} + \frac{1}{16}$ &c. quam in infinitum continuatam unitati æqualem esse constat, probat infinitum finito contineri. Innumera circa materiæ divisibilitatem captum nostrum superantia evidentissime demonstrari, exemplo logarithmicæ spiralis evincit. Huc refert porro infinitorum inæqualita-

tem variasque classes argumentis geometricis adstrictas. Partium subtilitatem evicturus, accurato calculo definit, in deaurando filo argenteo millesimam partem pollicis in bis mille partes actus dividi. Expansionem guttæ in vitro plano una cum ascensu aquæ spontaneo in tubis capillaribus & inter vitra plana effectum attractionis vitri agnoscit & in hypothese attractionis theoriam motus istius condens geometricam, inter alia contendit, in tubis capillaribus altitudines esse inverse ut diametros. Quod corpus unumquodque habeat centrum gravitatis, idque unicum, demonstraturus, supponit theorema nobilissimum de æquilibrio solidorum, quod scilicet gravia linea inflexi juncta æquibrentur, si distantia a puncto suspensionis fuerint ponderibus reciproce proportionales. Tradit modum centrum gravitatis investigandi & algorithmum numerorum vulgarem ope libræ absolvendi. De ligno findendo theoriam geometricam condens, machinam rejicit ad demonstrandum vim cunei in priore editione adhibitam. Motum in cycloide modumque determinandi centrum oscillationis explicans, varias cycloidis proprietates, quodque cyclois inversa sit linea celerrimi descensus, demonstrat. Præmissis generalibus de viribus centralibus, easdem in specie in circulo atque ellipsi & in orbita agitata cum in genere, tum in ellipsi agitata in specie expendit, addita computatione motuum apsidum in curvis a circulo parum differentibus. Regulas conflictus corporum una cum regulis percussiois corporum lineis rigidis inter se coherentium & circa centra agitatorum algebraice demonstrat. Experimentum corporum in lancem aut brachium libræ impingentium examinans, bilancem describit, qua altitudines conferre licet, a quibus corpus cadens pondera paululum elevat. Regulam determinandi centrum oscillationis & percussiois ex doctrina virium deducit. Geometricam contextit demonstrationem, quod in congressu corporum elasticorum summa virium ante & post ictum eadem sit, remoto dubio, quod circa mutuam corporum elasticorum actionem suboriri poterat, additaque paradoxii explicatione, cur fabri argentarii, in domus parte superiori habitantes, incudem pulvino superimponant, ut ea ictibus mallei magis resistat domusque minus tremat. Agit quoque de æqualitate summæ virium
ante

ante & post conflictum trium corporum atque de motu centri gravitatis. Tabulam computare docet, quæ tempus exhibet, in quo pes cylindricus aquæ effluit, data ejus altitudine. In rationem resistentiæ cylindri recti ad conum rectum in eodem fluido, itemque cylindri recti atque globi, nec non in retardationes corporum in fluidis motorum, prolixè inquiri, demonstratis ea fini Logarithmicæ nonnullis proprietatibus: ubi una corporum in fluidis in altum projectorum atque in iisdem cadentium rationem habet. Tandem de motu undulatorio & soni intensitate agit.

R. P. BERNARDI PEZII, BENEDICTINI

& Bibliothecarii Mellicensis, Bibliotheca Ascetica

antiquo - nova.

Tomus VII & VIII.

Ratisbonæ, suuntibus J. C. Peezii, 1725, 8.

Alph. 3 pl. II.

AEquum est, recensione superiorum Tomorum subungere etiam horum contemplationem, quorum Editor doctissimus strenue pergit in *Bibliotheca* sua *Ascetica*. Tomi igitur septimi primum locum occupat Excellentissimi *Passionis* Sermo tertius de *Regularis Praefidis electione*. Hinc *Eckeberiti*, Abbatis Seculo XII Schonaugiensis, cujus *liber adversus haereses* inserui meruit Bibliothecæ Patrum, sequuntur tres libri, primus de laude *crucis*, alter inscriptus *Soliloquium*, tertius *Stimulus amoris*: quem quidem ultimum, inter opera S. Bernardi editum, ab *Eckeberto* illo compositum fuisse, nunc primum discimus a Cl. Pezio. Hinc occurrit S. Bernardi meditatio in hymnum: *Jesu nostra redemptio*: quanquam facile apparet, non satis certe opusculum hoc ad Bernardum autorem referri. Sequitur *Engelberti*, Abbatis Admontensis, *Tractatus de passione Domini*; *Joannis Inslitoris*, Cartusiani Sec. XV, *Breviloquium animi religiosi reformativum*, ejusdemque *liber de mala ira evitanda*; *Jacobi de Paradiso*, sæculi XV Cartusiani, *liber de causis multarum passionum, præcipue iracundiæ, & remediis earundem*; *Bernardi de Waging*, qui eodem sæculo Prior fuit Tegernseensis, *Remediarium pusillanimum & scrupulorum*.

- loforum*. De vita scriptisque horum autorum Rev. Editor exponit in Præfatione, & copiosissime quidem de *Bernardo de Waging*, cui & illud opus vindicat, quod Tomo quinto ediderat sub nomine *Antonii Volmari*. Hic enim *Volmarus* stylum duntaxat *Bernardi* emendavit, paucis quibusdam & additis & reſectis. Ipsa illa scripta nunc non perlustramus, facile illis carituri, nisi jucundum esset, inde cognoscere statum literarium superioris ævi. Libenter vero properamus ad *Tomum octavum*, quo exhibentur nobis undeviginti opuscula historica, de quorum autoribus Editor more suo, id est, doctissime disserit in Præfatione. Ac primo quidem loco deprehendimus *Catharina de Geiswiler*, Priorissæ Ordinis S. Dominici, librum *de vitis primarum sororum monasterii sui*, quod Colmaræ est in Alsatia. Accedit appendix de aliis ejus cœnobii sororibus. Si quis legendis miraculis & visionibus, itemque austerissimæ sanctitatis exemplis delectatur, ei lectio hujus operis jucundissima sit, necesse est. Nos inter tot sorores sanctas nullam offendimus, quæ cum *Catharina* illa doctis mulieribus adſcribi poſſet ſocia: niſi quod p. 412 una memoratur *ἀγωνίως*. Sequitur *Irimberti*, Abbatis Admontensis, Narratio de incendio monasterii sui, ac de vita & moribus virginum ſancti monaſterii Admontenſis. Joannis de Ellenbogen, Abbatis Waldſſenſis, liber de vita monachorum monasterii sui, miraculis plenus & visionibus: *Anonymi Sublacensis* liber de modo vivendi cœnobitarum monasterii sui: *Martini de Senging* Tuitiones observantiæ regulae S. Benedicti, oblata Patribus generalis Concilii Baſileenſis: Ejusdem Epistola de ſtatu monasterii Buriſfeldenſis: Joannis Capistrani Epistola ad Universitatem Wiennensem, qua exponit felices Catholicæ fidei progressus in Moravia, & Universitatem illam rogat, ut aliquot doctos viros ad se mittat, qui publicæ suæ cum Rockizano Hussita concertationi interſint: Ejusdem Epistola de publicis & promiscuis balneis religionis: Udaltici de Weilbaim Epistola de tribulationibus & procellis monasterii sui ob ſanctioris discipline introductionem: Leonardi Epistola de obitu Abbatis Mellicenſis, Nicolai de Mazen: Joannis de Welming Epistolæ de reſtituenda in ordine S. Benedicti monaſtica disciplina & procuranda rituum ac observantiarum conformitate. Sequuntur plures breviores Epi-

Epistolæ, quas præterimus, majori jure memorantes *Vitam Joannis de Weilheim*, Prioris Mellicensis Sæculo XV, ex qua intelligimus, eum scripsisse libros quamplurimos: Johannis, Episcopi Eystetenfis, *Historiam reformationis monasterii S. Walpurga*: Anonymi Carmen rhythmicum *de miseriis ordinis monastici*, e quo hocse versus speciminis gratia producimus:

*Olim, dum simplicis Ordinis vigeat,
Nos laudabant homines, nullus nos ladebat,
Collectas ab Ordine nemo requirebat,
Sed Ordo pacifice Deo serviebat.
Nunc videntes homines grandes apparatus,
Equos, & sammarios, splendor ornatus,
Dicunt: Nisi locuples esset eorum status,
Non valeret ducere tales equitatus.*

JO. LAUR. MOSHEMII, TH. D. ET P. P. O.
Cogitationum in Novi Testamenti locos selectiores
Liber primus.

Hannoveræ, apud Nic. Færster. & fil. 1726, 8.

Plag. 17.

CEL. Autor hæcenus varias proposuit disputationes Academicas, in quibus dicta quædam N. T. curatius paullo excutere voluit. Harum quædam jam in forma tractatus comparent; quibus S. R. Autor modestam præmisit præfationem, in qua ingenue fatetur, quod nec omnia hic dicta pro novis nec pro plane expectitis & apodicticis venditet, & dissentientes æquo velit ferre animo. Decem autem omnino capitibus primum hunc cogitationum suarum librum absolvit. Primum in parabolam de operariis in vinea *Matth. XXI* sqq. inquit, per operarios in vinea primos coetus Christiani doctores, per denarium autem præmium terrestre intelligit, nempe tum extraordinariam Spiritus S. virtutem, quæ in eorum erat mentibus, imprimis potestatem miracula faciendi, tum insignem laborum suorum fructum, quem quotidie in populis ad Christum adducendis capiebant; & præter hæc nil in ipsis fuisse, quod præmii indolem referat, judicat. Ad hanc

- expositionem firmandam, præsupponit, quod in parabolis non omnes circumstantiæ nimis sint premendæ, sed ex scopo omnia dijudicanda, quem h. l. ex antecedentibus merito repetit. Quod vero non alii, quam primi doctores Christianismi intelligi debent, Cel. Vir probare nititur, quoniam hi soli tum temporis ædes & suos libere deseruerint, cum reliqui Christiani domi suæ manere quiverint, illi vero, quos tyranni ejecerunt, non libere sua deseruerint. Per diversas horas quid intelligat, non tacet, & quidem hora prima conducti Cl. Viro sunt duodecim Apostoli ab ipso Christo vocati, ultimis vero horis vocati, Paulus & Apostolorum successores in Ecclesia plantanda. Nec jure tradit potuisse primo vocatos succensere Christo, quod sibi non majorem mercedem & donorum mensuram dederit, quam ultimis. Tandem & dubia removet, quæ ipsimet suam videbantur sententiam premere. Inter quæ principem ipsi locum tenere illud videtur, quod hoc præmium in vespera demum distribuatur. Et de hoc profitetur: „ Quod ad vesperam attinet, cujus mentio hic fit, „ quomodocunque interpretemur illam, in difficultates non temere solvendas incidemus. „ Ad objectionem vero, quod primo vocati adeo temerarii haud fuerint, regerit, ex Gal. II, 6 & aliis locis contrarium patere. Secundum caput Joh. IV, 48 exponit, quod Judæi reprehendantur, quia ipsis suis oculis miracula videre & fidis aliorum relationibus minime stare voluerint. Tertio capite *Mattb. V, 3* pauperes spiritu de illis exponit, qui opes spernunt, nec earum, si desint, desiderio excruciantur, aut si adsint, amore studioque ægrotant. Capitis quarti summa eo redit, ut Act. XVII, 23 Deum ignotum ipsum supremum numen probet, quod gentiles etiam ignotum dixisse, e Socrate, Platone, Statio & aliis comprobatur. Quod amor *Job. XIII, 34* novum audiat præceptum ob novam normam, exemplum Christi, jam additam, rejectis aliorum expositionibus, capite quinto it probatum. Sexto autem capite de vera natura communionis bonorum inter primos Christianos addit, & communem expositionem non probans, suam addit conjecturam, nihil aliud hanc Christianorum communionem notare, quam quod adeo liberales fuerint, ut, fratribus egentibus paratos se exhibuerint sua cum ipsis bona communicare.

nicare; quam sententiam S. R. Autor etiam contra objectiones tueretur. Cap. septimo prolixius, quam solet, 2 Cor. IV, 3-10 exponit, & maxime in eo defudat, ut evincat, morte Christi designari, varias calamitates ob Christum perferendas, unde Paulus colligat, Christum a mortuis resurrexisse, propter quem non vereantur dirissima subire tormenta. Octavo capite 2 Tim. IV, 17 interpretatur brevius, negando, quod leo, ex cujus ore Paulus se liberatum dicit, sit Nero, aut ejus legatus Helius Cæsareanus. Et licet non neget, commodius leonem dici posse hostem Pauli, fabrum Alexandrum, aut in sensu proverbiali hæc sumi posse: proprie tamen hæc exponere jure meritoque mavult, quod Apostolus, condemnatus, ut leoni objiciatur, intercessione amicorum (*Phil IV, 22*) in aula Cæsaris absolutus fuerit. Quod *ἀγαθὸς* Rom. V, 7 denotet virum amicum vel beneficium, capite nono probatum dedit. Et tandem decimo capite docet, Matth. IV, 8 diabolum Christum in monte templi ostendisse tractum illum Palæstinæ, qui Procuratori Romano parebat. Hinc mundus ipsi est Palæstina, omnia regna vero sunt unum Regnum, uti Joh. VI, 45 omnes Prophetas pro uno Esaia poni putat; non attendens, quod ibi signum universale non occurrat. Interim, si cui hæc *τὸ πᾶντες* exponendi ratio minus placet, concedit, regna aliquot, Judæam, Samariam & Idumæam, quæ Romanis suberant, intelligi posse. Ut vero liber secundus in Ecclesiæ commodum feliciter succedat, S. R. Autori divinam apprecamur gratiam.

מכתוב

Sive

MELONES ÆGYPTII, AB ISRAELITIS

desiderati Num. XI, 5, quoniam & quales fuerint,

brevi διακρίψας ostendere conatur OLA-

VUS CELSIUS. D. T. & L.

O. P. in A. U.

Lugduni Bat. apud Contr. Wishoff, 1726, 8.

Plag. dimid. 4.

CL. Dn. Antor, qui inter alia ingenii monumenta, jam anno 1714 R. Majemonidis tr. Kilaim in Lat. vertit, & publicis disp.

dispp. in Acad. Upsaliensi, ubi Gr. L. tum Professor, defendit, jam quoque Professionem LL.OO egregio hoc specimine ornat, & has linguas sibi haud peregrinas esse, exteris pariter abunde probat. Et quidem *Abattichim*, quo nomine deliciz Israelitarum appellantur, merito inter præstantissimos Ægypti fructus refert. Gratus etiam commemorat, se quondam in Glossario MSC. Bibliothecæ Paulinæ Lipsientis legisse, quod מֶלֶטֶח Gallice exponantur per לֵישׁ בֹּזָאֵלִים, quod *les bosaclès* legit, & *blase* ita *les bodeques* pronunciatum esse, autumat, sequentia autem verba רֵאִינָה לֹר לִינָה ut obscura, non exponit. Cl. Autor Abbattichim ab Ebræo בָּטָח deducit, non quod melones a salubritate & securitate comedendi ita dici queant, quod Ursino placuit, cum & Orientales Medici negent, melones plane salubres esse; nec ex Arab. بَطِيح *bumi stratum esse*, derivare vult; sed ingenue fateatur, se ignorare verum huius vocis etymon. Subnectit differentiam melonum & melopeponum, & quia بَطِيح *batich* orientalibus commune est melonum nomen, ipse pro Ægyptiis discernit, quos optimos fuisse & varii generis, annotat, & inter præstantissimos Ægypti melones eos refert, qui Abdellavi, item qui Chiar, & qui melones Indici dicuntur, quos ultimos a Persis churbuse Hindi, ab Arabibus batich Alechder, melones etiam Raccenses, & Europæis melones aquaticos vocari, docet: & hac occasione observat, quod Persicum charbuse & Turcicum karbuz conveniat cum Germanorum Kürbs & Suecorum kurbis. Tandem colligit, per melones hos Ægypti, quos Israelitz desiderarunt, non solum melones Ægypti reliquos, sed etiam simul aquaticos intelligi debere, quia hi maxime reficere poterant populum sub gravi onere sudantem & mox in deserto sitibundum, immo quia, nisi hos connumeret, credibile non sit, quotannis Ægyptum tantum melonum produxisse, quantum & indigenis & tot peregrinorum millibus satiandis sufficeret.

DE THERMIS VALDERIANIS DISSERTATIONES DUE, Auctore JOHANNE FANTONO,

Regii

*Regii Principis Pedemontii Medico ordinario & in
Taurinenfi Universitate Practicæ Medici-
næ Professore.*

Genevæ, apud Marc. Mich. Bouquet & Socios, 1725, 8.

Plag. 6.

THERMÆ Valderianæ sex miliaribus a pago Valderienfi in tra-
ctu montano Provinciæ Cuneensis Pedemontii sitæ scaturi-
unt, & inde nomen sortitæ sunt; vetustissimis temporibus ignotæ,
patrum vero nostrorum ævo frequentatæ & ad potum, balneum,
sudationem & stillicidium adhibitæ ac inter alias thermas a Viot-
to, Barifano, aliisque commemoratæ fuerunt. Fama potissimum
earum apud omnes gentes percrebuit, ex quo VICTORIS
AMADEI Regis Augustissima Mater propter infirmam valetu-
dinem ad eas se contulit, non sine maximo sanitatis emolumento.
Publico igitur consulturum se confisus Autor, factis variis experi-
mentis, observationes suas collegit & ad Johannem Mariam Lan-
cisiū, CLEMENTIS XI Pont. Max. Archiatrum, jam
e vivis ereptum, per literas quondam transmisit, nunquæ publi-
ci juris fecit. Conspiciuntur itaque hic binæ Dissertationes, in
quarum I de Thermis Valderianis, in II de reliquis fontibus Valde-
rii agit. In *priori* refert, thermas Valderienfes, ex præruptæ rupis
clivo scaturientes, vel superiores vel inferiores esse; ex illis binas
ad potum & balneum adhiberi, sed adeo calidas & quasi urentes
existere, ut eas immersi digiti ferre vix queant, & qui bibunt,
paululum hæreere soleant. antequam calicem labris admoveant,
has vero mox epotas nullam afferre molestiam: singulas perspi-
cuas maxime esse levioresque aqua torrentis, in quem proxime
confluunt, nonnihil tamen sulphurei redolere, & unctuosū quid
digitis imprimere; alia etiam quædam pingua corpora, vulgo
muffas dicta, in vicinia fontium & eorum defluxu ipsisque faxis in-
hærentia observari. Præter sulphur adesse quoque inculcat sal al-
calicum, nitro antiquorum simile, & sedimentum in lagenis ter-
restre & falsum deponi. Sicque didicit, in aquæ uncis decem sa-
lis vix grana duo, terræ grana tria contineri. Utiles judicat has
aquas non solum curandis morbis, quibus in universum omnes

adhibentur thermæ, sed propter modicum sulphur, quod vehunt, & minimam salis quantitatem, longe aliis quibusvis etiam præcellere ac tutius usurpari, sive puræ sive addito stimulante aliquo pharmaco, quod modo alvum aperiat, modo urinæ secretionem promoveat, in usum vocentur. Muffas commemoratas luti, quod hæ aquæ destituuntur, vices supplere addit, & eo tutius quidem, quo pauciore sulphure & sale sint refertæ, minorique calore polleant. In *Dissertatione posteriori* alios commemorat Valderii fontes, ut vitriolatum dictum, qui tamen parum vel nihil de marte participat, & alterum exiguum, citra torrentem scaturientes, in parte averfa rupis tres alios parvo intervallo a se invicem distantes, ut S. Lucie, binosque alios, omnes calidos; imo quamplurimos etiam frigidos fontes in iisdem rupibus, e quibus thermalles profiliunt, scaturire perhibet, ac existimat, æque facile thermalles absumenta omni materia, qua ignis subterraneus fovetur, primum in tepidas, mox in frigidas aquas, ac gelidos fontes in thermalles, nova affluente materia, mutari posse.

Expedirter und bewährter Medicus.

i. e.

D. DAVID FRIEDELII PROMTUS

& expertus Medicus.

Lipsiæ & Rostochii, apud Georg. Ludov. Fritsch, 1726, 4.

Alph. 8 pl. 7.

IN conspectum hic prodit Praxis Medica, in III Volumina congesta, quæ alia tria mox excipient, omnes complectens morbos atque symptomata, quæ tam interna viscera cruciant, quam externe corporis superficiem lambunt, ita ut in I Morbi interni, in II Mulierum, in III Infantum tam interni quam externi in peculiaribus libris & capitibus exhibeantur. In quibus explicandis ita se gerit Autor, ut præmissa brevissima cujuscunque morbi descriptione & insinuata methodo medendi, ingentem suppeditet formularum farraginem, ex illis potissimum Autoribus desumptorum, qui medicamentorum *ἐν τοῖς* thesauros confarciarunt; ubi vero proprias adducit observationes, arcana ubique sua crepet. Et
quan-

quanquam parum mereantur gratiæ apud Medicos genuinos, qui idiomate Germanico ejusmodi Praxes luci publicæ exponunt, variisque formularum generibus locupletant, quod eo ipso occasio præbeatur empiricis, mulieribus, aliisque imperitis Pseudo-Medicis, illotas manus Sacris Apollineis ingerendi; hanc tamen noxam præcavisse se putat Autor, quod formulas eo ordine non apposuit, quo juxta sanam medendi methodum exhibere decet, quasque seligere, non nisi periti Medici est. Et verum si fateri licet, actum esset e. g. cum dysentericis ægris, si medicamenta assumerent eo ordine, prout in Part. I Lib. XI cap. 4, in quo ultra quinquaginta formulæ & evporista medicamenta commendantur, conscripta leguntur, siquidem abstergentia & adstringentia usque adeo sunt dispersa, ut summo judicio opus sit, ea a se invicem discernere. Specimen exhibendi labore merito supersedere possumus.
















EX PRÆNOBILISSIMI SAMUELIS KOLESERI de KERES-EER Litteris excerpta, de his quæ Cl. T. S. BAYERUS in Epistola, Actor. Er. Suppl. T. IX Sectioni Ip. 20 inserta, de Alphabeto Tangutanæ, ab ipso communicato, monuit.

Literaturæ Tangutanæ cenfor vel defensor esse non possum, hoc tamen bona fide asserere, omnia ex Autographo rite descripta esse, optandumque foret, qui curiosis Itinerariis delectantur, ut integrum MStum luci datum, cum & recens sit, cum aliis illarum partium notitiis conferre possent. Qui illud scripto commisit, & autopta fuit, & interpretem plurimarum linguarum penes se habuit, nec in relationibus suis dubia aut falsa per ignorantiam posuisse censendus est. Reprehendi video, quæ de compacti-
one librorum MStum memorat: at ex reliquiis Scythicis adhuc hodie apud plebejos mos iste superest, & qui e captivitate Tartarorum redeunt, inter asserculos literas, ut vocant, salvi conductus, & quæ præter has documenta vel memorabilia scripta habent, conservare studiose assolent. Quoad scribendi modum, exemplum prostat in MSto, & quantam notitiam consequi potui, qui propiores Chinesibus, eorundem etiam scribendi modum observant.

Expungit

Expungit lit. ö & ü, quibus tamen nil frequentius apud Tartaros & reliquos Orientales: apud Hungaros maxime antiquos frequentissimæ, adeo ut quæ hodie per e pronuntiantur, ipsis fuerit ö. Numeros numerorumque figuras nuper, prout recorder, non addideram, nunc itaque sequuntur una cum idiotismo Hungarico adjacente.

Numeri Mogolico-Tangutani.

	1 Canfichan.	Egy.
	2 Choir.	Kettő.
	3 Torebun.	Három.
	4 Gorebun.	Négy.
	5 Tabun.	öt.
	6 Tsurgan.	Hat.
	7 Dolo.	Hét.
	8 Najeman.	Nyoltz.
	9 Jesun.	Kilentz.
	10 Arban.	Tiz.
	11 Arban Canfichan.	Tizenégy.
	12 Arban Choir.	Tizenkettő.
	13 Arban Torebun.	Tizenhárom.
	14 Arban Gorebun.	Tizennégy.
	15 Arban Tabun.	Tizenöt.

16. Ar.

16	Arban Tſurgan.	Tizenhat.
17	Arban Dolo.	Tizenhét.
18	Arban Najeman.	Tizennyoltz.
19	Arban Jefun.	Tizenhilentz.
20	Cori.	Hufz.
30	Otfchin.	Harmintz.
40	Dotſchin.	Negyven.
50	Tabin.	ötven.
60	Sojſtcheran.	Hatvan.
70	Dolon.	Hetven.
80	Najgan.	Nyoltzvan.
90	Jeren.	Kilentzven.
100	Soup.	Száz.

VOYAGES DE JEAN OVINGTON.

i. e.

RELATIO ITINERUM, A JOANNE OVINGTONO Suratam & in alia Afie Africæque loca factarum: ex Anglico in Gallicum sermonem verſa.

Tomi II.

Parisiis, apud Wilhelmum Cavelier, 1725, 8.

Alphab. 2 plag. 9.

Autor hujus Itinerarii est *Johannes Ovington*, qui Miniſtri Eccleſiæ reformatæ Anglicæ munus in ipſa India Surata obiit. Cujus librum Anglico ſermone conſcriptum jam pridem proſtare,

T t

ſed

sed non admodum exteris vel cognitum vel æstimatum, refert Interpres, causam cōjiciens in dictionem ejus paulo perplexam & ampullis verborum tumidam; quibus tamen malis versione sua medicinam se attulisse ait, adeoque lectionem libri & jucundam & utilem futuram, sperat. De cetero commendatur ob diligentiam & judicium in exquirendis rebus, quæ narrat, adhibitum.

Navem conscendit Autor *Gravesinda* April. 11 A. 1689. In itinere *Maderam* adiit, ejus primariam urbem non *Funchal* sed *Fonchal* vel *Fonxal* dicendam, notat. Fertilitatem insulæ hodie minorem notat, quippe non amplius 60 sed 35 vicibus proventum frugum reddentem. Quatuor vini genera producit, inter quæ optimum Alonensi bonitate inferius existit, hoc vero peculiare habet, quod Solis radiis expositum redditur melius. De pisce *Albicore*, ex rapacium genere, observat, eum navem, maxima celeritate vectam, utpote singulis diebus 30 milliaria Germanica absolventem, per integram septimanam spe prædæ secutum; ex quo colligit, pisces somnum non capere. Insulam *Anniboni* ait omnibus necessariis abundantem, incolis quoque Christianis Catholicæ religionis instructam, sed Clericis destitutam, quia & auro careat. *Malamba* regni incolæ in littoribus Congi circumcisionem observant, quam administrat homo quidam ad id destinatus. Singulis quinque diebus cultus divini causa convenitur, qui adhortationibus ad virtutem omnis absolvitur; mali terrentur societate *Banimbe* sive diaboli, boni animantur spe convictus cum *Zampoango*, quo post hanc vitam sint fruituri. Per hunc vero intelligunt eum, qui in Solem & stellas potestatem habet. Insulæ *Madagascar* sinus, qui *S. Augustini* vocatur, piratis Anglicis & Batavis sæpius receptaculi loco est. Angli plerumque ad *S. Joannæ*, quæ est ex insulis *Comore*, appellant, mire fertilem; incolarum mores satis simplices; bellum inter eos tam parum cruentum, ut armorum loco sint non nisi saxa. Triæ genera nominum sunt in India Mogolica, *Mogoles*, qui admodum abusive *Mauri* vocantur, *Baniiani* sive gentiles veteres, & *Parfis* vel *Gauri*. *Mogoles* dominantur, sed linguam eorum non admiserunt veteres incolæ; *Baniiani* injurias patiuntur potius, quam inferunt; divitias suas sollicitè occultant, & pecuniam in majoribus negotiis noctu tantum

nume-

numerant vel accipiunt. Mancipiorum enim fere loco habentur & omnia acquirunt Regi; quemadmodum in *Tonquinensi* regno opifices tribus mensibus pro Rege, duobus pro Mandarinis vel magnatibus, reliquis pro se & familia laborare coguntur. *Gauros* denique ex Persia, Saracenos fugiendo, huc delatos, *Ignem* colere superstitiose, mirisque ceremoniis uti, Noster docet. Singulare, quod plane nemini præter Principem permissum faciei vel corporis a Sole tegendi causa gestamen, quod *Parasol* vocant, portare. Indi opifices mira ingenii sagacitate & variis operibus excellere dicuntur; omnes calculos suos absque scriptura, solo ingenio absolvunt; miri quoque sunt imitatores mercium Europæarum manufactarum, etiam vestium Europæarum, superstitioni tamen, ita ut sartores veterem vestem reficiendam matutino tempore non sumant, mali ominis causa. De *Siamensibus* data occasione refertur, maximam eos in sermone civilitatem, quam vocamus, erga feminas exhibere: & cum lingua eorum distinctione generis feminini & masculini creat, inde, cum formandum est femininum, masculino appellativo adjungere eos vocem *juvenis*, atque adeo e. gr. pro *imperatrices* dicere: *juvenis Imperator*. Ceterum in ministerium Regis allekti, magnates præcipue, castrari solent, ut scilicet hæreditas eorum ad Regem eo certius perveniat. Sex integris annis pestem Suratz durasse, quamvis interruptam, maxime vero circa tempus pluviale sævientem, refertur, quæ singulis diebus homines circiter 300 rapuerit, nullum autem, quod mirum, Anglum corripuerit. Sævior fuit in urbe *Balsam*, adeo ut A. 1691 spatio 18 dierum ducenta millia hominum exstinxerit. Ceterum de India, ipsaque Surata, relationes extant alibi non paucæ. Curiosiora sunt, quæ Autor de urbe *Mascatensi* in Arabia felici observat. Ambitum habet fere 3 milliar. Anglicorum, muris cincta, cum 5 vel 6 castellis, tormentis instructis. Dactylorum ingens proventus, sed in vallibus cultorum, superiora enim loca nuda & sole adusta. Animalium cibus sunt pisces semipetresfacti. Vino religiosius abstinent incolæ, quam reliqui Muhammedani, unde & sibi genuinorum Muhammedi discipulorum & Arabum rigidorum titulo placent. Patribus & heris in liberos & servos jus castigationis nullum, cum omnia subsint arbitrio judicis. Erga ex-

teros humanissimi existunt; naufragos imprimis. Prætermittimus plurium Arabiz urbium, ac portuum mari imprimis rubro adjacentium descriptionem; illud notamus, ostendi a Græcis Turcisque locum, ubi transisse per illud mare Israelitas credunt, 40 vel 50 mill. ab extremo maris distantem. Latitudo maris ibi 15 mill. profunditas in medio 35 orgyiarum, nauticarum: littora ex parte Ægypti admodum edita, (unde & *montes Pharaonis* dicuntur) præterquam eo loco, quo transitum factum fuisse affirmant, ubi modica declivitate versus mare procurrunt, quæ in mare ipsum ad 8 vel 9 milliaria continuatur. Ad extremum maris celebratur urbs *Suez*, quam Ovingtonius pro *Suasa* Plinii habet, dictamque credit a *Sua* filio *Abraami* & *Cettura*. De præfectis provinciarum Aracanensis regni, quarum undecim existunt, Noster observat, singulis titulum Regis & coronam, insigne regium, supremum Regem Aracanensem concedere. Incolæ regni ejusdem mores, victum, appetitum habent plane singularem: feles, mures, serpentes, avidissime comedunt. Idololatæ sunt omnium pertinacissimi. Nec minus corrupti *Peguan*. Matrimoniorum apud illos nulla religio; Diabolum maxime, & metuunt & colunt, autorem quippe mundi duplicem bonum & malum venerantes. Esse tamen ex eorum gente sacrificulos quosdam, *Telapouts* dictos, memorat, qui errores hos ex animis eorum evellere studeant, sed frustra. Alias absurdas opiniones de æterna successione mundorum increatorum, numero Deorum, summa animarum felicitate, quæ ipsis in annihilatione fingitur, consulto prætermittimus.

INSCRIPTIONUM SINGULARIUM MAXIMAM partem novissimarum Fasciculus, quas junctim edidit
JOACH. CHRISTOPH. NEMEIZ, Ser. Waldeckæ

Principi a Consiliis aulicis.

Lipsiæ (apud Jo. Frid. Gleditschii B. Fil.) 1726, 8.

Alph. 1.

CUM ante quadriennium Italiam peragraret Cl. Autor, styli lapidaris, quo ipse non parum excellit, ductus amore, inscriptiones, quas ingenio suo accommodatissimas censuit, quæque

que vel factum aliquod memorabile in se continent, vel Personarum ejusdam illustris mentionem faciunt, vel etiam styli nitore dictionisque acumine se commendant, diligenter annotavit, recentiores imprimis, Grutero, Reinesio, Sponio aliisque vel nondum visas, vel prætermittas. Miratur vero imprimis, alium in Venetis & Patavinis, in Neapolitanis, Romanis, Florentinis & Mediolanensibus iterum alium deprehendi scribendi modum, singulasque suas habere Veneres, solo natali proprias. Et eodem quidem ordine, quo se Nostro obtulerunt in itinere, eas exhibet, sacras tantum, eas scilicet, quas in templis & locis sacris positas offendit, etsi res sacras non omnes contineant, & profanas a se invicem discernens. Quantum vero ex his ipsis non civilis modo omnis, verum & literaria imprimis historia illustrari possit, nemo non intelligit, cum de vita, diebusque natalibus & emortualibus eruditorum in Italia virorum, de quibus ad nos pauca afferuntur, testes haud dubie certissimi sint lapides. Addidit Autor in fine inscriptiones aliquas suopte Marte de rebus Suecicis compositas, quæ legi utique merentur.

NOVA LITTERARIA.

DEdit hoc ipso mense ad Cl. *Jo. Burch. Menckenium* nostrum Epistolam, quinque in fol. plagulis impressam, Vir Cl. *Jo. bannes Georgius Estor*, Juris in Acad. Gieslensi Prof. qua simul eruditus nuntiat, se una cum Celeb. *Jo. Hermanno Schminckio*, Hist. in Academia Marburg. Prof. Publ. & Cl. *Ayrmanno*, Prof. Hist. Gieslensi, Collega suo, Historiam Hassiacam, partitis inter Socios operis, jussu & auctoritate Celsiss. Hassiæ utriusque Principum X Libris conscribere instituisse. Cujus Historiæ en conspectum, & consilio Cl. Schminckii: Lib. I de *Hassia Antiqua*. C. 1 de Cattorum origine & nomine. C. 2 de sedibus illorum ad tempora usque exorti nominis Francici. C. 3 de variis populis, Batavis nimirum, Mattiacis, ceteris, qui ex hac gente prodierunt. C. 4 de fluviis, fontibus, silvis, montibus, reliquis. C. 4 de rebus gestis domi & foris, ubi de bellis cum Romanis vicinisque. C. 7 de Cattis sub Cirsrenanits Francis. C. 7 de Cattis sub Thuringorum regno, ubi illius origo, divisio & interitus. C. 8 de Cattis sub Francis Transrhenanis Merovingicis. C. 9 de corporis & ingenii dotibus illorum, ubi præcipui eorum mores ac consuetudines recensentur.

C. 10 de forma regiminis, ubi de ipsorum Regibus, judiciis, reliquis. C. 11 de religione veterum Cattorum. C. 12 de variis populis, qui Hassiæ fines incoluerunt, posteaquam Franci Rhenum traiecerant. Lib. II *de Hassia Media*. C. 1 de Hassorum nomine & origine. C. 2 de Hassorum sedibus & limitibus. C. 3 de statu Hassiæ sub Carolingorum Regibus. C. 4 de statu Hassiæ sub Ducibus, Marchionibus, & Comitibus Franciæ orientalis; ubi genealogia eorum, fata, res gestæ, quantum, ob monumentorum hujus ævi defectum, fieri potest, & ad Hassiam facit. C. 5 de statu Hassiæ sub Thuringiæ Landgraviis in genere. C. 6 de variis pagis eorumque Comitibus in Hassia. C. 7 de religione Hassorum, ubi in originem Christianismi hinc in oris inquiritur. Lib. III *de Hassia bodierna*. C. 1 de Hassiæ Landgraviatu in genere, ubi de ejus separatione a Thuringia agitur. C. 2 de variis Hassiæ incrementis, accessione variorum Comitatum, dynastiæ, præfecturarum, urbium, reliquorum, in genere. C. 3 de Landgraviatu Hassiæ in specie, ubi ejus urbes, præfecturæ, monasteria enarrantur, nec non ea, quæ de his notatæ digna ex medio & recentiori ævo conservata sunt. C. 4 de Comitatu Ziegenhaynensi, ubi de Comitibus ejus, deque jure advocatiæ in monasterio Fuldensi agitur. Præterea hic enumerantur præfecturæ, urbes, monasteria, naturæ miranda, aliaque memoratæ digna: item qua ratione ad Hassiæ Landgraviis pervenerit, quidque in contrarium molitus fuerit Fridericus III Imperator, qui hunc æque ac Niddanum Comitatum, ut feuda caduca, imperio vindicare conabatur. C. 5 de Comitatu Niddano, de quo dissetetur, uti de Comitatu Ziegenhaynensi. C. 6 de Comitatu Cattimelibocensi, uti supra, nec non de consiliis Friderici III Imperatoris, qui cum Imperio hunc Comitatum consolidare allaboravit, item de litteris, quas vocant, expectativis Georgio Podiebrzky in hunc Comitatum concessis, denique de litibus variis ac diuturnis, quæ ratione successionis Hassos inter & Nassovios intercesserunt. C. 7 de Comitatu Deciz, uti supra. C. 8 de Principatu Hersfeldensi, ubi origo, fata, incrementa & decrementa hujus Abbatiz investigantur, Abbates ac monachi celebres enarrantur, qui vel Episcopatum, vel Abbatiam, vel præposituram aliorum cœnobiis consequuti fuerunt. Quibus ad-

jici-

jiuntur urbes, monasteria, prapofituræ, cetera. Tandem de variis pactis Abbatum cum Haffiæ Landgraviis tractatur, quaque ratione & jure ad Haffos pervenerit, ostenditur. C. 9 de Comitatu Schaumburgensi, ut fupra. C. 10 de variis Comitatibus Haffiæ, qui olim floruerunt, nunc vero fole nomine vix cogniti funt; e. g. de Comitatu ad Viertram, Reichenbachiano, Wetterano, Battenbergensi, ceteris. C. 15 de variis dynaftiis Haffiæ Landgraviatui adnexis, quales funt: Schartenberg, Schœnenberg, Pleffe, Franckenstein, Liesberg, Königsberg, Epftein, Bikenbach, Helffenberg, Itter, Treffort, Schwarzenfels, Naumburg, reliqua. C. 12 de præfecturis peculiaribus & oppidis, quæ vel jure belli, vel emtionis, vel pacti, cetera, Haffiæ accefferunt: ut Helmershaufen, ubi de origine & fati hujus monafterii, Libenau, Pridewald, Vach, Volckershaufen, Grebenau, Ulrichstein, Cleberg, Mosbach, Marca Fuldenfi, Homberg an der hoehe, Umftatt, Freudenberg, reliquis. C. 13 de ftatu religionis in Haffia ante reformationem. C. 14 de reformatione Philippi magnanimi. C. 15 de origine religionis reformatæ in Haffia inferiori. C. 16 de variis conventibus in cauffa religionis, utpote Hombergensi, Marpurgensi, Caffelano. Lib. IV *de Haffia Politica*. C. 1 de variis Haffiæ divifionibus ante Philippum magnanimum. C. 2 de divifione Haffiæ fub Philippo magnanimo. C. 3 de divifione Haffiæ duplici poft obitum Ludovici, teftatoris, inter Haffo-Caffelanos & Haffo-Darmftadinos; ubi de diffidiis, quæ hinc exorta, in genere agitur. C. 4 de feudis, quæ tenent Haffiæ Landgraviæ ab imperio aliisque Germaniæ proceribus. C. 5 de feudis, quæ tenent varii Principes, Comites, & nobiles ab Haffiæ Landgraviis. C. 6 de pactis mutue defenfionis inter Haffos, Saxones & Brandenburgicos, ubi origo illorum. C. 7 de pactis mutue fucceffionis inter prædictos. C. 8 de pactis familiæ inter Haffo-Caffelanos & Haffo-Darmftadinos. C. 9 de pactis cum Principibus apannagiatis lineæ Haffo Caffellanz, ubi de illorum origine agitur. C. 10 de pactis cum Principibus apannagiatis lineæ Haffo-Darmftadinæ eorumque origine. C. 11 de jure primogenituræ fæpe interrupto tandemque reftituito ab Imperatore. C. 12 de aufregis Haffiacis. C. 13 de privilegiis & juribus fingularibus Haffiæ Landgraviorum in politicis

ticis & ecclesiasticis, tam ante, quam post reformationem, ubi de variis privilegiis appellationum: de non evocando ad iudicium Rothwilense: de jure advocatiæ in Huxar: vogtæ in Wetzlar; de singulari jure in clericos ante reformationem. C. 15 de summis Hassiæ judiciis tam in ecclesiasticis quam politicis, quæ ab Hassiæ Landgraviis tam communiter, quam privatim, exercentur. G. 15 de nosocomiis aliisque monasteriis, quæ communi nomine ab Hassiæ Landgraviis administrantur. C. 16 de variis suffragiis in conventibus Imperii, item de alternationibus. C. 17 de præfessionibus Hassiæ Landgravorum. C. 18 de titulis illorum. C. 19 Insignia eorum exhibet, ubi de variis illorum mutationibus, & accessionibus. C. 20 de nummis antiquis & recentioribus. C. 21 de academiis & gymnasiis Hassiacis, ubi illorum origo, fata, Professores. C. 22 de conventibus provincialibus & Hassiæ ordinibus. C. 23 de legibus & consuetudinibus præcipuis Hassiacis. Lib. V de Landgraviis Thuringiæ & Hassiæ. Lib. VI de origine Lotharingiæ & Brabantæ ducum ad tempora Henrici pueri. Lib. VII de Henrico puero ad Philippum magnanimum inclusive. L. VIII de Wilhelmo IV ad tempora Caroli usque inclusive. Lib. IX de Landgraviis Hassio - Darmstadinis ad Ernestum Ludovicum usque inclusive. Lib. X Codex diplomaticus Hassiacus. Præterea idem Cl. *Estor*, ut ex eadem Epistola patet, Vitas Theologorum, Juristarum, Medicorum & Philosophorum Giessensium edere constituit. Denique cum Vir Perillustris, *Valentinus Ferdinandus de Gudenus*, augustissimi Tribunalis, quod Wezlaræ floret, Assessor, incredibilem apparatus possideat diplomatum authenticorum aliorumque veterum monumentorum, quem ut Noster edat, perbenigne concessit, hoc titulo opus omnibus exoptatum edere parat. *Theaurus MSS. veteris ac recentioris Aevi selectorum & rariorum, complexus diplomata, fundationes, privilegia, donationes, immunitates ab summis Pontificibus, Imperatoribus, Regibus, Principibus, Comitibus & proceribus, ecclesiis, monasteriis, aliisque locis & personis concessa; item Cbronica & Virorum eruditorum epistolæ, nunquam antea editæ.*

Prostat Supplem. T. IX Sectio III.



ACTA ERUDITORUM,

publicata Lipsiæ

Calendis Augusti Anno MDCCXXVI.

**M. FABII QUINCTILIANI DE ORATORIA
Institutione Libri XII.** Totum textum recognovit, pluribus
in locis emendavit, selectas variorum interpretum notas re-
censuit, explanavit, castigavit; novas, quibus difficiliora
Quinctiliani loca illustrantur, & antiqua Græcorum Lati-
norumque Technologia explicatur, adjunxit **CLAUDIUS
CAPPERONNERIUS**, Mon-Desiderianus, Li-
centiatus Theologus Parisiensis, & Regius
Græcarum Literarum Professor.

Parisiis, typis Viduæ Ant. Urbani Constelier, 1725, fol.

Alph. 10 plag. 20.

Fuisse aliquam hujus libri, licet exiguam, expectatio-
nem, haud ignorant, qui, quam omnia magnifica pro-
miserit Cl. Editor, recordantur. Burmannianam editio-
nem longissime a perfecta abesse, dictitabat, & numeris
omnibus absolutam Reip. litterariæ deberi. Quis vel hæc audiens
non vadimonium defereret, ut perfectam tandem Fabii editio-
nem nancisceretur? Sed qui noverant, quam pauci hodie apud
Gallos reperiantur, qui interioribus litteris aliquod pretium po-
nunt, aut iisdem probe sunt tincti, ii jam olim modice de Cappe-
ronnerio sperabant. Morbus enim ille, qui Delphnicos inter-
pretes corripuit, nondum sopitus esse videbatur: & qui ab hac
suspicionem vacui erant, nunc certe, cum primum Quinctilianum
hunc inspicient, in eandem sententiam discedent. Minellianis,
Delphnicis & puerilibus annotatiunculis omnia referta sunt: at-
que si tales notas Remp. litterariam (hoc est, Capperonerium, una
cum

cum tribus quatuorve sociis) expectasse putat Cl. Editor, vel sic Reip. male consultum esse, passim videre licet. Alibi etiam tirones norunt, quid sint *responsa*, ubi *oracula* adduntur; Noster vero p. 274 nota 150 quadruplicem interpretationem attulit, lectori electione relicta: quem valde veremur, si talibus notis indiget, incertiorum multo futurum, quam fuit dudum. Sane qui p. 1 la-
xam annotationem de *convicio*; & p. 3 notam in notam Parei, qua hic Martialem *poetam cocum* vocaverat, & multis paginis similia legunt, ii non leviter irascentur, aut saltem admirabuntur, quando aliis locis longe exquisitiores formulas, rariora vocabula, aut aliis de causis obscura loca, ne tacta quidem ab hoc interprete, nedum illustrata esse videbunt. Verum in his etiam pro more sui generis hominum agere debuit, qui valde garruli sunt & magno apparatu nihil agunt, ubi nemo ingenium & operam eorum desideravit: ceterum ubi difficultates incidunt, muti sunt. Si itaque superioribus editionibus obscuriorum verborum interpretationes defuerunt, & ob id nova procudenda fuit: aliam præterea procudendam esse, res ipsa docet. Si ob Technologiam illustrandam hæc libri moles protrudenda fuit, adnotationes ad Libr. IX clamabunt, quam hodieque multa desideremus. Plura ut addamus, non est opus. Nam specimina quo minus, ut inos noster habet, asseramus, egregia & perlepidæ opera Celeberr. Burmanni effecit, qui sequenti epistola accurate totum opus recensuit, gloriæque suam probe vindicavit.

PETRI BURMANNI EPISTOLA AD CLAUDIUM CAPPERONNERIUM, Theologum Licentiatum, Diaconum Ambianensem & Græcæ lingue Professorum, de nova ejus M. FABII QUINTILIANI de Institutione Oratoria editione.

Leidæ, apud Sam. Luchtmans, 1726, 4.

Plag. 14.

Initio in universum de editione sua Quintiliani, & molimine Capperonnerii, nec non de causis odii Gallorum quorundam erga

erga se diferte agit Vir Celeberrimus. Se nunquam omnem Gallorum gentem lacerasse aut infamasse testatur; ineptos tantummodo quosdam, & omnibus eruditis exosos traduxisse: cum contra plurimi Gallorum in omnes promiscue Germanos acerrima & falsissima opprobria conjecerint. Simul erudite ostendit, quæ causa sit, cur hodie elegantiores litteræ & omnis propemodum doctrina a Galliis exsulent: & quam sit inhumaniter factum, quod se vivente & vidente, suum laborem Capperonnerius invaserit & pro lubitu tractaverit. Deinde ordine & per species atque capita accusationes & notas Capperonnerii excutit, & *Cap. quidem Primo Epistola ad Potentiss. Regis Francia Magistrum, Episcopum quondam Foro Juliensem, atque primum accusationis caput examinatur.* *Cap. II secundum accusationis caput, de non receptis in textum melioribus, quæ in notis occurrunt, lectionibus, discutitur:* ubi hanc culpam, si ita vocanda erit, tantum abest ut deprecetur eruditiss. Burmannus, ut hanc modestiam etiam præ se ferat, ut audaciam eorum, qui ablandientes quascunque lectiones statim in contextum infarciunt, potius damnandam esse censeat. *Cap. III agit de variis lectionibus & plurimis ex iis inutilibus,* quod tertio loco reprehenderat Capperonnerius, prodens eo facto, quod ipse sit alienissimus ab arte Critica. Sæpe enim ex manifeste falsis lectionibus & meris librariorum ludibriis alii Viri docti veras lectiones eruerunt. Burmannus autem præterea ostendit, ipsum adversarium suum multas ineptas lectiones servasse, & veluti ab se dissentientem, farraginem inutilium lectionum, quam ex Campani editione Maittairius excerptam transmisit, non fastidiisse, sed invidioso præconio ornasse. *Cap. IV refutat ea, quæ de notis partim ad rem non pertinentibus, partim obscurantibus mentem Fabii, partim erroribus scatentibus &c. objecerat adversarius.* Et quoniam hoc telo Burmannus tantummodo per corpora Turnebi, Mosellani, Almeloventii aliorumque, quorum notas suæ editioni adjecit, petitur, facilius declinare ictum potuit. Hoc loco simul alterius Viri docti, qui idem crimen Grævio quondam impeggerat, errorem emendat. *Cap. V accusationis caput ultimum de vocibus Technicis non explicitis refellitur.* Aliter Critici, aliter terminorum aut artis doctores libros tractant; & ipse Celeb. Bur-

manus id genus notarum longe a se futurum, Præfatione professus est: quod certe non dissimulare debuerat adversarius. Facile itaque criminationibus se liberavit Burmannus: sed necessitatem etiam sibi impostam vidit de meritis adversarii sui in Quintilianum quædam addere. Igitur *Cap. VI tractat de calumniis & mala fide Capperonnerii*, v. g. quando exprobrat Burmanno, quod vitiosam Leidensem editionem *κατὰ πῶδα* secutus sit, ejusque mendas fere semper exhibeat; quod Ciceronis locum aliquem perpetram advocaverit; quod non semper diverso characterum genere (heh, puerilis accusatio!) distinxerit aliorum adducta loca a suis, & quæ sunt alia hujus generis, easque cavillationes falsas esse evincit. *Cap. VII plurima furta & plagia Capperonnerii* indicantur, commissa non modo in Lexica & aliorum obvios libellos, sed in ipsa Celeb. Burmanni notas. Eaque imprimis inspexisse juvabit, quia oppido eleganter Burmannus fraudem Plagiatorum detegit, & hominum quorundam, qui his artibus gloriam quærent, impudentiam demonstrat. *Cap. VIII inscribitur de notis Capperonnerianis ex reprehensione inepta priorum interpretum natis*, ubi potissimum de notis Pseudo-Turnebianis agitur, quarum vitia, iniquissima calumnia, Capperonnerius adseribit Burmanno: obiter etiam (p. 60) ostenditur, Capperonnerium alienos errores secure exscripsisse & propagasse. *Cap. IX agit de notis ineptis, puerilibus & Minellianis*, qualia sunt: Ceterum *Θεοφράστος* (Theophrastus) fit ex *Θεός*, Deus, & *Φράζαν*, eloqui; civilis scientia, & sapientia, sive civilis prudentia; translata sunt metaphorica & translationes, metaphoræ vel *μεταφάσεις* (ubi obiter Clerici quædam hallucinationes tanguntur) & infinita alia: sed delectabit insipientes maxime pagina 68. *Cap. X habet notas inutiles & ex sola obrectandi & obloquendi libidine natas*, & *Cap. XI ignorantia Capperonneriana specimina ex multis paucis*. Confundit nempe *lacus & torcularia*; *rogationes & Seta*; item ubi in priorum notis *leges* ex Digestis aut Codice citantur per nudam litteram *l*, Capperonnerius, ridiculo lapsu, inde *libr. h. e.* libros effinxit: nec non in citandis aliis autorum nominibus sæpe turpiter sese dedit. Finem Epistolæ imponunt suavissimi Hendecasyllabi, quibus fastidium severioris lectionis tandem abstergere voluit

voluit Burmannus. Et ut Epistola ipsa nitidum & fluidum (quo longe ante alios Vir Celeberrimus excellit) scribendi genus, ita numeri isti Catulliani tantam gratiam Poeticam spirant, ut legentis animum ad iterum iterumque legendum subinde invitent:

Nos, qui Virum Celeberrimum in odiosa ista re tam hilariter desisse videmus, tranquillitas ista & defæcatus animus ut propria & perpetua ipsi sint, publici commodi causa precamur. Ita certo nobis promittere poterimus, fore, ut quæ in Catalecta veterum Poetarum Vir eruditissimus meditatur, propediem publicam lucem adspiciant. Duo præterea hic addere debemus: primum, quod in Præfatione huic Epistolæ præfixa Cl. Autor contra Cæricum quædam admonuerit; deinde quod *Indicem* etiam adjunxerit rerum omnium in Epistola comprehensarum, quem hic integrum exhibere placet:

INDEX.

CAPPERONNERII *calumnia, obrektioner, ignorantia, furta, ineptia, errores &c.* pag. 1-102.

RERUM GERMANICARUM SCRIPTORES
aliquot insignes, primum Collectore JOANNE PISTORIO, Nidano, tribus Tomis in lucem producti; nunc denuo recogniti, adjectis Notis & Indice rerum, personarum ac locorum copiosissimo, Editione tertia emendatiori & locupletiori ad usus publicos redacti, curante BURCARDO GOTTHELFF STRUVIO, Ser. Ducum Sax.

& Marchionis Brandenb. Consil. Aul. Historico Saxon. & in Acad. Jen. Prof.

Tomi III.

Ratisbonæ, sumptibus Jo. Contr. Peetzii, 1726. fol.

Alph. 33 pl. 9, non computato Indice, qui adhuc expectatur.

Cum jam pridem rarefcere cœperit milissima hæc Collectio Pistoriana, cujus quidem Tomus I Francofurti 1583 & alter 1584, iterumque uterque Hanoviz 1613, tertius vero separatim sub tit. *rerum German. Scriptores VI*, Francof. 1607 & 1653, novoque

titulo: *rerum familiarumque Belgicarum Chronicon Magnum*, 1654 prodierunt; gratiæ utique debentur Celeb. *Struvio*, qui libri emendatius, quantum ob Codicum defectum fieri potuit, recu- dendi auctor exstitit typographo, & cum notulas passim, primo præsertim Tomo, addidit, tum singulis scriptoribus præmisit, quæ ad ipsos eorumque scripta pertinerent. Generatim vero operi præfatus, recenset plures rerum Germanicarum collectiones, simulque spem facit novæ, quam ipse parat, collectionis, partim ex MS, partim ex aliorum, ut A. & F. Duchesnii, Labbei, Ache- rii, Mabillonii, Baluzii, Martene & Durandi, ac reliquorum col- lectaneis, Actis item Sanctorum & similibus depromptæ, ut scilicet, quæ ad rem Germanicam spectant, e tot sumptuosis Volu- minibus conquirendi tædio supersedere Lectores possint. Jam cum publice constet, quæ in hoc opere contineantur, adeoque supervacaneum videatur, vel solos librorum titulos repetere, ea tantum commemorabimus, quæ imprimis novi Editoris curæ debentur.

TOM. I.

In *Reginone* emendando Paulum, Warnefridi filium, quem is sæpe ad verbum descripsit, & Annalistam Saxonem, nu- per ab Ill. Eccardo editum, qui veteres Reginonis Codices secutus, multa ex illo deprompsit, non infeliciter adhibuit Cl. Editor, qui & in illo notis suis illustrando præcipuam operam posuit. *Hermannum Contractum* Noster ex editione Urstisiana & Canisiana, quæ & Tomo XI Bibliothecæ Patrum Colonienfis inserta est, & emendatiorem & locupletiozem dedit. *Lamberto Schaffnabur- gensi*, septies antea edito, & *Mariano Scoto*, seu potius Hiberno, notas hic illic addidisse satis habuit. In *Sigeberto Gemblacensi* exor- nando nihil omisissus, multa in textum Pistorianum recepit ex editione septima, quam Aubertus Miræus e Codice Gemblacensi procuravit A. 1608 Antverpiæ, sed aliis litteris expressa, & præter continuationem *Roberti de Monte*, quam & Pistorius dederat, ex Miræi editione addidit auctaria *Anselmi Gemblacensis*, tum & alia, *Gemblacense* scilicet, *Affligemense* & *Aquicinctinum*, ut & appendicem *Samsonis* Rhemenfis Archiep. Quod vero Sigeber- tum hunc cum reliquis inter Miræi Opera Bruxellis nuper (1723 duobus Voluminibus in fol.) editis iterum prodiisse existimat Cel. Editor, in eo quidem falli videtur, cum Volumen I præter codi-
cem

cem Donationum piarum, Diplomatum Belg. Libros II, Donationum Belg. Libros II & Notitiam Ecclesiarum Belgii, nihil contineat, & Tomus II solis diplomatum Supplementis repletus sit, a Jo. Franc. Foppens singulari studio collectis: num autem cetera quoque Miræi Opera denuo expectanda sint, adhuc in incerto est. Impsimis novam hic lucem sceneratus est Noster *Epitoma Siffridi Presbyteri*, additis quippe ex tribus Codicibus, quorum unus nitide scriptus in membrana, qui olim monasterii S. Jacobi in Pegavia fuit, nunc in Bibliotheca nostra Paulina exstantibus, variis lectionibus & supplementis, alio tamen characterē distinctis; quæ se debere Cl. Jo. Burch. Menckenio nostro (qui ea suæ Scriptorum Germ. præcipue Saxon. & Misn. Collectioni, quæ nuperrime prelo subijci cœpit, destinaverat) gratus proficitur. *Pauli Langii* Chronicon Citicense prorsus recusum ad Pistorii exemplum pauculisque notis instructum prodit, cujus cum Codicem satis vetustum exstare in Bibliotheca Guelferbytana nobis constet, ejus forte collationes sibi comparabit Menckenius noster & Collectioni suæ inseret, quæ & ejusdem *Langii* Chronicon Numburgense, nondum editum, exhibebit. Dum *Anonymi Erpbesfordiensis* Historiam de Landgraviis Thuringiæ producit, Historiam Thuringiacam variis notis illustrat, simulque ad Codicem Bibliothecæ Academicæ Jenensis provocat, & demonstrat, eam neūtiqum convenire eum altera illa de ortu Landgraviorum Thuringiæ, ab Eccardo in Historia Geneal. Principum Sax. sup. edita, uti hic quidem existimaverat, qui auctiorem saltem & emendatiorem dixerat Pistoriana editione.

De *Gotfridi Viterbiensis* Chronico, quod quia de Principibus, Tom. II. qui Dii dicuntur, agit, Pantheon inscripsit autor, Conradi III, Friderici I & Henrici VI Capellanus, præclare meriti sunt duumviri studio in litteratos & bonas litteras illustres, Godofridus Thomasius & Jo. David Köhlerus, qui magnæ molis Codicem in Bibliotheca Noribergensi publicæ accurate conferre dignati sunt. *Hulderici Mutii* Chronico nihil novi accessit.

Nec *Magnum Chronicon Belgicum* novam lucem accepit, nisi ubi Cl. Autor ex ingenio loca nonnulla emendavit, aut notas, quamvis breviores, adjecit. In *Wipponis* Vita Conradi Salici nihil muta-

III.

mutatum: quod vero ad *Antiquitates* seu *Traditiones Fuldenses*, retinuit eas quidem Editor eo ordine, quo Pistorius vulgaverat, passim vero ex nova editione Traditionum harum, a Clar. Jo. Frid. Schannat ante biennium edita & ad autographa revisa, emendavit & supplevit, observans simul, quod, licet Schannati corpus multo plenius sit, essent tamen etiam apud Pistorium documenta nonnulla, quæ ille omiserit. *Chronicon Augustanum ecclesiasticum*, quod sub *Sigismundi*, Religiosi, nomine Pistorius edidit, quodque Voslius postea Sigismundo Grossenprot & Udalrico sociis adscripserat, Noster, autoritate solertissimi rerum German. indagatoris, Bernh. Petzii, *Sigismundo Meisterlein*, qui vulgo dictus *Magister*; itemque *Chronicon Constantiense* *Jacobo Manlio* ejusque continuatori *Merckio* vindicat. Accessit postremo Index longe copiosissimus, quem debemus industriæ singulari V. C. *Christiani Gottlieb Buderii*, Bibliothecæ Academicæ Jenensis Præfeci.

VETERUM SCRIPTORUM, QUI CÆSARUM & Imperat. Germanicorum res per aliquot sæcula gestas litteris mandarunt, Tomus unus, a JUSTO REUBERO olim editus; nova hac editione diligenter recognitus & luculentis Accessionibus auctus, curante GEORGIO CHRISTIANO JOANNIS.

Francof. ad Mœn. impensis Viduæ J. M. a Sande, 1726, fol.

Alph. 15 pl. 19.

Opportune Pistorio jungimus Reuberum, cujus Scriptores primum Francofurti ad Mœnum 1584, rursusque Hanovix 1619 editi, paucorum in manibus fuere hætenus adeo, ut jam pridem Typographus noster excitaverit Celeb. Jctum, Immanuellem Weberum, ad novam operis editionem adornandam, qui cum gravioribus negotiis indies magis distineretur, tandem Cl. Editori nostro demandata est hæc provincia, quam tanta felicitate explevit, ut & conquistis rite subsidiis omnibus, Reuberianos Scriptores egregie illustraverit, & insertis Scriptoris aliis, non minori

minori raritate commendabilibus, Collectionem illam nobis dedit duplo auctiorem. Post præfationem, in qua generatim de instituto agit, vitam Reuberi satis luculenter exposuit novus Editor, hoc magis lectu dignam, quo rarius tanti Viri mentionem fecere biographi. Accessere vero ceteris, jam antea in hac Collectione contentis, p. 399 *Boamundi*, Principis Antiochiæ, ceterorumque Sacri belli Ducum Epistola ad Urbanum II; p. 403 *Anonymi* narratio brevis de electione Lotharii Saxonis, e nuperis Pezii & Eccardi Collectionibus repetita; p. 743 *FridERICI II, Manfredi, Conradus IV & Henrici* Regis Epistolæ, e Steph. Baluzii Miscellan. Tomo I; p. 795 *Nicolai* Episc. Botrontin. Relatio de itinere Henrici VII Italico ad Clementem IV, ex ejusdem Baluzii Vitis Pontif. Avenion. p. 953 *Anonymi* gesta Balduini, Comitis Lucemburg. Archiep. Trevir. & Henrici Imp. Germani ipsius, e Baluzii Miscell. Tomo I; p. 833 *Albertini Muffati* Historia Henrici VII, & p. 989 ejusdem Ludovicus IV seu Bavarus, cum Commentatoribus, ex Operibus Muffati Venet. 1636 fol. editis, hæctenus rarissimis. Præstitit tamen & in ceteris, quantum potuit. Ita in *Eginhardo* secutus quidem est editionem *Reuberi*, in fine tamen operis Schminckianæ editionis, quippe optimæ, varias lectiones in peculiarem recensum redegit, quo loco etiam paginarum hujus & prioris editionis collationem in gratiam eruditorum attexit. *Astronomi*, quem Reuberus vocat, Annalibus, ab aliis ipsi *Eginhardo*, rursusque ab aliis *Laureshamensi* cuidam, Monacho adscriptis, varias lectiones editionis *Duchessii* præstantissimæ, & Cod. MS. Caselani, e Bibl. Uffenbachiana depromptas, in margine adscripsit. *Pseudo-Turpini* Capiti XXXI & XXXII attexit Supplementa e *Lambecii* Comm. Bibl. Vindob. Lib. II C. V §. 21 p. 334 & 336. *Luitprandi* rerum ab Europæ Imp. & Regibus gestarum Libros VI, quos rectius Historias sui temporis vocaveris, ad *Duchessii* editionem recognovit, eleganter de ejus vita & rebus gestis præfatus. *Hrotsvithæ* Panegyrii Otthonis I cum *Schurzleischii* Jun. editione contulit, cujus pariter ac *Henr. Meibomii* notas præcipuas adjecit. Ut prætereamus *Anonymos* de vita *Henrici IV*, & ejusdem bello Saxonico, Oratorem alterum, alterum Poetam, ipsiusque *Henrici* Epistolas aliquot, quibus parum habuit, quod

adderet Cl. Editor, *Roberti* Monachi de Christianorum contra Saracenos bello A 1696 suscepto Historiam secundum Bongarsii editionem, Reuberiana longe emendatiorem, edidit, eique Casp. Barthii notas ex Ill. Ludewigi Reliquiar. Tomo III adjecit, addita nunc quoque *Boamundi* Epistola supra memorata. *Gualteri*, Poetæ, Ligurino, ad Rittershusii editionem recuso, addidit præter Spiegelianas notas, jam olim a Reubero vulgatas, tum Rittershusianas, partim jam editas, partim exemplo ejus adscriptas & a Conf. E. G. Rinckio liberaliter communicatas, tum Barthianas, quas Noster Cl. Felleri debet, cujus nuper defuncti Elogium modo Supplem. T. IX Sect. III inseruimus. Chronico rerum Moguntiacarum, quod Noster Christiano II Archiep. Mog. jam nuper in editione Scriptorum Mogunt. quibus illud T. II intulerat, vindicaverat, eadem, ut illic, ratione excusum compareret. *Conr. Vercii* vitæ Henrici VII notulæ quædam ex Ofio & Pignorio excerptæ accesserunt, quæ ad errores auctoris, qui nihil fere aliud egit, quam quod Jo. Villani Italica Latinitate donavit, confellendos faciunt. Tacemus postremum Voluminis opus, *Ricardi Bartholini* Ausrriados Libros XII, hic denuo cum doctis Spiegelii notis recusum. Ceterum & ipse Cl. Editor notulas subinde, quamvis rarius, adlevit, nihilque omisit, dum singulis Scriptoribus præfatus est, quod ad eorum vitam & scripta pertineret. Ceterum non sine dolore nuntiamus, coorto nuper Francofurti ad Mœnum incendio omnia pœne operis hujus exempla, præter illa, quæ superioribus nundinis in eruditorum manus pervenere, æque ac Cl. Editor nostri Scriptores Moguntinos, paulo ante memoratos, qui ex eadem officina prodierunt, igne absumpta fuisse, adeo, ut librum hunc non minoris, quam antehac, raritatis deinceps futurum, vix dubitemus.

JO. PETRI DE LUDEWIG, FCTI, FRIDERICIANÆ Cancellarii, Reliquiæ Manuscriptorum omnis ævi Diplomatum ac Monumentorum ineditorum adhuc.

Tomus VII.

Fran-

• Francofurti & Lipsiæ, 1726, 8.

Alph. 2 plag. æn. 7.

CUM Ill. Autor tum itineribus variis jussu Potent. Regis Borus-
liæ faciendis, tum ejusdem Regis juribus, præsertim quod
ad præbendas scholastici in usum Academiarum transferendas
attinet, tuendis, occupatus, laborem hunc inde ab A. 1723 inter-
mittere coactus fuerit, jam tandem eum denuo aggreditur, &
hac occasione in præfatione non solum rationem reddit itinerum,
verum & quæstionem illam de præbendis & canonicatibus fufe sa-
tis expendit, eosque Academiis vindicat; præterea vero quid in
hoc Tomo a se præstitum fuerit, declarat, quod, ceteris brevita-
tis causa omisissis, paucis hoc loco indicare non gravabimur. Ex-
hibetur vero I *Diplomatarium Ludovicianum* ab A. 1330 ad 1345,
quo multa continentur in curia Electorali Brandenburgica sub Lu-
dovico, Ludovici IV Bavari Imp. filio, gesta. Ex eo Noster obser-
vat, Marchiz urbium cives plerisque jura nobilitatis consecutos;
Comitem Hennebergensem fuisse vicarium Marchiz; fœdus re-
ciprocum inter Principem & aliquos ex nobilitate factum, hodie
vix habiturum fidem, & quæ sunt alia. II *Codex Legum Normannica-
rum*, descriptus e membrana, quæ olim Petri Pithœi fuit, a No-
stro e Bibliotheca Nic. Josephi Foucault comparata. Eo hæcenus
non sine gravissimo Jurisprudentiæ damno caruisse cives nostros,
existimat Editor, qui & in notis subjectis, præterquam quod bar-
bara vocabula diligenter explicat, de Cangiani Glossarii defectu
multum conquestus, passim differentias Juris Normannici a Ro-
mano, & contra pulcherrimos ejus cum Germanico & Septentri-
onali omni concentus ostendit. Docet vero, hunc Interpre-
tem Latinum vixisse circa A. 1250, eoque magis æstimandum pu-
tat, quod leges hæc toties Gallice impressæ, nunquam tamen hæc-
enus Latine, quod sciat, prodierint. III *Diplomatarium Halberstadi-
ensis Episcopatus ab A. 966 ad 1400*. Etsi vero authentica dare non pos-
set, dedit tamen L. diplomata speciminis instar, e Codice diplo-
matico, mille diplomata complexo ac circa finem Seculi XV
compilato, deprompta. Patet autem ex ipso Codice, Adolphum
Imp. adeo pronum fuisse erga Episc. Halberstadiensem, ut in-
numera fere Diplomata uno eodemque die scil. quinto Idus Julii

Præf
P. 44.
45
46

p. 68.

A. 1295 ipsi confirmaverit. In his diplomatibus merito observamus cum III. Editore, Henricum se dicere numero *secundum* Imperatorem, sed *tertium* Regem, computato Henrico Aucapē; Halberstadiense capitulum jam A. 974 accepisse ab Imp. jus eligendi ac postulandi sibi Episcopum; monetandi jura Halberstadiensi tributa privative; Marchias quasdam ejusdem fuisse subfeuda; Alstedensem Palatinatum cum omnibus juribus, honoribus & jurisdictionibus A. 1323 fuisse penes Comites Mansfeldenses, ut cetera omittamus. IV *Aurea bulla Friderici II Imp. A. 1232*, quam post editiones Schilteri & Heineccii, nunc demum integram & incorruptam e Tabulario urbano Halensi producit Noster & Commentariolo illustrat varia eruditione conspicuo. Sed nos, his prætermisiss, paulum hærebimus in dissertatione Autoris, quæ in Appendice exstat, *de aquila bicipite, cujus origo vindicatur Brandenburgico Marchionatui*, cui accessit denique *Recessio nummorum, potissimum Brandenburgicorum*. Uti vero mille veritates, nulli ante cognitæ, protulisse se in lucem non diffitetur, idque & in omni litterarum genere, & in causis præcipue tangentibus jura & gloriam domus Brandenburgicæ, ita gaudet in sinu, se rursus consecutum esse aliquid rationibus, quod juris publici & historici interpretes fugiebat adhuc. Probat nimirum, aquilam bicipitem, jam pridem in Brandenburgicorum nummis conspicuam, a Wenceslao & imprinīs Sigismundo Electore Brand. in sigillum Imperatoris primum fuisse receptam, atque ita reliquis Imperatoribus omnibus in signe Imperii fuisse, conjicitque, Noribergenses Burgravios, Marchiæ A. 1417 redemptores, religioni habuisse, bicipiti porro aquila uti, ne Brandenburgicum in signe idem sit ac Imperiale; unde conficit, Brandenburgicis adhuc jus esse recipiendæ aquilæ bicipitis, quæ ipsis tantum non propria olim fuerit.

561.

562

564

Docet vero, Marchias olim, nunc duas, veterem & novam, nunc tres vel quatuor, computata media, aut Ukaria, aut utraque, totidem symbolis, scutis, lunulis, stellulis, liliis, orbiculis, crucibus, trifoliis, tærriculis, præsertim vero aquilis, fuisse designatas in nummis aliisque monumentis. Ita, ut de aquilis specimina afferamus, quatuor aquilæ in totidem scutis exhibentur

tur

tur in Fig. 1, totidemque aquilarum capita combinata in Fig. 2; Fig. 1, 2, 3.
tum biceps aquila in Fig. 3, quæ & in altera facie Marchionem ideo
sistit duos gladios manu utraque tenentem, ut duæ pariter his
symbolis Marchiæ, omiſſis reliquis, quæ forte, ut sæpe factum,
oppignoratæ tum fuere, indicentur: cum qua etiam, quod ad
aquilam, conferendæ sunt Fig. 4 & 5. Fig. 4, 5.
Hinc imitatos Noster putat Imperatores, Marchionatus Brandenburgici Dominos, pri-
stinum morem, & Carolum IV quidem utriusque solii lateri aqui-
lam apposuisse, (quemadmodum & Brandenburgici turriculam
aliave symbola ab utraque parte aquila cingebant,) Wenceslaum
vero primum bicipiti aquila in averſa sigilli Imperialis uſum, ex-
emplo e Magdeburgico tabulario principali producto in Fig. 6; Fig. 6.
quam deinde Sigismundus Elector Brandenb. & poſtea Imp Fri-
dericus V ac reliqui Imperatores omnes retinuerunt. Etſi vero Vil-
laneus, Strada alique in antiquioribus nummis, qui aliis habentur
pro ſuppoſitiſ, aquilam bicipitem agnoſcant, nunc Jul. Cz. nunc
Conſtantino M. nunc Carolo M. aſſerendam, & Freſneus eam in
Byzantinorum nummis, quamvis non ſine hæſitatione, deprehen-
diſſe viſus ſit, ipſosque Ruſſorum Czaros jam a multis ſæculis aqui-
lam bicipitem, inſtar ſymboli Byzantini, ad conſervandam ſucces-
ſionis ſpem adhibuiſſe, recentiores tradant; nemini tamen veriſi-
mile putat Noster, Brandenburgicos Imperatores, ſtirpis Lucem-
burgenſis, hunc morem utendi aquila bicipite inde potius, quam
a majoribus ſuis mutuaviſſe. Quæ de aquila bicipite in Africa nu-
per, ut fama habet, reperta, de aquila item concorporata, de bi-
cipiti Regibus Rom. æque ac Imp. vindicata, de tricipiti item &
quadrifiſda &c. addit Ill. Autor, nihil moramur: potius ex *recen-
ſione nummorum* duos reliquis addere lubet. Ex Ottonis nimirum
Brandenburgici nummis pluribus in Fig. 7 eum producimus, Fig. 7.
qui in averſa Ottonem ſiſtit, in unaquaque manu literam T
monſtrantem, ſuppoſita utrinque litera O; ubi putat Noster,
hunc Marchionem ſati inſtar habuiſſe, quod nominis ſui quatuor
elementa *Otto* reſponderent numeris quatuor Marchiarum Bran-
denburgicarum. Alter eſt Bernhardi Ducis Saxoniz A. 1170, ſtir-
pis Brandenburgicæ, in Fig. 8, de quo ita loquitur Ill. Autor: „Non
eſt, quare ſe torqueant huc & illuc Antores in legendis elementis

„BEEA five BERA. Nam penultima litera five R fit five E,
 „perinde est: quia clarum est siglum, quod notare debet nomen
 „BERnArdi aut BERNEArdi. Cum autem tertia litera ductibus
 „non respondeat secundæ, vel sculptor erravit, vel Lector, con-
 „vertitque R in E. Lepidis ergo conjecturis non est opus, qua fa-
 „cere hunc Ducem volunt *equitem Anhaltinum*, quod rationi ac
 „ævo est inconcinnum.”

SIMONIS FRIDERICI HAHNII, S. R. MAJ.
 Britannicæ Consiliarii, ejusdemque & universæ Domus Se-
 reniss. Brunsvico-Luneb. Historiographi ac Bibl. Reg.
 Hanov. Præfeti, Collectio Monumentorum
 veterum & recentium,

Tomus II.

Brunsvigæ, ex officina Frid. Wilh. Meyeri, 1726, 8.

Alph. 2 pl. 12.

CUM de primo hujus Operis Tomo, qui adhuc inedita fere con-
 tinet, prolixius dictum sit in Actis Er. Anni superioris p.
 214 sq. nunc in secundo hoc recensendo eo breviores esse possu-
 mus, quod pleraque continet jam antea edita. Primum locum
 occupat *Responsio Georgii Tyskiewicz Soc. Jes. ad libellum famosum*
cujusdam Anonymi Thorunensis: Patrocinium Veritatis Literarum
 Thorunensium *falso inscriptum*; quem librum, non inelegan-
 tem quidem, at in Thorunenses & religionem nostram admo-
 dum acerbum ac virulentum, olim Cracoviæ A. 1615 inpressum,
 hoc tempore recoctum esse, nescimus an valde gavisuri sint Tho-
 runenses. Nec ipse Cl. Editor illum probat, saltem ideo recudit,
 ut de primordiis collegii Jesuitici Thorunensis rectius constet.
 Sequitur II *Mich. O. Wexionii Epitome Descriptionis Sueciæ, Gothiæ,*
Fenningiæ &c. Aboæ 1650, 8 edita, quæ, sive quod loco a nostris
 oris valde remoto prodiit, sive quod Autor (quem Smolandia
 oriundum, Juris Professore Aboensem, post Assessorem Tribu-
 nalis Regii ibidem fuisse ac inter nobiles relatum, nomen *Gylden-*
stolpe adscivisse testatur Schefferus in Suec. litter. p. 151) arcana
 quæ-

quædam Sueciz effutiisse visus est, hætenus utique fuit rarissima. Post interposito III, errore typographi, brevi sed eximio scripto vernaculo *de reformatione Magdeburgi*, ibidem 1524 a *Wolff Cycloff*, Med. D. & religionis purioris acerrimo defensore, edito, succedit IV ejusdem *Wexionii Rota fortune*, Aboz 1647 edita, quæ plerumque Epitomiz illi accedere solet, non minori raritate commendabilis. V *Monachi Sangallensis Vita Caroli M.* e membrana Obrechtiana longe nunc auctius, quam vel in Canisiana, vel Duchesniana editione hætenus comparuit, vulgata. VI *Ordinatio Judicii Vehmici seu Westphalici* vernacula, e Codice Academiz Juliz desumpta, & adhuc inedita. VII *Chronicon Comitum Cillejensium*, ut & brevius *Salisburgense*, utrumque vernaculum, cum brevi *Consilio*, satis quidem vetusto, *de electione Episcopi Pataviensis* (non Passaviensis, ut est in titulo p. 775) quæ omnia se debere III. *Christiano Wilb. ab Eyben*, Sereniss. Ducis Ebor. & Osnabr. Episcopi supremo Status Ministro, gratus proficitur. Denique adduntur VIII *Consultatio & Conjectura* quædam *politica*, ad bellitricennalis historiam spectantes, & incerto autore ad Nostrum perlatæ, quas cum Cl. Editor vel *Camerario* vel *Rusdorffo* deberi conjectat, non multum a veritate aberrat; quodsi enim evolverit *Rusdorffii* Consilia, superiori Mense a nobis recensita, *Consultationem de mediis restaurandi res in Europa collapsas* deprehendet a p. 137 ad 180, Conjecturas vero a p. 115 ad 134, facile observabit, scripta hæc prolegomenis aucta & emendatiora inter Consilia illa junctim edita jam prodiiisse.

JO. ALBERTI FABRICII S. S. THEOL.

D. Prof. Publ. & hoc anno Gymnasii Rectoris,
Bibliotheca Græca.

Volumen XIII.

Hamburgi, sumptu Theod. Christoph. Felgineri, 1726, 4.

Alph 4 pl 18.

Merito stadii ad calcem jam sibi decursum esse gaudet S. R. Auditor, neque minus ipsi de hac felicitate gratulatur Orbis eruditus: neque enim præter mantissam Iudicium & Supplementorum,

rum, quorum multam & non contemnendam copiam in mundo habet, & de Scriptoribus dubiis & supposititiis diatribam, quicquam ad complendam hanc Bibliothecam expectandum esse, ipse disertè indicat. Cum vero Volumine XII nondum absolverit, quæ de Medicis dicenda essent, nunc Capite IX sistit Indicem Scriptorum 1 a *Theophrasto*, & 2 a *Prisciano* Lydo in paraphrasi in Theophrastum de sensu & phantasia citatorum; 3 agit de *Nicolaso Myrepso*, Alexandrino Medico, & Indicem subnectit eorum, quorum medicamenta ab illo referuntur; 4 Elenchum exhibet Medicorum veterum, præcipue eorum, quorum scripta desiderantur, vel de quibus mentio in priscis monumentis occurrit, quo non modo prolixius commentatur de Medicis nonnullis, ut *Acesia*, *Achille*, *Acrone*, *Æmilio Macro*, *Adromacho Sen.* & *Jun. Ant. Musa*, *Asclepiade*, *Chirone*, *Chrylippo*, *Diagora*, *Erasistrato*, *Galeno*, *Hermogene*, *Herophilo*, *Hippocrate* *Coo*, *Joanne Damasceno*, *Marcello Sidete*, *Menecrate Syracusano*, *Mithridate*, *Nicomede Smyrno*, *Plinio*, *Sexto Chæroneo*, *Vindiciano*, *Xenocrate*, aliis; verum & inserit subinde scripta integra, ut p. 259 *Johannis Leonis* de viris quibusdam illustribus apud Arabes libellum, ex editione Tigurina 1664 repetitum; p. 317 *Marcelli Sidete* de Medicina & piscibus fragmentum, ex versione metrica *Fed. Morelli*; p. 395 *Sexti Chæron*. Philosophi *Platonici*, librum de medicina ex animalibus, e rara *Andr. Rivini* editione; p. 546 *Vindiciani* Carmen Latinum de Medicina, quod ab aliis *Sereno Sammonico*, ab aliis *Marcello Empirico* tribuitur; ut & p. 448 ejusdem *Vindiciani* Epistolam ad *Valentinianum Imp.* In his rereferendis non diffitetur *Cl. Autor*, se usum esse imprimis opera *Andree Tiraquelli*, qui in Libro erudito de Nobilitate Syllogem Medicorum Veterum dederat non inelegantem. Clauduit opus Caput X, de Collectionibus omnis generis Scriptorum Græcorum junctim excusorum. Ex his eas memorare hic lubet (omnes enim repetere non patitur institutum nostrum) quæ in periodum, qua Acta nostra condere instituímus, incidunt, neque tamen a nobis vel visæ hæctenus sunt, vel recensitæ. Sunt vero: *Joannis Patusa*, Atheniensis, *ἐγκυκλοπαιδεία φιλολογικὴ*, Græce, Venet. 1710, quatuor Volumin. in 8, quo libro varia scripta minora eaque

eaque e quamplurimis Veterum Græcorum scriptis studio selecta continentur; *Jo. Jac. Schudt* Fasciculus Græcus, in usum fere tyronum congestus, Francof. 1702, 8; *Hier. Freyeri* Fasciculus Poem. Gr. Halæ 1715, 8; Τῶν ἐκκλησιαστικῶν ἐπιστολῶν Ἀνθολογία καὶ τῶν σοφῶν ἀποφθεγμαῖα, Patavii 1710 forma minori; Græcarum sententiarum Centuriæ, cum vers. *Haquini Spole*, Upsalix 1712, 8; Ποικίλη ἱστορία, cum not. & vers. *Joannis Uptoni*, Lond. 1701, 8; *Jos. Maria Tomassii* Institutiones Theol. antiquorum Patrum, tribus Voll. Romæ 1709, 1710 & 1712 in 8 editæ. Ceterum huic quoque Capiti quædam non ubivis obvia leguntur inspersa, nimirum p. 468 *Phil. Melanchthonis* Epistola Gr. ad Patriarcham CPtanum; p. 479 Salutandi formæ, quibus nostra ætate Græci utuntur, a *Josepbo Wasse* Londini 1724, 4 vulgatæ; p. 500 *Ant. Eparobi* Epistola Græca ad Melanchthonem lectu digna, cum catalogo operum omnium Joach. Camerarii; a p. 544 ad 604 *An.* definitiones Gr. Lat. Altercatio Hadriani Aug. & Epicteti Philos. *Secundi* Philosophi Sententiæ Gr. Lat. *Joannis Pediasimi* desiderium Gr. Lat. Disputatio Pippini cum Albino Scholastico; *Nicarii* Interrogationes & responsiones; Responso Sapientum e *Plutarcho*; *Frid. Lindembrogii* variarum Quæstionum Centuria, & *Antonii Chapuis* Quæstiones & respons. Gallice, ex ejus libro *Description de la Limagne d'Auvergne* excerptæ; denique p. 648 *Theophili Corydalei*, cognomento *Theodosii*, Tractatus Rhetoricus, Græce antea Lond. 1625, 8 editus, nunc etiam Latina versione instructus. Nihil addimus, præterquam quod serio optamus, omnem a Typographo lapidem moveri, ut operi elucubratisimo, in quo multa Cel. Autor pro summa ingenii ubertate, arrepta vel levi occasione, inspersit notatu digna, (quo pertinent e. g. Virorum eruditorum nomina, vitæ, dies emortuales & similia) accedat Index locupletissimus, qui si satisfacere Lectori debeat, facile integrum, nec leve, Volumen occupabit.

SERMONES IN PRIMO SOLENNI ACADEMIÆ Scientiarum Imperialis conventu die XXVII
Decembris anni MDCCXXV publi-
ce recitati.

Y y

Pe-

Petropoli, sumtibus Academiæ Scientiarum, 1726, 4.

Plag. 15.

ECce Tibi primitias illustrissimæ Academiæ Scientiarum Petropolitanz, a *Petro Magno*, Russorum Monarcha, ad scientiam & artem promovendam fundatæ & auspiciis augustissimæ Conjugis *Catharina*, totius Russiæ & Provinciarum ejus Autocratoris, ad præsentem, quo floret, statum perductæ. Inter leges, quibus Augusta Protectrix Academiam suam regit, id officii Academicis injungitur, ut, pro excolendis communi consilio & cura scientiis, bina quovis octiduo vice omnes conveniant, partim ut destinationes & commentationes suas Sociorum judiciis exponant, partim ut communicatis invicem sententiis si quid de argumento disquisitioni exposito utile vel eximium cognoverint, Sodalium suorum cogitata suppleant, emendent vel confirment. Iisdem legibus institutum est, ut ternos quotannis congressus publicos & solennes celebret Societas. Primus qui ob impedimenta die *S. Catharina* festo celebrari non poterat, tertio Nativitatis Christi festo, die 27 Dec. A. 1725 styl. vet. fuit institutus. Interfuerunt Serenissimus Dux Holsatiæ, *Carolus Fridericus*, summi Gentis *Ruthenæ* Proceres, Viri ex Senatu, Synodo, aula & reliquis imperii collegiis præcipui, exterorum regnorum Administri & ad Augustam Legati. Vir celeberrimus, *Georgius Bernbardus Bülsfinger*, Physicæ experimentalis & theoreticæ Professor, duplicem recitavit sermonem. Primo docte ac eleganter enarrat, quæ litterarum a primis in Europa initiis ad usque Academiæ Scientiarum fuerint fata, quid sit Academia Scientiarum, quæ illius curæ, qui usus, quæ circa illas Fundatorum gloria. Altero specimen destinationum methodique in Scientiis versandi exhibet, acute disquirens, an jam eos in theoria magnetica progressus eruditi fecerint, ut sufficientem nautico scopo solutionem difficillimi de invenienda locorum longitudine problematis inde liceat repetere.

In primo igitur Sermone Vir doctissimus scientiarum fata in sex distribuit periodos, eosdemque suis discernit criteriis ac meritis. Primam tribuit famosis Græciæ sapientibus, quos tenuibus initiis & ambiguis progressibus usos vix modestiori quam Philosopho-

ſophorum nomine appellari poſſe cenſet. Alteram conſtituit in illo tempore, quo Philoſophi Scholas aperuere, veluti *Pythagoras* in Italia, *Anaxagoras* Athenis. Reprehendit autem, quod gloriæ magis, quam veritati ſtudentes, quibuscunque poterant artibus, ſectam augere & evehere ſuam, detrachere ceteris conſiſi ſunt. Tertiã periodum orditur, ubi imperantes ſuas ſcientiis curas & patrocinium indulſere & Academix inſtitutæ, veluti ſeculo ſeptimo *Cantabrigienſis*, octavo *Parifina*, nono *Tholoſana*, *Papienſis* & *Oxonienſis*. Quartam reſert ad ea tempora, ubi *Galiæus*, *Kepplerus*, *Carteſius* ſcientiarum pomeria extendere cœperunt. Quintam periodum vocat, quando in ſocietates litteratas privata autoritate coivere viſi eruditi, veluti apud *Merſennum* jam ab anno 1600 *Giſſendus*, *Carteſius*, *Hobbeſius*, *Robervallius*, *Paſſibalis* uterque, *Blondellus* aliique, deinde apud *Monmortium* & *Thevenotium* in Gallia, & ſub ſine dominationis *Cromwellianæ* Oxonii in Anglia. Sexta denique periodus Noſtro eſt, quo publica Imperantium autoritate poſt Academiam *Florentinam* a Magno Hetruriz Duce fundatam, Societates Scientiarum erectæ, veluti a *Carolo II* Anglicana, a *Ludovico M.* Parifina, a *Friderico* Boruſſica, a *Petro M.* & *Catharina* Petropolitana. Delabitur ita Orator ad Academias Scientiarum delineandas. Denotat hoc nomine collegium, quod diviſa inter plures, ſed communi conſilio agentes, opera perficiendis propagandisque & applicandis ad uſum ſcientiis pro cujuſque diſciplinæ genio ſeriam conſtanteſque curam impendit. Neceſſitatem iſtiusmodi Collegiorum probat inde, quod ob infinitam rerum in diſciplinis omnibus multitudinem earundemque diverſitatem unus non ſufficiat omnibus, quodque ſcientiarum cultura commune conſilium poſtulet. Officia enumerat, ſcientias perficere, propagare & ad uſus plurimos applicare. Inter iſtas poſſimum collocat *mathematicas*, *phyſicas* atque *morales* & iſdem jungit *humaniores litteras*, quæ ſæpe emolumento, ſemper ornamento ſint eruditæ. Prolixum nimis foret recenſere ſingula, quæ de ſingulis iſtis officiis pererudite ac utiliter monet. Excurrit deinde in uſus ſcientiarum deprædicandos & ſolide reſellit nonnullorum obrectatorum commentum, quaſi inventa generi humano utilia caſui debeantur, non ingenio ac induſtriæ.

dustrix. Semovet quoque alterum, quod in scientias vibratur opprobrium, non minore dexteritate, quasi speculationes sint steriles, quibus plerumque hodie indulgent excelsiora ingenia. Laudat deinde subsidia, quibus Academia ad excolendas scientias instructa. Augusta Nutrix & Protectrix dedit ipsi Præsidem, Virum illustrem, *Laurentium Blumentrost*, Medicum suum primum, cujus tantam in sublimiori eruditione peritiam experta est Academia, ut, si nulla etiam auctoritate emineret, consilio tamen & exemplo suo omnes sodales in planissimos ad veritatem feliciter inveniendam tramites certissime deduceret. Etsi autem de se modestius sentiat Orator, cui Physicæ excolendæ provincia demandata, ceteris tamen scientiis excolendis admotos esse prædicat primi ordinis eruditos, adulta partim, partim nascente gloria plurimum spectabiles. Munificentia *Petri* fundatoris præfesto est Bibliotheca numero æque & selectu commendabilis, Musæum rarioribus ex omni terrarum ambitu naturalibus refertissimum, instrumentorum arte & magnificentia spectabilium locuples apparatus, omnis generis numismatum & antiquitatum rara collectio, pro re Anatomica Thesaurus *Russchii* artifice dignus. Facit Augusta Protectrix, ut omnia quotidie exsplendescant amplius & Cl. *Schumacher*, Bibliothecario, in dijudicandis libris melioribus intelligenti, in colligendis felici, in communicandis humaniter officioso eam demandavit curam, ut omnia pateant Academix usibus. Id nempe egit *Petrus M.* ut in Academix institutione se sibi; id agit *Catharina*, Imperii hæres, ut in ejus perfectione se *Petro* similem ostenderit. Postquam mente attonita heroica *Petri* atque *Catharina* facta & animum fuit veneratus, laudibus magnificis extollit, suo & collegarum nomine, quod a Russo ad aulam Borussicam Legato *Alexandro Golewkio* fuerint compellati honorifice ac perhumaniter; quod, ubi Petropolin venere, Clementissima Academix Nutrix maximis gratiæ testificationibus ipsos dignata fuerit & omnia peregerit, quæ litteratorum bono vel optari possint; quod Præsidem dederit societati & scientiis optatissimum, terna illa, quæ Præsidem faciat, virtute instructissimum, scientiis nempe solidioribus, humanitate facili & gratiose apud Protectricem accessu: id quod ingentis beneficii loco

loco habet Academia, ut Augustæ ideo ex voluntate Societatis publicas gratias agat Orator.

In altero sermone tria capita expendit Vir eruditionis singularis. Primo genuinam de longitudinum problemate, de scopo quæstionis & necessaria solutioni exactitudine ideam exponit; secundo indicat, quousque theoriâ magneticâ eruditi promoverint, annotando phænomena & illorum causas divinando: tertio expendit, an illa, qualis nunc est, scopo longitudinum antea exposito sufficiat & quibus modis eo deveniendum sit, ut certi reddamur, quod proposita difficilis quæstio solutionem ex magneticis sufficientem expectare aliquando vel possit vel non possit. Acum magneticam vel A. 1260 ex China in Europam per *Paulum Venetum* delatam esse ait, vel A. 1300 a *Joanne Goja*, Neapolitano, inventam. Declinationem, *Thevenotio* referente, jam A. 1269 observasse *Petrum Adfigerium*, aliis idem inventum vel *Gonzalio de Oviedo*, vel *Sabastiano Chabotio*, vel *Roberto* cuidam *Normanno* vindicantibus. Ejus variationes eas hæcenus deprehensas, ut nihil inconstantæ possibilis cogitari possit, cui illa non sit obnoxia. Eodem Telluris loco, sed diverso tempore, esse majorem illam, vel minorem, vel omnino nullam. Vergere acum non in easdem semper plagas, sed postquam deflexerat in orientem, verti deinceps in occidentem. In diversis locis eodem tempore discrepare declinationem, alibi nullam esse, alibi orientalem, alibi occidentalem, alibi pauciorum, alibi plurium circuli graduum. In ista variatione nullam hucusque liquidam esse legem. Aliquando acum complures videri brevi tempore gradus percurrere, aliquando pauciores; aliquando in medio ex maxima declinatione ad rectitudinem regressu tardius moveri, aut omnino consistere, postea velocius perrecturum antegressam tarditatem succedente nunc celeritate compensare. Nullam hæcenus declinationis variationem respectu temporis erui potuisse mediam constantem; nullam legem pro locorum diversitate certam & regularem; qua unius loci declinatio declinationem alterius latitudine aut longitudine aut utraque differentis vel superet, vel ab eadem deficiat. Sive hoc solum quæsieris, an maxima unius loci declinatio sit æqualis maximæ alterius, an inæqualis, & quanta utrinque; sive il-

lud etiam attenderis, an in utrisque æqualia sint incrementorum decrementorumque æqualibus temporibus momenta, intricata adhuc omnia deprehendi. Duarum acuum perfecte æqualium finiliumque discrepantiam & inæqualium concordiam eodem tempore eodem in loco observasse Cel. *La Hirium*, patrem. *La Hirium* juniorem deprehendisse, pro varia acus figura variare declinationem. Inclinationem acus inæqualem esse pro majori minorive in Zonis temperatis ab æquatore recessu. Mirum quantum differre Tabulas a R. R. P. P. *Cateo*, *Grandamico* & *Kirchero* apud R. P. *Deschaliu* collectas. Eandem esse diversam eodem loco temporibus diversis: immo plurimum variare eodem in loco eodemque tempore, prout acus ad diversas mundi plagas dirigatur, esse etiam variationes sensibiliores, si versus orientem potius, quam ad Arctum dirigatur, R. P. *Noellii* aliorumque cura patere. Huc accedere diversitatem, quæ se prodit, quando acus convertitur, ut pars borealis austrum, australis Arctum spectet. Declinationum theoriam, exponendo illarum leges & quantitates, non infelici prorsus successu tentasse Cel. *Hallejum*. Successisse ex intervallo theoriam causarum, alterius viri eruditi inventum, quod eo usque certum & exploratum ipsi visum sit, ut ad solvendum pro usu nautico longitudinum problema sufficere magneticas acus, sed dextre tractatas, existimaverit. Non dubitat Noster, Cel. *Hallejum* de eodem tacite secum cogitasse, sed, cum viderit, quantum magneticæ desit notitiæ pro tam excelso usu, nullam ejus rei mentionem injecisse. Cl. *Cassinum* juniorem cautissime hic versatum atque ex hypothese tantum locutum esse, addita etiam, quæ ejus usum particularem faceret, restrictione. Defendit autem Vir acutissimus, sufficientem pro scopo nautico solutionem problematis ex theoria magnetica hæcenus exculta repeti non posse. Non sufficere observationes hucusque cognitæ, quæ paucæ sint nec dirimendo assumto audaciori aptæ, quod datis gradibus declinationis & inclinationis iisdem detur longitudinis & latitudinis gradus prior. Sane ex charta illa, quæ sub *Petri* M. auspiciis de Caspio mari constructa est, ex observationibus *Caroli van Verden* sub latitudine $41^{\circ} 30'$ & $38^{\circ} 30'$ eandem esse declinationem, scilicet $11^{\circ} 44'$, cum tamen in medio fere ejus intervalli ad

gra-

dum $39^{\circ} 45'$ declinatio sit $13^{\circ} 51'$, longitudine existente eadem. Ob-
 stare porro formidabilem illam declinationum & inclinationum
 diversitatem, mutationem declinationis pro diverso intercedente
 temporis tractu diversissimam, frequentissimas eruditorum de
 nimia observationum vulgarium inexactitudine querelas, dis-
 ferentiam declinationis a diversa acus figura pendentem, & impos-
 sibilitatem ex Nautarum, veteri more longitudes æstimantium,
 observationibus eruendi modum cognoscendi locorum in mari
 longitudes accuratius, quam illa methodo, per quam in obser-
 vationibus determinata fuit longitudo. His rationibus fretus ne-
 gat, ex ipsis immediate observationibus hætenus cognitis & in
 tabulam congestis nondum solvi pro scopo suo problema longitu-
 dinum posse. Complures eruditos tentasse theoriam sive legum,
 sive causarum declinationis inclinationisque, quæ priorum defe-
 ctus compleat. *Bartholomæum Crescentium*, editis A. 1607 de
 Nautica mediterranea libris, per insulam S. *Michaelis* & S. *Maria*
Meridianum magneticum, declinationis expertem, duxisse, & sup-
 posuisse, quod a Meridiano maximæ declinationis ad angulos re-
 ctos in polis secetur, & mensuræ declinationum, quarum maxima
 sit $22^{\circ} 30'$, sint longitudinum differentiarum proportionales. *Simonem*
Stevinum ex observationibus *Plancii* in suo de Limenheuretica
 libro A. 1608 edito & *Emanuelem Figueroam* innixum diario *Vin-*
centii Rodrigui simile quid tentasse. Tandem exeunte superiori se-
 culo Cel. *Hallejum* felici conjectura pro anno 1700 lineam in Tel-
 lure designasse declinationis expertem, cui ad dextram & sinistram
 declinationes diversæ orientales & occidentales ita adjaceant, ut
 in proximis lineæ illi locis essent minimæ, in remotioribus ad
 certum usque terminum majores. Etsi autem hæc conamina suo
 scopo nautico nondum sufficere arbitratur, non tamen ideo spem
 abjici debere omnem. Primo igitur inquiri jubet, quot omnino
 circa magneticas operationes occurrant varietates pro diversa lo-
 corum longitudine & latitudine proque accidentalibus illarum
 differentiis. Secundo observationes fieri optat omnes, quæcun-
 que diversum aliquid exhibent. Ita minus recte negligi censet
annulum La Hirianum, de quo Commentarii Academiæ Scientia-
 rum A. 1692 p. 416-424 loquuntur, ut ejus fere notitia intercidat
 inter

inter eruditos. Tertio ex observationibus illis condi debere existimat Tabulas varii generis; alias, quibus ad singulos declinationum & inclinationum gradus investigari possent loca, quibus illi observati sunt; alias, quibus ad singulos longitudinum vel latitudinum gradus declinationum mensuræ inquiri & inclinationum; alias, quibus ad diversa temporum intervalla declinationes inclinationesque; alias denique, quibus ad declinationum & inclinationum eodem in loco differentias inveniri tempora queant. Quarto denique inquirendum esse, an omnino pro diversa locorum longitudine latitudineque & temporum ratione legem aliquam nobis intelligibilem servant declinationes illæ inclinationesque, an a particularibus in tellure vel mari causis, quas investigare nobis non liceat, ita vel in solidum dependeant, vel in ordine suo, si quis fuerit generalis, adeo turbentur, ut nihil hac parte sperare liceat.

Hæc cum disseruisset Vir doctissimus, *Cel. Jacobus Hermannus*, Matheseos sublimioris Professor, qui inter Geometras primi ordinis dudum locum commeruit, vel his ipsis Actis testibus, suo & Collegarum nomine sententiam dicturus, *Bullfingeriana* calculum adjecit & nonnullas historicas notationes addidit. Huc pertinet, quod *Keplerus* aperte professus fuerit, eclipses solares tutius, quam lunares ad longitudinum inventionem ducere, differentibus *Cavallerio* & *Ricciolo*, sed modum, quo id fieri possit, perspicue docente *Job. Dom. Cassino*, recentiorum Astronomorum coryphæo. *Galileum* longitudinum maris definiendarum negotio sufficere credidisse notitiam motus Satellitum Jovis & inventi sui arcanum obtulisse primum *Philippo III Hispaniarum Regi*, mox Statibus confœderati Belgii, cum quibus negotium eo usque processerit, ut torque aureo ab iis donatus fuerit &, nisi viri illi, quorum examini inventi indoles commissa erat, vivere desissent, *Martinus Hortensius* ad *Galileum* oculorum usu jam penitus privatum Florentiam missus fuisset, ut cum ipso de invento & de modo id ad exitum & praxin deducendi tractaret. Cum inventum divulgaretur, *Morinum* & *Herigonium* id pro suo edidisse, sed *Cassinum* ultimam manum addidisse, editis tabulis accuratis motuum Satellitum Jovis. Plures tamen esse monet rationes,

nes, cur scopo nautico non sufficiat. *Hugenium* ultimis tandem vitæ suæ annis reperisse curvam, cujus beneficio horologiis æqualis motus conciliatur, qui nulla maris, vel navis agitatione turbari aut minui possit, quod in pendulis suis non satis caveri potuisse ipse innotescat. Hoc vero inventum cum illustri Autore interisti. Id solum particularius de eo sibi in Batavia agenti innotuisse, quod per libratores aliquem ambobus suis terminis insculptas habentem curvas æquales, in quibus sacomata æqualia ultro citroque moverentur, horologio suo æquabilem motum nulla agitatione navis turbandum inducere voluerit. Manere igitur problema Solutore dignum: *Invenire horologium, cujus æqualis motus in agitatisima navi sine interruptione conservari possit.* Circa acum magneticam notatu dignum ipsi videtur monitum *Riccioli* ex mente *Guilielmi Persali*, Equitis Angli, in Geographia Reformata relatum, quod artifices in fabricando toto versorio ex ferro aut chalybe errent: unde omnes anomalias in experimentis declinationis magneticæ derivet.

CONSTRUCTIO LINEARUM ISOCHRONARUM
in medio quocunque resistente, Autore
LEONHARDO EULERO,
Basileensi.

Notum est inter Geometras cycloidem ordinariam esse in medio non resistente isochronam seu tautochronam, vi gravitatis uniformiter versus centrum infinite distans tendente. In medio quoque pro simplici celeritatum ratione resistente, isochronam esse eandem cycloidem, ostendit Vir summus, *Newtonus* in principii suis Philosophiæ Naturalis Lib. II Prop. 26. Oppido autem miror, neminem adhuc quicquam de isochronis in aliis mediis resistentis hypothesibus, non imaginariis, quemadmodum sunt hæc duæ dictæ, meditatum fuisse; cum tamen hæc egregia materia bene mereatur, quæ in scientiæ de motu corporum in medio resistente augmentum profundius examinetur. Ego, quæ hac in re inveni, quasque feliciter detexi curvas tautochronas in medio quomodocunque resistente, centro virium infinite di-

stante & uniformiter attrahente, hic cum publico communicabo, ut orbi literario ansam præbeam, hanc materiam penitus perscrutandi.

Ut igitur modum generalissimum hujusmodi lineas isochronas construendi tradam: resistat medium in ratione cujusvis functionis celeritatis, & pro hac amplissima hypothefi, sic construam isochronam.

TAB. III
Fig. 9.

Sit AB linea verticalis, seu normalis in planum horizontis; super hac; tanquam axe, describatur curva AND talis, ut, dictis abscissa APx, huic applicata normali PN, z, & ipsius z functione quadam, Z, quæ eandem ad z habeat rationem, quam habet illa functio celeritatis, secundum quam fit resistentia, ad ipsam celeritatem, ut inquam sit $dx = zdz + Z dz$. Hac curva facta, construatur alia AMC, super eodem axe AB, ut, producta NP in M, sit portio curvæ AM æqualis applicatæ PN. Erit hæc curva CMA isochrona, corpus scilicet super ea, solo gravitatis nisu, descendens, in quocunque ejus puncto M descensum adorsum fuerit, semper æquali tempore ad punctum A perveniet.

Ex hac constructione consequitur, curvas hæc habere alibi in C cuspidem, & reverti in plagam, ex qua venerant, id quod accidere debet, ubi elementum applicatæ PM evanescit, elementum vero hoc æquatur $\sqrt{dz^2 - dx^2}$, ob $AM = PN = z$ sed quia $dx = zdz + Z dz$, erit $\sqrt{dz^2 - dx^2} = dz \sqrt{1 - (z + Z)^2}$ quod debet æquari ziphræ, erit ergo $z + Z = 1$, ibi ergo est cuspis, ubi summa $z + Z$ æquatur unitati.

Hæc ergo curva eandem cum Cycloide habebit formam, habebit enim infinitos cuspides, & portiones cuspides constituentes omnes inter se similes & æquales, nam producta PM in m erit lege continuitatis $PN = AMC - Cm$, sed $PN = AM$ ergo $Cm = CM$ partes ergo AMC, FmC cuspidem C constituentes æquales erunt & similes. Proin ex constructione puncto F, puncto A respondent, adnectetur portio similis, æqualis & similiter posita cum AMC. Sic quoque, curva CMA continuata, erit AB diameter, eandem ergo plane cum cycloide ordinaria habebit formam.

Ut applicemus hanc generalem constructionem ad hypothefes speciales; ponatur resistentia nulla, erit $Z = 0$ ergo $dx = zdz$,
i. e.

i. e. $2x=zz$, unde curva AND erit parabola Apolloniana. •Erit ergo isochrona AMC cyclois ordinaria, uti Hugenius jam demonstravit.

Ponamus resistentiam celeritati proportionalem, erit $Z=zz$, unde $dx = 2zdz$, i. e. $x=zz$, curva ergo AND erit denuo parabola, & consequenter isochrona rursus cyclois, quemadmodum Newtonus loco citato demonstravit.

Sit Resistentia ut quadratum celeritatis, quæ hypothesis locum habet in aere, aqua, omnibusque fere fluidis, erit $Z=azz$, unde $dx = zdz + azzdz$ ergo $x = \frac{1}{2}zz + \frac{a}{3}az^3$, ex qua curva, ut supra docui, construi poterit isochrona. Quantitas, a , eo major est accipienda, quo resistentia major est, semper nimirum proportionalis assumi debet quantitati resistentiæ.

Et hac ratione pro quavis hypothefi resistentiarum excogitabili isochrona, methodo hac generali, facile deduci poterit, gravitate uniformiter agente. Pro aliis autem gravitatis hypothefibus, in medio quoque utcunque resistente, etiam possideo methodum construendi isochronas, quam autem, ut & eorum, quæ hic proposui, analysin seu demonstrationem, in aliud opportunum tempus differo; proponens interim cultoribus scientiæ hujus de motu corporum in mediis resistentibus problema sequens, quod ab hac materia haud multum abludit.

Invenire lineam celerrimi descensus, seu brachystochronam in medio quomodocunque resistente, saltem in hypothefi gravitatis uniformi.

P. S. Non possum, quin indicem Anonymo illi Anglo, cui jam per aliquantum temporis cum Celeb. Johanne Bernoulli circa trajectorias reciprocas res est, me adinvenisse methodum ex quolibet linearum ordine, excepto secundo, ad minimum unam determinandi curvam problemati illi de trajectoriis reciprocis satisficientem, quam, uno elapso anno, revelaturus ero; quo Anglo illi non desit tempus trajectoriam reciprocam, quam inveniendam ipsi proposuit Cel. Bernoulli, simplicissimam post illam tertii ordinis, quam invenire potuerit, publice indicandi.

Zz 2

AN.

ANDREÆ GÆRTNERI, IN AULA REGIS

Polon. & Elect. Sax. Mechanici & modulorum Magistri, Organum Astrodædicum globo cælesti applicandum.

TAB. III

Fig. 10.

Fig. II.

Fig. 10. II.

Nobilis Mechanicus, nullique sui ordinis ingenio secundus, organum, de quo hic agitur, invenit ante plures annos; nobiscum vero figuræ ejus communicavit, ad quarum ductum facilem totius negotii ideam dabimus. Sit HB globi, cui instrumentum applicandum, quadrans, & ad H & B concipiantur Tangentes maximum globi circulum, HI, IB, sibi in I ad rectos occurrentes. Ad quamvis distantiam IK a recta HI sit regula NO ipsi HI parallela. Huic regulæ affigatur arcus GB, quadrans FSL, cum fulcro arcuato DE & reliquis firmamentis, quæ in utraque figura comparent; sic ut compages tota superficiei globi commode possit imponi. Sit globus ad poli altitudinem, & temporis, quo utimur instrumento, momentum compositus; ipsique imponatur instrumentum, sic ut regula NO dirigatur ad Stellam quamvis, & NOB sit in plano verticali; id quod perpendicularum imminens peripheriæ in medio cavi limbi quadrantis incisæ, ostendit; & facile patet ex elementis, angulum X, quem perpendicularum facit, cum quadrantis radio FS, seu arcum ejus mensuram, id est, altitudinem sideris horizontalem æqualem fore ipsi BZ in Figura II. Unde consequens est, extremum E stellam contingere in globi superficie, ad quam regula NO dirigebatur; eademque ratione, si extremitas B applicetur stellæ in globo datæ, & instrumentum circa B in globi superficie moveatur, donec perpendicularum imminet mediæ quadrantis cavitati, regulam NO directam iri ad stellam B, quæ proinde in cælo a reliquis distinguetur.

Dum globum ad cæli situm pro temporis momento componit Inventor, ipsum movet circa unicum polum V; ne alter in hemisphærio superiore usui instrumenti obstat. Unde necessum habet globum Horizonti arcto immittere, quo fulciatur; cum fulcrum ad G, cui libere innititur, (quodque pro axe in globum inserto in Fig. II non habendum) nequeat omnem in latera inclinationem Sphæræ impedire. Rogatur de Semicirculo CT cum regula mobi-

mobili AQ. respondit, hæc se non alio sine adjicere, quam ut earum stellarum, quas in Semicirculi plano tempore observationis hæere contingit, distantias metiatur; neque adeo ad Astrodicticum proprie pertinere. Hoc instrumentum, ut quilibet videt, inservire potest curiosis, quibus animus est proprio Marte sidera dignoscere in cælo stellato, eoque nomine commendandum est. Ad usum autem Astronomicum machinæ parallaxicæ faciunt.

OBSERVATIONES HABITÆ ULYSSIPONE,
circa Primum Jovis Satellitem; Autore DOMINICO CAPASSO, Neapol. Soc. Jef.

Anno 1725.

	Immers.	Temp. ver. corr.		
		Hor.	Min.	Sec.
Julii die 28 visus est mergi in umbra vera & Telescopio satis perfecto, cujus longitudo palm. 30 Rom.		12	12	26.

	Emers.			
Sept. die 12 visus est ab eadem umbra emergere, fortasse non satis exacte ob proximam & cum ☽, quæ septem ante diebus contigerat.	15	0.	10.	
die 14 paulo clarius, & exactius	9	28	7.	
die 21 satis clare	11	24	55.	
Octob. die 23	8	11	10.	
Novemb. die 8 nonnihil incerta, saltem quoad secunda ob aeris ex vento trepidationem	6	30	4.	
die 15 exacte	8	24	50.	
Decemb. die 8	8	32	40.	

1726.

Jan. die 9 non satis certa ob nimiam aeris claritatem a crepusc.	4	58	50.
die 16 satis clare	6	51	10.

OBSERVATIONES ASTRONOMICÆ AD ELEVATIONEM Poli Ulyssipone inquirendam, eodem Autore.

Hic tantum appono observationes habitas circa Solem Quadrante Astronomico, ac Sextante trium pedum Parisinorum.

Postmodum mittam alias habitas Quadrante murali quinque pedum, tum circa Solem, tum etiam circa reliqua astra.

Anno 1725 d. 24 Nov.

Altitudo Limbi super. ☉ in Meridie Quadrante	° ' "
Astronomico observata.	30 56 20.
Refractio propria hujus altitudinis ex tabulis Cl. V.	
D. Edmundi Halleji.	0 1 28.
Altitudo correcta ejusdem Limbi	30 54 52.
Parallaxis ☉	0 0 4.
Altitudo vera Limbi Superioris ☉	30 54 56.
Semidiameter apparens ☉	0 16 18.
Altitudo vera Centri ☉	30 38 38.
Declinatio ☉ Australis	20 38 59.
Altitudo Æquatoris	51 17 37.
Complementum, seu Elevatio Poli	38 42 23.

Die 5 Decemb.

Altitudo Limbi super. ☉ in Meridiano per Sextantem	0 1 11
	29 8 10.
Refractio ex iisdem Tabulis	0 1 35.
Altitudo ejusdem Limbi correcta	29 6 35.
Parallaxis ☉	0 0 4.
Altitudo vera Limbi Super. ☉	29 6 39.
Semidiameter ☉	0 16 20.
Altitudo vera Centri ☉	28 50 19.
Declinatio ☉ Australis	22 27 7.
Altitudo Æquatoris	51 17 26.
Complementum, seu Elevatio Poli	38 42 34.

Die 6 Decemb.

Altitudo Limbi super. ☉ in Meridie per Sextantem	29 1 0.
Refractio	0 1 36.
Altitudo correcta ejusdem Limbi	28 59 24.
Parallaxis	0 0 4.
Altitudo vera Limbi Super. ☉	28 59 28.
Semidiameter ☉	0 16 21.

Alti-

MENSIS AUGUSTI A. MDCCXXVI. 367

Altitudo vera Centri ☉	28 43 07.
Declinatio ☉ Australis	22 34 24.
Altitudo Æquatoris	51 17 31.
Complementum, seu Elevatio Poli.	38 42 29.

Die 29 Decemb.

Altitudo visa Limbi Super. ☉ Quadrante	0 1 11	28 20 22.
Refractio	0 1 39.	
Altitudo correcta ejusdem Limbi		28 18 43.
Parallaxis ☉	0 0 4.	
Altitudo vera Limbi Super. ☉		28 18 47.
Semidiam. ☉	0 16 21.	
Altitudo vera Centri ☉		28 2 26.
Declinatio ☉ Australis		23 14 57.
Altitudo Æquatoris		51 17 23.
Complementum, seu Elevatio Poli.		38 42 37.

1726.

Die 8 Januar.

Altitudo visa Limbi infer. ☉ in Meridie	0 1 11	28 47 10.
Refractio	0 1 37.	
Altitudo correcta ejusdem Limbi		28 45 33.
Parallaxis ☉	0 0 4.	
Altitudo vera Limbi inferior. ☉		28 45 37.
Semidiam. ☉	0 16 21.	
Altitudo vera Centri ☉		29 1 58.
Declinatio Australis		22 15 42.
Altitudo Æquatoris		51 17 40.
Compl. seu Elevatio Poli		38 42 20.

Die 9 Januarii duas Solis altitudines ante Meridiem, totidemque post Meridiem accuratissime deprehendimus, addita Sextanti vel exigua differentia, quæ ex diversa declinatione Solis refundi debuerat in ipsas pomeridianas altitudines ejusdem Solis, quo

quo semper in verticalibus a Meridiano æquidistantibus deprehenderetur, simulque differentia horologii Oscillatorii a Meridie vero, collatis utrisque inter se observationibus, dignoscere-
tur; in singulis enim diligenter adnotavimus momenta tem-
poris ab eodem horologio indicata. Utræque vero observatio-
nes adeo consensere in eadem prædicti horologii differentia a
tempore vero definienda, ut vix unæ ab alteris in unico secundo
discreparint. Emendatis igitur observationum momentis juxta
inventam differentiam, supputare licuit calculis Trigonome-
trici Elevationem Poli his tribus datis.

	0	1	11
Altitudo vera Centri ☉	20	36	18.
Ejusdem declinatio Australis ex Tab. Hirianis	22	8	11.
Tempus verum observatæ altitudinis	9 ^b	37	26.
Quibus cognitis ope trianguli obliquanguli, in quo dantur duo latera, & angulus iisdem compre- henfus, invenitur Poli Elevatio	0	1	11
	38	42	24.
Ex secunda observatione matutina hæc tria quoque fiebant cognita.	0	1	11
Altitudo vera Centri ☉	23	25	47.
Declinatio ☉ ex Tabulis Hirianis	22	8	10.
Tempus verum observatæ altitudinis	10 ^b	4	41.
Quibus cognitis ope ejusdem trianguli, invenitur Altitudo Poli Ulyssip.	0	1	11
	38	42	25.

Ex duabus observationibus pomeridianis, cum eadem pene
esset altitudo Solis, declinatio, & angulus circuli horarii cum Me-
ridiano, eadem quoque resultare debuisset Altitudo Poli; ac pro-
inde non opus erat novos calculos instituire.

Jam vero ex omnium observationum complexu inferre ha-
ctenus licet, Ulyssiponenſis Urbis Latitudinem in Observatorio
Regii Palatii, vel Collegii D. Antonii Magni, a quo non longe
distat, esse 38 gr. 42' min. pene 30" secund. Secundorum enim
certus numerus ab innumeris ac subtilioribus pendet experimen-
tis;

tis; siquidem facile variantur vel ab inæqualibus refractionibus, quas experimur, aere diversimode affecto; vel etiam ab exiguo quantumvis Instrumentorum vitio, quod nec peritissimi Artificum in illis construendis vitare omnino possunt.

JOH. FRIDERICI HOMBERGK ZU VACH,

Jur. in Acad. Marburg. Prof. Ord. Themis, seu de Ortu legis æternæ secundum sententiam Græcorum

Liber singularis.

Marburgi Cattorum, impenlis Philip. Casim. Mulleri, 1725, 4.

Alph. 1.

SUBtiliorem Juris Civilis interpretationem, quæ tædiofa juvenibus studiosis facile solet fieri, amœniore quadam narratione interpolaturus, Celebrerrimus Autor fabulam de Themide aliquot abhinc annis publicis prælectionibus exposuerat, ea fini, ut sententiam antiquissimorum Græcæ sapientum ista fictione obvolutam detegeret. Dignas postea judicavit easdem meditationes, quas publicæ committeret luci, parum veritus librum de Themide Dea olim editum a *Stephano Pigbio*, qui saltem generalia quædam hujus argumenti tractat. Noster enim pro insigni Græcarum litterarum, qua pridem inclaruit, eruditione singulas fabulæ, prout ea ab *Alerzo* poeta in *Theogonia* & *Orphæo* in hymnis celebrata est, partes evolvit atque ex antiquitate Græca & Romana, plurimisque veterum locis illustrat, dum in eo totus est, ut Græcorum de juris divini humanique prima origine ac natura philosophiam occultiore explicet. Nos meditationes Nostri paulo studiosius recitabimus. Themidem (cujus nomen apud *Homerum* & *Hesiodum* passim *legem*, *jus* & *fas*, *oraculum*, *consilia*, aliquando *jus*, sive *vestigal Principi solvendum*, notat) veteres finxerunt Cœli & Telluris filiam, conjugem Jovis secundam, cui fertur tres peperisse filias, *Eunomiam*, *Dicem* & *Irenem*. Per Cœlum & Tellurem res visibiles intelligendæ: nam ab iis, quæ in sensus incurrunt, generationem Deorum, seu potius hujus universi creationem exorsus *Hesiodus* Cœlum antiquissimum Deorum dixit. Saturnus Themide natu posterior, sed origine tamen generis humani antiquior fingitur. Ergo Themis, i. e. jus, ante homines conditos ex gentilium opinione jam extitit. Tam alte repetierunt Sapientes originem juris, intelligentes ex ipsa

p. 9.

17.

p. 19.

- juris rerumque creaturarum ratione, jus una cum rebus creatis ortum esse. Jus enim intendit rerum, quibus præest, conservacionem, ac ne hæ in operationibus suis se invicem turbent. Quoad unum, quod per omnia sibi simile, tantummodo extitisse cogitamus, nullus apparet juris usus. At duæ res creatæ simul subsistere nequeunt sine lege, secundum quam subsistant agantque. Statim igitur dum Cælum & Terræ Chao prodire, jus etiam adfuit, quod modum operandi secundum communes, vel proprias vires determinaret. Quicquid vero virtutis in Themidem Cælum & Terra, seu parentes, contulerunt, id non aliunde habuerunt, quam ex Archetypo & primo juris fonte, i. e. prima & universali rerum causa, quam Amorem Poetæ pariterque Philosophi appellavere. Terra quamvis, ut corporea & pondere gravis, nihil ad generationem juris contulisse videatur, expendendum tamen est, jus duplici natura esse præditum atque parentis utriusque naturam referre, incorpoream formam a patre, corpoream a matre habere. Promanat illa a Divina patris intelligentia, ino ipsa est ratio summi Jovis, qui fons est omnis pulchri, boni, æqui, justî atque decori. Ab hoc omnis ordo, pulchritudo, bonitas & amicitia rerum creaturarum proveniunt. Tellus, sive natura rerum corporea, non minus jure regitur, quam ipsum cælum, sive spiritus, quo materia animatur. Jus hoc naturæ illi corporeæ conveniens esse debuit, atque hinc penetralibus Telluris natum Græci dictavere. Videntur hac mente Veteres Themidem *Θέαν σωματικὴν & σωματεσθῆν*, corpoream, vocitasse, quod affirmavit Pighius, & Platonis dictum comprobat. Hinc duæ Themides, una *σωματικὴ*, altera *νοητικὴ*: illa dirigit elementa & corpora inferiora, hæc animos hominum & actiones. Hinc duplicia Themidis sacra, *Carmentalia* Romanis dicta, quorum alia ad animi, alia ad corporis curam & sanitatem respexere. Carmenta enim eadem, quæ Themis, eaque eleganter traditur ex Mercurio Evandrum suscepisse, id est, bonum virum. Sed præter Themidem, juris Deam, occurrit in hymnis Orphei sapiens *Nomos*, juris Deus, more gentium superstitionis, qui idem Numen Deum Deamque effingere adamabant. Attamen dicendum videtur, *Nomon* magis earum legum, quibus corpora continentur, & naturæ præsidem; Themidem vero omnium in universum, imprimis quibus mentes huma-

humanæ reguntur, principem habitam fuisse; imo Nonion significasse legem latam & positam rebus, Themidem vero Deam & præsidem illius juris: unde forte Nomos Orpheo non Deus, sed tantum *Rex* salutatur. Themis etiam ob vaticinandi facultatem augustior, & concilio Deorum interesse credita fuit, non item Nomos. Magnifica & plurima sunt, quibus Themis a vatibus exornatur, epitheta, in quibus eminet illud, quo ab Orpheo celebratur *ἱεροσόπιος ἀνδρῶν*, *sacra observatrix hominum*, quod Jos. Scaliger vertit *Juristis Cortumionem*, quo quid divinandum proponere voluerit, quotusquisque intelliget? Optime reddetur *ἱεροσόπιος Sacerdos*, interpretationem hanc Helychio suggerente. Verum & complura attentione digna ab antiquis de Themide afferuntur, v. c. eam jussu Jovis Deos ad concilium convocare, cum Jove consilia conferre, e templo in Boeotia per oraculum Deucalioni & Pyrrhæ consilium instaurandi generis humani dedisse, atque in genere oraculorum & vaticiniorum præsidem esse, mentes humanas concitandi & in furorem agitandi facultate pollere. Furor iste, non Poetis proprius, sed cum aliis hominibus communis, (quo de Noster meditationem subtiliorem inferit,) est, *cum perpetuus ille vitæ mentisque nostræ motus extra ordinem movetur atque ultra leges vulgares omnibus mortalibus inditas ad veritatis contemplationem impellitur, ita, ut magna cum facilitate rerumque non vulgarium ubertate cogitata sua vel re ipsa explicet, vel certe ad ea explicanda mens sese aptam sentiat & idoneam*. Furor iste ubi contingit, parturire semina mentis humanæ, i. e. facultates intellectus, dixeris, & abyssum rerum atque scientiarum, qui in homine est, recludi, unde, plurimæ artes ac disciplinæ olim ut invenirentur, factum est. Themidi vero attributa vaticinandi atque furores excitandi virtus, ut innueretur, jus, cui illa præest, legem esse divinam, ab ipso summo Bono naturæ inditam, secundum quam non tantum formata sit & ordinata, sed & cujus ope facta tecta conservetur, ac si vel humanum jus tantum spectes, est illud, quatenus vel jam definitum, vel adhuc definiendum est, immensa quædam vis rationum, secundum quas actiones humanæ dirigendæ & judicandæ sunt. Hanc vim Themidi, tanquam potestati Deo inferiori, adscribere Græci, ac præterea fluxere, ipsis quoque Diis, præsertim Apollini, vaticinandi

P. 47.

51.

56.

59.

72.

p. 79. ff.

88.

90.

94.

nandi facultatem datam esse a Themide. Homerus cecinit, *necesse* & *ambrosiam* Phœbo præbuisse Deam, quibus significare voluit sapientiam divinam & cognitionem perfectam eorum, quæ vere sunt, tam præsentium ac præteritorum, quam futurorum: eam enim scientiam Deorum cibum veteres nominasse, e Platonis, Jamblichi, Homerii aliorumque locis apparet. Apollinis autem, id est, Solis lumen ac virtutem in mentes humanas diffundi crediderunt, eoque scientiis homines illustrari. Nec solum vaticiniis claruisse fertur Themis, sed & consilio ac prudentia, qua ipsum fatum, causarumque naturalium consecutiones moderetur, & pro sapientia sua aliud constituat, magis accommodum utilitati generis humani promoveudæ. Ex his licet confectaria quædam elicere: *primum*, aliud esse theoriam juris, h. e. legum memoriam, aliud cognitionem ordinatam causarum & rationum, quibus reguntur omnia, possidere: *alterum*, talem esse cuiusque scientiam in jure, qualem Deus illi dedit: *tertium*, infinitarum consecutionum seriem, unde eventus pendet, Dei consilio & providentia regi, gentiles etiam agnovisse, idque vel hanc fabulam ostendere: *porro*, omnes excellenter malos furoribus agi ad malum: *denique* statum illum mentis, de quo supra dictum, furorem quidem nominari, revera autem summam esse animi tranquillitatem, dum hic ad seria, bona & laudabilia abripitur. Jam, ad fabulam de Themide ut revertamur, ponendum est, unam esse illam, omnis juris fontem ac scaturiginem; quamvis alii duas Themides finxerint, diversa, ut indicavimus, respicientes. Platonis certe atque Ciceronis judicio una est lex, summique Jovis ratio, summus & unus ille bonus finis, ad quem omnia gubernantur. Sed ea lex per inferiorum Deorum & ordinum potestatem corporumque cælestium & elementorum species diversis radiis diffundi, indeque in mentes humanas ac corpora pro cuiusque materiæ conditione, ex supremi rerum gubernatoris voluntate derivari dicitur. Hinc *quatuor aterna legis species* secundum Platonem, quarum primam *Divinam & Saturni legem* docet versari in ideis circa summum bonum supra rationes: secundam *cælestem* in superiore animæ mundi parte, quam *fatum & Jovis legem* vocat, in rationibus occupari vult circa ideas supra semina: tertiam statuit movens in movente, *legemque primæ Ven-*
neris

neris appellat, agentem in seminibus circa rationes supra formas : quartam in hominis mente animaque rerum creatarum collocat, quam *secunda Veneris legem* nominat, in notionibus & formis circa rationes supra actus atque artes inveniendam. Conspirant hæc cum sententia Platoniorum, cuncta a Deo bona in homines per intermedios dæmonas derivari, & cum quatuor illis circulis, quibus omnem rerum pulchritudinem, Deum in centro collocantes, inesse sinxerunt. Usus quatuor istorum juris graduum si requiras, primus quidem removendus videtur, cum Deus, fons omnis juris, sit expers legis: cumque de mente & anima universalium parum constet, duo etiam gradus intermedii non nisi eos juvabunt, qui animam mundi agnoscunt. Itaque superest ultimus gradus, quem constituit humana ratio, cui quatenus jus insitum recte dicatur, cuiusque conscientie relinquendum est: quale vero jus illud sit, quod humana ratione excogitatum tradi ac proponi solet, non ignoratur. Ceterum gradus illi nos admonent, quemadmodum a superioribus, & primo omnium rerum principio ad inferiora & extrema descendere, ita quoque ab inferioribus nos posse & debere ad summa rerum principia ipsumque Deum ascendere. Et in infimo quoque gradu inest aliquid divini, qui divinitatis velut speculum & totam juris compagem continet: unde merito jurisprudentia rerum divinarum atque humanarum notitia celebratur, quæ, fatentibus Græcis, sine Deo, ac sine animo vitiis affectibusque malis purgato esse non potest. Sed hæc de virtutibus & facultatibus Themidis: considerandum nunc ejus conjugium. Dicitur enim secunda Jovis conjux, quam nuptias ejus fugientem & apud Ichnas Macedonice deprehensam in matrimonium duxit. Jupiter in hac fabula spectandus, ut potestas summo Deo subordinata, cui imperium mundi, conservatio & motus sint commissa. Ei conveniebat summum consilium & perfectum judicium, per Methin, primam Jovis uxorem, repræsentatum, quam gravidam devorasse ideo fingitur, ne illa sapientio rem Jove Deum pareret. Ex arce rationis universalis & divinæ, capite scilicet Jovis, educenda igitur erat Minerva, sapientie & scientiarum Dea. Themidis vero connubium optime decet Jovem, quoniam ad gubernationem hujus universi consilium sine jure non potuisset sufficere. Illa delitescens ac fugiens

p. 100.

107.

114.

p. 119.

126.

129.

137.

conjugium ideo fortasse traditur, vel, ut summa æternæ legis castitas indicaretur, vel, ut Themidem per omnes res creatas dispersam, multiplicem, variam & multiformem esse, ideoque velut fugere oculos hominum, nec nisi ab ipso Jove deprehendi posse significaretur, vel, quod esset ἀγνή, *casta*, ut ab Orpheo primum ei datur elogium, quodque esset *nobilis bonoque patre nata*, quam proinde fugere ac matrimonium renuere, quam sese persequenti offerre, magis deceret. Inventa dicitur in locis, *quibus pedum ejus impressa fuerint vestigia*, unde cognomen ejus *lebnææ*, egregie quidem, cum jus magno studio ac diligenti investigatione inveniatur. Liberi ex hoc Themidis Jovisque conjugio nati dicuntur fuisse Horæ & Parcæ. Horarum prima est Eunomia, i. e. bonæ leges, aptaque earum dispositio, ordo & justitia; altera Dice, i. e. justitia, vel judicium, quod secundum leges omnia distribuit, ac turbata in ordinem redigit; tertia Irene, seu pax, quæ positis illis prioribus necessario sequitur. Hinc Pindarus, Corinthum laudans, eam Horarum præsentia beatissimam prædicat. Genuisse Themis & Parcas dicitur, itidem numero tres, quia, ut Plato explicat, una præsens, altera præteritum, tertia futurum tempus respicit. Hæ certe, quia hominibus bona & mala distribuerent ac delicta persequerentur, (qua causa Hesiodus eas *immites & atra* dixit, Horatius vero *fila earum atra* vocavit, ut frustra sit Scaliger, cum propter vitæ lucem *candida* dici debuisse contendit,) optime ad legem æternam & ad jus referuntur. At, cum Themidis fabula jam perconsita sit, quid de Astræa Virgine sentiendum erit? Aratus *Virginem* vocat, sed incertus, utrum Astræo, an alii Deorum filiam adscribat. Jovis & Themidis filia, ipsa Dice, habenda videtur, quod ei nomen idem Aratus etiam vindicat. Atque hæc hæc hactenus Noster de fabula Themidis. Subnechit istis doctam de simulacris Themidis & filiarum, in lapide Terminali a Pighio exhibitis dissertationem. Docet ibi, veteres Themidem ut Terminum recte animo concepisse, quod secundum legem æternam non solum totum universum terminis ac numeris constet, sed & singulæ ejus partes limitibus suis contineantur. Huc spectare illud Horatii in carmine seculari:

*Vosque veraces cecinisse, Parca,
Quod semel dictum est, stabilisque rerum*

Ter.

*Terminus servat, bona jam peractis
jungite fata.*

Cumque in singulis his verbis V. Cl. R. Bentlejus lectionem communem sollicitaverit, Noster nihil mutandum de illa censet, si Terminum accipias Deum, haud frustra Parcis junctum, ut sensus sit: *quod semel a Jove dictum & sanctum est de Rom. Imperii felicitate ac aternitate, id Parca & Terminus, atque ordo rerum stabilis immutabili necessitate servant!* De forma Termini quadrata monet, eam non quidem soli Themidi aptatam, sed tamen huic optime convenire, ut immutabilis legis æternæ consilientia, atque rerum superiorum & inferiorum, divinarum humanarumque conspiratio, quam jus intendit, significetur. Hinc subnata de quaternario Pythagorico ac de Theologia Pythagoræorum disputatio, quam Noster ad finem usque libri necit, ac demum tribus saltem verbis ad Themidem applicat. Fuimus in recensendo hoc libro singulari, quam proposueramus, longiores. Vin' causas? quoniam & dignus erat, & maxime, quod verebamur, ut multi sint ad eum perlegendum satis patientes futuri: quantumcunque enim amœnitatis hæ meditationes habeant, subtilitas tamen argumenti & implicati rerum nexus, quos etiam digressiones a Nostro insertæ aliquoties interrumpunt, multos lectorum deterere posse videntur.

NOVA LITTERARIA E LUSITANIA.

• Cum non sine insigni Reip. Litterariæ commodo eveniret, ut V. C. *Dominicus Capassus*, Neapol. Soc. Jes. qui observationibus Astronomicis, quales ab eo liberaliter communicatas huic ipsi Mense inseruimus, in Lusitania assidue incumbit, Vir promovendis bonis litteris natus, commercium nobiscum litterarium instituere cœperit; non ingratum futurum Lectori existimamus, si librorum quorundam in Lusitania postremis his annis editorum, quorum hætenus nulla ad nos notitia pervenerat, titulos ex ultimis ejus litteris hic describamus. Prodiere vero sequentes, omnes Lusitanico idiomate: *Emanuelis de Lima, Dominic. Hagiologium Dominicanum, in quo vita Beatorum & Martyrum aliarumque Venerabilium personarum ejus ordinis per omnes anni dies describuntur. Ulyss. T. I 1703, T. II & III 1710 & T. IV 1712, fol. Andrea Joannis Antonil cultura & opulencia Brasilia. Ulyss. 1711, 4. Franc. de*

de S. Maria Annus Historicus, seu Diarium Lusitanicum compendiose notitia Personarum illustrium & rerum notabilium in Lusitania. Ulyss. 1714, fol. Antonii Franco Imago virtutum. Ulyss. 1714, tomo unico, Coimbra 1717 & Eboræ 1719, tomis II, fol. quo libro de viris illustribus Soc. Jesu, qui in ea tyrocinium posuerunt, agitur. Joannis de Sacramento, Carmel. discalc. Chronicon sui Ordinis, pertinens ad Provinciam S. Philippi in Regno Lusitan. Pars II. Ulyss. 1721 fol. Dominici Teyxeiræ, Augustin. Discalc. vita D. Nonii Alvari Perenii, secundi Comitis Scablis Lusitani. Ulyss. 1723, fol. Didaci Bernardi de Saa Exemplar Politicum, quod in gestis D. Petri Lus. Regis sibi proposuit imitandum octavus ejus Nepos, Ulyss. 1723, in 16. Augustini de S. Maria, Augustiniani Discalceati, Historia tripartita. Ulyss. 1724, 4. Agit hic Autor I de vita SS. MM. Verissimæ, Maximæ, Julix & Sororum, 2 de adventu & prædicatione S. Jacobi in Hispania, nec non de Ordinis sui primordiis; 3 de origine realis cœnobii mulierum (vulgo dicti *dos Santos*) ejusque illustribus Commendatariis ab A. 1712 ad hæc usque tempora. Damiani Goes Chronicon Joannis II Reg. Lus. Ulyss. 1724, 8 recusum. Aloysii de Abreu, Franciscani, Sol in occasu oriens, occidens in ortu, seu Epitome Historia panegyrica Sancti Antonii Ulyssiponenfis. Coimbra 1725, fol. Quod Latine prodierit, nihil reperimus, præter Petri de Almeyda S. J. in Caji Suetonii Tranquilli Julium Octavium & tres Flavios Commentarios, Ulyss. 1715, 4 editos. Sub prelo vero Ulyssipone nunc esse accepimus sequentes: Josephi Barbosa, Clerici Regularis, Academici, Catalogus critico-historicus & chronologicus Reginarum Lusitanarum; Emanuelis Azevedo de Fortis Cursum Mathematicum pro integra institutione Architectura Militaris, qui comprehendet 1 Elementa quantitatis generalia, 2 Elementa Euclidis, 3 de Sphæra & Geographia, 4 Trigonometriam, 5 Geometriam speculativam & practicam, 6 Architecturam militarem; Historia Academia Regia Tomum I, quo agitur de ejus fundatione; Monarchia Lusitanica Tomum VIII, ejusdemque libri Tomum VII emendatiorem; quos plerosque idiomate Lusitanico prodituros, non dubitamus. Præterea nuntiandum, Franciscum de Cruce, Soc. Jes. summo labore integram Lusitanorum Bibliothecam ad annum usque 1706, quo e vivis excessit, prelo paratam reliquisse, in qua augenda & continuanda nunc Vir quidam doctus ejusdem Societ. occupatur, ut spes fit, eam proxime typis subjiciendam.

No. IX.

ACTA ERUDITORUM,

publicata Lipsiæ

Calendis Septembris Anno MDCCXXVI.

Der vollkommene Deutsche Soldat, 1c.

hoc est,

MILES GERMANUS PERFECTUS, OMNEM
Scientiam militarem, imprimis quæ ad militem pedestrem
spectat, dilucide exponens. Autore JOANNE FRI-
DERICO A FLEMING, Potent. Poloniarum
Regis & Electoris Saxonie Tribuno mili-
tum pedestrium.

Lipsiæ, apud Joan. Christianum Martini, 1726, fol.

Alph. 9 plag. 8 Tabb. æn. 64.

AUtor genere & eruditione illustris, reique venatoris ac
militaris peritissimus, cum intelligeret, præclarum, quod
de re venatoria ediderat, & nos proxime in Supplemen-
tis recensebimus, opus multo cum applausu excipi; de
scientia quoque militari commentari constituit in gratiam potissi-
mum juventutis generosa stirpe oriundæ ac Marti nomen daturæ.
Ingenue autem fateamur, opus in hoc genere eminentis curiositati
atque utilitati omnium eorum satisfactorum, qui, quæ ullo mo-
do ad rem militarem spectare posse videntur, accurate cognoscere
aveant. Autor enim generosissimus non ea modo in medium af-
fert; quæ domestica experientia & multa cum Viris prudentia mi-
litari eminentibus consuetudo ei suggessit; verum etiam addidit,
quæ ex M^{se}C. Parentis, Potentissimi Regis Poloniarum & Electoris
Saxonie quondam Chiliarchæ & Præfecti Castelli montani *Kæ-
nigstein*, hausit. Partitur opus egregium & hæcenus desideratum
in sex partes. Earum prima docet, quænam sint scientiæ ac artes
præparatoriæ, quibus operam navare debet Nobilis castra secutu-

B b

rus.

rus. Postquam hic regulas utilissimas de educatione liberorum, deque pietate, virtute ac bonis moribus eorum formandis præscripsit, post tyræcinia in legendo & scribendo deposita commendat *Artem delineatoriam ac pictoriam, Arithmeticam, studium linguarum, Latinæ potissimum, Gallicæ ac Italicæ, Musicam, athleticam, artem saltandi, desiliendi, equitandi, venandi, profecandi.* Ubi-que vero ducem fidelem experies *Nostrium, præceptis salutaribus lectorem instruentem.* Succedunt scientiæ Mathematicæ, in quorum censum refert *Geometriam, Architecturam Militarem, & Civilem, Mechanicam, Aerometriam, quam in artis formam primum redactam fuisse a Cel. Wolsfo monet, & cujus multum in arte salutari & æconomia usum agnoscit, Hydrostaticam, Hydraulicam, Opticam, Astronomiam, Geographiam, Chronologiam; sed ex earum numero excludit Astrologiam cum aliis artibus divinatoriis.* Disciplinis Mathematicis jungit *Geographiam naturalem atque civilem.* Rejctis methodis spuriiis conjectandi hominum mores ac inclinationes naturales, quæ nituntur temperamenti & vulgo sic dictis passionibus dominantibus, ambitione, avaritia & voluptate, una cum physiognomia, propterea quod insufficientiam re ipsa expertus, eam præfert, quæ actionibus hominum nititur, a *Cl. Wolsfo* in Meditationibus Moralibus proposita. Postquam regulas quasdam in usum peregrinationum proposuit, & quæ ex Geometria practica discenda sint, docuit; ea ex Architectura militari & Pyrotechnia explicat, quæ militi suo usui esse possunt. Varia vero in Pyrotechnia occurrunt practica, quæ alibi frustra quæsieris. Colophonem Parti primæ imponit bibliotheca militis. Parte secunda generosus Autor officia militum exponit. Absoluto discursu generali de arte militari, quo imprimis prærogativa rei militaris modernæ præ veteri stabilitur, de eadem in specie disserit, ubi juris præsertim militaris & causarum belli habetur ratio. Recenset deinde virtutes & mores, qui militem ornant; monet, quæ circa matrimonia militum observanda; describit eorum jura & privilegia una cum eorundem speciebus. Postquam de Ducibus militum egit; mores cum Romanorum, tum Germanorum scribendi militem delineat, & cum Processum criminalem Desertorum, tum dimissionem militum legitimam descri-

describit. Hisce præmissis singulorum cum militum, tum ducum, tum omnium eorum, qui castra sequuntur, quocunque demum nomine veniant, officia prolixè inculcat. Parte tertia diversæ operationes & expeditiones militares describuntur, veluti mandata imperatoris, consilia bellica, cura exercitus comparandi, faciendi & conficiendi, arma militum, eorum itinera, pabulatio, castrorum metatio, aciei institutio, exercitia militum, munitorum obsessio, defensio, expugnatio, stratagemata, induciæ, victoria, captivatio, sepultura militum, eorumque hospitia una cum plurimis aliis, quæ hisce affinia sunt. Parte quarta prolixè non minus quam accurate singula tradit, quæ in locis munitis tempore pacis observanda, ubi etiam nonnulla de muniendis locis præcepta præmittuntur. Singularia hic occurrunt de milite præfidiario, de præparando pulvere pyrio, de tormentis, mortariis, tormento institutio, commeatu, disciplina militari, officiis militis præfidiarii & supremi præfectus, ut alia complura silentio prætereamus. Parte quinta docet Autor, quomodo loca munita adversus insultus hostiles & obsessiones sint defendenda. Agitur hic inter alia de fœderibus, de avocatoriis, de singulis operationibus bellicis in defendendo loco usitatis, de capitulationibus, ubi locus obsessus hosti tradendus, de pœnis summi præfectus officio suo minus satisfaciens & quæ sunt his gemina alia. Parte sexta eaque ultima exponit Noster, quæ in locis obsidendis & expugnandis tenenda sunt. Exponuntur hic omnes operationes in bello offensivo necessariæ, quæ vulgo in institutionibus Architecturæ militaris sub titulo præceps offensivæ ex parte traduntur, & triumphus quoque cum ignibus festis representantur. In singulis Noster ita versatur per integrum opus, ut, quæ hodie usu obtinent, quam accuratissime describat. Quamobrem qui idem perlegit, eam rei militaris notitiam sibi comparat, quam vix obtinere datum fuisset, si castra diu multumque secutus singulis ipsemet interfuisset, sibi que visa atque experta sedula cura annotasset. Satisfaciet igitur Autor non modo illis, qui Marti nomen dare constituerunt, verum etiam aliis, qui Architecturam militare proferunt, immo eorum quoque curiositati, quibus universæ rei militaris rationem perspicere volupe fuerit. Multa quoque historica operi passim inserta sunt, quibus, quæ dicuntur,

aut illustrantur, aut confirmantur. Sequitur denique appendix, in qua Autor illustris de militibus celebribus & eruditis, de nobilitate, certaminibus singularibus, equitiis, ordinibus equestribus, feudis aliisque agnatis materiis agit. Tabulæ æneæ integras plagulas occupant, ac nitide & distincte oculis spectanda exhibent, quæ ex sola descriptione non sufficienter intelliguntur. Additur in fine index locupletissimus, qui hunc etiam habere potest usum, ut termini militares, quorum sane non exigua copia est, evolvi possint, quoties eorum ignaris occurrunt.

Schauplatz der Wage und Gewicht, Kunst, der Wissenschaft
und Instrumente zum Wasser, Wägen &c.

hoc est,

THEATRUM STATICUM UNIVERSALE;
*Autore JACOBO LEUPOLDO, Mathematico &
Mechanico, Potent. Polon. Regis & Elect. Saxon. Con-*
siliario & Commissario rei metallicæ, diver-
sarum Societatum Regiarum
Membro.

Partes IV.

Lipsiæ, apud Autorem & Joh. Frid. Gleditschii filium, 1726, fol.

Alph. 2 plag. 11 Tabb. æn. 57.

Pergit industrius & de Mechanica omnique Mathesi practica optime merens Autor in edendo Theatro Machinarum universali, & hac vice profert machinas & instrumenta, quæ ad *Staticam* referri possunt, sub titulo *Theatri Statici universalis*. Dividit id in quatuor Partes. Earum primam *Theatrum Staticum* per eminentiam vocat & in ea libras omnis generis in scenam producit una cum ponderibus ad librandam requisitis. Parti secundæ *Theatri Hydrostatici* nomen imponit, & in ea apparatus instrumentorum ad experimenta hydrostatica requisitum describit. Partem tertiam *Theatrum aerostaticum* appellat, & in ea instrumenta aerometrica & meteorologica repræsentat. Denique partem quartam *Theatrum horizontostaticum sive libellationis* dicit, & in ea libella-

bellarum varia genera cum arte libellandi delineat. Agedum vero videamus paulo distinctius, quænam in singulis partibus contineantur.

Præmissis itaque terminorum nonnullorum explicationibus Part. I.
 aliisque principiis staticis, quorum ad librarum æquilibrium in- c. 1. 2.
 telligendum ulus est, commendatisque Autoribus, qui de Statica
 cum fructu leguntur, *Archimede, Guidone Ubaldo, Daniele Mag-*
lichio, Simone Stevino, Wallisio, Jungenickelio, Wolfio & Claudio
Francisco Millieto Dechales; instrumenta quædam describit, qui- 3.
 bus ea ad experimenta revocantur, quæ a Mathematicis de libra
 demonstrantur. Habent nimirum istiusmodi experimenta hunc
 usum, ut rationes praxium mechanicarum illi quoque perspic-
 ant, qui demonstrationum mathematicarum non sunt capaces.
 Inde Cl. Autor digreditur ad libram ordinariam quam accuratissi- 4.
 me quoad singulas partes delineandam, qua in determinando
 pondere mercium utimur, & artificia singula exponit, quibus
 motus libræ onustæ facilitatur. Inprimis etiam libras minores ad 5.
 expendendos nummos aureos contemplatur. Quoniam vero cir-
 ca libras minores, quarum multus est in diversis casibus usus, mul-
 ta quoad fulcra earundem diversitas occurrit; neque in his curate
 delineandis desiderari patitur industriam suam, non neglectis ar-
 tificiis ad accuratam constructionem requisitis. A libra ordinaria 6.
 ad stateram sese confert: ubi etiam majorum rationem habet ac
 imprimis stateram majorem Lipsiensem ad ponderandum currus
 feno onustos a se A. 1718 constructam una cum ea, quæ ante ute-
 bantur, repræsentat. Producit quoque in scenam stateram pro
 pendendis nummis aureis, libram *Cassini*, quæ non solum pon-
 dus, verum etiam pretium mercis determinat, aliasque non mi-
 nus curiosas quam utiles: quas inter comparat statera *Sanctorii* in
 usum transpirationis insensibilis determinandæ ab ipso perfecta
 & nomine *machina anthropometrica* insignita, atque ejusdem
Sanctorii libra Sphynicia seu instrumentum pulsus artieriarum
 dignoscendi. Sequitur tandem prolixus de ponderibus discursus,
 in quo Cl. Autor varia pondera describit & diversis in locis usita-
 torum rationem ad Norimbergense determinat. Utitur hic opera

Part. II.
c. I.

Joannis Georgii Schoapp, qui de hoc argumento A. 1722 suis sum-
tibus peculiarem Tractatum idiomate vernaculo edidit.

In *Hydrostatica* Cl. Autor commendat Cēl. *Wolffii* Tomum
primum Experimentorum, in quo doctrinam omnem hydrosta-
ticam maxima perspicuitate tradi prædicat: quamobrem & ejus
opera hic sæpissime utitur. Laudat tamen & passim Cel. *Gravesan-*
dii Tomum I Introductionis ad philosophiam *Newton*. in quo ean-
dem doctrinam experimentis illustrat atque confirmat. Nimirum
præmissis principiis de diversitate gravitatis specificæ cum solido-
rum, tum fluidorum, ea experimenta recenset, quibus æquili-
brium ac pressio aquæ juxta varias directiones exercetur, & com-
moda describit instrumenta huc requisita. Docet deinde, quomo-
do gravitas specifica fluidorum ope vasis determinatæ molis & li-
bræ vulgaris, sed exactæ, exploratur: ubi imprimis vasis habenda
ratio, ne fluidum in superficiem convexam protuberans pondus
augeat, cum molem non augere censeatur. Monet Noller, se in
his experimentis usum esse pede *Rbenano*, quem in Batavia emtum
contulit cum pede *Wolffiano* & eundem deprehendit. Reperit au-
tem pondus unius pedis cubici aquæ 64 librarum & semuncie
unius, qui juxta *Wolffum* est 64 librar. 7 unciarum 2 drachmarum.
Monet autem pedem Amstelodamensem ex asse congruere cum
Lipsiensi. Digitum cubicum argenti vivi determinat 4120, spiri-
tus vini 226, plumbi 3334, ferri 2338, stanni 2198, ligni ex pyro 193
granorum. Docet præterea gravitatem liquorum specificam ope
tubi recurvi determinare, nec non ope solidorum fluidis specifice
levioribus immerforum. Atque hac ratione delabitur ad aræome-
tra describenda, quorum varia sunt genera. Reperies hic *aræo-*
metrum cerevisarium tum *Dantiscanum*, tum *Leupoldianum*, una
cum *Leupoldianis aræometris* aquæ tam salis quam dulcis densi-
tatem ac specificam gravitatem explorandi. Occurrit porro *aræo-*
metrum singulare in usum mineralium & gemmarum, *aræome-*
trum Monconysii & *R. P. Feuillée*, item *Cornelii Meyeri*, una
cum *Hauksbjæano*, quod ex Tomo primo Experimentorum *Wol-*
ffii exhibuimus in Actis A. 1722 p. 35. Ultimo tandem declarat mo-
dum determinandi gravitatem specificam solidorum in fluidis de-
mersorum. Varias describit libras, quæ huic usui inservire pos-
sunt

sunt & inter eas *stateram hydrostaticam* a *Joanne Adamo Cassio*, Architectorum militarium Praefecto, inventam, qui A. 1721 in Architecto suo militari, Cassellis idioma vernaculo & Gallico edito, novam muniendi formam trigoni & octogoni regularis dedit & a *Cel. Wolfo* in Mathesi se profecisse gratus confitetur. Nec negligit *Vitrum Archimedeum* Cl. *Schwedeborgii*, de quo diximus in Actis A. 1722 p. 264. Quoniam Cl. *Henckelius* in Pyritologia, quam nuper in his Actis p. 270 commendavimus, Cl. *Meuderi*, Medici Dresdenensis, observationes circa experimenta hydrostatica in determinanda tam fluidorum, quam solidorum gravitate specifica una cum gravitate specifica multarum materiarum ab eodem explorata cum publico communicavit: Noster, ne quid omitteret, quod Lectori suo usui esse poterat, easdem huc transferre nullus dubitavit, quamvis opus ultra molem debitam excreverit, ut tres Partes posse iores minuto charactere imprimi fuerit opus.

Aerostaticam appellat Autor, quam alii *Aerometriam* appellant. Part. III.
 Eandem ad tantam perfectionem nostro aëvo pervenisse c. 1.
 agnoscit, ut *Wolffius* eam in formam scientiæ mathematicæ redigere & ipsi inter disciplinas mathematicas locum assignare potuerit. Monet autem, se non omnia hic in scenam producturum, quæ apud *Wolffium* leguntur, sed ea tantum, quæ ad instrumenta & machinas intelligendum sufficiunt, usibus aerometricis destinata. Præmissis itaque experimentis, quibus aeris gravitas, elasticitas & pressio confirmatur, ad *tubum Torricellianum* progreditur, qui hodie *barometri* fert nomen. Multa hic recenset artificia in conficiendis barometris usitata, quæ inter quoque comparent proprio Marte reperta. Describit vero tria genera barometrorum a se ipso inventorum & unum *Anglicanum* in usum itinerum. Docet deinde perspicue, quam manum medicatricem huic instrumento attulerint *Comierius* cum *Guerickio*, (vide Acta Anni 1684 p. 26), *Bernhardus Ramazzini* in Ephemeridibus barometricis Murinensibus, *Joannes Bernoulli* in Actis A. 1716 p. 11, *Hugenius*, *Philippus de la Hire*, *Reyberus*, *Amontoni*, *Boyllius*, *Hookeius*, *Hallejus*, *Franciscus Tertius de Lanis* aliique. Cum de causis mutationum in barometro differit, variorum quoque experi-

- perimentorum mentionem injicit, & hinc inde lectorem ad *Wolffii* Tomum I & II Experimentorum ablegat. Explicat hic quoque methodum altitudines montium ope barometri determinandi & observationes *Mariotti* cum *Scheuchzerianis* inter se confert. De luce barometrorum cum Cl. *Leutmanno*, *Beuthnero* & *Büttnero* sentit, multiplici experimentorum fide fretus, 1 barometrum in tenebris agitatum non lucere, si pars superior tubi ab omni aere fuerit vacua; 2 lucem autem extemplo comparere, admissa bullula aeris; 3 lucem comparere in Mercurii descensu, minime autem in ascensu, 4 bullulam tamen intra Mercurium interceptam lucere tam in ascensu, quam in descensu, 5 lucis quantitatem esse aeris quantitati ita proportionatam, ut nimia lucem omnem extinguat, justo minor eandem debilitet, 6 Mercurium purificatum fundere lumen clarius, impurum debilius. Instructionem barometri lucantis dat ex ejusdem *Leutmanni* Meteorognosia, nuper in his Actis p. 24 recensita. Ceterum hac data occasione agit de experimentis *Hauksbejanis* ope Mercurii descenditis vel affricu vitri evacuati producendi lumen. A barometro ad manometrum digreditur. Primum exhibet *Guerickianum*, quod inventor cum *Boyllis* pro barometro habuit, sed manometrum esse demonstravit *Wolffius*, cujus ex parte secunda Experimentorum demonstrationem adducit Noster. Subjungit *Varignonianum* & *Wolffianum*, ac utrumque ipsis *Wolffii* verbis describit. Inter thermometra primo loco representat *Drebbelianum* sive *Batavum*, in quatuordecim formas distinctum. Subjungit *Florantinum*, ubi quoque thermometrorum *Fahrenheitianorum* concordantium mentionem injicit, de quibus diximus in Actis A. 1714 p. 380, & quorum perennem concordiam ab illo tempore in hunc usque diem expertus est *Wolffius*. Nec silentio præterit thermometrum Mercuriale, quod antea jam ab aliis descriptum tanquam novum inventum proposuit Cl. *Baltasar* in Actis A. 1719 p. 128. Inter hygrometra, quæ magno numero affert Cl. Autor, comparant etiam *Teuberiana*, *Lichtscheidianum*, *Gouldianum*, *Amontonianum*, in Actis A. 1685 p. 316, A. 1687 p. 76, A. 1688 p. 179, 180, 376 descripta. Imprimis detegit arcanum hygroskopium Hamburgense, quod tantopere prædicatum ab inventore, etsi Noster idem ceteris hygrometris inferius longe depre-
- hen-

beuderit. Nimirum *J. G. Cotta*, quem laboratorio suo mechanico præfecit Autor, cum ob impedimenta ipsemet labores dirigere nequeat, experientiz in pueritia haustæ recordatus reperit, parari idem ex gummi cerasi adhuc molli, si inde fila formentur & ex iis tela oblonga instar lamellæ formetur. Est enim *Hamburgensis* longitudo 4 digitorum, latitudo $\frac{3}{4}$ unius: quod charta obductum in parte superiori, ubi manu tenetur. *Hystometra* tria describit; scilicet *Leutmannianum*, aliud inde simplicissimum a se constructum, & illud, quo utuntur Medici Uratislavienses. Addit duo alia curiosa a se inventa, quorum primum determinat quantitatem pluviz ad singulos dies, vel singulas diei horas; alterum ejusdem pondus ope indicis monstrat. Postquam plagoscopia varia delineavit & inter ea quoque nonnulla curiosa, quæ pro diverso ventorum impetu diversos sonitus edunt; ultimo tandem loco anemometra exhibet diversa, nempe *Anglicanum* ex Transactionibus Anglicanis, *Wolfsanum* ex Aerometria *Wolfsiana*, *Gartbnerianum*, quod Dresdæ instituitur in tecto ædium *Dinglingianarum*, nec differt a *Leutmanniano*, cujus mense Martio p. 125 meminimus, variaque a se inventa, quæ inter maxime curiosum illud reperitur, quod plagam, unde ventus spirat, & ejus impetum ipsummet in charta annotat. Hoc inventum permovit Autorem ingeniosissimum, ut etiam de thermometris & barometris cogitaret, quæ ad certas diei noctisque horas mutationes ipsamet annotent. *Becheri* inventum ex ipsius Tractatu de nova dimensione temporis explicat, ope barometri motum penduli horologio applicati ad æqualitatem reducendi. Colophonis loco subiicit Invitationem *Cel. Jacobi Jurini* ad observationes meteorologicas ex Actorum horum Tomo VIII Supplem. p. 389.

Artem libellandi *Cl. Leupoldus* a linea horizontali, quæ libellæ determinatur, *Horizontostaticam* appellat. Explicata igitur differentia, quæ inter lineam horizontalem veram atque apparentem intercedit, & reductione apparentis ad veram; libellæ distinguit in tres classes. Prima est earum, quæ perpendiculo instructæ sunt: secunda istarum, quæ suo sese pondere in situm horizontalem componunt: tertia denique illarum, quæ ope aquæ vel alterius fluidi lineam horizontalem determinant. Ad priorem classen refert instrumenta fabrilia, quibus fabri murarii alique

c. 4.

5.

utuntur, Romanis olim generali *librarum* nomine designata. Addit, deinde libras aquarias alias a *Piccardo, Sturmio, Chappottio* & proprio ingenio excogitatas. In *Sturmiana* & *Chappottiana* aliquot defectus notat. In classe posteriori comparent libellæ *Hugenii, Butterfieldii, Hariskeri, Rameri, Sturmii* & ab Autore vel inventæ, vel ulterius perfectæ. In classe denique ultima locum habent libræ aquariæ *Mariotti, Philippi de la Hire*, ipsius Autoris & variæ anonymorum. Adjicitur ob affinitatem *Gertneri* instrumentum metiendi altitudinem & basin turris, & instrumenta ad libellationem necessaria enumerantur.

**Joh. Georg von Eckhart gründliche Nachricht von
der Kays. und Königl. Alten Salzburg und
dem Pallaste Salz in Francken.**

hoc est,

JOHANNIS GEORGII AB ECKHART
*Dissertatio de Imperiali & Regio Palatio Sa-
le in Franconia sito.*

Herbipoli, typis Henrici Engmann, 1726, 4.

Plag. 7.

Nactus est hanc conscribendæ opellæ elegantis materiam Ill. Autor, cum superiori anno Celsiss. Princeps, Episcopus Herbipol. cui Noster est a Consiliis intimioribus, a Neostadiensibus ad Salam, quibus proxime adjacet Salæ palatium, juramentum fidelitatis acciperet. Palatia Regum vetera vel ideo notanda esse, quod in iis olim procerum Conventus Synodique celebrarentur, ac leges, privilegia præceptaque ederentur, nemo negabit. Mabilonius inde librum *de Palatiis Regum Francor.* partem Artis suæ Diplomaticæ esse voluit; in quo tamen pleraque in Germania Cisterhenana sita omisit, atque inter ea etiam *Palatium Sala*. Hoc *Sala* adsitum fuisse veteres expressis verbis dicunt. Sed plerique ad Salam Thuringicam collocant, cum tamen & in Franconia celebris decurrat Sala, qui Mæno ad Gemundam miscetur. Hunc a Strabone nominatum, Autor doctissimus putat, quando is scripsit, Drusum inter *Salam* & *Rhenum* bellum felici successu gerentem obisse.

obiisse. Nam Salam Thuringicum nondum tunc Romani noverant, ut ex Drusi expeditionibus Germanicis ostendit. Hunc eundem *Salam* sive *fluvium Sale* secundum esse statuit, ad quem, Tacito autore, Hermunduri Catts ingenti prælio devicere. Nam Sala Thuringicus longe a Cattis remotus fluxit, ut ad eum de finibus cum Hermunduris certare non potuerint. A Sala Franconico dictus etiam est *pagus Salageune*, unde *Legi Salica* nomen. *Castrum Saltzburgum* in eo jacet; & sub eo *palatium Sala* in insula, quam ibi Sala facit, olim conspicuum fuit, Neostadio proximum. Recentiores quidam tradunt, Pharamundum Salzburgi resedisse, quod tamen Noster non plane affirmat, quanquam agnoscat, Clodionem quoque non procul inde sub sylva Thuringica in Hennebergico tractu castrum *Dispargum* incoluisse, unde ibi adhuc mons, *dis Dietburg* dictus, nomen servet. Gregorius Turonensis suo tempore hoc castrum in *termino Thuringorum* jacuisse ait, quod non *in finibus*, sed *in regione Thuringorum* exponendum est. Thuringi enim non solum successerant Francis in pagis *Bodogeune* & *Windogeune*, hoc est, in terris a Boda fluvio & Albi ad Sylvam Thuringicam usque extensis, sed Francos sub Childerico I etiam Pagis *Salageune* & *Wirogeune* sive *Weringeune* expulerant, aliasque gentes Mœnum inter & Danubium hærentes oppresserant, unde ab ea ætate usque ad Caroli Martelli tempora *Thuringia* ab Albi ad Danubium usque extensa fuit &, quicquid *Hermunduri* tenuerant, complexa est. Geographus Ravennas hac de causa *Thuringiam*, antiquitus *Germaniam* dictam esse refert, eamque inter Saxones, Francos Rhenses & Suevos sive Alamannos collocat. Inter fluvios Thuringiæ recenset *Bac* & *Reganum*, qui in *Danubio* mergantur. Ubi *Bac* forte ex *Nabac* sive *Nabi* corruptum est: nam *Nabis* & *Reganus* etiamnum extant, & a Danubio excipiuntur. *Thuringia* igitur Danubio tunc terminata est. Eugippius in vita S. Severini *Thuringorum* & *Alamannorum* in *Noricum*, trajecto Danubio, incurSIONES commemorat. *Hunos* ex Pannonia in *Thuringiam* irruisse, Gregorius Turonensis & Paulus Diaconus referunt. *Winidos Slavos* sub Samone Rege, hoc est, *Carantanos*, Thuringiam vastasse, Fredegarius testatur. *Super Thuringos* habitare *Suevos*, Procopius

inquit; ejus vero ætate Suevi jam Nicro terminabantur, & ad hunc fluvium Thuringis vicini erant. Jornandes, Suevos Thuringis septentrionem versus confines esse, profitetur. Continuator Fredegarii scribit, Carolum Martellum Carolomanno filio testamento legasse *Austrasiam, Sueviam & Thuringiam*. Possedit vero Carolomannus non solum Thuringiam nunc ita dictam, sed etiam, quicquid nunc Circulus Franconiz complectitur; omnis ergo hæc regio *Thuringia* tunc dicta est; neque enim ad Sueviam pertinebat, quam nemo tam late extendit. Qua occasione vero pars maxima Thuringiz nomen mutarit, & appellationem *Novæ Franciæ* sive *Franconia & Partis Austriæ* aut *Franciæ Orientalis* receperit, pluribus Autor pandet in *Antiquitatibus Ducatus Franciæ Orientalis*, quas jam prælo subdit. Sanctimonialis Heidenheimensis in Vita S. Willibaldi Eichstetensis Episcopi primi dicit, eum venisse in *Thuringiam* ad S. Bonifacium & ibi in Episcopum consecratum esse in loco, qui dicitur *Salzburg*, pro quo Anonymus in Vita S. Willebaldi *Salzburg* rectius habet. Refutat hic Autor illos, qui *Salzburgum* hoc ad Salam Thuringicum collocarunt. Est ibi quidem arx *Salzburgum*, sed in dextra Salzæ ripa; atque ita Bonifacii ævo in Sorabis jacuit, nondum Christianis nec Francis submissis, ut adeo ibi nullatenus Synodus haberi & in ea Willibaldus consecrari potuerit. Ostendit porro Ill. Autor, in eadem Synodo, paullo tamen ante Willibaldum, *Burchardum Wineburgensem & Wittam Buriburgensem* Episcopos creatos: *Adelarium* vero, quem vulgo Erfurtensem Episcopum ferunt, nunquam Episcopum fuisse, sed *Presbyterum* cum S. Bonifacio Martyrium passum. Hac occasione Synodus a Bonifacio habitas in ordinem redigit, & hanc *Salzburgensem* inter eas necessario computandam esse demonstrat. Willibaldus enim in Vita S. Bonifacii indicat, Synodum Sueffionensem fuisse *quintam*, cui præfederit Bonifacius. *Prima* vero sine dubio fuit *Bajoarica* anno 740 congregata *Frisinge*, ut suspicio est, in qua Bajoaria in quatuor dioceses dispartita fuit. *Secunda* fuit hæc *Salzburgenfis* anno 741; *tertia* autem illa, quam vulgo & erronee *Concilium Germanicum primum* nominant, & Autor anno 742 etiam *Salzburgi* in Castro Regio habitam existimat, quia ipse Carolomannus Major do-

mus

mus regis ei interfuit. *Quarta* Sixtinis anno 743, & *quinta* apud *Sueffiones* A. 744 coacta est. Sic omnia bene cohærent. Veteres Annales Francici ajunt, A. 768 Pippinum Regem in *castro Sels* Pascha celebrasse, quod a *Castro Salz* five *Salzburgi* non differt, quia *e* & *a* olim permutabantur, ut Noster pluribus exemplis ostendit. Ab hoc vero tempore sub Carolo M. non tam frequens Castri, sed plerumque *Palatii Salz* five *Sale* mentio fit. Et Laureshamenses Annales asseverant, Carolum M. A. 790 *per Mœnum fluvium ad Sale palatium in Germania juxta Salam fluvium constructum, navigasse: atque inde iterum per eundem amnem secunda aqua Wormatiam reversum esse.* Qui locus invicte probat, Salzburgum & Palatium Salæ ad Salam Franconicum sita fuisse. Poeta Saxo hoc distinctius prodit, ubi ad hunc ipsum annum canit :

*Est aggressus iter Mœnum navale per amnem,
Ascenditque per hunc, donec prope mania venit
Magna Palatine sedis Salt nomine dicta,
Nascenti vicina Sale: nam fluminis hujus
Rivus adhuc modicus hac ipsa palatia cingit,
Vix raucum per saxa cians resonantia murmur.*

Ex Mœno itaque Carolus M. in Salam ascendit, quousque navigari potuit. Navigabilem vero olim usque ad Salzburgum & Palatium Salæ fuisse, non incredibile est. Hodie alveus molendinis impeditus, & tractu temporis sabulo advecto altior factus est, quæ fata & alii Germaniæ fluvii olim navigabiles habuerunt. *Palatium* vero, cum ejus ante Carolum M. nulla mentio fiat, ab ipso Carolo M. constructum reor. Adjacet ei Sylva olim ingens *Salzforst* dicta & Regum venationibus commoda. Regio amœnissima est & vini frugumque ferax. Non mirum ergo est, hoc Palatium ab Imperatoribus & Regibus nostris tempore præsertim autumnali, venationis causa, frequentatum fuisse. Anno 793 Ludovicum ex Italia ad patrem Carolum M. in loco *Salz* dicto venisse, Anonymus in Vita Ludovici Pii testatur. Anno 803 Annales veteres scribunt, Carolum legatos Imperatoris Constantinopolitani recepisse in *Germania super fluvium Sala, in loco, qui dicitur Salz*, quem Anna es Hildesheimenses hic *villam regiam* appellant. Ibidem hoc ipso tempore privilegium Fortunato Patriarchæ Gradenſi de-

dit, ab Ughello Ital. Sacræ Tom. V pag. 1181 recensitum. Datum id est *Idus Augusti in Salz palatio nostro*, ut verba ipsa habent, in quibus Cointius pro *Sacro* recte reposuit *Salz*. Ibidem hoc ipso anno 803 Saxones in gratiam recepit Carolus M. eosque liberos & Francis pares declaravit, ut ex Poeta Saxone & Chronico Quedlinburgenſi liquet. Hic quæque anno 803 Episcopatum Halberſtadenſem confirmatum, ejusque limites deſcriptos eſſe, Autor probat. Anno 804 *Caroli M. Imp. Capitulare, quarto Imperii anno datum ad Salz*, prodiit. Ludovicus Pius Imp. anno 826, teſtibus Annalibus Laureſhamenſibus, ex conventu Ingelheimenſi *trans Rhenum ad villam, quæ Sels vocatur, cum comitatu ſuo proſectus eſt*; quam villam Anonymus in Vita Ludovici Pii Salz rectius vocat. Hic & tunc Neapolitanorum Legatos ſuſcepit, & *transacta autumnali venatione circa Kalendas Octobris per Manum fluvium uſque ad Franconofurt ſecunda aqua migravit*. Ludovicus Germanicus anno 841 poſt prælium Fontiniacenſe *mediante menſe Auguſto venit ad villam regiam, quæ vocatur Salz*, ut etiam Annales Laureſhamenſes habent. Ludovicus III Rex anno 877 Sigehardo Abbati Fuldenſi privilegium dedit, quod dicitur *Actum Salz villæ regie*. Idem, ſecundum Annales Fuldenſes, anno 878 *a diebus Quadreſimæ uſque ad menſem Majum moratus eſt in villa regia, quæ vocatur Salz, & inde tranſiens apud Franconofort generalem habuit Conventum*. Arnulſus Imp. anno 897, iſdem Annalibus teſtibus, Fulda *ad curtem, quæ dicitur Salz, pervenit*. M. P. R. Meichelbeck Hiſt. Friſing. T. I pag. 171 Diploma Ottonis I Regis anno 940 IV Kal. Jun. datum exhibet, cui ſubſcriptum: *Actum Salce*. Eo vero tempore Ottonem in Franconia egſſe, res geſtæ evincunt. Otto III Imp. tandem *Caſtellum & ſui juris curtem Salce*, hoc eſt, *Salzburgum & Palatium Sale* ſanctiſſimæ digniſſimæque ſedi Wirceburgenſi, ut verbis diplomatis utamur, ad honorem Mediatoris Dei & hominum Salvatoris mundi dedicatæ, & in venerationem pretioſiſſimorum Martyrum Kiliani, Colonati & Totnani conſtructæ, cum omnibus ad illud pertinentibus & cum integro Pago Salzgonvi ſive Salageuve, villisque ac ſylvis innumerebilibus ad preces Heriberti Archiepiſcopi Colonienſis & Bernbardi Saxonie Ducis, ob remedium animæ genitoris ſui ſuæque matris

Theo.

Theophanu Imperatricis Augusta, nec non propter ineffabilem dilectionem & obsequium Domini Heinrichi venerandi Pontificis Wirceburgensis, solenni traditione donavit. Autographum Diplomatis, inter rariora numerandi, Archivum Ecclesiæ Cathedralis asservat. In ejus titulo Otto tertius se servum Jesu Christi & Romanorum Imperatorem Augustum vocat, quo nomine etiam utitur in Diplomate Nienburgenfi anno 1000 Kal. Maji dato. Ex Hildesheimensi Archivo Ill. Autor etiam produxit initium alius diplomatis A. 1001 X Kal. Febr. dati, in quo dicitur: Otto tertius, Romanus, Saxonicus & Italicus, Apostolorum servus, dono Dei Romani Orbis Imperator Augustus. Subscriptio diplomatis Castrum & Palatium Salz concernentis hoc est: Data Idus Maji, anno Dominica incarnationis Millesimo, Indict. XIII, anno Tertii Ottonis regnantis XVI, Imperii IV. Actum Aquisgrani feliciter, amen. Loco Sigilli appensa est Bulla plumbea, quam exacte delineatam Autor inferuit. In antica parte est Protome Imperatoris cum ferto laureaceo & diademate quoque quatuor liliis ornato. Circum legitur: OTTO IMPERATOR AUGUSTUS. In postica Imperator stat indutus habitu militari: caput galea tectum est, crinibus contortis in tergum defluentibus: dextra tenet hastam regiam cum vexillo, in quo lilium cernitur, humero inclinatam, & scutum. Inscriptio addita est: RENOVATIO IMPERII ROMANORUM. Mabillonius eandem bullam ex alio diplomate edidit, sed minus accurate delineatam. Juxta Palatium in sinistra Salz ripa & in pago Grapfeld, qui ibi incipiebat, jacebat & villa Salz, quam Henricus II Rex anno 1002 eidem Henrico Episcopo Wirceburgensi donavit diplomate, quod Autor noster etiam ex autographo publicavit. Villa Salz etiam Obersalz olim dicta est, & nunc est oppidum Neostadium ad Salam. Distinguenda ergo sunt, quanquam proxime sibi adita, Castrum Salz sive Salzburgum, Palatium Salz & villa Salz. In donatione Castri Salz Otto III Imp. excipit pradiolum, quod inde per Chartam largitus erat Gotzoni cuidam, quem ideo ab Episcopo Wirceburgensi Advocatum hujus loci constitutum putes, & ab eo Advocatus de Salzburg (die Vögte von Salzburg) descendere. Sub his Salzburgum Ganerbinatus factus est tandem. Castri rudera magnifica sane restant,

restant, unde prospectus lætissimus in valles subjectas patet. Palatii ne vestigium quidem amplius cernitur: locus tamen Poetæ Saxoni de ejus situ in insula Salz dubitare nos non finit. Fata ergo eadem habuit cum *Palatio Grone*, quod in monte prope Göttingam ad amnem Gronam substitit olim; nunc lapidibus aëctis in agros commutatum est. Mons vero, dum adhuc *der Burgberg* dicitur, palatii memoriam solus conservat & cives Göttingenses *Burgum* sive *palatium Grone* ab Imperatore adhuc in feudum accipere tenentur. *Triburia* quoque ad Rhenum celebre Palatium fuit; sed nec in villa, quæ nunc *Trepper* vocatur, vel minimum de eo indicium reperias. Villæ Salz partem possedit *Richenza* Regina Poloniæ, quæ & hanc anno 1058 Ecclesiæ Wirceburgensi concessit. Autor de ea ejusque familia pluribus agit, & inter cætera ostendit, *Cunonem Bavarie Ducem* Richezæ ex fratre Ludolpho nepotem fuisse. Pater Richezæ & Ludolphi erat *Ezo Comes Palatinus Rheni*, & Mater *Matbildis, filia Ottonis II Imperatoris*. Tandem evincit, *S. Liutbirgem* inclusam, quæ Monasterio Michaelsteinensi in Principatu Blankenburgensi originem dedit, Salzburgi in Franconia natam esse. Obiter notamus, pag. 27 inferi Inscriptionem Latinam literis Græcis exaratam, quæ nuper Marixmëgingæ in Suevia in Monasterio Franciscanorum reperia est hujus tenoris:

ΕΥΠΟΡΟC
ΟΥΡΒΙΚΟ ΦΙ
ΛΙΩ ΒΕΝΕΜΕ
ΡΕΝΤΙ ΦΗΚΙ.

Sub verbis hisce incisa lapidi erat Columba, olivæ folium ante se habens: unde concluditur, Euporum & Urbicum Christianos fuisse. Ceterum Ill. Autor nobis indicavit, se omnia, quæ hic brevibus protulit, fusius deducturum in *Antiquitatibus Ducatus Francia Orientalis*, quas ex Autoribus coævīs & diplomatibus confirmabit, & monumentis Regum Francorum, sigillis, nummis & geminis illustrabit, cujus operis, quod avide haud dubie expectabunt Eruditi, Tomum I proxime prelo subjicere constituit. Interim quantum ex hoc opere utilitatis sperari possit, vel ex hoc, quod dedimus, specimine satis liquet.

Jo-

JOHANNIS DAVIDIS KOELERI, HISTOR.
Et Polit. P. P. Et Bibliothecarii Altorffini, Historia Genea-
logica Dominorum Et Comitum de Wolfstein Et c. ex ipsis
chartis, diplomatibus, codicibus Tabularii gentili-
tii variisque aliis fide dignis Monu-
mentis Et c.

Francof. & Lipsiæ, prostat apud Christ. Riegel, Bibl. Nor. 1726, 4.

Alph. 2 plag. 10 tab. æn. 13.

Quandoquidem Koeleriani nominis ob excellentia in res com-
 munis patriæ Historicas Genealogicasque merita ea est cele-
 britas, ut Augustissimo etiam Cæsari, CAROLO VI, innotuerit, &
 singularibus prorsus, quod novimus, summæ gratiæ signis coho-
 nelatum sit, illud fronti libri, quem in manus sumimus, adscri-
 ptum satis de ejusdem præstantia testari videtur. Ea de causa etiam
 nostra nihil opus erat recensione, aut, quod idem est, laudatione,
 nisi instituti nostri intercessisset ratio, jussissetque, vino vendibi-
 li hic, ut sæpe alias, suspendere hederam. Ex quo Clarissimo
 Viro historiam in Altdorfina Academia publice docendi munus
 injunctum est, sibi sedulo elaborandum esse credidit, ut Genea-
 logicum studium, quod Nicolao Rittershusio, Antecessori Altorf-
 fino, præcipuam suam culturam debet, in amœnissimo illo Musæ-
 rum hospitio non intercidat plane; bono omine & magna illius
 studii felicitate, quod huic novo Statori præ Rittershusio majora
 aut debet jam, aut proxime debebit. Familiæ Augustæ, Carolin-
 gica, Francica, Suevica, Lucemburgica, summa cura emaculatæ
 atque firmatæ, neminem harum rerum studiosum latent; de Com-
 mitibus etiam S. R. I. Illustrissimis spes ingens olim a Nostro est
 excitata, & en! nobilissimi & gravissimi laboris primitias & quan-
 dam veluti promulgidem, sed talem, ita res bene vortat Musis
 Genealogicis, ut, si ad eam accesseris, non quadam capiaris sati-
 etate, sed justarum epularum ardentissimo incendiaris desiderio.

Opus ipsum in duas partes sua sponte scinditur: Historiam
 Wolfsteinianam ipsam, & Codicillum diplomatum & documen-
 torum variorum historiam Wolfsteinianam illustrantium, de
 quæ libellis, chartis, diplomatibus, literis, laudis, privilegiis,

Ddd

epi-

epitaphiis sat instructo, non est, ut plura dicamus. Historia autem Wolffsteiniana tribus Capitibus absolvitur. Primum Genealogiam & successiones Wolffsteiniorum a Seculo XIII usque ad nostra tempora exponit. Initium Illustrissimi stemmatis est a *Godefrido Seniore de Sulzperg*, nobili & milite, non quod ab hoc Viro condita sit gens, aut nobilitatis honorumque aliorum decora eidem primum illata sint; sed quod injuria temporum, an majorum incuria, carere nos jussierit idoneis testimoniis, quibus, si exstarent, fortes multos majores longæ nocti eximere liceret. Sane in charta Rabadonis Comitis Palatini Bavariz & Henrici Comitis de Ortenburg A. 1217 fuit testis; idem A. 1272 Cœnobium monialium Cisterciensis Ordinis, *Felix Porta* (*Seligen Pforte*) vocatum, fundavit; ab Heinrico etiam Raspone, Rege Romanorum & Landgravio Thuringiz, alterum Castrorum Adelenburg vel Heinburg in castrense feudum A. 1246 accepit; quæ omnia, eundem nec novum hominem fuisse, nec tenui fortuna, clarissime testantur. Hujus Godefridi I ex Filio Godefrido II fuere Nepotes Leopoldus I de VVolfstein & Albertus I Senior de VVolfstein. Leopoldi familia in duos ramos VVolfsteinensem & Allersbergensem late efflavit, sed paulo post emarcuit. Servata adeo gens per Alberti I posteris, quos inter Nepotes Albertus III & VVigulejus, ille Lineam in Sulzbergo inferiore ineunte Seculo sexto decimo extinctam condidit, hic lineam in Sulzbergo superiore propagavit. VViguleji Nepos Albertus V a Carolo V an. 1522 Liberi Baronis in superiori Sultzbergo dignitatem accepit; Alberti autem V Atnepos Albertus Fridericus A. 1673 ab Imperatore Leopoldo S. R. I. Comitibus adscriptus est. Hujus Filius Christianus Albertus Pater Patriz laudatissimus suis feliciter imperat, filio unico decennii Friderico Wilhelmo Augusto post multam sed aut femininam aut minus vitalem sobolem ex illustrissima uxore, Augusta Friderica, Comite de Hohenloe & Gleichen susceptam, in spem Patriz superstite. Asserta præstantissimis monumentis ubique sunt firmata, adjectæque Tabulæ & Progonologicæ, & Genealogicæ, ut summx perspicuitati nihil omnino deesse videatur. Hactenus optime meritus est de Wolffsteiniiis suis celeberrimus Autor; sed si, eundem magnam etiam nobilitatis Germanicæ partem sibi de-

vin-

vinxisse, originibus vel demonstratis, vel illustratis, dixero, non erravero, uti fatebuntur, qui doctissimas notulas accuratius paulo inspicient. Hoc modo attingit Vir doctissimus p. 8 Haydeckios, p. 16 Nortenbergios, Seldeneccios & Bebenburgios, p. 32 Pincernas de Reicheneck, p. 33 Breitensteinios, p. 40 *die Spaten*, p. 44 de Thungen, p. 57 Parsbergios, p. 59 Buchbergios, p. 60 de Kamer, p. 61 Waldenfelsios, p. 69 Lichtensteinios, p. 70 Rosenavios, & Stauffios de Ernfeld, p. 75 Frauenbergeros, p. 81 Marefchallos de Pappenheim, p. 85 Törringios, p. 86 Schaumburgios, p. 91 Kunfpergios, p. 92 Grumbachios, p. 96 Steinios, p. 98 Wiefenthavios, p. 103 Degenbergios, p. 110 Abspergios, p. 128 *die Schutzspei, genannt Milchling*, p. 150 Teufelios in Gundersdorf, p. 154 Heydeggios p. 171, Puchaimios p. 176, Thanaufios p. 183, Freybergios, p. 185 Lodronios, p. 187 de Scala, sive *von der Latsch*, p. 185 Windischgratzios, p. 190 Pæmpflingios Weyneggiosque, p. 192 Ebersteinios & Rogendorfios.

Caput II Possessiones, Dignitates, Jura, Prærogativas Wolfsteiniorum exhibet. Ad possessiones pertinet Castrum Wolfstein, quod versus orientem æstivum unius horæ intervallo a Neo-foro, Palatinatus Superioris oppido, in edito monte situm olim jacebat, nunc dirutum & prostratum, nec ad Wolfsteinios amplius pertinet. Castrum adeo patrimoniale est Sulzbergum, in altissimi montis cacumine duabus leucis a Novo-foro situm; superius appellatum, quod inferius olim in eodem montis jugo exstaret nunc plane dirutum. Sed & arx vicusque Pyrbaum ad Wolfsteinios pertinet; Allersberga vero olim exciderunt. Ditiones Saltzburgenfis ac Pyrbaumenfis immediate subsunt Imperio Germanico, Dominique eorum soli Imperatori obnoxii ad Circulum Bavaricum pertinere, Comitibus autem S. R. I. inserti, inter Franconicos lpcum Nostitios inter & Schœnburgios medium occupant, & Status Imperii immediati jura, plenariamque territorialem superioritatem exercent. Beneficia & decimas nonnullas debent Episcopo & Principi Eichstadiensi, Duci Palatino Neuburgico, & Marchioni Brandenburgico Onoldino. Sed & ipsi nobilia feuda concedunt Vasallis suis, quos inter Reverendissimum capitulum Ecclesiæ Cathedralis Eichstettenfis, Respublica Norim-

bergenſis & Familiæ nonnullæ patritiæ ejusdem Reipublicæ nomen ſuum profitentur. In Torneamentorum monumentis probis & genuinis, ut de Rixnerianis fabulis taceamus, honorifica Wolffſteiniorum fit mentio; Inſignium autem decore nunc utuntur in hunc modum. Scuto ſimplici aureo, in quo duo leones pardini rubei conſpiciuntur, galeæ inſiſtunt duæ, prior coronata inter expaſas alas duas nigras vulturis, quarum ſingulæ pennæ lineis trium aureorum trifoliorum notatæ ſuſtinent leonem exorientem coronatum & aureum; e poſteriore protenditur cum collo caput lupi nativi coloris, collari aureo redimitum, portantis aureo ore agnellum nigrum ungulis aureis ornatum; lacinie circumfluunt aureæ & nigre.

Cap. III denique vulgariſſimi errores nonnulli de Wolffſteinis reſutantur, quorum primus eſt, Wolffſteinios eo demum tempore, quo acquiſiverunt nomen & dignitatem liberi Baronatus, in ordinem Dynaſtarum Imperii immediatum relatos fuiſſe, ac jura territorii Imperio plane ſubjecti accepiſſe; alter: Wolffſteinios Bavaricis, Neoburgicis & Sultzbaceniſibus Landſaſſiis quodammodo eſſe accenſendos; tertius denique eorum, qui Wolffſteinios Collegio Comitum Suevicorum adſcribunt, cum anno ſeculi præteriti ſexageſimo octavo Collegio Comitum & Baronum Franconicorum acceſſerint. Hæc de ipſa Hiſtoria Wolffſteiniana. Nunc de ejusdem ornatu dici poſſet, niſi jucundiſſimas imagines oculis uſurpare quam deſcribere eſſet ſatius. Indicandum tamen eſt, eſſe Tabulas æneas XIII, ſigilla, lapides ſepulchrales, nummos, inſignia aliaque Wolffſteiniorum monumenta ſiſtentes; præterea Iconiſimiles frontes ſectionum exornant VI. Initiales etiam literæ æri ſunt incisæ V, Coronides eodem artificio additæ V, non inani lubidine artificis effictæ, ſed magna cura ab celeberrimo Autore ſelectæ & ordinatæ, ita ut omnia iſta ornamenta vel Hiſtorici, vel Heraldici, vel Topographici quid magna animi oblectatione exhibeant.

AMOENITATES LITTERARIÆ, QUIBUS

variæ Obſervationes, ſcripta item quedam anecdota & rariora Opuscula exhibentur.

TOMUS

Tomus V.

Francof. & Lipf. apud Dan. Bartholomæi, 1726, 8.

Plag. 20.

NOn sine voluptate etiam hanc partem *Amenitatum Cl. Schol-
bornii*, probis observationibus refertissimam, perlustravi-
mus. Primo statim loco comparet lepida *Dissertatio de Solacif-
mis litterariis* a nonnullis circa vocabula quædam aut etiam *Chro-
nologiam* commissis. Memorat nempe, quomodo *Albertus de
Eyb* ex titulo libri *Hermaphroditi* nomen viri fecerit, quem no-
minavit *Jo. Antonium Hermaphroditum*: quomodo *Præsul qui-
dam Clementinas & Novellas* pro meretricibus, alius autem *De-
calogum* pro honesto & satis spectato viro habuerit: ut alii *He-
braicæ* aut *Græcæ* linguæ ignorantia in similes errores prolapsi
sint. Nec committit *Symposium* illud *Lactantii* in viri nomen trans-
formatum; neque historiolum de aulico *Francisci regis Galliæ*,
qui *epigramma* genus edulii esse putavit, & de alio Gallo, qui
libros *dominorum* elogio, tamquam filios viri eruditi, insignivit.
Hinc & §. 7 ostendit, *Theophrastum Paracellum* prænomen *Aure-
oli* adsumsisse ex male intellectis *Hieronymi* verbis: *Fertur au-
reolus Theophrasti liber* &c. Alii ex vernaculis verbis *fare wel,
weiland* nomina *Propria* fecerunt, & *Tomum* pro viro valde do-
cto & *πολυγλωσσῶ* habuerunt, quod vidissent, libris plurimis
additum *Tomus I, Tomus II* &c. Quin & sanctos, malos genios,
hæreticos & alia portenta ex innocentibus vocabulis effectos esse,
variis exemplis monstratur, quæ longum esset hic repetere.
Concludit *Dissertationem* duobus *Epigrammatibus* in factum *Ju-
sti Lipsii*, qui *Virgini Halensi* virilem vestem dicavit, ob quod in
altero *Solacismi* arguitur. Sequitur II *Epistola M. Jo. Conradi
Durræi, Prof. Alt. ad Dom. Georg. Sigismundum Fubrerum, de Jo-
hanne Faustø*, qua non modo totam istam ineptissimam *Fabulam*,
olim quidem ideo usurpatam, ut rudis plebecula horrendo isto
Fausti exitu mota a superstitione & magicis artibus revocaretur,
postea autem magis magisque corruptam, fabulam tamen, non
historiam esse, abunde & ex ipso commento desumptis argumen-
tis evincit. Occasionem autem fictioni dedisse *Jo. Faustum, Ger-
mens-*

mersheimensem, *Palatinum*, qui inter primos in Germania typographicam artem excoluit, & adeo monachis, qui scribendo multa lucrabantur, detrimento fuit: istos nempe odio impulsos Faustum præstigiatores abominandum fecisse, non imperite demonstrat. III de *Jo. Aventini Annalium Epitome*, *varisque ac variantibus editionibus* Anonymi Dissertatio exhibetur. Nempe ipse Aventinus dum viveret, Annales non edidit. Epitomen tamen eorum publici juris fecit hoc titulo: *Bayrisches Chronicon: im Latein versfertig: und in syben Puecher getailt ein kurtzer Auszug* &c. impressam (ut in calce libri notatur) Noribergæ apud Fridericum Leypus A. 1522, fol. ut vocant, minore. Fata etiam & dotes, quæ varias ipsorum Annalium editiones illustraverint, accurate recensentur. IV inseritur *Petri Lambecii de bibliotheca Vindobonensi Commentariorum Lib. IX fragmentum*, ex operis hujus præstantissimi exemplo in bibliotheca Uffenbachiana Francofurti ad Mœnum existente descriptum, quod Græcos quosdam codices MStos recenset, & alioquin eadem forma, ut nempe annotationes quædam margini addantur, quæ in editis libris Commentariorum observatur, sistitur. Et quamvis jam olim hæc *Λεξικον*, typis descripta sint, tamen quia non plures, quam duas plagulas compleverunt, hodie rarius obvia sunt, nec adeo immerito hic repetuntur. V legimus *Marci Velsæri antiquorum, quæ Augusta Vindol. exstant, monumentorum supplementum*, quod Cl. M. Jacobus Bruckerus ex editione monumentorum illorum Veneta 1594, fol. ejus oræ ipse illustris Velsærus hæc additamenta inscripserat, excerptis: dignum sane, quod a tenebris vindicaretur. VI *Analecæ ad Historiam Francisci Josephi Burrhi*, ubi excerpta ex variis epistolis, integræ etiam epistolæ de artibus & præstigiis Burrhi, & Bulla, quam vocant, ab inquisitionis Officio conscripta, quæ immanes viri errores late enumerat, exhibentur. VII *Tabula donationis*, quibus D. Huetius, *Episcopus quondam Abrincensis, suam bibliothecam Jesuitarum domui professe Parisiensi addixit*, quibus inter alia sollicite cautum, ne vel unicus liber extra istud, quo ejus bibliotheca asservatur, sacrarium aliorum communis concederetur. VIII sequuntur *Epistola quadam ineditæ*, ut Jani Gruteri ad Mich. Piccartum, B.

hus.

huslai Balbini ad M. Kœnigium, Andreæ Christ. Eschenbachii ad eundem, Almeloventii ad Helenam Sibyllam Wagenfeiliam, cui adjectum carmen gratulatorium Elisæ Kolartiz de recuperata ab Almeloventio sanitate. IX *Electa Epistolica* h. e. Excerpta ex litteris virorum doctorum ad Theophilum Spicelium datis, quibus & tria Jo. Fabricii in Comenii obitum epigrammata festiva continentur. X *Oratio in laudem Bartholomæi Berolini Ecclesiæ Memmingensis conscripta A. 1563*, & nunc primum edita. XI *Dissertationis de libris rarioribus continuatio*, qua dictis Tom. II & III quædam adjiciuntur, v. g. de Rituum Ecclesiasticorum Romanæ ecclesiæ libris, de libris combustis, aliisque talibus: ubi simul ex Moroneffæ libello D. Lutheri quædam elogia recitantur, p. 250 sqq. Agitur ibidem de *Osfride* Evangeliorum libro, ea-que occasione nunciat Cl. Schelhornius, Schilteri Thesaurum Antiquitatum Germanicarum cum maxime Ulmæ prelum exerce-
re, in quo iste *Osfridus* agmen ducit. Ceterum ii potissimum hic libri recensentur, quæ aliorum doctorum hominum judicio inter raros relati sunt: quanquam & suo judicio raros Cl. Autor nominet. Agnoscere observationum cogunt XII *Addenda & Emen-
danda* in Tomis III, IV & hoc ipso V.

BIBLIOTHEQUE HISTORIQUE ET CRITIQUE DES

Auteurs de la Congregation de S. Maur.

i. e.

BIBLIOTHECA HISTORICO - CRITICA

Scriptorum e Congregatione S. Mauri; Autore PHILIPPO LÉ CERF, Benedictino.

Hagæ Comitum, apud Petrum Gosse, 1726, 8.

Alph. 1.

ET si de Benedictinis e Congregatione S. Mauri ante paucos annos commentari e Germanis cœperit R. P. *Hieronymus Pe-
zius*; non parvum tamen spicilegium sibi relictum vidit Rev. Autor, cui utique de civibus suis ac sui Ordinis Sociis rectius constare potuit. Recentem quidem, & fere nuper natam, hanc Societatem esse, non dissimulat, adeo ut mirum non sit, quod tot ex illa Viri celebres non prodierint, quot formando grandiori Bibliothecæ corpori sufficere videantur. At cum multa Bibliothecarum
Syste-

Systemata ideo non paucis laborare nōvis probe intelligeret, quod concinnandis illis tum demum manus adhibita fuissent a Viris doctis, cum Auctorum Ordinis memoria temporis edacitate jam prope evanisset; hinc mature colligendis Sociorum meritis operibusque eruendis adhibendam operam putavit, quam forte successu temporis alii ex eodem ordine supplere atque emendare possint. In eo vero egregia laude dignus est Cl. Auctor, quod nec invidiæ nec adulationi aliquid dedisse videtur, adeo sinceram & exactam crasiū ubique servans, ut nec sociis suis parcat, si digni censura fuerint; quod, dum DD. Martianæum, Pisantium & Lironium, ultra meritum in Republica Litteraria famam & opinionem assecutos fatetur, ingenuè comprobatur p. 287 sqq. Menardi vero, Mabillonii, cujus honori inserviturus, insigne inscriptionis Latinæ monumentum Bibliothecæ inseruit, Acherii, Galloisii, Delsavii, Massueti, Bulteavii, Gerberonii, Gesvresii, Lamii, Garnierii, Roussellii & Kuinarti memoriam extrema quoque tempora servatura esse, plenus bonorum omnium spondet. In ipsa construenda Bibliotheca ita versatur, ut cujusque indolem & studia, & quæ monumenta dedit, narratione judicii plena exhibeat. Dabimus hujus rei aliquot specimina. Primum *Luca Acherio* locum concessit, modestiæ laude imprimis commendabili, quod rerum ineditarum collectionem factis præstaptem sub *Spicilegii* titulo ediderit. Nec tamen dissimulat, cum majorem nominis sui exultationem Societatis tum vix instauratæ fama, quam scriptis suis sibi concessisse. *Joachimum Contartium* vitæ sceleris puræ laude commendat; libellos vero ejus, ad vitam spirituales spectantes, stylo paulo obscuriori ac minus eleganti conscriptos, notat. *Michaelem Felibienum* eruditione & solertia nemini secundum sistit; in Historia autem Monasterii S. Dionysii sacri judicandi artem desiderat. *Francisco Lamio* ingenii gloriam concedit; quo tamen subinde ad luxuriam abusus esse videatur. *Joannem Lironium* notat, quod in Bibl. Auctorum Gallicorum quadrata rotundis, rudes doctissimis hominibus misceat. Miratur, cur *Ant. Vincent. Thuillierius* edendo Polybio operam impenderit, quem gravioribus exerceri negotiis, par fuisset; quamvis dignior hac censura videri posset

p. 4.

60.

124.

185.

199.

473.

set. *Lud. Gabr. Bugnotus*, celebris Barclajanæ Argenidis commentator, quem sine nota quidem dimittit. Doctrinam Romanæ Ecclesiæ; si quis alius, egregie callet Noster, testatus illud, sive difficillimas de Gratia divina controversias enarraret, sive de auctoritate Romanorum Pontificum disliceret; ex quibus illos, qui profligata vita Servatoris doctrinæ offecerunt, Petri sedem non diu tenuisse, forte imago optat, quam credit. In SS. Patrum editionibus, quas magno studio procurarunt Viri hujus ordinis doctissimi, tanta imprimis cura versatur Cl. Autor, ut, qui concinnas ejus recensione legerit, ipsos libros præ oculis habere videatur. Ceterum cum iis, quæ de Nicolai le Nourri Dissertatione, libellum de mortibus persecutorum Lucio Cœcilio vindicante, monuit Noster, conferri merentur Vindicæ Lactantii, quas S. R. Dan. Maichelius Introductioni suæ ad Bibliothecas Parisinas adjecit.

*JO. GOTTL. HEINECCII, JC. AD
Legem Juliam & Papiam Poppæam
Commentarius.*

Amstelædami, apud R. & S. VVetstenios, 1726, 4.

Alphab. 2 pl. 17.

Legis Papiæ Poppææ capita tantum non per omnes juris civilis articulos se diffundunt, ut verissime judicavit Jan. Vinc. Gravina, *tam multa huic legi Jureconsultorum responsa & fragmenta veterum esse implicita, ut, qui hac luce careat, eum in cursu juris passim offendere oporteat & prolabi.* Idque Virum summum Jac. Gothofredum etiam permovit, ut inter fontes juris civilis huic legi dandum esse locum censeret. Et vetustissimum est jurisprudentum de lege Papiæ Poppææ bene merendi studium, cum ex antiquis jam præter Celsum, qui obiter eam septem pandectarum libris exposuerat, sex Jureconsulti, Terentius Clemens libros XX, Junius Mauricianus & Ulpius Marcellus libros sex, Cæjus quindecim, Domitius Ulpianus libros XX & Julius Paullus decem, in modum commentariorum, ad hanc legem scripserint, quorum fragmenta bene multa supersunt in Pandectis. Post re-

Ecc

voca-

vocatas in lucem meliores literas resuscitata quoque nobilem hanc Juris Romani partem a tenebris vindicandi, in ordinem restituendi atque illustrandi contentio. Hinc subnati Læv. Torrentii & Justii Lipsii, illius ad Horatium, hujus ad Tacitum de hac lege excursus; hinc Franc. Balduini *de lege Papia Poppæ*, *Falcidia*, *Voconia* & *Rhodia* liber singularis; hinc Joannis de Pareia & Ramez del Manzano commentarii; hinc Fichtneri, Kirchmaieri, Mulleri aliorumque dissertationes prodire. Sed & præter institutum haud exiguum lucem nonnullis legis capitibus affuderunt Viri insignes, Barn. Brissoni *de jure connubiorum*, Ferd. Paez, Ulyssiponenis, *de numero liberorum excusante a muneribus publicis*, & M. Vertranius Maurus eleganti commentatione *de jure liberorum*. Omnium horum curas longe superavit Jac. Gothofredus, qui primus legis Papiæ Poppæ capita & fragmenta ordini integritatique suæ restituere aggressus est, brevemque, sed eruditum & præstantem commentarium adjecit. Sed præclarum hoc opusculum & primis juris stipendiis, ut ipse profitetur, ei adhuc juveni exciderat, nec supremam sustinuit Autoris limam, dum post ejus fata ab Esaia Colladone, senatore Tigurino, ex defuncti ultima voluntate in dias luminis auras exivit. Inde non mirum, libello multos adhæsisse nævos, cum antea viris doctissimis, tum Nostro imprimis observatos. Dum enim, inquit Noster, *varias leges Papias Gothofredus confudit: dum aliqua ex legibus Julii de adulteriis & judiciorum publicorum Papiæ Poppæ adsuit: dum quedam maximi momenti capita prætermisit, quedam in sensum plane alienum detorsit: dum SCta atque interpretamenta Jcto- rum veterum ab ipsa lege non satis accurate secrevit: dum denique sibi omnia indulgit in emendandis, fingendis resingendisque legum inscriptionibus: fieri profecto non potuit, quin postmòdesse ejus magnum aliis idem saxum voluturis spicilegium superesset. Hos itaque nævos tollere ipsamque legem Juliam & Papiam Poppæam pleniorē, ac multo accuratiorē, quam a Gothofredo factum est, restituere conatus Celeb. Heineccius, tribus exhibuit libris, quod ille plagulis vix undecim complexus erat. Liber primus sistit legis historiam & capita ejusdem, quorum memoria superest, omnia de novo collecta, &, quantum fieri potuit, ad pristinum ordi-*

ordinem revocata. Hinc diversas Leges Papias, quas Gothofredus alique cum nostra confuderunt, velut LL. Papias *de virginibus Vestalibus*, *de sociis nominis Latini in suas civitates remittendis*, *de peregrinis*, a Papia Poppæa accurate discernere docet Caput primum. *Papiam Poppæam*, inquit Tacitus lib. 3 Annalium, *senior Augustus post Julias rogationes incitandis cœlibum pœnis & augendo ærario sanxerat*. Dux legis causæ, totidem partes. Prior pars ad *πολυτελειαν* fuit comparata, quam plerique populi variis institutis promotum ivere. Hinc instituta ad eam directæ Hebræorum, Persarum, Atheniensium, Lacedæmoniorum, Thebanorum, Germanorum, sed præcipue Romanorum, Capite altero explicantur. Ipsa legum Julix & Papiæ occasio totiusque illius legislationis historia succedit capite tertio, in quo merito laudamus primo antiquum marmor ludorum sæcularium, in quo legis de maritandis ordinibus mentio sit, ingeniose & ad fidem antiquitatis restitutum, deinde locum Suetonii: *Legem de maritandis ordinibus, quum aliquanto, quam ceteras, severius emendasset*, &c.; leviter mutatum, legendo: *severius mandasset*; tertio brevem legis historiam conspectu chronologico comprehensam, ita:

- A. V. C. I^o CCXXXVI Cn. Cornelio & P. Cornelio Lentulo Coss. *Augustus de Lege Julia ferenda ad Senatum retulit, & agre obtinuit SC.*
- A. V. C. I^o CCXXXVII C. Furnio & C. Silano coss. *ante messem ludi sæculares facti, quo tempore nondum perlata fuerat lex Julia, sed jam tum, uti videtur, promulgata. Sub finem bujus anni rogata lex, sed antiquata.*
- A. V. C. I^o CCLVII Sexto Ælio Cato & C. Sentio Saturnino Coss. *perfertur lex Julia, sed detracta parte panarum, auctis præmiis & vacatione data triennii.*
- A. V. C. I^o CCCLX Q. Cæcilio Metello Cretico Silano & A. Licinio Nerva Siliano Coss. *nova biennii vacatio data est, circumactæ priore triennio.*
- A. V. C. I^o CCLXII Q. Sulpitio Camerino & C. Poppæo Sabino coss. *equites abrogationem legis, ineunte anno, frustra urgent. Augustus denovo legis vacationem concedit. Sub finem anni M.*

Papio Mutilo, Q. Poppaeo Secundo coff. suffectis, fertur lex Papia Poppaea.

De Consulibus his, a quibus lex nomen indepta est, & utriusque gentibus ac familiis tractat Caput quartum, ne quid ad pleniorē historiam deesset. Jamque sequitur præcipuum caput *de legis Papiae Poppae partibus & capitibus, & quomodo ea ordini suo restituenda sint.* Prior legis pars agebat de maritandis ordinibus, de præmiis conjugum & parentum, & de cœlibum atque orborum pœnis: posterior de caducis, vacantibus & ereptitiis bonis tractabat, atque hinc *lex caducaria* dicitur Vlpiano. Plura utriusque capita fuerunt, & citatur a Marciano *caput XXXV legis Juliae*, in *l. 19 ff. de ritu nupt.* ubi tamen pro XXXV rescribi XV jussit Gothofredus, qui ultra XXVIII capita legis de maritandis ordinibus nullum agnovit. Corn. van Bynckershoek non a Marciano caput legis Juliae ejusque verba allegari, sed a collectoribus Pandectarum autumat adjectum esse titulum, quo Marcianus ad legis Juliae, nescio cujus, caput XXXV commentatus erat in libro XVI Institutionum, unde deprompta est dicta *l. 19.* Noster ad morem huic Jcto familiarem, in Institutionibus suis aliorum libros, designatis capitibus citandi, imprimis provocat, multisque confirmare satagit, non alterius, quam Juliae & Papiae legis caput & fragmentum in isto Marciani loco superesse. Sed haud contentinnenda sunt argumenta, quibus Ill. Bynckershoek suam sententiam verisimillimam fecit, eoque præsertim, quod veteres editores, qui plane ut Græci in Basilicis, solo auctoris nomine retento, ubique omiserunt reliqua inscriptionum verba, pariter in *h. l. 19* etiam *et capite XXXV L. Juliae* non adscribere: & simile est commixtionis Rubricæ cum ipsa lege exemplum in *l. 48 ff. de V. S.* qua multi diu vitiose sunt usi. Quando vero in *l. 7 §. 1 ff. ad L. Jul. de adul. coerc.* allegatur *lib. 2 de adulteriis Papiniani*, videntur nobis ea verba Tribonianum esse. Neque enim de se ita dicturus erat Jctus: *In lib. 2 de adulteriis Papiniani MARCIANUS notat*; quæ eadem formula extat in *l. 57. §. 1 ff. de ritu nupt.* ex qua simul manifestum fit, e Marciani notis ad Papiniani libros de adulteriis ista deprompta & commodo loco inserta esse. Cumque lex Julia de adulteriis coercendis in plerisque legibus *tit. ff.* ad

ad hanc L. absolute dicatur *lex Julia*, ejusque diversa capita addito numero citentur, verba autem *l. 19 de R. N.* satis apta sint capiti hujus L. Juliz, quod sanxerit, ut, *qui liberos, quos habent in potestate, injuria prohibuerint ducere uxores, vel nubere, cogantur eos in matrimonium collocare*; certe nondum expedita res est, anne fortassis Marcianus, qui, ut diximus, in Papiniani libros ad L. Juliam de adulteriis notaverat, hanc ipsam potius, quam legem de maritandis ordinibus, lib. XVI Institutionum illustraverit. Sed revertamur ad Nostri diligentiam in restituendis Legis Papiz Poppzæ capitibus navatam. Gothofredus non nisi quinque loca in jure nostro viderat, in quibus verba legitima superessent, quibus Noster jam præter *l. 19 ff. de R. N.* quam modo sollicitavimus, addit *l. 23 ff. eod. & l. 2 ff. de minor. vig. quinq. ann.* atque insuper ex Celsi libris Digestorum reliqua studiose in subsidium vocavit, quæ Gothofredus, paucis exceptis, neglexerat. Comparere hinc fragmenta ex commentariis veterum Juristorum ad priorem partem legis Papiz secundum librorum ordinem per laterculos accuratius disposita, ita ut imprimis temperatum sit a numeris librorum immutandis, in quo plus justo ingenio Vir summus olim indulgisse videbatur. Hanc tabulam excipiunt ipsa prioris partis capita, illorum fragmentorum ope aliorumque bonorum Autorum ductu restituta & cum textu Gothofredi perpetuo collata, subjectis allegationibus & notis, in quibus haud pauca sane elegantia accessere ad ea, quæ Gothofredus jam annotaverat, & e quibus se profecisse, Noster nec ipse dissimulabit. Capitum numerus ad XLIV auctus visitur, dum duo a Gothofredo penitus omissa, scilicet *de concubinato*, & *de jure affinitatis inter novercam & privignum, vitricum & privignum*, recens addita, & septem capita in viginti quatuor divisa sunt, tribus aliis in unum contractis. Sed in translocandis capitibus, quæ secundum ordinem fragmentorum, aut, prout argumenta legis, sibi invicem respondentia, poscunt, minus recte disposita videbantur, pariter ac in verbis legis ad mentem Autorum & formam antiquitatis concipiendis eximia diligentia elucet, ita ut major pars legis novum prorsus habitum acceperit. Annotabimus præcipua quædam hujus laboris specimina. Ita statim Caput secundum,

dum, *de ingenuorum nuptiis*, nunca primo, *de Senatorum eorumque liberorum nuptiis*, separatim e Celsi *Digestorum* libro XXX l. 23 ff. de R. N. in hæc verba conformatum est: *Omnibus reliquis ingenuis, præter Senatores eorumque liberor, libertinam uxorem habere licet, neve quid eis, qui duxerint, liberisve ex eo matrimonio natis, fraudi ignominiave esto.* Gothofredus conceperat: *Ceteris ingenuis libertinas uxores ducere jus esto, neve quid eis, qui eos duxerint, fraudi ignominiave esto, liberive eorum legitimi sunt.* In cap. III (ap. Gothofr. II) non solum omiserat Gothofredus initium: *omnes puberes virique potentes matrimonium liberorum quæfundorum causa inire tenentur*; cuius tamen testes sunt Ulpianus *Fragm. XVI §. 1* & Commentator vetus a Crucequo editus ad Horat. *Epad. XVIII* verum & sequentia: *Sexagenarii masculi, quinquagenaria femina & spadones a panis huius legis liberi sunt*; male extulerat ita: *Sexagenario masculino, quinquagenaria femina nuptias contrahere jus ne esto: Post eos tantum annos conjuges panis huius legis solvuntur. Spadonibus item nuptias contrahere jus ne esto*; admixtis Legi Papie SCtis Perficiano & Calvisiano. A cap. V (ap. Gothofr. III) *de sponsalibus* resecta, quæ ex lege Papia antiquiore *de Virginibus Vestalibus capiendis* adfuta erat lacinia. Caput sequens non modo emendatum ab errore, quasi *de imparibus nuptiis* statuisset, quæ tamen ex SCto Calvisiano ita demum dictæ, cum hoc caput ad omnes *injustas nuptias* pertinuerit, sed & idem docte suppletum est ex §. 12 *Inst. de nupt.* ubi Justinianus hoc caput expressit; atque verba: *nec vir, nec uxor, nec focer, focurve, nec gener nurusve intelliguntur*; una cum fragmentis Pauli l. 4 ff. *de test.* & Ter. Clementis l. 146 *de V. S.* suo loco sunt reddita, cum ex his textibus perperam acceptis Gothofredus affinxisset capiti, *de divortio libertæ prohibito*, verba: *Gener focerve invitati in reos testimonium ne dicunt.* In cap. X (apud Gothofr. IX) *de jure Quirit.* ob liberos consequendo, delentur merito verba: *At Latina si ter enixa fuerit, jura Quiritium consequitur.* Sunt enim non ex hac lege, sed ex SCto, ut diserte Ulpianus *fr. 2. III §. 1. Leges decimarias*, uti vocantur capita Legis Papie, quæ *de decimis* disponunt, & quæ Gothofredus in unum caput XII compegerat, Noster in quinque capita distinxit, cum

voto.

verisimilius sit, plura capita, quam unum, *leges* dicta fuisse. Similiter & *leges de solidi capacitate* in capita distinctæ varieque emendatæ sunt: inter alia, quod Gothofredus cap. XIII de *jure communium liberorum* a populo *impetrato* scripserat, cum tamen ex eodem Dionis loco, quem ipse allegat, discamus, Senatum hoc jussu tribuisse; quamvis hæc emendatio non videatur adeo magni, cum & Gothofredus per Senatum auctoritate populi id factum affirmet. Ad Caput XXIX (apud Gotofr. XVII) obiter notamus, huc demum recte referri l. 72 (pro qua male apposita l. 92, errore typorum, qui apud Gothofredum admissus erat, repetito,) ejusque §. 2, ubi Papinianus docet, *eam Papia legis sententiam videri, ne quod omnino nuptiis impedimentum inferatur*: puta per legatum sub conditione coelibatus relictum. Vix videtur his verbis confirmari posse Caput XXXV (apud Gothofr. XV) *de cogendis parentibus, ut liberos eloquent*, quandoquidem non aliud certius, quam in l. 19 ff. de R. N. vestigium ejus extat. Caput *de fundo dotali*, legis Juliae de adulteriis particulam esse, & ipse Gothofredus postea in notis haud invitus agnovit, & confirmavit Ill. Schultingius ad Paulli *Sent. Rec. lib. II, t. 21 b.* Gothofredus ad populum retulerat gratiam Legis Papia facendam, quam Noster Senatui vindicat, auctoritate Dionis *lib. LIX*; sed iterum vix discrepat a Gothofredo, præterquam, quod in capite XXXIII (ap. Gothofr. XIX) substituit *Senatus* nomen, cum ille per Senatum factam legis gratiam & asserat, & exemplo illustret ex Livii *lib. 39 c. 19*. Atque hæc sufficient specimina indicando, quid Noster in restitutione legis profecerit. Libro secundo singula capita legis, quæ ad partem de nuptiis & procreatione liberorum pertinent, multa cum cura exponuntur, nec jura traduntur solum, sed & iis, quæ alioquin obscura videri possint, ex philologia & Antiquitatibus Romanis lux accenditur. Variæ huic libro insunt conjecturæ de emendandis juris Autorumque veterum locis compluribus. Inprimis vero historia singulorum capitum & mutatio usque ad Justinianeam legislatio nem sollicitè exponitur. Liber III sistit alteram partem Legis Papia, *caducariam*, quæ ad locupletandum ærarium erat comparata, itaque more supra servato primo Jurisconsultorum veterum fragmenta, pariterque Justiniani constitutio de *caducis tollendis* ad

ad capita legis reducuntur ac disponuntur per tabellam, deinde ipsa capita restituta & in pristinum ordinem redacta comparent, recens adjectis duobus, a Gothofredo omissis, quæ Nostro suppeditavit *l. un. C. d. caduc. toll.* Deerat enim caput primum, *de additione hereditatis, & quando dies legatorum cedat*: sed Justinianus *d. l. §. 1. materiam atque exordium caducorum legem Papiam ab additionibus, quæ circa defunctorum, hereditates procedebant, summis*, scribit, & sententiam hujus capitis accurate suppeditat Ulpianus *fragm. t. XXIV §. 31.* Deerat etiam caput *de transmissione legatorum*, quod manifesto deprehenditur in *ead. l. un. §. 13 C. de caduc. toll.* Ceterum neque parcius, quam in priore libro, Noster est in notis ad confirmanda vel illustranda Legis capita subiectis, neque in commentario ad partem de caducis quicquam prætermisit, quod ad capitum illustrationem pleniorẽ, ad historiam & mutationem legis, ad fraudes, quibus ingeniosa civium improbitas eam elusit, noscendas conferre poterat. Habent itaque melioris jurisprudentiæ studiosi librum elegantem & multa eruditione confectum, in quo non solum vix quicquam desiderent, quod ad inclytæ adeo cognituque necessariæ Legis intelligentiam pertinere videatur, sed ex quo etiam alia permulta ex antiquitate ad penitiorem juris Romani scientiam necessaria perdiscent: idque intelligentes avidè expectabunt commentarios, quorum in præfatione spem facit, & quos jam affectos in scriptis suis pridem latitare affirmat Vir doctissimus; quemadmodum non sine voluptate accipimus, Antiquitates juris Germanici, quas jam inde ab aliquot annis expectare nos jussit, propediem Argentorati prælo exituras esse.

M. CHRISTOPHORI WOLLII, LIPSIENSIS,
Catechetæ ad D. Petri, Commentatio philologica de Parenthesi sacra. Accedunt duæ Dissertationes: prior de usu & abusu αὐθιγες nominum divinatorum sacræ; posterior de loco Dan, Genes. XIV, 14, contra Spinozam. Præfationem præmisit CHRISTIAN. FRIDER. BOERNERUS,
Theol. D. & in Acad. Lips. Prof.

Primarius.

Lipsiæ

Lipsiæ, sumptibus Jo. Frid. Gleditschii B. Filii, 1726, 4.

Alph. 1 plag. 5.

Quantamquamque insignem sacrarum litterarum exquisita tractatio publicæ rei christianæ afferat, utilitatem, illi omnium optime intelligunt, qui non satis habent, generaliores dumtaxat exegeticæ artis præceptiones cognitæ per spectasque habere, sed ad specialiores etiam regulas perquisitius & diligentius per vestigandas animum appellant. Eandem rem considerans præsentis commentationis philologicæ Cl. Autor, peculiarem maxime, longèque nobilissimam de *Parentesi sacra*, eademque in sanctioribus, cum Ebræis, tum Græcis Pandectis occurrente, materiem sibi explicandam sumere eo lubentius animum induxit, quo magis præstare putavit, in argumento a nemine adhuc ex instituto pertractato, & a magni nominis Philologo, Sal. Glassio, vix commemorato, studium suum collocare ingeniique vires periclitari. Animadvertit insuper, τὰς γὰρ παρὰ a paganis olim criticis superfluarum parenthesium nomine suspectas contemtasque fuisse: qua de re ex Isidoro Pelusiota notatu perquam dignum in præmissa præfatione recenset confutatque locum. Ipsam vero rei tractationem in duas dispecuit *Sectiones*, quarum prior *theoriam*, altera vero *praxin*, hoc est, canones atque exempla parenthetica exhibet. Nostrium in præsentem erit, breviter hæc summamque percurrere.

In *Sectione priori theoretica*, postquam utramque παρ-
ένθεσις sacræ definitionem, nominalem § 1, realemque § 2 recitavit
 exposuitque, dividit eandem 1 in *breviorem & longiorem*, 2 in
plenam & ellipticam, §. 3. Postea illius tres causas suppeditat, ἐξ ἡ-
 γησιν videlicet §. 4, πᾶσι §. 5 & denique ἐμφασιν §. 6. In §. 7
 observat ἐν ἐμπρίσις, reperiri etiam parentheses sacras *exegetico-
 patheticas*, aut *emphaticas*, & *pathetico-emphaticas*. Porro ad
criteria pedem promovet, sic, ut §. 8 *generale*, in §. autem 9 &
 10 *specialia παρένθεσις* sacræ commendet *criteria*. *Breviores*
 parentheses cum stili sacri elegantia pugnare, negat §. 11; contra
 vero ea *longiores*, cuiusmodi in canonicis Pauli epistolis inveni-
 untur quam plurimæ, ad ἐμφασιν orationi conciliandam condu-
 cere plurimum, ibidem affirmat probatque. Eo quoque consi-

P. 1-5.

5 6.

6-14.

14 15.

15 19.

19-22.

lio ex Thucydide satis *longam* §. 12, ex Cicerone vero duas *ellipticas* allegat *παρενθέσεις*, §. 13. Tandem & *usum* pariter, atque *abusum* *παρενθέσεως* sacræ in *versionibus* §. 14 enucleat, priorifque sectionis abruptit filum.

- In *sectione posteriori*, eademque *practica*, *Canones* unum exemplis, ex utriusque fœderis codice depromtis, in medium profert, ita tamen, ut nonnulla tantum allegare satis habeat, reliqua vero ex philologiæ sacræ penu, translationibus optimæ notæ, & orientalibus & occidentalibus, itemque Judaicis, Græcis Romanisque antiquitatibus, in consilium advocatis, uberiori demonstratione illustrare sui muneris esse existimaverit. Nos canones huc exscribemus, notabiliora etiam nonnulla subjuncturi exempla, hac tamen lege, ut datam brevitatis fidem ubivis exfolvamus.
- p. 25-62. Can. I: *παρενθέσις sacræ ἐξηγήσεως seu declarandi causa sapissimè usurpatur: quæ ideo ἐξηγητικὴ pulchre vocari poterit.* Sic, exempli gratia, II Pet. I, 19 verba (ὡς λύχνος φαίνειν ἐν ἀνυχμῇ τὸ πῶς, ἕως ἂν ἡμεῖς διαυγάσῃ, καὶ φωσφόρος ἀνατείλῃ) parenthesi exegeticæ includuntur. Ceterum pericopa hæc Apostolica novo exponitur more. Etenim ἀνυχμῆος τόπος erat, sub V. T. œconomia, tabernaculum Mosaicum, typicarum umbrarum involucris integumentisque involutum; his autem ἐβελαιότερος ὁ προφητικὸς λόγος, ejusdemque sublustria oracula paululum clariorem accendebant lucem: donec tandem illustriſſima clarissimæque N. T. exoriebatur ἡμέρα. Hac ratione integer locus ex antiqua cærimonia *lucernarum Sabbaticarum*, in gente Judaica usitatissimarum, prolixè p. 49-61 illuminatur.
- 63-80. Can. II: *παρενθέσις sacræ πάδης alicujus indicandi gratia non raro adhibetur, in Epistolis maxime D. Paulli: eademque vel longa, vel brevior, itemque elliptica, esse solet: quæ ideo παθητικὴ satis apte vocatur.* Can. III: *παρενθέσις sacræ ἰμφοδέσεως cujusdam declaranda ergo non raro a viris θεοπνεύσις usurpatur: unde ea ἰμφοατικὴ jure meritoque vocari meretur.* Ejusmodi parenthesis emphatica, prout Autoris fert sententia, reperitur II Sam. VI, 2, in hisce verbis: *שם יהוה צבאות ישב עלינו* Pluribus ille animi sui hac de re sentia p. 81-86 exposuit.
- 80-96. Can. IV: *παρενθέσις sacræ ἐξηγητικῇ, παθητικῇ, & don-*

denique ἐμφατικῇ, non sunt temere & citra necessitatem fingenda: præcipue ubi verba, quæ parenthetica putantur, ad integritatem sermonis sacri necessario requiruntur. Sub hoc canone p. 100-113 locus vexatissimus I Joan. V, 7 a ficta parenthesi Thomæ Emlyni, Angli, qui verba (ὅτι τρεῖς εἰσιν οἱ μαρτυροῦντες ἐν τῷ ἔργῳ, ὁ Πατήρ, ὁ Λόγος, καὶ τὸ ἅγιον Πνεῦμα· καὶ ἔτσι οἱ τρεῖς ἐν εἰσι) nota parenthetica eo consilio, ut proflus omittantur, insigniendi esse contendit, argumentis cum hermeneuticis, tum criticis, liberatur vindicaturque. Can. V: *παρενθέσεις sacrae V. T. Ebraea clauditur utique nobiliori accentu, quam is est, post quem παρένθεσις initium capit: juxta antiquam illam Ebraea gentis magistrorum regulam: nec potest exemplum in contrarium produci ullum; ἐναντιοφάσεις autem hæ parentheticae rite sunt conciliandæ.* Can. VI: *παρενθέσεις sacrae non sunt temere fingenda, & nullo modo admittenda, invitis ac repugnantibus accentibus, tametsi voces, harumque structura, eandem non respiciant.* Sic etiam παρένθεσις in dictis N. T. ex V. T. allegatis obvia ad accentuationis Ebraea indolem est exigenda. Ita Rob. Stephanus Mirc. IX, 13 hancce parenthesin observat: Ἀλλὰ λέγω ὑμῖν, ὅτι καὶ Ἡλίας ἐλήλυθε, (καὶ ἐποίησαν αὐτῷ, ὅσα ἠθέλησαν) καθὼς γέγραπται ἐπ' αὐτόν. Confirmat eandem Autor p. 127 seq. atque hac ratione contra Guil. Whistonum evincit, Malachiae prophetiam C. III, 23, quippe ad quam formula καθὼς γέγραπται ἐπ' αὐτόν respicit, minime mutilam mancamque, contra Codd. antiquorum fidem, pronuntiandam esse. Can. VII: *παρενθέσεις sacrae non sunt temere fingenda, adversante ac repugnante vocum structura grammatica cum Ebraea, tum Graeca, tametsi figillatim accentus V. T. Ebraei easdem non respiciant: verum opera potius navanda, ut genuinam constructionem vocum sacrarum grammaticam, imprimis verborum cum particulis suis propriis, accurate diligenterque evolamus.* Jo. Franckius II Sam. XVIII, 12 voculam מִי vult esse parentheticam, in hisce verbis: שָׁמַר (עַל) בְּנֵי עֵינַם בְּאֶבְשָׁלוֹם observate (quem?) puerum Absolomum. Verum ista opinio ex principiis accentuationis Ebraicae refutatur, hæcque in ejus locum substituitur: *observate omnes, sive quotquot estis, puerum, nempe Absolomum.* Vid. p. 131, 132. Can. VIII: *παρενθέσεις sacrae*

p. 106-120.

120-128.

128-129.

139-142.

cra in versionibus ac nonnullis Græcis N. T. editionibus alieno loco collocata, & vel angustiori spatio definita, vel etiam latius, quam par est, extensa, juxta rationes grammaticas, reliquasque πεισισσοεὺς hermeneutico-sacras diligenter est emendanda. Hic ultimus Canon unico illustratur exemplo, eodemque ex Matth. XV, 5 petito, ubi parenthesis in nonnullis versionis B. Lutheri vernaculæ editionibus obvia deletur, ipsumque dictum, per se difficiles explicatus habens, p. 139 ad finem usque fusius enucleatur.

p. 143-178.

Adjectarum huic opusculo Dissertationum *prior de ἀνξήσεις nominum divinarum sacra* inscribitur, quoniam in illa theoretice non minus, quam practice, collatis etiam profanis, Græcis Romanisque monumentis, demonstratur, quo pacto divina nomina in sacris maxime litteris ad rei exprimendam magnitudinem excellentiamque, non tantum ἐπομένως, sed πρώτως, proprie & formaliter, adhibeantur. In Dissertatione *posteriori* adversus Spinozam disputatur, utpote qui receptam suam hypothesin, Moſen videlicet pro Pentateuchi Autore perperam haberi, extra omnem controversiam collocaturus, provocat, inter alia, ad locum *Dan*, Genes. XIV, 14 commemoratum, quo nomine urbem *Lais*, sive *Lefchem*, longe post mortem Josue designatam fuisse, Jud. XVIII v. 29, opinatur. Equidem alii jam Viri doctissimi Spinozianam hanc explosum ivere sententiam, verum, uti in eorum refutationibus nonnulla, quæ desideret, habere sibi videtur Autor, ita tandem cum P. D. *Huetio* in eam ingreditur sententiam, ut putet, celeberrimum in veteri Palæstina fluvium, *Jordanem*, quobus olim defluxisse rivulis, *Tor* atque *Dan*, a quibus & suum retulisset nomen, horumque alterum Moſaico in loco significari. Probat hoc primum multis argumentis, appellationem deinde *Jordanis* suppeditatam contra *Hadr. Relandum* defendit, & denique de Clarissimi Viri, *Jo. Clerici*, consensu mirum in modum sibi gratulatur. Ceterum in ultimis paginis quinque subnectuntur Indices.

179-200.

D. JOACHIMI LANGII, S. THEOL. PROF.
Ord. in Regia Fridericiana, Causſa Dei & religionis, Fu-
deis

MENSIS SEPTEMBRIS A. MDCCXXVI. 413
*deis revelatæ, adversus sic dictum Naturalismum
methodo demonstrativa adserta.*

Halæ Sax. impensis Orphanotrophii, 1726, 8.

Alph. 2 plag. 4.

Cœperat Summe Rev. *Laugius* anno 1723 *Causam Dei & religionis naturalis* adversus *Atheos* & ipsorum patronos, pleudo-philosophos, tum veteres, tum recentiores defendere; quem librum in *Actis* nostris Mense Octobri ejusdem Anni p. 454 seqq. sedulo recensuimus. Nunc Vir doctissimus a religione ista naturali lectorem deducit ad revelatam, ejusque patrocinium adversus naturalismi sectatores suscipit, eadem, qua liber ille primus conscriptus est, methodo usus demonstrativa, quæ veritates recte definitas, & ex evidentissimis principiis iusta serie deductas, ita inter se connectit, ut tanquam ejusdem catenæ articuli firmiter inter se cohæreant.

Tractationi ipsi necessariam præmittit *prothecoriam*, quæ Postulatis & Theorematis constat. Et *Postulata* quidem præcipue exhibent illos revelatæ religionis characteres, quos quilibet sincerus Dei secundum lumen naturæ cultor non potest non pro divinis agnoscere, & confiteri, se eam religionis revelatæ formam, quæ istos characteres ostendat, lubenti animo pro vera ac divina esse agniturum. Postulatis subjunguntur *Theoremata*, ubi membro 1 agitur de theologiæ ac religionis naturalis defectibus historicis, dogmaticis atque moralibus, qui satis indicant, eam non esse sufficientem ad æternam salutem consequendam; membro 2 agitur de revelationis possibilitate, probabilitate, utilitate ac necessitate.

p. i. ii.

12-30.

30-34.

Lectorem ita præparatum Ven. Antor ad ipsam *Tractationem* admittit, quumque revelatio illa divina, cujus & characteres & probabilitatem necessitatemque cum summa utilitate conjunctam hactenus a priori ostenderat, in *gente Judaica* quærenda sit, parte tractationis priori primum agit de *historia Judaica*, ejusque antiquitate & veritate, nec non de integritate librorum apud Judæos factorum; deinde de *ipsa religione Judæis revelata*, tanquam centro

Fff 3

istius

istius historię, secundum præstantiam atque divinitatem suam consideranda.

- Seçtio I* de historia Judaica quinque propositionibus adsolvitur. *Prop. I* generatim agit de antiquitate gentis & veritate historię Judaicę, & his verbis includitur: *Gens Judaica, qua adhuc hodie per orbem terrarum dispersa quam copiosissime superstes est, omnium est antiquissima, antiquis Assyriorum & Chaldeorum, nec non Persarum, Græcorum & Romanorum imperiis multis modis innexa, & ab omnibus aliis gentibus mirum in modum distincta, multisque prerogativis insignita*: id quod octo argumentis comprobatur. *Prop. II* speciatim agit de veritate historię, quę libro primo Mosaico continetur, & deinceps singulatim deducta, ita habet: *Moses in Genesi narrat res, 1) quas ita, uti narrantur, factas esse, ipsa ratio sibi relicta probabiliter adsequitur: 2) quę inter se quam optime coherent, & ad nexum rerum Judaicarum, quotquot inscutes sunt, catenatum pertinent, ideoque nec omitti potuerunt: 3) quę eo adhuc tempore, quo a Mose, Deo per specialem directionem concurrente, conscriptę sunt, non solum Judęis, sed reliquis etiam, præcipue Orientis, gentibus maxima ex parte per traditionem erant notissime; certe ita comparatę, ut isti, inquisitione facta, de iisdem facile posset constare: 4) quarum notitię residua, inter gentes omnes longiore temporum progressu propagata, variis sese monumentis ac vestigiis prodidit. Ergo Genesis continet veram vere factorum historiam.* *Prop. III* hæc est: *Quatuor reliqui Mosis libri itidem continent historiam rerum Judaicarum, uti antiquissimam, ita etiam verissimam*: quod variis rationibus extra dubium ponitur. *Prop. IV*: *Etiā reliqui libri gentis Judaicę sacri historici, dogmatici, morales ac prophetici, suę antiquitatis & veritatis luce amplissima radiant, ideoque fide sunt dignissimi.* *Prop. V* integritatem librorum V. T. incorruptam demonstrat, ubi probatur, a Judęis abfuisse non solum actum libros suos sacros corrumpendi aut interpolandi, sed etiam *facultatem ac voluntatem ipsam.*

Seçtione II ab historia Judaica ad religionem Judaicam, ejusque tum præstantiam, tum divinitatem demonstrandam transitur. *Membro* hujus sectionis I præstantia religionis revelatę octo pro-

propositionibus, quæ totidem characteres continent, evincitur. Sunt autem isti characteres 1) antiquitas & veritas religionis revelatæ historica, 2) ἀξιοπιστία Moïsi ac reliquorum scriptorum sacrorum, 3) revelationis modus Deo dignissimus, 4) sermonis sacri dignitas, in evidentia ac simplicitate posita, & singulari cum gravitate ac sanctimonia conjuncta, 5) præstantia doctrinæ tum credendorum, tum agendorum, quæ perfectum juris & legis naturæ systema exhibet, 6) præstantia rituum, doctrinæ supervenientium, 7) harmonia singularum partium & librorum, 8) perfectio, qua religio revelata defectus theologiæ naturalis historiceos, dogmaticos & morales supplet. Quibus positis declaratur, summam religionis Judæis revelatæ præstantiam ex istis characteribus elucere; quæ ad ejusdem divinitatem agnoscendam quosvis invitet. Per divinitatem autem religionis ea intelligitur illius præstantia, quod ab ipso Deo peculiariè est revelata, & ad spiritualem æternamque hominum salutem ordinata. Hæc *membro II* duodecim rationibus characteristicis seorsum evincitur, quæ sunt 1) solemnns νομοθεσία Sinaitica, 2) δεκτικότητα in conscientiam, 3) salutis mysteria, ingenio humano superiora, 4) harmonia credendorum & agendorum admiranda, 5) convenientia inter bona gratiæ medicinalis ac forensis, & mala naturæ, 6) admirabile gratiæ ac justitiæ temperamentum in salutis fundamento ac ordine, 7) analogia summa inter doctrinæ revelatæ capita generalia, legem & evangelium, 8) religionis revelatæ finis & effectus efficacissimus ad hanc & futuram vitam, & ad ipsos vitæ civilis ordines singulos, 9) cruenta ac funesta confessionum martyria, 10) prophetiæ, ipso eventu quam evidentissime comprobantur, 11) admirandus miraculorum cumulus, 12) religionis Judaicæ revelatæ complementum plane divinum in Christianismo. Hisce duodecim characteribus subjiciuntur *confectaria*, quibus redditur liquidissimum, religionem revelatam, tot divinitatis radiis coruscantem, non nisi a brutæ mentis hominibus, quorum præcipui sunt athei, posse repudiari; *scrupulos* autem, qui imperitis resistent, non in *arma*, quibus doctrina revelata impugnetur, sed in *stimulos diligentia* convertendos esse.

Sectionis III demonstrata religionis revelatæ veritas ac divinitas

p. 132-134.

134-138.

183-188.

- tas *adversus exceptiones & objectiones* defenditur ac vindicatur.
- p.189-200 *Membro I* solvuntur objectiones, quæ adversus Pentateuchi Mo-
saici aliorumque librorum historicorum antiquitatem & integri-
tatem moveri solent ac possunt. *Membro II* solvuntur objectiones,
201-224. quibus historia creationis sollicitatur. *Membro III*, quæ circa histo-
224-247. riam lapsus oriri possunt. *Membro IV*, quæ causam mali Deo vi-
248-260. dentur tribuere, præcipue vi decreti alicujus absoluti. *Membro V*
261-296. illæ, quas Vir clarissimus, *Jo. Clericus*, nomine philosophorum
296-318. gentilium contra religionem Judæis revelatam necit. *Membro VI*
pæf. p.16. farrago aliarum objectionum solutarum exhibetur. Hæc est par-
tis prioris æconomia, in qua Ven. Autor nihil se protulisse dicit,
nisi quod meditatione propria excretum fuerit digestumque, & cu-
jus vim ac robor ipse ad convictionem usque non perceperit, post-
habita interim polyhistoria, qua animus inter legendum distrahi
solet.

- Posteriore libri Parte* sibi tractanda sumit præcipua revelatæ
religionis capita, posita in *doctrina de Messia*, quæ *mysterium*
Trinitatis supponit. Hinc *Sectione I* agitur de *mysterio trium hy-*
331-339. *postasium* in unitate divinæ essentia, ubi *propositione 1* exhibentur
339-358. & illustrantur loca V. T. quindecim, quæ *mysterium* plurium hy-
postasium in Trinitate generatim insinuant: *prop. 2* loca sedecim,
in quibus expressa sit mentio duarum hypostasium, patris & filii:
359-402. *prop. 3* loca viginti & sex, in quibus Dei filius seu Messias, a Je-
hova distinctus, vocatur *angelus Jehovæ*, & ejusmodi prædicatis
insignitur, quæ ipsum verum Deum esse, quam evidentissime
evincunt; cui deductioni præmittitur theorema, suis instructum
argumentis, de emphasi nominis *Jehovæ* absolute positi, quod sit
nomen soli vero Deo proprium, & cum nulla re creata commu-
409-410. nicabile: *prop. 4* loca triginta & octo habentur, in quibus duarum
hypostasium ita sit mentio, ut hypostasis tertia, nomine Spiritus,
seu Spiritus sancti vocata, referatur ad alterutram duarum reli-
410-442. quarum hypostasium vel ad utramque: *prop. 5* loca viginti qua-
tuor exhibentur, in quibus pluralis hypostasium numerus specia-
tim ad ternarium restringitur. Singula illa V. T. loca doctis ob-
servationibus illustrantur, quæ nucleum demonstrationis, ex
442-449. quolibet loco colligendæ, nervose continent. Adduntur *prop. 6*
testi-

testimonia pro hoc dogmate, quæ in libris V. T. apocryphis exstant, & *prop.* 7, quæ in scriptis *Philonis* Judæi occurrunt, pro copia sua in sex diversas classes distincta.

p. 450-462

Huic demonstrationi mysterii Trinitatis *Sectione II* superstruitur doctrina *de Messia*, salutis nostræ autore, nec non de ejus fundamento & ordine. Membrum 1 agit de Messia *persona*, secundum utramque ejus naturam, ubi cap. 1 pro adstruenda *divina* Messia *natura* integræ phalangēs testimoniorum ex Mose, Prophetis & Psalmis producuntur, & adversus Judæos ac Socinianos in acie collocantur: cap. 2 de *humana* Messia *natura* copiose tractatur, & quidem 1) de tribu & familia Messia, 2) de loco nascituri Messia, Bethlehem, 3) de tempore nativitatis Messia, per LXX hebdomadas definito, 4) de Messia matre virgine, 5) de ejus unctione ad officium ejus triplex, unde is Messia nomen habet. Membrum 2 sistit Messia *officium* in duplici ejus statu. Unde Cap. I agitur de officio Messia *sacerdotali*, & in eo de salutis nostræ *fundamento & acquisitione*: quod argumentum ut eo plenius tractetur, articulus 1 agit de peccato, ejusque culpa & pœna, tanquam supposito doctrinæ de officio Messia sacerdotali; art. 2 de peccati Adamici ac contractæ per illud labis imputatione & participatione; art. 3 de justitia Dei, peccati vindice; art. 4 de natura rei sacrificialis piaculari & typica, & sacerdotum Leviticorum officio typico in peccatorum expiatione; art. 5 de ipso Messia officio sacerdotali, in expiatione antitypica posito. Cap. II de officio Messia *prophético* & de salutis acquisitione *promulgatione*, ad ejusdem applicationem tendente, tractatur, ac denique Cap. III de officio Messia *regio*, salutis per sacerdotium partæ ac per officium propheticum promulgatæ oblatæque *communicationem* ac *consummationem*, beatamque usuram complectente. Utrique libri parti epimetron subjungitur, de religionis Judæis revelatæ imperfectione, seu indole temporaria, qua respectu evangelii novæ œconomiz præludit. Denique index & rerum præcipuarum, & locorum, tum ab objectionibus vindicatorum, tum de Messia explicatorum additur.

463-515.

516-565.

566.

568-582.

582-590.

590-616.

616-642.

642-647.

674-687.

687-714.

715-fini.

Et hac ratione S. R. Autor simul fundamentum posuit tractationis *Anti-Judaica & Anti-Sociniana*, quæ *tomo* causæ Dei *ter-*

tio propediem insequetur. Ceterum sub finem præfationis proficitur, se hunc librum non sine eximia fidei corroboratione elaborasse. Hanc ipsam igitur lectori etiam, cui causa Dei in procuranda animæ suæ salute curæ cordique est, ex animo apprecatur.

D. JOACH. LANGII, THEOL. PROF. ORD.
Institutiones Studii Theologici Litterariæ, quibus methodologia de studiorum sacrorum ordine, subsidiis ac impedimentis præmissa, & monitis ac consiliis litterariis passim inspersis, notitia librorum, præcipue selectorum, in singulis Theologiæ partibus exhibetur.

Halæ Sax. impensis Orphanotrophii, 1724, 8.

Alph. 2 plag. II.

- Q**Uum ignoratio bonorum librorum cum multis damnis conjuncta sit, consultum putavit Summe Rev. Autor juventuti Academicæ, ut in singulis Theologiæ partibus sufficientem sibi comparet librorum selectorum notitiam, iis instructam consiliis monitisque, quæ librorum usum dirigant, & non expeditum minus reddant, quam salubrem. Hunc ipsum in finem has institutiones in usum Auditorum Collegii sui literarii, quod quolibet semestri æstivo habere solet, typis tradidit, quæ VII Sectionibus constant. *Sectiones I* agitur de *methodo studii Theologici*, & quidem cap. 1 generatim, ubi 1) de scopo & ordine studii theologici, 2) de prudentia studii theologici litteraria, 3) de diligentia studii theol. litteraria: cap. 2 speciatim 1) de studio exegetico & philologico, 2) de methodo studii thetici & moralis, 3) de methodo reliquarum studii theologici partium. *Section II* exhibet *Isagogen generaliorum in rei litterariæ & librariæ notitiam*, ubi cap. 1 de re libraria & litteraria in genere, cap. 2 de iis rei librarix & litterariæ subsidiis, quæ sunt in re bibliothecaria & typographica. *Section III* tractat de *studio historiæ ecclesiasticæ*, & quidem cap. 1 de ipsis fontibus historiæ ecclesiasticæ, cap. 2 de iis scriptoribus, qui historiam ecclesiasticam e fontibus hausam condiderunt, tum universalem, tum particularem. *Section IV* sistit *philologiam sacram*, ubi cap. 1 de par-
- p. 1-46.
 46-85.
 85-122.
 122-166.
 166-195.
 195-265.
 265-285.
 285-308.

partitionibus ac versionibus Scripturæ S. cap. 2 de editionibus Scripturæ & operum biblicorum, cap. 3 de apparatu ipsius philologię sacrę librario, cap. 4 de antiquitatibus sacris V. & N. T. *Sectio V* complectitur *Bibliognosian studii exegetici*, secundum diversas librorum classes digestam. *Sectio VI* apparatus librarium in Theologia *dogmatica & morali*. *Sectio VII* notitiam librariam in studio *antibetico*, ubi recensentur scriptores adversus adversarios extra ecclesiam cap. 1, & intra ecclesiam cap. 2. Judicium de librorum indole, vivæ voci reservatum, Ven. Autor rarissime apposuit. In enumeratione Autorum data opera abstinuit a nimia copia, ne eorum quidem omnium, quos ipsius supellex libraria continet, librorum nominibus in censum relatis. In nonnullis etiam Theologiæ partibus notitiæ magis, quam selectus, rationem habuit. Sedulam insuper, interspersis hinc inde monitis, operam dedit, ut Studiosi Theologiæ a vanitate illa litteraria, quæ hodie cum magno totius rei litterariæ abusu & damno dominatur, advocati, sobrie & caute in re libraria versari discerent. Præter appendicem adjecti sunt copiosi indices. Speciminis loco subjicimus, quæ Vir Summe Rev. idemque doctissimus Secciónē IV Cap. I §. II pag. 279 de nova S. Codicis versione latina adornanda monet, optantes, ut Autor S. Rev. etiam sepositis tantisper aliis quibusdam occupationibus, utilissimum institutum urgere pro virili velit.

„Cum versio, inquit, utriusque codicis, eaque nuda & „notis destituta, ita esse possit adornata, ut aliquo modo vicem „commentarii præstet, mihi translatio optima adhuc in desideratis est, & fortassis nunquam elaboranda. Qualem vero optem, „imprimis Germanis nostris, paucis exponam. Viris doctis exploratum est, inter alia præcipue sequentia in reddendo textu „authentico, maxime Hebræo, deprehendi. 1 Occurrere voces, „singulari aliqua prægnantes emphasi, quæ nulla alia alius linguæ „voce satis significanter possit exprimi. 2 Ejusmodi emphasin & „*desivoviv* passim deprehendi in integris aliquot locutionibus. 3 „Quam frequentissimos esse idiotismos linguæ Hebrææ, cum „nulla linguarum occidentalium communes, qui ideo in versio-

Ggg 2

„ne

ne deferendi, seu idiotismo ejus linguæ, in quam textus authenticus transfertur, exprimendi sint, quia retenti expressique linguæ alii barbarissimos aut solæcissimos inducunt. 4 Multa esse loca, aut locorum phrasæ, in quibus tacite respiciatur ad hunc vel istum morem Judæorum vel Gentilium antiquum, occidentalibus ignotum, aut obscurum. 5 Passim etiam adhiberi proverbia, occidentalibus itidem haud usitata. 6 Non pauca esse loca, adeo obscura, dubia & vexata, ut sensus inde non nisi per conjecturam erui possit incertam: qualia tamen in argumentis ad salutem necessariis non occurrunt, & si occurrant, facile expediri possunt. 7 Nec pauca esse loca, quæ quidem per se nullam habeant obscuritatem, non incommode tamen plures, quam unum sensum admittant, ita, ut unus, qui legenti reliquis videtur esse commodior, ideoque proprius & intentus, sit eligendus. 8 Occurrere interdum paronomasias, quæ nulla alia lingua exprimi possint, aliter autem redditæ omnem suam elegantiam & *δὲνσιον* amittant. 9 Non raro ellipsis, orientalibus non insolitam, sed occidentalibus plane inusitam, & ita comparatam, ut sensui obset, in versione esse supplendam. 10 Non raro accentuum positum aliquam poscere metaphrasin, fere a nullo alio metaphrasie adhibitam, & a commentatoribus neglectam. 11 Multas voces, & quasdam locutiones in integro sacro codice tantum semel aut bis legi. 12 Varia loca a beato Luthero minus recte esse reddita. Hæc, & plura alia, non potest non observare, qui versionem aliquam adornat, cujusunque hæc linguæ sit. Jam vero si observata diversis in ipsa versione signis notarentur, præmissa ad lectorem aliqua signorum istorum expositione, versio nuda vicem commentarii alicujus non spernendi præstaret, saltem legentium diligentiam esset excitatura, & ad dignam meditationem & investigationem exacutura. Quod si notæ accederent, signis istis accommodatæ, eo magis discitibus foret consultum. Vigesima jam agitur annus, ex quo desiderium ac consilium meum cum viro quodam doctissimo, & ad hunc laborem a necessariis haud leviter instructo, communicavi; quod quidem ipsi adeo non displicebat, ut haud
 „obscu-

„obscure mihi sociam suam promitteret operam. Sed, utroque
 „nostrum aliis operis distracto, res effectui caruit, nunc aliis com-
 „mendanda.

*TEXTUS V. T. ORIGINALIS EBRÆUS AB
 Enallagis liberatus, ita ut CLXXII V. T. loca, in quibus
 Enallage regnare dicitur, ope pietatis critica, simplicitati
 Deo dignè restituantur, & sine Enallagis exponantur
 a FRANCISCO WOKENIO, P. P.
 in Acad. Lipsiensi.*

Lipsiæ & Wittenb. apud Sam. Hannauer, 1726, 8.

Pl. 13.

CL. Autor, Collega noster honoratissimus, uti jam A. 1718 ab
 Hypallagis & 1720 a Synchysibus utrumque textum origina-
 lem V. & N. T. absolvit: ita jam telam ulterius pertextens, Enal-
 lagis, quas B. Varenus ignorantia & audacia theatrum appella-
 re solebat, e sacrario Biblico excludendis operam impendit. Et
 hac quidem vice, Bibliopola ita statuente, in proximum disferre
 coactus N. T. Enallagas, V. T. a capite ad calcem evolvit, & quæ
 aliqua cum specie ab Exegetis, antiquis & recentioribus, prolata
 invenit, ad asserendas in V. T. Enallagas, brevi quidem plerum-
 que, sed sollicito tamen subjecit examini. Cum enim leviora fue-
 rint, quæ pro Enallaga statuminanda Viri docti attulerunt, satis
 esse putavit, si paucis rem conficeret, & ostenso sensu probataque
 Grammaticæ Biblicæ simplicitate, dubia removeret. Si vero gra-
 vius quoddam allatum dubium, non prius illud dimisit, quam
 collatis aliorum expositionibus, veriore & simpliciorem inve-
 niret. Quoniam & in his rebus criticis haud raro duæ aut plures
 expositiones probabiles se obtulerunt, eas asserre non super sedit,
 licet unam ex illis modo probet, quo lectoribus eo melius consu-
 lat, ne forte quis, cui non eadem, quæ Autori, sententia arridet, ad
 Enallagen relabatur, si alia, quam eligat, non statim suppetat. Ne-
 mini etiam mirum videri potest, quod Autor, qui, paucissimis
 sibi in hoc vel illo dicto ad stipulantibus, vulgarem impugnat opi-

Ggg 3

nio-

nionem, hinc inde novam quandam expositionem loci alicujus Biblici suppeditet: cum novæ, quæ occurrunt, expositiones maximam partem puram Criticam & Grammaticam concernant, omnes vero & simplicitati & fidei analogiæ congruant. Ut dictis fidem conciliemus, unum alterumque tangemus exemplum. Quam variis variorum expositionibus locus *Gen. IV, 7* torqueatur, fufè docet, & hancultimorum maxime controverforum verborum רבץ חטאת לפתח evincit exegefin effe genuinam: *ad ofium est*, prope est, inftat, peccatum, non illud quod jam commififti, fed *peccatum fecure cubans*, feu securitatis, quo ad excccationem devenies. Masculinum *Exod. I, 21* de obftetricibus adhiberi vifum, de Ifraelitis, & *Ruth. I, 8* *fgg.* occurrentia Masculina de integris familiis accipit. *Hiob. XL, 11* שרירים quod *umbilicos* reddunt, vel ex Arabifmo per *bilaritates* aut *nodos*, vel, quod præfert, ex Chaldaifmo per *firmitates* exponit. Locum controverfum *Jef. LIII, 9* interpretatur, ut קבר fit fubjectum totius verfus: *Dabit quidem fepulchrum ejus impior, fed idem fepulchrum, & dabit divitem, per mortes ejus.* *Hof. XIII, 9* autem locum, non minus intricatum, fimpliciter vertit: *Perditio tua, o Ifrael, est, quod es contra me, contra auxilium tuum.* Qui plura noffe cupit, ipfum libellum adeat, & multa ex accentibus, multa ex intimiori Ebraifmo luci reftituta effe, inveniet.

BASILII FABRI THESAURUS ERUDITIONIS Scholasticæ, recensitus, emendatus, locupletatus a JOH. MATTHIA GESNERO.

Lipfiz, ex officina Thomæ Fritschii, 1726, fol.

Alphab. 18.

Quicquid de scholastica eruditione sentiant nonnulli cum fastu imperiti, nemo certe, nisi ἀμυστος, laborem ei impensum dixerit ignobilem. Inter primarios potius libros referendi sunt, qui Lexicorum vulgo nomine veniunt, si cum cura elaborati rerum & vocum thesauros ad bonorum auctorum intellectum pandant. Ista vero laude commendatius aliis tantum non omnibus esse Fabri hoc opus, & longissimi temporis usus com-

pro-

probavit, &, ut esset, virorum doctrinæ fama haud ambigua conspicuorum operæ cum studio in illud collatæ effecerunt. De anterioribus non opus est, ut dicamus, quorum editiones dudum in omnium manibus versatæ fuerunt. *Cl. Gesnerus*, qui hanc novissimam ornavit, cujusque nomen sæpe jam a nobis prædicatum est, nunc etiam tacere non possumus. Rogatus scilicet primum, cum Faber denuo per *Stubelium* edendus esset, totum opus perlegendum sumsit & recensendum, & socios proin aliquandiu labores cum illo sustinuit. *Stubelio* autem illis immortuo, cum prior pars ad vocem *Cotinus* perducta esset, altera ad vocem *Villa*; quicquid agendum fuit postea, id omne soli *Gesnero* incubuit. Duo autem sunt, quæ Vir doctissimus egit. Auxit & emendavit. Nova quædam vocabula dedit, sed pauca, cum castigatius tractandum hunc librum probe videret, quam ut promiscuam vocabulorum turbam & cujusvis ævi sordes in illum coacervare liceat. Liberalior fuit in addendis vocum significationibus & constructionibus, quarum ignorantia non lectionem tantum, sed imprimis styli exercitium magnopere impedit. Solennes & publicas formulas diligenter annotavit, & antiquitates Romanas explicavit selectis, tum aliunde, tum ex Ill. Spanhemii de Numismatibus opere, observationibus. Alias Critici recentiores suppeditant, quorum in bonos autores annotatis ita est usus, ut inde non tantum discrepantes illorum ab aliis editionibus lectiones indicaverit, sed docuerit etiam, quæ vocabula inter se miscere & permutare soleant librarii, illis, qui Criticam amant, hac ratione gratum facturus. Attamen haud adeo præclare de hujus generis observationibus sensit *B. Stubelius*, qui curare debebat, ut, quæ absens Gesnerus mittebat, suis locis accommodarentur. Multas igitur omisit, quæ sibi non placebant, in quibusdam etiam, pro suo sensu, Gesneriana verba mutavit. Et istud quidem modeste queritur *Gesnerus*, ne sibi, quæ hinc ortæ sunt inæqualitates in elaboratione, tribuerentur. Emendandæ erant versiones Germanicæ, plane contra veritatem peccantes, corrigenda locorum ex autoribus citatorum indicia, tollenda quædam bis dicta, restituenda, quæ non suo loco posita, aut luxata, distracta, perversa fuerant.

Id

Id diligenter præstitit *Cl. Gesnerus*, & cum totum librum a capite ad calcem perlegerit, effecit, ut illa vitia jam hic sint rariora, quæ pluribus unum tractantibus & interpolantibus, vitari fere nequeunt. Præstantiorem igitur hanc Fabri editionem prioribus cunctis merito asserimus, & cum dudum hoc Lexicon anteaierit alia omnia, nunc ejus prærogativam luculentius multo & certius apparet. Dicat quis: nondum tamen omnibus numeris absolutum. Neque vero id *Cl. Gesneri* modestia negat, & quis exigit? in tali præsertim opere, in quo tot minuta sectanda & cujus materia frustillatim prius concidenda est, quam in totum coeat. Sed dicat etiam censor, quis meliora, quis Lexicon Latinum copiosius magisque digestum dederit? Ceterum, si quis specimina industriz Gesnerianæ desideret, eum ad vocabula quædam ex multis, unde nobis de ea constitit, ablegamus. In vocibus *labo* & *labor* interpretatio melior longe & accuratior data est, quam antea. *Lacinia* quid sit, jam demum distincte videas expositum. *Delicias* morositatem quandam & fastidium significare, & *Plauto*, *Seneca* & *Quintiliano* annotatur. *Legulejus* nunc melius exponitur de homine, qui sine liberalium literarum cognitione fora sectatur, quam olim de procuratore. *Quilibet* pro vulgari & promiscuo poni, nunc primum indicatur. Ad vocem *litura* ex duobus *Ciceronis* locis perspicue declaratur, quomodo intelligenda phrasia *litera sunt in litura*. In voce *elixus* correctæ versio plane ridicula loci cujusdam *Plautini*, ubi verbum *assum* de carne assa acceptum fuerat. *Loculus* non marsupium, sed cistulam aut armarium loculatum significare, docetur. Adverbium *locatim* nunc primum *Lexico* insertum, ut & *luto* frequentativum a *luo*, *mamatus* & alia. *Messiam* deam fuisse, in *Circo* a Romanis cultam, nunc dicitur; olim e *Lexico* non intelligebatur. In vocibus *manus*, *committo*, *promitto*, *mollis* luculenter apparet, quanta cum cura, quantoque cum judicio varios ejusdem vocis significatus evolvendo, accurate distinguendo, concinne collocando, versatus *Cl. Gesnerus* in universo hoc *Lexico* fuisset, si vel ipse solus illud curasset, vel per temporis statuti modum huic labori & aliis negotiis pariter sufficere potuisset.

 Errata.

Pag. 410 lin. 25 pro *Sabbathicarum* lege *sacrarum* & p. 412 lin. 26 pro *Ter* lege *Ter*.



No. X.
ACTA
ERUDITORUM,

publicata Lipsiæ

Calendis Octobris Anno MDCCXXVI.

Η ΠΑΛΑΙΑ ΔΙΑΘΗΚΗ ΚΑΤΑ ΤΟΥΣ ΕΒ-

δομήκοντες.

h. e.

VETUS TESTAMENTUM, EX VERSIONE
septuaginta Interpretum, secundum exemplar Vaticanum,
Romæ editum, denuo recognitum. Præfationem una cum
variis lectionibus, & præstantissimis MSS. Codicibus
Bibliothecæ Leidensis descriptis, præmisit

DAVID MILLIUS.

Tomi II.

Amstelodami, sumptibus Societatis, 1725, 8.

Alph. 5 pl. 7.

POST *J. Millii*, Angli, de Novo Testamento merita, toto orbe illustrata, non minus bene de septuagintavirali V. T. versione meritus nuper est *David Millius*, Belga, hoc magis laudandus, quod editionem nobis dedit minoribus sumptibus parabilem, nitidam tamen & novis, iisque non contemnendis, variationibus lectionibus instructam, tum illis, quæ e MSS. codicibus vetustissimis nunc primum producuntur, tum quas *J. Vossius* in margine ed. Romanæ annotaverat, quæ Millianis numero, forte & pondere cedunt. Præmisit vero Cl. *Millius* Præfationem luculentam, in cujus primo statim limine observat, versionem hanc septuagintaviralem dici, quia a Synedrio, non illo Hierosolymitano, sed, quod ex *Talm. Succa* probat, Alexandrino, probata & proceribus Alexandrino-Judeorum prælecta fuerit. Fabulas autem *Aristæ*, de LXXII interpretibus totidem-

que cellulis, de exemplari item aureis literis conscripto, nec non de *Theopompo* & *Theodesta*, cœcitate punitis, merito explodit; ceterum non omnem Aristæ fidem derogans. Interpretes ex ignorantia Ebrææ linguæ adeo lapsos fuisse fatetur, ut non solum miretur, Viros quosdam doctos hanc versionem Ebraico textui antepone, sed & credat, "ita sentientes nulla re vehementius confutari posse, quam si rogarentur, ut idoneum sensum in infinitis locis (libris metricis & Prophetis maxime) textu Ebraico in subsidium non vocato, e Græca versione afferant, qui perspicaci & erudito lectori satisfacere queat." Ritus etiam patrios, ut in Talmude conservati sunt, his Interpretibus non satis fuisse notos, ex collatione versionis eorum cum Talmude doctissime demonstrat. Confert nempe *Exod. XXV, 29* cum *Gen. Menachoth f. 96, 1*; *Exod. XXVII, 5* cum *Gen. Sebach. f. 62, 1, 2*; *Exod. XXIX, 24* cum *Gen. Men. fol. 63, 1*. Librariorum quidem mendis subjacere plurima loca, quorum aliquot affert, non negat; simul tamen evincit, multa quoque loca pro vitiosis haberi, quæ vitio careant; vindicatis contra *Jf. Vossium* locis, *Gen. III, 15*, & *Ezech. VIII, 15*. Eadem quoque ratione a *Cl. Bos* emendationibus liberat *Ezech. XX, 37* & *Hab. III, 64*, in quibus LXX Viri non quidem verbum verbo, commode tamen sensum reddidisse, Nostro videntur. His observationibus *Cel. Millius* pauca subnectit de usu hujus versionis, & sic ad describenda decora hujus novæ editionis conversus, textum quidem ad edit. *Cl. Bos* expressum esse, fatetur; præmissæ tamen seorsum sunt variantes lectiones MSS. Codicum, quas *Cl. Havercampio* potissimum se debere, indicat. Hæ autem variantes lectiones partim desumptæ sunt e vetustissima membrana, quæ aliquot Geneseos capita, Leviticum, Numeros, Deuteron. Josue item & Judicum libros complexa, olim fuit Mentelii, dein Patricii, postea Vossii, nunc vero in Bibliotheca Lugduno-Batava asservatur. Hoc MS. literis majusculis, sine verborum distinctione, sine accentuum item & spirituum notis scriptum, e contrario autem asteriscis Origenianis ✕ crebro distinctum, Parisino, Basiliano & Alexandrino æqualem præfert ætatem. De quo rectius judicabunt, qui ipsum scriptiōis specimen,

eimen, quod *Cl. Millius* exhibet, considerabunt. Ceterum *Cl. Millius* sæpissime in illo Codice quædam addita observavit; rarius pronomina & alia quædam omissa sunt: Sic v. gr. additum est *Jos. X, 42, ✕ καὶ ἀπέστρεψεν Ἰησοῦς καὶ πᾶς Ἰσραὴλ μετ' αὐτῶ εἰς πόλεμον εἰς τὴν παρεμβολὴν εἰς Γαλάλα*. Quod ad variantes illas, quas *Vossius* ad oram editionis Romanæ alleverat, attinet, nondum quidem constat, unde illas deprompserit, cum nec ipse indicarit, nec hodie similis liber *MS. in Bibl. Leiden*si exstet; videtur tamen non modo *MSS.* cum nunc *MS.* simpliciter, nunc *Catenam MS.* nunc *Eusebii Emiffen. MS.* nunc aliorum alleget, verum & ingenium secutus. Ita ad *Exod. XXXV, 35* notat: τὰ ἔργα τῶ ἀγίῳ) Ὡρ legerunt pro Ὡρ. *Deuter. XXXIII, 8*, ὅτε Δαυὶ δῆλως αὐτῶ) Malletm δῆλωσιν. Nos minime dubitamus, editionem hanc nitidam & accuratam Lectoribus maxime se probaturam, quamvis forte futuri sint, qui varias Lectiones textui suis locis subjectas, quam in unam farraginem redactas mallent.

ΚΑΣΣΙΟΥ ΔΙΩΝΟΣ ΡΟΜΑΙΚΗΣ ΙΣΤΟΡΙΑΣ

κ. τ. λ.

h. e.

CASSII DIONIS ROMANÆ HISTORIÆ
ultimi Libri tres, reperti, restituitque studio ac labore NI-
COLAI CARMINII FALCONIS, Presbyteri, in
utroque Jure & in sacra Theologia Doctoris &
Proto-notarii Apostolici.

Romæ, ex Typogr. Chracas, prope S. Marcum in via Cursus, 1724. 4.
Alph. 1 plag. 34.

POst felicissimam operam duorum magni nominis virorum, *Fulv. Ursini* & *Henr. Valesii*, quorum ille ex duobus vetustissimis codicibus insignia quædam fragmenta *Cassii Dionis* Antwerpiæ A. 1582, hic autem ex codice veterrimo *Peirescii* aliisque monumentis Parisiis A. 1634 haud deteriora vulgavit, vix spera-

re ausi sunt eruditi, fore, ut præstantissimo Historico a quoquam melius consuleretur : cum Viri Reverendi atque Eruditissimi *Nic. Carminii Falconis* studium ipsa etiam bonorum vota vicisse appareat, qui integros tres postremos Dionis Libros publicæ luci, ex situ & squalore protractos, exponit. Is nempe, cum propter lucubrationem suam *de varia provincia Romani Metropolitæ* Cassii nostri testimonio ex libro ejus LXXIX opus haberet, adiit Vaticanam bibliothecam, & præter opinionem ipsum illum codicem admirandæ vetustatis, & ex omnibus, quotquot supersunt, facile antiquissimum, ex quo Fulv. Ursinus fragmenta quondam desumsit, nactus, diligentius eum evolvere, & ad ea quoque loca attendere cœpit, quæ Ursinus, quoniam propter scissas membranas de commoda sententia eruenda desperaverat, siccò pede transierat. Quæ ubi cum Valesii Excerptis, Xiphilino, Cedreno & Zonara contulit, multa in istis laciniis legi atque cognovit, ex quibus vera scriptura restitui, & ab aliis collecta fragmenta, suo quæque loco, digeri, adeoque integri libri contexti possent. Et quanquam in ipso codice, ut alia multa, ita etiam Libri LXXIX finis, & LXXX initium non comparerent : ex Xiphilino tamen, quem ipsa Dionis verba sæpissime repræsentasse, extra dubium est positum, ea ita supplevit, ut, si a lacunis quibusdam, a temporis & bibliopecti injuria profectis, discesseris, una nunc serie postremam Dionis partem legere queamus. Hoc ut eo melius appareat, per partes operam Eruditissimi Falconis enarrabimus. Principio Liber LXXVIII in veterrimo illo codice destituitur; id igitur addidit ex Xiphilino, quem sua ista hausisse a Dione ex stilo judicat & consensu Zonaræ. Cap. II pag. 4 incipit ipse codex, & quæ eo loco in orationis nexu memoranda fuissent, ea jam descripsit Ursinus, Editor auxit paullulum & suo loco inseruit. Eidem capiti tribuit quædam ex Valesianis Excerptis pag. 758, quæ Valesius, contra auctoritatem veterrimi codicis, Libro LXXVII adscripserat. Cap. III a Valesio, Ursino & Xiphilino quædam sibi vindicat. Cap. IV ex Xiphilino maxime, sed etiam ex conjectura ad integras ferme duas columnas mutilas egregie restituit, posita simul in notis pag. 110 scriptura ista codicis mutila. In Cap. V, VI & VII concinnandis

auxi-

auxilio fuerunt fragmenta ab Ursino edita. Cap. VIII cum duæ columnæ codicis ab antiquo bibliopego penitus recisæ sint, supplet easdem ex Xiphilino; ea potissimum ratione ductus, quod ea, quæ sensus ex Xiphilino assumenda esse suadebat, exacte spatium duarum columnarum respondeant, ut, verba per has columnas ad numerum litterarum ordinando, demonstrat Cl. Editor in notis pag. 116. Cap. IX, X, XI ab Ursino edita, & ipse codex persanavit. Sed Cap. XII totum hiulcum est in codice, omissum propterea ab Ursino, sed fideliter a Nostro repræsentatum, ita, ut pro litteris, quæ desiderantur, totidem numero puncta apponantur, quædam etiam ex conjectura suppleantur, v. gr. ex . . . λευήν, fecit βελευτήν; ex . . . λυ, πολύ; ex . . . δραγαθη . . . ω. fecit ἀνδραθητής ὦν : sed nè sic quidem minima pars lacunarum expletur, & fortuna expectanda erit, quæ iis ita succurrat, ut Xiphilinus fini hujus capituli. Integrora sequuntur Cap. XIII & XIV, ut faciliora lectu & olim jam edita. Cap. XV & XVI idem facinus Bibliopecti laceravit, quædam tamen vulnera egregie sanavit Editor : adjectis simul in notis p. 123 eo ordine, quo in codice visuntur, vocibus & litteris, quæ per illam injuriam inviolatæ manserunt. Iteratur idem facinus Cap. XIX, XX, XXIII, XXVI, XXX, XXXI, XXXIII, XXXVI, XXXVII & XL, quibus Eruditissimus Falco interdum ex sola conjectura & vestigiis litterarum relictarum, interdum e Xiphilino, Theodosio, Constantino Ang. qua licuit, medicamentum attulit. Cetera bene habent & olim ab Ursino vulgata sunt. Eodem modo Libro LXXIX versatus est, in quo restituendo certissimam habuit opem Excerptorum Peirescianorum. Sed cum Capite ejus libri VIII defereretur a duce suo, codice illo eximio, reliqua ex Zonara, Cedreno, Valesianis, & maxime omnium ex Xiphilino adjecit, quoniam ex stilo sibi existimare posse visus est, quæ Dionis essent, quæ minus. Adspersit etiam in notis aliquas conjecturas, atque emendationes haud contemnendas. Idem de perbreui illo Libro LXXX & ultimo Dionis dicendum est. De notis enim specimina proferre superfedemus: cum nullum ambitiosæ eruditionis apparatus contineant, sed simpliciter, unde quodque fragmentum desumptum sit, enarrent,

aut tribus verbis emendationem proponant, aut scriptores sæpe memoratos inter se comparent. Atque hi sunt libri Dionis postremi, a Cl. Falcone integritati suæ, qua licuit, restituti. Et gratulamur omnino industriæ Viri doctissimi: cujus exemplo si alii Vaticanos thesauros sedulo excutient, plura fortasse reperientur, quibus res litteraria augeri possit. Laudamus etiam vehementer fidem optimi Viri & patientiam, qua reliquas codicis sui litteras sua serie describi curavit: ut alii copiam habere possent ingenium suum experiendi. Et quanquam probe cognitum habeamus, quantum iis sit tribuendum, qui longo usu genium & solum Autoris familiarem sibi reddiderunt, iis potissimum locis, quibus ex aliis simul rationibus Autori verba vindicant: multi tamen erunt, qui difficulter judicio Cl. Falconis accedent, ubi ex solo stilo Xiphilina pro Dionianis habet, & integras paginas huic ex illo vindicat. Esto enim, quod multa desumerit compiler ille ex Cassio, non tamen omnia sumfit: & si integrum librum LXXX in Xiphilino legimus, non ideo integrum librum LXXX Dionis habemus; nisi aliis rationibus, quam ex solo stilo derivatis, istud comprobare possumus. Incidebat nuper in manus nostras Liber X Qu. Curtii in membrana scriptus, integer sane & nullis lacunis deformatus; sed ab edito Curtio valde diversus. Servabant hæc membranæ integrum Caput V hujus libri, maximam partem prout editur, & reliqua cum hoc capite una & perpetua serie erant connexa. Sed si quis propterea, quod ex membranæ unum Caput Curtii repræsentant, affirmare auderet, reliqua etiam Curtii esse, is morem compilerum vetustiorum ignorare fateretur. Ita propemodum de Xiphilino & Dione judicandum est. Et si quis maxime daret, Epitomen hanc perpetuo servasse verba Cassii, Epitome tamen est, nec omnia Cassii habet: adeoque de integro Dione timidius credet. Hæc eo commemoravimus, quo doctissimus Editor, qui novam omnium librorum Dionis editionem promittit, ea occasione hos scrupulos lectori eximere, suamque sententiam, quod potest, latius confirmare velit.

M. AUGU.

M. AUGUSTINI CAMPIANI, *ŒCTI, DE OFFICIO & potestate Magistratuum Romanorum & Jurisdictione, Libri duo.*

Genevæ, apud Marcum Michael. Bousquet & Socios, 1725, 4 maj.
Alph. 2 pl. 22.

Primam nominis ac eruditionis famam nostratibus commendat hoc labore doctissimus Autor, origine Privernas, munere Taurinensis Antecessor, haud postremus inter Italos sagaciores & meliori jurisprudentiæ addictos. Cum enim bene intelligeret genuinam Jus Romanum docendi atque illustrandi rationem, fontesque pernovisset & subsidia, quæ vulgus commentatorum ignorat, novam animo concepit interpretationem Digestorum, non Iliada post Homerum scripturus inter populares suos, ex quibus vix pauci fortasse instituti similis commentationem meditati sunt, nemo certe perfecit. Hujusque operis specimen ac initium voluit dare his Libris duobus *de officio & potestate Magistratuum Romanorum & Jurisdictione*, qui si minime displicuerint Juris studiosis, pollicetur primæ Digestorum partis enarrationem, prorsus eadem industria pertractandam. Quod vero prætermisiss prioribus titulis Pandectarum, a titulo *de Senatoribus* auspiciatus sit, ne id sine consilio factum putemus, monet, illorum explicatione vix indigere, qui elementis juris acceptis ad latiores Digestorum campos accedunt, quibus ipsis Commentario suo consulendum putavit. Præterea necessariam non minus, quam dignissimam, quæ in limine jurisprudentiæ collocetur, judicavit illam præcipuæ partis juris publici notitiam, quæ in Magistratibus & eorum jurisdictione versatur, pluribus commentariis, sed dispari studio successuque a veteribus ac recentioribus illustratam, & quæ permultos juris articulos pervagatur. Neque tamen ab ipso *de Senatoribus* titulo primum initium capit Noster, sed præmisit huic tractationem *de potestate Romani Imperatoris*, qua sine accuratam & perfectam Magistratuum cognitionem dari non posse, recte vidit. Refertur in libris Juris officium & potestas Magistratuum, qualis fuit sub Imperio Principum: hi vero fons erant omnis potesta-

- testatis, imperii vel jurisdictionis. In Imperatore igitur explicat ejus nomen, Proconsulare Principis Imperium, (cujus titulum in marmoribus superstitem contra Gutherii, Casauboni & Gravinæ objectiones defendit,) jus relationum ad Senatum, Censoriam, & Tribunitiam potestatem, Consulatum, sacerdotia & potestatem divinam, (ubi, Christianos Imperatores ad Gratiani tempora nomen Pontificis assumpsisse, adversus Jac. Gothofredum multis probat,) liberam & legibus solutam auctoritatem, (ad *L. Princeps. D. de Legib.*) legislatariam potestatem (ad *L. quod Principi. D. de Constit. Princip.*) nomen Patris patriæ, Legem Regiam, cujus celebre fragmentum exhibet & paucis illustrat, denique potestatem Principis in Magistratus diffusam. His expositis accedit ad tit. *de Senatoribus*, quorum recenset originem & numerum, censum & ætatem, ritum legendi in Senatum, auctoritatem Senatus, insignia Senatorum, præcipue tunicam laticlavem, quam sequioribus temporibus *colobium* appellatam fuisse, contra Jac. Gothofredum tuetur. Sequitur explicatio singularum legum hujus tituli. Ad *legem primam*, subjectis brevibus notis, quales ad unamquamque legem additæ & quæ plerumque similium locorum indices referunt, aut verba legis obscuriora declarant, commentatur Noster de viro præfectorio femine consulari præferendo. Ad *l. 2* dicit de senatu motis, quibus auctoribus, & quorum criminum causa ordine moveri Senatori Romano contigerit, deque in ordinem restitutis. Ad *l. 3* quærit, utrum ordine moti capite minuantur? itemque ostendit, motos propter turpitudinem ex Principum Severi & Antonini indulgentia potuisse Romæ morari, cum antea solum vertere exilii causa cogerentur: infamia vero eum demum notari, cum remotionis turpem causam sententia expresserit. Ad *l. 4* disserit de tribus gradibus Senatorum post tempora Constantini, *Illustrium, Spectabilium & Clarissimorum*, docetque, ab his primum gradum obtinuisse *Equestrem dignitatem*, secundum *Perfectissimos*, tertium *Egregios*, secus, quam Pancirolus in *not. imp. orient.* docuerat. Talem in reliquis hujus tituli & sequentium omnium, qui de jure & officio Magistratuum agunt, legibus illustrandis morem atque commentandi rationem Noster studio-

studiose & constanter servavit, ut specimini sufficere, quæ hæcenus annotavimus, queant. Facile etiam ex his colligas, Nostrium haud certe Autorum de notitia Magistratuum Romanorum, aut Interpretum juris scrinia compilasse, sed cum eos multa cum cura legisset contulissetque, proprio ingenio eruere meliora in haud paucis studuisse. Habet vero illud, quod jam in scenam produximus, volumen priorem saltem de duobus in rubro promissis Librum, qui de officio ac jure Magistratuum Romanorum totus est: alter *de jurisdictione*, Nostri fide, propediem sequetur, ad *Librum secundum Digestorum*, ni fallimur, præcipue comparatus.

CODEX ITALIÆ DIPLOMATICUS, COLLEGIT ac Elencho Indiceque reali instruxit JO. CHRISTIANUS LUNIG.

Tomus II.

Francos. & Lips. impensis Hæred. Lanckis. 1726, fol.

Alph. 15 pl. II.

Postquam de primo Tomo diximus supra M. Martio p. 99, jam quo inodo tela pertexatur hoc altero, vel levi digito indicasse satis fuerit. Nam cum illo nondum absolvi potuerit primæ Partis Classis III, hinc primo loco hic sistuntur literæ Investiturarum ac privilegiorum, quæ ad Marchiones e familia Gonzagarum oriundos, Castilionenses item & alios, tum ad Dominos Gonzagas, Novellaræ & Bagnoli Comites, Dom. Grimaldos, Januenses, Dom. Guarzones de Piscia, Com. Hippolythos de Gazoldo, Dom. Lercarios, March. de Malaspina, Massæ Principes & Carraræ March. Comites a Mollart, Feudi Frinchii in Italia possesores, Monæci Principes, Odescalcos Princ. March. Pallavicinos, Duces de S. Petro, March. & Com. Roboreti, Dom. de Romano, it. de la Scala & de Scarampis, March. Soranez, March. & Dom. Spinulas, Dom. de Trissino & Principes ac March. Vasti spectant. Succedit Pars II, quæ XII Sectionibus divisa, conscripta est de summo Pontifice ac sede Romana, de utriusque Siciliæ Regnis, de Sardinæ Regno insulaque Corsica,

Kkk

de

de Parma & Placentia, de militari S. Johannis Hieros. vulgo Melitenſi ordine, de Republica denique Veneta, Genuenſi & Lucana. His demum accedere varia diplomata alia, in utroque Tomo ſuis locis prætermiſſa. Multum vero hic Tomus copia ſuperat priorem; nam cum illo dictum ſit contineri diplomata DCXLI, in hoc numeravimus omnino MCCCCVI. Horum etſi plurima fuerint hic illic per Autores diſperſa, ſingulares tamen gratiæ debentur Autori noſtro, quod illa juſto ordine chronologico collegerit, imprimis vero etiam, quod ingentem ineditorum, recentium imprimis, copiam e Tabulariis ſummarum Principum nunc primum extraxerit. Nec dubitamus, Autorem vere polygraphum non deſtiturum, donec aliorum quoque Regnorum Codices, ſeu potius Theſauros Diplomaticos in lucem produxerit; quod ut fiat feliciter, vitam illi & otium apprecamur.

Leben und Thaten Friedrich des Andern Chur - Fürſten
zu Brandenburg.

i. e.

VITA ET RES GESTÆ FRIDERICI II, ELE-
ctoris Brandenburgici; Autore JACOBO PAULO L. B.
de GUNDLING, Potentiſſimi Boruſſorum Regis intimo
Supremarum Provocationum, rerum Bellicarum & Doma-
norum Conſiliario, ac Societatis Regiæ Scientiarum
Præſide.

Potsdami, apud Bartholomæum Neumann, 1725, 8.

Alph. 1 pl. 18.

Sereniſſimorum Electorum Brandeburgicorum, qui ex Burg-
graviis Noribergeniſibus ſanguinem ducunt, vitam reſque
geſtas ſumma cura ex Archivis, Codicibus Mſcſis, diplomati-
bus ac Scriptoribus optimæ notæ delineandas exiſtimavit Autor
Ill. ut rejectis anilibus quorundam figmentis, plura huc uſque
ignota, veramque rerum ſeriem ob oculos poneret. Hinc Fri-
derici I vitam in Actis Anni 1716 p. 92 commemoravimus;
nunc

nunc Friderici II vitam, anno superiori prelo liberatam, breviter recensimus, omnis iis, de quibus jam aliunde constat. In Præfamine Illustri Autor simplicitatis quendam coarguit, cui superfluum visum, fontes Scriniorum & MSCtorum absque verbis istorum aut diplomatibus inde petitis allegasse, quod isto tamen sine necessarium duxerat, ut legentibus patesceret, unde potissima ad Historiam conscribendam sint haurienda; nec ullo jure postulari posse, ut Historiæ Electorali unice intentus Autor, ad fidem dictorum corroborandam, ipsa diplomata, & verba ex MSCtis desumpta confarcinet, cum *Archivum Status* in lucem emittere sibi non fuerit propositum; denique cum Mandato Clementissimo, inspectantibus summæ dignationis Viris, Historiam hanc congesserit, nullum de veritate documentorum, eorumque existentia dubitare jubet, nisi temeritatis notam incurere velit. Ordine Chronologico incessisse Autorem Ill. deprehendimus, unde res invicem connexas compilare nobis erit integrum. Natus est *Fridericus II* A. 1413, Tangermindæ, in Polonia educatus, cura Elizæ Decani Sendomiriensis & Petri Chelmsky Nobilis Poloni, insignem optimarum artium scientiam sibi comparavit. Vicaria potestate Marchiam ab A. 1438 ad 1440 rexit. Parente defuncto, Tangermindæ, hinc Berolini sedem fixit, palatio ibidem extracto, arceque munita, quæ ad Joachimi II tempora perduravit. Statura fuit procera, corpore succulento & robusto, ut *Ferrei* cognomine insigniretur. Ingenio mirando, tacitum secretum preinens, non vi, sed consilio, & intentus occasionibus Domus Serenissimæ imperium propagavit; divitiis præpollens, munificentia in Ecclesias, egentes, fidosque ministros clarus exstitit. Lusatiam, Electoribus Brandenburgicis quondam subjectam, & ab iisdem oppignoratam, etsi Carolus IV, defuncto Belcone Silesiæ Duce, se Brandenburgicis restitutum promississet, Bohemiæ tamen junxerat, quam Sigismundus postea Joanni Polenzio oppignoravit; at is in turbis Bohemicis sibi metuens, tutelæ Friderici II A. 1441 se totamque provinciam submisit. Deinde cum, Georgio Podiebratio Vicario, omnis Bohemia turbis concuteretur, Polenziorum jura, in Lubenam maxime, Fridericus solutis 10000 fl. Rhen. A. 1448 redemit;

- p.374. mox & reliqui Ordines ac Civitates Lusatiae Inferioris, servatis
 sibi privilegiis, in ejusdem ditionem concesserunt. Quo nomi-
 ne investituram a Rege Ladislao, ipsiusque Vicario Georgio im-
 petravit, eamque ab Anna, Bohemiae, si Ladislaus absque prole
 194-214. decederet, hærede, Wilhelmo Saxoniae Duci elocata, firmari cu-
 ravit. Polenzii præterea caverant, intra 100 annos & unum diem
 216. semet adversus Electorem ejusque successores nemini militatu-
 ros, ne arcana forsan, vel aditus cuicumque panderent. Hoc com-
 220. perto, Fridericus III Imp. patrimonii augendi cupidus, literis ad
 Electorem datis, eandem pecuniae summam obtulit, quo Lusa-
 tia sibi cederet, verum cum jure destitueretur, paulatim absti-
 73. nuit. Interea Fridericus II Reinhardum, Cotbusii Dynastam, in
 clientelam receperat, qui biennio post omnem ditionem, cen-
 tum & quod excedit pagis constantem, partim 5600 sexagenis
 grossorum persolutis, partim feudi aperti jure, a Gerone Mar-
 chione quondam derivando, in Electorem transtulit. Mox au-
 245. tem facies rerum mutata, cum Georgius Podiebratius folio Bo-
 hemico admoveretur. Hic enim Sternbergius, Cotbusium vindi-
 505. cantibus, favebat, qua in causa Elector Georgii Regis judicium
 haud recusavit, ita tamen, ut, cum eum sibi infensum experire-
 tur, ad summum Imperatoris tribunal provocaret. Nimirum
 511. Georgius ille Inferiorem Lusatiam cum pleno Dominio, supe-
 rioremque certis conditionibus fuerat pollicitus Electori, si se,
 ad dignitatem Regis Romanorum aspirantem, suffragio suo ju-
 514. varet; verum Elector, *se prius vitam cum morte commutatu-
 rum, quam petitioni Austriacorum eminentiae adeo adversa præ-
 beret assensum*, intrepide pronuntiabat. Tandem cum supremi
 Judicis munere in his litibus componendis haud defungi vellet
 560. Imperator, cujus quidem gratia istis turbis inmixtus fuerat Ele-
 ctor, pax coit cum Rege Georgio 1462, iis legibus, ut Cotbusium,
 Peiza, Teupizium, Beernwalda, Lubbena Magna, in Electoris
 potestate inanerent, una cum expectantia in Beskoviensem &
 Storkoviensem Dynastiam, reliqua vero Lusatia ad Bohemos re-
 40. verteretur. Joannes Dux Megapolitanus Brandenburgicus A. 1427
 terras universas in feudum obtulerat, quam ob rem Wilhelmo
 Venedorum Principe 1436 absque prole extincto, Fridericus I
 Ele-

Electoꝛ, accedente Imp. Sigismundi auctoritate, Principatum vacuum sibi vindicabat. Verum Agnati Megapolitani & terras & fidem clientelarem negarunt, unde ad arma deventum, donec 1441 his conditionibus tota lis componeretur; ut remissa clientela, Ducibus aliquando extinctis, Ducatus universus Brandenburgicorum ditioni cederet, eumque in eventum Ordines Provinciales homagium præstarent; quam transactionem Imperatoꝛ ratam habuit. Neo-Marchiam vero, a Sigismundo oppignoratam, ab Ordine Teutonico, æris tunc indigente ob dissidia cum Polonis, persolutis 100000 florenorum Rhen. sub jure retrovenditionis, reluit Fridericus II. Pari modo, cum Sigismundus atque Jodocus plurimas Marchiæ partes quondam alienassent, Fridericus noster rem apud Imperatorem eo perduxit, ut alienationes illas 1444, vi Aureæ Bullæ, quæ integros ac indivulsos Electoꝛatus esse voluit, nullas publico edicto pronuntiaret. Pasewalkum & Torgelaviam, ad Marchiam Ukeranam pertinentes, Duces Pomeraniæ sui juris fecerant, unde ad arma ferme fuisset procursum, nisi mediante Saxoniz Electoꝛe & Megapolitanis, locis illis Friderico II restitutis, pax fuisset stabilita. Uladislao a Turcis cæso, cum Frater ipsius Casimirus diadema Regium Polonorum recusaret, atque Podoliam Volhyniamque, Lithuaniz denuo jungendam, a Polonis repeteret, Poloni irritati, Fridericum Brandenburgicum Regem suffragiis suis nuncuparunt; verum Electoꝛ, Regnum meruisse, quam cum injuria aliorum possedisse satius ducens, & bella internecina veritus, si Casimirum prænitentia postmodum subiisset, tempus deliberandi Casimiro indulgendum existimavit, quo elapso, si Casimirum juri suo renunciare sacramento contingeret, Polonorum desideris se haud adversaturum, est pollicitus. Cum fratre Friderico Juniore Noster 1447 his conditionibus transegit, ut vi Aureæ Bullæ, superioritate Electoꝛi salva, fratri regimen Veteris Marchiæ certo modo committeretur. Cives Berolinenses, Regimini Electoꝛali nondum assueti, jura sua debilitari querebantur, verum Electoꝛ, ne judicis & partis vices subiisse videretur, litem vicinorum Principum, Nobilium, Civitatumque arbitrio dirimendam commisit, qui, rebellibus capite damnatis,

p. 60.

74.

81 sq. 379.

99.

107.

113 sq.

117.

177.

291.

- p 229. molendina aliaque civitatis bona Cameræ adjudicarunt. Inter Albertum, Electoris fratrem, & Noribergenses sævum bellum est exortum, quo durante novem pugnæ depugnatz intra unus anni spatium vulgo memorantur, quas velitationes potius adversus submissa ab Helvetiis fociisque civitatibus auxilia dicendas, Ill. Auctor existimat. Fridericus postea terras, tempore
237. Waldemari a Marchia divulsas, sibi restitui postulavit ab Archi- Episcopo Magdeburgensi, jura in Veterem Marchiam, olim sibi donatam, frustra allegante, cum quo tandem 1449 ita trans- egit, ut, Comitatu Wernigerodæ accepto, reliqua retineret Mag- deburgicus. Dum Albertum Austriacum Electores Imperatori Friderico vellent adjungere Regem Rom. ad impensas sustinen- das destinarunt aurum coronarium a Judæis post electionem
402. pendì solitum, quod summam 10000 aureorum confecit, cujus cogendæ cura Friderico nostro fuit commissa: at in his consul- tationibus Imperatorem saltem Imperatoriam *Gratiam* (*Kaiserliche Gnaden*) nominari, deprehendimus. Interea 1456 Ducatum
433. Mediolanensem Elector, cujus avia ex stirpe Mediolanensi pro- gnata, præ Francisco Sfortia, qui Philippi Mariæ ultimi possessori- sis filiam notham in matrimonium duxerat, sibi jure deberi con- tendebat: aliis tamen negotiis implicitus, haud ultra institit. Lites Alberti fratris cum Ludovico Bavaro Landshutano, qui ju- dicio provinciali Norico suos in Nordgovia subditos fuisse re- cufabat, 1460 sopire Fridericus II omni studio est annifus; bel- lo tamen mox recrudescente, acerrimum prælium prope Gin- genam est commissum, in quo Albertus hostem, numero longe superiorem, 3 horarum spatio detinuit, eundemque insigni de- trimento affecit, donec cedere, paucis suorum amissis, consul- tum duceret: unde *Adhærenti* error patet, qui Albertum levi negotio in fugam conjectum hariolatur. Regnum Bohemiæ, ob Georgii hæresin a Pontifice oblatum, Noster haud declinavit, ut vulgo volunt, occasionem tamen rei bene gerendæ operiri, consultum ratus. Anna, Wilhelmo Saxoniz Duci nupta, moriens
556. filiam Margaretham hæredem juris in Bohemiam sibi compe- tentis nuncupaverat; quamobrem ipsam *Bohemia hæredem* sæ- pius se dixisse, ejusque maritum Joannem Electorem Brande- burgi

burgi jura contra Reges Bohemorum Jagellonidas urfisse, documenta testantur. In causa Pomerana Elector adversum adeo sibi Imperatorem expertus est, ut & omnes ipsius socios arma ponere jufferit, & Erico Wolgastensi, investituram, sub pœna 1000 librarum auri, ab Electore impetrare, interdixerit. Tandem Fredericus II pertæsus regiminis, ac difficilem auditum, capitisque vertiginem ex vulnere in obsidione Ukermundæ accepto, & tumorem pedum sentiens, denique ob mortem præmaturam filii Joannis 1469, quem matrimonio Filizæ Casimiri Regis Poloniæ destinaverat, Electoratu in gratiam Alberti fratris cessit, Burggraviatu superiore, & annuo 12000 aur. fl. redditu sibi servato. Hinc Plassenburgum se recipiens, ut vicinis Bohemorum thermis uteretur, non melancholia tamen ob fortunam sibi adversam correptus, quod aliqui somniant, Plassenburgi 1471 placide vitam cum morte commutavit. Fidei confessionem primum 1445, ac denuo 1453 sua manu exaratam reliquit, in qua solo Salvatoris merito fretus, peccatorum remissionem, misericordiamque divinam sibi pollicitus, in vera fide in Christum se moriturum profitetur, unde plures ex recentioribus interque illos Weizendorffius scriptis eandem illustrarunt. Ceterum imagines Electorum in frontispicio harum Vitarum conspiciendas ex picturis vetustissimis in sacris ædibus aut palatiis Regiis reperiundis desumptas, refert Autor Ill. ac vitam Alberti Achillis brevi se daturum spondet, quam ut felici fidere perficiat, sanctę volumus.

605.

628.

620.

615.

617.

629.

630.

LA VIE D'OLIVIER CROMWELL, LORD PRO-
tecteur de la Republique d'Angleterre &c.

h. e.

VITA OLIVERII CROMWELLII, PROTE-
ctoris Reipublicæ Anglicanæ, ex Scriptoribus optimæ notæ
simulque plurimis egregiis MSis collecta & ex An-
glico in Gallicum sermonem versa.

Tomi II.

Hagæ

Hagæ Comitum, apud Jacobum Jonghium, 1725, 8.

Alph. I pl. 17.

Ingens eorum, qui vitam & res gestas Cromwellii antea exposuerunt, numerus Anonymum Anglum, quem nunc e Gallica versione recensimus, deterrere neutiquam potuit ab eadem opera denuo suscipienda; quum nimirum pauci inter illos ipsi visi sint ea in re cum industria & fide versati. Ipse nec Encomiasten acturus, nec Satyricum, simpliciter facta non levi aut dica- ci, sed gravi sermone recenset, nihil omittens præter fabulas illas Romanensibus haud absimiles, quæ a Scriptoribus, præsertim extraneis, Cromwellii rebus sunt affictæ; contra multa superaddit memorabilia, quorum hæcenus ne ipsi quidem Angli meminere. Illud in eo desideres, quod parcius, nec accurate satis, scriptores abs se lectos negaverit. Ceterum supplementi loco subiuncta sunt, tum accuratior familiæ Cromwellianæ genealogia, ab ipso Autore Anglo scripta, tum animadversiones criticæ eæque satis acerbæ in Gregorium Leti, vitæ Cromwellii itidem scriptorem, ab interprete Gallo additæ. Nos potiora quæ nobis visa, haud ubivis obvia, pauca tamen, pro instituti ratione delibabimus.

Tom. I p. 3.

- Memorat vero Auctor, Cromwellium cum prius ecclesiæ Anglicanæ fuisset addictus, postmodum in castra Puritanorum transiisse, eorumque tam scrupulose adhæsisse religioni, ut certam aliquando cuidam redderet argenti summam, ludo jam triennio ante ab illo obtentam, addens: se diutius eam retinere per conscientiam non posse. Certe religionis fervore incitatus fertur, ut A. 1641 vehementius urgeret in Comitibus inferioribus querelas contra Regem, quæ cum tandem in bellum erumperent, primum centurio factus est, & mox sublimioribus militiæ dignitatibus admotus, multa feliciter adversus regium exercitum gessit. Imo cum aliquando Parliamentum numero militiæ præfectorum exenta vellet omnia sua membra, ipse non solum constitutionem istam, quam *de abnegatione sui* dixere, eloquentia singulari commendabat, sed etiam solus militare suum munus sibi conservabat, in quo tot præliis A. 1645 & 1646 gestis, tot urbibus captis, fortitudinem probavit, ut vel
- nomen

nomen ejus terrorem incuteret Regiis. Veruntamen A. 1647 aliqua intercessit ei cum Parlamento simulata, cujus tum causa tum etiam effectus, prout Cap. V memorantur, lectu maxime digna sunt. Scissa nimirum tum temporis fuit ecclesia Anglicana in tres partes, primam Episcopali, inter quos erat Rex ipse, propterea maxime invisus, secundam Presbyterianorum, ex quibus præcipue constabat Parliamentum & civitas Londinensis, & tertiam eorum, qui dicti volebant Indifferentes, quorumque maximus numerus erat in exercitu. His itaque cum Cromwellius faveret, nimiam scilicet Presbyterianorum licentiam, qualis vix antea sub regio & episcopali regimine Angliam oppresserat, animadvertens, enata inde simultatis illius causa. Quippe Cromwellii imprimis opera, qui mira calliditate atque apud belli duces pariter ac milites autoritate gaudebat, tam plenum periculi dissidium Parliamentum inter & exercitum, natum, ut alterum quasi inde exurgeret Parliamentum, militare scilicet, cujus superiorem ordinem belli duces, quorum summus Fairfaxius, nomine quidem, re ipsa autem Cromwellius erat, inferiorem agebant ex militibus illi, qui *Agitatorum* nomine tum maxime memorabili veniebant. Rex etiam per dissidium illud, Cromwellii cum primis feroci instigatione, ex captivitate Parliamenti in exercitu custodiam raptus, longe melius atque antea habebatur, ino nunc utrinque certabatur quasi de pace cum Rege ineunda. Certe Cromwellius ipse, siue simulata, quam nonnulli imputabant, siue bona fide tantopere rebus Regis, cujus quippe conveniendi potestatem nunc pro lubitu sibi sumere poterat, studuit, ut cum is parum prudens nimiumque pertinax omnes pacis conditiones fuisset aspernatus, neque tamen noster desisteret a fidei specie saltem erga Regem, proditoris instar in suspicionem non levem adduceretur. Quam tamen mox, de fuga Regis in insulam Vectim ejusque ibi satis arcta custodia in publico Parlamento confessu verba faciens, mire elisi; cum exercitu autem, præsertim Agitatoribus illis, qui *Libratores* deinde, siue omnium rerum arbitri dicti & Regi tandem maxime funesti extiterunt, in gratiam rediit, publice testatus, *quod nunc demum distincte cognoscat grande opus, quod Dominus*

p.67 seq.

91.

102.

p.179.

minus operetur. Ad A. 1649 observatur, Cromwellium pariter & Fairfaxium, cum Oxonium pervenissent, honoris causa Doctores Juris civilis, simulque aliquot tribunos militum Magistratos artium fuisse creatos. Anno sequenti, Hibernia a nostro domita, prodit libellus sub titulo; *Character Regis Cromwelli*, qui etsi mox suppressus, præfagii tamen loco habitus fuit. Equidem mox deinde in Angliam reversus, triumphali quasi pompa, maximo comitatu ac octrfu, Londinum intrabat, quanquam hoc concursu minus delectari visus est, quippe adulatori cuidam, dicenti: *ecce quanta populi multitudo triumphum tuum comitetur*, subridendo respondisse fertur: *asqui major foret numerus, si ad supplicium patibuli ducerer.*

221, 224.

Tom. II. p. 6.

15.

Mireris autem conatus varios Cromwellii, quibus primo quidem placide, tum in solenni procerum deliberatione, tum in colloquio privato cum *Whitelockio*, harum rerum postea scriptore, innoxiam regis dignitatis restitutionem suavit, subtilemque simul sui ipsius commendationem subinde peroravit; mox autem severius rem aggressus est. Quibus vero artibus effecerit, ut, omisso Regio nomine, summam rerum Protectoris titulo consecutus fuerit, apud Autorem legi meretur. Interim obreclationibus, odiis, insidiisque non carebat, adeo ut mater ejus in perpetuo timore versaretur, & ad quemvis bombardæ fragorem auditum exclamaret, filium periisse. Magna quoque, inde a repudiato Regis titulo, miser homo angebatur animi inquietudine, quæ ita angebatur dolore ex amicorum & imprimis Elisabethæ *Claypollæ*, filix dilectissimæ, cujus colloquiis frequenter delectabatur, morte concepto, ut in febrem inciderit tandem, qua exstinctus est, antequam de successore in Protectoratu statuere aperte posset. Quantæ formidini fuerit exteris, Gallis imprimis, Hispanis & Italis, apud Autorem fuisse legas, qui inter alia observat, Mazariaum nunquam ejus nomen sine aliqua perturbatione audivisse, adeo ut in proverbium abierit, eum ne Diabolum quidem æque formidasse ac Cromwellium. Quod ad supplementa, de quibus supra diximus, patet utique ex Cromwellii genealogia, eum & antiqua nobilitate generis & gloria majorum floruisse, & filias quidem habuisse vi-

223. seq.

ragi-

ragines, filios autem ſibi impares. Certe id conſpicuum fuit præſertim in Richardo, qui patriam dignitatem, non quidem hæreditate, nec indubitata patris nuncupatione, attamen voluntate civium acceptam, vix ultra ſeptem meſes ſuſtinuit. Quæ vero ultimo Interpretæ addidit de Gregorii Leti Vita Cromwelli, ea ut repetamus, vix operæ pretium putamus. Illud monuiſſe ſuffecerit, ad octo claſſes reduci Noſtri accuſationes, quarum prima ejus vitia contra modeltiam, ſecunda contra accuratam debitamque induſtriam, tertia partium ſtudioſum, quarta vitia contra ſanum ſenſum, quinta chronologica, ſexta curam de pane lucrando, ex eaque natas ambages plane ſupervacaneas & tautologias tædioſas, ſtilumque popularem nimis & humilem, ſeptima contradictiones abſurdiſſimas, octava denique ejus ſubleſtam fidem & aperta mendacia producit. Denique ſub ſinem etiam Hiſtoriam Cromwellii, a *Rageneto* Abbate conſcriptam, ſub cenſuram vocat, cui nomen Romanenſis fabulæ tribuit.

p. 253

DE MENTE HUMANA SUBSTANTIA A

Corpore diſtincta & immortalis Diſſertatio Philoſophico-Theologica; Autore JOH. PETRO de CROSA, Lauſanenſi, Reg. Par. Acad. Socio, Matheſ. & Phil. in Acad.

Groningeni Profeſſore.

Groningæ, typis Geſlinæ Elamæ, 1726, 12.

Plag. 12.

ETſi titulus promittere videatur ſcriptum theticum; attamen evolventi apparet, quod in numerum eriſticorum reſſeri debeat. Autor enim clariffimus calamus potiffimum ſtringit adverſus *Leibnitii* harmoniam præſtabilitam & electionem mundi optimi: illam enim cum libertate hominis, hanc cum libertate Dei conſiſtere non poſſe, ſumit, ſed non probat, atque ex hoc ſuppoſito, quod per illas hypotheſes omnis libertas evetatur, eas omnibus iſtis conſequentiis odioſis onerat, quæ ex fatali rerum omnium & abſoluta neceſſitate fluunt. Cel. *Wolffium* quoque atque *Büſſingerum* ſatis aperte pungit, etſi utriusque nomini parcat. Citat enim ſubinde *Wolſiana* ex ſcriptis *Lax-*

Lll 2

gianiſt,

gianis, nonnunquam etiam *Bülffingeriana* ex ipsius viri monumentis. Postquam Sect. 1. *Cartesianorum* hypothesein adstruere conatus fuit, quod Corporis essentia in extensione consistat, quodque extensio sit ipsa substantia corporea, monadibus *Leibnitii* notatis & in numerum figmentorum rejectis; Sect. 2. evincere nittitur, Substantiam cogitantem esse a Corpore distinctam. Tribuit menti vim, qua semet ipsam modificat. Etsi autem videri nolit, eam a *Leibnitio* mutuassee, hac addita ratione, quod ipse animæ libertatem relinquat, nec ex ea automaton efficiat; constat tamen, ipsum quoque *Leibnitium* libertatem eidem non adimere, nec in sensum mechanico vocem automati de anima usurpare. Tandem Sect. 3. omnium prolixissima de libertate mentis agit & maxima animi acerbitate harmoniam præstabilitam & recentiorein, quam vocat, Philosophiam consequentiis istis impugnat, quæ ex negata animæ Deique libertate consequuntur, quasi nimirum per hypothesein harmoniæ præstabilitæ & electionis mundi optimi omnis religio, præsertim christiana, omnis virtus atque honestas, omnis penarum & præmiorum æquitas, omnis denique disciplina civilis & iustitia tollatur. Vocat ideo Systema harmoniæ præstabilitæ *Leibnitianum* obscurum, supra quam dici potest paradoxum, libertatem homini eripiens, unde virtutes suum decus trahunt, moralitatem tollens, miracula ad seriem fatalem revocans, præmiorum splendorem & decentiam, penarum iustitiam & eo ipso legum æquitatem, uno verbo religionem omnem & christianam præsertim, quæ satisfactionem tanti meriti ad peccatorum absolutionem agnoscit, funditus evertens. Monet tamen in præfatione, sese ab imputandis consequentiis tam longe abesse, quam longe ab hypotheseibus absit, quas iisdem adoritur. Et in ipso contextu fatetur, se illas consequentias consequentiarum non eum in finem cumulare, ut in odium a se dissentientes adducat suspectosque irreligionis agat. *Absit*, inquit, *a me adeo inhumanum propositum. Quod tibi fieri non vis, alteri ne feceris, nec alios suscipe metiri, qua mensura si alii te ipsum metirentur, graviter reclamares.* Hoc non obstante, novam philosophiam sectantes autoritates undique conquirere solere affirmat,

mat, quibus se tueantur & ab hypotheseos suæ periculo animadvertendo lectores suos distrahant; eos arma a Theologis mutuare, quibus Theologiam convellant, &, si modo possint, religionem omnem penitus evertant; fore hodie, qui christianam religionem ore profitentes a Christo & Apostolis læti & exultantes recedant, ut metaphysicis subtilitatibus, quas ne quidem ipsi plene intelligant, ex animo adhæreant. Tribuit, fide Cl. *Langii* fretus, novæ philosophiæ, quod mundum ponat creatum, sed simul æternum; Deo adimat in creando libertatem; mentes humanas statuat per seriem rerum æternam & singularem naturæ suæ mechanisimum necessario disponi ad tales cogitationes & voluntates, ita ut primi parentes vi structuræ corporis mechanicæ & per mechanisimum mentis non magis emendabilem voluerint comedere & comederint de fructu vitæ: quod ipsum Deum faciat autorem peccati, qui alios hominum vitiosos creet & in peccata trahat atque impellat, ut sint ipsi occasiones aliorum in contrarias partes flectendorum; monades doceat æternas simpliciter, nec nisi una facultate donatas, quæ per mechanisimum suum, quamvis sint simplicissimæ, sic mundi, operis summe compositi, mechanismo respondeant; quod monadem illam unam substantiam esse neget, si pluribus donata foret facultatibus, cum tum foret aggregatum plurium substantiarum; hoc tamen non obstante affirmet, simplicissimam illam substantiam videre, audire, imaginari, intelligere, sapore, calore, frigore aliisque innumeris a perceptione idealis & volitione longe diversis affici, hæc mente penitus se capere, hæc conciliare se minime posse, qui fateri audeant, continuo a summis his automatibus tanquam automata pecuina traducantur: quod Deum habeat pro monade seu substantia simplici æterna universi distincta repræsentativa, adeoque mundo esse, quod anima sit corpori, Deique totam beatitudinem, totam perfectionem, totam gloriam, totam essentiam in eo ponat, quod sit mundi repræsentamen, autor eorum, quæ dicuntur bona, autor eorum, quæ dicuntur mala & nefanda. Ridet quoque novam, quam vocat, philosophiam, quod methodo demonstrativa tradatur. *Methodo*, ait, *a Mathematicis usurpari solita fit*

fatis sit procedere, sophismatum putidorum acervos fluere facile erit. In illis occurret: Def. VII Mus est &c. Def. XV Syllaba est &c. Coroll. Mus est Syllaba. Prop. XXIX Mus rodit casum. Dem. Sume casei uncias tres cum dimidia, admove foraminij &c. deprehendes pondere 5 drachmis diminutum. Ergo mus &c. Q. e. d. Prop. 43 Syllaba rodit casum. Mus rodit casum (per prop. 29.) Mus est Syllaba (per cor. def. 15.) Ergo Syllaba rodit casum. Q. e. d. Nulla vero adducit ex nova philosophia exempla, in quibus hæc demonstrandi forma servatur. Quod hypothesis harmoniæ præstabilitæ tot habuerit & habeat sectatores, id in causa esse arbitratur, quod hominibus laboris impatientibus examinisque molestiam fugientibus dulce sit autoritati acquiescere, quam fama aut affectibus moti Doctoribus suis imputare ament: hypotheses tamen istas in se, uti ei videtur, periculosas fructibusque & consequentiis sponte inde fluentibus exitiosas erroris arguere, rem non fuisse ait ardui negotij & quæ ingenium acre & subtile requirat. Addit, quoniam Theodicaa multa contineat, quæ, si certo quodam sensu explicentur, providentiam divinam liberent ab objectionibus defunctis ex malo, quod cum bono permixtum orbis noster complectitur, viros doctos fama tanti viri permotos ejus verba in sensum commodum interpretatos esse, quodque difficultatis superfluerit ejus hypothesibus, id omne & materię subtilitati, & linguæ etiam Autori non vernaculæ imputasse. Sub finem definitionem harmoniæ præstabilitæ a Cel. Bülfingero traditam adoritur & decem in eam animadversiones subnectit. Sed in iis apparent, quæ cum a Bülfingero tum aliis ad harmoniam præstabilitam requiruntur. Dum enim num. 7 ait: Nulla sit vis immediata neque mentis in corpus, neque corporis in mentem: esto. Satis erit, si in ipsa mente vis agnoscatur, qua in se agere possit, seseque ipsa determinare, ut legum æquitati & moralitatis natura locus detur; constat penes omnes, qui Wolfii atque Bülfingeri scripta legerunt, quod istiusmodi vim menti tribuant, ac inde Wolfius omnem praxin moralem & politicam deducat. Theodicæam viri etiam post fata summi Leibnitii recensuimus in Actis A. 1711 p. 110, 159, ejus schedas de philosophia &

& religione naturali in Act. A. 1717 p. 440 & A. 1721 p. 89, principia philosophiæ in Actis A. 1721 p. 94 & Supplem. T. VIII Sect. II p. 500; *Faguelosi* de harmonia præstabilita judicium in Act. 1705 p. 553; *Wolffii* Meditationes metaphysicas de Deo, anima & mundo in Act. A. 1720 p. 371 & Tom. VIII Supplem. p. 38, & Annotationes in easdem in Act. A. 1724 p. 316, Commentationem vero cum Monito, quibus sua adversus adversariorum imputationes defendit, in Actis A. 1723 p. 510; *Bülfingeri* Tractatum de harmonia præstabilita in Actis A. 1723 p. 308. & alterum de origine & permissione mali in Act. A. 1724 p. 105: sed nihil ibi reperies, quod sit adeo insulsum, impium ac horridum. Opportune igitur in manus nostras incidit scriptum Auctoris anonymi in quo imputationes istæ sub examen revocantur. Nostrium adeo est, quid eidem videatur, subnectere, iudicio penes lectorem relicto.

COMMENTATIO DE DEO, MUNDO ET HOMINE atque Fato, quæ simul sine ira & studio iudicium sincerum de Controversia Anti-Wolfiana exhibet & comprobabat, idque secundum probabilitatis, demonstrationis & sensus ipsius, in conlatione systematis Wolfiani veri ejusque ex mente Langiana intellecti leges accuratissimas; Autore Anonymo. Appendicis loco subiunguntur SAM. CHRISTIANI HOLLMANNI, Phil. Prof. Vitemb.

observationes elencticæ in Controversia Wolfiana.

Francofurti & Lipsiæ, 1726, 4.

Alph. 1 plag. 2.

Autor anonymus hanc commentationem se ideo scripsisse ait, ut orbis universus litterarius probabilitatem, demonstrationem & sensum acciperet ejus, quod in controversia *Anti-Wolfiana* peccaverint *Buddeus* atque *Langius*, quos duumviro-
rum Anti-Wolfianorum nomine insignit & multo alio nomine celebrandos, quicquid contra *Wolffum* scripsere, non prava mente edi-

edidisse confidit, integritate voluntatis non semper veritati respondente, ex imbecillitate nostra & humanitatis lege. Et quoniam Cel. *Crofa*, Vener. *Langii* dictis fidem habens, Philosophiam *Wolfianam* atro carbone notaverit (in dissertatione, quam modo recensuimus;) ejus una precipitantiam notandam fuisse monet, ut discant alii, quam parum tutum sit ex scriptis *Langianis* de philosophia *Wolfiana* statuere. Nomen suum suppressit veritatis causa, ne quis id expendat, a quo, sed quid dictum sit. Monet tamen (id quod ex ipso quoque scripto satis superque elucet,) se esse Theologum, qui non modicam vitæ partem philosophiæ & scientiæ mathematicæ consecraverit, maximam vero auctoritatem, immo omnia, Christo lubentissime deferat, & alicubi in ipsa commentatione se *Norimbergensem Anonymum* appellat. Sancte autem contestatur, se in id defixisse animum suum, ut nemini nociturus controversiam tam genuine daret, quam fieri possit. Nec *Buddeum*, nec *Langium*, nec *Wolsum* sibi bene vel ægre fecisse, ut vicem vice se repensurum fuisse suspicari quis possit. Deum & conscientiam testatur, ipsumque impri-
mis, qui est veritas ipsa, se *Leibnitii* ac *Wolfs* scripta sæpius legisse, nec *Buddeum*, nec *Langium*, multo minus *Crosam*, odisse & in ipsorum monumentis bene multis multum fuisse. Se nunquam verba alicujus in eum sensum detorsisse, quem extra sermonis seriem habere videntur: nihil præjudicatæ opinioni, nihil multitudini, nihil famæ vel auctoritati, pietati, sectæ locque indultum esse. Deum se sincere venerari profitetur, nilque magis, quam peccata sua detestari, nec quidem Cel. *Wolsum* nosse, vel unquam vidisse; id tamen non posse non testari, *se legendis Wolfianis scriptis evasisse robustiorem in veritate, aptiorem ad quævis studiorum genera, auiorem in magistratus vendos ac ardentiorem in Deum*. Nemini hic palpi se facere, vel contradicere de industria, sed eorum, quæ scribit, rationem se Deo sanctissimo esse redditurum, sancte & prudenter scire atque perpendere. Commentatio absolvitur tribus sectionibus. Earum prima Autor rationibus probabilibus adstruit, quod penes *Wolsum* stet veritas: quare cum argumenta potissima ab intellectus conditione petantur, in virtutem abstrusas scientias &

& controversias in iis enatas dijudicandi inquirat. *Sec. 2* præcipuas & difficillimas Metaphysicæ rationes pertractat, simulque indicat, quid *Joach. Langius* atque *Buddeus* minus curate in *Wolffio* reprehendant & quam incaute *Croſa* ex *Langii* scriptis eristicis dogmata *Wolffii* addiscere studuerit. Denique *Sec. 3* ad spectui & oculis *Systēma Wolffii* verum ostendit.

Rationes igitur probabiles in medium allaturus, cur penes *Wolffium* potius, quam *Duumviros Anti-Wolffianos* stet veritas, unicum lapidem *Lydiū* in scientiis abstrusis agnoscit demonstrationem. *Leibnitium* primum fere fuisse in Germania, qui mathematicas demonstrationes ex veris certisque principiis deductas philosophiæ veræ inferre studuerit. Viam ipsam plenius operuisse *Wolffium*, cujus vestigia secuti sint *Bülfingerus*, *Tbümigius*, alii. Præter eos enim neminem dedisse istiusmodi monumenta philosophica, quibus catena demonstrationis genuinæ insit. *Duumviros Anti-Wolffianos* hanc demonstrandi rationem ignorare, tum ex illorum scriptis, tum ex studiis, quibus innutriti sunt, probat. *Wolffium* per omnem vitam in sola Mathesi & Philosophia defuisse: illos vel philosophiam contemptui habuisse, vel obiter saltem degustasse, Mathematica prorsus non attigisse, sine quibus tamen longioribus demonstrationum catenis nemo adsueſcat. Provocat ad Philosophiam *Buddeanam*; ad causam Dei *Langianam*. Quodsi excipias, Cl. *Croſam* esse Mathematicum & Philosophum, Logicæ non unius scriptorem; Noster quidem regerit, ipsum *Croſam* fateri, studii Mathematici tractationem non promiscue acuire intellectum, sed conveniente ratione institutam; ex scriptis autem ejus non apparere, quod posterius ab ipso factum fuerit. Eundem affirmare, quod ab ore viri omnium sagacissimi facile absurda excidant, si circa res sibi inciertas aliquid statuere tentet: de Metaphysica autem contemptim sentire, quod ab omni tempore obscurata & conspurcata per eam fuerit cum Philosophia tum Theologia. Quemadmodum vero præterea *Duumvirorum Anti-Wolffianorum* utilitates quasdam domesticas indicat, armorum suscipiendorum motiva; ita *Croſa* insensum in *Leibnitium* animum probat. Hæc se non eum in finem adducere profitetur, ut viros aliis studiis claros

criminetur, cum nihil vitii habeat, si dixeris, consuetudine myopem caligare ad remota, aut sutorem non esse sartorem; sed ut appareat, eos vitio myopizæ systema *Wolfianum* non esse asscutos. Laudat igitur Cl. *Langii* studia philologica, exegetica, theologica, & *Buddei* theologica, historica, philologica una cum ejus assiduitate, pietate & utilitate, nec non *Crofa* copiam & elegantiam dicendi, cui nec sua in Mathesi merita invidet. Si provocas ad eos, qui cum Duumviris *Anti-Wolfianis* consentiunt, argumento a multitudine idem sentientium in hac causa eo minus locum concedit, quod omnis ævi experientia doceat, in abstrusis scientiarum recessibus summam varietatem doctos semper distinxisse. In specie *Crosam*, linguæ Germanicæ imperitum, scripta *Wolfsi* non legisse, sed *Langii* de methodo & dogmatibus *Wolfianis* judicia pro veris supposuisse, atque adeo de re sibi non visa judicasse. Nullus itaque dubitat, quod is aliter judicasset, si *Wolfsiana* ipsemet vidisset. Probat deinde, *Wolfsio* potius, quam ejus adversariis præstantissimis esse assentiendum, ob multitudinem idem sentientium in rebus a communi sensu remotissimis, si varie sentiendi amorem ad primos suos fontes revocaveris. Monet quoque, *Wolsum* in scriptis suis Mathematicis & Philosophicis neminem refutare, neminem convellere, dissentientium fere nullum excitare, suæ demonstrationi potius ubique inhzrere, nec, quid dictum sit, aut a quo, perpendere, sed veritatem vel eruere, vel conglutinare, quasi ab ipsa philosophiæ origine cœpisset. Si qua objectio tollitur, nominatim perstringi neminem, dubium ut sit, utrum ab ipso, an ab alio profecta fuerit. Testatur ipsos libros & cujusvis lectoris conscientiam. *Langium* e contrario jam a multis annis controversiarum amore agitatam, quas adversus Theologos veteris doctrinæ Lutheranz, *Poiretum*, alios non sine acrimonia in hunc usque diem reciprocet. Qui vero bellis delectantur, eos eadem magis quærere, quam invenire. Notat & partium studia in copiis subsidiariis. Nemini tamen malitiam impingere vult, cum unusquisque stet & cadat Domino suo. Cl. *Crofa* nonnisi præcipientiam tribuit, quod, non audita parte altera, sententiam ferre voluerit. Quod enim scripta *Wolfsi* ne viderit quidem, nedum lege-

legerit, probat inde, quod erret in lemmate Soli ex nubibus emergenti in frontispicio libri adscripto, & se in eo legere asseveret, cujus contrarium in eodem disertis verbis extat, detorsionibus *Langianis* sumtis prothesibus, quæ in *Metaphysica Wolfiana* occurrant. Quoniam *Wolffius* methodo demonstrativa usus, etsi titulos definitionum, corollariorum, propositionum, scholiorum non adscripserit, quemadmodum factum esse putat *Crofa*, qui *Wolffii* *Metaphysicam* non vidit; ideo illam *Metaphysicis* doctrinis & imprimis argumento de existentia Dei vindicat, usus principiis ipsius *Buddei*, contra quem & *Crofa* disputat. Mittimus, quæ de necessitate naturæ & hypothetica, nec non de fato cæco, Christiano, Astronomico, Manichæo, Turcico & Stoico docet, nisi quod urgeat, ipsum *Buddeum* confiteri, quod ignoretur, quid sit fatum Stoicum, immo quod ipsi Stoici nesciverint, quid hac voce dicere voluerint; hoc tamen non obstante, *Wolffo* imputari fatum Stoicum & in crimen verti animadversione Magistratus dignum. Ceterum non miratur, Theologos plurimos ex fama vel ordinis sui, vel præceptorum, ac Academix amore, fontibus ipsis insalutatis, *Buddeo* & *Langio* assentiri: mirandum potius esse ait, si secus facerent. Se tamen eorum autoritate parum moveri, cum pergrande sit discrimen *Spinoza* inter & *Wolffii* dogmata, quod luculentissime videre liceat ex Biblioth. Brem. Class. VIII fasc. 1 art. 3 p. 47 seq. observat tamen, summos Theologos & Doctores limatissimos permultos ingenue fateri, sese methodi Synthetice & notionum ex vago significato ad certos limites restrictarum non adeo esse gnarum, ut penitus *Wolffii* mentem intelligant, & Ven. *Langium* candidius fuisse acturum, si eorum exemplum fuisset secutus, præsertim cum in casu simili exemplo ei fuerit *Spenerus*, atque iudice *Franckio*, Collega *Langii*, scriptis eristicis, quibus is semper fuit involutus, mens corrumperetur & veritas amittatur.

Loculis probabilitatis excussis, ad potiores objectiones respondet, quæ in *Langii modesta disquisitione* & scripto Germanico *ausführliche Recension* continentur, & tricas consequentiarum expedit. Potiora controversiæ momenta resolvuntur in

monadologiam, æternitatem mundi, essentialium æternitatem, fatum Stoicum & Spinosianum, ac harmoniam præstabilitam. Quoniam *Buddeus* nonnisi *Langiana* approbat & *Crofa* fide *Langii* dogmata *Wolffio* imputat, quæ in ejus scriptis nullibi leguntur; ideo *Noster* nonnisi *Langianas* imputationes discutit & sic ferente occasione *Crofam* docet, contraria eorum in scriptis *Wolffii* extare, quæ ipse in iisdem contineri asserit. Circa monadologiam monet, *Wolffium* voce monadis non uti, sed entium simplicium appellatione esse contentum, propterea quod elementa rerum materialium in numerum quidem simplicium refert, in eisque vim quandam agnoscit, qua ita modificantur, ut harmonia quædam universalis in integro systemate emergat, iisdem tamen vim repræsentandi universum minime tribuit. Ostendit quoque, *Wolffium* docere creationem entium simplicium finitorum & per creationem elementorum rerum materialium demonstrare creationem universi ex nihilo, ac de *Langii* mala fide conqueritur, quod lectori suo persuadere conetur, *Wolffium* monadibus tribuere vim repræsentativam universi & absolutam ac independentem æternitatem. Similiter probat, *Wolffium* non omnes monades pro spiritibus habere, sed tantummodo eas, quæ intellectu & voluntate libera præditæ. Vindicat autem loca *Wolffiana*, quæ mutila excerpta sunt a *Langio*, a detorsionibus, quibus vis infertur contextui totique systemati, reprehendens simul vanam persuasionem, quasi solida eruditio in emendatione mentis per Spiritum S. secundum ordinem nostræ ætatis sita sit, cum suum cuique tribuendum sit congruenter ei ordini, quem Deus ipse jam observet. Æternitatem mundi independentem & absolutam a *Wolffio* nullibi defendi, qui doceat, creationem & conservationem ejus, immo ipsam creationem ex nihilo seu non existentibus demonstret. Quod autem cum *D. Thoma* largiatur, si vel maxime mundus esset ab æterno, eum tamen non fore Deo parem in æternitate, id nihil absurdi continere, cum manifesta sit differentia inter æternitatem mundi absolutam atque independentem & inter contingentem ac dependentem, quam ipse *Cel. Samuel Clarkius* agnoscat, a *Buddeo* summis laudibus merito evectus. Ostendit quoque, quomodo

Lan.

Langii confundat cum probatione verosimili, quæ *Wolffius* de demonstratione rigorose sumta affirmat, & quomodo principium, quod a *Wolffio* ponitur ad mundi terminum a parte anteriori hyperphysicum & miraculi plenum evincendum, ille detorqueat ad progressum in infinitum & absolutam mundi æternitatem. Vindicat essentiarum a *Wolffio* assertam æternitatem, quatenus nempe eadem continentur in ideis divinis, & miratur, *Langium* sese immiscere controversiis philosophicis, quas non calleat, dum inde æternitatem substantiarum & mali necessitatem infert. Quærit etiam hic ex Cl. *Crofa*, an non fecerit, cujus eum poeniteat, dum *Langii* autoritate permotus adeo fidenter asserat, mundum poni creatum, sed simul æternum, & monades statui æternas simpliciter. Ablegat eum, cum Germanica legere non possit, ad Institutiones *Thümmigii*, quem accuratissimum & fidelem *Wolffii* Epitomatores laudat. In vindicanda electione mundi optimi brevior est, etsi rationes prægnantes adducat, propterea, quod eam jam valide vindicaverit *Almonius Vtis* in Bibl. Brem. Class. VIII fasc. 1 art. 3 p. 47 & seqq. Unde & Cl. *Crofa* ad hunc locum ablegat, ubi ex principiis theologico-philosophicis demonstratur, ideam electi mundi optimi a Deo salva ejus sapientia & libertate removeri non posse. Fatum *Stoicum* & *Spinozianum* temere *Wolffio* assigni probat, quod id sit cæca mundi series, ex necessitate absoluta corporum & spirituum unico hoc modo, quo omnia voluntur, possibili fluens, citra Deum & omnem providentiam, ab æternitate intrinseca actuali ad omnem æternitatem intrinsecam, absolutam & independentem; *Wolffius* vero mundo deneget æternitatem absolutam & intrinsecam, cum a Deo demonstret esse libere electum atque creatum, & provide huc usque gubernari, omnia Dei attributa egregie firmet & connectat, a contingentia mundi ad immutabile ens & independens progrediatur, mundum a Deo distinguat naturæ & dependentiæ ratione, libertatem hominibus vindicet, possibile ab actuali distinguat, Deo potentiam tribuat plures mundos alios creandi, mundum contingentem agnoscat & eventibus nonnisi hypotheticam necessitatem largiatur, fines tandem omnibus rebus divinitus præstitutos integro libro doceat.

doceat. Enodat deinde difficultates, quas *Langius* facessit, & monstrat, dum Deus hunc mundum *Buddeo* approbare nequit, eum ex unica trabe de tota ædis perfectione judicare. Et ne *Langius* existimet, sibi soli artem ex aliquo scripto fatum *Spinozianum* extorquendi patere, specimen edit de eo, quod ipse fatum *Spinozianum* statuat & stabiliat, rogat tamen vehementer lectores, ne Viro venerando eas tribuant doctrinas, quas ipse fortassis horreat, etsi haud invita Minerva eadem ex scriptis ejus eliciantur. Se enim venerari ejus eruditionem, prudentiam & sanitatem doctrinæ, nilque magis exoptare, quam ut agitatae controversias sepelire, & inimicis Christi causa ignoscere velit. De harmonia præstabilita observat, quod Systema *Wolfsianum* ejus per se non sit indiga, adeoque seponi possit, si quis ei fuerit adversus, quemadmodum quoque a Cl. *Thümmigio* in Institutionibus philosophiæ *Wolfsianæ* in peculiarem sectionem rejecta sit, quæ salva ipsa Psychologia rationali abesse possit; eadem tamen hypothetis cum orthodoxia subsistere amplius potuisset, nisi *Langius* lacertos movisset. Fundamenta igitur hujus hypotheseos succincte repetit, nec ea principiis theologicis adversari probat. Unionem *Langii* physicam, quæ influxum physicum inferre debet, esse merum sonum, & quando eam hinc adstruere conatur, quod sit doctrina totius generis humani, non modo probat, inde non peti posse argumentum pro veritate, verum etiam totius generis humani consensum validis rationibus infirmat, cum ipse *Buddeus* in philosophia de eo incertus sit, utrum anima sit corporea, an materiæ expers. Miratur vero, harmoniam præstabilitam veluti fatalem & automaticam exagitari, in qua animus liberrimus supponitur, determinationibus ejus sese antecederet ad decretum Dei habentibus. *Crosse* de ea judicium dum expendit, id potissimum desiderat, quod multa dicat, nihil probet, quod consequentias consequentiarum cumulat & adeo virulente scribat, utut protestetur, se a consequentiis, quibus pugnat, imputandis longe abesse. Facundiz loculos in exaggerandis consequentiarum consequentiis irritò conatu excuti, nisi demonstretur assertum de sublata per harmoniam præstabilitam libertate & introducta fatali necessitate.

tate. Officium philosophi & viri boni esse, ut accusationem probet. Vindicat ulterius Noster, quæ *Wolffus* olim in ratione Prælectionum circa argumenta pro existentia Dei monuit, & sic evincit, argumentum a contingentia universi sumtum, quo utitur *Wolffus*, esse primum, optimum & facillimum, a quo cætera robur suum mutuuntur: immo ipsum *Langium* in causa Dei viam contingentia pro argumento palmario agnovisse, & *Buddeum* contra *Wolffum* disputantem cetera per argumentum *Wolffianum* a contingentia rectificare. Momentis controversiæ ponderatis, praxin *Langianam* pervidere studet. Miratur, quod se profiteatur *Wolffus* esse amicum, quem tamen sugillet, contemnat, false perstringat & pœne excarnificet. Eum assertiones proprias vocare solidas, convincentes, quam solidissimas, veritates fundamentales; *Wolffus* contra objicere stolidissimos errores, vacuitatem veritatis, invitationem ad Atheismum, tumorem Mathematicum & Philosophicum, necessitatem palinodiam canendi, & probare aliorum sugillationes & facetias, quæ omnem modum excedant. Eum miram expromere indignationem in Ephemerides litteratorum, quas infestas experiatur; externos & indigenas litteratos livide excipere, quod *Wolffum* imprudenter magni faciant: *Bülffingero* minari, nisi manum de tabula tollat. De *Wolffii* fama ut detrahat, omni nisu allaborare. Si quis ejus doctrinis sit abusus, id ipsum eidem tribuere. Ex his & similibus concludit Noster, *Langium* noluisse causa sua cecidisse, idque ut persuadeat cuique, omnes contendere nervos: quod rei per sese non satis loquentis manifestum sit indicium. Eidem causæ tribuit, quod per *synecdochen gravem* 9 Academiae & 26 scripta in subsidium vocet, cum Magister vel Professor unus, quodcunque tandem in philosophia *Wolffiana* reprehendat, ipsi sit tota Academia, omnes ejus imputationes & detractiones approbans. Quoniam Cl. *Holmannum*, Philosophum Wittebergensem, in eundem censum refert; ejus observationes elenchticas in controversia *Wolffiana* una cum excerptis ex ejusdem dissertationibus de harmonia præstabilita commentationi suæ subjungit, ut exteri de fide *Langii* judicent, quam *Croße* quoque examinandam offert. Monet vero, si quis multitudines ten-

tientium capiatur, eum sibi in memoriam revocare debere Academia scientiarum *Petropolitanam*, plures Diariorum Eruditorum scriptores, *Turretinum, Büßingerum, Verdrisum, Thimmigium, Hollmannum, Vitum, Almonium Utis, Hartmannum, Burgravi-um, Rietovium & Jo. Valent. Wagnerum*, Fabrii ferrarium Smalcaldiensem, qui docte & solide ac modeste de controversia *Anti-Wolfiana* iudicium tulit, & una expendere discrimen, quod inter philosophos utriusque partis intercedit, una cum commodis *Langianorum & Buddeanorum*, atque incommodis *Wolfianorum*, quibus ne teruncium quidem sperantibus metuendum sit, ne in invidiam adducantur epistolis & noxas per clandestinas insidias incurrant. Deum & conscientiam testatur, se hic non proferre, nisi cujus olim rationem Deo sit redditurus. Cum *Langius* affirmet, methodum suam esse demonstrativam, ut non tam Geometria, quam communis omnibusque hominibus congenita & cognita Logica naturalis requirat, & ea præcipue sese usum esse perhibeat in causa Dei & religionis naturalis, ubi per postulata, definitiones, axiomata, theoremata, scholia, corollaria multa minetur; Noster monet, qui applicationem methodi syntheticæ primoribus degustaverit labris, eum facillime videre, *Langii* scripta nec synthetica, nec demonstrativa esse, sed secundum methodum cumulantem perscripta, quæ omnia aliquid commune habentia ad unam sectionem vel paragraphum rejiciat, & qua ipse Autor usus sit in hac sua commentatione. Ut vero lector Logicam illam vulgarem, communem & naturalem degustet, aliquot ejus effectus inspiciendos sistit in confusionibus & contradictionibus *Langianis*, veluti præordinationis divinæ cum fato *Spinoziano*, æternitatis Dei independentis cum æternitate dependente, quam in mundo possibilem agnovere Theologi orthodoxi, defectus termini physici cum progressu in infinitum, inclusive dictorum cum exclusive dictis, possibilis in se cum possibili in hoc mundo determinato &c. Duo profert exempla, ubi inclusive dictis Cl. *Langius* ex ingenio suo addit particulam *tantum* seu Germanicam nunt. Nimirum quando *Wolfius* perhibet de Deo & anima tradere, quod sint substantia *tantum* mundum representans & quod

quod hæc unica *tantum* facultate prædita, quod falsissimum esse Noster ostendit. Quoniam itaque ex his suppositis Ch. *Croſa* consequentias necit paulo ante relatas, quæ primo statim aspectu horridæ sunt ac absonz, easque *Wolſio* tanquam dogmata imputat; ideo eum ex scriptis *Wolſii*, *Thömmigii* atque *Büſſingeri* meliora edocet. Explicat nerveſe, quæ *Wolſius* de præordinatione divina docet, ut appareat consensus cum dogmatis Theologorum orthodoxorum, & *Wolſium* compellat, ut clare ſignificet, an non ita ſentiat, ſtatuat, ſcribat, doceat: ſe enim aliam doctrinam, quam quam proponit, in ſcriptis ejus deprehendere non potuiſſe. Notat hic, ipſum *Langium* ſontem erroris ſui detegere de fato *Spinoſiano* tributo *Wolſio*, dum intolerabili modo neceſſitatem naturæ & abſolutam confundat, egregie a Theologis alias diſtinctam, affirmans, ea, quæ ſunt neceſſitate naturæ, etſi natura ipſa contingens ſit, fieri non hypothetica aliqua, ſed abſoluta neceſſitate, ſeu abſoluta immutabilitate. Plura ejus generis decerpit ex ſcriptis *Langianis*, quæ apud ipſum Autorem videre licet. Dolet, quod *Henricum Wideburgium* ob ſimile a Sole petittum in doctrina de æternitate inundi poſſibili *Langius* Spinoſiſimi reum agat, cum tanta concoquere poſſit dogma *Spinoſianum Freilinghauſii* in libello didactico orphanotrophii Hallenſis, de emanatione creaturarum ex Deo, quod pueris inculcatur, etſi a Theologo eximio Ven. *Leſſbero* erroris admonitus fuerit. Ceterum cum primariis lapſis offenſionis ſit harmonia præſtabilita, quaſi per eam libertas humana tollatur; contrarium Noster probat, idem ſentiens cum *Jaqueloto*, cujus judicium retulimus in Actis A. 1705 p. 440, & quod *Langio* atque *Croſæ* expendendum commendat. In ſyſtemate nimirum harmoniæ præſtabilitæ animam eodem modo pervenire ad decreta ſua, quo in ſyſtemate influxus phyſici ad eandem pervenit: id quod jam dilucide tradiderit *Thömmigius* in Inſtitutionibus. Syſtematis adeo impoſſibilitatem pendere ab impoſſibilitate corporis, animæ libere volenti in operationibus ſuis harmonici. *Wolſium* demonſtrationem impoſſibilitatis iſtiusmodi corporis plus vice ſimplici requiſiſſe a *Buddeo* atque *Langio*, ſed eos nihil reſponſiſſe, nec *Croſam* de ea cogitaſſe.

N n u

Quan-

Quando Cl. *Croſa* horrendum videtur, quod Deus jungat animæ libere volenti corpus in operationibus ſuis harmonicum; Noſter cum perpendere jubet, quod in ſyſtemate harmoniæ præſtabilitæ anima non ſit indifferens ad unionem cum quolibet corpore, ut in Syſtematibus ceteris, ſed non niſi cum eo corpore uniri poſſit cum quo unitur, ſtante utriusq; eſſentia & natura, hocque rerum ordine, conſequenter non major hic emerget difficultas, quam quæ permiſſioni mali moraliſ, ſeu abuſus liberi arbitrii adhæret. Nec eſſe, quod is cum duumviriſ *Anti - Wolfianis* religioni, virtuti atque Reip. interitum metuat ab harmonia præſtabilita, cum *Wolſius* non utatur iſto ſyſtemate niſi tanquam hypothefi in explicando commercio mentis cum corpore, in moralibus autem & politicis ipſo invito influxus phyſicus ſumi poſſit tanquam verus, propterea quod ſyſtema harmoniæ præſtabilitæ ſupponat, animam & corpus ita agere ac ſi in ſe mutuo influerent. Et quamvis Duumviri *Anti - VVolfiani* affirmant, *VVolfium* omnem ſuam philoſophiam eidem ſyſtemati ſuperſtruxiſſe; toties tamen compellatos ne unicum quidem dogma allegare potuiſſe, cui demonſtrando illa hypothefis adhibeatur. Paradoxa denique, in quibus Cl. *Croſa* dicendi facultatem exerceat, evaneſcere, ſi voci *machina* æquivocatio dematur. Dum vero difficultatem inde facerent Duumviri *Anti - Wolfiani* cum *Croſa*, quod motus in corpore jam ſint determinati adeoque anima niſi hos ipſos decernere poſſit; Noſter eos docet, quod hæc ſit *Socinianorum* contra præſcientiam divinam obſectio, a Theologis dudum exploſa. Nullas igitur eſſe conſequentias ex fundamento tam lubrico adverſus ſyſtema harmoniæ præſtabilitæ deductas, conſequenter fundamentum obſectionum adverſus omnem philoſophiam *Wolfianam* dudum a Theologis contra *Socinianos* diſputantibus eſſe diſiectum. Eſt autem Noſter hypothefin harmoniæ præſtabilitæ a periculo liberet, ſuum tamen iudicium adhuc ſuſpenderit incertus, cui ſyſtemati calculum ſuum adjiciat in explicando commercio inter mentem & corpus.

Ubi tandem Syſtema *Wolfianum* verum & fictum ſenſu proponit Autor, primum theſes *Spinoſæ* ex uno latere, *Wolfianas* eidem contradicentes ex altero ponit, ut diſſenſus in oculos incurrat.

curret. Mox ostendit, quomodo Cl. *Langius* nulla consequentia ex thesibus *Wolfianis* inferat, quæ eidem tribuit dogmata. E. gr. ita argumentatur *Langius*: in definitione mundi *Wolfius* non memiuit causæ efficientis & regentis: E. eam negat, cum tamen Deum disertis verbis demonstret esse causam mundi efficientem atque regentem. Similiter: *Wolfius* docet, Deum elegisse liberrime hunc mundum & permisisse malum ob rationes sanctissimas, non approbasse, ac omnia prævidisse, illæsa libertate humana. Ergo ex illius systemate malum est absolute necessarium in existendo. Istiusmodi consequentiarum Noster specimen loco numero 28 in medium profert, ut fides & consequentiarum *Langianarum* ratio ipsi sensui fiat manifesta. Tandem Systema *Wolfianum* fictum ex mente *Langii* in theses resolvit & ex adverso ponit theses systematis *Wolfiani* veri, ut ipso adpectu percipiatur dissensus. Ceterum cum nuperrime Cl. *Langius* lectori suo, Systema *Wolfianum* inde suspectum reddere conatus fuerit, quasi idem ex Idealistarum & Materialistarum omnium absurdissimis systematibus per harmoniam præstabilitam combinatis sit compositum; Noster ostendit, *Wolfium* non errores combinare, sed quod verum est in utroque systemate: Idealistarum enim errorem esse, quod negent existentiam corporum; Materialistarum, quod negent existentiam animarum. Qui igitur cum *Wolfio* dicit, existere & animas & corpora, non combinare errores; sed qui neget & animarum, & corporum existentiam. Sic uno impetu ruere novi operis *Langiani* fundamentum, in quo ad nauseam usque repetita inculcat. In fine de novo Deum testatur Noster atque conscientiam, quod nihil protulerit, nisi quod reapse ita deprehenderit, & scripta *Wolfii*, vel Institutiones *Thümmigii* eum in finem evolvi jubet. Cl. *Hollmannus* in observationibus elencticis idem brevius exequitur, quod prolixius executus fuit anonymus, disputandi morem *Langianum* Logicæ adversum & detorfiones verborum *VWolfianorum* minime tolerandas graphice delineans.

EPISTOLA CRITICA AD ERUDITISS. VI-
rum FRANCISCUM HARE, S. T. P. Decanum Vigornis-
ensem, in qua Horatii loca aliquot & aliorum
veterum emendantur.

Cantabrigiæ, apud Corn. Crownfield & Jon. Bowyer, 1723, 8.

Alph. 1 dimid.

Paullo serius de hac Epistola Lectorem nostrum admonemus, utpote quæ nunc demum in has terras perlata est. Attamen vel sic dignam eam judicamus, de qua propter singulare & eruditum ejus argumentum, auctorisque ingenium & præclaram modestiam verba faciamus. Scripta est a Viro doctissimo *Ger. Marklando*, ut loca quædam veterum scriptorum emendaret: quod adeo feliciter ipsi cessit, ut quilibet earum litterarum peritus & studium & ingenium Cl. Auctoris sua laude non sit defraudaturus. Ingenio enim, non libris vetustis, omnes ejus emendationes debentur: & tamen cumulata exempla, & quod origo corruptæ scripturæ perspicue plerumque manifestatur, morosum etiam lectorem in partes Marklandi abstrahere possunt. Rarissime enim, ut pag. 27, adducta testimonia non satis respondent: optime plerumque quadrant. Incipit ab ea regula, qua docemur, latere sæpe in corrupta voce verum vocabulum, ita ut omnes ejus litteræ, sed non suo loco, sint conservatæ, idque exemplis pag. 9 & seqq. confirmat. Postea tamen latius se diffundit, nec ea tantum memorat, ubi omnes litteræ servatæ sunt, sed ea etiam, quæ aliquam inter se similitudinem habent, aut ab sententia & structura orationis necessario requiruntur: quod Apuleii, Valerii Flacci, Claudiani, Suetonii, Ciceronis, Gellii, Flori, Silii, Plinii, Taciti & ex Græcis Porphyrii emendationibus confirmatur. Denique & alia, ab litterarum inter se permutatione argumentum sumens, emendat. Sic locum Virgilii lib. IV *Æn.* v. 471, ubi vulgo circumfertur:

Aut Agamemnonius scenis agitatus Orestes,
perquam feliciter, & vere omnino ita refingit:

Aut Agamemnonius Pœnis agitatus Orestes.

Pœnis, id est, *Furiis*: quod non modo Pierii, sed & quos ipsi vidimus

dimus MSS. præferunt, qui sane palmariam istam emendationem confirmant, de qua plura lege in Epistola pag. 123 sqq. Plura non exscribimus, cum inde quilibet conjecturam de opera Cl. Marklandi capere poterit. Hoc tamen addimus: non cæco eum impetu ferri ad quidlibet mutandum, idque vel ex hoc probare licebit, quod pag. 123, vulgatam Flori lectionem lib. I cap. XXI, *servi libertatem a dominis datam in ipsos erexerunt*, contra virorum doctorum sollicitationes strenue defendit, loco maxime Minucii Felicis ex Octavii cap. XXXVII.

Nihilo minus de aliquot emendationibus justæ dubitandi causæ superesse videntur. Nam quando pag. 17 Mamertinum in Grat. act. cap. XIII tentat, & pro eo, quod in vulgatis libris habemus, *qui in propria furentes adfectati regni supplicia pendunt*, rescribit, *qui improbe furentes*, alii vulgatam lectionem longe graviolem, & correctionem istam frigidiusculam esse existimabunt. Notum enim est, quod ii, qui cum civibus bella gesserunt, sæpissime *in sua, in viscera sua, in propria fure* dicantur, ut patet ex Justini lib. III cap. II, Flori lib. II cap. XIX, Lucani lib. I v. 3, atque aliis. Vocabulum *propria* autem adeo frequens est istis oratoribus, ut non eo modo loco ferendum, sed fortasse etiam in eodem Panegyrico cap. X n. 3 revocandum atque scribendum sit: *quidquid enim alii in cupiditates proprias prodigebant, id omne nunc in usus publicos reservatur*. Ita sane legitur in MS. Gudiano, cum editiones ingerant: *quidquid enim alii in prodigas cupiditates prodigebant, id omne &c.* quam βαρτελογίων, mirum est, quod editores concoquere potuerint, cum nostra ista ex MS. desumpta scriptura dudum etiam ab Antonio Schonhovie pro discrepante lectione adnotata sit. Sed mittimus alia. De Lucano saltem, quem octo locis emendare voluit Cl. Marklandus, quædam dicenda sunt. Primum locum ex Lib. VIII v. 807, ubi de rebus gestis Pompeji ita Annæus:

Addæ actus tantos monumentaque maxima rerum,
pag. 31 tentat, & reponit *momentaque m. rerum*, sed profecto nullo sensu. Cursio aut Massilienses devicti *momenta rerum* esse aut non esse possunt, & uni ex partibus civilibus aliquid ad-

dere, alteri detrahere : Sed scribere *Pompeji actus & momenta rerum*, quis non videt (modeste agimus cum viro modesto) minus recte dici ? Levius tamen hoc erratum est pro eo, quod pag. 57 occurrit, ubi verba Lucani ex lib. V v. 455 :

— — — *Sed nocte fugata*

Lasum nube dies jubar extulit, imaque sensim

Concussit pelagi, movitque Ceraunia nautis,

ut quidem ea in nupera, quæ hic prodiit, editione recte leguntur, vitiosa pronunciat. Legerat nempe in vulgatis edd. *Lasum nube diem jubar extulit*, quare ita differit pag. 51 : Quid ? *Sol* concussit ima pelagi ? ventorum hoc semper putavi. Et pag. 55 : an montes etiam movere potest Sol ? Denique pag. 59, quod sequitur : *inde rapi capere rates*, addit : quomodo rapi poterunt sine vento ? Quibus ex causis rescribit :

— — — *movitque Ceraunia flatus,*

multipli sane vitio, in quod bonum ingenium unica pravalit-
tera præcipitavit. Primum enim non animadvertit usitatissi-
mam poetis ceterisque scriptoribus Hypallagen : qua figura
causam substituunt, quæ minime causa est. Hinc si Lucanus ait,
diem concussisse ima pelagi, hoc notat, cum die exorto concus-
sum esse pelagus, ut centies *dies* mitigare, debilitare, movere,
aliaque agere dicitur, de his, quæ cum die & tempore fiunt :
quomodo Tacitus XIII Ann. cap. XVII : *Nox eadem necem Bri-
tannici & rogum conjunxit* ; & ipse Lucanus aliquoties uno Li-
bro primo, ut v. 102 :

— — — *Si terra recedat,*

Jonium Aegeo franget mare,

& v. 421 :

— — — *qua litore curvo*

Molliter admissum claudit Tarbellius aquor.

nihil sane conferunt Tarbelli, ut sinus fiat, sed apud Tarbellos
mare admittitur & sinum facit. Iterum v. 526 :

Ignota obscure viderunt sidera noctes.

Ita sane dies luridus & squalidus concussit pelagus. De securi-
da ejus ratione, quod *mota sint Ceraunia*, valde veremur, ut re-
cte ceperit Autorem : aliter enim vidisset, necessarium omnino
esse

esse vocabulum *nautis*. Quamdiu imo in loco naves hærebant, stare videbantur Ceraunia, sed postquam, mari moto, naves propellebantur, Ceraunia, ut navigantibus apparere solet, moveri videbantur, ut in noto Virgilio:

Provehimur portu, terra urbesque recedunt.

Statius II Achill. v. 3 de navigantibus:

Jam Paros, Olearosque latet. Jam raditur alba

Lemnos, & a tergo decrescit Bæcchia Narox,

Ante oculos crescente Samo.

Claudian. III Rapt. v. 140.

Sicaniam quæreni, cum necdum absconderit Idem.

Sic & tertia ratio emendationis corrui, & recta atque elegans est vulgata: cum contra *movitque Ceraunia status* ancipitis & plebeji sensus est. Porro ex eodem libro v. 600 aggreditur, qui in vulgaribus edd. ita concipitur:

— — — *jam te tollente furebas*

Pontus, & in scopulos totas crexerat undas.

Ipsæ cum aliqua specie reponit:

— — — *tortas crexerat undas,*

& totas plebejum ipsi epitheton esse videtur: quod judicium cum viro magno commune habet. At facile ipsi sit Silium IV, v. 244 corruptum pronuciare, qui Lucanum æmulatur:

Seu Gæticus Boreas totum cum fustulit imo

Icarium fundo victor mare,

quid de hoc Annæi v. 644, ej. libri V.

Exhaustum in cumulos, omnisque in fluctibus unda est,

dicit? prænitebit, credimus, correctionis: multo magis, quando exquisitissimam lectionem in Cl. Cortii nostri editione videbit:

— — — *& in scopulos totas crexerat iras.*

Pergimus ad quartam emendationem, quæ ejusdem libri v. 137 concernit, qui ita vulgo legitur:

— — — *Fatigue sat est arcana futuri*

Carminè longæva vobis commissa Sibylla.

Cl. Marklandus singula, inquit, hæc intelligo præter ista *sat est*, quæ tam a sensu, quam latinitate absunt. lege:

— — — *Fatigue patent arcana futuri &c.*

Nos

Nos tamen illud *fat est* etiam bene intelligimus hac sententia & *fat est*, arcana fati futuri carmine longævæ Sibyllæ vobis commissa esse : sufficiunt vobis libri Sibyllini, neque oracula alia adire debetis, ut futura fata discatis. Optimus profecto sensus, ad quem nihili hoc *patent*, quod cum superioribus nullo modo connecti potest. Atque sic loquitur iterum lib. IX v. 388 :

Si quibus ire fat est.

item alibi. Pag. 60 emendat Lib. IX v. 6, *quodque patens* furrogans, pro *quodque patet* : atque ita pridem correxerat J. Fr. Gronovius I Observ. cap. XIII pag. 114. Uterque tamen non vidit, ita constituenda & distinguenda esse verba :

— — *Sequitur convexa Tonantis,*

Qua niger asrisferis connectitur axibus aer,

Quodque patet terras inter lunaque meatus

(Semidei manes habitant

Fecit) & aternos animam collegit in orbes.

Sic omnia rite procedunt, & junguntur : *sequitur id quod patet* cet. nec opus est arido illo & ingrato, *quodque patent*. Sexta emendatio est Lib. X v. 106, ubi de Cleopatra Cæsarem ad-eunte :

Vultus adest precibus faciesque incesta perorat,

pro quo Cl. Marklandus ingeniose :

— — — *Faciesque incesta perorat,*

idque pag. 78 tuetur. Cum vero *incestus* de quolibet polluto, turpi & infami dicatur, proprie vero Ægyptiis adplicetur, ut patet ex Propert. III, eleg. IX v. 39, Lucan. lib. VIII v. 693, de eadem Cleopatra

Degener, incestæ sceptris cessare sorori,

scripserit : denique solennem sibi argutiam quæsierit Annæus, *facies incesta perorat*, quæ alioquin damnare potius debuisset; nihil & hic mutandum videtur. Quibus postremis conjecturis, quas pag. 150 & 151 proposuit, ne ipse quidem multum tribuere voluit. Nam quando Lib. IX v. 156 reponit :

Non mihi pyramidum tumulis evulsus Amasis,

Et Pharii reges Nilo torrente natabunt,

pro vulgato: *Atque alii Reges*, videbit quilibet, male *Amasini & Pharii Reges* opponi; cum ille etiam Rex *Ægypti* fuerit. Et quanquam bene sciamus, in aliis scriptoribus hoc genus loquendi aliquoties occurrere, in Lucano tamen novum, & præterea supervacuum est. Tandem eod. libro v. 1073 nostræ ed. habent:

Ergo in Thessalicis Pelleo fecimus arvis

Jugladi? vestris quæsitæ licentiæ regnis?

ubi bene *facere jus*, & *quærere cui licentiæ* conjunguntur; contra Cl. Marklandus facit:

— — vestrisque est ista *licentiæ regnis?*

quod, ut opinamur, se satis ipsum refutat. Potuissimus ex notis Gottl. Cortii in Lucanum, quæ cum maxime apud nos imprimuntur, & unde, quod fatemur, quædam huc transulimus, plura pro vulgatis lectionibus in medium adducere: sed hæc jam perito lectori satisfacere poterunt. Et quanquam in iis bona fortuna Cl. Marklandum destituit: laudamus tamen egregios conatus, & favemus ingenio, utpote qui scimus, quam in lubrico versemur, ubi solis conjecturis rem agimus; quarum uni egregiæ & veræ (aliquot certe in aliis scriptoribus satis probabiles attulit) octo & plures minus appositæ facile condonamus. Neque hæc res impedit, quo minus de nova *Porphyrii* editione, quam pag. 66 promittit, omnia egregia speremus: eamque ut Cl. Marklandus maturet, etiam atque etiam rogamus.

ELOGIUM LUDERI MENCKENII, ICTI.

Natus fuit Vir inter primi Ordinis Ictos nostri sæculi merito numerandus, Luderus Menckenius, Oldenburgi in Frisia Orientali, die 24 Decembr. A. post natum Christum 1658, parentibus optimis piissimisque, *Helmrico Menckenio*, negotiatore civitatis Oldenburgensis quondam clarissimo, & *Metta*, femina spectatissima. Quibus parentibus felicissimis merito jungimus ex linea paterna avum, *Ostonem Menckenium*, civem & mercatorem Oldenburgensem, & proavum, *Helmricum Menckenium*, civem itidem & mercatorem ejusdem civitatis honestissimum; & ex matre materna avum, *Luderm Spiermacher*, Consulem civitatis

O o o

Olden-

Oldenburgerſis bene meritum, ac proavum, *Joannem Spierma-cher*, civem & mercatorem Oldenburgerſium; quorum omnium virtus *Menckenii* noſtri patriam ſatis illuſtravit. Et virtutibus quidem, quæ puerum decerent, ſtudiisque pro ætate innutritus, jam feliciter adoleſcebat, cum non modo patre die 21 Febr. A 1671, verum etiam matre anno ſtatim ſequenti 1672 die 15 Oct. orbaretur. Exinde Patruelis ſui optimi, *L. Ottonis Menckenii*, Polyhiſtoris quondam in hac Academia noſtra ſummi, cujus labori & conſiliis hæc potiffimum Acta debemus, exemplo ad ſtudia bonarum literarum amplectenda excitatus, poſt parentum obitum ad audiendum *Frid. Hildebrandum*, Rectorem tum temporis ſcholæ Nordhuſanæ celeberrimum, Nordhuſam e patria abibat, cum quo paulo poſt Martisburgum delatus, ea ſtudiorum fuorum, fida & dextra *Hildebrandi* inſtitutione; quod ore ſæpius gratiffimo Noſter prædicavit, fundamenta ponebat, quibus doctriinæ & ſcientiæ ſummæ decus feliciter ſuperſtruxit. Ex Gymnaſio Martisburgerſi in Academiam noſtram Lipſienſem A. 1676 translatus, nomen ſuum, Rectore *D. Friderico Rappoldo*, matriculæ inſcribi curabat, & in hoc prytanæo noſtro imprimis quidem patruelem modo laudatum, *Ottonem Menckenium*, ſive doctrinam morum & prudentiæ civilis, ſive hiſtoriam antiquam & novam publice privatimque tradentem, domicilio ſimul ejus & hoſpitio uſus, diligenter audiebat, tum & aliorum Philoſophorum, *D. Valentini Alberti*, *Joachimi Felleri* & *Valentini Friderici* ſcholas frequentabat. At cum in ſtudio Jurium pal-
mam quærere, ſingulari animi inſtinctu commotus, ſecum conſtituiſſet, duces ſibi in hoc ſtudio elige-
bat JCtos graviffimos, *D. Georgium Tobiam Schwendendorfferum*, Facultatis Juridicæ Ordina-
rium, *D. Martinum Zachariam Cramerum*, Juris Profeſſorem & Academiæ Syndicum, nec nou *D. Andreæ Mylium*, poſt id tem-
poris Juris itidem in hac Academia Profeſſorem, ejusdemque Syn-
dicum. Quorum ſubductu ubi prima juris tyrociniâ poſuiſſet, in
Academiam Jenenſem ſecede-
bat, ibidemque in JCti celeberrimi,
D. Georgii Adami Struvi, P.P. & Conſiliarii Aulici, domum & con-
victum receptus, ejusque informatione privata & publica uſus, ſub
ejusdem viri magni præſidio Antonii Matthæi librum de judiciis
dis-

disputando defendebat, nec minus, *D. Petro Mullero*, Juris P.P. præfide, *Joachimi Schnobelii* Exercitationes Juridicas solus respondendo propugnabat, variaque alia doctrinæ documenta edebat. Quo factum, ut *Cl. Struvius*, doctrinæ & dexteritati ejus confusus, Supplementa Jurisprudentiæ suæ Romano-Germanicæ ei edenda committeret, quo munere egregie, ut constat, defunctus est. Inde vero in Academiam nostram reversus, ubi jam A. 1680 summus consecutus in Philosophia honores, in cathedra Philosophica præsidendo locum sibi suum vindicaverat, cum in cathedra quoque Juridica disputationem solennem de pecunia hereditaria omnium cum plausu habuisset, gradum Doctoris, A. 1682 ab Ordine Jctorum in hac Academia ex merito sibi collatum, reportavit. Quemadmodum vero jam antea variis tum in praxi, tum in theoria editis speciminibus doctrinam suam & in agendo prudentiam dexteritatemque omnibus probaverat; ita vel maxime post impetratum virtutis decus tam eximium praxin & theoriam constanti labore copulabat, donec numerus auditorum in scholis ipsius crescens imperare ei propemodum videretur, ut theoriam praxi anteferreret. Nec id sine successu factum, cum eum institutionis suæ fidelissimæ, ac longe supra 40 annos, usque ad ultimam fere mortis horam protractæ, fructum tulerit, ut non solum magnus virorum doctorum, & summis hincinde sive in aula, sive in castris, sive in foro officiis admotorum, numerus ex schola ejus prodierit, sed ut etiam privignus ex altero ejus conjugio, *D. Mich. Heinr. Griebner*, Regi Pol. Potentiss. & Electori Saxoniz a consiliis aulæ & justitiæ, ut & cura Archivi, nunc *B. Vitrici* successor longe dignissimus, vir multis jam meritis in Saxoniam illustris, perinde ac filius ipsius ex priori conjugio susceptus, *D. Gottfried Ludovici Menckenius*, & privignus denique ex tertio conjugio, *D. Georgius Adolphus Schubert*, Juris scientia omnes cura illius singulari & vere paterna mirifice imbuti, illi quidem duo in Academia Vitembergensi, hic autem postremus in nostra Lipsiensi, ad Professionem Juris ornandam, aliaque munia sustinenda ascenderint; pro quo singulari felicitate grates devotissimas Deo Opt. Max. nunquam non persolvit. Iam quod ipsa, quæ Noster ornavit, munia eximia concernit, primam penes

nos dignitatem nactus est in Collegio Principum minori, in quo A. 1689 locum, morte *D. Pflaumii* vacuum, legitime lectus, occupavit, & Præpositi inde munus sæpius obiit. Inde in Curia suprema Provinciali, quæ Lipsiæ celebratur, A. 1693 Assessor factus, & A. 1699 in Facultatem Juridicam receptus, de utraque tam bene meritus est, ut primum in utraque locum & conjunctum cum eo directorium consequeretur. Postquam enim ei Professio Juris Saxonici & cursoriæ tractationis Pandectarum A. 1702 regia auctoritate ac novo exemplo demandata fuerat, quam A. 1705, post *D. Bartholomæi Schwendendörfferi*, P.P. obitum cum professione Institutionum juris commutabat, a qua A. 1708, ascendente *D. Gottfried Nicolao Ittigio*, P.P. ad professionem Pandectarum Juris transiit, simul Canonicus capituli Numburgensis lectus; factum denique est divini Numinis nutu & providentia, ut A. 1709, cum vir summus, *D. Jacobus Born*, Regi Polon. Potentiss. & Electori Saxoniz a consiliis sanctioribus, & Facultatis Juridicæ Ordinarius, decessisset, Nostro, cui Concilium Nationale suis jam suffragiis Canonicatum Martisburgensem & Decemviratum Academiz addixerat, benigna Regis & Electoris nostri indulgentissimi voluntate Ordinarii munus grave & splendidum, & quæ ei ex veteri more anexa sunt, Professio nempe Decretalium & supremus in suprema curia Provinciali inter Doctores Juris locus, omnium plausu demandaretur, addito simul Consilarii Regii titulo & dignitate. Præterea vero Rectoratum Academiz bistenuit, nempe A. 1707 & A. 1711, quod munus quidem splendidissimum, iterum iterumque sibi oblatum, propter curarum laborumque aliorum multitudinem, posthac modeste deprecatus est. Pro-Cancellarii vero Academiz munus in festivitate promotionum solenniorum Facultatis Juridicæ ter, nimirum A. 1709, 1712 & 1720, & Promotoris tum A. 1714, tum A. 1724, sustinuit, nec non villarum veterum Academicarum Præposituram magnam, quam vocamus, sæpius administravit. Uti proinde, dum his officiis summa cum industria, prudentia & dexteritate fungeretur, partim docendo, partim judicando, partim consulendo, partim pie & moderate vivendo (qua in re vix parem habuit inter Collegas) immortalem laudem meruit; ita eandem editis disputationibus, programmatibus, & scriptis variis ad posteros transmisit. Eminent inter ea,

ut

ut quorundam saltim mentionem faciamus : I. *Additiones ad Struvii Jurisprudentiam Romano-Germanicam*, Jenæ A.1683 typis excusæ in 12; II. *Pandectarum controversia practica potiores*, Lipsiæ A.1684 editæ in 4; III. *Gymnasium Juris Polemicum*, quod complectitur 31 dissertationibus 620 controversias selectiores Juris naturalis & gentium, Juris item publici, civilis, feudalis & canonici, item theor. & prax. arboris consanguin. & affin. quod Lipsiæ A.1639 & A.1708 longe auctius editum, singulis fere annis publicæ ventilationi submitit; IV. *Tractatio Synoptica Pandectarum theoretico-practica*, in tabulas redacta, Lipsiæ A.1697 in fol. edita; V. *Tractatio Synoptica Institutionum Juris Justinianearum*, pariter in tabulas redacta, Lipsiæ A.1698 & secunda vice A.1711 in fol. VI. *Remissiones ad Jus Saxonicum*, Ulrici Huberi *Prælectionibus juris civilis* ex edit. Lipsiensi insertæ; VII. *Paralipomena Juris adminicula*, Lipsiæ A.1705 edita in 4, quibus continentur variz meditationes de modo & ordine tractandi Juris, de conciliatione textuum pugnantium, de facultate judicandi &c. VIII. *Via Regia ad virtutem & Jurisprudentiam excolendam*, programmatibus & orationibus, circa ingressum tertii Jubilæi Acad. Lipsi. monstrata, Lipsiæ A.1709 in 4; IX. *Volumen Dissertationum Juridicarum selectarum*, continens 26 Disputat. Lipsiæ A.1705 in 4; X. *Tractatio Synoptica Processus Juris communis & Saxonici*, ad seriem singulorum titulorum ordinationis Processus Saxonici exacta, & in II Partes divisa, quarum altera a B. Schubertbo, Nostri privigno, ad finem est perducta, Lipsiæ A.1723 in 4; XI. *Theoria & Praxis Pandectarum*, opera & studio D. Gottfr. Lud. Meckenii, filii B. cong. sta, Lipsiæ A.1715 in 8; XII. *Vfus theoretico-practicus Institutionum*, primum A.1723, postea a D. Frid. Alex. Kunboldo, Juris hodie Prof Publ. & genero Nostri, auctor A.1722 editus; XIII. *Synopsis Theoria & Praxeos Pandectarum*, cura ejusdem Kunboldi adornata, Lipsiæ A.1723 in 8; XIV. *Supplementum Synopsos Theoria & Praxeos Pandectarum, ex Ordinatione Processus Saxonici Electoralis novissima*, congruis *Digestorum* locis applicatum, Lipsiæ A.1724 in 8, ut jam *Decadum X* juris controversi theoretico-practici, d. verso tempore in cathedra juridica ventilatarum, aliarumque *Dissertationum Juridicarum* multiplicis generis mentionem prætermittamus. Venerabatur præterea Noster ineffabilem Numinis

minis ecclesiis gratiam & providentiam, in triplicis sui conjugii felicitate. Nam, ut tandem ad res ejus domesticas deveniamus, primum matrimonium contraxit, die 27 Jun. A. 1781 cum virgine lectissima, *Dorothea Elisabetha*, viri consultissimi, *Gottfried Trubii*, in curia suprema Provinciali Proto-Notarii, filia, quæ quantum *B. Ordinarium* nostrum partu filii, *Gottfried Ludovici Menckenii*, J. V.D. & Juris Professoris publici ac Collegiorum Juridicorum in Academia Vitembergenſi Aſſeſſoris bene merentis, exhilaraverat, tanto eum dolore afficiebat, quum A. 1683 die 5 Aug. immatura morte surrepta, ex hac vita emigraret. Ceterum vidit ex conjugio filii hujus primogeniti cum virgine florentissima, *Christiana Maria*, ex gente *Zolleria*, A. 1708 inito, V nepotes, tres filios, *Leon. Ludovicum*, *Gottfr. Ludovicum* & *Heinr. Christianum*, & duas nepotes, quarum prior vitæ expers ex utero materno prodiit, altera vero *Christiana Louisa* jam A. 1716 B. avum morte præcessit. Hinc A. 1688 die 30 Maij ad secunda vota transiens, feminam duxit virtutis & pietatis spectatæ, *Rosnam Elisabetham*, ex gente nobili *Horniana* progeneratam, & *L. Dan. Griebneri*, Diaconi quondam ad ædem D. Nicolai vigilantissimi, viduam ornatissimam, ex qua IV liberos, nempe filium unicum, *Heinricum Ottonem*, qui A. 1690 natus, postquam A. 1712 gradum Doctoris Juris rite impetraverat, & disputando docendoque spem muneris consequendi proximam parenti optimo fecerat, A. 1716 e vita excessit; & filias tres suscepit. Prima, *Jobanna Catharina*, A. 1691 in lucem data, A. 1696 in vivis esse desiit. Altera, *Margaretha Christiana*, A. 1696 nata, concubii sat jucundi vinculo A. 1720 conjuncta fuit cum *Joanne Albrechtio*, negotiatore Lipsiensi & magistro institutorum spectatissimo, quæ tamen, edito A. 1821 filiolo, *Jø. Ludero*, eodem anno vivere desiit. Tertia, *Maria Sophia*, A. 1697 nata, matrimonii fœdus auspiciatum A. 1722 iniit. cum Viro doctissimo *F. A. Künboldo*, quæ unica ex altero matrimonio superstes, funeri paterno hoc acerbius illacrymatur. Mortua A. 1707 conjuge altera, tertii matrimonii fœdus pepigit Noster A. 1713 cum matrona nobilissima, *Christiana Sophia Schubertbi*, mercatoris quondam Lipsiensis vidua, & Medici longe celeberrimi, *Gottfried Adolphi Luya*, filia unica, cujus conjugii, utut prole destitueretur, jucunditatem nulla vel discordia, vel domus calamitas, si solam Nostri mortem excipias, turbavit. Ceterum

terum *Viva Lex* erat *Menckenius*, five in foro ageret, five in senatu federet, five in cathedra staret, five denique domum regeret. Ubique enim tum in cultu Deo sacro, tum in officiis proximo exhibendis, tum in familia curanda singulare & illustre pietatis, temperantiæ, prudentiæ, justitiæ, comitatis, liberalitatis exemplum omnibus præbat. Quod *Struvium* sæpe in ore habuisse ferunt, *Ordinarium stantem oportet mori*; & quod de *Carpzovio* memoratur, quod nihil prius, nihil amabilius habuerit lectione Bibliorum faceretur, velut fontis recti & iusti limpidissimi; id utrumque tota vita comprobabat *Menckenius* noster. Imprimis vero cumulo beneficiorum divinarum in se largiter collato hanc præcipuam adnumerabat felicitatem, quod sanitatem corporis, utut tenuis, nec adeo robusti, salvam & integram sibi Deus in tanta laborum mole semper servaverit, nisi quod illi ante octennium cum gravi morbo fuit colluctandum, quem tamen intra breve tempus feliciter superavit. Ultimo tamen vitæ suæ biennio virium corporis defectum & aliquam animi infirmitatem aliquoties sensit, quam demum nupero 26 Junii hujus anni 1726 circa horam 8 matutinam, cum ante pulpitum staret in museo suo, & lectioni S. Scripturæ pro more devota animi religione intenderet, paralysis lateris sinistri gravis & inopinata excipiebat, quæ cum non pedem solum sinistrum sed & sphincterem vesicæ urinatoriæ affecisset, mictionem involuntariam suscitabat. Noster variis antidotis & medicamentis, cura conjugis fidissimæ & consilio Medicorum refocillatus, mortis tamen periculum ex mali magnitudine præsentiscent, sumto altero die viatico sacro, ad iter cæleste promptus se accingebat; id quod demum inter lacrymas piæ conjugis & luctum acerbissimum liberorum & agnatorum, lecto moribundi adstantium, felix & beatus ingressus est die 29 Junii, Petro & Paulo, Apostolis divis, sacro, intra horam sextam & septimam vespertinam.

DECADIS II ACTORUM MEDICORUM BEROLINENSIS, in incrementum artis & scientiarum collectorum & digestorum, Volumen V & VI.

Berolini, apud Godofredum Gedonkium, 1725 & 1726, 8. Plag. 134 cum fig. æn. Tabb. II.

Præ-

Premittuntur hifce voluminibus Thomæ Paneovii & Johannis Sigismundi Elsholzii, Friderici Wilhelmi, Elect. Brandenburg. Aulæ Medicorum, Icones & vitæ. Quibus adduntur Ottonis Böttcheri, Georgii Wilhelmi & Casparorum Marchiorum, Patris & filii, ejusdem Electoris Archiatrorum, vitæ, sed sine iconibus. Volumen V quatuor continet Partes, quarum I constituit Allocutio Epistolica ad Christ. Godofr. Stenzelium, Med. Doct. & Pract. Wittebergens. de stentomate aortæ cum polypo cordis in Disputatione quadam A. 1723 Wittebergæ habita confuso. In II Historia morborum Berolinensium per A. 1723 describitur, ubi inter alia asthma hypochondriaco-spasmodicum motu corporis ablutum, & podagra, postquam ad manuum pedumque digitos, non saltem in articulis, sed etiam in apicibus nodi, initio rubentes mox albescentes eruperunt, & ubi rumpebantur, vel aperiebantur, molle & albescentes mucido-terreum coagulum, ad ignem obdurescens & tophefcens fuderunt, soluta legitur. In III Epicrisis additur in Indicem Berolini per A. 1723 defunctorum; & in IV nonnullæ sectiones & operationes Anatomico-Chirurgico Pathologicæ commemorantur. Scdâ scilicet fuerunt atrophia verminosa, febre catarrhali continua in lentam abeunte, sarcomate caneroso in vagina uteri, hydrope, fluxu hepatico demati; sic labium caneroso-scirrhosum extirpatum fuit, sed sine successu felicit; & hydropica, postquam bis paracenthesis admiserat, aquarumque coluviam simul & semel absque ulla lipothymia aut noxa evacuaverat, tribus interjectis mensibus, post tertiam operationem supremum obiit diem.

Volumen VI quinque partibus circumferibitur, quarum I exhibet informationem de morbis, in quibus aquæ & balnea Freyenwaldensia proficua vel noxia fuerunt observata. Solos oculorum morbos quod spectat, maximam eorum fuisse in debilitate visus, suffusione, catarrhæta incipiente, glaucomate recente, ophthalmia chronica, & gutta serena, utilitatem, exemplis probatur. Nocere vero dicuntur in epilepsia idiopathica, paralyfi puerorum ex epilepsia orta, hemiplegia senum, ascite, amavrosi, catarrhæta matuta, faucium exulceratione, luxatione artuum, ariduris, articularum anchylosibus inveteratis, fungorumque concretionibus, exostosis, & tophis arthritico-venereis, paronychia, spina ventosa & excrecentiis præter naturalibus. In II nonnullæ Historiæ Clinico-Practicæ necrologicæ, seu morborum, quos non restitutio sed mors excepit, recensentur, convulsions putæ hysterice, in duabus sæminis, ac morbi intestinorum spasmodici ad hamorrhoides respectum habentis. In III de morbo spasmodico-epidemico a pane ex clavis secalinis pisto & comesto orto relationes historice leguntur. In IV monstrum Berolinense describitur bicorporeum, duorum scilicet puerorum, quoad partes anticas coalitorum; cui simile adjicitur Wrizenæ editum, pueri & puellæ, a serobiculo cordis ad umbilicum sibi invicem co hærentium, nec non puer cum bronchocele natus. In V depositiones Medico-Legales per A. 1723 a D. Glöckengießero, Poliatro Berolinensi, exhibitz fiuntur; de repentina videlicet morte ex Helleboro albo, & puellæ, quæ cultro pro calamis aptandis parato asperam arteriam sibi præsciderat, & vulnere consolidato suffocata obierat, quoniam asperæ arteriz pars interior carne luxuriante repleta & coarctata fuerat.

No. XI.
A C T A
ERUDITORUM,

publicata Lipsiæ
Calendis Novembris Anno M DCC XXVI.

JOANNIS SELDENI, JURISCONSULTI,
Opera omnia tam edita quam inedita; collegit ac recensu-
it, Vitam Autoris, Præfationes & Indices adjecit DA-
VID WILKINS, S. T. P. Archidiaconus Suf-
folciensis, Canon. Cantuar. & Archiep. Can-
tuariensis a sacris domesticis.

Volumina III.

Londini, impensis J. Walthoe, W. & J. Innys & rel. 1726, f.

Alph. 35.

CL. Editor, gente Borussus, sed ab Anglis jam pridem civitate
donatus, & editis A. 1721 singulari cura, sed apud nos raro
obviis, *Legibus Anglo-Saxonicis*, de his optime meritis, novo
sibi non Anglos modo, sed & externos devinxit beneficio, quod
incomparabilis Viri, *Jo. Seldeni* Opera omnia, diligenter col-
lecta, accurate recudi, quædam & nunc primum evulgari cura-
vit; quanquam verendum est, ne hujus quoque operis pauca exem-
pla extra Angliam exportentur, quippe subscriptionis lege editi.
Post Dedicationem ad Illustriss. Principem Regium **GEORGI-**
UM, Walliæ Principem, sequitur Præfatio, in qua imprimis
Eruditorum de Seldeno judicia expendit, non elogium modo, ve-
rum & ea producens, quæ in variis ejus scriptis animadversa sunt,
& immensam ubique lectionem prodens. Hic inter alia inseruit
additiones ad librum Seldeni de Successionibus ex ed. Lugdun.
Batava 1638, quam cum eo tempore, quo liber in hac collectione
recendebatur, nondum nactus esset, Lectorem tamen illis frau-
dare noluit. Ubi libri de Diis Syris meminit, illum hic Seldeni
ipsius notis MSS. auctum exhiberi testatur, & præterea pollice-

p. 7-15:

15:

Ppp

tur,

- p. 18-27. tur, se *Henrici Jacobi*, qui Erpenii discipulus, & ipsius Seldeni in studiis Orientalibus præceptor fuerit, in hunc librum notas, hæctenus ineditas, quas Cl. Thomæ Tannero debet, cum propriis observatiunculis separatim editurum. Intulit quoque Noster Præfationi huic integram *Thomæ Rudd*, Bibl. Dunelmensis Curatoris, disquisitionem eruditam, nondum editam, de vero autore Historiæ Dunelmensis, quam is *Symeoni*, Dunelmensi Monacho, vindicat contra Seldenum, qui in Judicio de X Scriptor. Hist. Angl. Rog. Twysdenii editioni præmisso, eam *Turgoto*, Priori ejusdem Monasterii, asseruerat. Pari modo, ubi de libro, Mare clausum, quem jussu Jacobi I conscripserat, & autoritate Caroli I magno aulæ plausu publicaverat Seldenus, disserit, non modicam laciniam e *Guil. Somneri* opere, quod Litus Saxonicum per Britanniam inscripsit, quodque adhuc ineditum asservatur in Bibliotheca cathedrali Cantuariensi, decerpfit. Denique ad Seldenianam *Eadmeri* editionem quædam quoque, vel a Franc. Junio, vel ab Amico annotata, opportune observavit. Ceterum adjutum se fuisse in hac editione consiliis Dan. Ern. Jablonskii, Jo. Christoph. Wolfii, Bern. de Montfaucon, Eduardi Burtoni aliorumque, gratus ultimo loco proficitur.
- 1-56. Excipit Præfationem satis prolixa Seldeni vita, stylo quidem ad justam vitæ descriptionem non prorsus accommodato, nunc turgido, nunc humili & nugarum Grammaticarum experte, sententiis tamen passim, Græcis, Arabicis, imo & Copticis velut gemmis exornato, conscripta. Nos pauca hinc inde delibabimus, cum pleraque aliis quoque Biographis tacta fuerint. Seldenus natus in occidentali Terringi oppidi villa Salvintonia, in agro Suffexiensi, A. 1584 d. 16. Dec. ex honesta & a parte matris equestri stirpe descendens, Cicestrix sub doctrina Hugonis Barkeri, tunc Scholæ Rectoris, postea Jcti clarissimi, tam cito profecit, ut jam decimo ætatis anno Latina carmina non infeliciter funderet, & quadriennio post Oxonium in Academiam se conferret, primumque anno æt. 22 fortum, *Analecta* nempe τῶν ἑρμηνευτικῶν, magno plausu evulgaret. Cum monumenta vetustiora de Judæis Anglis collegisset, eaque *Samueli Purchas*, Itinerario ipsius inferenda, commisisset, is vero tria tantum ex omnibus monumenta, eaque mutila

mutila & ab autographo diversa, inseruisset, ea res stomachum Seldeno & Purchasio litem movit. Editio libro de Decimis, quas jure divino niti negavit, ita clerum in se concitavit, ut palinodiam canere publice cogeretur. Cum A. 1621 in Regni Senatu, nondum quidem Senator, sed Consiliarius, ascitus, liberius de periculo religionis perorasset, ita Regi invisus factus, ut Rob. Duczi, Decurionis Londinensis, custodiæ concederetur, quamvis laute satis in ædibus ejus exceptus & post quinque septimanas libertati redditus. Inde biennio post Comitibus inferioribus adscriptus, etsi initio, literarum imprimis amore, publicis rebus non multum se ingereret, paulatim tamen, periclitante civium libertate, jura Angliæ non semel in Comitibus magna eloquentia propugnavit; quibus rebus describendis non sine tædio prolixus est Biographus noster, e publicis monumentis omnia ejus dicta repetens, quorum utrum vim Latine satis exprefferit, penes alios esto judicium. Imprimis A. 1628 cum Typographi aliqui, se ob editos quosdam contra Papisinum libros ab aula citatos & objurgatos, in Senatu conquererentur, pro libertate Typographorum, quam cum publica conjunctam asseribat, fortiter stetit. A. 1629, dissoluto a Rege Parlamento, Seldenus cum quibusdam aliis, qui aulæ parum favebant, in archiores Turris Londinensis carceres conjiciebatur, ad duriores deinde carceres, demumque ad ergastulum piraticum translatus. Et libertati quidem redditus sub finem ejusdem anni, at mox iterum ob falsas suspensiones anno sequenti custodiæ mancipatus, iterumque, detecta ipsius innocentia, liber dimissus est. Enimvero ob has, quas perpeffus erat, injurias, postea A. 1646 decreta ei sunt a Comitibus quinque millia librarum, & sequenti anno publico ære perfoluta. Ceterum post istos carceris squalores, quos Seldenus ita studiorum amœnitate temperabat, ut hoc imprimis tempore elucubraret librum de Successionibus in bona defunctorum secundum leges Hebræor. (cujus A. 1631 editi titulo ideo verba adjecit: *Sordes arcta inter vincla recusat*) ecquis credat, Virum tam gravem, tam austerum (ita enim Noster eum depingit) adduci potuisse, ut publice larvatus larvas duceret? Siquidem eodem anno 1631 (quo tempore & Prynnius, in *Histrio-mastige* nimis severe in ludos scenicos invecus, dignam in Came-

- ra Stellata poenam luit) quatuor, quæ Londini colliguntur, hospitia seu Collegia Juridica larvas, choreas ac ludos musicos Regi, qui illis mire delectabatur, reverentiæ testandæ causa repræsentare decreverant, quibus adeo nec Seldenus defuit, inter interioris Templi hospitio adscriptos una cum Eduardo Herberto choragum splendide, ut erat opibus satis instructus, agens. A. 1640 iterum Senator in Comitibus ab Academia Oxoniensi allectus, in accusatione contra Straffordium, & sequenti anno contra Guiliel. Laudum formanda, inrer primos occupatus, & A. 1643 communibus Comitiorum votis Custos monumentorum in turri Londinensi constitutus, annoque sequenti inter Antistites Fœcialium receptus est. Decretum quoque a Comitibus impetravit A. 1646 & sequenti, ut Rich. Bancroftii Archiep. Cantuar. Bibliotheca vi legati ad Academiam Cantabrigiensem perveniret. De tractatu de Nummis, qui A. 1675 sub ejus nomine Symoni Dewes inscriptus prodiit, observat Noster, librum hunc *Alexandri Sardi* jam A. 1579, quinquennio ante natalem Seldeni, cum eadem dedicatione, mutato tantum nomine, lucem adspexisse, conjectans, eum olim ob raritatem Seldeni manu descriptum, ac post ejus mortem inventum, pro ipsius fœtu fuisse venditatum. Decessit tandem septuagenario proximus A. 1654 ultima die Novembris, constituto ante rite testamento, quo cum Bibliothecam libris MSptis & impressis instructissimam Triumviris, testamenti sui curatoribus, Halesio, Vaughanio & Rowlando Jucks legasset, hi laudabili prorsus liberalitate eam Bibliothecæ Bodlejanæ, quæ Oxonii est, tradere, quam inter se partiri, satius habuerunt. Etsi uxorem non haberet, sunt tamen, qui eum cum Elisabetha, Henrici Comitissæ Cantii, cujus pariter favore usus est singulari, vidua, cui, sive in urbe moranti, sive in rus abeunti perpetuo fere adhæsit, conjugalem vitam duxisse existimant: certe patet ex supremis ejus tabulis, maximam divitiarum, quas tenuit, partem e gratioso fœminæ hujus sinu, ut Noster loquitur, in illum derivatam esse. Quod ad characterem Seldeni attinet, erat is quidem natura minus grata vultus & morum austeritate, pertinaci literarum studio aucta; nullius in verba jurabat, sed libere, quæ sentiret, proferebat, in consiliis dandis ferendisque suffragiis promptus, & non modo

modo iudicio verum & memoria ad miraculum, etiam in extrema senectute, pollens. Liberalem quoque fuisse in publica Reip. literariæ commoda, illud indicio est, quod solus imprimendis a Pocockio Annalibus Entychii Arab. Latinis sumtus subministravit, & ne deessent, testamento, quod hic integrum inseritur, sedulo cavit. Gum ad summa munia vocaretur, nunquam tamen adduci se passus est, ut illa admitteret, memor Symboli, quod libris suis inscribere consueverat: *περὶ παντὸς τὴν ἐλευθερίαν.*

Nunc quæ contineantur singulis Tomis, digito indicabimus. Exstat nimirum *Tomo primo*: 1 de anno civili veteris Ecclesiæ Judaicæ Dissertatio; 2 de Jure naturali & Gentium juxta disciplinam Ebræorum Libri VII; 3 de Synedriis & Præfecturis Juridicis veterum Ebræorum liber; *Tomo II*: 4 de Successionibus in bona defuncti ad leges Ebræorum liber, & de successione in Pontificatum Ebræorum Libri II; 5 de Diis Syris Syntagnata II; 6 *Entychii*, Patriarchæ Alexandrini, ecclesiæ suæ Origines, cujus libri versionem & Commentarium dedit; 7 Uxor Ebræa, seu de Nuptiis & divortiis ex Jure civili, id est, Divino & Talmudico veterum Ebræorum; 8 Analecton Anglo-Britannicon Libri II; 9 Jani Anglorum facies altera; 10 Dissertatio ad *Fletam*; 11 Judicium de X Historiæ Anglicanæ Scriptoribus; 12 Mare clausum, seu de dominio Maris Libri II; 13 Vindiciæ Maris clausi; 14 *Marinora Arundelliana*; 15 Notæ & spicilegium ad *Eadmerum*; 16 Epistolæ variz, omnes fere ex avtographis nunc primum collectæ, & 17 Poemata Græca, Latina & Anglica; *Tomo III*, qui Anglica comprehendit, 18 *England's* Epinomis; 19 *the Duello or single Combat*; 20 *Titles of Honour*; quem librum ex tertia editione anni 1672 (quæ etsi plura in titulo promittat, secundæ tamen, quæ A. 1631 prodiit, cedit, nisi quod addenda suis locis inserta sunt) Latine vertit Simon Jo. Arnoldus, ediditque Franc. 1696, Noster vero, nescimus qua de causa, ex prima anni 1614 ejusque addendis, ad finem additis, repetiit; 21 *the History of Tytber, with a Review, an Admonition to the Reader of Sir James Sempil's Appendix, and of Dr. Tillesley's Animadversions upon the History of Tytber*, it. a Letter to the Marquis of Buckingham, quæ scripta ad Apologiam Historiæ illius Decimarum spectant; 22 *three Tracts*,

written by Order of King James, nempe de Revelatione, de Die Natali Jesu Christi, & de scopo Historiæ suæ Decimarum, quibus accedit brevis commentatio de Judæorum olim in Anglia commoratione, ex Purchasii Itinerario supra memorato deprompta; 23 *A Discourse touching the Office of the Lord Chancellor of England*; 24 *the Priviledges of the Baronage of England*; 25 *of the Judicature in Parliament*; 26 *of the Original of Ecclesiastical Jurisdiction of Testaments*; 27 *of the Disposition or Administration of intestated Goods*; 28 *a Letter to Mr. Augustine Vincent, concerning his Discovery of Errors*; 29 *an Argument concerning the Baronies of Grey and Ruthen*; 30 *Illustrations of the first XVIII Songs of Drayton's Polyolbion*; 31 *Notes on Sir John Fortescue de laudibus linguæ Angliæ*; 32 *Notes on Sir Ralph de Hengham's Summæ*; 33 *Speeches and arguments*; denique 34 *Table-Talk*, seu sermones convivales, quos ex quotidiano convictu post Seldeni mortem Londini 1696, 8 edidit *Rich. Milward*, a nobis recensitos Supplement. T. I. p. 426. Præmisit huic Tomo sigillatim præfationem Anglicam Cl. Editor, e qua nihil quidem magnopere memoratu dignum producimus, nisi quod notandum putamus, aliquot opuscula e supra memoratis nunc primum e Clar. Virorum Bibliothecis, præsertim e Musæo Ashmoleano, in lucem primum producta. Denique monemus, singulis Tomis accessisse Indices locupletissimos.

RAIMUNDI DUELLII C. R. AD PL. R. AC CLARISS.
Virum P. Dom. CÆLESTINUM L'OREFICE, Be-
nedictinum & Historiographum Regium Siciliæ, de quibus-
dam Inscriptionibus, gemmisque ac nummis Romanis
Epistola, data Hippolytopolis ipsis Kal. Augusti
M DCC XXV.

Noribergæ, apud Petr. Conr. Monath, 1725, fol.

Plag. 2 tab. æn. 1.

Cum ad Cl. Autorem, solertissimum antiquitatum promum
condum, continuo confluant, quæ in vicinia eruuntur, ve-
tera monumenta, laudem utique meretur, quod non diu latere



d



3. IV

1.

2.

ea patiat eruditos. Inter ea, quæ nunc producit, primum locum occupat Inscriptio in lapide septem fere pedes in longum ac tres in latitudinem excurrente, qui in oppido Austriz infer, a S. Leonhardo vulgo *Sant Lienhart* dicto, exstat, conspicua. Frontem ornat aquila, consecrationis symbolum, hoc tamen loco potius militare signum, cum duobus ab utroque latere delphinis, qui tum ob alias causas, tum maxime ideo apti censentur monumentis sepulcralibus, quod tam insignem habeant mortuorum suorum curam, ut illos dorsis suis in summa pelagi evehere visi sint, teste Plinio, ne aliqua bellua eos devoraret. Inscriptio hæc est: M. SEXTIO VETTONANO AED. M. AEL. CE. ANN. LXX. ET VINDÆ. TERTI. F. CON. AN. L. P. AEL. MARCIANO F. MIL. COH. III. PRAE ANN. XX. STIP. III ET AV. --- A. --- MAXIMO ET CON. --- N. LXXX M. S. SM. --- OL. AE. L. --- CE. I. - HL. TAGP E. M. S. --- LXI. AN. II TS. --- SIL XIII E SEX. SARMINIO MI. L. II S. --- AN. XXV. id est, ut Noster legit, *M. Sextio Vettoniano, Ædili, Marci Ælii Celeris Filio, Annorum LXX, Et Vindæ Tertiæ Filie, Conjugi Annorum L. Publio Ælio Marciano Filio, Militi Cohortis IV Prætorie, Annorum XX, Stipendii III &c.* quibus verbis erudite explicatis, reliqua ædipo discutienda relinquit Auctor. Imprimis hunc militem Ælium Marcianum ætatis anno vigesimo, ac tertio stipendii, mortuum docet, simulque observat, lege a Sempronio Graccho Tribuno cautum fuisse, ne quis ante annum XVII ad militiam cogeretur, sponte tamen quosdam ante hunc annum nomen militiæ dedisse. Hinc progreditur ad gemmam signatoriam eamque Sardam, ex eodem loco allatam; in qua cum figura muliebris, exacte Deam Romam representans, nihil habeat difficultatis, illud quod propter Deam cernitur, Noster pro monogrammate, qualia in gemmis quoque conspiciuntur, primum agnoverat; verum rectius edoctus a Viro Cl. cui hanc Epistolam inscripsit, mox flammulam in ara hic a rudi artifice designari, qua cultor Romæ suam erga terrarum Deam gentiumque pietatem testari voluerit, pronus agnoscit. Affabre magis elaborata eoque antiquior gemma est, quam non procul a vicino Cisterciensium cœnobio Liliesfeld homo colonus forte reperit, in Ne-

TAB. IV
Fig. 1.

Fig. 2.

Neptuni haud dubie honorem facta, quem adgeniculantem, dextraque tridentem, sinistra delphinum, qui maris imperium indicat, tenentem, nitide satis exprimit. Rursus deinde ad duas Inscriptiones convertitur Autor, quas in pago S. Ruperti, mille circiter passus ab oppido S. Leonhardi distante, reperit. Altera hæc est: T. M. CON - - - ALIVS DOMITI F. V. FEC. SIB. ET IOVENTINÆ CVRIONIS FIL. quam ita legit: *Constantius Alius, Domitii Filius, Vivens Fecit Sibi Et Joventinae Curionis Filiae.* Constantium hunc ex gente *Ælia* sive *Allia* fuisse, credit, quod & Schottus confirmet, in ea gente Constantios exstitisse. Parvulis alatis, qui in monumenti superioris parte cernuntur, Cupidines, *ἔρως* & *ἀντρέως*, mutuumque adeo & conjugalem amorem, vel, si mavis, somnum, mortis imaginem, cui alæ affinguntur, indicari, existimat. Alteram inscriptionem paulo magis mutilam: - - - V. E - INGENVE PRIMIGEN - - FIL. MATRI, ita restituebam hæc: *Annorum XXV Et Ingenue Primigenia Filia Matri;* observatque nomen Primigenia Romanis proprium exstitisse. Quam superaddit, tertiam inscriptionem, ante Ecclesiam Murstetensem conspicuam, nec non duos nummos, nec raritate nec inscriptione valde notabiles, brevitatis causa prætermittimus.

LEZIONE ACADEMICA INTORNO L'ORIGINE delle Fontane &c.

i. e.

ANTONII VALLISNERII, PROFESSORIS Medici Primarii in Academia Patavina, *Lectio Academica super origine Fontium, cum Annotationibus ejusdem: Editio altera; cui accesserunt variorum Autorum Litteræ, Dissertationes, Lectiones, Observationes, quibus veritas Vallisneriani Systematis demonstratur; opera GASTONIS JOSEPHI GEORGII, Medici & Physici Florentini.*

Venetis, apud Antonium Bortoli, 1726, 4.
Alphab. 2 pl. II Tab. æn. I.

Cele-

CElebrem non modo olim agitatam fuisse, sed & hodie inter summos Physicos agitari controversiam, de *Origine Fontium*, nemo harum rerum vel mediocriter peritus ignorat. Et hoc quidem, si non inter omnes, at inter eos certe universos convenit, qui elementorum transformationem negant, maria & suppeditare aquas fontibus fluviisque, & eas rursus ab iisdem accipere. Neque illud obscurum est, quibus viis ad maria deferantur fluviorum plerorumque aquæ. Sed quo itinere vicissim aqua marina ad fontes perveniat, de eo vehementer disputatur. Alii enim sub terra, per cæcos quosdam & mirabiles meatus, alii supra terram, per ipsum aerem & nubes, atque adeo per pluvias & nives, alii denique per utramque viam, ad fontes derivare aquas illas solent. Et negari non potest, pluviarum ac nivium tantam quotannis delabi vim, ut universis fontibus & fluviis, qui oculis nostris expositi sunt, facile sufficiant; hoc enim quam plurimis diligentissimis & sæpius iteratis Gallorum, Anglorum, Germanorum, Italicorum, experientiis & computationibus abunde confirmatum est. Sed duæ potissimum difficultates restant: altera, an non fere tantundem, vel haud ita multo minus aquæ, per continuas exhalationes, ex ipsis regionibus corporibusque terrenis in aerem attollatur, quantum per nives, pluvias, grandines, rores ac pruinas delabatur? altera, an non bona pars aquæ pluvialis in loca tam humilia cadat, & tam profunde in tellurem penetret, ut puteis quidem, stagnisque & fluviis subterraneis, non vero altioribus illis fontibus, unde publica nostra flumina oriuntur, suppeditare nutrimentum, saltem immediate, queat? Posterius fortasse non difficulter concedent, qui non modo comparare valles cum montibus, sed & illud considerare voluerint, quam aptæ natæ sint valles, ad imbibendam aquam pluvialem, in iis longe facilius diutiusque stagnantem, quam in plerisque montibus, a quibus magna vi in ipsas valles continuo præcipitari solet. Prior autem quæstio sine ulla controversia affirmanda esset, si aer telluri circumfusus nullis perturbaretur ventis. Nunc licet a ventorum impetu & ipse aer & vapores in eo hærentes identidem mutare loca cogantur, non tamen tanta illa est mutatio, ut vapores terreni, qui pauciores sunt, in maria, & marini, quorum haud paullo major copia

existit, in regiones terrenas depluant: sed certum potius est, in locis inediterraneis etiamnum multo minus pluviarum ac nivium, quam in maritimis atque in ipsis maribus delabi. Omittimus nutrimentum plantarum atque animalium; a quibus quidem universis non plus humoris assumi quam reddi perpetuo, statuendum est; ita ut hic circulus in priori plane contineatur. Jam quod aqua marina nullo adhuc artificio humano, nisi ope *evaporationis* ac *distillationis* a sale ac bitumine suo sufficienter liberari possit, quodque structura montium interna ejusmodi existat, ut in iis, veluti in *alembicis chemicorum*, ex vaporibus subterraneis colligi aquam, & guttatim stillatimve confluendo, fontes, porroque rivos atque amnes constituere, parum verisimile sit; præsertim cum & ii montes scaturigines fere nullas habeant, qui continua quadam crusta lapidea obducti, fatisque cavernosi, imprimis convenire cum alembicis videntur, & ii contra copiosissimos alant fontes, quos alta tegit terra, sylvarum herbarumque ferax, in quam facili negotio penetrare pluviarum humor potest, a profundioribus denique stratis argillofis vel lapideis sistendus; hæc quidem nokumus infitiari: ceterum neque illud pro certo ponere audeamus, fieri non modo percolando, attrahendo, præcipitando, sed nec ulla prorsus alia ratione posse, ut aqua marina, subterraneas suas venas & nivium ignotas regiones permeans, dulcescat. Quemadmodum vero aqua dulcis notabiliter levior quam falsa est, ita fontes, præsertim si per ductus satis profundos continuari cum maribus ponantur, multo altius assurgere quam ipsam marium superficiem, regulis hydrostaticis apprimere consentaneum est, ut distillationes & alembici non magnopere requiri videantur. Non hæc a nobis eo consilio allata sunt, quasi sententiam, quam hodie plerisque Physicis placere intelligimus, de ortu fontium ex aqua pluvia, omnino improbandam censeremus; sed ut saltem appareat, quid difficultatis etiamnum supersit. De cetero fatendum sane est, non alibi copiosius, majorique eruditione, facundia, & diligentissimarum observationum apparatu, istam sententiam pertractatam adstructamque reperiri, quam in hoc ipso libro, quem nunc in manibus habemus. Ipse iterum iterumque ascendit arduos montes Celeberrimus *Vallisnerius*, avia & horrida
 pera-

peragravit loca, naturamque istarum regionum & ipsas fontium origines quam attentissime perscrutatus est. Exempli causa lassere-
mus, quæ de origine Gabelli (*Sacchia*) commemorat. Oritur hic
amnis ex duobus satis amplis & parum inter se disitis fontibus, in
præcelso & aspero quodam monte, quem incolæ sua lingua *Cerè
dell' Alpi* vocant. Quos postquam vidit fontes, ut eorum ipsorum
originem detegeret Vir curiosissimus, in altius enisus supercilium,
amplissimos notavit tractus, herbosos illos quidem, sed fossis,
canalibus, sulcis, cavernis, tumoribus, multis modis distinctos,
planeque scabros & tuberosos. „ Numeravi, inquit, plus quam
„ quinquaginta cavitates, magnis catinis vel crateribus simi-
„ les, quorum alii magis, alii minus erant aqua repleti, quidam
„ plane vacui: cum altius ascendissem, sylvas vidi, & cavernas,
„ & voragine, in quarum nonnullis, velut in quibusdam vivari-
„ is, ad quæ nunquam Solis radii pertingunt, glacies & antiquæ
„ nives conservabantur, a novis fere semper coopertæ ac sepultæ:
„ vidi adhuc destillantem aquam ex humectatis sylvarum terris &
„ nunquam aratis campis: vidi, rivos sulcantes durum illud dor-
„ sum, & descendentes ex altissimis horridissimisque nemori-
„ bus, in varias rimas ac speluncas præcipitatos, ibidemque ab-
„ sconditos. Superato etiam hoc inclemente & barbaro loco, no-
„ væ semper occurrerunt lacunæ, fossæ, cavernæ, aquarum ni-
„ viumque conservatrices, porroque squalidi campi, & alia loca
„ ab humano genere prorsus deserta, nec nisi aquæ, nivis, glaciei,
„ & horroris domicilia. Hi ipsi, tum quidem mecum dicebam,
„ atque nunc iterum dico, hi sunt veri fontium alembici, qui aquas
„ suas accipiunt non e mari aut terra sed e nubibus destillatas: hic
„ videant ingeniosi philosophi simplicissimam naturæ operatio-
„ nem, atque in ipsis desertis providam Divini Numinis sapienti-
„ am admirentur! „ Hæc Cl. Vallisnerius, qui complura alia de-
inceps affert cum his apprime congruentia. Neque vero de sola
externa montium facie sollicitus fuit, sed & internam eorum com-
pagem, variorumque stratorum genera, e quorum coagmenta-
tione sensim extructi videntur, quam solertissime perscrutatus est.
Et hæc quidem nunc persequi longum foret. Ceterum quæ de
profunditate disserit, ad quam penetrare pluvia sub terram solet,

deque hinc ortis montium quorundam ruinis, sicco pede præter-
eunda non putamus. Mirari, inquit, soleo, qui fiat, ut viri magni
nominis cum *Seneca* negent, aquas pluviales & nives resolutas
altius sub terram quam ad summum duos pedes penetrare, ita ut
efficere fontes perennes nullo modo possint. Ubi inclinatum est
solum, ubi densum, tenax, cretosum, aut quacumque ratione
firmius compactum, non dissentio: at ubi hærent aquæ aut tarde
flunt, aut ubi terra bibula & rarior est, nequeo illorum sententiæ
subscribere, propter observationes atque experientias, quas ipse
„contrarias vidi. „ Cum essem nuper *Cervareccis*, quod oppi-
„dum in montibus nostris *Regiensibus* situm, superioribus annis
„graviter afflictum est horrenda quadam ruina, *Salattam* alii,
„alii *Lazzam*, plerique etiam *Lavinam* dicunt, (quo nomine &
„magnas illas nivium moles, ex Alpibus identidem cum fragore
„& terrore ruentes, vocari in Helvetia constat,) causam hujus
„mali quærenti mihi ad hunc modum responsum est: ante decem
„fere annos tristem illum accidisse casum, cum montes nix tege-
„ret inusitata altitudinis; qua sensum resoluta, universam molem
„subjectam adeo penetratam ac remollitam esse, ut tam gravem
„exinde pestem oriri necesse esset: videbantur tum quidem (sic
„pium senem dicere memini) omnes hi clivi ex lubrica & tenera
„pulte conflati; quocirca subsistere amplius nullo pacto pote-
„rant: fluxum, strepitum, rorionem aquarum ad ipsa fundamen-
„ta usque insinuatorum non obscure persentiscere licebat: hinc
„integræ casæ per longum tractum devehebantur; plantæ quan-
„tumvis altæ atque annosæ, totæ sylvæ & seminati campi, stupen-
„tibus nobis & plangentibus, mutabant loca, atque ex pristinis
„confiniis in alia migrabant; ita ut universæ naturales & humanæ
„leges, raro ac fatali casu, penitus confundi viderentur. Alias
„deinde confimiles *lavinæ* memorat Cl. Autor, quarum recensione
nunc superfedemus. Nam de ceteris quoque opusculis breviter
dicendum est, quæ hoc volumine collegit nobilissimus Philosophus
& Medicus Florentinus, *Gaston Josephus Giorgi*. Igitur post
Lectionem celeberrimi *Vallisnerii*, quam recitavit in Academia
Recuperatorum Patavina, & post Annotationes ejusdem, quibus id
egit, ut observationes suas atque placita copiosius explicaret, se-
quuntur

quantur 1) Epistola Physico-Mathematica ipsius doctissimi *Giorgi*, de vera & unica origine fontium; 2) duæ Epistolæ Viri illustris *Dominici de Corradi*, ad *Dom. Gast. Jos. Giorgi*, in quibus potissimum de mensura pluviarum & nivium, *Mutina* cadentium, itemque de velocitate & capacitate *Padi* exponitur; 3) Annotationes in libellum Medici Florentini Anonymi, de fontium origine, *Lucæ* impressum, A. 1725; 4) Lectio Academica, de origine fontium, a D. *Jos. Avanzino* recitata in Academia Florentina, d. 17. Maji 1725; 5) Epistola Anonymi, in qua complures deteguntur fraudes atque errores, commissi ab autore libelli *Lucæ* impressi, qui inscribitur *Riflessioni sopra l'origine delle fontane*; 6) Confirmatio Systematis Cl. *Vallisnerii* de origine fontium, quam in epistola ad ipsum celeberrimum Autorem proposuit illustrissimus Comes *Riccardus*; 7) Brevis annotatio; 8) Excerptum ex litteris clarissimi cujusdam Professoris Florentini, in quibus judicium exponit suum de libello Medici contrerranei, qui inscriptus est, *Riflessioni &c.* 9) Aliud Excerptum ex litteris docti cujusdam *Pisani*, in quibus de eodem libello disseritur; 10) Epistola Anonymi de inscriptione ejusdem libelli; 11) Epistola P. *Sebast. Pauli* ad *Ant. Vallisnerium*, de fonte quodam in *Apulia*, quo Systema celeberrimi hujus Autoris confirmatur; 12) Conclusiones Physico-Medicæ, quas sub auspiciis illustrissimi D. ac viri clarissimi, D. *Ant. Vallisnerii*, de Nobilibus e *Vallisneria*, in *Patavino* Lyceo Publici Primarii Theoricæ Medicinæ Professoris, S. C. C. M. Caroli VI Imperatoris Medici, Academix Germanicæ curiosorum, & Regiæ Societatis Londinensis Socii, &c. exposuit ac defendit, *Senis* A. 1725, *Leo Bernardus Pagliati*, *Senensis*, Academicus Physicocriticus. Multa sine controversia in his opusculis continentur lectu & consideratu digna. De cetero cum pleraque Medico illi Anonymo Florentino, ejusque tractatui, quem inscripsit *Riflessioni sopra l'origine delle fontane*, opposita sunt, tum sane valde inclementer hic Autor ab adversariis suis habitus videtur. Salse eum rident atque acerrime accusant, quod contra viros summos atque celeberrimos scribere, exquisitissimisque experientiis speculationes, (*riflessioni*,) & observationes quasdam, quæ ipsis perexigui momenti videntur, opponere ausus est; quod secretionem sali-

um ab aqua marina cum secretionibus animalibus, itemque cum secretionem salis a vaporibus illis, qui ex mari in aerem ascendunt, comparare instituit; quod solam *possibilitatem* ejusmodi secretionis subterraneæ sufficere putat, ad tuendam saltem ab adversariis sententiam de ortu fontium ex mari per circulum inferiorem; quod canalibus illis & meatibus, quorum interventu aquam marinam ad fontes deduci credit, centum vel etiam plurium milliarium Italicorum profunditatem tribuere non dubitat; quod deinde majorem fontium quam marium altitudinem regulis hydrostaticis omnino consentaneam esse, cum celeberrimo *Bernoullio* defendit; quod post magnas & diuternas siccitates, partem satis notabilem aquæ, per ductus subterraneos ad fontes derivari solita, ab ipsa terra spongiosa, arida, sitiente, imbibi ac consumi statuit; denique quod etiam novos subducere calculos, sententiæ *Valisnerianæ* repugnantes, conatus est. Quæ quidem omnia, & reliqua his similia, san reprobenfionem mereantur adeo vehementem atque acerbam, eorum judicio relinquimus, qui & rem intelligunt, & librum ipsum in jus vocatum, nec nobis adhuc visum, conspexerunt. Nunc tribus, quod ajunt, verbis novam aliquam hypothefin subungere lubet. Vapores e terra ascendunt atque in nubes, pluvias, nives, coeunt; hæ rursus in terram delabuntur: similiter fontes & fluvii aquas in maria mittunt suas; atque hæ vicissim fontibus nutrimentum suppeditant. Quid si duplicem hunc circulum ita connectamus, ut aquas marium (quorum sane fundus non plane lapideus & impenetrabilis statuendus est) profunde omnino ac longe lateque in viscera telluris insinuari, inde a calore subterraneo attolli, & non quidem in cavernis montium, velut in alembicis, copiosa quadam distillatione colligi, sed maximam partem ex ipsa terra, sub forma exhalationum, in aerem foras emitti, tum vero in pluvias, nives, rores ac pruinas condensatas, atque a vaporibus marinis, ad regiones mediterraneas (præsertim frigidiores & montosas) non contemnenda copia translatis, auctas, in tellurem relabi, atque ita postremo fontibus fluviiisque non solum incrementum, sed & ipsam fere originem præbere, censeamus? Ceterum ut novas, singulares, ac proprias experientias hautquaquam nobis suppetere satendum est, ita

ita hæc nostra speculatio atque hypothesiſ, non iis, qui iſtiusmodi ſpeculationes pro peccatis habent, ſed paullo mitioribus judici-
bus expoſita putetur.

NUOVE OSSERVAZIONI ET ESPERIENZE
intorno alla Storia Medica e Naturale.

i. e.

NOVÆ OBSERVATIONES ET EXPERI-
menta circa *Hiſtoriam Medicam & Naturalem*, Autore
ANTONIO VALLISNERIO, *Medicinæ Theo-
reticæ Profeſſore Publico Primario & Me-
dico Camerae S. M. C. C.*

Patavii, apud Johannem Manfredum, 1726, 4.

Alph. 3 pl. 3, cum fig. æn. Tab. 25.

TRes ſunt partes huius libri, ex Valliſnerii non minus ac alio-
rum Virorum Clariffimorum literis ſcriptisque conſarcinati,
& Hiſtoriam Medicam & Phyſicam promovendam pro ſcopo ha-
bentis, quarum prior Tractatibus XIII circumſcribitur. Anni
ſcilicet ſedecim præterlapſi ſunt, cum Clariff. Valliſnerius Experi-
menta circa generationem vermium in corpore humano publici
juris faceret, quibus probare annifus eſt, inſectorum ova non ab
extra cum aere, fructibus, alimentis & potulentis in corpus no-
ſtrum ingeri, ibidemque excludi, & in lumbricos mutari; ſed
progenerari a genitoribus ſibi ſimilibus, in primis viis nidulanti-
bus. Quemadmodum autem iſto in Tractatu de *Tenia* poſſiſ-
ſimum locutus eſt, quoad cætera, lumbricos teretes concen-
nentia, curioſum Lectorem ad Obſervationes a Redi concinnatas
remittens, ita, ex quo clarius & evidentius ova, ovaria, ovidu-
ctus & vaſa ſpermatICA lumbricorum, a Redi nec viſa nec deſcripta,
detegere ipſi licuit, non ſolum in ſententia ſua confirmatus fuit,
ſed & operæ pretium eſſe iudicavit, recens inventa publico com-
municare, & quæ tam in lumbricis vaccinis quam humanis vidit,
expl. care. In *Tractatu* igitur I ſtructuram partium genitalium
generis huius hermaproditici exponit, quam benevolus Lector
ex appoſita figura optime cognoviſcet.

Ex-

TAB. IV.
Fig. 3.

Explicatio Fig. 3 in Tabula IV,

quæ repræsentat lumbricum vaccæ apertum, ex cujus ventre ductus alimentarii sunt exempti, relictis solis organis generationi dicatis.

a. colli abscissi truncus apertus.

b. finis oviductus, cujus orificium per foramen externum hiat.

c. oviductus tractus lymphæ diaphana plenus.

d. pars superior oviductus ovis turgida, membrana instar valvulæ cincta.

e. ovarium bifurcatum seu ovaria bina.

f. f. ovaria divaricata & vasis spermaticis testæ, ex parte ad latus reclinatis.

g. g. principium ovariorum, ubi propius ad se invicem accedunt.

h. h. duæ vesicæ ovales, materia albicante repletæ, a vasibus spermaticis formatæ, quæ hic loci dilatata mox iterum exiliora evadunt.

i. i. i. i. vasa spermatica ex vesicis his orta & post varios gyros in l. l. vesicis minores abeuntia.

m. m. m. m. vasa spermatica circumgyrata & anfractuosa.

n. n. portio canalis alimentarii in anum desinens.

o. finis vermis aperti.

p. p. vasa spermatica ab ovariiis ad latus reclinata.

In *Tractatu II* Epistola legitur Ubertini Landi ad Autorem data, in qua refertur, sacerdotem quendam post immanes dolores nephriticos cum urina reddidisse polypum, viperæ formam repræsentantem. In *III* communicatur Epistola Philippi Torrii, Episcopi Hadriensis, in qua Autoris sententia de generatione vermium humanorum ordinariorum confirmatur, adjectis quibusdam dubiis, ad quæ Noster in *IV* respondet. In *V* gaudet Vallisnerius in Epistola ad Marcum Antonium Bufenellum, Secretarium, data, in Gallia Academiæ Regiæ Scientiarum Socios secum in eo convenire, quod tænias & reliquos vermes ordinariorum in corpore humano esse hæreditarios crediderint, variaque allegat loca, quibus eosdem aliis etiam in rebus naturalibus idem, quod ipse antea divulgaverat, sentire patet. In *VI* exhibetur Epistola Thomæ

Thomæ Alghisi, in qua refert, hominem nephriticum post per-
 plessam vellicationem & titillationem in lumbis cum urina reddi-
 disse quatuor vermiculos veros, figura & magnitudine grani fru-
 mentacei, dubius tamen hæret, per quas vias iidem illuc translati
 fuerint; modum etiam novum describit præparandi liquores in
 vasa animalium injiciendos; dum alabastrum vel aluminis plumosum
 bene calcinati, & alcoholisati libræ uni admiscet unciam unam
 cinnabaris, laccæ Venetæ, auripigmenti, indigo, &c. & aqua
 diluit, pro nigro vero colore obtinendo libræ uni pulveris octo
 scrupulos fuliginis addit: denique monet, se sollicitum in corri-
 gendis deligationibus chirurgicis Ægyptiorum fasciationem, qua
 tumias suas obvolvere fuerunt soliti, imitatum esse. Ad quam
 Notas addit Vallisnerius in *VII*, variisque probat exemplis, vermes
 ordinarios ex intestino colo exulcerato in vesicam exulceratam vi-
 am sibi parasse, nec tamen negat, dari etiam vermes extraordi-
 narios in homine, de quibus in peculiari tractatu se acturum pol-
 licetur. In *VIII* Epistola Nani Nani Falaguastæ, Nobilis Patavi-
 ni, legitur, in qua evidenter demonstrat nobilitatem & utilita-
 tem studii insectorum, quò ducimur ad cognoscendam partem
 fere ignotam & flocci habitam ex operibus Dei, quæ tamen sem-
 per sunt miraculosa, & ad agnoscendam in minimis hisce viven-
 tibus summam ejusdem sapientiam & providentiam, æque admi-
 randam in minoribus ac majoribus creaturis, & ad acquirenda
 media certa illustrandi Medicinam & Historiam Naturalem. In *IX*
 approbat D. Antonius Maria Borromæus Autoris novum syste-
 ma circa generationem & productionem vermium ordinariorum
 in hominibus, solummodo dubitans, quomodo lumbrici in cor-
 poribus Protoplastorum in statu innocentiz generari potuerint?
 ad quod dubium respondet Vallisnerius in *X*, se credere, Adamo
 concreatos esse vermes, ut vergerent in statu innocentiz non in
 ipsius damnum, sed gloriam & perfectionem, post lapsum vero
 in ejus cruciatus. Sequitur in *XI* Epistola D. Johannis Bassi, in qua
 demonstrat, rationes speculativas Aristotelicorum circa genera-
 tionem æquivocam esse vanas. In *XII* inserta est D. Johannis Ja-
 cobi Mangeti Epistola ad Autorem, ejusque responsio. Refert
 scilicet ille, natum fuisse foetum nonimestrem, in quo præter
 Rrr mem-

membranosam quandam expansionem nervorum opticorum super os cuneiforme exprorectam ne minimam quidem cerebri aut cerebelli portionem adfuisse, imo integrum cranium defuisse, eorum vero loco massam carneam firmiorem, coloris subrubro-lividiusculi, in varias cellulas sanguine aut lymphâ repletas excavatam, conspectam fuisse; unde putat, motus vividos, quos ad partus terminum in utero exercuerat embryo, medullæ spinali esse adscribendos, quæ justo amplior & ad ossis usque sacri limina bifida fuerat. Cui tamen sententiæ Noster non subscribit, sed existimat, loco cerebri & cerebelli organum his analogum, arteriis, venis fibrisque carneis obvolutum adfuisse, sub quo tanquam velo mysteria functionum potuissent exerceri. Quæ conjectura confirmatur in *XIII* a Johanne Jacobo Scheuchzero, qui casum hydrocephali in infante unius cum dimidio anni recenset, in quo cerebrum ad menbranæ tenuitatem fere extensum capacitati internæ cranii, & sinus falciformis cranio firmiter affixus erat, & aquarum moles ad octo circiter librarum Medicarum mensuram in ipsis cerebri ventriculis delituerat.

In secunda Parte hujus libri pergit clariss. Vallisnerius eodem incedere tramite & octo communicat Tractatus, in quorum *I & II* muscas & reliqua insecta, quæ circa rosæta versari solent, examinat, eorumque naturam, cibum, folliculos, exuvias, structuram evolvit, docetque, quomodo & quo ova deponant, & qua ratione denique in muscas genitoribus suis similes iterum abeant; in *III* novam addit ideam in suas species dividendi insecta. In *IV* genesin pulicis ex ovo & semen algæ marinæ describit, quo generationem æquivocam destruat. In *V* examinat ortum, vitam, mutationem & naturam vermis, qui in naribus, vel cavitate frontis ovium, vervecum, caprarum, damorum, cervorum, aliorumque animalium reperiuntur. In *VI* in æstri, Asilus vel Tabanus alias dicti, naturam inquirat, atque evincit, esse illud raram speciem muscæ, in ventris fundo acutissimo aculeo armatæ, quo perforat cutem armentorum, ut in factum foramen immittat ovulum una cum succo acerrimo, nervos fortiter pungente & vellicante. In *VII* Anatomen exhibet struthionis, putatque, eum vitrum, ferrum & alia metalla in ventricula digerere, non tam hujus

hujus robore, & motu, quam menstrui stomachalis activitate, non quidem ut in nutrimentum ei cedant, sed partim ut obtundant corrosivitatē menstrui, partim ut e. g. ex ferro tinctura extrahatur roborandis visceribus necessaria. Dextrum cordis ventriculū levem esse ait, nullisque columnis carneis præditum, quia struthio pulmones gerit non pendulos sed planos & horizontaliter super costas positos, musculisque instructos, ita ut hi ipsi receptum sanguinem versus sinistrum cordis ventriculū propellere, sicque vices validorum lacertorum, qui alias in dextro ventriculo reperiuntur, supplere queant. In *VIII* observationes leguntur circa ortum, victum, naturam & mutationes cantharidum, a Laurentio Patarolo factæ.

Tertia Pars tanquam Appendix continet novendecim Tractatus, quorum *I* & *II* constituunt variz literæ de morbo pediculari cum annotatione. Sequuntur in *III* Relatio Vallisnerii de rebus rarioribus, observationibus & experimentis Historiam Medicam & Naturalem concernentibus, anno 1726 Mediolani annotatis, in *IV* & *V* observationes ejusdem circa insecta; in *VI* & *VII* Epistola Victorii Francisci Stancari de variis rebus Medicis & Physicis, scilicet de semine Gebel-Indi, de ovario anguillarum, de chamæleonte, ejusque oculis, de transpiratione pauca vel nulla ovorum emplastratorum, & de fontibus ac puteis in jugis montium cum Annotatione; in *VIII* Notitia simplicium quorundam a Spoleto, Professore Patavino, Constantinopoli allatorum, & quomodo arsenicum præparatum ibidem in usum Medicum cedat; in *IX* Epistola Stancari de experimentis in machina pneumatica cum ovo gallinaceo factis. In *X* nova inventa de origine animalculorum sub brassicæ foliis nidulantium, & de multis insectis alia insecta infestantibus; in *XI* Epistola Torrii, Hadriensis Episcopi, de Clerico binos digitos minimos in una manu, & fœmina, genam cute & pilis porcinis obductam habente; in *XII* mentio fit brachii monstruosæ magnitudinis, quod incisum in parte decliviori, effuso primum sanguine, hinc sero multo, ad debitam rediit figuram. In *XIII*, *XIV*, *XV*, *XVI*, *XVII*, de litibus circa insecta pestilentialia inter Carolum Richam & Bartholomæum Curtium compositis agitur; in *XVIII* & *XIX* denique Franciscus Josephus

Burrhus inquit in vini degenerationem in acetum, & num hoc calidum an frigidum sit?

A TREATISE OF THE URINARY

Passages.

i. e.

TRACTATUS DE VIIS URINARIIS, AU-
tore *GUILIELMO RUTTY, M. D. Societa-
tis Regiæ Collegæ & Anatomiae in Theatro
Chirurgico Lectore.*

Londini, apud Thomam Worrall, 1726, 4.

Plag. 8½ cum fig. & near. Tab. 4.

IN Tractatu hoc, in tres Sectiones diviso, Autor Clariss. vias uri-
narias describit, earum usum explicat & in calculum, tanquam
illarum affectum frequentissimum, inquit. In I igitur Sectio-
ne, quæ Anatomica est, singulas evolvit partes, urinæ secretioni
& excretioni dicatas, renes puta, ureteres, & vesicam urinariam,
quibus renes succenturiatos addit; Circa quas quid veteres recen-
tioresve statuerint, & invenerint, fideliter tradit, suamque addit
epicrisin. Pauca ex his cum L. B. communicabimus. Malpighius
vesicularia observavit corpuscula in renibus, arteriarum finibus
annexa, & inter hos atque tubulos urinarios, ad quos ductus suos
excretorios transmittant, posita; hæcque corpuscula pro distin-
ctis glandulis atque immediato organo secretorio urinæ habet.
Knyfchius vero huic contradicit, arterias immediate in ductus
urinarios absque interventu ejusmodi vesicularis substantiæ desi-
nere, asserens. Atque huic sententiæ Noster adhærens existimat,
vesiculas has membranaceas, si quæ adsint, pro organo secretorio
urinæ venditari haud posse, siquidem tales folliculi in aliis par-
tibus, in quibus inveniuntur, non munus exequantur glandula-
rum, sed harum appendices sint, seu receptacula, quæ humo-
rem in aliis glandulis jamdum secretum asservent, donec hic per
ductus excretorios ejici queat; quales sunt vesiculæ seminales,
folliculus fellis, &c. Hinc statuit, eam esse glandularum ratione
com-

compositionis differentiam, quod glandulæ humorem secernentes, qui per intervalla excerni debet, talibus membranaceis folliculis gaudeant, ut glandulæ mammariz, ventriculi, intestinorum, &c. e contrario illæ, quæ liquorem secernunt, qui continuo iterum excerni debet, hisce receptaculis nec præditæ sint, nec indigeant, ut cerebrum, testiculi, quædam conglomeratæ, & renes. Hacque distinctione dirimi posse ex parte putat controversiam, quæ intercedit inter Ruyschium & Bærrhaavium, (de qua in Actis Anno 1723 Mense Martio pag. 103 egimus) circa hos folliculos, utrisque veritatem assecutis, quando suum dogma ad particulares glandulas restringunt, errantibus vero, si ad totum glandularum genus extendant. Ureteres diversæ esse diametri dicit, modo contractos, modo dilatatos, non solum ubi arterias iliacas transcendunt, ut vulgo creditur, sed per totam sui longitudinem; cujus contractionis & dilatationis causam, judicat esse non minus pulsationem arteriarum iliacarum, juxta Cowperum, quam conformationem naturalem, ut Morgagnius asserit. Ureterum membranas nunquam in triplici differentia esse, observare potuit, ita ut externa membranacea, media muscularis, & interna nervea dicenda veniat; verum totus ductus ipsi videtur esse nerveus & crassus, ita tamen, ut interior ejus superficies mucosam quodam ex exilibus glandulis exsillante pro avertenda urinæ salis noxa obliniatur. Singuli renes juxta naturæ institutum unico gaudent uretere, contingit tamen quandoque, ut bini in alterutro conspiciantur; rarum vero est, quod observavit Autor, quod utrique renes duabus præditi pelvibus, binos nacti sint ureteres, quorum alter supra, alter infra vasa emulgentia seorsim decurrentes, in unum denique ductum prope ingressum in externam vesicæ tunicam coaluerunt. Media tunica vesicæ urinariæ ab Anatomicis inter musculos refertur, sub nomine Detrusoris urinæ; cui tamen officio obeundo Autori nostro non videtur par; siquidem fibræ ipsius longitudinales inferiori vesicæ officio implanta- Fig. 3 & 6. tæ sub sua actione cervicem potius versus superiora, quam fundum versus inferiora ducerent. Rectius longitudinalibus fibris fundum vesicæ versus anteriora & inferiora ad os pubis protrudentibus, obliquis vero suas dimensiones imminuentibus urina

T A IV.

Fig. 4.

Rrr 3

exclu-

excluditur. Porro confirmat Clariss. Autor Bohnii & Stalpartii van der Wiel sententiam, asserentium, maximam fundi vesicæ partem in subjectis humanis circa anteriora adhærere vel continuam esse peritonæo: viditque interiorem superficiem urethræ variis perforari orificiis ductuum, liquorem fundentium a glandulis secretum, & defendendæ ab urinæ acrimonia urethræ destinatum. A renibus succenturiatis ductus excretorios in viris ad testiculos, in mulieribus ad ovaria descendere perhibuit Valsalva; verum ex Autoris nostri sententia duas arterias spermaticas a Ramby recens detectas pro ductibus his habuisse videtur. Existimat potius Clar. Ruty cum Morgagnio, cum renes succenturiati sint glandulæ lymphaticæ, eos suppeditare lympham ad ductus chylicos parulos servandos.

Sed pergitur ad Sectionem II, quæ Physiologica est, usum organorum urinariorum explicans. Quemadmodum autem in confesso penes omnes est, urinæ producendæ gratia formatos esse renes, ita taxat Autor Clariss. Bellinum & Bœrhaavium, quorum ille intermedia fingit spatia, ad quæ sanguis deponatur, antequam lotium a tubulis urinariis excipiat, & cruor per venas reducat, hic vero urinam duplici modo elaborari, partim per immediatam percolationem per ductus Bellinianos, partim mediantibus glandulis asserit, cum tamen neque spatia illa intermedia neque glandulæ in renibus inveniantur. Ipse vero Autor totum negotium mechanice explicat, quatenus aqueo salinæ particulæ sanguinis a ductibus Bellinianis, tanquam vero organo secretorio, resorbeantur, ad pupillas deferantur, & in pelvi colligantur, per ureteres ad vesicam promovendæ. Negat interim, descensum hunc peristaltico ureterum motui adscribendum esse, cum propria lotium gravitate in hominibus delabatur. Quam vero vltm vesicæ in ejicienda urina tribuunt Keillius & Michelottus, tanquam falsam refutat. Demonstrat porro, urinam omnium coctionum excrementa continere, potulenta per viam regiam suum emetiri iter, absque eo, ut extraordinariæ singantur viæ, urinam respondere potus assumti quantitati; & præter terreo-salinas etiam alias particulas cum urina excerni; hanc vero habet pro substantia aqueo-salino-terreas particulas in se continente, pro

pro quarum diversa proportione color, acrimonia, & consistētia mutetur.

In Sectione III, tanquam Pathologico-Therapentica, calculi cœu primarii organorum urinariorum affectus, genesin sub examen vocat; In renibus quidem ejus causam materialem in naturali compositione urinæ quærit. Cum enim calculus nihil aliud quam sal volatile & fixum, urina vero hoc copiose referta sit, tale corpus concrefcere putat, si salinæ & quædam terrestres particulæ a fluidis separentur, & usque adeo sibi cohæreant, ut ab affluente urina discontinuari nequeant. Contingere autem hoc existimat, quando salia vel in nimia quantitate adsunt, vel a viscido, cum quo facile unionem ineunt, impediuntur, quo minus superare exiles illos ductus, qui papillas constituunt, queant, vel ob arctitudinem horum tubulorum præternaturalem ab accessu arcētur. In qua sententia eo magis confirmatur, quo certius est, quod homines, qui liquoribus spirituosis abutuntur, vel qui debili gaudent stomacho, aut viscidos assumunt cibos, vel qui vitam sedentariam agunt, præ aliis ad hunc morbum sint dispositi. Per hæreditatem tamen etiam calculi fomitem communicari posse, confitetur. Missis eis, quæ Autor circa diagnostica & prognostica signa assert, indicationes sequentes format: 1) transitus calculi per ureteres diureticis promoveatur, 2) viz a duritie & asperitate ejus præmuniatur, & 3) Symptomata mitigentur. Vesicæ calculum quod attinet, natales ejus repetit vel a calculo renali, qui ad vesicam protrusus novis semper lamellis obducitur, vel a mora, quam urina viscida & particulis salino terrestribus onusta in vesicæ cavitate agit, antequam excernatur; hæ enim particulæ tum propius sibi accedunt, & in ejusmodi durum corpus coagulantur. Quemadmodum igitur talis, quamdiu exilis existit, eadem methodo exturbandus venit ac renalis, ita majorem non nisi manu chirurgica extrahendum esse, docet.

Explicatio Figurarum in Tabula IV.

Fig. 4 repræsentat vias urinarias, in quibus singuli renes duas pelves, binosque ureteres obtinent.

A. Ren sinister.

a. arteria emulgens, antequam renem ingreditur.

b. vena

- b. vena emulgens.
- c. ortus ureteris superioris.
- d. ortus ureteris inferioris.
- B. Ren dexter juxta longitudinem divisus, ut structura ejus interna conspiciatur.
- e. pelvis superior.
- f. pelvis inferior.
- g. substantia renis utramque pelvim distinguens.
- h. ortus ureteris superioris.
- i. ortus ureteris inferioris.
- k k. descensus quatuor ureterum versus vesicam.
- C. Vesica urinaria aperta.
- l. l. unio binorum ureterum.
- m. insertio ureterum obliqua in dextro latere.
- n. insertio ureterum obliqua in sinistro latere.
- Fig. 5 exhibet partem anteriorem vesicæ urinariæ externa tunica exutæ.
- a. ortus fibrarum musculosarum longitudinalium ab inferiore & inferiore parte ossium pubis & anteriore parte prostaticarum.
- bb. progressus earundem fibrarum super anteriorem partem vesicæ.
- c. c. fibræ obliquæ tunicæ muscularis se invicem interfecantes.
- d. urachus.
- ee. portio ureterum.
- ff. prostata.
- Fig. 6 sistit posteriorem partem vesicæ.
- aa. fibrarum longitudinalium decursus.
- b. earundem insertio in partem posteriorem prostaticarum.
- cc. fibræ obliquæ tunicæ muscularis.
- dd. portio ureterum.
- ee. vesicæ feminales reclinatæ.

EPITOME ELEMENTORUM PHYSICO-MATHEMATICORUM, conscripta in usus Academicos a PETRO VAN MUSCHENBROEK, Phil. & Matheseos Professore in Academia Trajectino-Batava.

Lugdun-

Lugduni Batavorum, apud Samuelem Lugtmans, 1726, 8.

Alph. i plag. 14

VIr summus, *Isaacus Newtonus*, omnes ex Physica hypothesas exulare jubet, & *Archimedis*, *Galilei* aliorumque exemplum secutus, in Principiis Philosophiæ atque Optica docuit, quomodo certa Physica comparari possit, si nihil assumatur, quod non experimentis vel demonstrationibus mathematicis sit evictum. Hunc ducem Noster secutus in Physicis, Auditores suos non docet, nisi quæ firmis istis fundamentis superstructa. Abstinet autem ab iis, quæ, cum nonnisi per subtiles Analyseos aut Geometriæ profundioris demonstrationes pateant, tyronum captui parum respondent. Laudat Academix Trajectinæ Curatores, quod nuperrime magnis sumptibus novum amplissimumque Theatrum Phylicum exstruxerint, omnisque generis instrumentis, ne quidem pretiosissimis exceptis, ornent. Ut vero Auditores suos ad notitiam Autorum perducatur, qui veram philosophandi viam ingressi cum fructu consulantur, eos laudat, ex quorum scriptis semet ipsum profecisse fatetur. Eminent inter eos præter *Newtonum*, *Hugenius*, *Wallisius*, *Gregorius*, *Leibnitius*, *Wolffius*, *Wbissonus*, *Mariottus*, *Haukebejus*, *Desaguillierius*, *Derhamus*, *Archimedes*, *Galileus*, *Torricellius* aliique: inprimis vero Viris Celeberrimis, *Barhavius* atque *Gravesandio*, se plurimum debere profitetur, & Transactiones Anglicanas, Historiamque Academix Regiæ Scientiarum Parisinæ atque *Wolffii* cum elementa Matheseos, tum Philosophiam experimentalem sæpius citat, *Wolffium*que primum Aerometria Mathesin mixtam egregie amplificasse, ait. Dividit opusculum in duas partes, quarum priori de origine & progressu Physicæ, principiis corporum universalibus, loco, duratione & tempore, motu, potentiis prementibus, legibus naturæ *Newtonianis*, gravitate, corporibus descenditibus supra planum inclinatum, pendulis, machinis mechanicis, attritu machinarum, viribus corporum motorum, corpore duro, molli, flexili, elastico, percussione, motu obliquo, motu gravium projectorum, viribus centralibus, attractionibus corporum ad se invicem, cohesione ejusque legibus; posteriori autem de fluido in genere, actione fluidi ex gravitate, undis, fluido per foramen vasis fluente, fluidi pro-

filientibus, fluminibus, motu fluidorum mixto, percussione fluidorum, densitatibus & gravitatibus specificis fluidorum & solidorum inter se comparatis, resistentia fluidorum adversus solida per hanc mota & solidorum retardatione, aqua, igne, proprietatibus lucis, coloribus, oculo, lucis transitu per oculi humores, visione, catoptrica, dioptrica, aere, sono, meteoris agit. Apparet itaque, Cl. Autorem circa ea occupari, in quibus Mathematici ac Experimentatores industriam suam ingeniique acumen exercere. Etsi autem is veneretur merita illustris *Newtoni* in scientiis Physico-mathematicis, hoc tamen non obstante *Leibnitianam* viri-um mensuram assumpsit, & sententiae communi, quam tuetur *Newtonus*, tuentur cum eo viri in Gallia & Britannia doctissimi, valedixit, utut eandem & ipse docuerat. Novam doctrinam non assumpsit, nisi postquam experimenta *Poleni* atque *Gravesandi* omnia ipse instituerat, demonstrationes maxima cum sollicitudine examinaverat, & Gallorum atque Anglorum argumenta pro contraria sententia simul perpenderat. Experimenta enim ista tam manifesto evincere viri-um mensuram *Leibnitianam*, ut illis subscribere teneamur, nisi apertissimis contradicere studeamus: difficultatem, quam facessunt Galli atque Britanni, illico evanescere, simul ac pressiones a viribus corporum vivis probe distinguantur. Ceterum cum in usum Auditorii conscripserit Cl. Autor libellum, theoremata absque demonstrationibus proponit. Demonstrationes viva voce Auditoribus tradit: nihil vero demonstrat, quod non etiam ope experimenti ad oculum exhibeat confirmetque.

CLAVIS ASTRONOMIÆ, SIVE ASTRONOMIÆ pars physica; Autore PETRO HORREBONIO, Philosophiæ & Medicinæ Doctore, atque in Universitate Regia Havnienſi Astronomiæ Professore.

Havniz, sumtibus Autoris, 1725, 4.

Plag. 16 Tab. zn. 1.

PAlmarium hujus Tractatus argumentum est ratio indagandi parallaxin Solis, qua data omnium planetarum primariorum pa-

parallaxes facile cognoscuntur. Quoniam itaque parallaxeos notitia maximi in re astronomica usus; ideo doctissimus Autor Clavis Astronomiæ nomen eidem imposuit. Pendet methodus ab hypothese physica, quam ideo Noster præmittit. Tantam methodi exactitudinem prædicat, ut parallaxin Solis tot seculis totque modis quæsitam intra semissis secundi minuti errorem certo innoscere confidat. Hypothesis Cl. Autoris physica huc redit. Deum in principio produxisse materiam lumine destitutam, ad vitri materiam fere accedentem, oninisque motus expertem, quam ideo *elementum umbra & elementum passivum* vocat. Mox creasse materiam lucidam & perenni virtute ac motu præditam, quam *elementum lucis & activum* atque *materiam actuosam* appellat. Elementum activum motu continuo ad motum incitare passivum, atque hinc prodire rerum materialium phænomena. Hæc manifesta Cl. Autor esse arbitratur ex historiæ creationis *Mosæica* primis verbis. Materiam vero passivam proxime ad vitrum accedere existimat, quod, fatentibus Chymicis & testantibus experimentis speculorum causticorum *Ty. birnhusianis*, omnia fere corpora in vitrum reduci possint. Materiam actuosam passivæ immixtam ejus partes adeo agitalle, ut singulæ divellerentur ac liquecerent, & ista rursus recedente in minutissimos globulos vitreos & perfecte elasticos, atque intus cavos, sed inæqualis molis ac densitatis concrescerent, ætherem magnamque aeris partem constituentes. Alios pro ratione magnitudinis sortitos esse cavitates majores & crustas tenuiores facileque complicabiles, qui sint vapores magnam aeris partem absolventes, compressi autem & materia actuosa orbat in aquam abeant. Denique aeri esse particulas proprias striatas ac spirales & salinis quoque particulis imprægnari. Ex materia luminosa in cumulos collecta prodiisse corpora lucida, quæ circa axem motu virginis agitata materiam inertem circa ea fluidam in gyrum rapiant: unde vortices oriantur, quorum motus in vicinia corporis lucidi velocior, in remotiori distantia tardior. Massulas terrestres cum æqueis sacculis, striis aeris & spiculis salinis ad motum vorticum majorum ineptas in minores injectas & a materia actuosa in majores massas coactas fuisse, quæ in crustas vitreas parvorum materiæ actuosæ cumulorum a materia actuosa pro-

stratæ planetas efformarint. Hac hypothefi tradita, Cl. Autor ex *Newtoni* atque *Hugenii* inventis determinare docet longitudinem penduli unum minutum secundum in diverfis limitibus circulantis & Tabulam ad singulos latitudinum gradus computatam exhibet, in qua longitudo sub æquatore est pedum 3 linearum 6. 823; sub polo pedum 3 linearum 9. 881. Commendat cum *Hugenio* promenfura univerfali pedem horarium, quæ est tertia pars penduli unius fecundi. Et quoniam Cel. *Wolfius*, quem ob merita fua *Archimedes Germaniæ*, plaudentibus iis, qui pretiis fuis momenta ponderant, falutari ait, monet, menfuram hanc fore perpetuam, nifi forte iisdem in locis intra amplum temporis intervallum, veluti aliquot feculorum decurfum, mutetur gravitas; igitur rogat Societatis Regiæ Parifienfis membra, ut modulum pedis Parifienfis eundem diligenter fervent, ad cujus fidem hanc quæftionem exigat deinceps fera pofteritas. Refert, *Ramerum* pendulum non intra femicycloides, fed ex tenui lamella orichalcica in obfervatoriis fuis fufpendiffe, eodem prorfus cum fuccelfu, quem *Hugenius* expertus. Figuram Telluris *Newtonianam* probat &, cum in eadem nucleum igneum concipiat, craffitiem cruftæ terræ fub polis ad eandem fub æquatore determinat ut 288 ad 289. Motum vorticis magni circa Solem eum effe ftatuit, ut tempora periodica partium fluidi fint reciproce ut quadrata diftantiarum a centro; contra materiæ actuofæ hunc effe motum, ut tempora periodica partium fint ut ipfarum diftantiarum ab axe fphæræ. Quamvis vero vortices ex globulis æthereis compingat, fpatia tamen inter eos relictæ materia actuofa repleri, quæ fecundum ipforum vorticum directionem moveatur. A duplici hoc duplicis materiæ in vortice folari motu deducit, quod planetarum velocitates fint reciproce in diftantiarum ratione fubduplicata. Materiam actuofam, quæ celere in fuperficie Solis, Jovis, Telluris &c. revolutionem abfolvit, vocat brevitatæ gratia *Hermetem Solarem, Jovialem, terreftrem* &c. Determinaturus Hermetis solaris revolutionem, fumit femidiametrum Solis apparentem ex *Rameri* atque fuis obfervationibus in diftantia media 16 8': unde femidiameter Solis vera 469. 29 iftiusmodi partium refultat, qualium media Telluris a Sole diftantia effe 100000. Quodfi ergo femidiameter Solis

Solis ponatur 1, reperietur media Telluris a Sole distantia 213. 086 semidiametrorum solarium. Triplo hujus logarithmo a revolutionis annuæ Telluris, quam cum *Keplero* 525 945 facit, logarithmo duplo subtracto, ex semisse ejus, qui relinquitur, revolutionem *Hermetis solaris* circa æquatorem Solis colligit 169. 09 minutorum primorum, sive 2 h. 45'. Hermetem solare constituit Uranometram & a duplo Logarithmo revolutionis planetæ subtrahit duplum logarithmum *Hermetis solaris*, residui enim triens est logarithmus distantie planetæ a Sole in semidiametris solaribus. Hac ratione reperit distantiam mediam Mercurii a Sole 82. 487, Veneris 154. 133, Telluris 213. 086, Martis 324. 671, Jovis 1107. 982, Saturni 2030. 933 semidiametrorum solarium. Deducit hinc porro semidiametrum apparentem Solis pro distantia media in Mercurio 41. 41, in Venere 22. 18, in Tellure 16. 8, in Marte 16. 35, in Jove 3. 6, in Saturno 1. 41½. Ex distantia Satellitis intimi Jovialis ab ipso Jovis centro 5. 667 semidiametrorum Jovialium & revolutione ejusdem 2547. 57 minutorum primorum eruit, ut ante, *Hermetis Jovialis* unam revolutionem in æquatore Jovis 188. 84 minutorum primorum, id est, 3 h. 8 50, atque hinc porro posita diametro Jovis 1, distantiam Jovialis penintimi a centro sui primarii 9. 017, penextimi 14. 385, extimi 25. 301 semidiametrorum Jovis. Hisce præmissis opus tandem arduum aggreditur determinandi accuratius parallaxin Solis, quam hæcenus ab aliis fieri potuit. Cum 1) juxta *Hugentium* in Horologio oscillatorio grave perpendiculariter e quiete demissum tempore unius minuti secundi in vacuo percurrat 180. 99 uncias pedis Parisiensis, secundum *Hermannum* in Exercit. Francof. Tom. I sect. 1 p. 125 idem in aere emetiatur 177. 13 uncias ejusdem pedis, sint autem spatia descensus perpendicularis gravium intra minutum secundum temporis ad se invicem ut perpendicularia, quorum oscillationes minutis secundis respondent, & ex observationibus *Riccioli* in *Almagesto* relatis longitudo penduli in aere sit Parmæ, ubi altitudo poli 44°. 44'. 50, 440. 337 linearum Parisiensium; primo longitudinem penduli simplicis in vacuo ibidem reperit 449. 944 lin. Paris. Argumentatur nimirum, ut spatium gravis perpendiculariter cadentis in aere 177. 13 ad idem in vacuo 180. 99, ita longitudo penduli simplicis minutum

secundum in aere metientis 440. 337 ad ejusdem longitudinem in vacuo 449. 944. Hinc porro 2) eruit semissem revolutionis Hermetis terrestris, vel tempus oscillationis penduli simplicis in vacuo, cujus longitudo semidiametrum telluris adæquat, inferendo: ut longitudo penduli unius scrupuli secundi 449. 944 lin. ad semidiametrum Telluris 19 69 55 39 X 14 4 lin. ita quadratum unius scrupuli secundi ad quadratum semilis revolutionis Hermetis terrestris, quæ adeo 2511 min. sec. sive 41. 85 primorum. Quoniam 3) jam semidiameter Telluris est ad semidiametrum Jovis in ratione duplicata semissis revolutionis Hermetis terrestris ad semissem revolutionis Hermetis Jovialis, posita semidiametro Telluris & supposita ex calculo superiori revolutione Hermetis Jovialis 188. 84, reperit semidiametrum Jovis 5. 0902 semidiametrorum terrestrium. Cum 4) distantia satellitis extimi a centro Jovis sit 25. 301 semidiametrorum Jovialium, eadem nunc porro invenitur 128. 785 semidiametrorum terrestrium. Quia 5) elongatio maxima heliocentrica satellitis extimi Jovis ab ejus centro in mediocri Jovis ejusdem a Sole distantia a Cel. *Hallejo* observata fuit 8 scrup. prim. 21½ sec. junctis centris Solis, Jovis & Satellitis lineis rectis in triangulo ad Satellitem rectangulo præter latus inter ejus & Jovis centrum interceptum datur angulus ad centrum Solis 8. 21½ ac inde invenitur distantia mediocris Jovis a Sole 52971. 3 semid. terrest. 6. Per anteriora distantia mediocris Solis a Jove est 1107. 982 semid. solarium & distantia mediocris ejusdem a Tellure est 231. 086 semid. solar. Quare distantia media Solis a terra est 10187. 235 semid. terrestrium. Unde tandem 7) colligitur parallaxis horizontalis Solis 20 minutorum secundorum. Monet Cl. Autor, se problema multifariam mutatis, quæ nunquam mutari posse ipsi visa sunt, tentasse, sed calculum semper ad 20 secunda recidisse, nunquam ad 19 descendisse, nec ad 21 ascendisse. Quoniam tamen sperat, longitudinem penduli simplicis in vacuo & nonnulla alia paulo aliter scrupuliosiore geometrico rigore determinari debere; tractationem de arduo parallaxeos solaris negotio verbis *Kepleri* ex ejus Commentario de stella Martis p. 197, 293 fuit: *Quia hac atas præstantissimos habet Geometras, qui interdum in rebus non ita manifesti usus defudant diutissime, appello omnes & singulos, ut hic*

me juvent. Interim dum alius quispiam hanc (scrupulosus) inven-
rit & adornaverit, oportet nos hac esse contentos. Eadem methodo
 ingeniosissimus Autor parallaxin Lunæ horizontalem reperit 56
 min. 52 sec. Exhibet deinde primas circa scientiam parallaxium
 curas, quæ dedere revolutionem Hermetis terrestris 84. 40, Her-
 metis vero Jovialis 188. 84, semidiametrum Jovis 5. 0062 semid.
 terrestr. ex semidiametro apparente Jovis acronychrii 24^{um} mediam
 ejus a Sole distantiam 43023 semid. terrestr. semidiametrum Solis
 10244 semid. terrestr. tandemque parallaxin Solis 20 sec. ut ante.
 Nactus observationem *Hallejanam*, quæ fuit distantiam extimi Jo-
 vialis a centro Jovis eamque tum reperit 126. 66 semid. terrestr. ac
 inde porro mediam Jovis a Sole distantiam eruit 52095. 5 semid.
 terrestr. Hinc denuo prodit parallaxis ex reperta distantia media
 Solis a terra 10187. 235 semid. terr. 20 secund. Tandem cum anno
 1718 d. 19 Febr. cum administro suo *Nic. Krogio* maximam extimi
 satellitis Jovialis ab ipso Jove elongationem observasset 42 sec.
 temporis, & fide tabularum suarum solarium & Jovialium inter-
 vallum in arcu reperisset 9. 45^{us} supposita per antecedentia distantia
 Satellitis extimi a centro Jovis 128. 785 semid. terrestr. Jovis a ter-
 ra distantiam mediam determinavit 45410 semid. terr. unde de-
 duxit distantiam telluris a Sole tempore observationis, quo Sol
 perigæo suo propior erat, 10095. 5 semid. terr. Inde denuo resul-
 tavit parallaxis 20 secundorum.

CHRISTOPHORI AUGUSTI HEU-
 MANNI *Poecile five Epistolæ & Disser-*
tationes miscellaneæ.

Tomi II, Liber II.

Halæ, in officina Rengeriana, 1726, 8.

Pl. 13.

Dissertatione *prima* in duo posteriora *Historia Ruthe* capita
 (nam priora duo libro tertio Tomi primi illustrata fuerant,) exhibentur annotationes, præmissio judicio de octo reliquis in hunc librum Commentatoribus, quemadmodum de ceteris superiore loco sententiam suam dixerat Cl. Autor. Ex istis annotationibus

nibus pauca hæc excerpimus. *Pag. 159* inesse archaisinum statuit in duobus verbis Hebraicis, quibus contra leges grammaticas *jod* annexum erat, cujus rei causam dari non posse, censuerat Cl. Carp-zovius. *P. 160* vocem *נָלַת מֶרֶץ*, vulgo quam reddunt *pedes*, interpretatur *stragulam*, putatque, Rutham se recepit in lectum Boasi, ejusque se non pedibus, sed lateri applicuisse. *P. 165* observat, Capitis quarti versus septimum posteriori tempore insertum fuisse. Sub finem examinat Græcam hujus libelli versionem, docens (1), eum interpretem nimis religiose exprimere verba Hebraica, & verbum verbo reddendo fieri multis locis obscurum; (2) eum usum fuisse codice Hebraico notis vocalium carenti, & hinc vocibus nonnullis subjecisse vocales alienas, unde falsus nascatur sensus.

Diff. II, postquam ostendit, plures acutissimos Viros subscripsisse suæ sententiæ, qua sub nomine *Palingenii* statuerat latere M. Ant. Flaminium, epistolam producit Cl. Facciolati, qua is docet, verum Palingenii nomen fuisse *Petrum Angelum Manzellum*. De quo ut plura & certiora tradat, Facciolatus rogatur *Epistola tertia*. *Quarta* aliquot particulas Latini sermonis, in Tursellino Schwarziano omittas exhibet & illustrat, e. g. *cum maxime*, de cujus variis sensibus copiose disserit, ac simul tribus veterum scriptorum locis eam reddit, unde librariorum culpa exciderat. *Diff. V* apophtegmata aliquot proferuntur tanquam specimina eloquentiæ acutæ. *Sexta* aliquot vocum Germanicarum etymologię origines exhibentur, & quidem primo loco vocis *Wester-Hembde*, quæ crucem fixerat pluribus magni nominis etymologis. *Septimo loco octavoque* prodeunt *Electa epistolica*, hoc est, excerpta notatu digniora ex epistolis ad Berneggerum datis a Rittershusiis, Remo, Colero, Venatore, Forstnero, Sebizio, Vechnero, Virdungo, Ruaro, Robertino, Raufchero, Vedelio, Kepplero, Dav. Clerico, aliisque; hinc ex epistolis Berneggeri ad Jac. Gothofredum, Jo. Val. Andreæ, Casp. Hoffmannum, Ged. Reimundum, Dan. Heinsum, Casp. Barthium, Mart. Opitium, Gruterum, Luc. Osiandrum, Metrophanem Critobulum, Schickardum, Kepplerum, Ehingerum, Vossium, Virdungum, atque

atque alios. Facile intelligitur, hic reperiri plura de libris scriptoribusque judicia, nec pauca historiam illustrantia literariam. Ceterum volumina illa, ex quibus ista sunt depromta, possessorem habent illustrem in orbe literato Virum, *Vffenbachium*. Nona Dissertatione nomen *Gbristophori*, vulgo male intellectum, explicatur, doceturque, id perperam reddi solere *Christiferum*, cum medio demum ævo effectum ex usu illius ætatis significet hominem *Christi spiritu animatum*. Denique *Dissertatione decima* de fato uxoris Loti disputatur admodum copiose, rejectaque opinione de ea in statuat salinam mutata, docetur, sacrum historicum nihil aliud dicere, quam *eam ex itinere cum marito montem versus suscepto rediisse Sodomam versus, atque ita eodem modo, quo Sodomai, pluvia sulphurea obrutam periissi*. Quæ præterea afferuntur ad tollendum, quicquid huic sententiæ opponi potest, & ad illustrandam infelicis illius feminæ historiam, brevitate studiosi præterimus. Ceterum ignorare nolumus Lectores nostros, Celeb. Autorem, nostrum in colligendis Actis his a multis annis in hunc diem Collegam indefessum, nuper admodum alteram vulgasse *Conspectus sui Reipubl. Literariæ sive Viæ in Historiam Literariam* editionem, subinde, iis maxime, quæ a prima editione in Rep. Literaria gesta sunt, multum auctam; cui etiam, aliorum exeniplo, lucubrationum suarum Catalogum addidit, unde discimus, Virum laboriosissimum præter libros majoris momenti sedecim, Dissertationes & opuscula alia, non computatis minutiis, edidisse centum & triginta. Nec illud facemus, eum, si vita superfit, quam ex animo precamur longissimam, in sequenti editione pro compendioso, quod vocat, justum Historiæ Literariæ Compendium daturum.

BIBLIOTHECA BIBLICA, BEING A COMMENTARY upon all the Books of the Old and New Testament.

i. e.

COMMENTARIUS IN SINGULOS
libros Veteris & Novi Testamenti.

Oxonii, in Theatro, sumtibus H Clementis, 1717-1725, 4.

Alph. aliquot.

T t t

Com.

Commentarius hic anno 1717 inceptus feliciter huc usque continuatur, Autore doctissimo *Samuele Parkero, Samuelis*, Episcopi quondam Oxoniensis, cujus præter egregium de Deo ejusque Providentia librum, alii Anglice scripti exstant, filio. Hujus autem institutum est, præstantiores quasque interpretationes, in S. Codicem exstantes, ex genuinis Patrum & Historicorum Ecclesiasticorum scriptis Conciliorumque collectionibus, quæ usque ad A. C. 451 & forte ulterius producuntur, in summam conferre, atque hoc modo sensum Scripturæ tum literalem, tum allegoricum, tum moralem indagare. Eum itaque in finem contextum Scripturæ Sacræ, Anglice in folio medio repræsentatum, annotationibus Patrum, Anglice itidem conversis, cingit, allegatis illorum, qui in eandem interpretationem consentiunt, nominibus. His vero in inferiore margine subjiciuntur ipsius Autoris observationes nunc breviores, nunc longiores, prout loci illustrandi conditio postulat. Præterea vero singulis Codicis sacri libris præmittuntur dissertationes, quæ de auctoribus eorum, imo & librorum ipsorum instituto & ratione, ex præstantissimis quibusque Scriptoribus exponunt. Hinc inde vero inseruntur aliæ observationes longiores, ubi forte singularis illas elaborandi occasio se obtulit. Singulis annis XII destinantur fasciculi, qui totidem mensibus respondent, quamvis ipsum tempus non adeo sollicitè observetur. Commentarius itaque in *Genesis* A. 1717 inchoatus, desinit in Fasciculo VI pro anno 1720 & absolvitur foliis 981, non computatis Indicibus variis. Præfixus illi est Index Scriptorum veterum, quibus doctissimus Autor usus est, non neglecto editionum judicio. Volumen II super *Exodum*, constans foliis 448, clauditur Fasciculo III pro anno 1722. Vol. III super *Leviticum* finitur Fasciculo XII pro anno 1723 & habet folia 387. Volumen IV libro *Numerorum* destinatum est, ubi Fasciculus VIII pro anno 1724 in capite XVI acquiescit & ad p. 176 deducitur. Plures fasciculi nobis hæctenus non sunt conspecti, ultimus autem ille A. 1725 lucem vidit.

Consilium diligentissimi Autoris nemini non se probabit, qui nascentis Ecclesiæ doctores in interpretanda Scriptura consulendos omnino esse, prudenter existimat. In diversis autem illorum expo-

expositionibus colligendis ita versatus est, ut non minus fidem, quam bonum ordinem, quoad ejusmodi tractandi ratio patitur, observare se voluisse ostendat. Subjectæ annotationes eruditionem Autoris & judicandi dexteritatem produunt. Utraque fere imprimis e dissertationibus præmialibus & observationibus, quas vocat, *occasionalibus* elucet. Dissertatio I, commentario in Genesin præmissa, ex *Huetii*, *Allixii*, *Kidderi*, *Jenkinsii*, *Is. Vossii*, *Frid. Spanhemii*, *Dupintii*, aliorumque commentationibus, huc spectantibus, Pentateuchum *Mosi* vindicat per paginas 90. Super Genes. I, 30 legitur observatio *de vita vermium* p. 112-114. Eam excipit alia *de arbore vite* p. 128-130, item *de arbore scientiæ boni & mali* p. 130-132, *de Semine mulieris* p. 151-152, *de duosorice* feminarum præ aliis animalibus p. 152-158, de conceptione & nativitate Caini p. 171, 172 &c. Ex his manifestum est, Autorem præstantiora & difficiliora argumenta curatiore commentatione persecutum esse. In calce commentarii super *Leviticum*, leguntur *Augustini Calmeti* dissertationes super Genesin, Gallice ab eo scriptæ, heic vero Anglice conversæ, & nunc quidem integræ, nunc in compendium redactæ. Nos quidem ut diligentissimo Autori insigne hoc doctrinæ & industriæ specimen gratulamur, ita prosperos successus ad totum opus, quod destinavit, perficiendum ex animo precamur.

JOANNIS GEORGII WALCHII, THEOL.

D. & P. P. *Primitiæ Sacræ Jenenses.*

Jenæ, sumtu Viduæ Meyeri, 1726, 4.

Alph. I pl. 14.

S. R. Autor, qui ab aliquot annis in Salana Eloquentiæ Professor Ord. fuit, haud ita pridem etiam axioma Professoris Theol. extraordinarii est indeptus. Hinc Primitiarum S. titulus, hinc & ei hæc scribendi subnata est occasio. Primum locum occupat Progr. ad orationem solennem, qua Prof. Theol. munus est auspicatus. Est autem Isagoge ad studium Theologicum ex Epistolis Paulinis. Hic Theologiam describit ex loco *Tit. I, 1*, quod sit cognitio veritatis secundum pietatem, & nequaquam concedere

Ttt 2

vult,

- p. 6. vult, ut *κατὰ* de fine intento exponatur, vel ut, qui vera fide non
 5. est præditus, Theologi veri nomen sibi tribuat. In Theologia exe-
 7. getica commendat analogiam fidei veluti unicam normam, & eos
 rejicit, qui interpretationem S. Scripturæ ad rationis vel Patrum
 normam exigere malunt. Cum Theologiam dogmaticam tangit,
 simul Pauli assertum, quod ratio sit captivanda, erudite vindicat.
 15 seq. Theologiæ polemiciæ necessitatem probat, & *λογμαχίας* devi-
 tandas leviorisque momenti controversias prudenter tractandas,
 censet, adque hanc ultimam classem controversias inter Episcopa-
 19. les & Presbyterianos in Anglia revocat, ac ad Cel. Buddei, Mos-
 heimii & Joh. Fabricii scripta suos remittit lectores. Theologiæ
 moralis indolem ex *1 Timoth. IV, 7* sistit, & de eloquentia S. non-
 nihil addit. Sequitur ipsa Oratio de incrementis, quæ nostra
 38. ætate studium Theol. cepit, ubi perbene monet, quod Theo-
 logia in se nec augeri nec minui queat, ratio vero solum Theolo-
 giam tractandi emendata fuerit, cum Scholasticorum trix reje-
 ctæ, meliora autem præsidia allata, novaque argumenta inventa
 fuerint, ac tandem partes disciplinæ Theol. separatim pertra-
 ctari ceperint. Ad singulas vero Theol. partes descendens,
 44. Theologiæ theticæ incrementa indicat, quod ex Historia do-
 ctrinæ conservatio & propagatio fuerit demonstrata, & omnia
 ad pietatem applicata. In Theol. Polemica hæc notat incrementa,
 quod regulæ accuratæ fuerint præscriptæ, quomodo hoc studium
 sit exercendum, & quam accurate in adversariorum opiniones de-
 beamus inquirere. Quibus commodis inter alia annumerat, quod
 libri prostant, qui controversiarum historias promunt. Cum
 etiam nostrorum in Theologia Morali excolenda prædicasset in-
 dustriam, ad ea se confert, quæ ex aliis disciplinis hodie floren-
 tibus in Theologiam quasi influunt. Programma deinde ad lecti-
 ones in libros Symbolicos instituendas auditores convocat, & de
 solida horum librorum interpretatione ex Historia agit, demon-
 strans simul, quid præsidii historia Eccles. conferat ad expositio-
 60 seq. nem Symboli Apost. Nicæni, ac Athanasiani, nec non Concilii
 83 seq. Tridentini & Synodi Dordracenæ. Inseritur postea Cel. Buddei
 Programma, quo Walchianas recitationes solemnes de gratia
 universali, & disp. auguralem indicit, quod magno eruditionis
 appa-

apparatu de Conciliis Lateranensibus, rei Christianæ noxiis, conscriptum est, ac tot curiosis observationibus refertum, ut difficile foret, vel unam ceu præstantiorem inde excerpte. Sequitur Walchiana disp. de veritate Evangelicæ religionis Pontificiorum calumniis confirmata, quæ ad imitationem Buddei & Antonii, quorum ille ex gentiliū, hic ex Judæorum calumniis religionem Christianam confirmavit, cum cura congestas calumnias exhibet, quibus adversarii Lutherum & Lutheranos prosciderunt, luculenter hic refutatas, unde facile de Ecclesiæ nostræ veritate constare potest. Ultima Dissertatio, pro gradu Doctoris impetrando doctorum disquisitioni proposita, Acta Pauli Philippensia e Lucæ commentariis descripta atque illustrata complectitur, quæ uti magnum ubique ostendit eruditionis apparatus, ita subinde quoque controversias de vocibus nonnullis inter eruditos motas tangit; cujus rei unum alterumque exemplum producemus. Quare Philippi dicuntur *πρώτη τῆς μερίδος, τῆς Μακεδονίας πόλις, κολώνια*, quid *πορσεύχη*, quid purpura, quid *σεισμός*, quinam *βαδράχει*, quæque fuerit jus Pauli civitatis Romanæ, hic expositum leges. Fuisse vero & erudite inquiritur in conversionem Lydiz, cui hoc nomen ut proprium vindicatur: item in ejectionem spiritus vaticidii ex ancilla, qua occasione de *πνεύματι πύθωνος* disputatur, præcipue contra Ant. van Dalen. Ex his vero & similibus in his Philippensibus Pauli actis occurrentibus palmariis momentis Theologiæ haud pauca deducuntur capita, ut de gratia præveniente, conversione, justificatione &c.

p. 115 seq.

179 seq.

188.

192 seq.

202 seq.

235 seq.

RARI AC PROPE INAUDITI EX UTERO

Morbi Historia una cum necessariis medicis animadversionibus, a PETRO ANTONIO MICHELOTTO

Venetis quarto Kalend. Quintil. 1726

perscripta.

EX Utero potissimum feminis diversa vehementiaque mala nasci, & experientia notum, & a Græciæ principe Medico Hippocrate animadversum est. Per diuturnæ & haud vulgaris nervorum in Splendidissima Muliere distensionis Observa-

nem cum Luca Schröckio, Celeberrimo hoc tempore Augustæ Vindelicorum Medico, & A. N. C. meritissimo Præfide, hos ante quatuor annos communicavi. Impræsentiarum insolitæ, pene incredibilis, & nisi me amor negotii suscepti fallit, in omni Medicinæ parentum cum Græcorum, tum Arabum memoria inauditæ ex Vulva ægritudine historiam legentibus sisto.

Judea virgo duos & viginti annos nata, cui Riccam parentes Caravaldi cognominati dixere nomen, hos ante quinque & viginti menses in morbum incidit suppressæ ex tristibus animi affectionibus menstruæ purgationis: inde primum angina, tum, interposito aliquo tempore, rheumatismo; deinde sinistri lateris dolore per hyemem correpta, sanguinis ex brachiis pedibusque distractione, aliisque idoneis medicamentis, a spectato, qui assidebat, Medico, Moyse Codeno, præscriptis, curatur. Manente vitio mensium suppressionis cum vehementi ventris inflatione mœroreque, crebro difficilique spiritu, concitatarum arteriarum pulsibus, continuisque musculorum ad brachia pertinentium sed exiguis tremoribus, medicamenta mulieribus hysterico morbo fere exanimatis præberi solita, & nominatim remedium, cui uterino elixiri nomen autor Crollius imposuit, data. Sub eo auxilio singultus, & cujuslibet generis, sive solidorum sive fluidorum alimentorum, vomitus exortus est: adversus quem medicamentorum tum opiatorum, tum stomachicorum usus cum frustraneus esset, quem modo laudabam, Medicus diffusus reliquis prædidiis, ad gelidas ex aqua, in qua modo subacidorum ceraforam, modo fragorum, modo Limoniorum malorum succus cum modica sacchari portione solutus erat, potiones prudenter confugit: quibus in stomachi resolutione, vomitum, neque calidis, neque anodynis remediis cedentem, conjunctum habente, a me quoque prospero successu non semel adhibitis, consecutus quidem est, ut Ægra & retinere & coquere cibos posset, non tamen ut reliqua mala remitterent: ad quæ ineunte autumno anni MDCCXXIV rerum omnium, sive cibi, sive potus, sive medicamenti speciem obtinentium, insigne fastidium, urinæ suppressio, inexpugnabilisque alui adstrictio accessere. Eo tempore emollientia olea aliaque medicamenta ducendæ alvi causa in anum per

per clystere in infundebantur, quæ quum repellerentur, desperatis pene rebus, nutrientia quoque juscula ex capo, gallinactis pullis & recentium ovorum vitellis in ultima intestina (ex quibus etiam lactea vasa oriri, non esse negandum, summus nostræ ætatis Professor J. B. Morgagnus appriue animadvertit) semel atque iterum de die inficere, tentatum est. Verum enim vero, sive postremo Coli tractu, & fortasse continuati etiam Recti magna parte, ob inclusorum flatuum copiam reliqua intestina, comprimente & peritonæum vehementius distendente (quod verosimilius hoc in casu mihi videtur) ad dextrum sinistrumve infimi ventris latus compulsis, atque ad id arcte appressis: sive illis ipsis intestinorum partibus ob valentissimas pervorum, ad thoracis ac ventris viscera pertinentium, quibus Ægra impræsentiarum quoque vexatur, distensiones maximopere contractis renitentibusque: neque reficientia, quæ dicebam, clysmata admitti poterant. Ita affectam, ita conflictatam nulla edendi aut bibendi, nulla menjendi, nulla dejiciendi cupido cepit: Sorbilia, calida tepentiave juscula, cujusvis generis vinum, gelidæ potiones etiam ex cioccolata, lac mistum cum sacharo vel frigidissimum: hæc, inquam, atque horum similia, aut ex toto in fastidio erant, aut reficiendarum virium causa, non ex appetitu, interdum assumpta, protinus reddebantur. Anni tempore verno acutissimo sinistri lateris doloreprehenditur: alii Medici ad consilium adhibiti sanguinem, ad eum levandum, pondo circiter unciarum trium ex respondente pedé, jacenti, morbo longissimaque abstinentia confectæ mittere, non verentur: ipso dolore perisistiusmodi anceps auxilii genus, sub quo vires haud multum admodum labe factari visæ sunt, sublato, sanguinis paulum tussi ejicitur. Post hæc singultus, seu potius quidam vomendi conatus, per quem humor, colore subobscurus odoreque urinæ ad longum tempus in ischuria retentæ persimilis, sæpius evomebatur, subortus est; qui sine medicamentis brevi postea cessavit. Subsequente ætate, sive raptim mutatione morbi aliqua ex parte in contrarium facta, sive blandis assidentis Matris, alia atque alia pro cibo & potione cfferentis, monitis sollicitationibusque, tandem decumbens Filia commota, modo tenuem ex citreis malis aquam, modo liquorem

ex

ex subacidorum cerasorum cum melle ac vini spiritu, fermentato succo (*Wisia* vulgo hic appellatur) ad cochlearia aliquot haurire cœpit: atque cum his quidem liquoribus continuavit, donec ad medium circiter Octobrem anni proxime exacti, quo, constrictorio ventriculi motu sursum versus cum atri fere humoris vomitu reverso, nec cibos, nec potiones, nec remedia assumere poterat, perventum esset. Quum eam tum una enim curante Medico viderem, ut memoratum ventriculi motum remedio liquidi Helmontiani Laudani ex stillatitia citrei mali aqua ad septem octove guttas exhibere, & pergelidam ex capi succo, citrei mali corticis odore imbuta, certa que ratione cum saccharo misto, sorbitionem pro cibo offerre tentarent, suasi. Sed ne hæc quidem retinuit. Nihilominus tamen intra octo dies, quibus, mente jam turbata, brachia & crura inæqualiter dispergens, seque huc illuc violenter interdum convertens, modo obdormire, modo tristibus veluti exterrita imaginibus ejulare videbatur, ventriculus ex toto conquievit: atque ita quidem, ut & aquam, & liquorem, de quibus mentionem feci, continere octavo die posset: post quod tempus mentis quoque turbatio ac terrores remoti sunt, & ventris distensio, tametsi interim neque fæces, neque urina emitterentur, paululum imminui visa est. Silentio hic præterire non decet, duobus circiter mensibus, antequam admirandi hujus morbi historiam perscribere inciperem, Ægram & eodem lateris dolore denuo prehensam & ab eo, sanguine ad duas tresve uncias ex brachio dolenti lateri respondente extracto, cito liberatam esse. Verum hoc illud est præcipue scitu necessarium, ipsius Ægræ, quæ a Septembri mense MDCCXXIV in præsens tempus vitam sine omni quidem cibo, & menses decem sine omni fere potu transegit, corpus neque ex toto languere, nec notabiliter emarcescere: quanquam insignis feri sanguine tucti copia tum ex pede, tum ex brachio, summæ quoque cutis lymphæ ductibus, scalpello in sanguine mittendo laceratis, cicatriculisque (quarum ea in lævo brachio in profundum ulcus versa est) tardissime, forsitan ob malum corporis habitum, consolidatis, quotidie per longissimum tempus manaverit.

Facies impræsentiarum quoque colore est quidem fere naturali;

rali prædita est; at vero eam cum reliquo corpore neque in modum, quemadmodum ante hos tres menses videbatur (distendente scilicet tuncaere, ex omnium pene corporis capillarum articularum cruore, animalium spirituum cuneolis, quam sanis hominibus esse debent, acutioribus pulso, atque muscularium fibrarum interstitiis, invisibilibusque cutis foraminibus intercluso) naturaliter ali, cutis cum subjectis musculis ubique locorum, præterquam in abdomine, quæ aliquantum collapsa existit, clare ostendit: cuncti sensus, si unum tactum, qui una cum motu in dextro femore & crure hebes est, excipias, vigent; vigor animi nequaquam obtusus; superius corpus semper, viribus muscularum prostratis, jacet; ventriculus præcordiaque cum reliqui imi ventris magna parte, & vehementer extensa sunt, & ad tactum leviter sonant; persistit quidem menses, & urinæ suppressio, verum tamen nulla omnino urinariæ vesicæ intumescencia manu percipitur; venter ne spiritum quidem per inferiores partes reddit; neque cibi, neque potus cupiditas ne nunc quidem adest; attamen cremoris ex contusis dulcibus amygdalis cum aqua ex citreo malo expressi paulum sic affectam, a Matre assidue rogatam, sollicitatamque ante hos undecim menses per diem noctemque, degustare cœpisse, idque nunc quoque continuare, certissimum est: nullus quidem sudor, præterquam in palmis manuum pedumque plantis, neque interdiu, neque noctu oritur: verum tamen oleagineam quandam materiam ex sebaceis universæ ferme cutis glandulis excerni, cum ex totius pene corporis graveolentia, tum præcipue ex unctuosâ illa sorditie, quam suis indusiis inhærescere, Ægra hæcenus se observasse, mihi retulit, certo constat: nullus fere ex naribus mucus; nulla pene ex ore saliva emittitur; difficillimus somnus est; corripit interdum quidam frigoris sensus; sæpe ventriculi, sæpius capitis dolor torquet; brachiorum, manuumque muscoli in dextra præcipue parte continuo contremiscunt; crebra, difficilisque respiratio est: coagitantur semper cum corde arteriæ; tristitia sæpe quidem infestat, interdum tamen hilaritas adest; nutrientia autem clysmata in rectum intestinum injecta, ut protinus repelluntur, sic cujuscunque generis & alimenta & medicamenta vi deglutita

ex templo etiamnum redduntur. Veruntamen illud ignorare non oportet, acidulæ aquæ ex Fonte Lælio Recobarîi apportatæ cyathum unum alterumve, mense circiter, antequam huic historię finem imponerem, potui datum, ventriculum retinuisse, eoque tempore Ægram urinam obscuri coloris exigua (quod tamen & proxime præterito anno, quo ne guttam quidem illius mineræ aquæ assumpsit, non semel accidit) quantitate reddidisse.

Quod genus, quæ natura hujus morbi & per quas causas hic factus & auctus sit, ad ea, quæ hæctenus retuli, acriter attendentibus animum haud difficulter admodum, ut opinor, innotescet. Lotii eorum, quæ per alium sanis excedere consueverunt, sudoris, menstruarumque purgationum suppressio, narium muci, salivæ insigniter imminuta secretio, hæc, inquam, omnia in eorum morborum numerum, qui a fluidorum in nostro corpore, aut ex toto deficientibus, aut notabiliter decrescientibus cœoriuntur separationibus, referendum esse, clare demonstrant; cœpisse vero a tristitia, & suppressis mensibus; artuum tremores, agitationes arteriarum, crebram difficilemque respirationem, distensionem ventris, insolitam abstinentiam, mentis motionem ejuscemodi malis accessisse; exanimari interdum Ægram, inde ad se redire; odoribus cum suavis, tum fœdis lædi; conqueri modo de corde, modo de ventriculo, sæpe de capite; modo tristem, modo hilarem esse; interdum sopore premi, plerumque vigilare; dextro femore, dextroque crure resolutam interdum videri, inde se dextrorsum sinistrorsumque violenter convertere; varios appositos cibos potionesque summo fastidio habere; hæc, inquam, atque his similia, Virginem nostram vehementissime ex Vulva laborare, haud obscure indicant. Quod ad abditas continentesque istiusmodi morbi causas attinet: invisibilis fluidi ex cerebro ac cerebello euntis redeuntisque particulas in vehementes dissonosque motus a primordiis morbi, una cum nervis, tum ad exteriora, tum ad viscera, & ad uterum præcipue, finitimasque partes decurrentibus, repente actas esse, conjecerim. Increcente deinde paulatim morbo, continuantibusque nervorum filamentorum, per thoracem ac ventrem discurrentium, contractionibus, separationum excretionumque naturales

leges

leges ire cœpisse præcipientes, donec ad omnium pene, qui in nostro corpore sunt, humorum suppressiones ingeminatasve secretionis perventum sit. Ad hæc ingenti aerearum particularum copia, animalium spirituum impetu, acrescensque (quæ longam abstinentiam sequi consuevit) ex evanescentium arteriarum, ad ventriculū, intestina, jecur, splenem, uterum, peritonæum spectantium, arteriis reliqui corporis obvehementes, in quas jam a morbi usque primordiis continenter aguntur, distractiones forsitan laxiorum: ex harum, inquam, arteriarum sanguine expulso, inque earum partium sinus ac cavitates nequaquam resistentes compulso, universum pene ventrem vehementer distensum, & ventriculū ad eam distensionem redactū esse, ut motiones ad famem excitandam, retinendos concoquendosque cibos pernecessarias, jam obire non possit. Porro ut ex minoratorum spirituum in cor, arterias, thoracis aliarumque partium musculos influxibus, quam naturaliter esse debent, celerioribus, velocioribus cordis & arteriarum motus, crebram difficilemque respirationem, musculorum tremores, continuasque pene vigilias enatas crediderim: sic inæquales vehementesque membrorum, quas una cum temporariis mentis commotionibus Ægram non semel hoc in morbo exceperisse, ante retuli, agitationes ex dissimilibus præcipitibusque illorum ipsorum spirituum motibus exortas esse, existimarim. Sed illud potissimum objici mihi videor, qui fieri queat, ut juvenis hæc tam diu sine ullo omnino alimento vixerit, & solo liquoris, de quo supra memoratum est, potu vitam tot menses traxerit, ac etiamnum conservet. Quibus pro ingenii mei modulo respondeo; eam non multo secus ac viperas, in vitreis vasculis, vere, æstate atque autumno inclusas, seu potius terrestres cochleas, partem autumnī totamque hyemem in testaceis operculis sine omni plane esca viventes vitam trahere, verisimillimum esse. Namque & continuo jacet in lectulo, & visibilia humorum pene nihil excernit. Emanare vero exigua corpuscula tum per invisibilia cutis foramina, tum per os ex pulmonibus, ut omnino negare non auserim, sic eorum corpusculorum, speciem vaporum habentium, haud multum admodum hoc in morbo extra corpus ferri, ex summæ tabis & sudoris in uni-

versa ferme cute absentia maxime probabile censeo. Quandoquidem sitaque jacens, haud insigniter extenuatur, paululum admodum movetur, & visibilibus quidem fluidorum fere nihil, invisibilibus vero paucillum reddit, manifestum est, nec sanguinem, nec humores maxime absumi: ac propterea ex villis, membranis, nervos, sanguinis aliorumque liquorum ductus musculosque constituentibus, mobilia particularum parum exhalare, atque per aëra dispergi. Atqui assumendi cibi necessitas in universis animantium generibus ex villorum, memoratas partes compingentium, continua inanitione, notabilive continuo decedentium particularum naturales operationes, sive animales motus subsequi solita excretionem dependet, Juvenem ergo, de qua haecenus retuli, in qua fortasse oleaginei quoque humoris in sebaceis universæ cutis glandulis, Celeberrimo animadvertente Morgagno, separari soliti aucta præter naturam crassities insensibilem (quemadmodum Medici loquuntur) transpirationem insigniter minuit, & jejunium septem amplius menses sustulisse, & paucio fluido alimento etiamnum sustineri, sine aliquo comento prodigii edisseri potest.

Ratione haud multum admodum dissimili, quemadmodum Præstantissima Virgo ex Patritia gente Foscarena, Patavii impressentiarum in cœnobio D. Marci commorans, per triennium ferme (quod a Viris Amplissimis ejus Consanguineis accepi) tulerit abstinentiam: aliarque Virgines, quæ referentibus Fr. Citesio eruditissimoque Fortunio Liceto, plures annos nihil plane assumpere, vitam traxerint, per rationes mechanicis similes exponi, nedum enodate explicari posse complurium dierum mensiumve abstinentiæ, a Jos. Quercetano, R. Dodonæo, Valesio Tarantano, Henrico Sampsonio aliisque observatæ, causas mihi videtur.

Ex proposita historia, aliisque consimilibus, a modo allegatis Rei Medicæ Scriptoribus perscriptis, primum omnium constat: haud esse fabulam, homines interdum, mulieresque præsertim, quas uterus diutius male habet, a cujusque generis cibis & potionibus vi adversæ valetudinis abstinentes, non duos tantummodo, tres, pluresve dies, quemadmodum credebatur Hippocrates Lib.

Lib. de flatibus, verum etiam complures inenes, annosque vitam ducere posse. Ex hoc illud deinde colligitur, nostræ Aegræ corpus (mirum dictu) pro ratione longitudinis abstinentiæ haudquam esse extenuatum: secus ac in Puellis a Citesio, Quercetano, & Sampsonio in Ephem. A. N. C. Decur. 1 An. III, & a Fort. Liceto in libr. de iis, qui diu vivunt sine alimento, productis, in quibus flaccescens abdomen cum arescentibus inclusis visceribus longissimo jejunio extenuatum & ad spinam collapsum observabatur. Veruntamen de Virgine quadam Patavina, nostræ, quod ad abstinentiæ tempus aliaque morbi symptomata spectat, haud multum admodum dissimili, ex Alexandro Vigontia Medico narrans ante laudatus Licetus, nequaquam eam tabidam, sed vivido colore præditam extitisse, ait.

JO. PAULI KRESSII, D. ET P. P. IN ACAD.

*Ful. Specimen Jurisprudentiæ privatæ, sive civilis,
ex omni jure, quo in Imperio in causis decidendis
utimur, delibatum.*

Editio II.

Lipsiæ & Helmstädtii, sumptibus Christ. Frid. Weigandi, 1726, 8.

Alph. 3.

PRodit hoc Specimen Jurisprudentiæ civilis primum Jenæ A. 1709, cum ibi Consultissimus Autor jura profiteretur. Nunc de iterata ejus editione dicturi commendandis libri meritis fere supersedere possumus, quandoquidem per diuturnum satis tempus in omnium manibus fuit, neque paucorum exceptus est plausu. Deservit Autor methodum veterem ac vulgarem, qua tractantur jura personarum, rerum & actionum, ordine vel Institutionum Imperialium, vel Digestorum servato. Omnem enim juris disceptationem ad duos revocavit articulos, *Dominium & Obligationem*. Dominium dispescit in singulare & universale; illud regulariter dominii nomine venit, hoc hereditatis. Obligationem pariter ad duo capita refert, facti liciti & illiciti; ad hoc delicta & quasi delicta, quatenus per ea in creditum imus, ad illud vero conventiones & regulas æquitatis, seu quasi conventiones perti-

nent. Horum omnium theoretica tantum speculatio est, nisi de effectu eorundem, seu actione in judicio proponenda & modo publicam securitatem conservandi simul tractetur. Hinc Liber I agit de Dominio, lib. II de hæreditate, lib. III de conventionibus & quasi, lib. IV de delictis, quatenus privatum interesse exinde persequimur, lib. V de processu civili, lib. VI de processu criminali. Acute & ex rei veritate Jctus quidam in Germania nostra ætate celeberrimus judicat, *eos nova semper suspicioni se ipsos exponere, qui a communi via in doctrina juris declinant, an rem tetigerint acu?* Utique & Nostro evenit, ut, quam sibi elegit, doctrinæ ratio laudetur ab his, culpetur ab illis. Præsertim, quod personarum jus sigillatim non sit expositum, sed partim hinc inde immisceatur, partim subjectum sit in fine per modum auctarii, & velut extra Lares patrios vegetetur, improbari audias. Sed quibus ordo partium juris in hoc systemate adhibitus non arridet, quod in methodo tractandi singulorum capitum jure desiderent, æque non habent. Inprimis conspicua est jurium Germanicorum, communium & particularium, expositio, eleganti nexu cum jure Romano conjuncta, principiis tamen propriis adstricta: et peculiariora obveniunt capita, juri Romano penitus incognita, plenius a Nostro explicata, quam in ullo meliorum systematum hactenus factum. Luculentæ vero sunt accessiones, quæ librum nunc typis recusum ornant, quippe non solum complura capita aucta emendataque comparent, velut *de rerum divisione, de usucapione, de possessione, de legatis, de successione conventionali, de cambiis, de contractibus rarioribus, de juramentis, de personarum divisione, aliaque*; sed integri etiam noviter inserti sunt tituli, *Lib. III, de universitate contrahente, de ratihabitione, de renunciatione, de reservatione, de regressu, & Lib. V, de jurisdictione, de concursu creditorum, de infamibus*, quorum peculiarem tractationem insignis horum capitum & frequens in foris usus sane merebatur. Id vero proposuerat Noster, ut non in Academicarum saltem prælectionum, sed in judiciorum etiam usus compendium hoc adornaret.

hoc est,

HISTORIA EXILII CICERONIS, Autore MORABINO.

Lutetiæ, apud Andr. Cailleau, 1726, 12.

Pl. 21.

Pluribus jam abhinc annis cum Autor doctissimus intentus fuisset scribendæ Historiæ Ciceronis, cujus laudes in Præfatione magnifice prædicat, nunc solam exhibet quasi speciminis in modum Historiam exilii ejus. Jam quidem Constantius Felicius Durantinus duos ediderat libros, unum *de exilio Ciceronis*, alterum *de glorioſo ejus reditu*. Sed hos plane contemnit Noſter, additque, ſcriptos ab eo hos libellos fuiſſe vix annos nato ſeptendecim. Nec ceteros magni facit, qui univerſam Ciceronis hiftoriam deſcripſerunt, adeoque deſiderari adhuc recte perfecteque compoſitam ejus viri hiftoriam exiſtimat. Ultimo Præfationis loco magnas tribuit laudes Abbati *de S. Real*, ejusque annotationes MSS. in tertium & quartum librum epiftolarum Ciceronis ad Atticum magno ſibi in hoc opere fuiſſe adjumento, grato fatetur animo.

Ipfum hoc opus eum in modum eſt contextum, ut Autor omnem hiftoriam hauſerit ex ipſis Ciceronis epiftolis & orationibus, ſingula loca, quibus ſingulis hiftoriæ partibus fides adſtruitur, in fine operis exhibens. Nec vero ſimpliciter refert relata, ſed omnia ſub examen vocat morale & politicum, ſuumque paſſum interponit judicium. Rimatur item intimos animorum recessus, & enjuſque ingenium ex vero deſcribere annititur. Docet igitur initio ſtatim, Cæſarem Clodio adiutorem fuiſſe in perſequendo Cicerone, conſiliis quippe ejus monarchicis acriter reſiſtente; eundem tamen videri voluiſſe odiſſe Clodium, & nonnullis perſuaſiſſe, non alio conſilio peti a Clodio conſulatum, quam ut reſcindere valeret acta a Cæſare in conſulatu. Cæſari Pompejum judicat ſola ambitione parem fuiſſe, ceteris omnibus rebus inferiorem. Ciceronem obſervat fuiſſe bonum virum & honeſtatis ſtudioſiſſimum, non item callidum ſatis & acutum, ſed ſimpliciorẽ, credulum, & illuſionibus aliorum expoſitum. Docet quoque, quanta inſit in illa lege injuſtitia, qua Cicero urbe fuit ejeetus, ac flagitioſas Clodii

dii actiones describit peraccurate. Exulis Ciceronis de mollitie animi & muliebribus lamentationibus & suam producit & aliorum sententiam. Præterea Attici singularem prudentiam demonstrat e consilijs ab eo datis exuli amico. Plutarchi quoque ac Dionis Cassii in historia Ciceronis errores aliquot notat, totumque opus finit in morte Clodii, ultimos tamen quatuor annos ejus vix primoribus attingens digitis. Non est nostrum, pluribus exponere historiam exilii Ciceronis, doctioribus jam satis notam. Illud ad ultimum profiteri debemus, adeo pulchre descriptam nobis videri hanc historiam, ut vehementer optemus, reliquam quoque Ciceronis historiam pari ingenio & industria elaborari a Cl. Autore & in publicum emitti.

NOVA LITTERARIA.

GENEVE Vir Celeb. Jo. Jac. Mangetus, Med. D. & Potentiss. Regis Prussæ Archiater, novum opus, duobus Tomis divisum, in sol. edere parat, cujus titulum sequentem nuper publicavit: *Bibliotheca Scriptorum Medicorum, veterum & recentiorum, in qua sub eorum omnium, qui a mundi primordiis ad usque Æræ Christianæ XVIII Seculi initia vixerunt, nominibus ordine alphabetico adscriptis, vitæ compendio enarrantur, opinionibus & scriptis, modesta subinde adjecta tempra, recensentur, ac scilicet præcipuæ, sub quarumque propria appellatione, explicantur, sicque Historia Medica vere universalis exhibetur: opus doctis omnibus, maximeque Medicis utile ac per jucundum. Pro quo concinnando, necessaria undique, sive ex ipsis Scriptoribus Medicis antiquis, quorum Opera ad nostra usque tempora pervenerunt, aut aliis, tum iisdem contemporaneis, tum etiam subsequen-
tibus, qui de illis verba fecerunt, sive variis Dictionariorum Compilatoribus, & Scriptorum Medicorum Catalogis, Miscellaneis, præterea Germanorum Curiosis, Actis Bartholinianis, Actis Lipsiensibus, Ephemeridibus, per totam Europam jam a multis annis variis linguis emissis, &c. non mediocri labore ac cura sunt exquisita.*

Subjecte Autor titulo monitum ad Clarissimos quoscunque Viros Medicos, quod ita se habet: Hic Medicæ Artis Cultores omnes, sive qui illam totam, sive qui aliquam tantum ejus partem edocent aut exercent, obnixè rogantur, Commentarios latine conscriptos de sua suorumque Vita per breves, fusiores vero de scriptis, a se ac suis editis, aut edendis, impertire velint, ut illa, convenienti quæque loco, cum debito elogio inferi queant. Ac propterea omnia sua illis, quibus id negotii a Bibliopoli nostris, Dominis D. Perachon & Cramer, demandatum fuerit, tradant, vel ad eosdem, propriis sumptibus, aut per sibi oblatas occasiones, quamprimum id ipsis commodum fuerit, perhumaniter transnittere non reculent, Nominibus magna cura & nitidissime adscriptis, ne aliquis in eorum impressione committatur error.

No. XII.
A C T A
ERUDITORUM,

publicata Lipsiæ
Calendis Decembris Anno M DCC XXVI.

PRACTICAL GEOMETRY APPLIED TO THE
useful Arts of Building, Surveying, Gardenig
and Mensuration.
hoc est,

GEOMETRIA PRACTICA AD ARTES
utilissimas, Architecturam civilem, Geodesiam, Archite-
cturam hortensem & Artem mensurandi applicata;
Autore BATTY LANGLEY.

Londini, ap. W. & J. Innys, J. Osborn & reliquos, 1726, fol.

Alph. i plag. ii Tabb. zn. 40.

Propositum est Cl. Autori principia Geometrix elementaris
practica applicare ad Architecturæ civilis atque hortensis, nec
non Geodæsiæ & Stereometrix aliaque agnata problemata.
Quamobrem cum nonnisi levia ex Geometria subsidia disciplina-
rum istarum praxis petat; ideo quoque Noster, præter definitio-
nes Geometricas, communissima tantum problemata, theorema-
ta paucissima, una cum figurarum descriptionibus docet. Quo-
niam vero in Architectura cum civili, tum hortensi præsertim
opus est figuris compositis, ex parallelogrammo, quadrato & cir-
culo ortum ducentibus; ideo Noster harum quoque figurarum
constructionem tradit, addita inprimis ratione radii circuli & la-
teris quadrati ad latera parallelogrammi. Agit etiam de corpori-
bus ex geometrica cubi truncatione ortis. Præliminaribus hæc,
tanquam artium, quas illustrare intendit, fundamentis *Parte pri-*
ma præmissis, *Parte secunda* progreditur ad geometricam Ordini
architectonicorum constructionem. Eos juxta celeberrimos
Architectos cum antiquos, tum recentiores atque modernos re-
præsentat, & quæ ex antiquitate restant monumenta, ex egregio
potissi-

X x x

potissimum opere ædificiorum antiquorum Romanorum *Antonii Degodetti*, in Actis A. 1683 p. 265 commendato, adducit, ita ut uno obtutu comprehendere atque inter se conferre possis, quæ in hoc argumento memorix prodita fuere, si excipias *Goldmanni* nostri molimina, a *Wolfo* in *Elementis* Matheſeos univerſæ expoſita. Noſter nimirum Ordinem *Tuſcanum* repræſentat, qualem dedere *Vitruvius*, *Scamozzi*, *Serlius*, *Palladius*, *Vignola*, *Clericus* architectus Gallus, *Perraltius*, *M. Angelo*, *A. Boſſe* & *Jones* Anglus. Ex antiquis monumentis adducit columnam *Treſani*. Doricum ordinem ſiſtit, qualem prædiderunt *Vitruvius*, *Serlius*, *Palladius*, *Vignola*, *D. Barbaro*, *Cataneo*, *L. B. Alberti*, *I. Bullant*, *de Lorme*, *Perrault*, *Clericus*, *A. Boſſe* & *M. Angelo*. Repetitur idem Ordo ex Theatro *Marcelli* & thermis *Diocletiani*, ſiſtiturque ſimul ob oculos ordo *Perſicus*. De ordine Jonico monſtrat, quid ſenſerint *Vitruvius*, *Palladius*, *Scamozzi*, *Serlius*, *Vignola*, *D. Barbaro*, *Cataneo*, *L. B. Alberti*, *Viola*, *de Lorme*, *Bullant*, *A. Boſſe*, *Clericus*, *M. Angelo*, *Perrault*. Eundem adducit ex templo *Fortunæ* virilis, theatro *Marcelli* & thermis *Diocletiani*. Ordinem Corinthium delineat, qualem effinxerunt *Palladius*, *Alberti*, *Cataneo*, *D. Barbaro*, *Vignola*, *Serlius*, *Scamozzi*, *A. Boſſe*, *Clericus*, *de Lorme*, *Bullant*, *Viola*, *Vitruvius*, *Perrault*, *M. Angelo*, & qualis in thermis *Diocletiani*, Frontiſpicio *Neronis*, & porticu *Panthei* Romæ comparet. Ad Ordinem quoque Corinthium reſert columnas in templo Hieroſolymitano, & ob affinitatem ex *Clerico* quoque adducit Ordinem *Hiſpanicum* & *Gallicum*. Denique compoſitum ſiſtit, qualem exhibent *Serlius*, *Scamozzi*, *Palladius*, *Clericus*, *Perraltius*, *A. Boſſe*, *Vignola*, & qualis in arcu *Titi* Romæ & in arcu *Leonis* Veronæ conſpicitur. Capitula Ordinis ſic dicti *Hiſpanici* & *Gallici* minime accedunt ad puritatem Architecturæ Græcorum, ut adeo iis præferri jure poſſit Ordo *Germanicus*, quem medium inter Jonicum & Romanum apud nos dedit *Sturmius*, capitulo una ſerie foliorum & ſedecim volutis exornato. Quoniam vero Architecti neque antiqui, neque recentiores in menſuris partium, quas Noſter ſollicite exponit, conſentiunt; ideo in tanta diverſitate medias quasdam elicit. Tribuit altitudini ſtylobatæ *Toſcani* 2, *Dorici* $2\frac{1}{3}$, *Jonici* $2\frac{2}{3}$, *Corinthii* 3 & *Compoſiti* $3\frac{1}{3}$ modulos. Pro parti-

partibus stylobatæ determinandis regulam condidit generalem, jubens dividi altitudinem in 120 partes æquales & earum 30 tribui basi, 75 trunco & 15 coronidi. Projecturam baseos stylobatæ facit in *Dorico* 12, in *Jonico* 14, in *Corinthio* 15, in *Composito* 16 minorum, coronidis vero in *Dorico* 14, in *Jonico* 17, in *Corinthio* 19, in *Composito* 22 minorum; projecturam baseos columnæ in omni ordine minorum 42. Altitudini columnæ *Tuscanæ* assignat $7\frac{1}{2}$, *Dorica* 8, *Jonica* $8\frac{1}{2}$, *Corinthia* $9\frac{1}{2}$, *Composita* 10 modulos. Altitudo baseos columnæ ipsi est modulo dimidio seu semidiametro columnæ æqualis. Assumit enim pro modulo diametrum columnæ in 60 minuta divisam. Capituli *Tuscani* & *Dorici* altitudo est æqualis altitudini baseos; altitudo *Jonici* ab imo abaci seu puncto intersectionis catheti & volutæ usque ad extremitatem hujus est semidiametro columnæ & parti decimæ octavæ æqualis; altitudo denique capitulorum *Corinthii* & *Compositi* est 1 mod. 10 min. Altitudo trabeationis uniuscujusque est 2 modulorum & projectura coronicis altitudini æqualis, excepta *Dorica*, quando mutulis instructa, eo enim in casu altitudinem superat projectura. Neque vero solum Noster per problemata distincte proponit, quicquid in delineandis Ordinibus architectonicis occurrit; verum etiam ædium ichnographias & orthographias conficere docet: quem in finem per modum axiomatum præmittit regulas, juxta quas singularum partium dimensiones determinantur. Ipsi nimirum propositum non est tradere architecturam civilem, cum problemata tantum solvat, quæ in delineandis operibus architectonicis Geometriæ elementaris flagitant operem. Ichnographiis ædium jungit alias, quarum in Architectura hortensi est usus & quæ ex civili communiter exulant, in præclaro tamen opere Gallico, quod sub titulo: *La Theorie & Pratique du Jardinage*, Parisiis 1709 prodiiit, comparent. In *Geodesia* artificia conficiendi ichnographias camporum, agrorum, hortorum, sylvarum & mappas chorographicas fideliter exponit: quem in finem *Trigonometria plana* explicationem præmittit. *Parte tertia* problemata planimetriæ & stereometriæ declarat & ad opera artificum in architectura civili & hortensi, nec non arte tignaria, obvia mensuranda transfert. Vulgo talia negliguntur in Architectura civili: fusius

tamen explicantur a *Bulato*, Architecto Gallo, in *Architectura*, quam vocat, *practica*, Parisiis 1691 idiomate Gallico edita. Tandem *Parte quarta* declarat Tabulas a se eum in finem computatas & æri incisas, ut mensurationes prædictæ absque calculo satis accurate perfici possint. Ceterum in Tabulis æneis Autor quoque Ordinum usum in januis & fenestris, itemque caminis, monstrat. Quamvis autem titulus 60 circiter Tabularum æri incisarum mentionem injiciat; in ipso tamen opere non nisi quadraginta comparent, nec plures in præfatione commemorantur. Supplevit Noster defectum, qui in operibus de architectura civili & hortenfi notantur, dum præxin principiis geometricis nixam fufius & majore perspicuitate tradidit, quam hætenus ab aliis fuerat factum.

JO. MELCHIORIS VERDRIES, D. MED.
Æ Phil. Nat. Profess. Publ. Ordin. Acad. Cæsareæ Leopoldino-Carolinæ Naturæ Curiosorum Collegæ, de æquilibrio mentis & corporis Commentatio, denuo recognita & maxima parte aucta. Accedit Disquisitio de Veneno Canis & animalium rabidorum, & quem illud inferre solet, morbo gravissimo, bydrophobia.

Gießæ & Francofurti, apud Joannem Müllerum, 1726, 4.

Alph. 1 plag. 12.

CL. Autor jam A. 1712 Dissertationem Academicam de æquilibrio mentis & corporis ventilavit: hoc vero tempore, quo de commercio inter mentem & corpus controversiæ acerbissimæ agitantur, multis accessionibus auctam & illustratam, denuo in lucem protulit & Commentationis nomine insignivit. Propositum ei est, harmoniam, concordiam & discordiam utriusque hominis substantiæ, status hominis sani & morbofi, temperamenta & ex his provenientes animæ inclinationes, imaginationis nec non affectuum in corpus humanum vires, ex genuinis principiis declarare & ad experientiæ ac rationis leges expendere, propterea quod hoc argumentum longe utilissimum cum in Philosophia morali, tum in Medicina. Influxum physicum animæ in corpus incomprehensibilem judicat & tanquam inutilem ad explicandum commercium

um inter mentem & corpus rejicit. Omnia rectius & facilius pate-
re arbitraur per harmoniam inter utriusque substantiæ operatio-
nes ac mutationes. Quamvis autem in suspenso relinquat, quo
pacto harmonia ista subsistat, & in beneplacito divini Conditoris
acquiescat, cujus opus stupendum sese nec assequi, sed nec nega-
re posse, ultro fatetur, addit tamen, quod in dubium vocari ne-
queat, *harmoniam hic adesse præstabilitam, prævisam*, Ecclesiast.
XLIII, 19, *voluntati hominis libera baud adversam*. Et illustri
Leibnitii systema harmoniæ præstabilitæ vocat ingeniosum, idque
uberius exponi & dilucidius explanari affirmat a Cel. *Wolfo* in Me-
taphysica & Annotationibus ad eandem, tum & doctissime illu-
strari atque vindicari a Cel. *Buffingero* in Commentatione de har-
monia animæ & corporis humani maxime præstabilita, de qua
diximus in his Actis A. 1723 p. 308. Monet præterea, hanc har-
moniam præstabilitam, quæ sit chamæleon in oculis nonnullorum
eruditorum, saltem ut hypothesin a laudatis Autoribus proponi,
neque ulli obtrudi, ut adeo vana sit adversus eos ira. Quid vero
sibi cum æquilibrio corporis & animæ velit, his verbis explicat:
*Est ea, inquit, virium corporis & animæ ex lege consociationis se
mutuo quasi cientium & conspirantium proportio, qua cum libero
partium fluidarum & solidarum motu & actionum integritas &
mentis animique vigor conservatur*. Sed agendum videamus paulo
distinctius, quomodo Noster propositum suum exequatur.

Stabilita animæ immaterialis existentia adversus *Materiali-
stas*, & *Lockii* corpore cogitante inter contradictoria relato, nota-
toque Idealistarum errore, & explosa natura intermedia inter spi-
ritum & corpus, qua utraque substantia uniatur, benignissima Dei
voluntate animam & corpus ea lege coivisse affirmat, ut, occasione
certarum in corpore motionum, certæ cogitationes in mente exo-
riantur & vice versa certas hujus cogitationes certi corporis mo-
tus consequantur, sive, si illustri *Leibnitii* sententia arriserit,
animam æque ac corpus vi suæ quidem naturæ agere, actiones ve-
ro unius alterius operationibus, ex prævidentia divina sic ordina-
tas, tam exacte uno eodemque tempore correspondere, ac si uno
agente perficerentur. Quamvis autem de modo unionis ipse nihil
determinet, a modo tamen loquendi in tractatione non abstinet,

qui soli experientiae innixus, quæ ita junctas & conspirantes has actiones nobis exhibet, ac si influxu mutuo perficerentur, eoque rem, prout apparet, exprimit. Vi illius commercii animæ juxta Auctorem nostrum inclinationes variae sunt pro corporis constitutione & temperie, ita ut e. g. temperamento sanguineo conveniat lætitia, vigor, promptitudo, curiositas, sed inconstans & vaga rerum sensibilibus, memoria & imaginatione magis, quam acri subtilique judicio & attentione longa tractandarum, otii amor, negotii operosi aversio, honorum & gloriæ, quæ ex facili venit, cupiditas, ad omnia, quæ voluptatem pariunt, propensio & hinc vitæ intemperantia, ad res subitas trepida cunctatio, in periculis anxietas & consilii inopia. Temperamenta equidem non necessitant, sed tamen inclinant, ut adeo ingenium acuendi ratio a Medicina petenda, & vita sobria morum sit medicina. Similiter affectus animæ constitutionem corporis immutant, mentisque ac corporis æquilibrium non minus Medicinæ quam Ethicæ præceptis conservandum. Motus vitales solo corporis mechanismo perficiuntur, nullo præeunte voluntatis imperio, adeoque mere mechanici sunt. In voluntariis autem nutu suo motus nervorum fluidi, pulsu & pressione texti arteriosi in cerebro ad corporis partes jam derivati, dirigit mens & auget, aut funiculos nerveos hoc ipso fluido rite intensos stringit magisque intendit. Anima scilicet systemati nervoso ita præest, ut motum fluidi in illo contenti non tam producat, quam regat & ad hanc potius, quam aliam partem dirigat, & ut motu huic liquido, vel nervis ab eo tensis, a causis aliis impresso, occasione commotarum hac ratione fibrillarum medullarium cerebri varias sibi proponat repræsentationes, sive ideas. Sensatio, quatenus corporeis organis perficitur, harmonico fidium nervearum contremiscentium motu & vibratione absolvitur: cerebrum enim & organa sensoria referunt organa musica. Sensus communis est extremorum complementum & concentu illo quasi musico fidium fibratarum cerebri absolvitur, cujus occasione in anima enascuntur perceptiones & ideas. Imaginatio est continuata, memoria iterata rei a sensibus externis oblatæ repræsentatio, atque a continuata vel iterata fibrillarum cerebri harmonica commotione ac concentu proficiscitur. Animæ adeo facultates

cultates sine organi corporei motu & concentu in hoc consociationis statu in actum deduci nequeunt. Unde deducitur ratio admirandorum effectuum imaginationis aliorumque phaenomenorum tam in statu naturali, quam praeternaturali corporis, v. gr. quomodo phantasia turbetur in ecstasi, affectus vehementes & contemplationes sublimiores usum sanæ rationis intercipient, habitus corporis & temperamenta ad actiones morales proclivitatem inducant, vigente corpore, ceteris paribus, mens quoque vigeat, & quæ sunt complura alia istiusmodi. Vicissim vero habitus corporis & temperamentum sequitur quoque actiones mentis, quoniam in statu consociationis animæ cogitationes & fibrillarum medullarum cerebri motus & concentus sunt simul & convenientissime conspirant, consequenter agitationes mentis & cogitationes actum sequuntur & comitantur motus convenientes & proportionatos communis sensorii, sive principii nervorum. Vita corporis consistit in partium fluidarum ratione mixtionis & quantitatis legitime se habentium per solidas congrue dispositas & constitutas proportionato & æquabili tenore continuato motu: vita vero hominis in mutuo corporis viventis & mentis ratione gaudentis tranquillo commercio & ea concordia, qua & actionum corporearum liberum exercitium & mentis animique serenitas & facultates expedite conservantur. Affectus partium fluidarum dispositionem ac structuram solidarum maxime immutant: quo ipso æquilibrium inter mentem & corpus tollitur, spargunturque multorum morborum semina. Instinctus sensuales oblectantur rationi: unde lucta inter appetitum sensitivum & rationem. Phantasia plerumque stat a parte appetitus: intemperantia & sanitate & animi dotes corrumpit, idem efficit perspiratio *Sanctoriana* suppressa, omnesque humores spirituosos, narcotica & opiate perinde æquilibrium istud tollunt. Tollitur quoque idem per somnum & infomnia, pro temperamentorum diversitate diversa, nullibi autem evidentius, quam in statu praeternaturali febribus, item pica & malacia, appetitu morbofo, deliquis animi & epilepsia, nimia repletionem. A parte mentis tollitur æquilibrium per affectus & concursus ipsius in excitandis febribus, quæ nihil aliud sunt nisi affectus nervorum ac in horum oscillationibus ac constrictione-

strictionibus potissimum consistunt, unde velocior oritur cordis impulsus aliorumque musculorum succursus, augeturque adstrictio tonica & major inde oritur renisus in vasis minimis capillaribus. Huc porro referuntur terror una cum aliis subitis animæ perturbationibus, *ἀπάθεια*, furor poeticus, mentis a sensibus avocatio, melancholia ingeniorum sublimium, idiosyncrasia melancholica ad autochiriam ducens, animæ ad corporis partes nimia conversio & imaginationis extraordinarii affectus cum idiosyncrasiis hæreditariis & adventitiis, idearum connexio, qua una alteram advocat, consuetudinis vis, fiducia ægri in medicamentum, phantasiæ lusus in gravidis, ejusdem effectus mirabilis in melancholicis & somniantibus. Multa Autor ex optimis quibusque autoribus ubivis collegit phænomena singularia, eaque ad rationes physicas revocare nititur, ita ut cum physicæ, tum artis medicæ studiosis plurima scitu digna atque utilia offerat. Id enim potissimum agit, ut ex corporis mechanismo explicet, quænam in corpore accidunt mutationes animæ mutationibus consonæ, non minus in statu corporis præternaturali, quam naturali. Disquisitionem de veneno canis & animalium rabidorum, cujus magna pars haud ita pridem præbuerat argumentum dissertationis medicæ inauguralis, ideo appendicis loco subjunxit, quod ratione perverſæ mentis & hydrophobiæ commodum hic inveniat locum. Rabiem canum deducit a febre ardente violenta, venenum vero canis rabidi esse contendit congeriem particularum salino-sulphurearum, saponacearum, ex salibus & oleis intime divisis & quasi putrefactis progenitarum, acrium, acutarum, scindentium, subtiliorum, mobiliorum, motuque vehementi concitati in fluido seroso agitarum, quæ in relatione ad corpus animale certa ac determinata sua dispositione ac motu, certoque penetrabilis acerbitalis & corrosivæ activitatis suæ gradu aptæ natæ & ita comparatæ sunt, ut fluidorum animalium mixtionem & crasin turbare, serum & salivam instar fermenti inficere, atque partes istius in consortium pravitatis suæ & similem motum abripere, & sic cum hisce simul infectis solidas partes ad spasmodicas contractiones stimulare, totius corporis harmoniam vitalem pervertere tandemque extinguere possint.

D. GE.

D. GEORGII ERNESTI STAHLII, SAC. REG.
*Majest. Boruss. Consil. & Arrbiatri Primarii, Observationes
 Medico-Præctice; quarum Classis I sistit febres. Edidit D.
 JOHANNES CHRISTOPHORUS GOETZIUS,*
*Inclyti, quod Norimbergæ floret, Collegii
 Medici Membrium.*

Norimbergæ, apud Petrum Conradum Monath, 1726, 4.

Alphab. 2 plag. 8.

Cum in studiorum suorum initiis Clariss. Gætzius antea cæce præposteræ polyhistoriæ & ἐκλέγεως pruritu ductus vago ubicunque erraverit pede, ut in Præfatione loquitur, titubantem nullibi figendo gressum, sed suo tandem aliorumque secum errantium periculo didicerit, consultius esse, si tyro artis sectarium, eclecticum autem is demum agat, qui altius jam in eadem profectus, & quid eligendum, quidve rejiciendum, prudenter discernere aptus sit, duce demum sibi elegit Clariss. Stahlium, quem per plurimas easque gravissimas pariter ac utilissimas tradidisse veritates, penitus cognoverat. Cujus consilii cum nunquam ipsum pœniteret, in grati animi tesseram, & ne in hoc stadio decurrentes optimas suas vires in pervestigando, quid de rebus dicatur, deterere cogerentur, sed ipsi alacriores vegetioresque experiendo, quid res ipsæ sint, periculum facere possent, nervum ex Stahlis ejusque asseclarum Voluminibus exponere, sicque vitæ brevitati artis longitudinem attemperare satagit. Luci igitur publicæ exponere constituit opus, cujus titulus erit sequens: *D. Georgii Ernesti Stahlii, Consilarii & Archiatri Regis Borussiae Primarii, Observationes seu Historia Medico & Chirurgico-Præctica, quibus morborum potissimum plurimorumque tum Historia specialis & exacta, tum methodus & remedia probatissima & diutina, multiplici & felici Illustris Autoris experientia candide panduntur: accedunt ejusdem Observationes Chymica ac Physica; ac denique præmittitur Catalogus Scriptorum Stahlii aliorumque ad ejus mentem differentium, serie chronologica textus. Ex quibuscunque Illustr. Autoris vulgatis Scriptis collegit, digessit, ipsiusque verbis recensuit & Indice locupletissimo ditavit D. Johannes Christophorus*

Tyy

Gætzii.

Gætzius. Hoc vero Opus in varias dispescet classes Editor, quarum I continebit Observationes seu Historias Medico-Præcticas; sub quibus militabunt 1) febres, 2) hæmorrhagiæ, 3) congestiones, 4) morbi spastici & convulsivi, 5) toni relaxati, & remissi, 6) seroso-lymphales & intestinales, 7) generationis, 8) hæreditarii ac consuetudinales: II Observationes seu Historias Chirurgico-Præcticas; III Observationes seu Historias Chymicas & Pharmaceuticas, & IV Observationes seu Historias Physicas. Cepit quidem hoc consilium Clariss. *Gætzius*, non quod solum *Stahl*ium Dictatorem esse contendat, quod nec ipse pro sua probaret modestia, qui potius crebrius repetere solitus est dictærum: Nec *Stahlii* nec *Stahl*io omnia esse vera. Illud quippe humanam excederet conditionem, ubi & bonus interdum dormitat *Homerus*; hoc autem aliis atque posteris omnia in ad ulterius detegenda ac invenienda præcluderet viam, Artisque perfectionem, maxime quidem exoptabilem, significaret, a qua tamen multis, proh dolor! distamus parasangis. Quandoquidem autem nihil sit ex omni parte beatum, indeque facile prævideat atque concedat Clariss. *Gætzius*, & in hisce suis laboribus plura adhuc desiderari posse, publice & impense tum Clariss. *Stahl*ium, tum alios eruditos Medicos rogat, ut quæ cum ratione vel demenda, vel addenda, vel mutanda, verbo, corrigenda & monenda duxerint, benigne & amice indicare dignentur. Ea enim postmodum monita proxime insequentibus semper inserentur classibus, & iisdem vel debitus geretur mos, vel rationes, cur id non factum sit, allegabuntur. In præsentî Tractatu observationum Medico-Præcticarum Classis de febribus sistitur, cui præmissa est Recensio chronologica Scriptorum *Stahlii* & ad ejus mentem differentium. Scripta *Stahl*iana quæ recensentur, sunt 276, Disputationes scilicet, Propemptica Inauguralia, Epistolæ gratulatoriæ, Præfationes atque Tractatus; quorum titulos non solum exhibet, sed & vel elogia illis addit, vel diversas editiones commemorat, vel contenta breviter enarrat Clariss. *Gætzius*. Scriptorum vero ad *Stahlii* mentem differentium simplicem nectit catalogum, ita quidem ut Autores Alphabetica, Scripta eorum chronologica serie collocaverit, Qui *Stahlii* asseclis adscribuntur, sunt *Michael Alberti*, *Johannes Simon Bauer*.

Bauermuller, G. M. M. P. T. Blazer, Emanuel Wilhelmus de Boellern, Matthias Wolfgangus Brunnerus, Johannes Valentinus Butzerus, Johannes Samuel Carl, Georgius Glacius, Georgius Daniel Coschwitz, Johannes Michael Craft, Philippus Johannes Denker, Johannes Deigendesch, Georgius Andreas Dern, Samuel Forbiger, Johannes Georgius Fuchs, Benjamin Gottlieb Garmann, N. Geelhausen, Andreas Ottomarus Gœlicke, Johannes Daniel Gohl, Christianus Helwich, Johannes Fridericus Henckel, Johannes Henricus Herlin, Andreas Hermannus, Johannes Christianus Hubner, Johannes Jungker, Johannes Kanold, Remigius Seyffert de Klettenberg, Johannes Georgius Kulmus, Johannes Christianus Kundmann, Johannes Daniel Longolius, Georgius Philippus Nenter, Johannes Christianus Pachhelbl vom Gehag, Huldericus Pelargus, Salomo Peyer, Johannes Zacharias Platner, Johannes Jacobus Reich, Christianus Fridericus Richter, Christianus Sigisfinundus Richter, Samuel Richter, Johannes Jacobus Rock, Godofredus Roth, Paulus Snell, Gotthold Ernst Struve, Gerardus Tabor, Godofredus Henricus Ulaß, Conradus Burchardus Vogther, Johannes Petrus Wahrendorff, Christianus Weisbach, Bartholdus Wichers, Johannes Melchior Zentgravius, & Laurentius Petrus Zettermann. Ex hisce tamen haud pauci sunt, qui præter Disputationem Inauguralem nullo alio claruerunt scripto. Quod observationes Medico-Practicas Clariss. Stahlî attinet, de utilitate hujus libri & præstantia eo minus dubitare licet, quo certius est, Autorem observandi studium in Arte Medica etiam atque etiam commendasse, & qua ratione hoc sit excolendum, variis speciminibus docuisse. In hac Classe I Observationes tantum de febribus exhibentur, numero LXXVI, quarum fontes in margine annotantur, ex quibus sequentes nominasse sufficiat. Observatio 1 & 2 agit de febre acuta somno die critico & septimo judicata; 16 de diarrhœa variolosi nitro sedata, redeunte neglecta lethali; 17 de alvi obstructione quatuordecim dierum, etiamsi pulveres salino-nitrosi largius fuerint assumti; 19 de diarrhœa variolosi cortice cascarillæ sublata; 21 de variolis in infantibus a matre per totum gestationis tempus fluxum mensium ordinarium experta natis; 30 de morbilloso aquæ fragorum usu

in mortis periculum coniecto; 31 de spiritus falis in peripneumoniaco usu minus commodo; 33 de pleuritide sudore judicata; 38 de cholera periculosa ex infuso radicis hellebori nigri; 39 de ligno semiputrido pyri arboris cariosæ, specifico antidysenterico militis cujusdam; 40 de dysenterico conclainato vini haustu curato; 41 de dysenteria oleo lini sanata; 48 de febre tertiana, variis corticis Peruviani formulis frustra impugnata, conjugio tandem curata; 51 de tertianario alio hæcicis, alio cretæ usu restituto; 65, 66 de tussi phthifica, & alia cum peripneumoniacis vestigiis complicata, extracto peti curata; 67 de phthifico hecico equitatione multum levato. Hisce observationibus mantissæ loco subjunguntur Johannis Ludovici Apini Collectanea de febribus, præcipue intermittentibus, quoniam materiæ tractatæ affinitas & præter alia utilia tum methodum ejusmodi febribus medendi, tum dubia quædam de Stahlî assertis continent.

CONCILIIUM ROMANUM IN BASILICA
Lateranenſi celebratum A. 1725 a Sanctiſſimo Patre & Domino nostro BENEDICTO XIII. Juxta exemplar Romanum.

Augustæ Vindel. & Græci, sumtibus fratrum Veithior. 1726, 4. Alph. 2 pl. 1.

Quanta cura quantoque ardore in id incumbat hodiernus Romanæ Ecclesiæ Pontifex, ut & ipse suo satisfaciât officio, & Episcopos ceteros exemplo suo splendidissimo excitet, inprimis loquitur Concilium ab ipso superiori anno d. 15, 22, 29 Aprilis & d. 6, 13, 22, 27 & 29 Maji celebratum. Ac in ipsa Indictione Concilii, quæ primum hujus libri locum occupat, profitetur, se particulare hoc concilium habere in animum induxisse ex lege Concilii Tridentini, qua unusquisque provinciæ Episcopus singulis trienniis celebrare teneatur Synodum provincialem. Addit ibidem, se, quam diu præfuerit Episcopatu Beneventano, huic Tridentinæ legi religiosissime paruisse. Decreta igitur novissimi Concilii hic exhibentur sub titulis XXXII, quorum primus est de summa Trinitate & fide Catholica, II de Constitutionibus, III de Rescriptis, IV de supplenda negligentia Prælatorum, V de temporibus ordi-

na-

nationum, VI de ætate & qualitate præficiendorum, VII de officio judicis delegati, VIII de officio judicis ordinarii, IX de majoritate & obedientia, X. de foro competenti, XI de feriis & festorum dierum observantia, XII de fide instrumentorum, XIII de jurejurando, XIV de appellationibus, XV de celebratione Missarum, Sacramento Eucharistiæ, & divinis officiis, XVI de vita & honestate clericorum, XVII de clericis non residentibus, XVIII ne sede vacante aliquid innovetur, XIX de rebus Ecclesiæ non alienandis, XX de testamentis, XXI de Regularibus, XXII de statu Monachorum & Eremitarum, XXIII de religiosis domibus, ut Episcopo sint subjectæ, XXIV de jure Patronatus, XXV de consecratione Ecclesiæ vel altaris, XXVI de Baptismo & Confirmatione, XXVII de Ecclesiis ædificandis vel reparandis, XXVIII de immunitate, XXIX de accusationibus, XXX de Magistris, XXXI de sententia excommunicationis, ac denique XXXII de Pœnitentiis & Remissionibus. Apparet hinc, Decretalium more sub triginta duobus titulis disposita esse decreta, quæ sunt numero centum & quatuor. Pauca ex his repetere libet. *Tituli primi Capite secundo* celebris illa Constitutio *Unigenitus* statuitur sacrosancta, ac sub gravissima pœna universis præscribitur tenenda. *Ibidem cap. 3* ipsi jubentur concionari Episcopi, saltem diebus Dominicis & sollempnibus Festis. *Tit. II Cap. 2* jubentur provincialia Concilia haberi quolibet triennio. *Tit. XVI Cap. 2* jubentur Episcopi suæ dignitatis esse memores, & supra omnes locum sibi servare digniorem, vetanturque formulis uti humilioribus in epistolis suis earumque subscriptione. *Cap. 3* sacerdotibus interdicitur usu comæ fictitiæ, quam *Peruccam* vulgo vocant. *Tit. XXXII Cap. 1* excommunicatio decernitur in Medicos, qui tertio visitant infirmos, post decubitus non confessos. Post decreta *p. 94 seq.* exhibentur nomina Cardinalium, Archiepiscoporum, Episcoporum, & Abbatum, qui Concilio huic interfuerunt & subscripserunt. Pari modo *p. 102 seq.* traditur elenchus ministrorum hujus Concilii, Promotorum fiscalium, Secretariorum, Judicum querelarum & accusationum, Judicum excusationum & Recognitorum electionum Metropolitanorum, Magistrorum cerimoniarum, Notariorum, Scribarum, Ostia-

riorum, Theologorum, Decretalistarum, Historicorum, Chronologorum, & Geographorum sacrorum. Hinc *p. 109-316* conseq-
 quitur Appendix ad hoc Concilium. Ea continetur I Instructio
 ad facilitandam methodum docendæ bene, doctrinæ Christianæ; II
 Constitutio Benedicti XIII de Præbendis Theologalis & Cano-
 nici Pœnitentiarum in Ecclesiis cathedralibus, ubi non sunt, insti-
 tuendis; III Breve Clementis XI, quo a Card. Ursino, Archiepi-
 scopo Beneventano, de executione cujusdam decreti Concilii pro-
 vincialis certior fieri cupit; IV Constitutio Benedicti XIII, Abba-
 tibus regularibus præscribens, ut infra annum a die eorum electi-
 onis Episcopalem benedictionem suscipere teneantur; V Consti-
 tutio ejusdem, qua locorum Ordinariis norma præscribitur coer-
 cendi Clericos beneficiatos in habitu laicali incedentes; VI ejus-
 dem Constitutio, qua mandatur, ut in Italia parochis defuncto-
 rum, qui in Ecclesiis Regularium tumulabuntur, quarta funera-
 lis persolvatur; VII Decretum S. Congregationis Concilii circa
 Subcollectores, datum A. 1677; VIII Constitutio Benedicti XIII,
 qua sua privilegia confirmantur Abbatiali Ecclesiæ monasterii Ca-
 finensis Ord. S. Benedicti; IX Motus proprius Sixti V A. 1587
 circa revocationem officii Archivis Ecclesiastici generalis in
 Urbe, & confectionem Inventariorum seu Platearum bonorum
 omnium ad singulas Ecclesias; X. Methodus formandi Inventaria
 bonorum ecclesiasticorum; XI Catalogus Scripturarum in Archi-
 vis curiarum Episcopaliū conservandarum; XII Instructio S.
 Congregationis Concilii pro Episcopis, Archiepiscopis, Prima-
 tibus, & Patriarchis super modo conficiendi relationes de statu
 suarum Ecclesiarum, quas occasione visitationis sacrorum limi-
 num eidem sacræ Congregationi exhibere tenentur; XIII Decreta
 S. Congregationis Episcoporum de mandato Clementis VIII circa
 appellationes & inhibitiones; XIV Chirographus Benedicti XIII,
 vi cuius decernitur Promotor fiscalis generalis, qui patrociniū
 causarum criminalium pro curiis ecclesiasticis suscipiat; XV De-
 cretum Clementis XI circa celebrationem in Oratoriis privatis;
 XVI Constitutio Benedicti XIII, qua confirmantur literæ, ab In-
 nocentio XIII editæ, super ecclesiastica disciplina in regnis Hispa-
 niarum; XVII Methodus servanda a Clero in Congregationibus
 de

de sacris ritibus & casibus conscientię singulis hebdomadibus habendis; XVIII Edictum Cardinalis Paulucci de vita & honestate Ecclesiasticorum Romę existentium, & speciatim de habitu & tonsura clericali: quo inter alia *Peruccarum* usus interdicitur sacerdotibus sub pœna toties, quoties transgrediuntur, decem scutorum; XIX Breve Benedicti XIII, quo indemnitati piorum locorum Diœcesis Beneventanę providens, abusus, qui super bonis in emphyteusim concessis irrepserunt, tollendos decernit; XX Epistola encyclica sacrę Congregationis Episcoporum & Regularium, qua ex mandato Clementis XI omnibus Pręlatiſ Italię iungitur observantia omnium infra scriptorum quoad officia Monialium, non particularibus illarum expensis, sed communitatis monasteriorum exercenda; XXI Regulę observandę quoad Eremitas, destinatos ab Episcopis ad custodiam & servitium Eremitarum Ecclesiarumque ruralium; XXII Summarium Constitutionis Clementis VIII circa modum & formam observandam in erectionibus Confraternitatum; XXIII Constitutio Benedicti XIII, qua confirmatur Constitutio Pii II, decernens, primos conventus fructus Beneficiorum vacantium Diœcesis Beneventanę convertendos fore in reparationem, fabricam & incrementum dictę Ecclesię; XXIV Ejusdem literę Apostolicę, quibus per totam Italiam providendis de beneficiis ecclesiasticis, non affectis aut reservatis S. Sedi, demandatur solutio medię annatę favore fabricę Ecclesiarum; XXV Ejusdem Constitutio, qua Gregorii XIV literę Apostolicę, certa excipientes delicta & casus, in quibus Inquisiti laici ecclesiastica immunitate gaudere non debent, confirmantur, nec non curiis ecclesiasticis forma, in eorundem Inquisitorum extractione a locis immunibus observanda, præscribitur; XXVI Decretum Sac. rit. Congregationis, prohibens laicis osculum Evangeliorum intra Missam, usum Baldachini in Ecclesiis, & assistentiam in Presbyteriis; XXVII Constitutio Benedicti XIII, qua locorum Ordinariis Italię mandatur, ut Seminariorum erectionem sedulo promoveant, ac insuper nova instituitur Congregatio, Seminariorum nuncupanda; XXVIII Mandata pro Medicis quoad spiritualem curam infirmorum; XXIX Instructio pro parvulis prima vice ad Sacramentalem Confessionem admittendis;

XXX Instructio pro illis, qui prima vice ad sacram Communionem accedunt. Nihil hinc excerpimus, nisi quod p. 230 legendus commendatur *Thomas a Kempis*; quo ipso an lis definiatur de vero auctore librorum *de imitatione Christi*, viderint Romanæ Ecclesiæ Critici. Nec tamen & illud omittendum, postremas duas Instrukciones Catecheticas autorem habere ipsum Pontificem Benedictum XIII.

THEOLOGIE CHRETIENNE.

hoc est,

THEOLOGIA CHRISTIANA PER DIALOGOS exposita a CÆSARE PEGORIERIO, Ministro Ecclesiæ Londinensis.

Amstelodami, apud Honoratum & Castellatum, 1726, 4.

Alph. 3 pl. 3.

NOva est hæc eademque multis accessionibus ornata editio Theologici Systematis, septem abhinc annis primum publicati. Rev. Autor non solum theoreticam hic, verum etiam practicam Theologiæ partem pertractat, duasque sibi præterea partes adversarias elegit, primo Scepticos & pseudophilosophos, quorum profanas obiectiunculas refelleret atque everteret funditus; deinde Pontificios, quorum & ipsorum errores in apricum produceret. Tòtum opus quatuordecim absolvit libris, quorum *primo* disputat de existentia Dei, naturalique ejus colendi officio; *altero* de S. Scriptura, *tertio* de natura & attributis Dei; *quarto* de creatione mundi, lapsuque hominis; *quinto* de Christo; *sexto* de rationibus consequendæ salutis æternæ; *septimo* de Decalogo; *octavo* de præceptis Evangelicis; *nono* de precibus; *decimo* de Sacramentis; *undecimo* de spiritu sancto & ejus æconomia; *duodecimo* de prædestinatione & gratia; *decimo tertio* de vita mortisque æterna; *postremo* denique de Ecclesia.

Nonnihil ut hinc more nostro delibemus, *Lib. I cap. 1* contendit, firmissimum esse argumentum illud pro existentia Dei, quod petatur ab ejus idea, *Cap. 4* dicta Spinozæ, quibus is oppugnavit miracula Biblica, refellit. *Cap. 6* contra Bælium demonstrat firmita-

mitatem argumenti ad probandam Numinis existentiam peti soliti a consensu totius humani generis. *Lib. II Cap. 2, 3 & 4* demonstrative exponit divinam sacri codicis originem. *Lib. IV Cap. 1* ostendit, tantum abesse, ut mundus sit æternus, ut clarissima suppetant documenta novitatis ejus. *Lib. V Cap. 3 & seq.* demonstrat firmiter, Jesum Nazarenum esse verum Messiam. *Cap. 18* scandalum crucis Christi eximere studet profanis mentibus, octo contemplanda exhibens, quibus facile persuadeatur, non esse omni modo impossibile, ut eam mortem subiret Dei filius; *Cap. 19* copiose probat veritatem resurrectionis Christi. *Lib. VI cap. 3* agit de officio veritatem sacram cognitam publice profitendi, etiam cum vitæ futurarumque periculo; *Cap. 5* dilationis pœnitentiæ pericula exponit. *Lib. VII*, quo exhibetur longa totius Decalogi interpretatio, *Cap. 4 & 5* doctrinam Pontificiorum de cultu imaginum oppugnat, simul *cap. 6 & 7* illius cultus inter Christianos exhibens historiam. Occasione septimi præcepti agit *Cap. 17* de officio injuste alteri ablata restituendi, *Cap. 18* de avaritia, & *Cap. 19* de beneficentia. *Lib. VIII Cap. 1* de abnegatione suimet ipsius disserit; *Cap. 9* de luctu carnis & spiritus. *L. IX C. 3 seq.* copiose interpretatur Orationem Dominicam: *C. 10* refellit Pontificiam invocationem Sanctorum. *Lib. X Cap. 6* refellit transubstantionem, ejusque doctrinæ historiam *Cap. 8* exhibet. *Lib. XI Cap. 4* agit de peccato in Spiritum Sanctum, per quod significari censet Phariseorum blasphemiam, Christi miracula Diabolo auctori tribuentium. *Lib. XIII cap. 6 & 7* probat contraque dissidentes defendit pœnarum infernalium æternitatem. *Lib. XIV Cap. 7* expendit, utrum Papæ an Protestantium Ecclesia sit vera Christi Ecclesia, septemque profert criteria, quibus constet, illam falso, hanc verissime dici Christi ecclesiam; *Cap. 10* agit de divina vocatione Reformatorum, Lutheri scilicet ceterorumque, ad reformandam Ecclesiam; *Cap. 11* demonstrat, Papam esse Antichristum. Ultimo loco exhibetur Appendix, in qua respondetur potissimum, idque breviter, ad ea, quæ Bælius objecit Theologis resolvenda, simulque docetur adversus Huetium, Scepticismum tollere religionem omnem, cum theoreticam, tum practicam.

ACTA ERUDITORUM
LES HYPOTYPOSES OU INSTITU-
tions Pirroniennes.

hoc est,

SEXTI EMPIRICI PYRRHONIARUM
Institutionum Libri tres, e Græco conversi in linguam
Gallicam, subjectis annotationibus.

A. 1725, 12 maj.

Plag. 193.

F*Abrcianam* editionem Operum *Sexti Empirici*, in hac urbe A. 1718 vulgatam, recensuimus eodem anno p. 337 seq. Nunc exhibemus trium priorum Librorum, qui inscribuntur *Institutiones Pyrrhonicae*, versionem Gallicam, cujus quidem Autori usque adeo latere libuit, ut ne locum quidem, ubi typis ea fuit expressa, in titulo indicatum voluerit: et si Bataviam facile prodit cum chartæ, tum literarum nitor. Id an ideo factum sit ab Interprete, quia ro vera sit, nec tamen haberi inter suos velit Scepticus, Lector ipsemet ex Præfatione judicet. In ejus exordio statim causas exponit, quibus adductus hanc versionem concinnarit. Scilicet Sextus ille non solum opiniones veterum Philosophorum magno numero tradit, verum etiam subtilibus argumentis docet, multa esse incerta in scientiis, quæ vulgo habentur pro exploratissime veris, & exceptis exemplis nonnullis, rectissime ratiocinari solet, atque adeo pro magno habendus est Philosopho, ab eoque artem ratiocinandi merito debemus discere. Ceterum nos docet Interpretes, se objectiones Pyrrhonicas non applicasse ad Theologica dogmata, adeoque sibi vitio verti non posse, quod Scepticos hos libros omnibus legendos tradiderit; ac magnis celebrari laudibus Charronium, Mich. Montanum, Vayerium, Gassendum, Bælium, Huëtiū, quos Scepticos fuisse satis confitet. Quod si quis miretur, Interpretem nostrum non solvisse dubitationes Sexti, imo multis earum suis in annotationibus roboris nonnihil adicere conatum esse, eum considerare jubet, non esse interpretis, Autorem suum refutare: se vero addit nec parem esse omnibus iis solvendis, nec eruditorum in gratiam hanc interpretationem suscepisse. Interjecho hinc sermone de Sexti persona & ætate & scriptis, naturam & in-

& indolem Philosophiæ Scepticæ describere aggreditur. Primum igitur monet, Scepticum magis videri contradicere aliis Philosophis, quam revera contradicere. Et enim tantummodo propositum esse, iis infirmitatem suorum argumentorum ostendere, eoque pacto efficere, ut non se condemnent mutuo, sed amice fiant. Cum itaque Dogmatici sint perturbatores humanæ societatis, ac diversum sentientes odio persequantur & injuriis, Scepticum, se æque ac alios errare posse, ratum, neminem condemnare, sed sequi quemque jubere id, quod visum ipsi fuerit verius. Imo si vel maxime id agat Scepticus, ut maximi momenti doctrinas evertat, non scopum ejus intueudum esse, sed vim argumentorum, iisque, si bona sint, cedi debere. Secundo loco docet Interpret noster, Scepticos non negare *apparentiam*, ut cum vulgo loquamur, sed potius concedere, e. g. *videri* dari motum, tempus, locum, colores, virtutes, vitia: imo actiones suas ad id, quod *videtur*, regere solere, etsi relinquat in medio, verene se res quæque ita habeat, ut videtur, an non. Rejicit proinde acumen Diogenis Cynici, deambulatione sua refutare conantis Scepticos adversus motum disputantes: a Diogene enim id solum probari, quod omnibus videatur dari motum: hoc vero non negari a Sceptico, sed ab eo veram motus existentiam impugnari firmo argumento. Tertio observare nos jubet, a Sceptico nec affirmari quicquam, nec negari, sed ita eum cogitare: tua sententia videtur esse vera: at opposita sententia pariter vera videtur esse. Jam vero, utrius partis argumenta sint firmitiora, perspectu difficillimum est: imo suæ cuique disputatori rationes videntur esse firmissimæ. Quarto addit, totum Scepticismum pro fundamento habere diversitatem sententiarum inter Philosophos. Quemlibet enim credere, a se clare cognosci suæ sententiæ veritatem. Cum igitur, uter fallatur, incertum sit, hinc sequi, de omnibus esse dubitandum. Quinto denique statuit, ea re Scepticismo maximam conciliari auctoritatem, quod ostendat, philosophiam dogmaticam constare circulis vitiosis & petitionibus principii, hoc est, dogmaticos semper obscurum probare per æque obscurum incertumque. Imo ipsius syllogismi auctoritatem Noster labefactat, demonstrans, ut ipse quidem existimat, omnem

sylogifinum esse petitionem principii aut circulum vitiosum. Ha-
tenus Præfatio. Ad annotationes Gallico Sexto subjectas quod
attinet, sunt ex non ita multæ, & illustrando Sexto destinatæ sunt,
magnamque partem petitæ ex editione Cl. Fabricii. Ceterum
nullo loco Sextum suum refutat Interpres, nisi quod tertii Libri
Capiti primo, quo Sextus ille contra Dei existentiam disputat, ad-
junxit dissertationem septem paginarum, in qua defendit illam
Sexti disputationem frigida quadam ratione, simulque contendit,
Christianos, utpote qui exemplo Abrahami *credere & sperare de-
beant contra omnem credendi sperandique causam*, partim ex ra-
tione, partim ex revelatione satis certos esse de existentia & pro-
videntia Dei.

LA VIE DE FRANCOIS EUDES

de Mezeray,

hoc est,

VITA FRANCISCI EUDESII MEZERAJI,

Historiographi Franciæ.

Amstelodami, apud Petrum Brunelium, 1726, 8.

Pl. 8.

NArrat Autor in Præfatione, jam triginta quinque abhinc an-
nis hanc se Vitam composuisse, cumque nunquam, ut eam
emitteret, ab amicis impetrari potuisset, nunc, postquam Lon-
gus in *Bibliotheca* sua *Historicorum Franciæ* multa de Mezerajo
falsa tradidisset, se coactum esse eam publicæ luci exponere. Na-
tus est Mezerajus (nam compendium libri more nostro exhibere
libet) Ryæ, quod exiguum est oppidulum Normanniæ inferioris.
Pater, cui nomen Isaaco Eudæso, chirurgiam ibi fecit, & tres re-
liquit filios, quorum medius est Historicus noster; minor natu,
Carolus, nobilis evasit Chirurgus; major natu, Joannes, celebris
concionator factus est & conditor sectæ cujusdam pietatis studii
præferentis, quæ ab eo dicta fuit secta *Eudistarum*. Histori-
cus in lucem prodiit A. 1610: mensis ac dies natalis latent. Postea-
quam in Academia Cadomeni strenue ac felici successu emensus
erat studia literaria, Lutetiam se contulit, creatusque Commissa-
rius

rius bellicus tribus expeditionibus interfuit. Cum vero suo genio minime congrueret hoc munus, eo sponte se abdicavit, privatusque vixit in urbe principe, ac ad ignobilitatem familiæ suæ tegendam adscivit nomen *de Mezeray*. Hic loci ut haberet, unde viveret, in animum induxit satyras scribere: quas cum edere non admodum periculosum eo tempore esset, & avide emerent populares, trium annorum spatio multum collegit pecuniæ. Hinc studio se dedit historico, cumque pro acumine mentis suæ permultos observaret errores in historicis Galliarum, vix viginti septem annos natus scribere aggressus est Historiam Galliarum, ac tam pertinaciter in hunc laborem incubuit, ut gravem sibi morbum contraheret. Quo cognito Richelius ei dono misit ducentos Imperiales: quod quidem multis eo consilio fecisse visus est, ut hoc pacto Mezerajum permoveret ad laudes suas in historico opere prædicandas. Ceterum Mezerajus, ut historia sua pluribus placeret, ornavit eam imaginibus Regum ac Reginarum, itemque singulis Regum vitis præmisit Joannis Balduini, amici sui, epigrammata vitam cujusque breviter complexa. Nec sefellit eum spes sua. Nam primus Historiæ Tomus mirifico exceptus est applausu, etsi quidam mollesce ferebant, Mezerajum superiores Galliarum historicos, Gaguinium, Paulum Æmilium, Haillanum, Serranum, & Dupleixium, immiti persecutum esse censura. Tribus annis post, A. 1646 edidit alterum Tomum, & A. 1651 tertium. Posteriori hoc intervallo a quodam bibliopola conduci se passus erat ad emendandam & una cum continuatione sua rursus edendam Vigenerii versionem Gallicam *Historia Turcica Chakocondyla*. At cum Galliarum historia omnes ejus cogitationes in se converteret, factum est, ut Continuatio illa prodiret ineptissima dignissimaque contentu. A. 1652 absoluto opere historico, satyrica sua edidit scripta, adscito nomine *Sandricurii*, quibus acerbè insectatus est Mazarinum & alios viros principes. Non laudat hoc Biographus, imo graviter reprehendit, & libellos illos vocat seditiosos: maxime eo nomine notat historicum, quod satyris vexarit Richelii nomen, inmemor acceptorum ab eo beneficiorum haud tenuium. Postea Mezerajus ad *Breviarium Historiæ Gallicæ* componendum se accinxit, eique decem omnino annos impendit. Junxit laudabili consilio in isto

Breviario historię Gallicę historiam ceterorum regnorum, itemque historiam ecclesiasticam, nactus hic adjuutores Launojum & Ditoisium. Prodiit prima hujus *Breviarii* editio A. 1668, idque applaudentibus quamplurimis, eruditis tamen errores in eo animadvertentibus haud paucos. Communiter tamen laudata fuit ejus sinceritas, libere professi, quicquid verum esse sentiebat. Inter alia cum aperuisset originem multorum tributorum, quę Gallos emungunt, ea re provocavit in se indignationem Colberti. Correxerat quidem in editione anni 1672 aliquot ejus generis loca: sed tam parum satisfecit Colberto, ut is ipsum privaret dimidia parte stipendii regii, nec ita multo post totum id ei eriperet, cognito scilicet, Mezerajum in colloquiis familiaribus asperiora in se emisisse verba. Quod quidem naturale fuisse historico nostro, multis exemplis docet Biographus, magnęque ejus exsultationi tribuit, quod impune tulerit dicacitatem suam in viros maximos. Quanti enim fieret in Gallia, ex eo facile apparet, quod jam A. 1649 adscitus fuit in Academiam Francicam, cujus posthac etiam factus Secretarius, prima jecit fundamenta celebris illius Academię Dictionarii. Diximus, admodum mordacis ingenii fuisse Mezerajum. Id pluribus hinc exemplis manifestum facit Biographus, ac simul exponit, quam intractabilem se gerere consueverit. Addit, & in moribus & in vestitu eum fuisse impolitum, atque accidisse quodam tempore, ut pro vago mendico a servis publicis comprehenderetur, trahendus in ergastulum. Illud etiam haud immerito refert inter inconditi moris specimina, quod intimam coluit amicitiam cum caupone quodam, nomine Faucherio, homine infulsi ingenii, eumque scripsit heredem bonorum suorum. Nec illud risu indignum censet, quod semper ad lucernam, etiam in ipso meridie æstivo, tractavit literarum studia, discendentesque a se amicos, qui forte eum invisebant, ad januam domus deduxit, lucernam manu tenens tanquam alter Cynicorum Diogenes. Ad religionem quod attinet, cum semper se præbuisset Scepticum & sacrarum irrisorem caerimoniarum, paulo ante excessum e vita coram amicis illius impietatis egit poenitentiam, exstinctus anni 1683 decimo die Julii. Quam avarus fuerit, ex eo docet Biographus, quod magnas reliquit opes: idque etiam

Testa-

Testamentum ejus demonstrat, quod totum hic exhibetur in ultimis libri paginis.

**CONSPECTUS THESAURI ANTIQUITATUM
Ecclesiasticarum, edendi a JOANNE FRANCISCO
BUDDEO, Theol. D. & P. P. O. & D. JOANNE
GEORGIO WALCHIO, Eloquent. & Poeseos
P. P. O. ac Theologiae Extraordin.**

Lipsiæ, sumtu Jo. Friderici Gleditschii B. Filii, 1726, 4.

Plag. 1.

Non tadebit integrum hic legere Conspectum, cujus modo titulum dedimus.

Qui ad rem litterariam promovendam consilia sua conferunt, jam dudum intellexerunt, plurima maximaque ad eam redundare commoda, si selectæ doctorum virorum commentationes, præsertim quæ exiguæ molis sunt, facile hominum oculis se subducunt, tandemque prorsus pereunt, colligantur, & in unum aliquod coire jubeantur corpus, & ita ab interitu vindicentur. Enata hinc sunt varia Syntagmata, Bibliothecæ, Thesauri, in quibus ejusmodi scripta, ad certam quandam eruditionis partem spectantia, junctim exhibentur, in quibus *Thesauri* isti *Antiquitatum Græcarum Romanarumque*, Gronovii atque Grævii, haud ultimum locum tenent; quorum etiam exemplo constat, ejusmodi collectiones orbi erudito haud integras esse. Optarunt itaque viri eruditi, ut simili ratione scripta selectiora, quibus varia Antiquitatis Ecclesiasticæ capita illustrantur, in unum collecta publicæ luci exponerentur; quamvis, qui manum ejusmodi operi admoverit, nobis hucusque non innotuerit. Cumque non dubitaremus, huncce eo magis se approbaturum laborem, quo latius antiquitatis ecclesiasticæ patet usus, & per omnem tum Theologix, tum Jurisprudentiæ, speciatim ecclesiasticæ, sese diffundit campum, eo facilius ad illum suscipiendum nos induci passî sumus, quo promiorem virum honestissimum, Joannem Gottliebium Gleditschium, invenimus ad saluberrimum istud institutum suis sumptibus promovendum. Neque omnibus ad istud perficiendum præsiidiis nos desti-

tuos

tutos putamus; siquidem bibliothecarum quædam publicæ atque privatæ, eæque istiusmodi librorum apparatu haud mediocriter instructæ, nobis patent, ex quibus, quæ usui nobis esse possunt, depromere licet. Sed nec dubitamus, quin viri quidam doctissimi, quibus hocce studiorum genus curæ cordique est, ope consilioque nobis sint adfuturi, ut scopum, quem nobis proposuimus, eo rectius consequi possimus. Immo hæc ipsa hujus scriptionis causa est præcipua, ut eosdem ea, quæ par est, humanitate & observantia invitemus atque rogemus, ne istud facere dedignentur, sed potius sui erga bonas litteras amoris perennia hoc pacto statuunt documenta. Grato enim istud nos, immo rem litterariam & ecclesiasticam juvandi studium agnoscemus animo, publiceque laudare non intermittemus, curabimus etiam, ne damni aut oneris quid ad quemque inde redeat. Monitis autem suis atque consiliis nobis proderunt, si ingenuè significaverint, quænam scripta Thesauro huic inferenda, quænam omittenda existiment; tum vero si rariora quædam, quæ nobis forte non innotuerunt, indicent, & occasionem, qua iis potiri queamus, suppedient, magno hoc ipso nos afficient beneficio, cujus memoriam nulla unquam delebit oblivio. Ut autem, quid ab iis expectemus, eo rectius intelligant, instituti nostri, prout animo id concepimus, rationem paucis exponemus. Initio itaque sciendum, Antiquitatum Ecclesiasticarum, & quidem Christianarum, seu Novi Testamenti, ambitu istud circumscribi, cumque illis adeo, qui de Antiquitatibus Veteris Testamenti, aut Ebraicis bene meriti sunt, nihil nobis esse negotii. Cum autem porro nonnulli ecclesiasticas Novi Testamenti antiquitates amplis vastisque explicaverint voluminibus, hoc itidem dimitemus, cum ejusmodi librorum interitus non temere metuendus sit, subinde etiam recudi soleant, omniumque sufficienti usibus, ne dicam, quod ita opus hocce immensæ prorsus molis futurum esset. Ejusmodi itaque conquiremus virorum doctorum commentationes, quæ non adeo magnæ molis fiut, selectæ tamen, dignæque, quæ & conserventur & legantur ab omnibus. Hæc si alio, quam Latino sermone conscriptæ sint, curabimus, ut accurate & eleganter in huncce convertantur. Omnes etiam istos libros perlustrabimus, priusquam typis tradantur, a vitiiis typographicis

phicis purgabimus, & loca veterum, ad quæ provocant, evolvemus, & num recte allegata sint, dispiciemus. Ordinem vero observabimus sequentem, ut *primo Tomo* exhibeantur scripta, generatim antiquitates ecclesiasticas illustrantia, aut earundem summam quamdam complectentia: *secundo*, quæ speciatim de personis sacris seu ecclesiasticis agunt; *tertio*, quæ loca cultui sacro apud veteres destinata describunt, aut quæ de iis observatu digna sunt, tradunt; *quarto*, quæ dierum cultui sacro destinatarum notitiam suppeditant, sive quæ de diebus festis veterum christianorum agunt; *quinto & sexto*, quæ de cultus divini variis partibus, concionibus, precibus, hymnis veterum Christianorum, similibusque exponant; *septimo*, quæ ritus veterum Christianorum circa baptismum & sacram cœnam pandunt, *octavo*, quæ disciplinæ ecclesiasticæ, pœnitentiæ publicæ, eorumque omnium quæ eo spectant, rationem nos edocent; *nono*, quæ vitam privatam veterum Christianorum, itemque eorum nuptias, ac matrimonia, ritusque matrimoniales, disciplinam domesticam, rem scholasticam & cateheticam, sepulturam denique, & ritus in funeribus usitatos delineant; *decimo* denique, quæ de vexationibus afflictionibusque veterum Christianorum, & Martyribus, eorumque cruciatibus, & honore post mortem iis exhibito, Autores ex instituto commentati sunt. Ne vero specimen aliquod desit, ex quo instituti hujus eo rectius cognoscatur ratio, indicabimus ea, quæ *Tomo primus* complectetur. Sunt autem ista sequentia: I Compendium antiquitatum ecclesiasticarum ex scriptoribus apologeticis eorumdemque scholasticis & commentatoribus concinnatum. II *Plinii Epistola ad Trajanum*, cum notis & commentariis integris Gerhardi Joannis Vossii, Francisci Balduini, Conradi Rittershusii, aliorumque. III *Joan. Tesmari processus gentilium in Christianos sub Trajano Casare institutus & illustratus*. IV *Eusebii Alexandrini oratio de deo Dominica*, cum versione & notis Joan. Guil. Jani. V *Conradi Samuelis Schurzleischii Antiquitates Ecclesiasticæ*, ex manuscripto primum editæ. Volumen enim aliquod ipsius Schurzleischii manuscriptum, ex bibliotheca Vinariensi benevole, jussu Serenissimi Ducis, Domini nostri clementissimi, nobiscum communicatum est, ex quo antiquitates istæ excerptæ, &

certo ordine dispositæ, ut integrum velut systema antiquitatum ecclesiasticarum exhibeant. VI Guilielmi Cavei *Christianismus primitivus*, in linguam Latinam translatus, testimoniis Patrum veterumque scriptorum ex ipsis fontibus summo studio adductis. VII Claudii Fleury libellus de *moribus Christianorum*, ex Gallicana lingua in Latinam conversus. VIII Joan. Frontonis de *moribus & vita Christianorum* dissertatio. IX Paganinus Gaudentius de *dogmatibus & ritibus veteris ecclesie*. X Joachimi Hildebrandi *sacra publica veteris ecclesie in compendium redacta*. XI Ejusdem, de *prisca & primitiva ecclesia sacris publicis, templis & diebus festis, enchiridion*. XII Joannis Christophori Wagenfeilii *analecta de doctrina & ritibus Romane ecclesie*. XIII Matthiæ Larroquani *adversariorum sacrorum libri tres*. XIV Tobiz Pfanneri *observationes ecclesiasticae*. XV Joan. Francisci Buddei *dissertatio de origine, dignitate & usu nominis Christiani*. XVI Gottfriedi Arnoldi *historia cognationis spiritualis inter veteres Christianos*. Hisce alia

adhuc ejusdem generis addi; aut si visum fuerit,

omitti quædam possunt. Jenæ, die

10 Sept. 1726

INDEX AUTORUM, Quorum Libri aut Inventa hoc Volu- mine recensentur.

I Libri Theologici & ad Historiam Ecclesiasticam spectantes.

A	Nonymi Concilium Romanum in Basilica Lateranensi A. 1725 celebratum.	540
	Mnemofynon Jubilæi Evang. Magdeb. secundi.	126
	Historia Socinianiismi.	259
	Vetus Disciplina monastica.	305
	Basnagius (Jac.) v. Canisius.	
	Roschii (Petri) Tr. hist. chronol. de Patriarchis Antiochenis.	137
	Buddei (Jo. Franc.) Conspectus Thesauri Antiquit. Eccl.	551
	Canisii	

INDEX AUTORUM.

Canisii (Henr.) <i>Thesaurus Monum. Eccles. & Hist. ex ed. Jac. Basna-</i> <i>gii.</i>	Tom. II P. <u>I, II</u> & III. Tom. III P. <u>I</u> & II. Tomus IV.	 1 82 145
Celsii (Olavi) <i>de Melonibus Egyptiis, Num. XI, 5, Tract.</i>		323
Georgii (Jac. Frid.) <i>Gravamina Imp. & Principum Germaniae ad-</i> <i>versus sedem Romanam collecta.</i>		206
Hillieri (Matthaei) <i>Hierophyticon.</i>		139
Hugo (Car. Lud.) <i>Sacrae Antiquitatis Monumenta historica, dog-</i> <i>matica, diplomatica. Tomus I.</i>		97
Langii (Joach.) <i>Causa Dei & religionis, Judaei revelata, adversus</i> <i>Naturalismum adserta.</i>		412
	<i>Institutiones Studii Theologici litteraria.</i>	418
Marckii (Joh.) <i>Fasciculus Dissert. exeg. ad selectos textus Vet.</i> <i>Test.</i>		170
Millii (Dav.) <i>Editio Veteris Testamenti, ex versione LXX Interpre-</i> <i>tum.</i>		433
Moshemii (Jo. Laur.) <i>Cogitationum in N. Test. locos selectiores</i> <i>Liber I.</i>		321
Parkeri (Sam.) <i>Comment. in singulos libros Vet. & Novi Testamenti.</i>		513
Pegorierii (Cesaris) <i>Theologia Christiana.</i>		544
Pezii (<u>Bern.</u>) <i>Bibliotheca Ascetica antiquo-nova. Tom. V & VI.</i>		262
	<i>Tom. VII & VIII.</i>	319
Pilarik (Jo. Godofr.) <i>Meditationes poeticae in libros Biblicos.</i>		95
Salmon (Franc.) <i>Tr. de studio Conciliorum eorumque Collectioni-</i> <i>bus.</i>		52
Walchii (<u>Jo. Ge.</u>) <i>Conspectus Thesauri Antiquit. Eccl.</i>		551
	<i>Primitiae Sacrae Genenses.</i>	515
Wokenii (Franc.) <i>Textus V. T. originalis Ebraeus ab Enallagis libe-</i> <i>ratus.</i>		421
Wollii (Christoph.) <i>Comment. philol. de Parentesi sacra.</i>		408
	<i>Diff. de usu & abusu ἀνέκδοτος nominum divinatorum sacra.</i>	408
	<i>Diff. de loco Dan, Genes. XIV, 14.</i>	408
Zornii (Petri) <i>Bibliotheca antiquaria & exegetica in universam</i> <i>Scripturam S. Tom. I P. I, II & III.</i>		44

II Libri Juridici.

Campiani (M. Augustini) <i>de officio & potestate Magistratum Rom.</i> <i>& Jurisdictione Libri II.</i>		439
Gebaueri (Ge. Christ.) <i>Paratitla ad Huberum e Jure Judicior. no-</i> <i>viss. Elect. Saxon.</i>		141

INDEX

Heineccii (J. G.) & E. O. A. C. Pagenstecheri Epistola amabæ de sensu & genuina lectione L. 1 ff. de Curat. furios. & L. 28 ff. de probat.	23
Ad Legem Juliam & Papiam Poppeam Commentarius.	401
Homburgk zu Vach (Jo. Frid.) Themis, seu de ortu legis æterna secundum sententiam Græcorum Liber singularis.	369
Huberi (Ulr.) Praelectionum Juris Civilis Tomi III.	140
Kresslii (Jo. Pauli) Specimen Jurisprudentiæ privatae, seu Civilis.	525
Lunig (Jo. Christ.) Thesaurus Juris Comitum & Domin. S. R. Imp.	100
Manzii (Casp.) Tract. de Testamento valido & invalido.	22
Otonis (Everardi) Thesaurus Juris Romani. Tom. I.	107
Pagenstecheri (E. O. A. C.) & J. G. Heineccii Epistola amabæ de sensu & genuina lectione L. 1 ff. de Curat. furios. & L. 28 ff. de probat.	23
Pfessingeri (Jo. Frid.) Nota ad Vitriarii Instit. Jur. Publ. Tomus III.	172
Seldeni (Jo.) Opera omnia. Tomi III.	481

III Libri Medici & Physici.

A Nonymi Adflorum Medicorum Berolin. Decadis II Vol. V & VI.	479
Adolphi (Christ. Mich.) Trias Dissert. Physico-Medicarum.	229
De S. Andrea Epistola de Magia, Maleficiis & Incantatoribus.	185
Benevoli (Ant.) Propositio nova de Caruncula Urethrae Carnositas dicta.	87
Büllfingeri (Ge. Beruh.) Or. de progressu in theoria Magnetica.	354
Burggravii (Jo. Phil.) Tr. de existentia Spirituum nervosorum contra A. O. Gælicke Commentationem Medicam.	36
Fantoni (Jo.) Diss. duæ de Thermis Valderianis.	325
Franciæ Franckenau (Ge. Frid.) Epist. excerpta de machina pro calculo ex vesica tenaculorum loco sine hujus lectione extrahendo.	42
Friedelii (Dav.) promptus & expertus Medicus.	306
Gælicke (Andr. Ottomari) Spiritus animalis ex foro Medico relegatus.	36
Henckelii (Jo. Frid.) Pyritologia.	270
Kulmus (Jo. Adami) Tabula Anatomica.	179
Descr. anatomica fetus monstruosi &c.	180
Kundmann (Jo. Christian.) Promptuarium rerum natural. & artificialium Vratislaviensis.	42

Mar-

A U T O R U M.

Marfilii Com. (Lud. Ferd.) <i>Historia physica Maris.</i>	241
Mead (Rich.) <i>Oratio anniversaria Harvejana.</i>	266
Diff. de nummis a Smyrnaeis in Medicorum honorem cuss.	266
Michelotti (Petr. Ant.) <i>rari ac prope inauditi ex utero Morbi historia.</i>	517
Van Muschenbroek (Petr.) <i>Epitome Elementor. Phys. Mathem.</i>	504
Ozanami <i>Recreationes Mathem. & Physica.</i>	119
Poleni (Jo.) <i>Epistola dua de telluris forma, & de causa motus muscularum.</i>	244
ARipa (Ludov.) <i>Miscellanea (Meteorologico-Mathematica).</i>	27
Rizzetti (Jo.) <i>de luminis refractione Diff. Anti-Bernoulliana.</i>	275
Rutty (Guil.) <i>Tr. de viis Urinariis.</i>	500
Ruychijii (Frid.) <i>Tr. anatom. de Musculo in fundo uteri recens invento.</i>	40

Instructio de extrahenda placenta uterina.

Schurigii (Mart.) <i>Chylologia Historico-Medica.</i>	40
Stahlil (Georgii Ern.) <i>Observat. Medico - Pract. Classis 1, ex ed. Jo. Christoph. Goetzii.</i>	286
Vallisnieri (Ant.) <i>Lectio Acad. de origine fontium, ex ed. Gastonis Josephi Georgii.</i>	337
Nova Observ. & experimenta circa Historiam Medicam & naturalem.	488
Verdries (Jo. Melch.) <i>Disquis. de veneno canis & animalium rabidorum & de hydrophobia.</i>	495
Parelii duo cum parte Halonis, Iridem inversam representantis, observati.	532
Wucherer (Jo. Frid.) <i>Institutiones Philosophia Naturalis ecclesice.</i>	222
	188

IV Libri Mathematici.

B Atty vide Langley.	
Capassi (Dominici) <i>Observationes habita Ulyssipone circa primum Jovis Satellitem.</i>	365
Observ. Astronomica ad elevationem Poli Ulyssipone inquirendam.	365
Euleri (Leonh.) <i>Constructio linearum Isochronarum in medio quocunque resistente.</i>	361
AFleming (Jo. Frid.) <i>Miles Germanicus perfectus.</i>	377
Gartneri (Andr.) <i>Organum Astrodicticum globo caelesti applicandum.</i>	364
r Gravesande (Guil. Jac.) <i>Physices Elementa Mathem. Tom. I.</i>	316
Supplementum Physicum.	316
Hausen (C. A.) <i>Solutio Problematis Leibneriani.</i>	226

I N D E X

<i>De la Hire (Phil.) Tabula Astronomica.</i>	274
<i>Horrebovii (Petri) Clavis Astronomia.</i>	506
<i>Klunmii (Jo. Alb.) Descriptio calculi Astronomici.</i>	274
<i>De Koesfeld vide Zumbach.</i>	
<i>Langley (Batty) Geometria practica ad Architecturam civ. & hor- tensem, Geodesiam & artem mensurandi applicata.</i>	529
<i>Leichneri (Jo. Wilh. Theod.) Problema Arithmo-Technicum.</i>	225
<i>Leupoldi (Jac.) Theatrum Machinarum ad onera elevanda vel de- portanda.</i>	174
<i>Theatrum Staticum universale.</i>	380
<i>Leutnantii (Jo. Ge.) Instrumenta Meteorognosia inservientia.</i>	124
<i>Hyetostatbica duo & exatmoscopium, noviter inventa.</i>	124
<i>Meditat. de mensura quadam universali eruditis pro- pria.</i>	124
<i>Van Muschenbrack (Petri) Epitome Elem. Physico-Mathem.</i>	504
<i>Ozanami Recreationes Mathematicae & Physicae.</i>	119
<i>ARipa (Ludov.) Miscellanea (Meteorol. Mathematica).</i>	27
<i>Rizzetti (Jo.) Diss. Anti-Bernoulliana de luminis refractione.</i>	275
<i>Schulenburg (Jo. Christiani) Consilium de conciliatione diverso- rum celebrandi Paschatis institutorum.</i>	177
<i>Varignonii (Petri) Dilucidationes Analyseos infinite parvorum.</i>	118
<i>Nova Mechanica sive Statica.</i>	309
<i>Weidler (Jo. Frid.) Institutiones Geometriae subterranea.</i>	226
<i>Zumbach de Koesfeld (Lotharii) Saturnilabium.</i>	227

V Libri Historici, Geographici &c.

A <i>Nonymi Registrum Honoris de Richmond.</i>	9
<i>Historia Piclurae Veteris.</i>	303
<i>Vita Oliverii Cromwellii.</i>	447
<i>Elogium Luderii Menckenii, JC.</i>	473
<i>Vita Franc. Eudes Mezeraei.</i>	548
<i>Bembi (Petri) Historia Veneta.</i>	289
<i>Büllfingeri (Ge. Bernh.) Or. de satis literarum usque ad Academias Scient. institutas &c.</i>	354
<i>Caeslii Dionis Romanae Hist. libri ultimi tres, ex ed. Nic. Carminii Fal- conis.</i>	435
<i>Le Cerf (Phil.) Bibl. hist. crit. Scriptorum Ben. Congr. S. Mauri.</i>	349
<i>Conradi (F. C.) Annotata ad Havercampi Dissert. numismaticas.</i>	155
<i>Duelli (Raimundi) Epistola de Inscrip. gemmis & nummis Roman.</i>	486
	46

AUTORUM.

Ab Eckhart (Job. Geo.) <i>Diff. de Imperiali ac Regio Palatio Sala in Franconia sito.</i>	386
Foscarini (Mich.) <i>Historia Veneta.</i>	289
L. B. de Gundling (Jac. Pauli) <i>Vita & res gesta Friderici II Elect. Brand.</i>	443
Havercampi (Sigeib.) <i>Diff. de nummo Alexandri M. quo IV summa Imperia continentur.</i>	149
<i>de nummis contorniatis.</i>	149
Jenkinsii (Leolini) <i>Epistola & alia monum. historica.</i>	247
Joannis (Ge. Christ.) <i>Miscella Historia Palatina.</i>	213
<i>Nova editio auctior Scriptor. Germ. Reuberi.</i>	344
Kœleri (Jo. Dav.) <i>Historia geneal. Comitum de Wolfstein.</i>	393
Lengnich (Gothofredi) <i>Historia rerum in Prussia Polon. ab obitu Sigismundi Aug. usque ad Stephani R. mortem gestarum.</i>	102
De Ludewig (Jo. Petri) <i>Reliquia MSptor. omnis avi Diplom. T. VII.</i>	346
Lunig (Jo. Christiani) <i>Codex Italiae Diplom. Tom. I.</i>	99
<i>Tom. II.</i>	441
<i>Thesaurus Juris Comitum & Dominorum S. R. Imp.</i>	100
Mauroceni (Andr.) <i>Historia Veneta.</i>	289
Morabini <i>Historia exilii Ciceronis.</i>	527
Muratorii (Ludov. Ant.) <i>Rerum Italicarum Scriptores ab anno D ad MD. Tomus VI.</i>	49
Nani (Bapt.) <i>Historia Veneta.</i>	289
Nestefuranoji (Jo.) <i>Commentarii hist. regiminis Petri M. Rufforum Imp. Tom I & II.</i>	214
Ovingtoni (Jo.) <i>Itinerarium Suratam versus &c.</i>	329
Parutæ (Pauli) <i>Historia Veneta.</i>	289
Pedrussii (Pauli) <i>Imperatores in are magno Tom. VI, VII & VIII.</i>	5, 6.
<i>in are mediocri & minimo. Tomus IX.</i>	4
<i>Petro Piovene continuatus.</i>	6
Pfisteri (Salom.) <i>vita Matth. Hilleri.</i>	130
Piovene (Petri) <i>Imperatores in are mediocri & minimo, seu operis numism. Pedrusiani continuatio. Tomus IX.</i>	6
Pistorii (Jo.) <i>rerum Germ. Scriptores, ex ed. Burch. Gottb. Struvii.</i>	341
Reuberi (Justi) <i>rerum Germ. Scriptores, ex ed. Ge. Chr. Joannis.</i>	344
Sabellici (M. A.) <i>Historia Veneta.</i>	289
Schannat (Jo. Frid.) <i>Sylloge veterum Monum. historicorum.</i>	85
Steyerer (Ant.) <i>Comment. pro historia Alberti II D. Austr.</i>	208
Thorschmidt (Justi Christ.) <i>Antiquitates Ploenses &c.</i>	18
Vaillant (Jo. Foy) <i>Arsacidarum Imperium per nummos.</i>	193
<i>Achamemidarum Imperium per nummos.</i>	193
	De

INDEX

<i>De Witt (Jo.) Litera & negotia &c.</i>	15
<i>Decreta Statuum Fœd. Belgii.</i>	15
<i>Wynne (Wilb.) vita Leolini Jenkinſii.</i>	247
<i>Leni (Apoſtoli) Collectio Hiſtoricorum rerum Venet. qui publica auctoritate ſcripſerunt.</i>	289

VI Libri Miſcellanei.

A <i>Non. Sermones in primo ſolenni Academia Scient. Imper. Ruſſica conventu recitati.</i>	353
<i>Commentatio de Deo, mundo & homine, atque ſato.</i>	455
<i>Bülfſingeri (Ge. Bernb.) Dilucidationes Philoſ. de Deo, anima humana, mundo & general. rerum affectionibus.</i>	134
<i>Burmanni (Petri) Epiſt. ad Cl. Capperonnerium, de nova edit. Quinſiliani de Conſtit. Orae.</i>	338
<i>De Croſa (Jo. Petri) Diſſ. Philoſ. Theol. de mente humana ſubſtantia a corpore diſtincta & immortal.</i>	451
<i>Donati Commentarius in Terentium.</i>	252
<i>Fabri (Baſilii) Theſaurus eruditionis Scholaſtica, ex ed. Jo. Matthia Gefneri.</i>	422
<i>Fabricii (Jo. Alb.) Bibliotheca Græca Vol. XII.</i>	351
<i>Feithii (Everb.) Antiquit. Homer. Libri IV.</i>	221
<i>A Fleming (Jo. Frid.) Miles Germanicus perfectus.</i>	377
<i>Hahnii (Sim. Frid.) Collectio Monum. vet. & recent. T. II.</i>	350
<i>Heumanni (Chriſtoph. Aug.) Pacile, ſive Epiſtola Miſcellanea.</i>	218
<i>Tomus II Lib. I.</i>	511
<i>Lib. II.</i>	455
<i>Hollmanni (Sam. Chriſt.) Obſerv. elenctica in controverſia Wolffiana.</i>	369
<i>Homborgk zu Vach (Jo. Frid.) Themis, ſeu de ortu legis æterna ſecundum ſententiam Græcorum.</i>	142
<i>Kætzleri (Jo. Frid.) Poemata Latina & Germanica.</i>	327
<i>EKoleſeri de Keres-eer (Sam.) Litteris de litteratura Tanguana excerpta.</i>	252
<i>Lindenbruchii (Fr.) Obſervationes in Terentium.</i>	78
<i>Lucani (M. Anner) Pharſalia.</i>	468
<i>Marklandi (Jer.) Epiſtola critica ad Franc. Hare de locis quibuſdam Horatii.</i>	166
<i>Mead (Rich.) Oratio anniverſaria Harvejana.</i>	138
<i>Mulleri Jac. Frid.) Articuli generales de veris & falſis Philoſophis.</i>	332
<i>Nemeiz (Joach. Chriſtoph.) Inſcriptionum Faſciculus.</i>	Peri-

AUTORUM.

Perizonii (Jac.) <i>Annotationes ad Suetonium.</i>	127
Plinii <i>Historia Nat. Liber XXXI de Pictura illustratus.</i>	302
Quintiliani (M. Fabii) <i>de Oratoria Instit. Libri XII ex edit. Claudii Capperonnerii.</i>	337
A Rusdorff (Jo. Joach.) <i>Consilia politica & Epistole.</i>	296
Schelhornii (Jo. Ge.) <i>Amanitates Litterariae. T. III & IV. Tom. V.</i>	90
Seldeni (Jo.) <i>Opera omnia. Tomi III.</i>	397
Sexti Empirici <i>Pyrrhonianarum Instit. Libri III, Gallice.</i>	481
P. Terentii <i>Comædia, ex ed. Arn. Henr. Westerbovii.</i>	546
Thummigii (Lud. Phil.) <i>Institutiones Philos. Wolfianæ. Tomus II.</i>	265
Verdries (Jo. Melch.) <i>Commentatio de æquilibrio mentis & corporis.</i>	532
Wolfii (Christiani) <i>Oratio de Sinarum Philosophia practica.</i>	232

INDEX RERUM NOTABILIORUM.

A & E, <i>literæ, a Veter. permu- tate.</i>	389	Actionum humanarum norma.	233
Abenephii <i>de servit. Ægypt. Isr.</i>	46	Acus magnetica inventor.	357
Academiæ condenda jus.	173	S. Adalberti vita.	83
Scient. Petropol. de- scriptio.	354. 356	Additio mercatorum explicata.	120
laudatus.	356	De Adelheide, Ottonis I Imp. con- juge, Libri II.	83
Academiarum & Schol. ill. Cata- logus.	173	Adlzreiter notatus.	446
Scientiarum histo- ria & ratio.	354. 355	Adolphi Imp. in Halberstadenf. favor.	347
Aceduzæ (Cynthii) nomen unde?	293	Adversariorum nomina quando reticenda?	136
Acetum num calidum sit, an fri- gidum?	499	Æquilibrium mentis & corporis ut tollatur?	535. 536
In Acetum vini degeneratio unde?	499	Æquilibrii mentis & corporis de- finitio.	533
Achæmenidarum Historia per nummos.	193. 195	conservandi modulus.	534
Acherii (Lucæ) modestia lauda- ta.	400	Aer Lipsiensis.	230
		Aerometria Wolfii commendata.	378
		Æternitatis independentis a de- Bbb b	1 n

INDEX

<i>pendente differentia.</i>	460	Amor, <i>prima rerum causa.</i>	370
Affectuum animi vis in corpus.	534 /q.	Amores sublatâ veste notati.	192
Agitatores in Anglia.	449	Anabaptistarum historia.	260
Agricola notatus.	270	Analemmatis rectilinei univer-	121
Agyrtarum arcana detecta.	124	salis demonstratio.	121
Alæ quid in nummis Alexandri		Analysis infinite parvorum Ho-	118
Magni?	152 . 162	spitalii illustrata.	139
quid in monum. Vet.	488	perfecta quænam?	139
S. Albani acta.	145	Anamorphoses imaginum ope	120
Alberti II D. Austr. Histor. 208	145 /q.	speculorum perscienda.	120
annus natalis.	210	Anastasio Abbatis varia.	3
Alcuini (Flacci) Epistola & alia.	2	Anatomicæ tabula nova.	179
Alexander Severus leonis exuviis		injectiones in vasa ut	497
cur in nummis indutus?	154	paranda?	497
Alexandri M. nummi illustrati.	149 /q.	Anatomicorum scriptorum re-	180
Alexandri (Hier.) Navis Eccl.		censio.	180
Symb.	45	Andræ (Jo. Val.) Symbolum :	93
De Alexandrinis Patriarchis qui		sufficit.	93
scripserint?	197	Andronici Dial. contra Judeos.	146
Alfenus an Alphenus dicendum?	113	Anemometrum novum.	125
Algorithmus ope libræ absolven-		Aneinometra varia.	384
dur.	318	Anguillarum ovarium.	499
Altitudinum metiendarum in-		Anguis quid notet in nummis.	168
strumentum.	386	Ani procidentia.	286
Altstadenſis Palatinatus fuit pe-		clausura.	288
nes Comites Mansfeldenses.	348	Animæ partis super. & infer. dif-	234
Alvi facies.	286	ferentia quod habeat momen-	452
adstrictio.	286	tum in moralibus?	452
fluxus.	286	qualis vis competat?	452
obstructio ab ira & terrore.	288	facultates ut in actum	535
diuturna.	288	deducantur?	535
ab esu uvarum	288	Animalia in tenebris lucentia.	123
sum carillis.	288	Animus hostilis auctoris unde no-	135
facies per vaginam uteri ex-		scatur?	135
creta.	288	Animi dotes ut corrumpantur?	535
per tumorem in in-		Anni Impp. quando in diplom. Pon-	207
guine excreta.	288	tis. omitti ceperint?	207
Ab Alvi obstructione tumor in in-		S. Anselmi defensio Greg.	VII. 83
guine.	288	Anselmi Deser. Terræ sanctæ.	146
Ambrosia quid in Mythologia?	372	De Antiochenis Patriarchis Tr.	197 /q.
		Antio-	197 /q.

R E R U M.

Antiochenz Eccl. Fundator.	198	Architecturæ hortens. <i>Autores</i>	531
Antipathia animalium.	286	Civilis principia	
variarum rerum.	287	Geometrica.	529
Antiquitatum Eccl. Thesaurus		regula.	521
promissus.	551	militaris singularia.	379
Antliæ genus novum.	123	De Architecton. ordinibus scri-	
Ad Antlias publicas condemnati.		ptores.	530
	165	Architectonicus ordo Gallicus,	
Aorta iusto major.	184	Hispanicus, Germanicus.	530
Apollonii Tyanæi nummus.	155	Aretini (Leonb.) Invectiva in Car.	
Apostolus, Germanice Zuvölffbo-		de Malatestis.	92
the.	87	Argenti parum in pyrite.	273
Appetitus ad cibos.	286	vivi gravitas absoluta.	382
sensitivi ad concordiam		Aristæ fabule explosæ.	425
rationalis reductio.	234	Arlingtonius accusatus se strenue	
Inter Appetitum sensitivum &		tuetur.	250
rationem lucta unde?	535	Armenix Regum Elenchus.	195
Apulei nummus.	155	Arminianismi historia.	260
Aqua Lippensis.	230	Arnoldi (Henr.) obitus.	264
suffocati anatome.	184	Arnoldus (Godofr.) notatus.	129
marina per quas vias ad		Arfacidarum Historia per num-	
fontes perveniat?	489	mor.	193.195
pluvialis an fontibus præ-		Arsenici preparatio in usum Me-	
beat originem?	489.490	dicum.	499
ad quam profunditatem penetret?	491.492	productio ex pyrite.	271
Aquæ gravitas determinata.	122	Arteria aorta ampla.	184
absoluta.	382	Arterix aortæ stentoma cum po-	
per foramen effluxus deter-		lypo cordis confusum.	489
minatus.	319	spermatice recens inven-	
In Aquas celestes Carmen.	96	ta.	502
Aquila biceps Brandenburgicis o-		Asilus quale insectum?	498
lim propria.	348	Asinus, Judæorum Deus.	46
ut e nummis Brand.		Asthma hypochondriaco-spasmo-	
migraverit in sigillum Imperii?	348	dicum motu corporis sublatum.	480
a quibus olim ad-		Astræa eadem ac Dice.	374
scita?	349	Astrodictii descriptio & usus.	364
Arzometra varia.	382	Astronomi Annales emendati.	345
De Arboribus Scripturæ S. Tract.	130	Astronomicæ observationes Ulys-	
Architecturæ hortensis theoria		sipone factæ.	365. q.
geometrica.	529	Bbb b z	Astro-

INDEX

Astronomicorum <i>problematum solutio.</i>	121	Barometrorum <i>descriptio & usus.</i>	122
Athei <i>hypotheseis virtuti adversa.</i>	267	lux unde ?	384
Athletarum <i>Victoria nummis conzorniat</i>	153	Baronius (Cas.) <i>notatur.</i>	59, 67/q.
Atramenta <i>sympathetica.</i>	122	Basileense <i>Concilium reiectum.</i>	62
Atrophia <i>verminosa defuncti Anatome.</i>	480	Basilides (Jo.) <i>a tyrannidis calumnia liberatur.</i>	219
Attici <i>prudentia.</i>	572	Basnagius (Jac.) <i>notatur.</i>	16
Attractionis <i>vitri effectus.</i>	318	laudatus.	147
Avellani (Petr.) <i>loci Autorum restituta.</i>	116	ejus <i>vita</i>	148/q.
De Aventini (Jo.) <i>Annalibus Diff.</i>	398	Beccatelli (Lud.) <i>vita P. Bembi.</i>	294
Augusti <i>gula quid?</i>	14	Bedæ <i>Acta S. Cuthberti.</i>	1
Augustinus (Anr.) <i>de Nomin. propriis Pandectar. Flor.</i>	110	BEEA <i>quid notet in nummo Bernardi Ducis Saxonia?</i>	349
Avium <i>usus Benedictinis prohibitus.</i>	308	Belenium <i>quid?</i>	46
Aureoli <i>prænomen errore ascrivit Theophr. Paracelsus.</i>	397	Bembi (Petr.) <i>Historia Veneta.</i>	291
Auriparum <i>in pyrite.</i>	273	vita <i>elegia varia.</i>	294
Austriaca <i>historia promissa.</i>	209	statua <i>Patavii.</i>	399
Autores, <i>qui de Ordinibus Architectonicis scripsere.</i>	530	S. Benedicti <i>Capitula.</i>	305
De Auxeli <i>nominum divinatorum sacra Tract.</i>	412	officium <i>vetus differt a recentiori.</i>	308
Bacchi <i>triumphus in nummis.</i>	162	In S. Benedicti <i>Regulam Catena Commentariorum promissa.</i>	306
Bælius (Petr.) <i>refutatus.</i>	545	Benedictinorum <i>e Congr. S. Mauri scriptorum Bibliotheca nova.</i>	399
De Baldensel (Guil.) <i>Hodæporicum ad Terram S.</i>	346	S. Bernardi <i>Ordo Cluniacensis.</i>	397
Balduini <i>Archiep. Trev. gesta.</i>	145	Bernoulli (Jo.) <i>notatur.</i>	275/q.
Baluzii (Steph.) <i>de Conciliis merita.</i>	64	theorema <i>Mechanica generale.</i>	313 314
Bancroftii (Rich.) <i>Bibliotheca in Cantabrigiens. translata.</i>	484	Bessarionis <i>liberalitas in Venetor.</i>	294
Barometra <i>varia.</i>	383	Biblica <i>Bibliotheca nova.</i>	513
Barometri <i>lucidi constructio.</i>	125	Bibliographia <i>studii exegetici.</i>	419
	384	De Bibliorum <i>versione Latina nova consilium.</i>	419
		Bibliothecæ <i>D. Marci Venetiis incrementa unde?</i>	294
		Collegii <i>Sionis Londinensis Catalog. promissus.</i>	393
		Cantabrigiensis <i>ex Bancroftiana incrementa.</i>	484
		Bi-	

R E R U M.

Bibliothecæ Bodlejane e Seldeniana augmentum.	484	Buderus (Christ. Gottlieb) laudatur.	344
Kraffii de Delmeningen eulogium.	91 94	Büllfingerus (Ge. Bern.) laudatur.	135
Binius notatus.	62	ejus studium in harmoniam præstabilisam commendatum.	533
ejus Collectio Conciliorum prima & altera.	62 63	S. Burchardi Vita.	83
Bipennis Smyræorum Insigne.	160	Burchardi Notarii Epist. de excidio Mediol.	51
Ripontinæ historia Miscella.	12 13	Burgemeister (Jo. Steph.) laudatur.	101
Bithyniæ Regum historia.	196	Burgii (Petri) Electa.	116
urbes clarae.	196	Burmænnus (Petr.) vindicatur.	144
Blumentrost (Laur.) encomium.	356	Ad Burrhi (Franc. Jos.) historiam analecta.	398
Boamundi Epistola ad Urbanum II.	345	Van Bynckershoek (Corn.) vindicatur.	404
Boncampagni de obsidione Anconæ.	51	De Byllo tractatio.	133
studia & atas.	51		
Boni quinam inter Viros claros cognominati.	219	Cadaveris humani singularia.	184 185
S. Bonifacii vita.	2 83	De Caducaria lege Papia observata.	407 54.
A S. Bonifacio Synodi quinque in Germania habiti.	388	Cædis pœna Eccles. singularis.	86
Borellus (Jo. Alph.) notatus.	315	Calmeti (Augustini) Dissertatio in Genesin Anglicè versa.	515
commendatus.	316	De Caini signo poema.	96
Borelli (Jo. Alph.) lapsus, circa ponderis a duobus alis juxta directiones obliquas suspensionem.	314 sq.	Cajus cur suus dictus Justiniano?	113
Bosphori Regum historia.	195	Cassari Annales Germanicæ.	50
Böttcheri (Oton.) vita.	480	Calculus Astronom. enucleatus.	374 54.
Brachii tumor incisione curatus.	499	Calculi renalis genesis.	503
Britanniæ Duces illustrati.	10 54.	cura.	503
Buckinghamius ab Olivario delusus.	298	vesica genesis.	503
Buddeus (Jo. Fr.) laudatus.	455	cura.	503
notatus.	458	experimentalis elementa illustrata.	119
Buddei (Jo. Franc.) Progr. de Conicis Later. rei Christi. noxiis.	457	Pro Calculo e vesica extrahendo instrumentum novum.	42
	5 6	Calendariographia.	121
		Bbb b 3	Calicis

Calicis <i>communio concessa.</i>	94	In Cerebri defectu motus vitalis unde?	497
Camusat (Fr. Dion.) <i>Historia Ephemeridum erud. promissa.</i>	47	Ceremoniarum usus in virtutis studio.	238
Cangiani <i>Glossarii defectus.</i>	347	Chamaeleontis <i>anatome.</i>	499
Canis rabidi <i>venenum quale?</i>	530	Charondæ (Lud.) <i>Verisimilia &c.</i>	117
Canonicatus <i>Academiis vindicatus.</i>	347	<i>effigies, autore du Fresno.</i>	45
Cantharidum <i>Historia naturalis.</i>	499	De Cherubim <i>tractatio.</i>	172
Capenarius <i>notatus.</i>	270	Chiffletii (Jo.) <i>Aqua Virgo.</i>	46
Capistrani (Jo.) <i>Epist. ad Acad. Vienn.</i>	320	<i>Diff. de Juris Architectis.</i>	116
In Capperonerium <i> censura.</i>	337	Chirurgicæ deligationes <i>Egyptiorum.</i>	497
De Carisinis (Raphaimi) <i>Chron. Ven. inedita.</i>	290	Cholera ex infuso <i>rad. Hellebori.</i>	540
De Carmel, monte, <i>tractatio.</i>	133	Chorographia <i>Medica.</i>	230
Carmentalia <i>Themidis sacra duplicia.</i>	370	Christi <i>monogramma in nummo Alexandri M.</i>	152
Caroli M. <i>Vita auctior.</i>	351	Christophorus, <i>nomen, quid significet?</i>	513
Cartilago <i>ensiformis duplex.</i>	185	Chronologiam <i>tractandi ratio inter Pontificios.</i>	199
Cartusianorum <i>professionis formula.</i>	264	Chronologicorum <i>problem. solutio.</i>	124
Caruncula <i>urethrae quid? num consistat in carnositate?</i>	88 sq.	Chylus <i>ejusque motus.</i>	286
Carunculæ <i>urethrae cura.</i>	90	Chylificatio.	286
Casæ (Jo.) <i>vita P. Bembi aucta.</i>	294	Chylologia.	286
Cassius Dio e Xiphilino <i>restitutus.</i>	436	Chymica <i>experimenta.</i>	124
<i>num tuto ex eo restitui potuerit?</i>	438	<i>qua cautione instituenta?</i>	270
<i>notatus.</i>	527	Ciceronis <i>exilii Historia.</i>	527
Catharini (Nicol.) <i>Obs. & Conjecturae.</i>	117	<i>character.</i>	527
Centri <i>oscillationis determinatio.</i>	318	Cillejense <i>Chronicon.</i>	351
<i>gravitatis existentia demonstrata.</i>	318	Circumcisio <i>in littore Congi solennis.</i>	330
Cerebri <i>structura est tubulosa.</i>	39	Civitatis <i>condendæ Jus in Germania an soli Imperatori competat?</i>	173
<i>vates & testes deficiunt.</i>	185	Clericus (Jo.) <i>Socinianismi accusatus.</i>	261
		<i>notatus.</i>	340. 341
			Cle-

R E R U M.

Clericus (Jo.) <i>refutatus.</i>	416	Martem <i>divertit.</i>	292
Cluniacensium <i>consuetudin.</i>	307	ejur <i>Hijf. Veneta inedita.</i>	292
Cochleæ <i>usus in attollendo onere.</i>	176	De Contartio (Joach.) <i>judicium.</i>	400
De Cœlibatu <i>clericorum lites.</i>	85	Contorniatum <i>unde dictum?</i>	153
Cognitio <i>omnis unde manet?</i>	138	quando <i>cusi?</i>	153-154
Coleri (Christoph.) <i>Parerga.</i>	116	Controversiarum <i>in scientiis laps Lydius.</i>	457
Collatini (Petr. Apoll.) <i>carmen de duello Dav. & Gol. illustratum.</i>	219	Cor <i>quid Sinis denotet?</i>	234
Colobium <i>quid?</i>	440	Cordis <i>ventriculus dexter cur abique columnis carneis sit?</i>	499
Colvius (Petr.) <i>laudatus.</i>	27	<i>figura singularis.</i>	184
Columnæ Antonini <i>elevatio.</i>	176	In Cordis <i>ventriculo calculus.</i>	184
Comitum S. R. L. <i>Juris Thesaurus.</i>	101	Correctionis <i>differentia.</i>	138
Communio <i>bonorum inter primos Christianos qualis?</i>	322	Corpus <i>cogitans explosum.</i>	533
Concilia <i>ab Imp. & Reg. Germ. habita.</i>	173	Corporis <i>a mente dependentia quanam?</i>	535
Concilii Lateran. Rom. <i>sub Benedicto XIII decreta.</i>	540	Corpora <i>Geometrica ex truncatione cubi orta.</i>	529
Conciliorum <i>utilitas.</i>	55	Corporum <i>constitutio regula.</i>	318
<i>auctoritas.</i>	56-57	<i>in fluido motorum retardationes.</i>	319
<i>Collect. examinata.</i>	57-70	Corydalei (Theoph.) <i>Tr. Rhetor.</i>	353
<i>methodus.</i>	76	Cosinographiæ <i>partes.</i>	121
<i>epitomatores.</i>	66	Cossartii <i>Collectio Concil.</i>	63-72
<i>Collectionis novæ consilium.</i>	67 sq.	Crabbii (Petr.) <i>Collectio Concil.</i>	62
De Conciliorum <i>studio Tr.</i>	52 q.	Cranii <i>future obliteratione.</i>	184
Confucii <i>profectus successivi in studio sapientiæ.</i>	233	Creatio <i>entium simplicium asserta.</i>	460
<i>vita.</i>	232-233	Cromwellus (Oliv.) <i>Doctor Juris creatus.</i>	450
Conjectandi <i>hominum mores methodus Wolfiana commendata.</i>	378	Cromwelli (Oliv.) <i>Vita.</i>	447
<i>mores methodus.</i>	235	<i>modestia.</i>	450
Conradi IV <i>Epistola.</i>	345	Crofa (Jo. Petr.) <i>quem laborem impenderit Analisi infinite parvorum?</i>	118
Consilia <i>politica.</i>	296	Leibnitio <i>insensus.</i>	472
De Constantinop. <i>Patriarchis quinam scripserint?</i>	197	<i>refutatus.</i>	456 sq.
Contarenus (Nic.) <i>a Musis ad Martem divertit.</i>	292	<i>notatus.</i>	457-458
			Cro-

INDEX

Crofa (J.P.) <i>judicat parte altera non audita.</i>	458	De Decimis <i>liber a Seldeno revocatus.</i>	483
an <i>viderit Wolfii scripta?</i>	459	Declinationis <i>magnetica observator primus.</i>	337
laudatur.	458	<i>variatio.</i>	337/4.
ejus <i>modus scribendi & controversendi.</i>	462	Decomposita <i>ut natura producat?</i>	273
Crusii (Ge. Conr.) <i>Observ. Juris.</i>	117	Decompositorum <i>qualis solutio?</i>	313
Cruix <i>Constantino M. vasa spuria.</i>	219	Decoris <i>notio.</i>	237
Ctesiphontis <i>machina.</i>	175	Deglutita <i>varia.</i>	286
ECubi <i>truncatione orta corpora Geometrica.</i>	529	Deglutitio <i>integra & lasa.</i>	286
Cujacius <i>laudatur.</i>	111.112	<i>felium, canum, veneni &c.</i>	288
notatur.	112	Deglutitionis <i>impedita causa rara.</i>	287
Cum <i>maxime, particula, illustrata.</i>	512	Dei <i>visio mystica.</i>	263
Cunei <i>theoria ab erroribus liberata.</i>	313	<i>existentia probanda optimum argumentum.</i>	463
Curruum <i>emendatio.</i>	175	De Dei <i>existentia Disputatio.</i>	548
varia <i>genera.</i>	175	Delitiæ, <i>vocabulum, quid notet?</i>	424
Curva <i>horologii motum aquabilem concilians.</i>	361	Delphini <i>quid notent in vet. monumentis?</i>	488
Curvæ <i>tautochrone.</i>	361	Demonstrationes <i>quinam in Philosophiam intulerint?</i>	457
S. Cuthberti <i>Asta.</i>	1	Denarius <i>in Evangelio quid notet?</i>	321
Cycloff (Wolffg.) <i>de obsid. Magdeb.</i>	351	Dentium <i>molarum superiorum defectus.</i>	185
Cycloidis <i>proprietas demonstrata.</i>	218	S. Desiderii <i>Martyrologium.</i>	3
Cylindrorum <i>usus in oneribus transferendis.</i>	175	Diaconi (Petri) <i>de Vir. ill. Casin.</i>	49
Czari <i>titulus quando cæperit?</i>	215	<i>Disciplina Casinensis.</i>	306
Dacia <i>frugifera in nummo.</i>	162	Dice, <i>eadem cum Astræa.</i>	374
Van Dalen (Ant.) <i>notatus.</i>	517	Digitus <i>minimi duo in una manu.</i>	499
Dallæus <i>notatus.</i>	56	Diluvium <i>in Septentrionem non penetravit.</i>	215
Damasceni (Jo.) <i>script. quadam.</i>	1	Diplomatum <i>Thesaurus novus promissus.</i>	336
Dandoli (Andr.) <i>Chron. Veneta inedita.</i>	290	Directorii <i>inter Evangelicos Asta.</i>	174
Davies (Athanas.) <i>Ecclesia Angli. defensor.</i>	252	De <i>Disciplina monast. Tract.</i>	305
		Dogma-	

R E R U M.

Dogmaticorum <i>indoles.</i>	547	Enallagæ e V.T. <i>eliminata.</i>	421
Dominium <i>quotuplex?</i>	525	Engelbertus de providentia <i>divi-</i>	
Domus a <i>meteo</i> ignito <i>accensa.</i>	293 q.	na.	265
Donati (Ant.) <i>Vita Princ. Venet.</i>		de passione Domin.	
MSS.	290	Ennius <i>an pictor?</i>	319
Ductus <i>salivalis novus.</i>	184	Eparchi <i>Epist. Græca ad Me-</i>	305
Dudaum <i>quid?</i>	132	lanchthonem.	353
Dysenteria vini <i>haustu curata.</i>	540	Ephemeridum <i>litter. Historia</i>	
oleo lini <i>curata.</i>	540	promissa.	47
Ad Dysenteriam <i>lignum semipu-</i>		Eraclinus (Des.) <i>ab Arianismo li-</i>	
tridum pyri <i>cariosa.</i>	540	beratus.	262
E & A <i>litera a vet. Germanis</i>		Eristica <i>scripta improbata.</i>	459
<i>permutata.</i>	389	S. Ermenoldi <i>Vita.</i>	145
Eberhardi <i>Annales.</i>	146	Eruditionis <i>solida notio spuria.</i>	460
Eckeberti <i>libri tres editi.</i>	319	Essentiarum <i>æternitas vindica-</i>	
Eclipses <i>satellitum Saturni cu-</i>		ta.	461
<i>riosa.</i>	229	Ethicæ <i>argumentum.</i>	267
Lunares <i>quantum vale-</i>		Eudistarum <i>secta autor.</i>	548
<i>ant in figura Telluris determi-</i>		Excellentiæ <i>titulus quibus com-</i>	
<i>nanda?</i>	244	petat?	174
Eclipsium <i>computandarum me-</i>		Exemplorum <i>insignis usus in</i>	
thodis <i>Geometrica.</i>	275	praximorum.	235
Satellitum <i>Saturni</i>		Experimenta <i>Chymica.</i>	124
<i>calculus.</i>	229	qua cautione	
Ecliptica <i>plenilunia & novilunia</i>		instituenda?	270
<i>determinandi instrumentum.</i>	121	hydrostatica.	383
Eggelingius (Jo. Henr.) <i>laudatur.</i>	157	Experimentalis <i>methodi in mo-</i>	
Eginhardus <i>notatur.</i>	345	ralibus <i>usus.</i>	239
Egnatius (Bapt.) <i>ut antea dictus?</i>	294	philosophia in A-	
Elbenavienses <i>Antiquitates.</i>	21	cademia Trajectina <i>promotio.</i>	
Electoatus <i>nomi Acta.</i>	173		505
Elementa <i>rerum naturalium</i>		Experimentorum <i>mechanici usus.</i>	
<i>qualia statuat Wolfius?</i>	460		381
S. Elisabethæ <i>Reg. Hung. Vita.</i>	145	De Eyb (Alberti) <i>solæcismus.</i>	397
De Ellenbogen (Jo.) <i>liber.</i>	320	Fabri (Tanaq.) <i>Epistola.</i>	46
Elsholzii (Jo. Sig.) <i>vita.</i>	480	Fairfax <i>Doctor Juris creatur.</i>	
S. Emmerammi <i>vita dua.</i>	83		450
Emonis <i>Chronica.</i>	98	Falconerii (OEt.) <i>Diff. de nummo</i>	
		Apam.	45
		Famem <i>diu tolerans.</i>	287
		Ccc c	Falti-

I N D E X

- Fastidium *ad caseum lepidè curatum.* [287](#)
certorum ciborum. [286](#)
 Fatum *a Langio stabilitum.* [462](#)
Stoicum quid sit. [459](#) [461](#)
 Fati imputatio Wolfio facta *solide refutata.* [461](#)
 Faustus (Jo.) *cur pro mago habitus?* [397](#)
 De Fausto (Jo.) *Epistola.* [397](#)
 Febris *acuta somno judicata.* [539](#)
 Febri catarrhali continua, *in lentam abeunte, desuncti anatome.* [480](#)
 De Febribus *observationes.* [539](#)
 De Felibieno (Mich.) *judicium.* [400](#)
 Felicitas *summa in annihilatione.* [332](#)
 Fellerus (Joach.) *laudatus.* [157](#)
 Ferro *abundat pyrites.* [272](#)
 Festa *instituta in memor. Conciliorum.* [55](#)
ut in Germania multiplicata? [208](#)
 Fines, *vocis, sensus medio avo.* [14](#)
 Fluidorum *aequilibrium unde?* [314](#)
 Fluxus & refluxus *maris tempus determinabile.* [121](#)
 Fœtus *monstrosi anatome.* [180](#)
mortui signum an meconium egrediens praebeat? [286](#)
 Fontes *Valderiani.* [326](#)
 Fontium *origo.* [122](#) [489](#) [493](#) [499](#)
 Foscarini (Mich.) *Hist. Veneta.* [293](#) [295](#)
natalis & obitus. [295](#)
 De Fraemeynsperg (Rudolphi) *litter in Palestinam &c.* [146](#)
 Franciæ Or. Ducatus *Antiquitates promissa.* [388](#) [392](#)
 Fredegarius.
 Freheri (Marqv.) *Verisimilia.* [117](#)
 Du Fresne (Raph. Tricheti) *effigies Charonda.* [45](#)
 Du Fresnoy, Piſtor & Poeta. [304](#)
 Freyenwaldensis *aqua & balnei usus.* [480](#)
 Freyeri (Hier.) *Fasciculus Carm. Gr.* [353](#)
 Frictione *liberata a machina.* [175](#)
 Friderici *I Imp. expeditio Afia.* [84](#)
II Imp. res illustrata. [97](#)
Epistola. [345](#)
Aurea Bulla. [348](#)
 Friderici Wilhelmi, *El. Br. ob reddendas pace Neom. Succicas provincias deliquium.* [251](#)
II El. Brandenb. Vita. [442](#) [q.](#)
character. [443](#)
fidei confessio. [447](#)
 Fuldenses *Tradit. recognita.* [344](#)
 Fuldensium *Tradit. Index novum.* [48](#)
 Fulminis *ictus an evitabilis?* [190](#)
 De Fungis *tractatio.* [134](#)
 Funicularium, *novum potentiarum mechanicarum genus.* [311](#)
 Funis *a pondere extensi figura.* [32](#) [33](#)
 De Furiosi *tutela disquisitio.* [2](#) [1](#) [q.](#)
 Furoris *descriptio singularis.* [371](#)
 Fürst, *vocabulum, unde?* [87](#)
 Fürstenbergii *raptus violentus Colonia.* [250](#)
causa. [250](#)
 Fuscus (Palladius) *olim Niger dictus.* [294](#)
 Gallorum *saſtus tempore pacis Neom.* [251](#)
 Garzoni (Petri) *Hist. Veneta.* [293](#)
 Gazæ *sub terra delitescentes.* [122](#)
 Gebau-

R E R U M.

Gebaueri (Ge. Chr.) in <i>Huberi</i>	<i>L. Papiam Poppeam judicium.</i>
<i>Præf. J. C. merita.</i>	<i>402</i>
Gebel <i>Indisemen.</i>	<i>499</i>
S. Gebhardi <i>Vita.</i>	<i>146</i>
S. Geminiani <i>translatio.</i>	<i>49</i>
Gemmæ <i>explicata.</i>	<i>487</i>
Gena cute & pilis porcinis obdu- cta.	<i>499</i>
Generatio <i>aquivoca non datur.</i>	<i>206 sq.</i>
<i>497</i>	
Geographicorum <i>problematum</i> <i>solutio.</i>	<i>121</i>
Geometria <i>subterranea.</i>	<i>226. 227</i>
<i>præctica ad Archite-</i> <i>cturam applicata.</i>	<i>529</i>
Geranii <i>usus.</i>	<i>176</i>
Germanicarum <i>rerum Scriptores</i> <i>collecti.</i>	<i>341. 344. 347. 350</i>
Gervasii <i>Epistola.</i>	<i>135</i>
Gesneri (Jo. Matth.) in <i>Fabri</i> <i>Thes. merita.</i>	<i>423. sq.</i>
De Geweswiler (Catharina) <i>fæ-</i> <i>mina docta.</i>	<i>320</i>
Gladii <i>duo quid in nummis</i> <i>Brand. notent?</i>	<i>349</i>
Glandula <i>pinealis inusitata exili-</i> <i>tatis.</i>	<i>185</i>
Glandulæ <i>an habeant folliculos?</i>	<i>501</i>
<i>501</i>	
Gloria <i>ab ambitione diversa.</i>	<i>235</i>
<i>virtutis motivum.</i>	<i>235</i>
Glossarium <i>Chald. Ebr. Teuton.</i> <i>MS.</i>	<i>91</i>
Gœlickius (A. O.) <i>refutatus.</i>	<i>36</i>
Goldastus (Melch) <i>notatus.</i>	<i>212</i>
Gotfridi <i>Viterb. Chron. recogni-</i> <i>tum.</i>	<i>343</i>
Gothofredi (Jo.) <i>de velandis mu-</i> <i>lieribus.</i>	<i>46</i>
<i>de communione cum</i> <i>Christianis Gentilibus interd-</i> <i>cta.</i>	<i>46</i>
De Gothofredi (Jo.) <i>Comm.</i>	<i>iii</i>
	<i>447</i>
	<i>In Halberstadenses favor Adolphi</i> <i>Imp.</i>
	<i>347</i>
	<i>Halberstadens. Episcoporum iura.</i>
	<i>348</i>
	<i>Har-</i>

INDEX

Harduini (Jo.) Nummi popul. & urb.	45	Herniosian ad generandum apri?	286
Collectio Concil. exami-	64/q.73/q.	an torqueri possint?	286
nata.	64/q.73/q.	Heumannii (C. H.) Conspectus	513
Plinius emendatus.	304	Reip. Litter. recusus.	513
Harmonia præstabilita a Sys-	462	Hevristica principia Sinarum.	236/q.
temate Wolfiano abesse potest.	462	De Hierosol. Patriarchis qui	197
scripserint?	462	Hilarius, Concil. Collector, notatur.	57
doria subsistere potest.	462	Hillari (Matth.) vita.	130/q.
ab odio	533	Hippolyti Thebani Chronicon.	83
consequentis liberata.	533	De Historiæ Eccl. studio Tr.	418
explicata.	533	Historias scribendi ratio apud	232
commen-	533	Sinar.	155
data.	269	Homeri nummus.	221
Harmoniz præstabilita Systema	452	Homeriz Antiquitates.	233
num Philosophia practica ini-	452	Homo pars universi.	123
micum?	452	Homines luminosi.	374
notatum.	333/q.	Horæ, Deæ, quid notent?	322
Hassæ Historia nova promissa.	151	diversa in Evang. de opera-	468/q.
Hafta quid notet in nummis?	155	riis in vinea quid denotent?	121
Havercampus (Sigeb.) refutatur.	480	Horatii loca emendata.	122
Ex Helleboro albo mors repenti-	270	Horologii Solaris descriptio sin-	121
na.	270	gularis.	121
Henckelius (Job. Frid.) commen-	347	Lunaris descriptio. fæ	122
datur.	84	singularis constructio.	122
Henneberg. Comes, vicarius Mar-	207	Horologiorum Solarium varia	121
chia.	347	genera.	121
S. Henrici Imp. vita.	84	elementarium de-	123
Henrici IV Imp. nevus politicus.	345	scriptio.	123
V Imp. Epistola.	480	Hortensis architectura theoria	529
Hepatico fluxu defuncti anat-	132	geometrica.	529
me.	98	Hroswithæ Panegyricus in Ot-	545
Herbæ Scripturæ S. explicata.	98	tonem I Imp. recognitus.	545
Herculani (Jo.) Hist. vallis Gali-	98	Huetius (P.D.) refutatur.	545
lea.	98	Huetii (P.D.) de Bibl. sua consi-	394
Hervallenses Antiquit. sacræ.	83	tutio.	394
Hermannii Contracti Chronic.	342	Hugenius (Christ.) notatur.	281
emendatum.	83	Humbertus contra Græcor. colu-	83
		mnias.	83
		Hydro-	

R E R U M.

Hydrocephalus.	498	Incendia a meteoris ignitis fa-	
Hydropici <i>Anatome.</i>	480	cta.	29sq.
aqua simul & semel fi-		Incestus, idem ac turpis.	472
nenoxa evacuata.	480	Inclinationis acus magnetie pha-	
Hyetometri descriptio.	125	nomena.	358
Hyetostathmici descriptio.	125	Inclinationes ex temperamento	
Hygia in nummis.	160	sanguinis orta.	534
Hygrometrum quodnam opti-		Inclinationum varietas unde	534
imum?	125	qualis?	534
Hygrometri constructio.	32	Inedix diuturna sine macie cau-	
Hygrometra varia.	384	sa.	523
Hygrometrica problemata alge-		Inediam diu tolerans.	287
braice soluta.	32sq.	Infans ingenio prestanti quando	
De Hyssopo varia.	132sq.	nascatur?	238
Hysterica convulsio lethalis.	480	Influxus physicus anima in corpus	
Hypotheses ex Physica ejecta.	505	rejectionis.	532.533
		Ingenii acuendi ratio a Medicina	
		petenda.	534
		Inscriptiones veteres explicata.	
			487sq.
		Inscriptionum collectio nova.	332
		Insecta alia insecta infestantia	
			499
		Insectorum studium nobile & uti-	
		le.	497
		in suas species divisio.	
			498
		Institutoris (Jo.) Opera edita.	319
		Instrumenta bellica.	379
		Intestina extra abdomen propen-	
		dentia.	288
		ad vaginam uteri pro-	
		lapsa.	288
		Intestinelorum spasmus ab hamor-	
		rhoidibus dependentes.	480
		morbi.	286
		In Intestinis reperta varia.	286
		Joannis (Ge. Cbr.) vita Rusdorsia-	
		na promissa.	302
		De Josepho in Anglia edendo con-	
		silium.	252
		Jubilabium.	228
		Cccc 3	Irma-

INDEX

Irimbertus de incendio Monast.
 sui. 320
 Iis in nummo. 160. 169
 In Isidis nummo quid spinges? 160
 honorem primi ludi sceni-
 ci Romæ instituti. 161
 Isochronarum linearum in medio
 resistente constructio. 361
 Italix Codex diplom. novus. 99/q.
 441
 Judaica historia. 414
 Judaicæ religionis præstantia. 415
 divinitas. 415
 De Judaica religione Traët. 314/q.
 Judex competens controversiarum
 quinam sit? 457
 Julius Africanus. 2
 Juræus notatus. 261
 Jus ante homines existit secun-
 dum gentiles. 359
 cur e Tellure natum singa-
 tur? 370
 Juris Naturæ argumentum. 266
 Rom. Thesaurus novus.
 107/q.
 Jurisprudentia cur rerum divin.
 & human. notitia dicenda? 373
 Justelli (Christoph.) Codex Can.
 Eccl. Gr. recensitus & examina-
 tus. 58
 Justinianus (Bern.) Hist. Venetæ
 laudatus. 290
 Justiniani (Petri) Hist. Venet. 291
K Arnkovius (Stan.) Prussix
 iniquus. 103
 Kœleri (Jo. Dav.) de orig. Typogr.
 promissa. 93
 Krafft de Delmenlingen (Ray-
 mundi) Bibliotheca commenda-
 ta. 91. 94
 Kürbs, nomen, unde? 324

L Abbeus notatur. 72. 73
 Labbei nova Collectio Concil. 63. 72
 De Labitti (Jac.) Indice judicium. 112
 Labium cancroso-scirrhusum ex-
 stirpatum. 430
 In Laconico ambustio. 288
 Lætitia virtutis comes. 234
 Lambecii (Petri) de Bibl. Vindob.
 fragm. 398
 S. Lamberti vita. 2
 Lamberti (Franc.) vita. 93
 De Lamio (Franc.) judicium. 400
 Landi (Constantini) Expl. Tumuli
 &c. 44
 Land-Recht, Codex vetustus. 87
 Langebeckii (Detlev) Observ. in
 leges Juris. 117
 Langius (Joach.) notatus. 457.
 460
 laudatur. 458
 controversiarum amans
 458
 an controversiis philoso-
 phicis se immiscere debeat? 461
 fatum stabilit. 462
 quid de suis & de Wolfio
 sentiat? 463
 ejus praxis controver-
 tendi. 463
 methodus scriben-
 di. 464
 modus argumen-
 tandi. 467
 mor disputandi. 467
 fidei specimina. 463. 467
 unio physica reje-
 cta. 462
 Langii (Pauli) Chron. Numb. pro-
 missum. 343
 Lapidēs

R E R U M.

Lapides <i>sepultura injecti</i> , nota ignominia. 46	Librorum <i>ferale incendium in</i> <i>China</i> . 238
Lapilli <i>ex urina geniti</i> . 272	De Libris <i>rarioribus Diss.</i> 399
Larvæ <i>in nummo</i> . 158. 159	Ligni <i>findendi theoria Geometri-</i> <i>ca</i> . 318
Laurus <i>quid in nummis notet?</i> 162	Lipsiæ <i>jur stipula concessum</i> . 174
Lectius (Jac.) <i>de vita & scriptis</i> <i>Æmili Papiniani</i> . 116	Liplienlis <i>aeris, aqua & loci con-</i> <i>ditio</i> . 230
Legatum <i>ordinarium inter &</i> <i>Residentem quid intersit?</i> 30	Liplius (J.) <i>solacisini accusatus</i> . 397
Legis <i>æterna species quatuor, se-</i> <i>cundum Platonem</i> . 372	Lironius (Jo.) <i>notatus</i> . 400
In Legem <i>Juliam & Pap. Popp.</i> <i>Commentatores</i> . 401/q.	Loculi <i>quid significant?</i> 424
Leges <i>Anglo-Saxonica editæ</i> . 481	Logarithmicæ <i>proprietares de-</i> <i>monstratae</i> . 319
<i>Normanica vulgata</i> . 347	Logicæ <i>Langiana specimen</i> . 464
Leges <i>explicatæ aut illustratæ:</i>	Longitudo <i>maris an per variati-</i> <i>onem acus magnet. inveniri pos-</i> <i>sit?</i> 358/q.
L. ff. <i>de Curat furios.</i> 23/q.	Longus (Jac.) <i>notatus</i> . 548
28 ff. <i>de probat.</i> 23/q.	De Lotharii II <i>Imp. electione nar-</i> <i>ratio</i> . 345
8 ff. <i>de his qui vel al.</i> 24	Lothi uxor <i>num in statuum satis</i> <i>mutata?</i> 513
32 § ff. <i>de LL.</i> 24	Lucanus <i>emendatus</i> . 78/q. 469/q.
1 pr. ff. <i>de SC. Maced.</i> 25	<i>an luxuriet?</i> 80
2 § 8 ff. <i>de aqua & aqu.</i> <i>pluv.</i> 27	Lucernæ <i>inextinguibiles</i> . 123. 124
Legulejus <i>quid notet?</i> 424	Lucta <i>inter appetitum sensiti-</i> <i>vum & rationem unde?</i> 535
Leibnitius (G.G.) <i>vindicatus</i> . 136	De Ludewig (J.P.) <i>notatus</i> . 192
<i>notatus & defensus</i> . 452	Ludorum <i>scientia promissa</i> . 191
Leonis (Jo.) <i>de Viris Illustr. apud</i> <i>Arabes libellus recus.</i> 352	Ludovicus Bav. <i>Imp. neutiquam</i> <i>a Jobanna Austr. toxico subla-</i> <i>tus</i> . 212
Leti (Greg.) <i>notatus</i> . 451	Ludovici Brand. <i>diplomatarium</i> . 347
Leutmannus (Jo. Ge.) <i>laudatus</i> . 124	Luithprandi <i>Chron. emendatum</i> . 345
Lex <i>Sinarum suprema</i> . 237	Lumbrici <i>in corpore humano ge-</i> <i>nerantur</i> . 495. 496
<i>prima & secunda Veneris</i> <i>qualis?</i> 373	Lumbricorum <i>genitalia deline-</i> <i>ta</i> . 495
Eibellæ <i>varia</i> . 384. 385	Lumbricos <i>an habuerint proto-</i> <i>plasti?</i> 497
Libertas <i>per harmoniam præsta-</i> <i>bilitatem non tollitur</i> . 462	Lumi-
Libra <i>sphynica</i> . 381	
Libræ <i>ordinaria descriptio</i> . 381	
Librarum <i>species varia</i> . 122. 381	
Libratores <i>in Anglia</i> . 449	
Libri <i>classici Sinarum unde conse-</i> <i>cti?</i> 239	

INDEX

Luminis refracti natura. 275 seq.	Mangeti (70. Jac.) Bibl. Script.
Lunæ parallaxis horizontalis. 511	Medicorum promissa. 528
M achina ad discernendum plagas ventorum. 122	Mare rubrum ubi transferint Israelitæ? 332
Machinæ ad onera elevanda & deportanda. 175	fundi ratio. 242

Mat-

R E R U M.

Matthæi (<i>Ant.</i>) <i>Analeſta hodie rara.</i>	<i>do Presb. merita.</i>	<i>343</i>
Mattii (<i>J. M.</i>) <i>Opinionum Libri III.</i>	<i>Script. rerum Germ. sub prelo.</i>	<i>343</i>
Maurocenus (<i>Andr.</i>) <i>cur Italia Lipſius dictus?</i>	<i>(Luderi) vita & elogium.</i>	<i>473</i>
Mauroceni (<i>Andr.</i>) <i>Hiſtoria Veneta.</i>	<i>Menconis Chronica.</i>	<i>98</i>
<i>vita clogia varia.</i>	<i>Menſura univerſalis.</i>	<i>508</i>
<i>(Pauli) Hiſt. Ven. & mors.</i>	<i>Mentis quenam ſint partes in motibus voluntariis?</i>	<i>534</i>
<i>De Mayno (Jaf.) Or. in funere Hier. Torti.</i>	<i>Mentem inter & corpus commercium controverſis dedit locum.</i>	<i>532 533</i>
Mazarinus <i>reſormidat Cromwellum.</i>	<i>Meretricum ab excellentibus Piſtoribus piſtarum exempla.</i>	<i>304</i>
Mechanicæ partes.	<i>Merlini (Jac.) Collectio Conciliorum.</i>	<i>61</i>
<i>potentie per motum compoſitum explicata.</i>	<i>Mefſia, olim Romanis Dea.</i>	<i>424</i>
<i>novum genus.</i>	<i>De Meſſia tractatio.</i>	<i>416. 417</i>
<i>opus præſtantiffimum.</i>	<i>Metalli pondus ſine libra determinandum.</i>	<i>122</i>
<i>principium primum quodnam?</i>	<i>Metallorum reductio ad ær minérale.</i>	<i>273. 274</i>
Mechanicum <i>theorema generale.</i>	<i>generatio.</i>	<i>273</i>
Medicus <i>promptus & expertus.</i>	<i>Metallurgia illuſtrata.</i>	<i>274</i>
Medici <i>num olim ſervi?</i>	<i>Metaphyſica contempta.</i>	<i>457</i>
<i>immenſo ſtipendio alii.</i>	<i>Metaphyſicæ partes.</i>	<i>135</i>
Medicis <i>quantus olim honor habitus?</i>	<i>objectum.</i>	<i>136</i>
Medicorum <i>veterum Elenchus.</i>	<i>Meteori igniti deſcriptio.</i>	<i>28 ſq.</i>
<i>Medicum Collegium Londineuſe.</i>	<i>cauſa.</i>	<i>29</i>
Megiferus <i>notatus.</i>	<i>effectus ſtupendi.</i>	<i>29 ſq.</i>
Meiſterlin (<i>Sig.</i>) <i>Chronici Auguſt. Autor.</i>	<i>Meteora ignita ſunt phoſphori naturales.</i>	<i>123</i>
De Melonibus <i>Ægyptiis Tract.</i>	<i>Meteorognoſis inſtrumenta.</i>	<i>124 ſq.</i>
Memoria <i>quid ſit?</i>	<i>Methis, Jovis uxor, quid notet?</i>	<i>373</i>
Menckenii (<i>J. Burch.</i>) <i>de Siſfri-</i>	<i>Methodus Mathem. vindicata.</i>	<i>139</i>
	<i>oppugnata.</i>	<i>140</i>
	<i>num Philoſophia conveniat?</i>	<i>453</i>

Ddd d

Metho-

INDEX

Methodus <i>Philos. spuria rejecta.</i>	139	De Monte Sion (Burch.) <i>Deser.</i>	145
De Metropolitæ Romani <i>varia</i>	436	Terra S.	145
provincia liber.	436	In Morbillis aqua fragorum <i>usus</i>	539
Metus <i>filialis usus insignis.</i>	234	noxius.	539
Mezeray (Franc. Eudes) <i>Vita.</i>	548/4.	Morenz (Ott. & Acerbi) <i>Hist.</i>	51
<i>satyra & Hist. Franc.</i>	549	Laudensis.	51
<i>mores.</i>	550	Mores <i>conjectandi methodus.</i>	235
Miles Germanus <i>perfectus.</i>	378	Per Mores <i>in jure quid notetur?</i>	2425
Militis <i>virtutes & mores.</i>	378	Mosaicæ <i>hist. veritas demonstra-</i>	314
Militi <i>que studia convenient?</i>	378	ta.	314
Militum <i>officia.</i>	379	Moscovitarum <i>nomen unde?</i>	215
Ad Militiam <i>nemo ante annum</i>	487	Motus <i>vertiginis Telluris quan-</i>	215
<i>etatis 17 cogendus.</i>	274	tum <i>valeat in determinanda ejus</i>	246
Mineralium <i>genesis.</i>	274	figura?	246
<i>gravitas specifica s.b.</i>	342	compositus <i>explicatus.</i>	311
Mirzi (Amb.) <i>Operum editio no-</i>	202	compositi <i>usus.</i>	103
<i>va.</i>	342	in cycloide <i>demonstratus.</i>	318
Mittneri (Mattbie) <i>obitus.</i>	202	undulatorius <i>explicatus.</i>	319
Mixta <i>omnia an in sal. sulphur &</i>	273	vitales <i>in corpore humano</i>	534
<i>Mercurium resolvenda?</i>	273	ut <i>persiciantur?</i>	534
Modestia <i>in controvertendo in</i>	135	Multitudo <i>idem sentientium qua-</i>	458
<i>quo consistat?</i>	135	le sit <i>argumentum?</i>	120
Momentum <i>theosor ab ejus veri-</i>	135	Multiplicatio <i>compendiosa.</i>	305
<i>tate vel falsitate distinguendum.</i>	135	Mummius (L.) <i>an pictor?</i>	269
De Monacio (Laur.) <i>Chron. Ven.</i>	290	Mundus <i>optimus qui dicatur?</i>	269
MS.	290	<i>presens cur Buddeo non</i>	462
Monachorum <i>vitia detecta.</i>	309	probetur?	462
Monarchiæ IV <i>in nummo.</i>	150	Mundi <i>optimi electio num dogma</i>	269
<i>sq.</i>	150	periculosum?	461
Monastica <i>disciplina illustrata.</i>	47	<i>terminus a parte anter-</i>	461
Monipotius (Sim.) <i>novus Colle-</i>	305	ori <i>hyperphysic.</i>	461
<i>ctor Epist. Pont.</i>	70	Muniendi <i>forma nova trigoni</i>	383
Monogramma <i>Christi in nummo</i>	152	regularis.	383
Alexandri M.	152	Musæa <i>Vratislaviensis.</i>	42
Monstrosi <i>fetus descriptio.</i>	180	Muscarum <i>in roseto nidulanti-</i>	498
Monstrum <i>bicorporeum.</i>	181	um <i>historia naturalis.</i>	498
Montani <i>incolatus salubritas.</i>	130	Musculorum <i>oculi numerus irre-</i>	185
	130	regularis.	185
		motus <i>per experi-</i>	246
		menta <i>comprobat.</i>	246
		Musca-	

R E R U M.

Muffati (Albertini) Opera histo-
rica. 345

Nani (Bapt.) Hist. Ven. lauda-
ta. 292

Vita compendium. 295

Nardini (Fav.) Roma Vetus. 46

Nates cerebri deficiunt. 185

Natura ut gratia perficiatur? 240

intermedia inter corpus

& spiritum explosa. 533

Naturæ vires quantum valeant

in studio virtutis? 239

& gratia discrimen

distincte explicatum. 239. 240

Naturalismus impugnatus. 413

Naturalium rerum principia

quæ? 189

Naugerii (Andr.) scripta crema-
ta. 291

Navigium submersum extraben-
di modus. 122. 176

Nausea. 286

Nectar & Ambrosia quid in fabu-
lis? 372

Neocori. 45

Neomagenfis pacis acta. 251

In Nephritico dolore cum urina

vermes exclusi. 497

Nerii (Jof.) Analeſta. 46

Nervorum structura est tubulosa. 39

Newtonus (If.) notatur. 281

S. Nicephori Opuscula. 2. 3

Nicetas contra Latinos. 83

Nicolini (Domin.) Collectio Conc. 62

Nivium Mutina cadentium quan-
titas. 493

Nomina nova a doctis Italis ad-
scita. 293

Nomos, Deus, quis? 370

Normannicarum legum Codex. 347

Nos, vocis, usus quando caperis in
diplomatibus? 174

Notionum differentia. 139

Notkeri Balbuli Martyrol. 3

vita. 84

Canonizationis acta. 146

Numeri Tangutani. 328

Numerorum perfectorum inven-
tio. 120

divinatio. 120

Numinus Placidii Valentini

singularis. 154

Nummi Vespasiani & Domitiani

explicati. 7-9

Brandeb. illustrati. 349

a Smyrnenis in Medico-
rum honorem cusi. 167/4.

Parthorum. 194

Persarum. 195

De Nummis contorniatiss Diff. 153

O quid in Brandeb. nummis?

Obeliscos erigendi ratio. 349

Obligandi modus optimus. 234

Obligatio quotuplex. 525

Observationes Astronomicae. 365/4

Occultationis fixarum & plane-
tarum calculus. 275

In Oculo est duplex musculus,

trocilearis & patientia. 185

Oertelii (Frid. Ben.) Diff. de Ru-
perto laudata. 214

Oesophagus. 286

Oestrum quale insectum? 498

Officiorum ordo in praxi. 235

Oleum sacrum. 132

Ordo architect. Gallicus, Hispa-
nicus & Germanicus. 530

Ordinis Teutonici jura. 86

Ordinum architecton. Geometri-
ca constructio. 529

D d d 2

Ordi-

I N D E X

Ordinum <i>architecton. diversitas</i>	<i>rhodus nova.</i>	507/9.
<i>apud diversos Autores.</i>	Parasol portandi <i>jus apud</i>	Mogoles Regibus proprium.
<i>divisio.</i>	530	331
<i>usus in januis, fenestris & caminis.</i>	531	Parcæ ad legem æternam relata.
De Ordinibus <i>architecton. Autores.</i>	530	374
Organum <i>hydraulicum in numero.</i>	154. 165	Parei (Dan.) <i>Historia Palat. suppleta.</i>
Osculandi <i>pedes Pontif. mos.</i>	207	Pareliorum <i>descriptio.</i>
De Otfridi <i>Evangelii singularia.</i>	399	De Parenthesi <i>sacra Tr.</i>
Otto III <i>Imp. ut cognominatur?</i>	391	Parthorum Regum <i>Hist. per numeros.</i>
Otto a S. Blasio <i>emendatus.</i>	51	Parutz (Pauli) <i>obitus.</i>
S. Ottonis <i>Pomer. Apost. vita.</i>	84	<i>vita.</i>
Ovi <i>phenomenon in antlia pneumatica.</i>	499	<i>Hist. Venet. laudata.</i>
Pacis <i>Neomagensis acta.</i>	251	Passionei (Dominici) <i>sermones.</i>
<i>tractatum Corpora nova.</i>	288	Passionum <i>cum ratione concertur.</i>
Pacuvius, <i>Pictor & Poeta.</i>	304	Patriarchæ in <i>Russia autoritas unde?</i>
Padi <i>velocitas & capacitas.</i>	493	De Patriarchis <i>Antioch. Tr. 107/q.</i>
Palatia Regum <i>Franc. vet. cur notanda?</i>	386	<i>CPantis, Hieros. & Alexandrinis quinam scripserint?</i>
Palatinæ <i>historia Miscella.</i>	213	Patuse (Jo.) <i>Encyclopadia Philol.</i>
De Palatio <i>Sale Tract.</i>	386	S. Pauli <i>Acta Philippenſia illustrata.</i>
Palingenius, <i>vero nomine Petr. Aug. Manzellus.</i>	512	<i>jus civitatis quale?</i>
De Palma <i>varia.</i>	131	Pauli (Theodorici) <i>Chron. ineditum.</i>
Pancovii (Thoma) <i>vita.</i>	480	Pedantæ <i>nomen unde?</i>
De Pane <i>Tract. phys. Theol.</i>	133	Pediaſuni (Jo.) <i>Deſiderium Gr. Lat.</i>
Pantheon <i>cur dictum Chronicon Gotfridi Viennensis?</i>	343	Pedicularis <i>morbus.</i>
Papyri <i>solum natale & priſcus uſus.</i>	134	Pedruffi (Pauli) <i>obitus.</i>
Paracelfus (Theoph.) <i>prænomen Aureoli errore adſcivit.</i>	397	Pendulorum <i>motus quantum valeat in figura Telluris determinanda?</i>
De Paradiso (Jac.) <i>de cauſis Paſſionum.</i>	319	Pentateuchus <i>Mos vindicatus.</i>
Parallaxis <i>Solis inveſtiganda me-</i>		<i>Ad Perfectionem perveniendi via.</i>

R E R U M.

<i>In Peripnevmonia spiritus salis</i>	Phosphori Kunckelii preparatio
<i>usus noxius.</i>	540
<i>De Persarum Regum nummis Tr.</i>	Photii <i>quadam scripta.</i>
105	3
<i>Peruccarum usus clero interd-</i>	<i>In Phthilico bectico equitatio sa-</i>
<i>ctus.</i>	<i>lutaris.</i>
<i>Pestis/ ex annorum Surata.</i>	540
<i>Petavii (Dion.) nota in Themistii</i>	<i>Physica problemata.</i>
<i>Orat.</i>	122
<i>Petrus, Eccl. Antiochena fundator.</i>	<i>certa quomodo comparan-</i>
198	<i>da?</i>
<i>Petri I Imp. Russita.</i>	505
<i>Petri Diaconi de Vir. Ill. Casin.</i>	<i>Physicæ mathematica argumen-</i>
<i>Pharamundus an refederit Salz-</i>	<i>tum.</i>
<i>burgi?</i>	505
<i>Pharaonis montes.</i>	505
<i>De Philologix S. studio Tr.</i>	<i>In Physica Autores celebres.</i>
<i>Philosophi nomen quis mercatur?</i>	505
236	<i>Physices Institutiones.</i>
<i>Philosophia Wolfiana. Vid. Wol-</i>	188
<i>fius.</i>	<i>principia nova.</i>
<i>Newtoniana qua-</i>	507
<i>nam?</i>	507
<i>Philosophiæ definitio Wolfiana.</i>	<i>Pica.</i>
138	286. 287
<i>ad usus publicos re-</i>	<i>Pictores feminarum picturis ex-</i>
<i>ductio.</i>	<i>cellentes.</i>
<i>metbodus spuria</i>	304
<i>rejecta.</i>	<i>Picturæ veteris Historia.</i>
<i>practica Instituti-</i>	303
<i>ones.</i>	<i>Picturam qui cum Poësi conjunxe-</i>
<i>univers-</i>	<i>runt?</i>
<i>salis argumentum.</i>	304
<i>Sinarum præstan-</i>	<i>Pietas Philosophica.</i>
<i>tia.</i>	238. 239
<i>non agnita.</i>	<i>Pietatis Philosophica definitio.</i>
238. 239	267
<i>Philosophorum criteria.</i>	<i>usus.</i>
<i>Phosphorus ex alui facibus præ-</i>	467
<i>paratur.</i>	<i>Pietatem Philosophicam qui in</i>
123	<i>Philosophiam introduxerit?</i>
<i>vitreus.</i>	267
<i>mercurialis.</i>	<i>Ad Pietatem Philos. quam refe-</i>
123	<i>rantur?</i>
<i>Phosphori naturales & artificia-</i>	267
<i>les.</i>	267
123	<i>Pii IV Pont. Epistola notabilis.</i>
123	94
123	<i>De Piles notatus.</i>
123	305
123	<i>Piovenius (Petr.) laudatus.</i>
123	5. 6. 7
123	<i>Pisana Chronica quinque.</i>
123	49
123	<i>Pisces somnum non capiunt.</i>
123	330
123	<i>Pistorii (Ge. Tob.) merita in jura</i>
123	<i>Comitum S R. Imp.</i>
123	103
123	<i>Placenta uterina ut extrahenda?</i>
123	40
123	<i>Plagiatorum fraudes detectæ.</i>
123	340
123	<i>Planetarum distantia media a</i>
123	<i>Sole.</i>
123	509
123	<i>Planetolabium.</i>
123	228
123	<i>Plani inclinati theoria universa-</i>
123	<i>lius tradita & ab erroribus li-</i>
123	<i>berata.</i>
123	313
123	<i>Ddd d 3</i>
123	<i>Plan-</i>

I N D E X

Plantæ marina.	242.243	Porphyrî editio nova promissa.	473
Plantarum generatio.	122	Potentia mechanica illustrata.	175
De Plantis Scriptura S. Tr.	130	Potus immoto gutture deglutitus.	287
Pleuritis sudore judicata.	540	Præmium quando illesa virtute	234
Plinii historia Pictura illustrata.	303	in actionem influat?	356
editio prima commendata.	303	Præsidis Academiæ scient. virtutes.	356
locæ variæ emendatæ.	304	Praxis morum Confuciana & Wolfiana.	234.235.238
Ploenes Antiquitates.	18/9.	Præciosus in studio virtutum necessitas.	236
Plutarchus notatur.	527	Prezzinenses Antiquitates.	21
Pluvialis aqua an fontibus originem præbeat?	489.490	Principium rationis sufficientis & Confusio ad moralia applicatum.	233
ad quam profunditatem penetret?	489.490	reductionis in arte	237
Pluviarum Mutinæ cadentium quantitas.	493	inveniendi commendatum.	237
Podagra per nodos extraordinarios soluta.	480	Principia rerum naturalium quæ?	189
Podiebratius (Ge.) Regis Germ. dignitatem ambit.	444	Problema Arithmeticum propositum.	225
Pœnarum infernalium æternitas probata.	545	solutum.	226
Pœseos Germani incrementa.	143	Geometris propositum.	360
Pœsin qui cum pictura conjunxerint?	304	Mathematicis proposit.	361
Poggii Flor. libri de varietate fortunæ emendati.	220	Problemata mechanica varia soluta.	314
Politice argumentum.	268	Prodigi curatela unde orta?	26
Polyporum varium exempla.	287	Progressionis Geom. & Arithm. usus.	120
Polyplastus usus.	176	Protoplasti an habuerint lumbricos?	497
Polyplastorum theoria ab erroribus liberata.	312	Prussicæ Polonicæ Historia.	102
Pondus metalli sine libra determinandum.	122	Prussorum jura a Polonis subversa.	103/q.
are attollendi ratio.	176	Prænnius ob Histriomastigen editum punitur.	483
Ponderum suspensio juxta directiones obliquas.	314	Psalmi (Nic.) scripta de Conc. Trid.	98
varietas.	381.	De Psalmis (Nic.) singularia.	98
Ponti Regum Historia.	195	Pueri conspurcati signum an ex ano peti possit?	286
Pontici Verunii nomen unde?	293		Pal-
Pontifex num possit errare.	208		
Pontificis pederosculandi mor.	207		
Pontificum Littera edita.	69		

R E R U M.

Pulvis fulminans. 122

Purchas (Sam.) Itineraria. 482

Pyrites an bodienum generetur?

272

quomodo generetur? 272

Pyrithis historia. 271/q.

nomina. 271

materia. 271.273

figura, colores &c. 271

generis. 274

usus. 274

gravitas specifica. 274

Pyrotechnica problemata. 122

Pyrotechnicæ singularia. 328

Quadratorum magicorum formatio. 120

De Quaternario Pythagoræ Diff. 375

Le Quien Oriens Christianus promissus. 71

Quilibet, pro vulgari & promissus. 71

Jscuo. 424

Rabies canum unde? 536

Radevicus de gestis Frid. Imp. 51

Radulphus Mediol. vulgo Sire Raul. 52

Raguenet, Abbas, notatus. 451

Inter Rationem & appetitum sensitivum lucta unde? 535

De S. Real, Abbas, laudatus. 527

Refractionis ratio. 282

Reginonis Chronica emendata. 342

Regum sanctitas qualis? 221

Religio Lutherana ad pacem Resp. magis idonea, quam Pontificia. 207

De Religione Judæorum Tract. 314

Renes an habeant glandulas? 500

Renes utrique duabus pelvibus & binis ureteribus praediti. 501

succenturiati ductus excretorios ad testiculos vel ovaria non emittunt. 502

Residentem inter & Legatum ordinarium quid intersit? 302

Restitutionis nota in nummis. 162

Retardationes corporum in fluidis motorum. 319

Reuberi (Justi) vita. 345

Reuberianæ Collectionis Scriptorum rerum Germ. editio nova. 345

Rebaniana opera quadam. 3

Ribaldi nomen quid notet? 14

unde ortum? 14

Richmondi Com. illustrati. 9/q.

Ritus Sinarum commendati. 238

Rotenburgenses aqua & igne interdicti. 86

De Rouw (Abrahami) in Terentium merita. 254

Rudd (Thoma) Diquis. de autore Historie Dunelmensis. 482

De Rusdorff (Jo. Joach.) encomium. 302

Vita promissa. 302

Consultatio & Conjectura. 352

Ruthæ historia illustrata. 511

Ruychii (Freder.) encomium. 40

Sabelli fontis origo. 491

Sabellici (M. Ant.) Hist. Veneta. 291/q.

vita. 293

nomen unde? 293

Sala duplex. 386

De Salze Palatio Tract. 386

Saldeni (Guil.) de canis pretio. 46

Salfeldia, feudum Bohemicum. 85

Salisburgensia monumenta & Chron. 84

Salis-

INDEX

Salisburgenſia Concilia.	146	Schurmannia (Eliſ.) poeſi & piſſa-	
Salluſtii nummus.	165	ra excellit.	304
Saltationis uſus in ſacris.	46	Schüzius (Caſp.) jura Pruſſia de-	
Salzburgi veteris ſitus genuinus.	388	fendit.	103
Salvianum Interdictum unde?	113	Scientiarum fata.	355
Salutis, Dea, ſignum in nummiſ.	168	Scriptorum Anatomicorum re-	
Sanctio pragmatica Gallorum.	208	cenſo.	180
Sanctitas Regum qualis?	221	De Scriptura S. unico fidei funda-	
Sanuti (Marini) Hiſtorici Veneti,		mento, Epigramma.	95
anecdota.	290 ſq.	Scripturæ S. loca illuſtrata:	
Sardi (Alrx.) liber de nummiſ Scl-		Gen. I, 30.	515
dæno falſo tribuitur.	484	IV, 7.	422
Sartorum apud Mogolenſes ſuper-		XI.	170
ſtitio.	331	XIV, 14.	412
Saturni Satellitum calcul.	228 ſq.	XX, 24, 25.	170
Satellites quis obſervave-		XXV, 29, 31.	131
rit?	228	Exod. I, 11.	422
Satur. nilabium.	227	XXXV, 35.	435
Saxa praxandria ut transporten-		Num. XI, 5.	323 ſq.
tur?	175 ſq.	Deuter. XXIII, 10.	46
Saxii (Joſ. Ant.) merita in hiſt.		Joſ. VI.	170
Laudenſ.	52	X, 40.	435
Scabinorum liber judicialis MS.		Jud. XV, 4, 5.	132
	19	Ruth I, 8.	422
Scalæ hygrometrica conſtructio.	35	IV, 7.	512
Scenica figura in nummo.	158	1 Sam. II.	171
Scenici ludi primi Romæ in Iſidis		2 Sam. VI, 2.	410
honorem inſtituti.	161	VII.	171
Scepticiniſus tollit omnem reli-		XVIII, 12.	411
gionem.	545	XXIII, 15.	171
Sexti Empirici.	546 ſq.	1 Reg. IV, 43.	133
Scepticorum inſtitutum.	547	Job. XL, 11.	422
fundamentum.	547	Pſ. XXXII.	171
Schefferi (Jo.) Agrippa liberator.		XLI.	171
	45	XLV, tit.	132
Scholæ duplicis apud Sinas di-		LVIII, 10.	132
ſcrimen.	236	LXXXIX.	171
Schuberti (Ge. Adolphi) merita in		Eccleſ. XI, 10.	133
Huberi Prælect. Jur. Civ.	141	XLIII, 19.	533
Schudt (Jo. Jac.) Aſciculus Gr.	353	Eſa. IV, 2-6.	171
		IX, 5, 6, 7.	171
		XI & XII.	171
		Scriptu-	

Scripturæ S. loca illustratæ		Seldeni (Jo.) character.	484 sq.
<i>Esa. XXV.</i>	172	Seldeno (Jo.) falso tributus lib. de num-	
<i>XXXIV. 4.</i>	131	<i>mis.</i>	484
<i>LIII. 9.</i>	422	Selvaghii (Car.) de origine &c. Pan-	
<i>LXIII. 1-6.</i>	172	<i>deli.</i>	115
<i>Jer. II. 22.</i>	133	Senatorium Rom. vet. senatu motorum	
<i>XXIII. 5, 6.</i>	172	<i>conditio.</i>	440
<i>Ezech. X.</i>	172	<i>Roma gradus tres.</i>	440
<i>Dan. VIII. 16.</i>	172	De Senatoribus tractatio.	440
<i>XII. 1.</i>	172	De Senging (Mart.) opera.	320
<i>Hose. XIII. 9.</i>	422	Sensatio ut fiat?	534
<i>Mal. III. 4.</i>	133	Sensus communis ratio.	534
<i>23.</i>	411	Septentrionis gentes cur differant ab	
Matth. IV. 8.	323	<i>aliis?</i>	215
<i>V. 3.</i>	322	Septuagintaviralis Versio unde dicta?	
<i>VI. 11.</i>	134		425
<i>XIII. 13.</i>	133	<i>notata.</i>	434
<i>XV. 15.</i>	412	De Seraphim tractatio.	171
<i>XX. 1.</i>	321	Severus (Alex.) cur leonis exuvii indu-	
<i>XXI. 19.</i>	131	<i>tus in nummis?</i>	154
<i>XXVIII. 7.</i>	220	Sextus Cheron de Medicina ex animal-	
Marc. IX. 19.	411	<i>bus recusus.</i>	352
Joan. I. 47.	219	Sexti Empirici institutum.	546
<i>IV. 48.</i>	322	Siamentium erga sœminas civilitas.	331
<i>VI. 45.</i>	323	Sidetæ (Marcelli) de Medicina & pisci-	
<i>XIII. 34.</i>	322	<i>bus Fragmentum recusum.</i>	352
Rom. V. 7.	323	Siffredi Presb. Epitome auctior.	343
<i>1 Cor. XI. 10.</i>	46	Sigebertus Gemblac. emendatus.	343
<i>2 Cor. IV. 3-10.</i>	323	Silesiæ salubritas.	230
<i>1 Tim. IV. 7.</i>	576	De Simfione tractatio.	171
<i>2 Tim. IV. 17.</i>	323	Sinapis natura.	133
Tir. I. 1.	515	Sinarum Philosophia præstantia.	232 sq.
<i>1 Petr. I. 19.</i>	410	<i>prælice cum Wol-</i>	
Apoc. XIII. 18.	131	<i>fana consensus.</i>	232
<i>XVII. 9.</i>	46	<i>libri classici unde confecti?</i>	239
De Scripturæ S. plantis, arboribus, her-		<i>bitus commendati.</i>	238
bis Tract.	130	Sinceritas ut a simulatione discernenda?	
A Scripturæ S. lectione cur Laici arcen-			235 sq.
di?	220	Sinus frontalis unicus.	184
Scyllæ figura in nummis.	162	Sirmondus (Jac.) notatus.	71
E Secalinis clavis morbus spasmodicu-		Slavorum conversio promota.	19
epidemiis.	480	Socinus (Faust.) carminice refutatus.	95
Secchia, fontis origo.	491	Socinianismi Historia.	259 sq.
Seldenus (Jo.) ter carceri mancipatus?		Socratis nummus.	155
	481	Solis Semidiameter apprens.	508
<i>larvas publice duxit.</i>	481	<i>distans media a Terra.</i>	510
<i>refutatus.</i>	482	<i>parallaxis horizontalis.</i>	510, 511
Seldeni (Jo.) vita.	482	De Solæcismis literariis Tr.	397
Bibliotheca Bodlejana illata.	484	Somneri Litus Saxon. per Britanniam,	
conjugium clandestinum.	484	<i>liber ineditus.</i>	482
		Ecc e	Soni

INDEX

Soni <i>intensitas explicata.</i>	319	Suevi olim <i>Thuringis confines.</i>	388
Spalatini (Gr.) <i>Diarium ineditum.</i>	93	Sufficit, <i>Symbolum J.V. Andrea.</i>	93
Spasmodicus morbus <i>epidemicus ex clavis</i>		Suffocatio a <i>fabâ deglutita berente.</i>	288
<i>fecalini.</i>	480	Suffocationis <i>causa rara.</i>	480
Spectabilis <i>quid in nummo notet?</i>	165	Sulphur in <i>pyrite obvium.</i>	272 sq.
Speculi Saxonici <i>Codex vetustus.</i>	19	<i>crudum terram martialem alit.</i>	
Speculorum <i>phenomena explicata.</i>	120		273
Sperlingius (Otto) <i>de Crepid.</i>	46	Suri (Laur.) <i>Collectio Concil.</i>	62
Spermatice <i>vene sese associans ramus</i>		Suturæ cranii <i>obliterate.</i>	184
<i>vene lumboris.</i>	185	Syllogismi <i>autoritas labefactata.</i>	547 sq.
Sphinxes <i>quid in nummo Isidis?</i>	160	Sylvii (Æneæ) <i>inconstantia.</i>	208
Spinoza (Bened.) <i>refutatus.</i>	412	Symbolorum in <i>nummis ratio.</i>	156
Spiritus <i>quos hominem agitent?</i>	263 sq.	Symposii <i>Laurentii editio recensita.</i>	220
<i>animalis ex foro medico relega-</i>		Synodi <i>Va S. Bonifacio habite.</i>	388
<i>tus.</i>	36		
<i>animales quid?</i>	37-38		
<i>non dantur.</i>	37		
In Spiritum S. <i>peccatum, quodnam?</i>	545		
Spirituum <i>animalium morbi.</i>	38-39		
<i>usus.</i>	39		
De Spiritibus <i>animal. Systema defensum.</i>	39		
Spole (Haguini) <i>Sententie Græcæ.</i>	353		
Sponii (Jac.) <i>Aræ Deor. ignot.</i>	46		
Stahlius (Ge. Ern.) <i>commendatus.</i>	535		
<i>ejus sequaces.</i>	538		
Stapulæ <i>jus Lipsiæ concessum.</i>	174		
Statera <i>hydrostatica.</i>	383		
Staterarum <i>varia species.</i>	381		
Staticæ <i>Scriptores.</i>	381		
Statua P. Bembi <i>Patavina.</i>	295		
Stekii (Jo.) <i>Observ. anticris. Juris.</i>	117		
De Stella <i>Magis pralucente sententia sin-</i>			
<i>gularis.</i>	210		
Stenzelius (Chr. Godofr.) <i>castigatus.</i>	480		
Stercoris <i>analyfis chymica.</i>	286		
<i>preparatio.</i>	286		
<i>usus medicus.</i>	286		
Stereometria <i>ad architecturam civilem</i>			
<i>applicata.</i>	531. 532		
Sternor (Henr.) <i>Annales.</i>	146		
Stewartius <i>de scriptis Photii.</i>	3		
Stoicum <i>fatum quid sit?</i>	459. 461		
Struthio <i>ferrum an digerat?</i>	499		
Struthionis <i>anatomie.</i>	498		
Sturmii <i>Consejtuadines.</i>	306		
Sturmii (Leonb. Chr.) <i>studia Mathem.</i>	140		
Suculæ <i>usus.</i>	175		
In Suetonium <i>nota.</i>	217		
		T	
		<i>quid notet in Brand. nummis?</i>	349
		<i>Tabanus quale insectum?</i>	498
		Tabulæ <i>novæ quid?</i>	45
		<i>Astronomicæ celebres.</i>	274
		Tabularum <i>Anatom. Compend. utile.</i>	179
		Tangutani <i>numeri.</i>	388
		Telescopia.	122
		Telluris <i>figura Newtoniana probata.</i>	508
		<i>ut investiganda?</i>	246
		<i>ballenus non satis pro-</i>	
		<i>bata.</i>	244 sq.
		Temperamentum <i>sanguineum quas pa-</i>	
		<i>riat inclinationes?</i>	534
		Temperamenta <i>nam necessitent?</i>	534
		Templius <i>convivia amavit.</i>	248
		<i>munera non fastidivit.</i>	249
		P. Terentius <i>commendatus.</i>	253
		Terentii <i>nummus.</i>	155
		Terentiani <i>quinam disci?</i>	253
		Terentianum <i>Lexicon.</i>	254
		Terminus, <i>Deus, in nummo.</i>	165
		Termini, <i>Dei, forma.</i>	375
		Terra <i>quid?</i>	90
		Terræ <i>motus artificialis.</i>	122
		Tertiana <i>febris conjugio curata.</i>	540
		<i>balecis usu curata.</i>	ib.
		<i>creta usu curata.</i>	ib.
		Tertullianus, <i>Pater & JCius, an unus</i>	
		<i>idemque?</i>	114
		Testæ <i>cerebri deficiunt.</i>	185
		De Testamento <i>valido Tr.</i>	22
		Thematis <i>cælestis erigendi modus.</i>	121
		Themis <i>cur duplex?</i>	370
			The-

R E R U M.

Themis cur secunda Jovis conjux?	373	Trullus quid?	2
Themidis synonyma.	369	Tuba stentorophonica.	122
epitheta.	371	Tuborum Newtonianorum praestantia.	228
officium.	371		
De Themide fabula explicata.	369	A Turre (Phil.) Diff. de Beleno.	46
	375	Ad Tullium extracti peti efficacia.	540
Theodemari' Usus Casinenses.	306	De Tutela furiosae disquisitio.	23/9.
Theodori Hagiopol. varia.	3	Typographiae prima specimen.	99
Theodulphi Elogia.	3	origo.	93
Theologiae definitio.	515	De Typographiae origine promissa.	93
incrementa.	516		
naturalis methodus scienti-		Typographorum in Anglia libertas	483
fica.	136	vindicta.	483
Theologici studii Instit. litterariae.	416	Tyskiewicz (Gr.) Responsio &c. recusata.	350
Theologorum summorum de philosophia Wolfiana confessio.	459		
Theoriae magneticae historia.	357.	V	
	360 sq.	Aillant (Jo. Foy) Numism. arca	45
Thermæ Valderianae.	324	Impp.	45
Thermometra varia.	384	Valderianae sberma.	324
Thermoscopii Florentini praestantia & constructio.	124.125	Valderiani fontes.	326
Thomasii (Jof. Maria) institutiones veterum Patrum.	353	Valentiniani (Placidii) nummus singularis.	154
Theromachus.	2	Vallii (Gabr.) libri singulares.	116
De Thuillero (Ant. Vinc.) judicium.	400	Vaporum vis in hygrometra ut determinanda?	34
		humectandi vis unde?	35
Thümmigii (Lud. Phil.) Institutiones Philof. Wolfiana commendatae.	461	In Variolarum diarrhoea nitri utilitas.	539
Thuringiae veteris amplitudo.	387	Variolae passus infans, cujus mater gestationis tempore menses passa fuit.	539
Tiraquelli (Andr.) Sylloge Medicorum veterum.	352	Vasalli, senescentes de corona Regis ariadebent auxilia.	15
Toinardi (Nic.) fragm. hist. Herodiadae.	46	Vecerii (Conr.) vita Henr. VII illustrata.	346
Tolnerus (C.L.) emendatus.	213	e Jo. Villanio depromta.	346
Tomus pro Autore habitus.	397	Vestis usus in ponderibus loco movendis.	175
Torrentius refutatus.	113	theoria ut tradenda?	318
Transpiratio insensibilis corporis humani.	322	Vehmici judicii ordinatio.	353
Trianguli arithmetici usus.	120	Velseri (M. J.) Supplem. monum. Augusti.	398
vestianguli in numeris rationalibus integris determinatio.	120	Vena lumbaris spermatica junctio.	185
Tridentini Conc. Patrum suffragia.	98	Venationum jura in Germania.	174
Trigoni muniendi forma.	383	Venatoria (Balth.) scripta.	214
De Trinitatis mysterio tractatio.	416	Venenum canis rabidi quodnam?	536
Trivorii (Gabr.) Obs. ad Infer. &c.	116		
Trochlearum usus.	312		

Vehetorum rerum Scriptores.	289 sq.	Vita corporis in quo consistat?	535
Veneti historici recensiti.	290 sq.	bominis in quo consistat?	535
Ventriculus ejusque morbi.	286	Vitra caustica.	122
amplius in belluone.	288	Vitringa notatus.	171
perforatus.	288	Vitriolum ex pyrite ut eliciatur?	271
Ventriculi situs perversus.	288	ut in pyrite contineatur?	273
spbacelus ab ambusione.	283	Ulyssipone latitudo.	368
wulnus non lethale.	283	Undus notat virum devotum.	72
Venus, pars fixa pyrite.	272	Unio physica Langii.	462
Verächten quid sit?	87	Voigt von Salzburg, Nobiles, unde de-	
Veritatum moralium certitudinem ut		scendant?	391
scrutatus sit Confucius?	232, 233	Volmari (Ant.) obitus.	262
Verminea atrophica defuncti anatome.	480	Vomitus.	286
Vermis sub vipera forma cum urina ex-		extraordinarii.	288
clusus.	496	Voracitatis causa.	287
in naribus vel cavitate frontis		exemplum.	287
historia naturalis.	498	Wratislaviense rerum natural. & artif.	
Velicæ urinariae tunica musculosa depi-		promptuarium.	42
cta.	501	Wratislaviensis Musæa.	42
fundus perineo adheret.	502	Uranios cur se vocarint Cæloti?	293
Ughellus (Ferd.) notatus.	50	Urbium Imperial. curialia.	251
Viennensis Academiæ Rectorum Cata-		Ureteres non habent tres membranas.	501
logus.	213	Ureterum diametri diverse.	501
Vindiciani opuscula recusa.	352	Urethræ liquor a glandulis secretus.	502
In Vineâ operantes quinam?	321	Urina ab ureteribus ad vesicam non pro-	
Vinum myrrhatum.	132	truditur.	502
Alonense Solis radiis expositum		omnium collationum excrementa	
fit melius.	330	continet.	502
unde in acetum degeneret?	502	respondet assumptorum quantita-	
Vires hominis in attollendis ponde-		ti.	502
ribus.	176	quid sit?	502
centrales in sectionibus conicis		Urinæ secretio ut fiat?	502
demonstrate.	318	Cum Urina firmes exclusi.	496, 497
Virium mensura Leibnitiana experi-		Urinariæ viæ examinata.	499 sq.
mentis confirmata.	317, 506	Uteri musculus orbicularis.	40 sq.
identitas ante & post consilium		vagina sarcoma cancrum.	480
demonstrata.	318	Ex Utero morbus rarus.	517
Virgilius emendatus.	468	Urinum ab Attila conditum.	294
Virtutis vere indoles.	234	Uva quid notet in nummo Alex. M.	1524
adminicula singularia.	236		162
magnum adjumentum.	237	De Waging (Bernardi) liber sin-	
Cristiane a Philosophica di-		gularis.	319
scrimen.	239, 240	Wagnerus (Christi.) laudatus.	196
Virtutum intellectualium numerus.	267	(Jo. Valent.) faber	
Virunii (Pontici) nomen unde?	293	ferrarius, quomodo de controversia	
		anti-Wolsiana scripserit?	464
		Wala-	

R E R U M.

Walafridi Strabi <i>Carmina.</i>	3	Wolfii (C.) <i>Philosophie cum Theologia</i>	
S. Walpurgis <i>vita.</i>	4. 146	<i>revelata consensus.</i>	135
Wartenbergeri (Laur.) <i>obitus.</i>	262	<i>practice cum Si-</i>	
Wasse (Jos.) <i>formule salutandi.</i>	353	<i>nensi consensus.</i>	232 sq.
De Weilheim (Udalr.) <i>Opera varia.</i>	320. 321	<i>merita in Logicam.</i>	137
Weingartense <i>Chronicon.</i>	84	<i>character.</i>	140
De Welming (Jo.) <i>Epistole.</i>	320	<i>Institutiones Philosophice.</i>	268
Wenceslai Imp. <i>confirmatio pacis publice.</i>	86	<i>Aerometria commendata.</i>	378.
Wenceslaus Imp. <i>primus aquila bicipite in sigillis usus.</i>	349	<i>383. 505</i>	
Wester-Hembde, <i>vocis, etymologia.</i>	512	<i>metodus conjectandi mores</i>	
Wexyonii (Mich.O.) <i>Descr. Suecia re-</i>	350	<i>commendata.</i>	378
<i>cusa. Rota fortune.</i>	351	<i>monometron.</i>	384
<i>nobilitas & officia.</i>	351	<i>anemometron.</i>	385
Wielingii (Ahr.) <i>in Donatum merita.</i>	254	<i>Experimenta commendata.</i>	382
S. Wilhelmi <i>Constitutiones Hirsaug.</i>	307	<i>elogium.</i>	508
<i>de disciplina Eccl. merita.</i>	307	<i>quenam sint in Philosophiam</i>	
S. Willibaldi <i>vita.</i>	2. 83	<i>merita?</i>	457
S. Willibrordi <i>scripta varia.</i>	2	<i>adversarii.</i>	455. 457
Windbergense <i>Chronicon.</i>	84	<i>notati.</i>	136
Wipponis <i>Papegyricus Henrici</i>	111.	<i>defensores.</i>	464
De Witt (Jo.) <i>gesta.</i>	15 sq.	<i>mos scribendi.</i>	458
<i>studium juvandi Remp.</i>	16 sq.	<i>metodus scribendi.</i>	459
De Wittio (Jo.) <i>judicium.</i>	18	<i>dogmata a Spinozianis der-</i>	
Wolfius (Christ.) <i>cur agnoveris Philo-</i>	239	<i>sa.</i>	459
<i>sophie Sinensis prestantiam?</i>	239	<i>Sytlema num ex systemati-</i>	
<i>quid circa philosophiam pra-</i>	239	<i>bis Idealistarum & Materialistarum</i>	
<i>dicam molitus?</i>	239	<i>per harmoniam preestabilitam com-</i>	
<i>refutatus.</i>	451 sq.	<i>binatis sit compositum?</i>	467
<i>defensus.</i>	455 sq.	<i>studium in harmoniam pra-</i>	
<i>qualem defensorem nactus?</i>	456	<i>stabilitam commendatum.</i>	533
Wolfii (Christiani) <i>Elementa Mathe-</i>	120. 275	De Wolfii (Chr.) <i>Philosophia quid vi-</i>	
<i>seos commendata.</i>	120. 275	<i>deatur summis Theologis?</i>	459
<i>Philosophia impugnata.</i>	334.	Wolfsteiniorum Comitum <i>Historia ge-</i>	
<i>vindicata.</i>	268. 269.	<i>nealogica.</i>	393
<i>commendata.</i>	139	<i>Insignia de-</i>	
<i>Philosophia utilitas & inno-</i>	134 sq.	<i>scripta.</i>	396
<i>centia.</i>	134 sq.	S. Wunibaldi <i>vita.</i>	2
		Xenophontis <i>Cyropadia, historia</i>	
		<i>vera.</i>	217. 218
		E Xiphilino Dio <i>Cassius restitutus.</i>	
		<i>436 sq.</i>	
		<i>num iusto</i>	
		<i>restitui potuerit?</i>	438
		E e e c 3	S. Zacha-

INDEX RERUM.

S. Z Achariz Pont. scripta quedam.	1	Zeni (Apost.) Bibl. Scriptorum Venet. promissa.	290
Zampoango in Solem & stellas potestatem habet.	330	Vita M. A. Sabellici.	293
Zeni (Apostoli) encomium.	289	Zeni (Petri Castbarini) merita in scriptores Venetos.	295

Errata.

Pag. 9 lin. 1 lege ΙΟΥΔΑΙΩΝ, lin. 3 init. l. quibus, p. 128 l. 10 l. Kauxdorffius, p. 203 l. 4 pro Olaum lege Christianum, p. 305 l. 1 pro qui lege qua, p. 350 l. 5 pro qua l. quibus, p. 487 l. 25 pro malitiam l. militiam, p. 547 l. 16 lege relinquunt.





11

11





